




UNIV. OF
TORONTO
LIBRARY







ÆFISAGA
JÓNS ÓLAFSSONAR
INDÍAFARA

SAMIN AF HONUM SJÁLFUM
(1664)

NÚ Í FYRSTA SKIFTI GEFIN ÚT
AF
HINU ÍSLENSKA BÓKMENTAFJELAGI

MEÐ ATHUGASEMDUM
EFTIR
SIGFÚS BLÖNDAL



KAUPMANNAHÖFN
PŘENTSMİĐJU S. L. MÖLLERS
1908—1909

14 3 8 6 3
" / 10 / 17

FORMÁLI.

I.

Bók sú, sem hjer kemur á prent í fyrsta skifti, nærri því þrjúhundruð og fimtíu árum eftir að hún var samin, er að mörgu leyti merkileg. Hún er ein af hinum fáu sjálfsæfum í íslenskum bókmentum og ein af okkar fáu reglulegu ferðabókum. Í henni eru mjög merkilegar og góðar lýsingar á lífinu í Kaupmannahöfn á dögum Kristjáns 4., og hún fræðir um ýmislegt, er menn ekki hafa vitað til hlítar áður, viðvíkjandi staðarlýsing þeirrar borgar. Hún er á kafla merkilegt heimildarrit fyrir verslunarsögu Norðurlandabjóða á Indlandi og gefur góðar upplýsingar um sum atriði í Íslands sögu, sem ekki fást annars staðar. Af öllu þessu leiðir, að hana má telja með merkari ritum í íslenskum bókmentum á 17. öld.

Að íslenskri alþýðu hefur fallið sagan vel í geð má ætla af því hvað margar afskriftir eru til af svo löngu riti. Lærðir Íslendingar og útlendingar, sem þektu ritið, hafa heldur ekki verið í neinum vafa um gildi þess. Finnur biskup Jónsson (Hist. Eccl. Isl. III, bls. 563) bendir á, að í riti Jóns sje ýmislegur fróðleikur, sem ekki sje annarsstaðar að fá, og Hálfðán Einarsson (sem nefnir bókina Hist. litt. Isl. 1786, bls. 154—155) reyndi til að gera hana kunna í útlöndum. Sendi hann hinum danska sagnaritara J. H. Schlegel útdrátt á dönsku úr sögunni. Schlegel ljet svo prenta útdrátt úr sögunni á þýsku, í hinu merka safnriti sínu Samlung zur Dänischen Geschichte II, 4, bls. 173—179, Kph. 1775, er sá útdráttur eingöngu úr 1. hlutanum; átti framhaldið að koma síðar, en Schlegel dó frá verkinu

og varð svo ekki meira úr því. — Merkilegt er það að Espólin ekki virðist hafa þekkt söguna, að minnsta kosti hefur hann ekki í árbókum sínum tilfært neitt um víg Pjeturs hirðstjóra, og eru þó ekki mörg hirðstjóravígin á Íslandi, ekki heldur um bardagann milli Englendinga og Frakka fyrir Látrabjargi, nje sendiförina til Bessastaða og það sem í 3. parti sögunnar er sagt um Tyrki þar, en allt þetta hefði hann líklega notað ef hann hefði þekkt bókina.

Á 19. öldinni fengust nokkrir við ritið. Í Konunglega bókasafninu í Khöfn er til dönsk þýðing (hdr. Ny kgl. Saml. 2077 a, sjá skrá Dr. Kålungs, bls. 289—90), en hún endur í 16. kap. fyrsta partsins, og er full af misskilningi og vitleysum; hún hefur því aldrei verið gefin út. Heyrt hef jeg sagt að Páll heitinn Briem amtmaður hafi haft í hyggju að gefa söguna út, en orðið að hætta við það. Þá gerði Valdimar Ásmundsson ritstjóri útdrátt úr sögunni, og birti í blaði sínu Fjallkonunni 4. árg. 1887. Ólafur Davíðsson birti í Sunnanfara V, 37—38 frásögn Jóns um viðræðu sína og Jóns Halldórssonar við Kristján 4. (hjer bls. 49—50) og um Íslendinga í Höfn (hjer bls. 33—34). Dr. Jón Þorkeðsson landsskjalavörður gaf út kaflana um Tyrkjaránið (III. partur, k. 2—6) í »Tyrkjaránið á Íslandi 1627. Sögufélag gaf út. Rvík 1906—09«, bls. 200—316. Árið 1905 kom út fyrsti partur bókarinnar í danskri þýðingu eftir mig: Jon Olafssons Oplevelser som Bøsseskytte under Christian IV. Nedskrevne af ham selv. I Oversættelse ved S. Blöndal. Udgivne af Julius Clausen og P. Fr. Rist. Gyl-dendalske Boghandel, Nordisk Forlag (København 1905), V + 244 bls. 8^o, og er sú þýðing 1. bindi í ritsafninu »Memoirer og Breve« sem þeir Julius Clausen bókavörður og P. Fr. Rist ofursti gefa út. Athugasemdirnar voru langflestar eftir þá útgefendurna, jeg ritaði líka stuttan formála og ýmsar athugasemdir um það er Ísland snerti. Árið 1907 kom svo síðari hlutinn: Jon Olafssons Oplevelser som Ostindiefarer under Christian IV. Nedskrevne af ham selv. I Oversættelse ved S. Blöndal. Udgivne af Julius Clausen og P. Fr. Rist. Gyldendalske Boghandel, Nordisk

Forlag (København 1907), V + 198 bls. og er það 7. bindi í »Memoirer og Breve«. — Seinni hlutinn er mjög stytur í þýðingunni, og er fremur að skoða sem útdrátt en eiginlega þýðing víðast hvar. — Viðv. athugasemdunum skiftum við eins verkum með okkur og við fyrra partinn. Mjer varð ánægja að því, að áður en bókin kom á prent, var handritið að henni notað sem aðalheimildarrit fyrir elstu sögu dönsku nýlendunnar í Tranquebar af dönskum vísindamanni er fjekkst við það efni um þær mundir (Hr. Kay Larsen í De dansk-ostindiske Koloniers Historie I. Kbh. 1907). — Þýðingum þessum var vel tekið og ýmsir hvöttu mig til, sumir opinberlega, aðrir í brjefum til mín, að gefa út íslenska frumritið. Hafði jeg lengi haft það í hyggju og rjeði þá af að gera það. Hafnardeild Bókmentafjelagsins samþykkti svo að gefa það út á árssfundinum 23. Apríl 1907. Er þeirri útgáfu nú lokið. Skal jeg hjer í formálanum drepa á nokkur atriði viðvikjandi höfundinum, sögunni, og starfi mínu.

II.

Jón Indíafari reit þessa bók í elli sinni og er því eðlilegt að hann sumstaðar hefur misminnt um ártöl og svo um nöfn og einstök önnur atriði. Flest af þessu er þó óverulegt, og er leiðrjett hjer í athugasemdunum. En til þess að fá glöggt yfirlit yfir alt saman set jeg hjer helstu atriðin úr tímatalinu.

Jón Indíafari er fæddur 4. Nóv. (gl. st.) 1593 (bls. 5); hann fer til Englands snemma um sumarið 1615 (bls. 13); til Danmerkur frá Englandi um haustið sama ár, og gengur rjett á eftir í herþjónustu sem byssuskytta (bls. 31). Arið 1616 fer hann í siglingar um Norðurhöf með Jörgen Daae (bls. 107—123), kemur á þeirri ferð víða við í Noregi og alt norður til Kildin við Norður-Íshafið, en fer þaðan til Færøja (bls. 120—123). Vorið 1617 er hann aftur á flotanum

og þá í siglingum með Kristjáni 4. (bls. 46—53). Árið 1618 er hann við innreið biskupsins af Verden í Höfn. Um haustið það ár hefur hann líklega farið til Krónborgarkastala (bls. 87, sbr. ath. við þá bls. og bls. 85 og 91). Hann talar um mikil frost »annan veturinn«, er hann var á Krónborgarkastala, og segir að það hafi verið sama veturinn og halastjarnan sást (bls. 91). »Annan veturinn« verður hjer að skilja sem »annanhvorn veturinn«, því halastjarnan sást þar í Nóv. og Dec. 1618, og Jón hefur þá aðeins verið kominn fyrir nokkrum mánuðum. Árið 1619 nefnir hann »á því öðru ári er eg þjenti á Krónborgarsloti« (bls. 92). og segir (bls. 98) að það hafi verið sama ár sem Kristján 4. og Gústaf Adolf hittust í Halmstad, en það var í Febrúar 1619. Jón hefur verið á Krónborg aðeins einn vetur, en part úr tveimur árum, því um vorið 1619 (hann segir sjálfur ranglega 1618, bls. 125) fer hann með Henrik Vind til Spitsbergen (bls. 125—140). Haustið 1619 er hann aftur í Kaupmannahöfn, og veturinn 1619—1620, er íslensku sendimennirnir út af einokunartaxtanum voru þar, komst hann í klandur við týhúsið og var settur í Bláturn (bls. 140—164). Svo var hann áfram við týhúsið, þangað til 1622 (hann segir ranglega 1621, bls. 177) að hann fór til Björgynjar með Kristjáni 4., og 8. Okt. s. ár fer hann til Indlands (bls. 208). Hann kemur við á Madagaskar á leiðinni og fleiri stöðum. Hann dvelur svo í Dansborgarkastala við Tranquebar til þess í September 1624. Þá er það að hann stórslysast (bls. 338—345), og fer rjett á eftir aftur til Norður-álfunnar. Eftir ógurlega hrakninga kemst skipið til Youghal á Írlandi snemma í Júní 1625 (bls. 364). Þaðan fer hann til Noregs og Danmerkur, og kemur þangað seint um haustið sama ár. Næsta vetur er hann í Khöfn, en fer svo til Íslands vorið 1626 (bls. 384). Veturinn 1626—1627 er hann í Bæ á Rauðasandi (bls. 388). Sumarið 1627 er hann sendur til Bessastaða af Ara í Ögri, og er þar þegar Tyrkir komu þangað. Nokkru síðar, þegar hann er kominn heim, giftist hann Ingibjörgu Ólafsdóttur og reisa þau bú á Tröð. Líklega hafa þau giftst árið 1628, að því er ráða má af því

VII

er segir á bls. 400, að hann hafi búið í »Eyrardal«, í 11 ár áður en hann fór til Vestmannaeyja 1639; líklega er »Eyrardal« misminni þess er skrifaði fyrir »Tröð«, í Eyrardal bjó Jón seinna; ef það er rjett, hefur brúðkaupið staðið sumarið eða haustið 1627, og þau hjón svo búið í Tröð um veturinn, en flutt til Eyrardals vorið 1628. Hann gerist svo konstabel í Vestmannaeyjum 1639 og er þar þangað til sumarið 1640, fer þá aftur til Vestfjarða og sama haust drukknar kona hans (bls. 402). Í Janúar 1641 deyr sonur hans Kristófer Bogi. Árið 1644 giftist hann aftur Þorbjörgu Einarsdóttur, það ártal má ráða af því er segir í 8. kap. (bls. 403), býr með henni 5 ár í Uppsölum, en síðan 30 ár í Eyrardal, sem hann árið 1654 fjekk afgjaldslaust til ábúðar. Hvenær Ólafur sonur hans er fæddur verður ekki sagt með vissu. Um fáein af ritum hans vitum við hvenær þau eru samin, og skal síðar minnst á það. Loks deyr Jón Indíafari 2. Maí 1679 nærri því 86 ára gamall, ekki á 87. árinu einsog segir bls. 406.

III.

Um æfi Jóns Indíafara vita menn ekki mikið annað en það, sem í æfisögunni stendur. Bestar upplýsingar gefur hdr. í Kalls safni í Konungl. bókasafninu í Khöfn, Nr. 616, 4^o, sem er lýst nánar hjer síðar; þar hefur verið bætt fáeinum línun fyrir aftan annan part sögunnar, sem stuttlega segja frá síðari æfi Jóns; þær enda svo: »... var hann (þ: Jón) maður skemtinn og glaður og kunni mörg tíðindi að segja. Hann var skraddari sémilegur og vissi líka skyn á lækningum, hagnæltur og vel greindur á marga luti, en átti bágt í búi jafnan Átti Ólaf fyrir son, er með lækningar fór eftir föður sinn . . .«

Ýmsar þjóðsögur hafa myndast um Jón Indíafara, og eru nokkrar af þeim prentaður í viðaukunum hjer fyrir aftan bókina. Eiga þær mest að sýna krafta hans og karlmensku, og getur verið að einhver fótur sje fyrir sögunni

um ferð hans á Suðurlandi, en þó er það alveg óvíst. — Sæmundur Eyjólfsson segir um hann (Búnaðarrit 10, Rvk. 1896, bls. 111) að þegar hann kom fyrst í landsýn við Ísland úr siglingum sínum, og sá jöklana koma upp úr hafinu, hafi hann orðið frá sjer numinn, hlaupið í loft upp á þilfarinu, og kallað: »Ísland er þó það besta land, sem sólin skin uppá.« Jeg veit ekki hvaða heimild Sæmundur hefur fyrir þessu, en hann var lærður maður og áreiðanlegur, og er í sjálfu sjer ekkert því til fyrirstöðu að þetta geti verið rjett, það líkist Jóni mjög, ást hans til Íslands var svo mikil, að hann mátti aldrei heyra því neitt til hnjóðs talað, og kaus heldur að lifa þar sem fátækur bóndi, en vera í góðri stöðu erlendis. En hinsvegar er óvíst hvort orðatiltæki þetta upprunalega stafar frá Jóni.

Í þriðja parti æfisögunnar er ekki minnst einu orði á aðallífsstarf Jóns, ritsmiðar hans, sem gera hann að merkismanni í íslenskum bókmentum sinna tíma. En þó vita menn ýmislegt um rit hans, og bæði Hálfván Einarsson, Hallgrímur djákni Jónsson og Einar Bjarnason frá Mælifelli gefa skrár yfir þau. Jeg set hjer skrá Einars tilfærða með hans eigin orðum:

- »1. Ferðasaga í 2 pörtum, langt rit og greinilegt.
2. Grænlands króniku, er út kom á dönsku 1608, sneri hann á íslensku.
3. Útlagði hann á íslensku úr dönskum kvæðum sögu af Persenober konungi fyrir sýslumann Ara Magnússon.
4. Orkti hann kvæði, sem innihjelt ágrip æfisögunnar, að tilmælum Ara Magnússonar sýslumanns í Ísafjarðarsýslu; er 197 eyrindi; byrjar þannig:

»Hrær þú Drottinn hjarta og tungu mína,
þar með líka lífið, sál,
limirnir, æðar, vit og mál¹⁾
virði og prísi velgjörninga þína.«

5. Sálminn: »Jesú ágætur! Hvað ertu mjer sætur!« etc.«

¹⁾ „sál“, hdr.

Auk þessara rita vitum við að Jón þýddi fyrir Ara Magnússon úr dönsku hin frægu gömlu kvæði um Stig Andrjesson stallara (»Marsk Stig«); eru sumar af þeim þýðingum enn til.

Við skulum nú athuga nánar það sem hjer er sagt, og líta þá fyrst á kvæðin.

Sagan af Persenober konungi finst í dönsku kvæði frá miðöldunum (Persenober og Constantianobis), og er það sama efni og í Partalópa sögu. Um danska kvæðið læt jeg mjer nægja að vísa í bók J. Paludans, Danmarks Literatur i Middelalderen, Kbh. 1896, bls. 130. Hvort þýðing Jóns hefur verið í bundnu máli eða óbundnu er óvíst, orð Einars virðast benda á, að hann hafi þýtt kvæðin í óbundið mál. Jeg hef hvergi getað frjett neitt annað um þessa þýðingu Jóns, og væri þó hugsanlegt að einhversstaðar á Íslandi væri til afskrift af henni.

Kvæði það er Jón orti um utanför sína hef jeg heldur ekki sjeð, og er mjer ekki kunnugt um að það sje í neinu opinberu safni; það lítur þó út fyrir að Einar hafi sjeð það.

Þýðingar Jóns á kvæðunum um Stig stallara eru í handritinu í safni Árna Magnússonar Nr. 153, 8^o. Það handrit er safn af ýmsum fornkvæðum og er því nákvæmlega lýst í skrá Dr. Kálunds yfir safnið (II, bls. 418—19) og því óþarfi að lýsa því hjer. Alls eru þar þýðingar á 6 kvæðum, en hafa verið fleiri áður. Er í bókinni brjefpartur frá Snæbirni Pálssyni á Mýrum í Dýrafirði dags. 28. Júní 1708, og segir þar svo:

«. . . Marsk Stígs kvæði hygg jeg tvö vanti, sem tengdamóðir mín Ástriður segir fyrir sjer glatast hafi. Jeg heyri Jón Ólafsson Indíafari hafi þau öll útlagt. Fornkvæðabókin þykir mjer ekki svo rík af fornkvæðum sem hjörtu og brjóst átræðra kerlinga hef jeg vitað nær jeg var barn, en þær með þeim fróðleik eru flestar í jörð grafnar nú . . .«

Fyrsta kvæði byrjar svo:

Eirekur Glipping áður í öld
átti Danmörk ráða,

sá bar hjálm og skygðan skjöld
til skarpra hreystidáða.

Frúin situr í Sællandi og syrgir sinn vanda.
Alls er kvæðið 70 erindi.

Annað kvæðið byrjar svo:

Marsk Stigur vaknar um miðja nátt
og mælti við frúna blíða:

»Af sjerlegum er mjer draumi dátt,
Drottinn veit hvað hann skal þýða.«

Minn eðallegi ungi herra Marsk Stíg!
Alls 41 erindi.

Þriðja kvæðið byrjar svo:

Þeir dyljast margir Danmörk í
sem drotnar vilja heita,
sumir í Ríbsborg setjast með frí,
sínnum klæðum breyta.

Nú stendur landið í voða!
Alls 58 erindi.

Fjórða kvæðið byrjar svo:

Seint er að orka sögn um stað
úr sjálfri historiunni,
þó skal víkja efni að
aftur í fjórða sinni.

Vjer erum drifnir af Danmörk í vanda.
Alls 35 erindi.

Fimta kvæðið »af Marsk Stígs dætrum« byrjar svo:

Þá visinn deyr, það verður að ske,
vilt munu býurnar fljúga,
hygg eg eins þeim háttað sje
sem harma ber hjer grúa.

Hrekjast verður um heiminn margur víða.
Alls 39 erindi.

Sjötta kvæðið byrjar svo:

Rymur dans um Ríbshúss stræti —
 Slotið það er unnið —
 fyrir gleðinni riddarar gengu mætir —
 Fyrir Eirek, kónginn unga;
 með þeim svo voru þeir.

Alls 21 erindi.

Líklega hefur Jón Indíafari snúið kvæðum þessum eftir kvæðasafni Vedels (kom fyrsta sinni út 1591).

Öll þessi kvæði eru kveðin fyrir 1652, dauðaár Ara í Ögri.

Sálminn »Jesú ágætur«, hef jeg ekki getað fundið í neinni af sálmabókum vorum nje Grallaranum, en get þess þó, að jeg hef einungis farið gegn um registrin við þær útgáfur, sem til eru hjer á Konunglega bókasafninu í Khöfn. Jeg þori því ekki að fortaka að hann sje prentaður, en ólíklegt pykir mjer það.

Ritin í óbundnu máli, sem Einar nefnir, eru bæði til. »Grænlands chronica« finnst nú í safni Árna Magnússonar, Nr. 779 c, 4^o; þrjár fyrstu ritgerðirnar (24 bl., 24 bl. og 30 bl.) þar eru afskriftir af þýðingu Jóns Indíafara. Handritinu er lýst í skrá Dr. Kálunds, II, bls. 200—201. Frumritið er eftir danskan rithöfund, Claus Christoffersen Lyshander, Grønlandske Chronica, Kbh. 1608.

Hitt ritið, aðalrit Jóns Indíafara, er æfisaga hans, sú er hjer er prentuð. Hann samdi hana í elli sinni, árið 1661, að því er handritin segja. Að því er ráða má af formálanum gjörði hann áður aðra tilraun til þess, en lánaði þá bók frá sjer og hún glataðist. Það getur verið að hjer sje átt við kvæði það um ferðir hans, er hann orti fyrir Ara í Ögri, en líklega finst mjer þó, að hann eigi við æfi- eða ferðasögu í óbundnu máli. Líklega hefur það verið stutt rit og alveg glatast.

Einsog þegar hefur verið drepið á eru ýmsar smávegis villur í æfisögunni, einkum hvað tímatal snertir, og bendir það á að hann hefur samið bókina eingöngu eftir minni, en ekki eftir dagbókum. Hafi hann samið eitthvað þegar hann var í fyrra skifti í Daumörku og á Indlandi, þá hefur

það að líkindum glatast með góssi hans; minsta kosti getur hann um handrit (þýðingar?) úr lækningabók Henrik Smiths, sem hafi verið borin með góssi hans inn í káetuna (bls. 175) þegar hann lemstraðist, og auðvitað glatast, því það sem þangað var komið fjekk hann aldrei aftur. Að visu er dagbókarsnið á einstaka stað, t. d. bls. 337: »Fóru þann dag, sem var sá 28. Augusti«, o. s. frv., en það mun tilviljun ein.

Þegar þessa er gætt þá er það hrein og bein furða hvað lítið er skakt af því sem hann segir, því víða er hægt að reyna það. Sýnir það hvað hann hefur verið eftirtekta-samur og stálminnugur.

Niðurröðun efnisins er sumstaðar nokkuð ábótavant, og leiða af því smávegis endurtekningar. Hann segir t. d. frá því, sem bar fyrir hann á siglingum árið 1616, í kafla, sem hann skýtur inn á eftir atburðum, sem gerast árið 1619; hann mun hafa gert það til þess að hafa í samhengi frásagnirnar um ferðir sínar í norðurhöfum 1616 og 1619. — Hann hefur stundum verið nokkuð auðtrúa, hann trúir t. d. því sem honum hefur verið sagt um ræður páfagauksins (bls. 345), og eins um sjávarorminn (bls. 265), en að því er orminn snertir, þá er enginn vafi á því, að hann hefur sjeð eitthvað, sem hann og aðrir á skipinu hjeldu að væri stór sjávarormur, því allir trúðu þá (og sumir enn) að þesskonar væri til. — Frásögnin er sumstaðar ekki alveg laus við sjálfhól, t. d. bardaginn við höggorminn (bls. 312—15) og sagan um hvernig hann sætti foringjana (bls. 135—136), og á einstöku stað ber á ýkjum, (t. d. frásögnin um herlið Calicuts, bls. 321). En sjálfhólið styður hann með góðum rökum, og að því er ýkjurnar snertir, þá hefur hann líklega ekki tekið eftir þeim sjálfur. Hann dregur engar dulur á breiskleika sína, og margir kaflar bókarinnar bera vott um innilega guðrækni og hjartans auðmýkt. Það sjest líka á öllu að hann hefur verið mesta lipurmenni í umgengni, vel metinn af fjelögum sínum og yfirmönnum, og best af þeim sem bestir voru. Það hefur snemma borið á bóklegum tilhneigingum hjá honum, á leiðinni til Indlands er hann að kenna fjelögum sínum að lesa og skrifa, og þegar hann

XIII

kemur aftur til **Dan**merkur er honum boðin staða sem skólakennari, og síðar á Íslandi hefur hann kennarastarf á hendi samhliða búskapnum, ritstörfum sínum og læknisstörfum.

Þekking íslenskrar alþýðu í almennri landafræði var á þeim dögum lítil, einsog við mátti búast. Til þessa hefur Jón fundið, og vegna þess, og líka til þess að gera bók sína sem fullkomnasta og áreiðanlegasta, hefur hann tekið upp ýmsa kafla úr dönsku fræðiriti, þar sem lýst var löndum þeim, er hann ritar um. Bók sú, er hann hefur notað er *Compendium Cosmographiæ*, stutt landafræði á dönsku, eftir Hans Nansen, hinn fræga borgarstjóra í Khöfn. Sú bók þótti gott alþýðurit á sinni tíð; af henni eru til útgáfur frá árunum 1633, 1635 og 1646, og er nokkur munur á þeim. — Kaflarnir, sem Jón hefur tekið, eru lýsingarnar á Rússlandi (bls. 113—114, aftur að orðinu »hlýddi« l. 10), Afríku (bls. 243—244), og Indlandi og Asíu (bls. 255—260). Á ýmsu má sjá að hann hefur farið eftir útgáfunni 1646; þannig er í þeirri útgáfu taldir upp þjóðhöfðingar á Indlandi (»Kongen i Pegu . . Den store Mogor«, osfr., sbr. hér bls. 257), en því er slept í báðum hinum útgáfunum. Ritháttur sumra nafnanna bendir og á sama, og fleiri smáatriði, t. d. að í þeirri útgáfu er af vangá sett komma milli nafnanna Medina og Talnaby, sem í eldri útgáfunum ekki eru aðgreind, þar sem þau í raun rjettri eru eitt, samsett nafn á þessari borg, en komman í útgáfunni 1646 hefir orðið til þess, að Jón Indíafari hefur haldið að Talnaby væri sjerstakt borgarheiti (sbr. bls. 259 og 1. athugas. neðanmáls). — Þessar þýðingar Jóns eru nærri því orðrjettar á köflum, en nokkuð dregnar saman, t. d. þegar borgir eru taldar upp, tilfærir Hans Nansen auðvitað nöfnin, en Jón lætur sjer oft nægja að segja að þar og þar inni sjeu svo og svo margar borgir.

IV.

Rit Jóns hefur upprunalega endað með afturkomu hans til Íslands og því aðeins verið 2 fyrstu partarnir. Eftir dauða hans hefur þriðja kaflanum verið bætt við. Hann er einkennilegur að ýmsu leyti.

Í yfirskriftinni stendur »samanskrifað eftir fyrirsögn Ólafs Jónssonar, eftir því sem hann frekast minnst kann eftir síns sáluga föðurs frásögn«. — Það lægi næst að ætla að Ólafur Jónsson væri höfundurinn, þó þarf eigi að skilja orðin svo, heldur má taka þau þannig að Ólafur hafi verið aðalheimildarmaður þess sem skrifaði; það er hvergi sagt að það sje samanskrifað af Ólafi, heldur »eftir fyrirsögn« Ólafs. »Fyrirsögn« getur í þessu sambandi þýtt þrent 1) frásögn; 2) það að segja fyrir hvernig og hvað rita skuli (forsögn), og 3) loks má jafnvel nota það um sjálft höfundarstarfið. Jeg held hjer hljóti það að vera notað í fyrstu merkingunni. Það er líka ýmislegt sem bendir á að Ólafur ekki muni vera höfundurinn. Það eru í þessum kafla villur og mótsagnir við söguna sjálfa, sem ólíklegt er að svo kunnugur maður hafi sett, þó það að vísu hafi getað hent að hann hafi mismint eða misskilið eitthvað, sem hann hafði heyrt föður sinn segja frá fyrir löngu.

Hjer er fyrst að geta þess sem sagt er bls. 386 að þeir langömmubræður Jóns Indíafara, Hannes og »Baltazar«, hafi verið á lífi 1625—26 og þá boðið honum til sín. Fyrst er nú nafnið Baltazar rangt, höf. hefur ruglast í nöfnunum á þremur Austurlandaspekingunum, maðurinn er í sögunni nefndur Melchior, — og í öðru lagi er ólíklegt að þeir hafi þá verið á lífi eða vitað nokkuð um Jón (sbr. athugas. við bls. 386). Jeg þori ekki að neita því, að þessi sögn geti stafað af misskilningi Ólafs, en auðvitað getur hún líka stafað af misskilningi þess, sem skrifaði eftir Ólafi. — Þá segir á bls. 387 að Jón hafi komið út til Íslands með Holger Rosenkranz í Seilunni á Bessastöðum. Þetta er í beinni mótsögn við orð Jóns sjálfs, sem í 33. kap. 2. kafla (bls. 384) segist hafa komið út á Skutulsfjarðareyri. Að Ólafur hafi skrifað þetta er mjög ólíklegt. — Þá kemur villan um jarðirnar, sem Jóni voru veittar (bls. 389 og ath.), náttúrlega gat Ólafi orðið á að setja þesskonar smávillu, það getur verið af vanþekking manns, sem var ókunnugur á Norðurlandi, eða þá bláber skrifvilla. — En vafalaust verður að álíta að Ólafur hafi þekkt faðerni fyrri konu föður síns,

Ingibjargar, dóttur Síra Ólafs Sveinssonar á Stað í Sóganda-firði. Hjer kemur það til greina, að elsta handritið af sögunni B (sjá hjer síðar), sem öll hin hdr., er hafa 3 þáttinn, hafa sótt hann til, beinlínis eða óbeinlínis, hefur eyðu fyrir föðurnafni Síra Ólafs á öðrum staðnum, er það kemur fyrir (bls. 399, sbr. orðamuninn við þann stað), en sú eyða hefur svo verið útfyllt með nafninu »Jónssonar«, sem er bersýnilega rangt, einsog bent er á í 1. athugasemdinni við bls. 390. Höfundurinn hefur því ekki munað nafnið, en það er afaróliklegt að slíkt hafi hent Ólaf, eða rjettara sagt, það tekur öll tvímæli af, svo það má telja víst að hann er ekki höfundurinn.

En hver er hann þá? Höfundurinn er, að mínu áliti, Magnús Magnússon, sýslumaður í vesturhluta Ísafjarðarsýslu 1652—81, fróður og merkur maður. Um æfi hans og rit hefur verið skrifað allitarlega af öðrum, og visa jeg í ath. 1 við bls. 404 í það helsta af því. Það sem mjer finst benda á að hann sje höfundurinn er einkum það sem hjer skal greina.

1. Handritið B er að aftan skrifað af Magnúsi. Hönd hans er vel kunnug og á því er enginn vafi. Allur þriðji kaflinn er með hans hendi. Nú má sanna að öll þau handrit, sem hafa þriðja kaflann, stafa beinlínis eða óbeinlínis frá þessu handriti. Það sýnir orðamunurinn (sjá hjer síðar) og ýmislegt fleira. — Þriðji parturinn er skrifaður í flýti í þessu handriti, við og við er af vangá slept orðum, sem þyrfti meiningar vegna; þegar nú hin hdr. fylla upp í skörðin gera þau það oftast sitt á hvern hátt, og sýna þannig að orðið hefur vantað í frumritið. Sumstaðar eru, einsog dæmi hefur verið fært til, eyður fyrir nöfnum, og hefur Magnús sjálfsagt ætlað að fylla þær út síðar er hann frjetti nánar um þau; þessar eyður eru vanal. skakt útfyltar í afskriftunum.

2. Þar sem sagt er frá því, að Jón fjekk Eyrardal til ábúðar afgjaldslaust (bls. 404—405) er tilfært brjef frá Thómasi Nikulássyni fógeta á Bessastöðum til Magnúsar Magnússonar og skýrt svo óþarflega itarlega frá innihaldinu, að

jeg á bággt með að skilja í að nokkur maður hafi farið að segja frá því á þann veg, nema Magnús sjálfur, enda snerti málið hann líka, þar sem hann ljet jörðina af hendi við Jón.

3. Í sömu átt bendir enn, þó lítið sje, athugasemdin um starf Jóns sem hreppstjóri (bls. 406); það er æðri valdsmaðurinn sem hjer lýsir velþóknun á starfi hins óæðra. Vitaskuld þarf ekki sýslumann til að skrifa slíkt, en sje lítið á þessa athugasemd með aðalsönnununum, finnst mjer hún styðja þær.

Jeg álit það fullsannað að Magnús sýslumaður sje höfundur síðasta partsins. Við megum vera honum þakklátir fyrir verkið, því þar er margt fróðlegt, t. d. kaflinn um bardagann fyrir Látrabjargi og afleiðingar hans, líka alt það er lýtur að Tyrkjaráninu, og kafli þessi er aðaluppspretta þekkingar okkar á æfi Jóns Indíafara eftir að hann kom úr siglingum. En Magnúsi sýslumanni hafa hjer verið mislagðar hendur, því yfirleitt er þessi kafli ekki vel saminn. 1 og 2 persónu er blandað saman í fyrstu köflunum. Það gæti stafað af því, að hann á þeim parti hefði stuðst við eitthvað skriflegt frá Ólafi, þar sem Jón var látinn tala, en þó er það ólíklegt. Hinsvegar má telja víst að Ólafur hefur verið heimildarmaður hans í ýmislegu, einsog ráða má af fyrir-sögninni, og hjá Ólafi hefur hann líkl. fengið (máske til láns með frumhandritinu af sögunni) vottorð Niels Clemensonar, sem hann afskrifar aftan við bókina (sjá hjer í við-aukunum). — Svo er, einsog áður er getið um, sleppt orðum og nöfnum sumstaðar, það er fljótaskriftarsnið á því öllu, og líklega hefur Magnús sýslumaður ætlað sjer að bæta það síðar en ekkert orðið úr. En mesti gallinn er þó, að ekkert er sagt frá ritstörfum Jóns og lítið sem ekkert af því, sem á dagana dreif fyrir hann eftir að hann giftist í síðara sinni. Um það hefði Ólafur getað skrifað margt. Magnús ljet það ógjört.

V.

Handritin að sögunni skiftast í tvo aðalflokka. Kalla jeg hjer hinn fyrri A-flokkinn. Til hans teljast:

1. Handritið 2076, 4^o í Ny kongelig Samling í Konunglega bókasafninu í Khöfn. Það er 460 bls. og blaðsiðustærðin 19,3×16 cm. Lýst í skrá Dr. Kålunds, bls. 289 (Nr. 908). Á titilblaðinu stendur að bókin sje: »Enn nú ä ný med flyte vppskrifud ad Augre vid Issafjardardjúp Anno 1729. I Decembri manude fyrer Iol«. — Jeg hef því kallað þetta hdr. Ögursbók. Sem saurblað er að framan notað danskt blaðrífildir frá 1761 og standa á því orðin »e libris Magni Titi«; sem saurblað að aftan er notað brjefrífildir og skrifað utan á til Guðm. Eiríkssonar lögrjettumanns í Reykjarfirði. Með annari hendi eru þar líka orðin »prófasturinn herra Magnús Teitsson«. Á þessu má sjá að bókin hefur verið eign Síra Magnúsar Teitssonar, prests í Vatnsfirði 1741—1779 og prófasts í norðurhluta Ísafjardarsýslu. — Frá honum er bókin komin í eign hins ágæta danska sagnaritara og bókavinar Suhm's († 1798), var hún í safni hans nr. 421, 4^o, og komst með öðrum bókum hans og handritum á Konunglega bókasafnið.

Skriftnin er greinileg fljótaskrift. Í þessu handriti finnst formáli höfundarins og dönsku brjefin í lok annars kafla standa hjer á sínum stað í textanum, án íslenskrar þýðingar. Bókin endar á fullmaktinni til Söfrens Villatssonar; síðasta bls. hálf auð.

2. Handrit í Landsbókasafninu í Reykjavík, nr. 212, 4^o; 167 blöð; blaðsiðustærð 20×15,5 cm. Fljótaskrift frá fyrri hluta 19. aldar. Það endar í 13. kap. annars parts á orðunum »2. Gára, 3. Marasia, 4. Catagan, 5. Satigan«, og hefur frá upphafi ekki verið lengra, því á eftir fara óskrifuð blöð. en hinn ágæti bókavinur Páll amtsskrifari Pálsson hefur bundið inn handritið og bætt við niðurlagi 13. kap. með sinni hendi. Handrit þetta er náskyld Ögursbók, og má ráða af samanburði þeirra að það er af henni komið, líklega

þó ekki bein afskrift, heldur eftir afskrift af henni, tekinni áður en hún komst til Suhms. Má ráða þetta af ýmsum smávillum, sem eru einkennilegar fyrir bæði þessi handrit, t. d. bls. 97²⁸ Sníðingahjaraði, 157²⁸ að taka, 197¹⁹⁻²⁰ Stop, o. s. frv. Sbr. orðamuninn. Þar sem Ögursbók er til, er þetta hdr. því þýðingarlaust og hefur ekki verið notað við útgáfuna.

3. Handrit í Arnasafni nr. 959, 4^o. 200 blöð; blað-síðustærð 20,3 × 16,8 cm. Hjer í útgáfunni nefnt *E*. Það er ritað á fyrri hluta 19. aldar með fallegri snarhönd. Arnasafn fjekk það 1883 hjá Konungl. norræna Fornfræðafjelaginu. Viða er frásögnin talsvert styttn, og sleppt úr einstökum köflum. Í þessu handriti er formáli höfundarins, og dönsku brjefin í lok annars kafla standa hjer á sínum stað í textanum án íslenskrar þýðingar. Textinn nær aftur að fullmaktinni til Söfrens Villatssonar í lok 2. kafla, og standa fyrir neðan orðin »Sagan er á enda«.

Þetta handrit er mjög líkt Ögursbók, (þegar ekki er litið á það, að einstaka köflum er sleppt), en er þó ekki afskrift af henni, beinlínis eða óbeinlínis. Af lesháttum, sem eru einkennilegir fyrir bæði þessi handrit hef jeg í orðamuninum tilfært ýmsa, og get hjer nefnt t. d. bls. 54²⁸ fyrst, sem bæði sleppa, 57⁴ segir, sem bæði sleppa, 59⁴ það, þar sem BCD hafa »bið«, 64¹⁵ Marteín Jacobsson, þar sem BDC hafa »M. Jacob«. o. s. frv. En að það ekki er afskrift af Ögursbók er þó bersýnilegt á því, að það hefur sumstaðar sama rithátt og hin hdr., og tekur með ýmislegt smávegis, sem ritari Ögursbókar hefur hlaupið yfir af vangá, t. d. bls. 67³¹ hnálega, 332⁶ af landsmönnun, sem vantar í Ögursbók, en E og hin hdr. hafa. Það er því augljóst að til grundvallar fyrir Ögursbók og E liggur sama afskriftin af frumriti Jóns Indíafara.

4. Handrit í Landsbókasafninu í Reykjavík nr. 723, 4^o, áður í safni Síra Eggerts Brims (Nr. 66, 4^o), og komst á Lbs. með safni hans 8. Maí 1893. Alls nú 171 bl.; blað-síðustærð 19,2 × 15,2 cm. Hjer í útgáfunni nefnt *D*. Handrit þetta hafa ýmsir skrifað, 1. höndin er á bl. 1, þá vantar

5—6 bl, hjer í útg. frá bls. 7⁵: hans 2, til bls. 19⁴: og mjótt inn-; svo kemur 2. hönd bl. 2—9 og 3. hönd bl. 10—13^r, sem á þeim kafla er uppfrískuð af 4. höndinni(?); þriðja höndin heldur áfram bl. 13^v—21^v, (kafla ofantil bl. 19^r uppfrískað af fjórðu höndinni): þá kemur fjórða höndin bl. 22^r—43^r, þá aftur þriðja höndin 43^v—69^v, þá fimta hönd 70^r—133^v, þá aftur þriðja höndin 134^r—171. Eyður eru á bl. 22^r—^v, hjer í útg. bls. 73¹⁷: leyfi til, til bls. 75¹⁸: því skeðu, bl. 39^r—^v, hjer í útg. bls. 108¹⁷: nálægast höfninni, til bls. 110²⁰ gjörð sinni, og bl. 146^r—^v, hjer í útg. bls. 324¹⁴ í það sinn, til bls. 325³⁷ Á næsta degi. Hendur þessar eru laglegar fljótaskriftarhendur. Aftan á bókinni stendur »S. Sölvason« og er það líklega hinn nafnkunni lögmaður († 1782), sem einu sinni hefur verið eigandi bókarinnar. Innan í henni, neðantil á spássíu á bl. 22^r stendur Sr.(?) Árna Illugasyni, og er óvíst hver það er — máske Sira Árni á Hofi á Skagatrönd († 1825). Bókin endar á útdrætti á íslensku á fullmaktarbrjefinu til Söfrens, en í textanum er á sínum stað brjef Kristjáns (V.) prins á dönsku án íslenskrar þýðingar. Útdrátturinn úr brjefinu til Söfrens, með tilvísunarkerkjum, ber þess vott, ásamt brjefi prinsins, að í bók þeirri, sem D er ritað eftir hafa dönsku brjefin öll staðið á sínum stað í textanum án íslenskrar þýðingar. — D er ágætt handrit, í lesháttum svipar því ýmist til Ögursbókar eða B, en frá hvorugu þeirra er það runnið. Það er að öllum líkindum bein afskrift af frumriti Jóns Indíafara.

6. Handrit í safni Kalls, nr. 616, 4^o í Konunglega bókasafninu í Khöfn. 158 bl., blaðsíðustærð 20×15,9 cm. Frá 18. öld. Lýst nákvæmlega í skrá Dr. Kálunds (nr. 1238, bls. 385). — Á þessari bók eru margar sögur, og er »Reisusaga« Jóns þar bl. 13—32. Dönsku brjefin eru hjer öll á sínum stað í textanum, og sagan endar á fullmaktinni til Söfrens. Frásögnin er hjer víðast dregin mjög saman, svo handrit þetta getur ekki komið að verulegum notum við orðrjetta útgáfu. Fyrir aftan fullmaktarbrjefið er bætt við fáeinum línunum um síðari æfi Jóns, sem getið er um hjer að framan.

Þá er hinn handritaflökkurinn, sem eftir aðalhandritinu má kalla B-flokkinn; til hans heyra:

7. Handrit Bókmentafjelagsins nr. 92, 4^o, hjer nefnt *B*, nú í Landsbókasafninu í Rvík. Blaðsíðustærð (heil blöð) 17×14,3 cm. Alls er það hdr. 237 blöð í afarslæmu standi, alt í blöðum, og nærri því hvert blað fúíð á röndum. — Handriti þessu er lýst í Skýrslu um handritasafn hins Ísl. Bókmentafjelags I, bls. 44. Á fyrstu þremur blaðsíðunum er sjerstök hönd; þá kemur hönd sem mjer sýnist vera sama höndin (eða mjög lík) sem er á nr. 2 í handritinu 779 c, 4^o í Árnasafni, þýðingu Jóns á Grænlandskroniku Lyschanders, en það er hönd Steindórs Ormssonar, og er hún vel kunn annarsstaðar frá; nær sú hönd út bl. 101, til loka 1. partsins. Byrjunin á 2. partinum, bl. 102—150 er með hendi Magnúsar sýslumanns Magnússonar; þá kemur bl. 151—209 aftur með hönd Steindórs, en endirinn bl. 210 til loka bókarrinnar er með hendi Magnúsar. Allar eru hendur þessar greinilegar, en engin eiginlega falleg; bönd eru lítil. Magnús sýslumaður dó 1704, svo hdr. er skrifað fyr, og líkl. ekki mjög löngu eftir dauða Jóns (1679). Sagan sjálf nær hjer aftur á bls 218^r. Þriðji kaflinn byrjar á bl. 218^v og endar neðst á bl. 232^r. Þá kemur bl. 232^v sem fylgiskjal danski textinn af brjefi Kristjáns prins og fullmaktarbrjefi Jóns Ólafssonar, og svo 233^v vitnisburður Niels Clemenssonar. Þá loks registur bl. 234—237. Formáli er enginn við bókina og hans er ekki getið í registrinu. Þó má ekki álykta af því að hann ekki hafi verið, því registrið er ónákvæmt, telur t. d. ekki heldur öll seinustu fylgiskjölin. Það er einmitt líklegt að inngangsbrjefið hafi verið einhverntímann í þessari bók, því eitt af handritunum, sem af henni er komið, Ny kgl. Sml. 2076 b, 4^o hefur það. En hinsvegar er inngangsbrjefinu eðlilega oft slept í afskriftum. — Í bókina vantar eitt blað, milli bl. 38—39 frá orðunum á bls. 74⁹ »af kónglegri skikkan« aftur að orðinu á bls. 75²⁸ »kóngi«. Í hdr. liggur brjef frá Jónasi Jónssyni í Sigluvík til Síra Jóns Ingjaldssonar í Húsavík, sem útvegaði það hjá Jónasi handa Bókmentafjlaginu. Segir Jónas í því brjefi,

að handrit þetta hafi þeir átt faðir sinn Jón Þórarinnsson í Sigluvík, faðir hans Síra Þórarinn Sigfússon á Tjörn í Svarfaðardal, og faðir hans Síra Sigfús Sigurðsson á Felli í Sljettuhlíð á seinni hluta 18. aldar. Verður ekki rakin saga handritsins frá því það fór úr eign Magnúsar sýslumanns til þess það komst í eign Síra Sigfúsar. — Blað af skrifuðu sálma-kveri hefur verið notað til innlags í bindið að framan, en að aftan brjeffríldi frá Jóni sýslumanni Jakobssyni á Espihóli til Síra Þórarins Sigfússonar, (sem þá var pr. á Hvanneyri í Siglufirði), dags. 14. Júní 1797, standa á því ýms nöfn, sem óþarfi er hjer frá að greina.

Handrit þetta er elsta handritið af sögunni, svo kunnugt sje.

Einkenni þessa handrits þegar það er borið saman við A-flokkinn eru: 1. Það sleppir ýmsum setningum (sjá orðamuninn) einkum guðrækilegum hugleiðingum, og styttr nokkuð aðrar setningar. 2. Það hefur brjefin iuni í textanum í íslenskri þýðingu, en dönsku frumbrjefin sem fylgiskjöl aftan við. 3. Það hefur þriðja part sögunnar, og er einsog sýnt er fram á hjer að undan, frumrit á þeim kafla. 4. Auk þess sem nú er talið hefur þetta hdr. ýmsa einkennilega leshætti, svo sem bls. 8²⁴ »Marteinsmessu«, þar sem A-fl. hefur »Andrjesarmessu« ofl. (sjá orðamuninn)

Frá þessu handriti eru komin ýms önnur, og skal jeg hjer lýsa stuttlega þeim sem jeg hef skoðað.

8. Handrit í Ny kgl. Samling Nr. 2076 b í Konunglega bókasafninu í Kaupmannahöfn. — 377 bls., blaðsíðustærð 19,6×16,1 cm. Það er með falletgri settleturshendi frá síðari hluta 18. aldar (ca. 1780—1800 á að giska); fyrstu 16 og seinustu 7 blaðsíðurnar (bls. 378 óskrifuð) eru með annari hendi frá byrjun 19. aldar. Handritið var áður í eign próf. Byrgis Thorlacius og á bókauppbóði hans að honum látnum keypti safnið það árið 1830. — Hjer er inngangsbrjef Jóns, sem einsog áður er getið vantar í B, en hefur líkl. verið þar meðan það hdr. var heilt. — Þó er það ekki líka alveg ómögulegt að sá sem skrifaði upp aftur

fyrstu 16 bls. hafi skrifað þær eftir handriti af A-fl., og á þann hátt fengið inngangsbrjefið með.

9. Handrit Landsbókasafnsins í Reykjavík nr. 1183, 4^o, áður nr. 17 í safni Dr. Jóns Þorkelssonar landskjalavarðar, er hann seldi Landsbókasafninu 5. Febr. 1904. 328 bls., blaðsíðustærð 18,5×14,4 cm. Bls. 1—2 og 327—28 nýlegri, frá því um miðja 19. öld eða nokkru síðar, en aðalhluti bókarinnar virðist vera skrifaður með sömu hönd og hdr. næst hjer á undan (nr. 8); aftan við bókina stendur »þann 23. Febr. 1795« og mun það tákna, að þá var lokið að skrifa hana. — Dr. Jón fjekk bók þessa hjá tónskáldinu Síra Bjarna Þorsteinssyni (nú presti á Siglufirði) á stúdentsárum hans, en hann hafði fengið hana hjá Símoni Sigurðssyni á Kvígstöðum. Eru nöfn Símonar og Þórdísar Símonardóttur á bókinni.

Nr. 8 og nr. 9 eru mjög lík, og orðamunur enginn verulegur. Einkennilegt er það, að þessi tvö hdr. umsteypa þriðja partinum mjög í orðfæri, til að fá betra mál á hann, og bæta inn í aukaklausum. Dönsku fylgiskjölunum er alveg slept, en íslensku þýðingunum haldið í textanum. Nr. 9 hefur ekki inngangsskjalið, hvort sem það nú hefur vantað frá upphafi, eða verið sleppt þegar byrjunin var skrifuð um á 19. öld.

10. Handrit Landsbókasafnsins nr. 668, 4^o. Áður nr. 10 í safni Síra Eggerts Bríms, og keypt með hans safni. 460 bls., blaðsíðustærð 20,5×16 cm. Í bókinni stendur að hún sje rituð 1. Jan til 27. Mars 1853 af Þorsteini Þorsteinssyni í Bæ. Höndin er greinileg en ekki falleg. Fyrst er bls. 1—68 »Reisubók Friðriks Bollins«, þá æfisaga Jóns Ólafssonar bls. 69—458, með íslensku þýðingunum í textanum; dönsku fylgiskjölunum er sleppt, nema vitnisburði Nielsar Clemenssonar sem er þar á bls. 459. Loks eru nokkrar vísur til heiðurs Jóni Indíafara »úr vísum, sem framan til við bókina voru, sem þessi er eftir skrifuð«. — Bókin, sem þetta hrd. er gert eftir, hefur verið góð afskrift af B.

11. Hdr. Landsbókasafnsins, áður í safni Bókmenta-

fjelagsins, nr. 147, 4^o. Ritað á 18. öld. Nú 95 blöð, en vantar nokkur. Blaðsíðustærð 20,3×16,5 cm. Áður í eign Þorl. O. Johnsons kaupmanns. Handriti þessu er lýst nákvæmlega í Skýrslu um hdr. safn. hins Ísl. Bókmafj. I, bls. 66, og vísa jeg þangað. Frásögnin er víðast mjög styttn, og hefur þetta hdr. enga þýðingu fyrir orðrjetta útgáfu; jeg hef því ekki notað það.

Jeg bar hdr. 8—11 saman við B, á mörgum stöðum, og kom það fram að enginn vafi var á að þau væru þaðan runnin. En þegar það var ljóst sá jeg líka að þau aðeins höfðu þýðingu á þeim stöðum sem B var skaddað eða vantaði í það. Jeg hef því aðeins notað nr. 8—10 þegar svo hefur á staðið.

Einkenni A-flokksins og einkenni B-flokksins sum koma bæði fram í tveimur merkilegum handritum, sem nú skal lýst.

12. Handrit Landsbókasafnsins 405, 4^o; hjer nefnt C. 218 blöð, blaðsíðustærð 19,9×14,7 cm. Þrýðilega skrifað með greinilegri settleturshönd, nema hvað titilblaðið og þrjú síðustu blöðin eru með nýlegari hendi. — Á titilbl. stendur »skrifað á ný á [!] Svefneyjum á Breiðafirði Anno 1758 af Pjetri Jónssyni«. Handrit Pjeturs endar neðst á bls. í 6. k. 3 parts á orðunum »Vigur, og fór út eftir Álfra—« Titilblaðið er sjálfsagt afskrift af gamla titilblaðinu, og seinustu blöðunum og því hefur verið bætt við síðar, líklega um leið og bókin hefur verið bundin upp. Brjefrifrildi til Síra Ólafs Sívertsens í Flatey hefur verið notað sem saurblað; síðan fjeck Ólafur Guðmundsson hjeraðslæknir á Stórólshvoli bókina eftir afa sinn og gaf hana árið 1885 þáverandi stud. theol. Birni Jónssyni, nú presti á Miklabæ í Blönduhlíð í Skagafirði, en hann gaf Landsbókasafninu. — Hjer eru brjefin í textanum á íslensku og þriðji partur sögunnar með, og væri það í sjálfu sjer nóg til að sýna að bókin er komin af B, en auk þess styrkist sú skoðan við orðamuninn, sem mjög oft er líkur B. — En aftur á móti er þess að gæta að hjer er líka formáli

höfundarins, sem nú vantar í B, og ennfremur er haldið hinum andlegu hugleiðingum og ýmsu öðru smávegis sem B fellir úr. Þetta bendir á að til grundvallar hafa legið tvö handrit, annað af A-flokknum, hitt af B-flokknum. — Held jeg A-flokkshandritið hafi verið notað mest, þangað til það þraut, en úr því B-flokkshandritið eingöngu. Einkennilegir fyrir þetta handrit og hið næsta eru ýmsir smákafar, er hin handritin sleppa, báðir flokkar, t. d. athugasemdin um Konráð Íslending á bls. 12 að hann hafi verið »síðasti kaupmaður Hamborgara hjer í höfnum«; ennfremur kaflinn um jarlinn af Cork, sem prentaður er neðanmáls bls 371, og er alt öðru vísi sagt þar frá en í hinum handritunum. Það er varla nema um tvent að gera, annaðhvort eru þessir viðaukar frá Jóni Indíafara. síðari leiðrjettingar hans, máske á lausum blöðum lögðum inn í handritið og hafa því verið týndar úr þegar t. d. D og frumritið af Ö og E voru skrifuð, — eða þá einhver annar fróður maður hefur bætt þessu við, kaflann um jarlinn af Cork hefur hann máske smíðað í eyðu, sem kann að hafa verið í bókinni, sem hann skrifaði eftir. Líklegri þykir mjer síðari tilgátan. — Annars ber C það með sjer að það er leiðrjett handrit, setningunum víða snúið við til að fá betra mál á þær, óljósum stöðum slept eða þeir umskrifaðir svo þeir skiljist betur, osfr.

13. Náskylt C er handrit Landsbókasafnsins nr. 617. 4^o; það er skrifað með ljómandi fallettri hendi og er á að sjá hjerumbil frá sama tíma og C, líklega lítið eitt yngra. Það er alls 338 bls. og blaðsíðustærðin 20,3×15,5 cm. Landsbókasafnið keypti það 2. Jan. 1892 af Pjetri Eggerz og mun það áður hafa verið í eign föður hans Síra Friðriks Eggerz. Framan á titilblaðinu stendur »Brynjólfur Bjarnason á bókina«. Á síðasta saurblaði: »Vigfús Sigarsson(?) á bókina«. Þessi tvö hdr., C og 617, eru svo lík, að jeg held helst 617 sje afskrift af C; orðamunur mjög ómerkilegur og víðast hvar eru handritin alveg eins, sleppa sömu setningunum, hafa sömu einkennilegu viðaukana, sömu umskriftirnar osfr. — Eitt er þó ólíkt, og gæti bent á að 617 ekki væri runnið

frá C heldur frá sameiginlegu frumhandriti, en það eru myndirnar, sem í C vanalega eru einsog teiknaðar með reglustríku, en eðlilegri í 617 (t. d. myndin af gálганum bls. 106). Jeg þori því ekki að neita að þau geti verið það, en líklegra finst mjer þó hitt, að 617 sje komið af C, minsta kosti hvað textann snertir, þó skrifarinn máske hafi teiknað sumar myndirnar, út í spássiunni eftir öðru handriti, af því honum þóttu þær óeðlilegar í C. En aftur á móti held jeg það sje áreiðanlegt að C er ekki skrifað upp eftir 617, bæði eru ýmsir rithættir sem eru á sinn veg hjá hvoru þeirra, líkari eldri hdr. í C, og enn fremur má sjá það á myndinni á veifunni (bls. 274), sem er mjög einkennileg og lík í báðum handritunum, nema hvað myndin í C er með skafti (einsog myndin í D, sem er prentuð í textanum) en myndin í 617 er skaftlaus; ef nú einhver hefði teiknað eftir 617 þá hefði hann varla fundið upp á því að bæta svo einkennilegu atriði við myndina; má því telja víst að C er ekki ritað eftir 617. — Annar mismunur á þessum hdr. er líka sá, að í 617 er vitnisburður Niels Clemenssonar, þýddur á íslensku, fyrir aftan bókina, en hann hefur vafalaust líka verið í C, þegar sú bók var heil.

14. Að lokum skal hjer nefnt handrit áður í safni Bókmentafjelagsins 78, 8°. Það er brot, 10 blöð, 15,5×9,5 cm. bls.-stærð. — Það er útdráttur úr 2. og 3. parti sögunnar, hefur hann verið skrifaður eftir öðrum eins, að því er segir í enda kversins, en sá útdráttur hefur líklega ekki verið gerður eftir neinu handriti, heldur hefur einhver skrifað aðalinntakið úr sögunni eftir minni að jeg held. — Handritsbrot þetta hefur enga þýðingu fyrir textann í æfisögunni, að því jeg fæ sjeð.

Auk þessara handrita hef jeg frjett af þeim, sem hjer skal greina, en ýmsra ástæðna vegna hef jeg ekki sjeð mjer fært að nota þau fáu af þeim, sem jeg hef frjett til hvar niður eru komin, enda engin brún þörf á því, þar sem jeg hafði svo mörg góð handrit sjálfur undir höndum.

Á lausum miða sem lagður er inn í B, sem Daði Niels-son fróði hefur skrifað, kemst hann svo að orði: »Af sögu

Jóns Indíafara hefi jeg sjeð: 1) Exemplar skrifað af Síra Sæmundi sál. Þorsteinssyni í Garpsdal, það átti merkur bóndi Bjarni Oddson frændi minn 1825, 4^o. 2) Exemplar skrifað með fallettlegri settleturshönd af þeim nafnfræga bókaritara Pjetri Jónssyni, bónda í Svefneyjum á Breiðafirði og víðar þar í eyjunum fram á seinni hluta 18. aldar, það átti Síra Tómas Sigurðsson, síðast prestur að Holti í Önundarfirði, 4^o. 3) Bók með mörgum ferðasögum, og seinast sögu Jóns Indíafara, fyrstu blöðin af henni hafði skrifað Síra Hjalti sál. Jónsson á Stað í Steingrímsfirði, síðan alla sögunna til enda Síra Guðmundur sál. Bjarnason (hinn síðari) að Árnesi, ágæta vel. Hana átti, þá eg síðast vissi, Guðbrandur bóndi Hjálmarsson á Valshamri í Geiradal vestur, hún var í arkarbroti. 4) Eina á Síra Benedikt próf. á Hólum, 4^o með gamalli hönd. « Sig. Jónasson, sem líka prentar þessa athugasemd Daða í Skýrslu um hdr. s. h. Ísl. Bók. (I), bls. 44—45, bætir við. »Auk þessa eru til, sem vjer vitum til, þrjár afskriftir af sögu þessari, eina á hin stóra Konungl. Bókhlaða í Kmh., aðra Fornfræðafjelagið og þriðju Skúli Thorlacius, registrator við skjalasöfn stjórnaðinnar. « — Líkl. er nr. 2 hjá Daða = C; nr. 1 hjá Sigurði er Ögursbók, en nr. 2 = E.

Í bræfi til mín dags. 1. Júní þ. á. segir próf. B. M. Ólsen mjer frá, að í safni Jóns Sigurðssonar í Lbs. finnst í nr. 29 fol. afskrift af sögu Jóns Indíafara ásamt fleiri ferðasögum, útlendum, þýddum á íslensku. Skráin segir að sú bók sje »með hendi Síra Hjálmars Þorsteinssonar(?)« Hann dó 1819 (Sv. N. Prt)

Dr. Jón Þorkelsson, landsskjalavörður í Rvík, hefur sagt mjer frá tveimur öðrum handritum, einu í eign Hr. Ólafs Eyjólfssonar, skólastjóra í Rvík; það er ritað á Látrum í Breiðafirði; öðru í eign Hr. Einars Jónassonar, málafærslumanns í Rvík.

Þá hefur Frú Bríet Bjarnhjeðinsdóttir sagt mjer frá handriti af sögunni, er maður hennar sálugi, Valdimar ritstjóri Ásmundsson átti, en nú er glatað. Hefur hann lík-

lega notað það handrit við útdrátt þann úr sögunni, er hann gerði í Fjallkonunni, en þó er það óvist.

Handritin má nú setja upp í töflu til að sýna skyldleika þeirra; tákna x, y og z handrit, sem víst er að hafa verið til, en menn nú ekki vita hvar eru.

Frumrit Jóns Indíafara (týnt)					
x		D	y	B	
Ö E				z ¹ 2076 b*) + 17 z ² z ³	
212				147 668	
A-flokkurinn.			C	B-flokkurinn.	
			617		

Þegar nú gætt er að aðaleinkennum flokkanna ber mest á tveimur, 1) að brjefin í A-flokknum eru á dönsku í textanum, en í B-flokknum þýdd á íslensku, og 2) að B-fl. hefur 3 partinn, sem vantar í A-flokkinn. Má ganga að því vísu, að B-flokkurinn er hjer ekki eins upprunalegur, og að brjefin í frumritinu hafa verið á dönsku óþýdd, því það er alveg ótrúlegt að nokkur hafi farið að þýða þau á dönsku aftur og setja þau inn í textann, ef hann hefði sjeð þau í honum fyrir sjer á íslensku.

B hefur líklega verið skrifað eftir sjálfu frumriti Jóns meðan það var heilt; virðist Magnús sýslumaður hafa fengið það til láns ásamt fleiri skjölum um Jón. Hefur það handrit því líka seinasta blaðið, sem verið hefur í frumritinu, kaflann í lok annars parts, frá því er fullmaktarbrjefið endar. Það blað hefur týnst aftan af frumritinu, og því enda öll þau handrit A-flokksins sem lengst ná, á fullmaktarbrjefinu. Magnúsi sýslumanni hefur þótt óviðkunnanlegt að sjá skjöl á dönsku inni í íslenskum sögutexta, hann hefur því þýtt þau á íslensku en til fróðleiks sett dönsku frumbrjefin aftan við bókina.

*) Inngangsbrjefið þó ef til vill eftir hdr. af A-flokknum.

Starf útgefandans er nú fólgið í því, að reyna að láta textann verða eins líkann orðalagi frumritsins og hægt er, og er það mikill vandi, þar sem handritunum ber mjög á milli. Þó eru miklar líkur til þess að það sje rjett, sem stendur samhljóða í aðalhandritum beggja flokka. Jeg hef aðallega lagt til grundvallar handritin Ö, D og B. Þar sem Ö og B hafa verið samhljóða hef jeg látið það vanalega standa, hafi þau greint á hef jeg oftast látið D skera úr; þó hef jeg líka tekið einstöku leshætti úr C og E, þar sem ætla mátti að ritháttur hinna aðalhandritanna væri rangur. Hin handritin hef jeg vanalega aðeins notað í eyðum höfuðhandritanna. Þriðja partinn hef jeg auðvitað gefið út eingöngu eftir B, en þar sem það hdr. hefur verið aflagað eða vantað í það hef jeg stuðst við afskriftirnar, sem af því eru komnar. Dönsku brjefin hef jeg gefið út stafrjett. Á fáeinum stöðum hef jeg tekið getgátur frá sjálfum mjer upp í meginmálið, þar sem öll hdr. voru meir eða minna úr lagi færð. Jeg hefi gert grein fyrir tilgátum mínum í orðamuninum aftan við bókina. — Helst hefði jeg viljað prenta allan orðamuninn, en sá það mundi verða alt of kostnaðarsamt, hann hefði einn orðið líkl. einar 2—4 arkir að minsta kosti. Jeg hef því látið mjer nægja að taka aðalatriðin úr honum, og vona jeg að það sje nóg til að rökstyðja það sem jeg hef sagt um afstöðu aðalhandritanna hvers til annars; einkum hef jeg auðvitað tilfært þá staði, þar sem verulegur vafi gat leikið á hver ritháttur væri upp-runalegri.

Rjettritun handritanna hef jeg ekki haldið, nema hvað eiginnöfn og útlend orð hef jeg látið halda sjer oftast nær einsog þau voru í höfuðhandritunum, og þá farið aðallega eftir B. Þar sem eiginhandrit Jóns er glatað, er litil ástæða til að gefa út afskriftirnar stafrjettar, þær mundu sýna rjettritun annara manna og tíma. Að visu má telja það ókost á útgáfunni að leggja ekki elsta handritið (B) til grundvallar og gefa það stafrjett út, því þá fyrst yrði útgáfan með þeirri vísindalegu nákvæmni, sem heimtuð er, ef á að nota hana til að rannsaka sögu orðmynda. En margt aftraði

mjer frá þessu, fyrst og fremst ásigkomulag B-hdr., sem er svo víða máð og rotið, að ekki verður ráðið úr því nema með aðstoð hinna handritanna, auk þess er textinn, einsog tekið hefur verið fram, svo stytur og breyttur í því víða, að Ö og D gefa líklega betri hugmynd um frumritið þegar öllu er á botninn hvolft. Auk þess hefði þá þurft að leysa úr böndum og prenta slíkt með breyttu lettri, og prenta allan orðamun — þetta alt hefði orðið svo mikið verk og kostnaðarsamt, að hvorki sá jeg mjer fært tímans vegna nje fjelaginu peninganna vegna að leggja út í þesskonar útgáfu. Jeg kaus því heldur að reyna að búa til nokkurnveginn áreiðanlega útgáfu að því er innihaldið snerti, og láta hana að því leyti geta komið vísindamönnum að gagni, en um leið vildi jeg láta hana verða það sem Jón sjálfur hefur ætlast til að rit sitt yrði, fróðleiks og skemtibók handa íslenskri alþýðu. Ef eiginhandarrit Jóns einhverntímann finst, á það skilið að vera gefið út stafrjett.

Víða þurfti athugasemda við, og getur verið erfitt að finna hvað það er, sem flestir vilja eða þurfa að skýrt sje. Veit jeg að jeg get ekki farið varhluta af aðfinningum út úr þessu fremur en allir aðrir sem slíkt gera. — Jeg hef auðvitað notað margar af athugasemdum Rists og Clausens við dönsku þýðinguna, einkum úr fyrsta hlutanum; þær, sem jeg hef tekið frá þeim, eru merktar RC; en jeg tók hvergi nærri allar, því margar þeirra áttu ekki við íslenska lesendur. Sumt hefur mjer fundist rjettar að skýra öðruvísi en þeir. Hef jeg auðvitað einn ábyrgð á öllum athugasemdunum. Mjer var bent á, þegar fyrsta heftið kom út, að athugasemdirnar væru nokkuð fáar, einkum þyrfti alþýða, sem ekki skildi útlend mál, fleiri skýringar á útlendum orðum. Jeg sá að þetta var rjett, og hef því í viðaukunum aftan við bókina sett einskonar viðbætir við athugasemdirnar, svo að ef lesandinn finnur eitthvað, sem hann þarfnast skýringar við, og vantar skýringu neðanmáls, getur hann leitað hennar aftan við. — Fáeinar myndir til þýðis og fróðleiks hef jeg látið fylgja með þessari útgáfu, er myndin af Khöfn hin sama og í dönsku útgáfunni, en hinar mynd-

irnar eru þar ekki; aftur á móti er þar mynd af Dansborg og herskipum frá þeim tíma, en af því kastalamyndin er miklu yngri en atburðir sögunnar og samskonar skip má sjá á myndinni af Höfn, tók jeg þær myndir ekki með. — Aftan við bókina hef jeg líka bætt fáeinum köflum, er snertu söguna; er þar fyrst kafli um Pjetur Skyttu, sem var oflangur til að geta komist að sem neðanmálsgrein, ennfremur fáeinar þjóðsögur um Jón Indíafara og svo niðjatal hans. Jón Indíafari er svo merkur maður, að mörgum mun þykja gaman að geta rakið ætt sína til hans, og sú ættartala á hvergi betur heima en aftan við æfisögu hans. Það er ýmislegt einkennilegt við þessa ætt. Fyrst er þýskur ættleggur (Pjetur Skytta) tvinnadur saman við göfuga íslenska ætt (Ástriður systir Jóns Sigmundssonar lögmanns), og ef til vill sænska (ætt Sira Jóns Matthíassonar); svo er sá ættleggur lengi á Íslandi uns kvísl af honum flytst til Danmerkur í byrjun 19. aldar, og er nú ættin orðin allblómleg þar, og hefur flutst þaðan til Ástralíu og Vesturheims. Vona jeg að mörgum þyki vænt um að fá ættartöluna prentaða. Ættu menn síst að gleyma því, að okkur Íslendingum er því skyldara en öðrum að leggja rækt við ættfræði sem við þykjumst meir en aðrar þjóðir af forfeðrum vorum. Finst mjer það óþjóðlegur og all-lúalegur hugsunarháttur, sem því miður ber stundum á, að vera að niðra ættfræði og slíkum greinum. Ættum við heldur að virða þá menn, sem við slíkt vilja fást, því til að gera það vel þarf mikinn skarpleika, lærdóm, minni og samvitskusemi. Annars hef jeg þá trú að ættfræðisrannsóknir muni fá nokkuð annað snið framvegis en hingað til, menn munu hætta að láta sjer nægja að setja upp þurrar ættartölur, en reyna heldur að bæta við þær ýmsu um fólkið, einkum t. d. reyna að rekja ýmsa eiginlegleika, andlega og líkamlega, sem ætla má að sjeu arfgengir. Ýmsir ágætir náttúrufræðingar eru þegar farnir að rannsaka slíkt, en það er óþrjótandi verk að vinna á þessum nýju og lítt könnuðu sviðum. Sagan og náttúrufræðin munu geta hjálpað hvor annari meir en margur heldur.

VI.

Að lokum vil jeg þakka öllum sem hafa liðsint mjer við útgáfu þessa, fyrst og fremst forstöðumönnum safnanna í Reykjavík, landsbókaverði Jóni Jakobssyni fyrir lán á ýmsum handritum Landsbókasafnsins til afnota hjer í Kaupmannahöfn og ýmsar upplýsingar þeim viðvikjandi, og landskjalaverði Dr. Jóni Þorkelssyni fyrir margar ágætar upplýsingar um handrit af sögunni og ýmislegt viðvikjandi ættum í henni. Þá þakka jeg útgefendum dönsku þýðingarinnar, Julius Clausen bókaverði og P. Fr. Rist ofursta fyrir alla þá velvild sem þeir hafa sýnt þessu riti og starfi mínu. og einkum fyrir leyfið til að nota það sem jeg vildi af athugasemdum þeirra við dönsku útgáfuna. Þá prófessor Finni Jónssyni, sem hefur litið yfir aðra próförk af bókinni, prófessor Þorvaldi Thoroddsen, forseta Hafnardeildarinnar, sem hefur litið yfir þriðju próförkina, og meistara Boga Th. Melsteð, sem hefur litið yfir 2. próförk af síðustu örkunum og formálanum, og hafa þeir allir gefið mjer ýmsar góðar bendingar. Þá forstöðumanni Gylden-dals bókaverslunar, Hr. Ernst Bojesen, sem góðfúslega lánaði fjelaginu ókeypis plötuna að hinnu stóru mynd af Khöfn, er fylgdi dönsku útgáfunni og nú þrýðir bók þessa. Þá Dr. Valtý Guðmundssyni, sem lánaði mjer eiginhandarrit afa síns Einars Bjarnasonar á Mælifelli af Fræðimannatali hans, og leyfði mjer að nota það. Þá Hr. Karli Finnbogassyni, kennara á Akureyri fyrir þjóðsögurnar um Jón Indíafara, og Hr. Jóhanni Kristjánssyni ættfræðingi í Reykjavík og Frú cand. mag. Ásu Rohde hjer í Khöfn fyrir ættartöluna. Þá Hr. Chr. Schlesch, gjaldkera Trúboðsfjelagsins danska, fyrir skýringar hans á ýmsum orðum í tamíl. sem mjer hefði annars orðið erfitt að fást við. Þá premier-lieutenant Stöckel við sögulega vopnasafnið í Týhúsinu í Höfn, sem hefur gefið mjer merkilegar upplýsingar viðvikjandi sjaldgæfu vopni, sem getið er um hjer í bókinni. Þá stud. med. & chir. Stefáni Jónssyni, sem hefur aðstoðað mig

XXXII

við registrið. Síðast en ekki síst þakka jeg þeim sem mest hafa hjálpað mjer, kennara mínum prófessor Birni M. Ólsen í Reykjavík, sem hefur litið yfir hreinprentanir af öðrum og þriðja kafla sögunnar, bent mjer á ýmislegt, sem skýra þurfti, og gefið mjer margar ágætar upplýsingar, — og konu minni, cand. phil. Björgu Þorláksdóttur, sem hefur afskrifað fyrir mig mikinn part af Ögursbók og hjálpað mjer við próf-arkalesturinn.

Kaupmannahöfn, 4. Júlí 1909.

SIGFÚS BLÖNDAL.

ÆFISAGA

JÓNS ÓLAFSSONAR ÍSLENDINGS INDÍAFARA

*af honum sjálfum uppteiknuð fyrir frómra manna um-
beiðni, eftir því sem hann framast kann minnast nú í
sínnum aldurdómi 1661. Biðjandi alla fróma og
guðhrædda sína landsmenn, hærri stjett-
ar og lægri, þetta sitt svo fánýtt
og auðvirdilegt verk vel að
virða, hvers hann af
þeim auðmjúk-
lega óskar.*



2

*Náð, friður og blessan Drottins vors Jesú Christi sje með
yður öllum! Amen.*

Elskulegir vinir! Skylt væri að eg ei fundinn yrði í of miklu óþakklæti fyrir Guðs furðanlegar margskonar og óteljanlegar velgjörðir, sem hann mjer af sinni skærri náð, 5 miskunn og gæsku svo mjúklega og mildilega veitt hefir, bæði til líkama, lífs og sálar, í svefni og vöku, á nótt sem degi, á sjó og landi í ýmsum áttum veraldar, undir heitu lofti og köldu, í fjarlægð og nálægð míns föðurlands, á meðal kristinna og heiðinna þjóða, í meðlæti og mótlæti; 10 hverjar hans margar og miklar velgjörðir og dásendarverk mjer hefði sannarlega borið og hæft að hrósa, virða og viðfrægja bæði hjer innanlands og utan, hvað eg þó, því miður, ei gjört hefi, sem mín frek skylda var þar til, hverja forsömun og hirðuleysi sá náðugi Guð virðist mjer að fyrirgefa, sem 15 og öll mín afbrot og misgjörðir. En þó eg fyrir nokkrum árum liðnum hafi uppbyrjað þetta hið sama að uppteikna, en ei þó til lykta, og í láni glataðist, samt hefi eg mig þó ei síðan þar til gefið sakir míns bjargræðis daglega áliggjandi ómaks og erfiðismuna, og í öðru lagi misjafnt geð manna 20 til að meðtaka þvílíkt af mjer, svo tilkomulitlum manni. En með því að nokkrir góðir menn hafa mig hjer til góðmannlega uppvakt og áhvatt að nýju, hefi eg nú um síðir litla ávísan tilgjört með ósjelegri skrift og óorðentlegri diktan, um það hvað hið sjerlegasta hefir skeð og við mig fram- 25 komið á allri minni umliðinni æfi, vitandi mig því framar afsakast hjá alþýðu landsins, eftir því eg, svo sem í vernd

og skjóli þeirra frómra manna, er mig hjer um hafa tilkvatt,
má dirfast þessa mína fávisku að auglýsa. Og enn þó að
hjer inni sje margt auðvirðilegt og hjegómlegt, þá bið jeg
góðan lesara það og fleira að umliða með góðri þolinmæði,
5 en allra helst, hvað sem hjer talast um Guðs verk, bið eg
að snúist Guðs heilaga nafni til vegsemdar, heiðurs og dýrðar,
en mörgum til góðra nota og gagnlegra eftirtekta. Svo óska
eg og einnin, að í hverju sem mjer hefir yfirsjest á öllum
tíma minnar æfi, sjerhvers embætti, sem eg hefi verið til
10 kallaður, mætti öðrum til vareigðar, lærdóms og viðvörunar
verða, svo þeir því heldur forðist mín vond dæmi, en framar
athugi siði forsjálra til óhættari stundunar og stöðu í þeirra
embætti og tilsettri kallan. Hjer með yður og öll Guðs
börn almáttugum Guði befallandi til allrar umhyggju lífs
15 og sálar. Amen.

J. O. S. I. F.

HJER BYRJAST FYRSTI PARTUR ÞESSARA FRÁSAGNA,

HLJÓÐANDI UM MÍNA ÆFI ALT TIL MINNAR AUSTINDÍALANDSREISU.

I. KAP.

*Innihaldandi um mína fæðing, ætt og uppfóstur og það
fleira, sem viðbar, til þess eg var 22 ára gamall, og eg
hjeðan úr landi burt sigldi.*

Þremur árum fyr en kóng Christian sá fjórði, loflegrar 5 minningar, yfir Danmerkur ríki tók kóngdóm eftir sinn sáluga föður, kóng Friderich hinn annan, afganginn 1588, hvers krýning skeði í Kaupinhavn 29. Augusti Anno 1596 á hans 20. aldurs ári, á sunnudagsmorgun mjög árla, næstan eftir Allra heilagra messu, fæddist eg í þennan heim¹⁾ á 10 Svarthamri við Álfthafjörð í Eyrarkirkjusókn, innan Ísafjarðarsýslu, af erlegum ektaforeldrum, Olafi Jónssyni og Ólöfu Þorsteinsdóttur. Hans faðir var Jón Þorgrimsson, sá eð var sonur Þorgrims Jónssonar; þessi Þorgrimur

¹⁾ Fæðingardagur höfundarins er þá 4. Nóv. 1593 í gömlum stíl; sje talið eftir nýjum stíl verður hann 7. Nóv.

var mikilmenni og nafnfrægur maður, þó ei væri hann stórrikur; hann hafði bústað sinn lengi í Æðey í sókn Snæfjallakirkju, og andaðist þá hann hafði fjóra vetur um áttætt. Föðurmóðir mín hjet Briit Þórðardóttir, fróm 5 kvinna. Þessi hjón, Jón og Briit, urðu vel 70 ára gömul, og önduðust mörgum árum fyr en eg fæddist á heimili minna sálugu foreldra. Móðir mín, Ólöf Þorsteinsdóttir, var norðlensk að ætt, í Miðfirði uppalin, af göfugum ættarstofni upprunnin; hennar faðir hjet Þorsteinn Sveins- 10 son, sá eð átti 4 bræður, Olaf Sveinsson, stjúp föður Þórunnar Bjarnadóttur, sem sál. Síra Sveinn Símonsson¹⁾ kvongaðist, item Þórð og tvo Jóna; þessir menn voru í ætt Jóns Magnússonar²⁾, sá eð var af þeirra loflegu bræðra sálugu Magnússona. Hennar móðir hjet 15 Hildur Helgadóttir, dóttir Síra Helga, sá eð var sonur Síra Jóns svenska³⁾ er svo nefndist, af hverjum göfugir ættliðir eru komnir. Móðir Hildar hjet Marin Pjetursdóttir, þess er kallaður var Pjetur Skytta⁴⁾, einn Hamborgari, og var hirðstjóri og hjer búandi í landi; hann 20 átti Ástriði Sigmundsdóttir, sú eð var systir Jóns Sigmundssonar, sá eð var af Herra Guðbrands biskups yfir Hóla stifti. Pjetur átti tvo sonu, Hannes og Mel-

¹⁾ Síra Sveinn (faðir Brynjólfs biskups) var fyrst kirkjuprestur í Skálholti 1578—82, en síðan prestur að Holti í Öndurarfirði 1582—1635. Prófastur í vesturhluta Ísafjarðarprófastsdæmis varð hann 1588. Hann dó 1644, 85 ára gamall. (Sv. N. Prestat. IV. 17. XI. 5, 14.)

²⁾ Um Jón Magnússon á Svalbarði (giftan Ragnheiði á rauðum sokkum Pjetursdóttur) og ætt hans (Svalbarðsættina síðari) læt jeg mjer nægja að visa í Sögu Magnúsar prúða eftir Jón Þorkelsson, bls. 7—11. Um Magnússyni (3: sonu Magnúsar prúða) sjá sama rit bls. 92—93; þeir ættmenn koma víða við sögur einsog kunnugt er.

³⁾ Síra Jón svenski (Matthíasson) forstöðumaður fyrstu prentsmiðjunnar á Íslandi og prestur á Breiðabólstað í Vesturhópi 1530—1567. Hvar Síra Helgi sonur hans hefur verið prestur er óvíst. Í Prestatali Sveins Nielssonar er hann ekki nefndur, eða að minsta kosti fæ jeg ekki sjeð að neinn af þeim prestum, er sama nafn bera, geti verið hann.

⁴⁾ Um Pjetur Skyttu (Schytt) og ætt hans og mægðir við Jón lögmann Sigmundarson, sjá viðbæti aftan við bókina.

chior, og tvær dætur, Marínu og Guðrúnu.¹⁾ Þessi Pjetur var veginn af sínum sjálfs tveimur þjenurum, sem þar til voru keyptir af nokkrum hjerlandsmönnum, fyrir einhvers haturs sakir, nær hann gekk úr baði um veturinn á föstu. Þessir hans 2 synir drógu til Hamborgar og tóku mestallan 5 ríkdóm með sjer, einkum kvennlegt skart upp á 12 jómfrúr, en þær systur báðar, Marín og Guðrún, urðu hjer eftir, og þessi Marín var mín langamma, sú eð var móðir Hildar, Hildur var móðir Olafar, sú eð var móðir mín, en Guðrún var langamma Marínar Halldórsdóttur, 10 sem nú er í Súðavík. En af þessum áðurnefndu Pjeturs. sonum er sögð stór ætt til Hamborgar sje afkomin.

Mínir sálugu foreldrar áttu 14 börn sín í milli í heiðarlegum hjúskap, og af þeim komust ekki utan 3 til aldurs, sem var Halldór, Þóra og eg. Á milli mín og Halldórs 15 var 14 ára munur, en 17 milli Þóru og mín, og var eg næstur seinasta barni minnar móður fæddur, og var ei sóknarprestur í þann tíð nálægt, nje innan sóknar, en sakir fjúks og stórveðurs varð og ei heldur sóktur í Ögurþinghá. Mínir foreldrar útbjuggu 2 menn og eina kvennsnift með 20 mig til Eyrar í Skutulsfjörð á fund Síra Sigmundar

1) Í 2076 b er ættartalan sett upp í töflu svohljóðandi:

Vatnsfjarðar-Kristín

Solveig m. Sigmundur

Jón Sigmundsson lögmaður		Ástríður m. Pjetur Schytt	
*) Jón		Hirðstjóri	
Síra Arngrímur		Marín	
		Hildur	
Síra Þorkell	Hildur	Steinunn	Kristín
Mag. Jón Vídalín	Páll Vídalín	Þorlákur Skúlason	Síra Jón
biskup í Skálholti.	lögmaður.	biskup.	Arason í
N og S.			Vatnsfirði.
			Jón Ólafsson
			Austindiafari.
			Oddur hinn digri
			Guðrún.

*) Hjer er hlaupið yfir ættlið: Guðrúnu Jónsd. Sigmundssonar, gifta Jóni Hallvarðssyni.

Egilssonar,¹⁾ sá eð veitti mjer þá heilögu skirn, og sú ferð lukkaðist vel fram og heim aftur, fyrir Guðs og hans heilagra engla aðstoð.

Til þess eg var hálfs annars árs gamall öðlaðist eg góða
5 heilbrigði og döfnun. Síðan veiktist eg, og var mjer í fóstur komið til þeirra hjóna, er undir Hlið bjuggu í sömu sveit; maðurinn hjet Eyvindur Jónsson, en konan Guðrún Guðmundsdóttir, og voru frómir menn. Hjá þeim var eg tvö ár í fóstri.

10 Á sjöunda ári míns aldurs var eg undir bók settur. Á því ári gekk hjer blóðsótt mikil í landi, í hverri margir í burt sofnuðu. Úr þeirri sótt sofnaði í burtu hjeðan minn sálugi faðir og fleiri bændur þessarar sveitar um haustið í Octobris mánuði. Halldór minn bróðir var þá 20 ára gamall;
15 hjelt hann samt búskap með móður okkar. Að öðru hausti eftir kvongaðist hann erlegri dándiskvinnu Randíði Olafs-dóttur, og ól með henni 6 börn.

Þá um veturinn eftir kom sá mikli og nafnfrægi vetur, sem landsmenn hjer nefndu Þíning, og um vorið milli sumars
20 og krossmessu kom mikill hvalur upp úr ís inst sveitar fram undan Hattardalsstekk, að hverjum varð stórt bjargræði og varð mikil aðsókn þangað úr öðrum sveitum, því stór skortur bjargræðis var víða orðinn hjer í sveitum manna á milli, því vetrarróðrar uppgáfust með Andrjesarmessu, er
25 þá viðbjóðlega uppgekk til stórveðráttu, svo sem raun gaf vitni síðar; heyskapur um sumarið fyrir varð víða hjer um sveitir lítill, og nýttust heyin misjafnlega sakir óþerra..

A mínu fjórtánda aldurs ári gafst mjer heilsubót fyrir Herrans náð, og góð lækning við minni langvaranlegri
30 ungdómsmeinsemd, af einum dönskum skipherra, Andrjes að nafni, fyrir meðalgöngu frómrar kvinnu, Þorkötlu Pálsdóttur, sú eð var mín ljósmóðir, og var það eitt epli,

¹⁾ Síra Sigmundar er getið 1592 og 1603 sem prests á Eyri við Skutulsfjörð og segir Sveinn Nielsson í prestatali sínu, að hann hafi verið orðinn prestur þar fyrir 1583, en fyrir 1596 hefir hann fengið Dýrafjarðarþing. (Sv. N. Prestatal. XI. 4 og 7).

hvers eg neytti til hálfs, er hann sendi með henni til minnar móður; síðan þar eftir fjekk eg góða heilbrigði og viðgang.

Þá eg var 5 ára gamall var eg því nær í bæjarlæknum á Svarthamri í minni sjálfs vöggu druknaður, sem vera átti skipsmynd, hefði ei mína sálugu móður svo skjótt að borið. 5
Item í öðru sinni, þá eg var átta vetra gamall, er eg á einum laugardegi um sumarið var með Halldóri bróður mínum riðinn í veiðiár fram í fjörð, lá mjer við að drukna á þeirri stóru Fjarðará, er svo kallast, en bróðir minn Halldór kom mjer með Guði til hjálpar. Í þriðja sinni á sama 10 ári, er eg var sendur inn yfir ósa eftir mönnum í kaupstaðarferð, lá mjer við í Seljalandsós af hesti að flotna, er um flæði og framarlega að sjónum á sund með mig hljóp. Ráðning fjekk eg í hvert sinn hjer fyrir, svo sem verðugt var. Min elsku móðir bar stóran kviða fyrir mjer, við 15 vatnsföllum allra helst, og mælti hún það og margir, að mjer mundi auðnast yfir vötn að ferðast, en Guð bað hún mig jafnan annast, hverja hennar jafnlega bæn að Guð miskunsamur faðir hefur heyrt, og náðarsamlega bænheyrt. Sje hans heilaga nafn lofað og blessað að eilifu! Amen. 20

Anno 1615, á mínu 22. ári, lá mjer við úr Dvergasteinshlíð um veturinn mjer til heljar að hrapa, svo eg fjekk yfir 40 köst. og kom eg jafnan niður á bakið. Ei fjekk mín móðir það að vita, en minn mágur Skeggi Gunnlaugsson, var í þann tíma úti staddur er svo við bar, og vissi ei 25 hvað til ráða skyldi, og ei meinti hann mig aftur lifandi líta. Svo bar til um vorið fyrir, að móðir mín elskuleg og eg höfðum flutt vist vora frá Eyrardal og til Dvergasteins til Skeggja og Þóru frá Halldóri, og voru því sauðir þar ókendir, og urðu stansa undir skorum og náðust ekki 30 allan veturinn, og liðu sult mikinn, en oft til reyndi óvitandi minni móður og í hennar þrásamlegu forboði. Og í þetta sinn er nú greindist, brast broddur í staf mínum nærri miðhlíðis, og síðan varpaðist eg ofan að urðum, og í hverju kasti horfði eg til himins; og nær köstum hætti, fyrir Guðs 35 náð og vilja, var þá ei lengra til urðar en tveir eður þrír faðmar. Svo er Guði alt hægt og mögulegt að verka og

veita, eftir sinni guðdómlegri vild, makt og velþóknan. Og nær eg stóð á fætur var eg að öllu því nær og óhindraður, lof sje Guði! Amen. Mörgu minna gildis verður á loft haldið. Skeggi fagnaði mjer innilega, þá eð miðvegis mjer
 5 var móti kominn, og með glúpnan Guði lof sagði.

Eg má segja Guð hafi varðveitt mig í lofti, á jörðu, í vötnum, við mararbotn og í eldi, undir skrugum og reiðar-slögum. Ei er það skeð til þess að því skuli strax gleymt verða, heldur en önnur Guðs stórvirki og dásendarverk,
 10 sem uppritast hafa, heldur miklu framar ætti það að skrást og daglega að tjást, fyrir börnum og barnabörnum, alt til enda veraldar, svo Guðs nafns dýrð vari, vaxi og aldrei þverri.

Heiður og dýrð um himin og jörð[u]
 15 af hverri tungu sje þjer sungið,
 lifandi Guð vor lifsins faðir,
 lof þitt haldist um aldir alda! Amen.

A Snæfjöllum bar til stór tilburður á mínum ungdóms-
 árum, af þeim uppvakningi, sem menn meintu að vera myndi,
 20 og hvað margt furðanlegt og skelfilegt þar við bar, gjörist ei þörf hjer að innsetja, en margt hefir auðvirðilegra hjer í landi og annarsstaðar annálast og greinst til minnis þeim, er fæðast skulu.

Á mínu 11. ári bar svo við, að ein gift kona, Bóthildur
 25 að nafni, hafði ferðast hjeðan úr Álfafirði og vestur yfir heiði í Önundarfjörð með veturgamalt eður tvævett sveinbarn, sá eð Ketill hjet. Og þegar móðirin vildi hafa hingað aftur ferðast með sinni ungri barnkind til sinnar sveitar, þá vissu það engir í Álfafirði. Þetta skeði um Mariumessu
 30 fyrri. Og nær hún kom hingað og fór heiðarskarðið, skeldi yfir myrkrapoku, svo hún gekk og viltist of mikið til hægri handar, alt þangað sem Valagil heita, hvar að eru miklir forvaðar, og með því að hún var bæði veik og mædd orðin, nam hún þar staðar fyrir Guðs anda áeggjan, hið
 35 næsta sem mátti þessum forvöðum, og af löngum burði sinnar barnkindar hafði henni þar í brjóst runnið og svo

aldeilis út af sofnað í Herrans vald. Nú vissi enginn maður hvorki Önundarfjarðar nje Álftafjarðarhrepps af þessu tilfelli. — Skömmu síðar í vikunni heyrðist barnsópið ofan til bygða, og ætluðu þeir menn, sem næstir bjuggu, að einhver sjerdeilis dýrshljóð vera mundu. Þetta bar til snemma í 5 Augusto. Í þann tíma A:o 1604 bjó Sira Jón Grímsson¹⁾ í Svarfhóli í Álftafirði, sá eð var sóknarprestur Ögurs og Eyrar, og nær hann fjekk þetta að spyrja, sendi hann með skrifaðan seðil út eftir sveitinni heim á hvern bæ til hvers búandi manns og bónda, sem það innihald hafði, að hver 10 þeirra kæmi með vopn í hendi heim á hans garð með hraðasta hætti, þá strax samdægurs, og þar samtaka í sinni nálægð og með sínu ráði hverninn þeir sjer hegða skyldu í greindu efni, og gjörðist sú ályktan, að menn skyldu uppleita með alvarlegasta hætti hvaðan þessi ýlfran væri og 15 eymdarhljóð eður af hverri skepnu. Gengu þeir svo af stað frá prestsins garði. Þá gengu allir skattbændur með þrískúfaða atgeira, sem hingað á umliðnu ári fyrir þetta fluttust til kaups eftir Kg. M. [skikkan og] befallingu.²⁾ Og nær þeir komu í þann stað, sem konan lá önduð fyrir löngu, og 20 fundu barnið hjá henni ennpá lifandi og konuna óskaddaða, því barnið hafði varið hennar lík í mörg dægur, þá hnykkti hverjum þeirra hjer við, og þótti hryggileg aðkoma, en þeim manni ei síst, sem bóndi og ektamaður var nefndrar konu, sá eð Jón Eyvindsson var að nafni. Var hennar lík svo 25 flutt til bygða og þaðan með erlegum tilbúningi og meðferð til Eyrarkirkju að hún greftraðist. En þessi þeirra sonur uppólst hjá sínum föður þangað til hann var kominn úr ómegð og var síðan vinnuhjón Sira Thómasar Þórðarsonar³⁾ og andaðist þar vel tvítugur að aldri á Snæfjöllum. 30

¹⁾ Sira Jón Grímsson var orðinn prestur í Ögurþingum fyrir 1599; hann var áður eitt ár prestur í Árnesi í Trjeykylisvík, en 1615 fjekk hann Prestbakka í Hrótafirði. (Sv. N. Prestatal. XI. 8, XII. 1 og 4).

²⁾ Um vopnaburð á þeim tímum og vopnadóm Magnúsar þrúða 12. okt. 1581 sjá Jón Þorkelsson, Saga Magnúsar þrúða, 1895, bls. 63—77.

³⁾ Sira Tómas varð prestur á Stað á Snæfjallaströnd (»Snæfjöllum«) árið 1629 og var þar til dauða síns 1670.

Þá Danskir komu hjer fyrst í hafnir [skrifaðist datum] Anno 1601, sem var vorið eftir Þíningsvetur hinn mikla, sem nú teljast 60 ár (ár 1661) og hjet sá Trúels er fyrstur var kaupmaður af Dönskum eftir Konráð Íslending [er siðasti 5 kaupmaður var Hamborgara hjer í höfnum].¹⁾

II. KAP.

Innihaldandi um mína hjeðansigling til Englands.

Á því sama ári, sem fyr var getið, þegar að skrifaðist 1615 bar svo við um vorið fyrir krossmessu, að eitt engelskt 10 skip upp á 50 lestir sleit upp við Vestmannaeyjar í miklum stormi og hleypti inn á Ísafjarðardjúp, og lögðust fram undan þeirri veiðistöðu er Rómaborg nefndist, hvar eg var til fiskiútvega. Og með því vor leið lá daglega nálægt þessu skipi fyrsti mig og mína meðfylgjara einn morgun að róa 15 að þessu skipi. Skipherrann hjet Isach Brommet, einn sjerdeillis ágætur, frómur og ráðvandur maður. Hans mæti hjet Vilhelm Hundten;²⁾ bátmeistariinn hjet Vinsentzius. Þessi skipherra meðtók mig og mína lagsmenn vel, og þar fyrir þarf ei sögur um að lengja, að eg án vitundar minnar 20 e[lskulegu] móður rjeðst til fars og útferðar með þessum manni. Okkar sáttmáli var þesskonar, að eg mátti flytja góss með mjer svo mikið sem eg ætti og sjálfur vildi, og eftir engelskri visu skyldi afgreiða honum 10 dala gildi nær

¹⁾ Öll þessi klausa (Þá danskir o. s. fr.) kemur efni kapitúlans ekkert við. Sum handritin hafa missskilið hana og sett hana í samband við það sem á undan fer (o: dauða Ketils), en það getur ekki verið rjett, því ef Ketill hefur verið tvævetra 1604 þá hefur hann ekki dáið fyr en eftir 1621, og sje það rjett að hann hafi verið hjá Síra Tómasi, þá hefur hann ekki dáið fyr en 1629 eða síðar. Um nafnið Trúels, og um Konráð Íslending sjá orðamuninn aftantil í bókinni.

²⁾ Nafnið er afbakað; máske er þetta enska nafnið Hunter eða þá Hundten(?) Nafnið Brommet er líklega o: Bromhead, ritað eftir framburði. Til er á þeim tímum ensk ætt með því nafni.

við kæmum í England. Þetta fjell mínum samlagsbróður mjög þunglega og líka öllum mínum meðfylgjurum.

Að þremur dögum liðnum fann eg mína elskulega móður, og kunngjörði henni slíkt sem til var fallið, en með því henni var þessi minn ásetningur fyrir löngu alkunnugur, 5 fjell henni ekki þetta í þyngsta máta, og ljét viljuglega mig því ráða, befalandi mig eftir daglegri venju þeim eina og þrenna almáttuga Guði í vald, vernd og umhyggju til lífs og sálar, hver hennar kröftug fyrirbón í Guði mig stutt hefir; lofaður sje Drottinn og blessað sje hans heilaga nafn 10 æfinlega.

Jónsmessukvöld um náttmálabil skildist eg við mína e[lskulega] móður Olöfu Þorsteinsdóttur, sú eð hafði öðlast af Drottni 68 ára aldur. Margir syrgðu mína burtför, þó eg ei þess verðugur væri. Hjeldum vjer svo heiman úr 15 Álftafirði og út til djúps með góðri veðurstöðu; flutti mig minn bróðir Halldór, mágur og bestu vinir. Þungan draum dreymdi mig þá nótt er eg lá á Oshlíð, um mínar eftirkomandi raunir. Að morgni fórum við til skips, og var gjörð stór veisla. Síðan skildum við með gráti og bað hver 20 öðrum góðs.

Að morgni hjeldum við burt af Ísafjarðardjúpi vestur og frá landi til hafs, og kom það skipmönnum saman að draga fisk til matar sjer, og drögu 7 hundruð af þorski. Þá áhljóp mikið landnyrðingsveður, svo naumlega gátum vatur- 25 segli náð, og mistum 10 tunnur lýsis, og þá tunnu, sem eg hjeðan með mjer hafði að mestu. Hleyptum vjer svo vestur á Tálknafjörð, og settum upp vor mersusegl. Þar kom á borð til vor sá loflegi kennimann S. Guðmundur Skúlason,¹⁾ er þann tíma hjelt Laugardalsstað. Hann afeggjaði 30 mig frábært að framhalda ferðinni til Englands og bauð mjer án betalings að koma öllu mínu norður aftur. En sem skipherrann hugleiddi okkar hljóðtal gramdist hann mjög prestinum, því hann grunaði að okkar hljóðtal mundi afráðum

¹⁾ Síra Guðmundur Skúlason var síðan prestur á Rafnseyri, og dó 1623 (Sv. N. Prestat. XI. 1).

gegna. Presturinn varð af að láta, og skildum vjer svo að gjörðri bæn og blessan yfir mjer og minni ferð.

Að tveimur dögum liðnum sigldum vjer þaðan í nafni Drottins, að morgunsöng enduðum, bæn og litanu, og í 5 haf suður fyrir jökul, og að öðrum morgni sáum vjer Vestmannaeyjar. Þaðan sigldum vjer austur fyrir Horn, og hjeldum í haf síðan í landsuður. Og nær landið var oss nýlega horfið rak á stór mótviðri af suð austri í gegn oss. Eitt engelskt kræskip¹⁾ kom á veg fyrir oss, og var í vorri 10 ferð í 3 vikur, þar til stórir stormar oss aðskildu, svo að hvorugir vissu til annara. Skipherrann yfir þessu skipi hjet Thomas Græ.²⁾ Hvern dag var suð austanvindur og hjeldum vjer suð austan til við Færeyjar, hverjar vjer sáum naumast. Halda stýrimenn þær liggi í landsuður hjeðan frá landi 80 15 mílur. Þaðan sigldum vjer að Hjaltlandi og eru þar á milli 40 mílur eftir mínu minni; það er og eitt eyland og býr á fátækt fólk. Það hefur legið fyr meir undir Danmörk, og var í brúðarheimangjöf í pant sett þeim Englesku, og hefur ei verið síðan til Danmerkur innleyst, og liggur því síðan 20 undir England.³⁾ Þaðan sigldum vjer þar til vjer fengum Orkneyjar að líta. Á þeim sandrifum eður grynningum þar á milli sáum vjer 700 hæringsskip⁴⁾ og sigldum vjer hjá þremur, er köstuðu síld í skip til vor. Síðan sáum við Skotland, sem er nær því áfast við England, utan eitt lítið sund þar

¹⁾ Svo nefndust einskonar lítil verslunarskip á þeim tímum; orðið er uppr. komið úr miðaldalatinu *craiera*, *creyera*, en verður á ensku *craye*, *crayer*, dönsku *krejert*, sænsku *krejare* og lágb. *kreier*, *kreiger*, *kreger*.

²⁾ líkl. = Thomas Gray.

³⁾ Jakob 3 Skotakonungur giftist 1469 Margrjeti einkadóttur Kristjáns 1.; gaf Kristján konungur þá Skotum eftir afgjald það, er Noregskonungar áttu að fá af Suðureyjum, enda hafði það ekki verið greitt í mörg ár. Margrjet átti að fá 60,000 gyllini í heimanmund, en þar eð konung skorti fje til að greiða hann út í einu, veðsetti hann Skotum Orkneyjar, og ári síðar Hjaltland. En fje þetta var aldrei goldið og komust eyjar þessar þannig undir Skotlandskrúnu. Tiltæki Kristjáns konungs gramdist Norðmönnum mjög. (Sjá um þessa atb. Kr. Erslev í Danmarks Riges Hist. II. 551 og 565).

⁴⁾ o: síldveiðaskip; hæringur = e. herring, síld.

á milli¹⁾ Þá vorum vjer því nær og öllausir utan eitt hofsetur²⁾, og átti það að vatnsblanda hefði lengur í reynt. Þá vjer hjeðan í haf hjeldum var kannað hvað mikið öl þá var til, sem voru 11 hofsetur öls; en hvert kvöld nær skipherrann var til hvílu genginn upphófu þeir sinn ölskip. 5

Einn maður var þar innanborðs, Rúben að nafni; hann sá eg fyrst tóbak með hönd hafa og hvert kvöld taka, og þá list að læra gjörðist minn tilsagnari. Skipherrann og alt fólkið untu mjer hugástum. Skipherramætið og eg tefldum einatt kotru saman þegar tilgaf, og glímdum; hann 10 var glettinn og hvatorður, sem þeir fleiri, um Ísland og þess fólks skikkan, hvar af eg oft firtist við hann; ei var eg hans jafnaðarmaður til glímu, því hann var hinn mesti listamaður þar til og fleira, en í tafli hafði hann aldrei við. Samt vorum við í meinleysi tilsamans, og vildi oftlega 15 hafa fengið mig til Jarmóð³⁾ með sjer, þar sem hann átti heima, og koma mjer þar í vist, en skipherrann varaði mig við honum, og kvað hann misjafnlega bæði sjer og öðrum reynst hafa. Eg hafði káhyttu efst og aftur lengst hjá bátmeistara Vinsentzius, hver eð var minn fóstri og 20 sjerdeilis góður. Skiphera bað hann um mig og lofaði honum launum þar fyrir.

Getum nú þess að vjer sáum England þar sem Ný-kastali⁴⁾ nefnist. Urðum vjer þá allir næsta glaðir; höfðum vjer þá verið sjö vikur í sjó, og liðið megn stormviðri. Nær 25 vjer áttum nær 3 mílur til lands kom staðarins lífskip frá landi siglandi hið harðasta og beinsta að oss. Þetta var snemma morguns. Skipherrann bauð oss kyrrum að standa til beggja handa sjer, og með afsett höfuðklæði, og fyrirbauð oss bros að sýna eða eitt einasta orð að mæla, og til 30 hvers þeir kölluðu kvaðst ei dirfast annars en í tje láta.

¹⁾ Landafraeðiskunnáttu höf. er stundum nokkuð áfátt, einsog hjer, þó hann auðvitað hafi haft langt um meiri þekkingu á slíku, en flestir landar hans á þeim tímum, einsog vænta mátti.

²⁾ Líkl. = d. oxehoved, e. hogshead, og mun orðið vera komið inn í íslensku úr ensku.

³⁾ o: Yarmouth.

⁴⁾ o: Newcastle.

Þetta skip var geysistórt og veglega útbúið með stykkjum og margskonar öðrum herbúnaði, þar með einninn gylt og göfuglega stafferað um fremri og efri hluta skipsins. Kaptuginn þeirra kom og talaði til vors skipherra svo trássugt að 5 hverju hann spurði; tóku síðan strik frá oss og urðum glaðir við.

Þegar leið yfir miðdag komu út frá Nýkastala 3 hundruð skip, öll hafandi inni steinkol, er þangað víða úr löndum sækjast, og með ærnu fje kaupast; þau skip áttu 10 heima í ýmsum stöðum, í Englandi sum, í Frans, Þýskalandi, Hollandi, Noregi og Danmörk. Um nónbil á sama degi hljóp á æðistormur mikill af norðvestri, því og rjett undan ljetu öll skipin suður með landi hörfa, þar til fyrir Jarmóð kom; þar forgengu tvö skip um kvöldið, á því rífi, er þar 15 fram undan liggur. Vor seglra brotnaði í miðju sundur. Þetta skeði laugardag í Augusto. Að morgni næstum þar eftir, sem var sunnudagsmorgun, gekk vor skipherra til kirkju. Í þann tíma voru þar í Jarmóð ei fleiri kirkjur utan sú ein; hún var geysistór með háum turni, í hverjum 20 að voru miklar klukkur, sem frábært hljóð af sjer gáfu, og vítt umkring til heyrðist.

Eftir miðdag hjeldum vjer þaðan og suður með landi þar til vjer komum til Harits¹⁾, hvar skipherrann og fólkið átti heima. Þá komu út á bátum þeir, sem tóku 25 fregn á hverju skipi, er í hafnarmynnið innsigldi. Þessir menn fögnuðu skipherranum vel og hans fylgdarmönnum. Og nær skipið var fyrir sínum atkerum fast orðið, norðvestan til á móðunni hinumegin og gegnt borginni, dró skipherrann til lands með mörgum af fólkinu og heim í borgina, 30 en eg og skipherramætið Vilhelm Hundten skyldum á skipinu með nokkrum af fólkinu til kvölds eftir dvelja. Um miðdegi kom bátur frá norðvesturlandinu; sat í honum einn rikur maður Sæmund Kock²⁾ að nafni. Þessi tók okkur

¹⁾ c: Harwich.

²⁾ Líkl. hefur hann heitið á ensku Simon Cock, en skirnarnafnið verið afbakað eftir framburðinum [Saimon] í íslenska nafnið Sæmundur. Sjá athugasemdirnar um orðamuninn aftantil í bókinni.

til síns heimilis með sjer, og gjörði okkur þar mikla veislu. Hann bjó í einu þorpi og margt fínt fólk annað; þar voru þrjár kirkjur og var mjer sýnt í eina þeirra og var eg leiddur af meyjum ungum þangað, þær eð buðu mjer heim til sinna foreldra. Um kvöldið ljet hann fylgja okkur 4 menn í gegnum þann skóg er þar lá í milli þorpsins og elfunnar, og sakir morðingja og ránsmanna var oss fyrirskipað að tína grjót í vora hatta. Við eitt steinsnar urðum við varir um kvöldið, því mjög myrkt var orðið. Og er við komum að móðunni var þar strax til reiðu einn ferjumaður. Menn 10 Sæmunds gengu heim aftur óhindraðir. Þessi Sæmund Kock var mjög kunnugur hjer í landi; eg bað hann að koma mjer þar í góða vist, en hann kvaðst ei það að sjer taka, því hann vissi misjafnt fólk og sjer vanþekt í Eng-landi vera.

15

Nú er þar aftur til máls að taka, að við um kvöldið fórum með ferjumanninum yfir móðuna til borgarinnar, langt eftir dagsetur. Þá gengum við heim í borgina og til skipherrans húss; þá var hann ei heima er við þar komum, því hann var genginn til sinna reiðara, að skýra þeim frá 20 sinni reisu [og því hann hefði atkerið mist]. Kona hans tók fegins hendi við mjer og sagði mig guðvelkominn með frábæru blíðlæti. Þá við höfðum litla stund þar setið, þá biður hann skipherrans húsfrú að lofa mjer með sjer lítinn veg at ganga; hann lofar henni að skuli með mig koma 25 strax aftur. Hún samþykkti það nauðug. Eg gekk svo með honum. Hún ljet fylgja okkur sína þjónustumey með ljóslykt, og nær við komum að einu porti gekk hún heim aftur. Vilhjálmur sló á dyrnar með þeim stálhamri er á porthurðinni hjekk, og strax kom ein stúlka að opna portið 30 og spurði hverjir væri. Vilhjálmur sagði til sín, og sagðist vilja við herra hússins tala, hvern hann nefndi Thómas Tvidd, sá eð var herramanna gestaherbergjari og þeirra, er ríkir og mektugir voru. Þessi Thómas var vellauðugur maður, en ei fylgja auð allar dygðir, hljóðar máltak gamalt, 35 og mäske á honum ei sist sannast hafi. Kvinnu átti hann ágæta, sú eð bar kurteislega hegðan eftir mannlegu áliti, við hverja

- hann misjafnlega höndlaði. Hún hjet Bersabe; dóttir þeirra hjet Temperenz; hún var væn og dægileg en þó ljúf og litillát. Þar inngekk þessi Vilhjálmur og eg. Gjörðist þar stór veisla um kvöldið. Ei vildi hann trúa því
- 5 eg íslenskur væri, því eg í þann tíma hafði lært svo góða engelsku í þær 7 vikur, að hann hjelt mig engelskan mann vera. Þessi Vilhjálmur kom því til leiðar, að eg vistaðist um kvöldið hjá honum, þvert í móti mínum vilja. Þetta gjörði Vilhjálmur því hann fjekk mig ei með sjer til
- 10 Jarmóð, og til móðs við þann fróma mann Isach Brommet, til hvers hann bar jafnan kælu undir niðri, því hann þóttist ofgóður að vera hans mæti, með því hann var einn skálkur í þeli niðri. Þar hvíldist eg um nóttina í frábæru eftirlæti og af honum til sængur fylgt. Meðtók hann svo
- 15 mitt alt meðhafandi góss til geymslu, sem var 5 vættir af vorfiski, tvær kistur fullar, item tvær voðir; fjekk eg Isach aðra, fyrir þá 10 dali, er eg var honum um skyldugur, fyrir utanför með honum; item lítið lýsi, sem eftir varð af fullri tunnu, er spiltist og fyr var umgetið.
- 20 Um morguninn gengum við Vilhjálmur aftur til Isach og kunngjörðum honum og hans kvinnu hvar komið var. Varð hann mjög reiður við Vilhjálmm, og lofaði hann skyldi þess af sjer gjalda á meðan hann til entist, því hann sagðist mig þar síst til vista vita vilja sakir Thómasar
- 25 Tvidds harðýðgis, fláttskapar og vonsku, en hresti sig þó við hans kvinnu dygðir.

Hann hjelt 3 sveina og skyldi eg í eins þeirra stað á Mikaelsmessutið innganga, en þangað til skyldi eg mig sjálfur kosta. Tók eg mjer ferð til Nýkastala fyrir laun,

30 sem voru 4 dalir, og líka hans vegna, í þann máta að kynna mjer leið, þegar hann mig í sín erindi þangað senda vildi. Sigldum vjer þangað í 4 daga. Skipherrann hjet Thómas Græ¹⁾ og fengum vjer gott byrleiði þangað.

¹⁾ Höf. nefnir líka annan skipstjóra bls. 14 þannig, og getur verið að annaðhvort nafnið sje misminni; sbr. líka bls. 21 Vilhelm Gray; annars er nafnið Gray svo algengt, að það er ekkert því til fyrirstöðu að þetta sje rjett.

III. K A P.

Við sjómálið, sem skipunum er innlagt á móðuna, sú
 eð liggur upp í landið, stendur einn kastali; í honum brenna
 ljós um nætur, þeim skipum til leiðarvísirs, er þar skulu að
 sigla, því þar fyrir utan eru sandrif og mjótt innhlaup,
 svo varpa má hlut á land upp til hvorrar handar er vill af 5
 skipinu, og eru 5 mílur upp til borgarinnar Nýkastala; það
 er fögur borg og fallega bygð; þar eru 3 kirkjur og ein
 kostuleg bryggja yfir um móðuna þvera, með hvelfings-
 portum í gegn upp í landið, og í gegnum þau koma stórar
 prjámur ofan úr landinu með steinkol til skipanna, sem 10
 þangað eftir steinkolum sigla og fyr var um getið. Þar
 dvöldumst vjer í 3 vikur, og bauðst mjer þar vist hjá einni
 ríkri og kostulegri ekkju, sú eð hjet Jóhanna, en eg sagði
 henni hvernig háttað væri, þar öðrum fyr lofast hefði og
 virti hún það vel fyrir mjer. Þar voru og enn nokkrir 15
 kostulegir gentilmenn, er þar svo kallast, sem mjer innilega
 buðu vist hjá sjer.

Þaðan sigldum vjer að góðu veðri og heim til Harits
 að þremur dögum liðnum; komum vjer síðla heim fyrir
 borgina og fórum vjer til lands skömmu síðar. Þá var víðast 20
 fólk til sængur komið í borginni; veik því skipherrann
 Thómas Græ mjer heim til sín, en eg páði það ei,
 því eg vildi mjer ei það til hneyxla teldist að eg mitt heimili
 forsómaði; gekk eg því heim til portsins og sló upp á með
 hamrinum nokkuð kyrlega. Þjónustustúlkan kom strax og 25
 lauk upp portinu, því hún var ei til hvíldar gengin, en var
 að vaska upp borðsilfur og tin í steikarahúsinu. Neytti eg
 nokkurs; síðan bað eg hana um lykil til þess húss er mitt
 góss var inni; hún fylgdi mjer svo þangað með ljós, og
 strax fann eg mínar kistur brjáláður og mestöllu úr þeim 30
 rænt, hvar upp á ei mun hafa stórt brostið að verið mun
 hafa 30 dala gildi. Varð mjer þá ei gott í geði, sem hver
 má næst geta, sá eð hugleiðir eins framandi þesskonar ólagleg

efni eða óheillasama tilviljan. Þessa sömu nótt svaf eg harla lítið en gekk þó upp í loftsalin; þar stóð mín sæng með grænum sparlökum umkring.

Um morguninn árla klæddist eg og fann hans ágætu 5 kvennu, Bersabe, og var ættuð af þeim stað Ipsits¹⁾ borgarherra dóttir. Temperenz þeirra dóttir var og ástúðleg og líktist sinni móður. Eg segi þeim með hryggju hjarta hvað mig skeð hefur, hvar yfir þær sig stórum aumkuðu með gráti og ráðlögðu mjer að kunngjöra meistararum, 10 Thómas Tvidd, og vita hvað hann til segði eða til svaraði. Þennan morgun voru komnir til hans að taka brekfast²⁾, það er frúkost, eftir venjunni tveir herra menn, er þeir kalla nobilismenn, hverjir ásamt honum sátu upp á loftsalnum. Þangað gekk eg og upphóf að kæra fyrir honum mínar til- 15 fallnar raunir, hverjum hann illa gegndi og fylltist ofsa og mikilli bræði, greip skerdisk og af hendi til mín fleygði, skipaði sínum sveini mig að slá, í hverju hann og sýndi sig. Urðu um gólfð með okkur sviftingar, þar til hann fjell. Síðan gripu herra menn Thómas, er hann vildi losa, og varð 20 á salnum slark mikið. Þeir álösuðu honum stórlega, er hann svo við einn framandi [breytti og] sjer hagaði, gaf hann mjer það helst að sök, að eg heimti mitt góss að honum, sem hann til ábyrgðar og fullrar varðveislur af minni hendi meðtók, þegar eg til vista rjeðst hjá honum. Og með 25 því eg fjekk ei betra andsvar en sem greint er, afsagði eg honum, undir þeirra heyrn, framar mitt loforð við hann að halda, með því hann hefði sín fyrri brugðið. Þessu urðu þeir báðir samþykkir. Þessir voru báðir herra menn af Ipsits og bauð sá eldri mjer þjenustu hjá sjer í sjö ár, og 30 þriðjung sinna eigna ef eg sjer þóknast kynni, því hann átti enga nákomna erfingja; en með því svo hafði skeð, sem nefnt var fyr og eg hafði viðbjóð þar í landi langa dvöl að hafa, neitaði eg þessu boði, hvað honum mikið þótti, því hann ljet svo í orði sem eg hefði gott álit. Hann keypti

¹⁾ c: Ipswich.

²⁾ c: breakfast.

af mjer 5 hundruð fiska fyrir 25 dali engelska og það lýsi er eg eftir hjelt.

Thómas Tvidd átti einn fróman bróður, sá eð hjet Michael Tvidd; hann var aðmírall fyrir vínskipaflotanum að Spanía. Hann bjó þar í borginni Harits, og var ei þann 5 tíma heima, er þessi aðburður skeði. Hans bróðurs kvinna Bersabe bauð mjer þrásamlega vist hjá sjer eður hjá sínum mági Michael Tvidd; gekk eg tæpt að því, því eg óttaðist fyrir Thómasar svikum, með því hann hafði ílt geð til mín. Nær Michael heim kom, ljet hann kalla mig fyrir sig eftir 10 ráði Bersabe; rjeðst eg svo hjá honum til vista, og ljet eg flytja minn fátækdóm þangað. En tveim dögum síðar spurðist til Harits að tvö skip kóngsins í Danmörk Christiáns fjórða¹⁾ væri komin til Lundún til kóng Jacobs með skenkingar. Og nær eg það spurði, fjell mjer senn til 15 geðs að biðja Michael Tvidd um orðlof, hvað og skeði, fyrir meðalgöngu og milda tilhlutan Bersabe.

Tveimur dögum síðar gekk hún með mjer ásamt sinni dóttur til strandar að spyrjast fyrir um far til Lundún; fjekk hún að fregna, að einn skipherra að nafni Vilhelm Græ²⁾ 20 vildi innan þriggja náttu til Lundún; senn útvegaði hún mjer far hjá honum og það sjálf borgaði; skenktu þær mæðgur mjer mörgu gagnlegu, nærri 15 dala gildi; skildist eg svo við þær með elsku og góðum kærleika. Hún átti einn bróður til Lundún, sá er var einn kokk stórhöfðingja; 25 honum sendi hún brjef með mjer að hafa mig hjá sjer í herbergi, þar til eg kæmist til Danskra, er þar voru komnir og fyr ér nefnt.

Síðan sigldum vjer þaðan og fengum gott byrleiði suður að Lundún, og minnist eg ei betur en þar sje í milli 40 30

¹⁾ Kristján 4. sendi þessi árin við og við menn til Jakobs I. Englandskonungs mágs síns með gjafir til hans og heldri manna á Englandi, til að tryggja vinfengið við Englendinga, sem ekki var trútt um að stæði á völtum fótum meðal annars vegna þess að Kristján konungur hafði neitað Englendingum um rjett til hvalveida í Norðurhöfum er Jakob konungur hafði farið fram á. Sbr. athugas. við dönsku þýð. (hjer á eftir nefnd RC.) bls. 17 og rit þau er þar er vísað í.

²⁾ líkl. o: William Gray.

milur eða 50. Fyrst komum vjer að þeim stað er Grafsund nefnist, sá eð liggur við þann ós eður innhlaup, sem upp til Lundún liggur. Þar fyrir utan, nær vjer slöguðum inn fyrir borgina, misti eg góðan hatt af höfði mjer, er segl 5 út sló.

Við bryggju borgarinnar lágu 50 ferjubátar, og aðrir jafnmargir við Lundúnarbryggju. Þar leigði eg mjer bát, og annar maður, sá er hjet Daniel af hollenskri ætt, upp til Lundún, og komum þar síðla dags. Sá ferjumaður er 10 okkur ferjaði, sagði mjer öll örnefni tveim megin móðunnar, og er það fagurt pláss á báðar síður; þar liggja bygðir og þorp, og ein borg, er kallast Kvinsborg¹⁾. Þar má margan sjá úti hvern við sitt handverk og erfiði, suma við sín akurverk, suma við trjesmiðis handverk, suma við hverfi- 15 steinasmíði og aðra steina að úthöggva, ferjur að byggja, skútur og skip og önnur nauðsynleg þarfindi. Skipum mættum vjer fáum, þau eð bljesu í sín trómet. Nær vjer komum á miðja leið, litum vjer þann mikla turn, S. Páls turn, dómkirkjunnar til Lundúnar, sá eð er tilsýndar sem 20 ein fjallsgnýpa, og aðra turna, bæði þeirra tveggja slota, sem að eru til Lundún, og kirknanna, sem að eru innan borgar og utan 3 hundruð að tölu. Vegarlengd til borgarinnar eru 15 mílur engelskar. Ferjumanna bátar eru fallega málaðir, smíðaðir og vel tilsettir; í þeim eftri helmingi þeirra 25 eru tvær bjúgar sperrur og tjald yfir slegið, nær sem dögghvar, svo fartugar vökna ei; þar undir kunna þeir að hafa gott billífi öls og matar. Fyrir borginni liggja mörg skip, stór og smá, á móðunni, og þrjámur við bryggjurnar, á hverjum flutt verður korn og malt, og önnur margslags vara frá og 30 til. Í þessum kornþrjámun hafa dúfurnar sinn náttstað og gestaherbergi. Á móðunni synda fáeinar álftrir, er nefnast kóngsfuglar, og liggur hvers manns bani við, er þær deyðir, með skotum eður öðrum hætti.

Nú tek eg þar til máls aftur er vjer komum seint upp

¹⁾ Líklega er átt hjer við Queenborough, en hún er ekki á leiðinni frá Gravesend, heldur liggur utar, sunnanvert við Tempsársós.

til borgarinnar; þar mátti heyra trómet, bumbur, pípur og hljóðfæri allskonar upp á spilað, og aðrar þesskonar raddir, hana, manna, fjenaðar, klukkanna, á hverjar spilaðir voru psálmar á fjögur hljóð á kvöldin eftir vaktklukkurnar. Ferjumaðurinn fylgdi mjer til kokksins, til hvers eg hafði 5 brjefið úr borginni Harits; Daniel fylgdi með, og bað mig að árna sjer herbergis ásamt mjer hjá þessum hjónum. Vjer fundum fyrst húsfrú steikarans, og fylgdi hún mjer strax til hans, hver eð svaf á einum stól sitjandi, en svo var um búið að steikarahjólín sjálf vendu umkringt steikunum. Hún 10 vekur hann af svefni, en ei gegndi hann mjer að nokkru, fyr en hann fjekk sinnar systur Bersabe brjef lesið; strax tók hann mjer í hönd, og bauð mjer sess hjá sjer, herbergi og kost á meðan eg þar dvöl hefði.

Þessi maður var mjög aldraður, en hans húsfreyja ung. 15 Börn áttu þau engin sín á milli utan eina stúlku, sú eð var 7 ára að aldri og í besta máta vanin, tamin og tilsett. Þetta var hennar daglegt háttalag: nær hún hafði af sinni hvílu útgengið lauk hún upp stofuhurðinni og fjell á sín knje á þröskuldinum og bauð sínum foreldrum góðan dag og öllum 20 þar inni, óskandi því húsi og þeim Guðs verndunar og varðveislu; síðan setti hún sig til fyrir speglinum; þar eftir setti hún sig undir borð og las sín fræði, fægði húsið og settist undir sauma. Þessi hjón ljetu mig vel og veittu mjer hverjum degi öðrum betur. Daniel var þar til herbergis 25 svo sem fyrir minn bænastað nærri mánuð; þótti honum það, að mjer var framar honum virðinga leitað. Hann biður húsfréyju einn sunnudagsmorgun að útvega fyrir sinn bænastað, að eg ljeði sjer nokkur klæði til kirkju, því hann ljest til sakramentis vilja ganga. Eg trúði þessu og hans 30 mörgum gyllrðum, og ljeði eg honum heilan klæðnað til handa og fóta og bók í hönd, og að honum í burt gengnum leit eg hann aldrei meir, hvað alt var víst 20 dala gildi. Þetta þótti þeim frómu hjónum mikils vert. Þeir menn rikir er bjuggu til Lundún lofuðu að láta finna hann og upp- 35 hengja; þessir grömdust yfir minni tilviljan.


Dvaldist eg í 9 vikur í greindu herbergi fyrir ekkert



Mynd af Lun

verðkaup. Einn dag, sem mjer gafst hentugur tími, fann eg þrjá menn í einu húsi; þeir voru frómir af fylgjurum danskra manna. Einn þeirra hjet Jóhann Marteinsson: hann kunni nokkuð í íslensku, því hann kvaðst hjer í landi
5 í 3 ár legið hafa með reiðara góss; hann tók mig strax vel og kvað skyldi mjer hið besta tilleggja hjá eðalmönnum, sem var kóngsins gesant í Danmörk, hvað hann fullvel enti. Skildist eg svo með elsku og kærleika við þau hjón, og óskuðu mjer velferðar og lukku af Guði, bæði fyr og síð. Margir rikir
10 menn í Lundún buðu mjer þjónustu hjá sjer, en eg fjekk þar aldrei vild til, því mig langaði svo mjög til Danmerkur og hingað.

Fyr en eg tala öldungis um mína burtför þaðan vildi eg lítið áminst hafa um Lundún og Lundúnarbrú, með
15 styttsta hætti og fleira annað. Lundún er þrissett og eru stór kaupborg þar í milli og leikvellir, á hverjum framdir verða allskonar leikir. Þar inni og fyrir utan portin eru 3 hundruð kirkjur tólfræð, smáar og stórar, þar ibland eru 70 höfuðkirkjur. Í Lundún eru tvö slot. S. Pálskirkja
20 er sú stærsta og dómkirkjan. Þeim megin, sem fram að móðunni vendir, er borgin á þann veg bygd, sem er, að um flóð gengur vatnið upp undir borgina, svo hátt, að ei þarf að stiga ofan að vatninu meir en 3 tröppur þeir eð sækja



brú frá rúml. 1600.

vatn til neyslu úr þeim húsum, er á þeim vatnsbarmi standa. En sem hæst útfall er orðið þá má inn undir borgina langt á leirnum ganga, og þar undir borginni stendur mikill fjöldi stólpa, staura og styttna, sem uppi heldur þeim hluta borgarinnar.

5

Lundúnarbrú er þann veg byggð, að af sterkum grundvelli frá neðarsta er af úthögnum stórum björgum og nær yfir alla breidd móðunnar; þykt hennar eður breidd veit eg ekki, því mikill hluti borgarinnar stendur þar upp á¹⁾; þar upp á standa 3 þær stærstu höfuðkirkjur, og fleiri að eg 10 meina smærri. Í þann tíma var mjer sagt að í þeim hluta borgarinnar, er á brúnni stendur, væri 700 gullsmiðir. Í hverju steikarahússgólfi, er á brúnni stendur, eru hlemmar ferkantaðir, yfir þeim götum, sem neysluvatn er úr móðunni uppdregið daglega, og þá fiskur er í móðunni verður hann 15 með dorg þar uppdreginn, og strax svo lifandi til matgjörðar tekinn. Undir brúnni eru 9 eða 10 hvelfingar eður dyr, sem undir brúnni upp í gegn liggja, hvar í gegnum móðan hefur sína rás; mikill straumur er við þessa bryggjustólpa eður hvelfingsdyr. Furðulega stór akkeri eru þar í fyrstu 20

¹⁾ Þetta er auðvitað orðum aukið, en eins og sjá má á myndinni stóðu mörg hús á brúnni.

innmúruð, hverra hringar af múrnum úthanga, í hverja með bátshökum krækt verður af þeim þar í gegn fara á skútum, þrjánum, skipum og bátum, með allra handa góss til og frá. Þetta sje um brúna talað með styttesta hætti.

5 Eitt lítið þorp lá í þá tíma suðaustan til við móðuna, þvert yfir frá og gegnt borginni; um háfjöru á móðunni standa þau stærstu skip á grunni, og liggja á leirnum án skaða.

Borgin var mjer sögð 9 mílur umkring engelskar, sem
10 er meir en hálf þingmannaleið. Þar eru löng stræti, sem liggja upp í borgina, og veglegar húsaraðir á hvora síðu, og sje langt gengið upp í borgina, þá hljóta menn leiðsögu að fá, að rata aftur til strandar, hvar fyrir kompásar fyrir dyrum standa víða úti, og eru konur svo vel sem karlmenn
15 þar til hentugar þá leiðsögu að gjöra, sem hver beiðist og við þarf.

IV. KAP.

Innihaldandi hvað í þann tíma viðbar, er eg var til Lundún og þeir dönsku þar dvöldust. Hvernig 5 af ráðinu hugðu að svíkja kóng Jacob þann 6. í Englandi.

Eitt kvöld sem kóng Jacob kom neðan frá Grafsundi nærri dagsetri í Octobermánuði á bátum þeim, er kallast kóngsbátar, og eru að tölu 18 og voru það alt tíuæringar
20 og tólfæringar, og með honum vel 200 manns, höfðu þeir þær vjelar gjört með þúðri þar á bryggjunni, er kóngur skyldi að leggja, og hann plagaði á land að stíga, en kona ein, sú eð epli plagaði að selja við ströndina, gjörði kóngi bending, svo hann frá þeim svikum með Guðs hjálp frelsaðist.
21 Þrír af þeim náðust en tveir ekki, svo lengi sem vjer dvöl þar höfðum. Þá ljet kóngur setja eitt stórt þing fyrir neðan Lundúnarslot á viðum og sljettum völlum; var þar frábærlega margt fólk saman komið. Og að þeirra svikræði prófuðu

og með dómsatkvæði ályktuðu urðu þeir hjólbrotnir, liður frá lið, og svo lengi sem þetta var ei yfirstaðið urðum vjer þar að dvelja, svo ályktan þess máls með öllum aðburði yrði Danmerkur kóngi uppritað sent.¹⁾

Nú er þar til máls að taka hvað á þessu sama sumri 5 viðbar Anno 1615, að kóngins skip 2 í Danmörk að nafni Victor og Júpiter í [Jú]nímánuði náðu einum nafnkunnugum sjóræningja austur undir Rússía í Hvíta hafinu, þar eð kallast Archangel; sá nefndist kaptuginn Manda[us]²⁾; hann hafði legið 15 ár í hernaði og ásetti sjer í það sinn er þetta skeði, 10 að liggja fyrir einu hollensku skipi, er komst í gegnum Veigat og frá Austindien hafði siglt, en honum tókst það ei, því hann tapaðist fyr. Þessi sami var stallbróðir þess ræningja, er á þessu sama ári varð unninn á Vatneyri og heitstrengt hafði Ísland að eyða³⁾. Þessara stallbræðra varð 15 fimm daga munur að deyja. Kaptuginn Mandaus varð hengdur fyrir utan Austurport í Kaupinhafn í einni vippu, og hans undirkapteinn og skipherra. Þessi Mandaus átti 5 bræður á Englandi, og voru allir handverksmenn.

¹⁾ Merkilegt er það að í bræfi Jakobs 1, sem hann einmitt sendir Kristjáni 4. með Adam Bülow og er dags. ²⁶/₁₀ 1615, er ekkert minst á þetta. Jeg hef hvergi getað fundið neitt um þetta banatilræði, og býst við að hjer sje mjög blandað málum. — Haustið 1615 stóð einmitt yfir hið nafnkunna mál móti Somerset lávarði (sem áður hafði verið einn af helstu vildarmönnum konungs og með völdugustu mönnum á Englandi) og frú hans, sem voru dæmd til dauða fyrir að hafa látið byrja Sir John Overbury eitur. — Frásagnir um það mál hafa svo líkl. runnið saman hjá JÓL. við frásagnir um tilraun þá, er Guy Fawkes gerði árið 1605 til að sprengja í loft upp með púðri Jakob konung og alt þingið. — Sjá um þessa atburði Gardiner, Hist. of Engl. 1603—1616. London 1863 Vol. 1, 216—257 og Vol. 2, 206—250. Verið getur líka að JÓL. hafi eitthvað heyrt um það að Jakob konungur 1614 ljet fangelsa 4 þingmenn (sama rit II. 164).

²⁾ Kapt. Mandaus ·hjet rjettu nafni Juan Mendoza; um hann sjá 1. kafla, 17. kap.

³⁾ Frá þessu segir Espólin þannig: »Þá (o: 1615) komu um sumarit sjóvíkingar á Patriksfiörð, oc ætludu at ræna Vestfiörðu, þeir höfðu tekit nockra Enska menn með sér nauduga, enn er þeir komu á land, oc sióvíkingar ætludu at ræna Dani á Vatneyri, réðust hinir ensku menn á þá, oc urpu þeim í sjóinn oc drápu marga, enn tóku tvo fyrirliða oc fóru á brott síðann.« (Árb. 5 d. bls. 135—36).

Vikjum nú þar til máls aftur, að þar sem eg var fyrir einum degi kominn til Danskra á það skip er S. Pjetur nefndist, en skipherrann Christian Ross, að eftir miðdegi á fimtudag kom fram til vors skips einn af þeim 5 Mandaus 5 bræðrum, sá eð var atkerasmiður og einn ríkur mann, Rúben að nafni; hann spyr Christian Ross að, hvort hann vissi ekki af sinum bróður Mandaus að segja, sem kóngsins skip í Danmörk hefði tekið undir Rússíaríki. Christian kvaðst það geta, og sagði hann hengi fyrir 10 utan Kaupinhafnar Austurport þar í vippunni. Þessum Rúben brá illa við þá fregn og tók mjög litaskifti, kvaddi og gekk svo fyrir borð. Að þremur dögum liðnum kom boðskapur út af slotinu frá kóng Jacob, til vors yfirmanns, sá eð hjet Adam Billau¹⁾ og var einn með þeim æðstu 15 eðalmönnum í Danmörk, að þessir hans 5 bræður Mandaus vildu nú hefna á oss og útsenda 3 herskip oss til deyðingar, og var mikið gjört af þeirra umsveiflum í borginni. Kóngur sendi út af slotinu til vor 80 músskyttur, sem vjer köllum luntabyssur, og önnur nauðsynleg vopn móti þessum vorum 20 óvinum.

Og nær sem Adam Billau hafði sitt orðlof fengið þaðan í burt að reisa, hjeldum vjer þaðan úr höfnum um nóttina með lempe ofan til Grafsund.

Skamt fyrir neðan borgina Lundún í luktri höfn fyrir 25 innan grindur lágu kóngs Jacobs herskip stór og sterkleg tilsýndar. Og sem vjer komum til Grafsund höfðum vjer þar litla dvöl; gegnt þeirri borg lágu 2 megtug kóngsins herskip.

Nú er frá því að segja, þar sem eg í fyrstu rjeðst til 30 fars með þeim dönsku, og í þjónustu hjá nefndum eðla manni Adam Billau, að eg var með tveimur öðrum ágætum mönnum settur inn uppá ærlega undirholdning á það skip S. Pjetur. Einn þeirra hjet Magnús af norskri ætt, sá eð var kóngsins í Danmörk stallmeistari, góður maður og

¹⁾ Adam Bülow; († 1619) hann var þá stallmeistari kónungs; sbr. ath. RC. við þennan stað.

frómur, annar het Jacob Pjetursson, sem til Lundún í 7 ár dvalist hafði, að læra snúruvefnað af gulli, silfri og öðru margskonar, er þeir kalla þússmenterí. Þessir tveir menn voru mjer góðir og hagkvæmir, svo sem og alt það skipfólk.

5

V. KAP.

Og svo sem fyr var sagt að lítilli dvöl entri hjeldum vjer burt frá Grafsund og í haf að Jótlandsskaga. Þar hljóp á megnveðri mikið af austri, utan vjer fyrir Guðs náð gátum náð þar Noregi er Flekkefjörður heitir með því skipi eg á var, en hitt skipið, sem eðalmaðurinn á var, og Jónas 10 nefndist, náði höfnum sunnar í Noregi, og komst hálfum mánuði fyrri heim til Danmerkur en vjer.

Adam Billau reisti strax á kongs fund, er í þann tíma var vestur í Jótlandi með sinni hirð allt til vors. Ei sá eg þennan Adam Billau í 3 ár, en Magnús, er eg 15 fyr um gat, tók mig að sjer, og vildi að eg þjónaði í kóngsins stalli og yrði hans beriðeri og stall-knekt, hvar til eg mig velviljuglega gaf.

Kóngsins stallur stóð í þann tíma við Hábrú í Kaupin-hafn, slotsmegin við portið. Þar í því húsi er við portið 20 stendur bjó einn frómur maður aldraður, Christian að nafni. Hans kvinna het Elín; hún var yngri en maður hennar. Þar í því húsi hjá þessum guðhræddu hjónum hafði Magnús sitt herbergi, og af meðgæddri manndygd tók mig þangað til herbergis og lagði mig í sæng hjá sjer, 25 veitandi mjer ærlega tæring við þeirra borð, samjafnt sjálfum sjer. Þjónustu hafða eg enga aðra en þá, að eg gekk með honum tvisvar hvern dag í stallinn hestunum að kembera og þá vandlega að vakta og verka og tvisvar daglega að útleiða til vatns og hressingar og upp á trumbu að slá fyrir 30 þeim.¹⁾ 2 þjenara hafði hann aðra, sem stallinn fægðu

¹⁾ til að venja þá við hávaða.

daglega. Þessi mín stallþjónusta varaði ekki lengi, sem var nærri 6 vikna tími; því svo bar við að kóngl. Majest. sendiboði kom til Magnúsar og bar honum þá fregn, að hann sem snarast skyldi koma á fund kóngrs, en fyrir það Magnús 5 dró til ferða, það hann um mig í herberginu hjónin bæði að þau ljeti mjer í tje allt það mig um nauðsynjaði.

Síðan afreisti Magnús frá Kaupinhafn og vestur til Jótlands; kóngur í þann tíma hjelt sitt hof í Jótlandi með 80 hofólks. Svo bar við á einu kvöldi, sem Magnús gekk 10 af slotinu heim til sins lossamentis og svefnstaðar, að hann, því ókendur var í borginni, gekk til órjettra dyra, hvar einn kóngrsins dravant var fyrir í herbergi, og eftir því hann á dyrnar þráklappaði, gramdist sá dravant honum og hljóp til dyra með sinn atgeir og veitti honum bana, hvar fyrir 15 hann hlaut hálsinn að missa.

Nær sem þetta spurðist til Kaupinhafnar og til míns herbergis, fýltist eg harms og trega, og margir hörmuðu Magnús, því hann kom sjer vel. Var eg þá í neyð staddur og munaðarlaus. Þá talaði Elín til við mig einn dag og 20 spyr mig að, hvort eg hafi nokkuð gjald til betalings fyrir kost og herbergi, en ei var gjald þá meir til. Kvinnan af dygd sinni gekk út einn dag, að leita við að koma mjer til einhvers handverks. En með því að komið var fram að jólum svo nær að hver hafði fullráðið fjekk hún ei því 25 orkað.

Einn dag gekk eg ofan á bryggjur mjer til skemtunar, þær stóð einn ungur maður á meðal annars fólks, sá eð Ambrósíus var að nafni. Hann spurði mig að ætt og nafni og hvers lands maður eg væri, hvað eg honum alt 30 hið glöggvasta tjeði. Þessi maður þekti mig og minn bróður Halldór og tók mig heim í sitt herbergi með sjer, þar rjeð fyrir mágur hans og systir, mætir menn og frægir í borginni. Hann hjet Hans Jacobsson, hann var kjallarmaður hinn ypparsti á Bremerhólmi. Hann bauð mjer þangað 35 og láta mig þar innskriða fyrir viss verðlaun, en eg hafnaði því með öllu, því eg hugði mig sneiða hjá kóngrsins þjenustu, þó ei svo yrði. Síðan gekk hann uppá slotið og fann

kóngsins silfur-popp, sem vaktan hefur daglega á kóngsins öllu borðsilfri, og vildi hafa komið mjer í sveinsstjett hjá honum. Þessi lofaði að morgni komandi þar upp á honum andsvar að gefa. Enn á meðan hann var uppá slotinu varð eg áeggjaður af þeim manni, er Rasmus hjet og var einn könnusteypari, að gefa mig undir kóngsins regimente fyrir einn byssuskytter,¹⁾ og hrósaði því mjög og týhússins yfirvöldum einkum meistara Hannesi,²⁾ sá eð var í þann tíma týmeisteri og kóngsins byssuskyttur yfir settur ásamt týjunkurnum sem Adolphus Fridericus Grabov hjet,³⁾ 10 og þá var nýlega kominn frá landi Holsten og stóð þar nálægt, er við Rasmus vorum um greint efni að samræða. Varð það svo fyrir hans stóra eftirleitni að eg lofaði mig þar til að gefa undir heyrn og handsöl junkursins Grabov. Befalaði hann greindum Rasmus, sem var einn kóngsins 15 byssuskytter, að fylgja mjer heim í borgina til eins manns, er Jón Halldórsson var að nafni, og var íslenskur og ættaður úr Eyjafirði, líka ogsvo einn byssuskytter, og lofaði honum borgun fyrir þann kost, er hann mjer veitti, til þess eg yrði undir regimenti kóngl. Majst. innskrifaður, hjá 20

¹⁾ 'Byssuskyttur' voru á þeim tímum kallaðir hermenn í fallbyssu-liðinu: þeir fengu í mála minst 9 dali á hverju missiri. Einkennisbúningur þeirra var rauður og gulur. Þeir voru notaðir á flotanum, týhúsinu og í Krónborgarkastala; þeir stóðu undir forstöðumanni týhússins, sem var nefndur »Tøjunker« eða »Øverste Arkelimester«; undir honum voru svo aðrir arkelimeistarar. Þeir höfðu aðstoðarsveina til að vinna fyrir sig það sem verst var við fallbyssurnar, en þeir áttu sjálfir að skjóta af þeim. — Oft höfðu þeir einhverja vinnu aukreitis á friðartímum auk herþjónustu sinnar, og tilfærir Jón Ólafsson ýms dæmi þess. — En fyrst árið 1645 komst gott lag á skipun fallbyssuliðs í Danmörku. — Sbr. ath. RC. við þenna stað og rit þau sem þar eru tilfærð.

²⁾ Hann hjet fullu nafni: Hans Kort og var arkelimeistari 1602—1617. RC.

³⁾ Adolphi Friðrik Grabow af Watike, af þýskri aðalsætt var æðsti-arkelimeistari 1618—1624. Hann varð 1619 varaformaður í indverska verslunarfjelaginu og 1624 »berghauptmand« í Noregi, en var settur af fyrir illan embættisrekstur, og vita menn ekki með vissu hvað af honum hefur orðið síðar. Sbr. ath. RC. við þennan stað og I. bls. 216. og rit þau er tilfærð eru á fyrri staðnum.



Byssuskyttur frá dögum Friðriks 2. — Annar hermaðurinn heldur á luntastöng með brennandi lunta. (Joach. Arentsehe).

hverjum eg dvaldist upp frá því í þrjú ár til herbergis, og átti eg hann fyrir einn góðan og trúfastan vin og stallbróður bæði leynt og ljóst alt til hans æfiloka, hvað reiknast mátti ein góð vingjöf af Drottins hendi, einkum í framandi stöðum.

Prem vikum síðar en fyr var umgetið, varð eg innskrifaður með öðrum 25 undir regimentið, og í regimentis manntalið brustu, sem iðuglega skyldu vera eftir rjettum passa og tilskikkun kónglegrar tignar hálf tólf hundrað, og þá í fyrsta sinni sór eg kóngl. Majest. hollustu og trúnaðareið, ásamt öllum þeim regimentislýð þar saman 10 komnum. Ei var kóngur þar í þann tíma. En svo er tilháttað, að eitt borð er sett innan vjebanda í týhúsinu, á það er látið salt og brauð, þegar eiðar eru unnir, en þess þýðing er Christur og hans orð, og kallast að sverja upp á salt og brauð. 15

Sex vikum síðar var eg tekinn og tilsettur við týhúsið vakt að halda, en til þess tíma hafði eg fripass, spílurum og liðugan gang í borginni, framar öðrum, er komu samtíðis mjer undir regimentið, því sá frómi gamli mann, Meistari Hannes, týmeisteri, var mjer svo frábærlega góður og eftirlátur, sem eg hefði verið hans eiginlegur sonur, og af því vóx elska og ástsemd fólksins til mín og varð eg því ei síðstur haldinn af öllum mínum jafnöldrum og samnótum, hvar út í Guðs náð og ósegjanleg þolinmæði sig bevísaði, mjer aumum og framandi til eflingar og hjartans hug- 25 svölunar.

Mínir landsmenn reyndust mjer flestallir góðir og gagnlegir, tryggvir og tállausir, hverjir hjeðan af landi voru þangað komnir. Fyrst í þann tíma, eg þangað kom, var norðan frá Hólum kominn Þorlákur Þorkelsson,¹⁾ sem 30 prestur varð síðar og ordíneraður til þeirrar sóknar 3 mílur frá Kaupinhafn er Orupp hjet, þó honum það ei auðnaðist, því hann andaðist í Kaupinhafn og var minn elskulegur

¹⁾ Hann var sonur Þorkels Gamlasonar, ráðsmanns á Hólum, og varð ²⁰/₇ 1621 prestur í Hvidovre, en dó í Janúarmánuði 1622. Hann er talinn að hafa orðið fyrstur Íslendinga prestur í Danmörku síðan síðabótin komst á. Sjá RC. og rit þau er þar eru nefnd.

- og góður vinur. Item og þaðan var kominn Jón Gissurson¹⁾ frómur maður þangað, sem síðar varð skólameistari í Skálholti og á Hólum, og síðan prestur og staðarhaldari fyrir norðan á Múlastað. Item Finnur Böðvarsson²⁾ úr
- 5 Borgarfirði úr Sunnlendingafjórðungi, minn frómur og elskulegur vinur, hver eð í Kaupinhafn hjeðan í burtu sofnaði til Drottins náða. Item Guðmundur Jónsson frá Hítardal,³⁾ einn frómur og góður maður, hver eð ásamt hinum áðurnefndum auðsýndi mjer stóra æru, elsku og velgjörðir.
- 10 Þessi andaðist og í Kaupinhafn, og fengu þessir allir 3 stúdentar heiðarlega greftran. Item Pál Sveinsson⁴⁾ fann eg þar, þessum samtíða, sá eð var einn bartskeri og góður medicus, einn frómur mann, og minn jafnan góður vin, ættaður og kominn frá Holti í Önundarfirði, og andaðist
- 15 einnin í Kaupinhafn og varð ærlega greftraður í Helliggeistis kirkju jurtagarði, er svo kallast, hvern eg með öðrum 6 vænum ungum mönnum, þar til keyptum, jós moldu.

¹⁾ Um hann sjá Janus Jónsson, Sögu latínuskóla á Íslandi (Tímarit Bókmafj. XIV. 1893, bls. 53). Síra Jón fjekk Múla í Aðalreykjadal árið 1633 og var þar prestur til 1660; þá slepti hann brauðinu og dó 1662. Hann var prófastur í Þingeyjarprófastsdæmi 1636—1660. (Sv. Nielsson Prt, XVI, 9 og 18.)

²⁾ Um hann sjá Árbækur Espólins V. 141, VI, 33. — Hann var sonur Síra Böðvars Jónssonar í Reykholti (1518—1626), er Finsensætt er komin af í beinan karllegg (Dr. J. Þorkelsson í Obituaría Ísland. bls. 221).

³⁾ Hann var sonur Síra Jóns prófasts Guðmundssonar í Hítardal og Guðríðar Gísladóttur lögmanns Þóðarsonar. Sjá Espólins Árb. VI. 6.

⁴⁾ Páll Sveinsson var sonur Síra Sveins prófasts Símonarsonar í Holti í Önundarfirði († 1644) með fyrri konu hans, Þórunni, laundóttur Björns Hannessonar, og var því hálfbróðir Brynjólfs biskups Sveinssonar. — Hann hafði tvo um þritugt er hann andaðist. (Dr. J. Þork. í Obit. Isl. 215).

VI. KAP.

Innihaldandi um það hið sjerlegasta hvað viðbar fyrst eg kom í Kaupinhafn, og það fleira sem áminst verður.

Skömmum tíma þar eftir er eg var innskrifaður í kóns-
ins bók og að unnum eiði, bar svo við einn snemma morgun 5
að eg gekk yfir þá járnrist, sem gengin er inn á kirkju-
garðinn dómkirkjunnar, sem kallast Vor Frue kirkja (það
er Maríu kirkja), að leita eftir Þorláki Þorkelssyni
studioso, þá gekk karlmaður og kvensvift undan mjer að
þeim brunni, er þar stóð, vatn að sækja. Og er þau litu í 10
brunninn, gáfu þau mikið hljóð af sjer, og sögðu þar flyti
eitt dautt meybarn í brunninum. Þangað gekk eg skyndi-
lega og leit hvað skeð var. Slíkt frábært tilfelli barst
skyndilega um borgina og rannsökun gjörð með ýmsum
hætti, og úr þeirri sókn straks að morgni 500 þjónustu- 15
meyjar upp á ráðhúsið hafðar, og þar til reynt hvort mjólk
væri í þeirra brjóstum, hvað ei fanst vera hjá nokkurri
þeirra. Og af slíku tilfelli gekk kveinan og grátur í borg-
inni, og í kirkjunni bæn gjörð til Guðs, að auglýsast mætti,
hváð þó ei skeði augljóslega, utan hvað tilgátur voru, að 20
komið væri af húsi einnar hálærðrar persónu M. Hr. m. Var
þá við lokið skömmum tíma þar eftir þar meir um að tala,
til þess að 3 ár voru liðin, bar svo við að tvö börn vansköpuð
fæddust í borginni í því stræti, sem kallast Vagnmanns-
stræti, en í þeirra líkprjedikun var af prestinum Hr. Menelaos¹⁾ 25
áminst um margskonar ósiði, sem honum virtist tíðkast og
í vöxt fara í borginni, og á meðal annars varð honum
áminst um þetta barn, og talaði harðlega til þeim andlega
selskap um vandlætingarleysi, bæði um fyrirboðna hoffrakt
og yngismeyjanna ljótlega klæðadrakt, því þessi áður nefndu 30

¹⁾ Menelaus Poulsen Næstved, 1585—1626, varð 1610 æðsti kapellán
við St. Nikulásarkirkjuna, og hallarprestur 1617 RC.

2 meybörn báru þvilíka vansköpun, eftir meyjanna hárfjettum, topp-húfum, axlasaumshæðum, pilsrykkingapípum og afsettum skóm með öðru þvilíku dreisslegu teikni, hverjar afskaplegar fæðingar að tíðar skeðu bæði þar og víðar
 5 annarsstaðar, hvar til Guð verður þrátt neyddur með ýmislegri óhófs athöfn og Guðs gáfna vanbrúkun.

En með því H. Menelaus, sem var kapellan til St. Nikulás kirkju, var næsta harðmæltur til prestanna um þeirra alvöruleysi að aftaka fyrst af sjer og sínu húsi alla
 10 vansemd, og fyrirboðið klæðasnið sinna þjónustukvenna ljetu viðgangast, og þessa íbland mintist þessa áður nefnda dauða barns, sem í brunninum fanst með kvenna bandi um hálsinn, segjandi ei skyldi það komið af húsi þeirra hálærðu og etc. — Sóknar-herrann M. Andrjes¹⁾ bar það
 15 helst úr hans þrjedikun fyrir erkibiskupinn Hans Resen,²⁾ hvarfyrir hann komst í hans og allra hálærðra reiði og ógunst, afsögðu hann frá embætti og þeirri kirkju. Einatt gekk hann einmana um Nikulásar kirkjugarð. Síðan gjörði hann þar sína síðustu þrjedikun, undir hverri eg óverðugur
 20 var ásamt öðru frómu fólki, hvert hann með miklum gráti kvaddi, og yfir því auðmjúka blessan gjörði, söfnuðurinn honum það aftur auðsýnandi, því allir untu honum hugástum.

Síðan gekk erkibiskupinn ásamt þeim hálærðu fyrir
 25 kóng, framtöldu hans sakir, er þeir gáfu honum, og óskuðu kóngs úrskurðar, að hann annaðhvort útrækist eður aftækist. Enn með því að þeir fyrir fáum árum höfðu einn merki-
 30 ráðið. Ljet kóngur strax senda eftir honum, og befalaði þrjedikun fyrir sjer strax á slotinu, ásamt þeim hálærðu að

¹⁾ Skáldið A. Christensen Arreboe, sem var sóknarprestur við St. Nikulásarkirkjuna 1616—18. RC.

²⁾ 1561—1638; Sjálandsbiskup frá 1615 til dauðadags.

³⁾ Ole Jensen Koch frá Björgvin í Noregi var prestur við St. Nikulásarkirkjuna, en Resen þótti hann of kalvínskur, og fjekk komið því til leiðar að hann var rekinn í útlegð 1614. RC.

gjöra, hvað og skeði. Geðjaðist kónginum mjög vel hans ræða, og sagði hann sjer velkominn upp á slotið, og varð þar svo slotsprestur síðan.

Eitt mannsmorð skeði að skömmum tíma þar eftir er eg kom í Kaupinhafn, um nótt í því stræti, er Leirstræti¹⁾ 5 kallast. Vegandinn flúði og höndlaðist ekki.

Margir misgjörðamenn urðu þar með ýmsum hætti refstir og rjettaðir í gálga og steglum og vippu²⁾ þar til að kóngur sá að ei að heldur vildu misgjörðir í minkun fara; gjörðist sú samþykkt á herradegi, að enginn í 12 ár skyldi rjettast, 10 hverskyns glæpamaður sem væri, utan eittthvert frábært illvirki aðhafst eða gjört hefði. Þar fyrir var stiftað eitt fangelsi á Bremerhólmi, Truncen, þar inn voru settir þeir menn, sem stærst og smærst ávirðing hafði tilfallið. Þeirra fangelsi var á þann veg, að þeir um lífið höfðu eina járn- 15 gjörð svo rúma, að klæðaskifti gjört fengu, og fyrir neðan hægra hnjeð aðra, og láu digrir hlekkir utanlærs þeirra á milli. 4 menn voru settir yfir þá, sem til daglegs erfðis og þrælkunar skyldu fram drífa með kaðalsvipum og bera mat fyrir þá og þeirra nauðsynjar að athuga, fangelsis- 20 húsinu að læsa, og aftur upp að ljúka, eftir venju og tilsettum tíma kvölds og morguns. Allrahanda embættisfólk, sem brotlegir urðu í hvern máta, sem vera kunni, voru þar innláttnir, og með dómi tími skamtaður þar að vera, eftir mála- vexti sjerhverrar persónu. Sumir skyldu þar vera 1 mánuð, 25 2, 3, 4, ár heilt, 2, 10, 20. Item stórglæpamenn alla sína æfi. Vaktmeistarinn, Söfren Traf, var þar innsettur fyrir það misferli, að hann með sinni skarvakt³⁾ um nóttina hafði yfirfallið einn herramann á Kaupinhafnar strætum, barið og sýnt stórt ofriki. Item tveir aldraðir menn og fógetar, 30 sem hjer kallast sýslumenn, komu þangað úr Lálandi, af drotningunni Sophíu⁴⁾ til sama fangelsis sendir, og skikkaðir

¹⁾ Gatan hjet rjettu nafni Læderstræde. RC.

²⁾ Góð lýsing á vippugálga er í 2. kafla 23. kap.

³⁾ Lögreglusveit bæjarins var svo nefnd:

⁴⁾ ekkja Friðriks 2. (1557—1631), hafði að lífeyri krúnugarðir á Lálandi og Falstri og var sögð hörð landsetum sínum. RC.

þar að ganga í nokkur ár fyrir ranga dóma og misjafna lögsögn. Item einn stúdent, Pjetur að nafni, ættaður úr Kárseyri,¹⁾ var þar innsettur og eftir dómi 18 ára tími tilsettur, sá eð knífsting litinn með pennaknifi hafði veitt
 5 sínum stjúpfoður. Við höfðum báðir einn heilan vetur saman haft sæng og herbergi, og var kominn fram undir vigslu. Þessi Pjetur með öðrum sjö af nefndum fongurum komst úr fangelsishúsinu, þeir eð skriðu aftur á bak, gegnum saurindarennuna alt út í sjóinn, og vörpuðu sjer ofan
 10 fyrir múrinn, nærri tvo faðma að hæð, en djúp vatnsins var 3 eða 4 faðmar, og svömluðu svo úti með múrnum á leirana, brutu af sjer járnin, og rýmdu síðan upp til Svíaríkis. Einn af þeim náðist og varð uppheingdur. Þessi Pjetur, studiosus, varð til Svíaríkis herra-mannabarna
 15 skólameistari eitt ár. Síðan fór hann að finna stjúpfoður sinn, að krefja síns föðurarfs. Hinn krafðist hans vitnisburðar, að hann væri ærlega kominn frá sínu fangelsi, og að honum auglýstum hjet honum sinni erfð, hvar við Pjetur reiddist og gjörði stórt upphlaup og vildi enn að nýu slá
 20 sinn stjúpfoður; var svo tekinn af yfirvöldum borgarinnar og færður til Kaupinhafnar, og á slotsplássinu rjettaður, að endaðri þeirri oratiu eður sermōn, sem gjörst hafði af innihaldi og texta þess 4. Guðs boðorðs.

Á árinu áður en eg kom til Kaupinhafnar voru 3
 25 galdrakonur brendar í Sælandi. Ein þeirra, sú hin helsta, hjet Marín Kringsteðs, ein ríkiskona, ei minnist eg þeirra tiltæki.

Einn tíma bar svo við 1617 um sumarið, á einum torgdegi, sem var laugardag, að einn maður Jens að nafni,
 30 sá eð var nýgiftur einnri frómri dándiskvinnu og bjó í Litla Ferjustræti í Kaupinhafn, var útgenginn fyrir borgina um Vesturport með einum frómum borgara og voru að spássera þar um grundirnar, sem bændurnir skyldu fram um fara, þeir eð áttu heima uppá landsbygðinni og tvisvar í
 35 hverri viku komu í borgina uppá torgið, með allrahandu,

¹⁾ nú: Korsør.

sem af bóndabygðinni plagast að flytja í kaupstaðina, sem er rúg, maltrúg, bygg, þríslags grjón, hveiti, humal, hunang, smjör, ost, svín, gæsir, andir og margslags fisk úr ferskum vötnum. Á meðal annara bænda, sem úr borginni óku á vögnum, var einn bóndi, sem nokkuð var drukkinn. Þessi ungi borgari, Jens að nafni, upphóf eftir sinni gamalli venju að grýta bændurna með hestaperum, þar til þessi drukkni bóndi varð fyrir hans kasti, hrópi og spottyrðum; en með því að hann mjög svo kendi undan hans áköstum og þar með illa sveið hans hæðni, og var í þessu óaflát-samur, og með engu móti hirti um hins annars borgarans umtölur nje afletjan, hljóp úr vagninum með riðugan korða, sem bændur plaga þar án bals¹⁾ liggja láta og strax hann með honum í gegn nísti, hljóp svo á sinn vagn og burt keyrði. Hinn fjell þar strax dauður niður til jarðar. Borgar-inn hinn annar bar þessi tíðindi í borgina, var hann svo sóttur og innfluttur, og að morgni greftraður upp á St. Nikulás kirkjugarði. Hann fjekk eftir sig vont rykti af prestinum í prjedikunarstólnum, hvernin hann í ungdómi hefði sínum foreldrum óhlýðugur verið. Lýst var vegand-anum með brjeflegri lýsingu en ei eftir runnið af hans frændum og ei syrgður af hans kvinnu, við hverja hann hafði haturlega breytt, og ekki af nokkrum manni. Síðan aflagðist lengi spott og háðyrði við bændurnar af borgar-lýðnum.

25

Item bar svo við einn tíma, að smápiltar, þeir eð gengu í þann danska skóla, voru að leika sjer við ráðhúsmúrinn með sínum pungum, um það bil að klukkan var 4, það er stund af nóni, og voru nýkomnir út af skólaherberginu, að tveimur af þessum unglingum bar til þrætu, var einn 7 ára en annar 9. Sá yngri þeirra greip sinn pennaknif og stakk þann eldri með til dauða, og strax rann á flóttu. En strax sem þessi aðburður skeði, og pilturinn var burtflúinn, barst þvílíkt með skyndi um borgina, svo þys og ys varð mikið, og það varð sagt býfógetanum, það er staðarins

35

¹⁾ o: slíðra, þ. Balg.

sýslumanni. Útsendi hann sína þjenara, sem kallast býsveinar, og jafnan eru þar komnir, sem nokkuð ilt viðber, að höndla þennan pilt, sem vígið hafði framið. Og sem þeir voru á leið þangað, sem þessi aðburður skeð hafði, þá mætir þessi 5 ungi sveinn þeim, á því stræti, er lá upp að Vesturporti borgarinnar, og spyr þá að segjandi: »Eftir hverju hlaupið þjer.« Þeir sögðu: að þeim pilti þann annan deytt hefur. Pilturinn sagði: »Þar hljóp einn piltur litill skömmu fyrri, en þið mættuð mjer, og var á mjög hörðu striki,« og bentí 10 þeim þangað af vegi. Senn runnu þeir þá leið, er hann þeim tilvísaði, en hann með hægð komst í flóði annara í gegn um borgarhliðið og svo út og uppá landsbygðina til eins bónda, tjáandi honum sína tilviljan. Skömmu eftir, sem hann var útgenginn, kom boð til allra borgarhliða, að enginn 15 piltur innan 10 ára skyldi útgang fá. En með því hann hafði svo hyggilega undan komist, varð engin eftirför honum veitt, heldur skikkað að hjálpa sjer ærlega hvar og hvernin hann kynni, utanlands eða innan, að hann kæmi ekki í Kaupinhafn, og lyktar hjer svo frá honum að segja.

20 Á mínu 6. þjónustuári undir kónglegu regimenti, skeði eitt hryggilegt morð skamt frá Kaupinhafn á einum prestgarði. Presturinn hjet H. Söfrén¹⁾. Svo bar við að presturinn hjelt einn húspjenara, ei minnst eg glögt hans nafn. Hann skipaði honum eitt laugardagskvöld að kljúfa við til 25 tveggja sunnudagsmáltíða, svo með því erfiði sunnudagurinn ei vanhelgaðist. Presturinn eftir máltíð haldna ásamt sinni ektakvinnu og 5 eður 6 ára gamallri dóttur og gjörðri bæn gekk til sængur, en 2 þjónustumeyjar, er þessum frómu elskuhjónum þjónandi voru, staðnæmdust við á meðan þessi 30 maður hafði ei við lokið sitt tilskikkað erfiði. Presturinn af meðaumkan og manngæsku skikkaði annari sinna þjónustumeyja, að færa honum út könnu fulla af sínu eigin öli, til hugkvæmdar, því hann vissi vel, að þetta kvöldverk mundi honum illa geðjast. Stúlkan gjörði sem henni var befalað,

¹⁾ Likl. er hjer átt við Søren Pedersen, prest í Skævinge, sem var myrtur 16. Növ. 1618. Wiborgs Præstehistorie III. 103. RC.

en strax sem hún kom til hans með ölið út í garðinn, heila-
 hjó hann hana í einu til dauða, og sagði hún prestsins
 gjalda skyldi. Og nær prestinum þótti hennar dvöl yfir
 máta langgæð verða, sendi hann hina aðra stúlkuna að vita
 hvað hennar dvöl valda mundi, og gekk það til fyrir henni 5
 á sömu leið sem fyr það hina skeði. Síðan gekk þessi
 morðingi inn í stofuna að hvílu hjónanna. Presturinn spurði,
 hvað stúlkurnar dveldi. Hann kvað þær liggja dauðar út
 í garðinum og hjet honum sömu kjörum og hans kvinnu,
 svo hann skyldi ekki annað laugardagskvöld fá sjer við að 10
 kljúfa. Presturinn með miklum ótta og hræðslu bað um
 grið og líf og hjet honum aldrei við skyldi fá framar um
 það kvöld að kljúfa. En þar hjálpaði engin bón nje fortölur.
 Presturinn bað hann um svo langan frest, að hann læsi
 faðirvor, hvað honum og veittist. Bar hann svo sína öxi 15
 blóðuga á loft og hjó þau bæði í sænginni til dauða. En
 af því að mjög var dimt í herberginu og áhöld höfðu orðið
 með þeim í fyrstu, þá skreið þeirra litla dóttir aftur af sæng-
 inni og komst út í burt til manna, er þar í þorpinu ekki
 sjerdeilis langt frá bjuggu. Morðinginn eftir þetta fordæðu- 20
 verk framið, gekk með skyndi í prestsins hirslur upp að
 brjóta, og af því dýrasta hans góssi svo ræntu bjó hann
 sjer bagga svo stóran, sem hann naumast gat borið og með-
 farið. Liðu svo 3 ár fyr en þessi morðingi höndlaðist í
 landi Holsten, er skeði með þvílíkum aðburði sem nú eftir- 25
 fylgir.

Þessi sálugi prestur átti bróðurson og var kominn í
 landið Holsten í eitt gestaherbergi; á meðal annara frómra
 manna sjer þessi hinn ungi maður, að einn situr með hatt
 síns föðurbróðurs. Prestsins frænda bregður svo við, að 30
 hann feldi matarnautn, og þykir nú vant efni sjer að hönd-
 um komið, og er nú í umbyltingu sinna þanka, hvað hann
 helst skuli til bragðs taka. Húsvörðurinn spyr hann að,
 hvort honum að nokkru óglatt væri, hinn kvað lítið um
 það vera. Þessi hinn ungi mann spyr að þennan, hvar hann 35
 hafi fengið þann hatt er hann bæri, og sagði það vera hatt
 síns föðurbróðurs, herra Söfrens, er myrtur hefði verið í

Sælandi af sínum eigin þjenara. Honum brá þar lítt við, en kvaðst þó hattinn með fullu verði keypt hafa. Þessi ungi maður efast með sjer, hvort hann skuli á hann hendur leggja. En með því skrif var útgengið um alt ríkið, að
 5 hann skyldi höndlast, hvar sem hann þekkjast kynni, þar fyrir í Guðs trausti, þó hann þekti hann ei, lagði hann hendur á hann að tilbeiddum styrk þeirra, er við borðið sátu og lýsti hann kóngsins fangara, inn til þess hann glögglega bevísing til leiddi, hvar eða af hverjum hann hefði þennan prestsins
 10 hatt fengið. En strax sem hann greip hann höndum varð hann með öllu megnlaus, og játaði sig sekan í fyrirnefndum glæp og fordæðuverki. Síðan fjekk hann sín forþjént laun og einn herfilegan dauða.

VII. KAP.

15 *Um þann skóflíkkara eður skóbætara, sem stal fátækra fje úr dómkirkjunni á nótt.*

Í borginni Kaupinhafn var einn skóflíkkari, Jens að nafni, sá eð hafði búðarkorn í St. Nikulás kirkjustræti, hvar inni hann daglega sína handverksiðju framdi. Svo
 20 bar til að hann dreymdi eina nótt í sínum fyrsta svefni, að sem maður nokkur kæmi til hans og spurði sig að, hverju hann vildi launa sjer, ef hann vísaði honum þann stað, hvar hann peninga öðlast kynni; því að þessi maður hafði um kvöldið með þunglegum geðsmunum sig til hvíldar lagt,
 25 vegna sinnar fátæktar og naumra búskapsefna. Maðurinn þóttist telja vanmátt sinn, þau laun út að greiða. Hinn kvað að forlíkun mundi verða þeirra á milli. Þóttist hann klæða sig og fylgja honum eftir, inn til þess þeir komu að dómkirkjunni¹⁾, þá vissi hann sig vera vakandi. Hann segir
 30 að þar sje gjald inni nægilegt. Hann segir að ei kunni

¹⁾ ɔ: Frúarkirkju.

hann því að ná, svo ei verði við vart. Hinn segir að hann með bakhluta síns líkama skuli á hurðina þrýsta, og að því gjörðu hafi hurðin opnast, og eftir hans áeggjan einn ölmusustokkinn út borið fyrir kirkjudyrnar og upplokið án harks eða háreystis. Eg minnst ógjörla summuna að dýrleika, 5 þess smágjalds, hvað alt var í seslingum¹⁾, sem er fjórði partur úr fiskgildi, hver ein sú smámynt, en 300 dalir minnir mig að summan reiknaðist að vísu. Svo sagðist hann kirkju aftur læst hafa, án harks eða hljóðs. Síðan að þessu svo skeðu, kvað hann hinn horfið hefði. 10

Nú á meðan þetta ráns-fje var ekki öldungis eytt og uppsóað, sem hann með allra handa óhófi útsvallaði, yfirgaf hann á meðan sitt náttúrlegt handverk. Á þeim næsta sunnudegi eftir, sem þetta fordæðuverk skeð hafði, og kirkju-verjararnir skyldu sinn umgang í kirkjunni hafa eftir venj- 15 unni að bera þær töflur fram fyrir fólkið, sem á stólunum situr, hvar inn sjerhver leggur sem hver vill sjálfur, og þá þeir ölmusufjeð skyldu innleggja, fundu þeir eina örkina tæmda öllu gjaldinu. Síðan kunngjörðu þeir það prestinum, hverju hann að endaðri þrjedikun yfirlýsti af þrjedikunar- 20 stólnum, og þar eftir á ráðhúsinu tilskikkað, að hver sá maður, sem seldi eður betalaði í seslingum til hálfis dals gildis, skyldi rjettækur til járna undir próf og rannsak.

Svo bar til nær sem þessi fyrnefndi glæpamann hafði að mestu því rænta fje útsvallað, þá fjell honum til geðs 25 að tíðka sitt gamla handverk aftur að nýju. Gekk til eins skómakara að nafni Jakob, skósólaleður að honum að kaupa; en í verðið býtti hann hálfu öðru dals gildi í seslingum. Hann ljét inntappa honum eina könnu öls, en á laun sendi til býfógetans, Laurits Magnússonar,²⁾ hver strax útsendi 30 tvo býsveina, að grípa hann. Og nær þeir koma í stofuna heilsa þeir blíðlega og um könnu öls biðja, hvað þeim og veittist. Þeir spyrja, hver þessi maður sje, og bjóða honum samlag á ölinu, en hann kvaðst ei tefja mega. Húsbóndinn

¹⁾ smápeningur, 6 peninga gildi, þaraf nafnið »Sechsling«. RC.

²⁾ bæjarfógeti í K:höfn 1615—20. RC.

segir að hann hafi af sjer keypt leður til hálfs annars dals og í seslingum alt borgað. Þá segja býsveinarnir þann mann vera kirkjupjófinn, sem stolið hefur því helga fje og volaðra upphaldi. Senn lögðu þeir hendur á hann og hann
 5 meðkendist strax fyrir þeim þetta ódæðuverk. Síðan leiddu þeir hann fyrir býfógetann og þaðan í fangelsið, og skömmu þar eftir útleiddur og stegldur fyrir utan Vesturport.

*Nú eftirfylgir um þann þjóf sem ljét gjöra
 lykil að krambúðunum.*

10 Þar bjó í Kaupinhafn einn sá slátrari er Christján hjét, einn velríkur maður. Hann tók sjer það fyrir af djöfulsins innblæstri að komast í sem flestar krambúðir borgarinnar, og keypti að einum smið, þeim Diðrik hjét að gjöra sem þar til hlýddi. Þegar kramsveinar söknuðu margs-
 15 konar vöru úr sínum krambúðum, þá bar upp þetta hver fyrir öðrum og kunngjörðu sínum herrum með lempe. Þeir taka það til bragðs, að þeir láta tvo menn liggja uppá njósn í hverri krambúð um næturtíma, og með þeim hætti varð það augljóst hver þessu valda mundi. Hann varð svo
 20 uppvístur, gripinn og í fangelsi settur með 9 þeim persónum er honum þjentu og í bland þeirra var hans kvinna, 2 dætur og 1 sonur.

Bróður einn átti hann sjer í borginni þann er Jens ferjumaður nefndist. Hann bjó í Vingarðsstræti, þar næstu
 25 dyr, sem eg lá til herbergis. Það var haldið að þessi maður mundi vera varúlfur, hverjir menn þessháttar stundum í úlfs-liking bregðast, þó án eigin vilja, og hefur ættum fylgt frameftir, sem sagt er að skeð hafi fyrir óhæfilegt meðal. Þessi ferjumaður Jens, bróðir hins áður nefnda, gekk á
 30 þann veg sem von var til að kóngur mundi um reisa til Friderichsborgar, hvar eg með mörgu fólki var viðstaddur, sem var við ströndina hjá Hábrú. Þegar kóngurinn kom af slotinu fjell þessi Jens á sín knje. Kóngur spurði hver hans vild væri. Hann segir og kvaðst biðja hann um, að
 35 sinn bróðir mætti undir sverð frá hængingu náðast. Kóngur kvað honum annað nauðsynlegra vera en um það biðja,

sem væri að biðja Guð um það, að henti aldrei slík ólukka, sem hans bróðir. Samt væri hann það, sem hann væri orðinn, hvern dauðadaga sem hann fengi. Kóngur snerist við og spurði hvað mikið hann vildi til þess gefa. Hinn bauð 300 dali. Kóngur kvað svo vera skyldi og skyldi til 5 kirkna leggjast, hvað og skeði, að hann með öllu sínu hyski, sjálfur hinn tíundi, var hálshöggvinn.

Um skraddarans kvinnu.

Einn skraddari Hannes að nafni, sá eð bjó upp í Klæðabúðunum, er svo kallast, átti sjer unga og dægilega 10 kvinnu, sú er Anna hjet. Einn af soldátum hafði hana litið með girndaraugum og um sat með sínum kompánum að ná henni frá sínum ektamanni, og þessvegna skeði mikið upphlaup í borginni á einum laugardegi, með soldátum og erfiðisfólki borgaranna. Maðurinn varð það svo 15 búið að hafa, með því hún sjálf þar til styrkti og misti hennar svo aldeilis.

Með sama móti bar til það sama haust að einn að nafni Maurus knifsmiður hlaut að missa sína ektakvinnu Bersabe, sú eð gaf og færi á sjer og fór burt með einum 20 soldát í Þýskaland. Item einn eðalborinn mann Jurgin Dá¹⁾ að nafni, sá eð var aðmírall í Vestursjónum og kap-tugann Mandaus hertók undir Rússía, með hverjum eg fyrst á herskipum sigldi Anno 1616, misti með sama hætti sína eðalborna frú af einum soldát og rýmdi með hana 25 uppi Þýskaland. En þó skrifað sje fyrir slíka gildir eigi, því einn soldát kroppar sjaldan auga út þess annars síns kompáns og stallbróðurs.

¹⁾ Jørgen Daa, aðmírall, † 1619.

VIII. KAP.

Innihaldandi um mtnar siglingar á herskipum um norð-vestursjóinn og fleira hvað viðbar við týhúsið.

Á því fyrsta ári, er eg kom undir kónglegt regimenti, 5 anno 1616 var kónsins lífskip í smíði á Bremerhólmi, sem í fyrstu kallaðist Caritas, en síðar fyrir nokkurt tilefni Patientia. Á því ári 1616 var haldinn herradagur til Opsló í Noregi, með kónginum ásamt öðrum af ráðinu. Var cancelerinn Christian Fris,¹⁾ hver eð í þann tíma var 10 mjög á aldur kominn, undir eða yfir áttætt. Og um kvöldið til Opsló, nær hann með kónginum og öðrum herrum var til borða uppsitjandi, kendi hann sig veikan orðinn og bað kónginn innilega um að hann mætti útflytjast strax til skips þess, er hann kom með frá Kaupinhafn þangað, sem var 15 Fides, og að morgni komast á heimleið, hvað kóngurinn góðmannlega samþykkti. En um nóttina nærri miðnætti andaðist hann, og strax að morgni heimleidis fluttur. Nú sem hans frú, Mette eður Mathildur²⁾ það spurði, brá henni undarlega við, og var sagt að hefði rangan grun, að 20 öðruvísi mundi skeð hafa um hans dauða; nefnt var að hún mundi ósæta samvisku hafa til kónsins, og varð kóngur af trúum vinum þar um viðvaraður að hann til sjós og lands sem best sig athugaði.

Á því ári 1617 um vorið ásetti kóngur sjer enn þá sem 25 fyrri að útsigla sjálfur með sínu lífskipi Patientia. Um kvöldið var við lokið að flytja til skips hvað við þurfti, en um morguninn eftir vildi kóngur afreisa. Um nóttina kom svo mikil ógn af austri að undrast mátti, og menn hugðu hús og turnar niður hrapa mundu. Það varði nærri hálfa

¹⁾ Chr. Friis, kanslari, f. 1556 † 29. Júlí 1616.

²⁾ Mette Hardenberg kona Friis kanslara á einmitt að hafa verið mikil vinkona Kristjáns konungs. Hún dó 15. Júní 1617. Sjá RC. og rit þau er þar er vitnað í.

eykt. En í þeim sama byl hrakti kóngsins lífskip uppá sandrif nokkur, er lágu fyrir utan Bremerhólm, úr flotanum 100 skipa, er þar lágu, og um koll á stjórnborðssiðuna og rann sjór inn af hverju porti, því stykkinn lágu öll úti. Svo skemd-ist allur farkostur fólksins með kóngsins öllu meðfylgjandi. 5 Hann sjálfur, kóngurinn, ásamt öllum honum þjenandi, sem var kapteinar, skipherrar, byssuskyttur, bátsmenn, timburmenn og hofþjenarar, sem þar daglega við voru í hálfan mánað, skipið aftur að viðrjetta, hvað og skeði með stórum erfiðismunum, Þá umbreyttist skipsins nafn, sem fyr hjet 10 Caritas, enn með því að slík raun og reynsla það yfirfjell, ljet kóngurinn nefna það Patientia.¹⁾

Skömmu síðar en þetta skeði ljet kóngurinn tilbúa uppá nýtt þetta sitt skip til siglingar, að reyna þess gang, stöð-ugleik og ferð undir seglum, með öðru velsiglandi skipi, 15 Spes að nafni. Nokkrum dögum fyrir ljet kóngurinn það spyrjast út um landið í nálægð, að hann með þessu skipi vildi afreisa. En sem skipin skyldu frá höfnum halda, ljet kóngurinn setja sig með bát til hins skipsins. Á þessum degi var gott veður með sólskini. — Í þann tíma lá eg sjúkur 20 í köldu og varaði 18 vikur sá sjúkdómur. — Og nær sem skipin undir þeirra seglum voru komin út fyrir Drageyri í hægri kylju, kom einn andgarður svo geysilega hart, að stórmastrið, sem var samansett af 9 trjám og var tveggja eða 3ja feðminga að þykt, hrökk í sundur²⁾ og í einu út í 25 sjó með 12 mönnum, er í mers-körfunni sátu, af hverjum einn þeirra andaðist, og kóngur mjög syrgði með tárum, og kvað hann fyrir sig sitt líf mist hafa. Hans börn ljet hann taka, þau sem vaxin voru, en þeirra móður síðan einum bátsmanni gifta. Í þriðja sinni var eg með þá 30 kóngurinn sigldi þessu skipi ofan í Eyrarsund, og tókst þá alt vel.

Páskadaginn sjálfan, þegar öll kóngsins skip lágu á straumunum fyrir utan Bremerholm, undir sínu skarti, sem

¹⁾ þessa atviks getur konungur í dagbók sinni $2\frac{1}{4}$ og $\frac{2}{6}$ 1617.

²⁾ eftir dagbók konungs skeði þetta 30. Júní.

er skansklæðum umkring alla borðstokka og allar merskörfur, með sín flögg á toppum og bolsaner¹⁾ frá rámulum,²⁾ undir prjedikun, rak eina tunnu tvíbotnaða að skipinu Patientia, en sá maður, er bar dagvakt, brá karnatskrókum³⁾ á þessa 5 tunnu og innbyrti hana, því hann hugði þar gagnlegt nokkuð inni vera mundi. En nær hann tunnuna opnaði var þar inni höfuðlaus dauður maður liggjandi. Maðurinn var felmsfullur og úthæfði tunnunni aftur í sjó. Síðan gjörðist stór reimleiki lengi í skipinu, hvers 9 menn urðu 10 við varir, á meðal hverra eg var einn, hvern vjer fengum yfir höfuðið, hvar yfir kóngur sig mjög aumkaði og daglega vitjaði vor sjálfur og tilskikkaði sínum matgjörðamanni oss þá heilnæmustu fæðu að bera. Þetta var í öðru sinni er eg sigldi innanborða á þessu skipi með kónginum ofan í Eyrar- 15 sund. Guð veitti oss aftur vora heilbrigði.

Þriðja sinn ljet kóngur útbúa 2 önnur skip Fides og Spes til Noregs þar sem þeir kalla Fleckerey,⁴⁾ til að umskoðast þar fyrir umtölur nokkurra manna, hvort þar mætti ekki blokkhús byggjast, svo þau skip, sem í stormi þar inn 20 hleypti, gæfi ríkinu toll. Því þar hleypa inn mörg skip, þegar svo viðliggur og liggja þar af sjer storminn. En kóngi leist ei það ráðlegt vera nje þeim herrum, sem voru af ráðinu og kónginum meðfylgdu, sem var: Albert Skiel ríkisins aðmírall, sá norskí canceler, sá norskí statholder.⁵⁾ 25 Vjer fengum þangað góða byri. Þessi ríkisins aðmírall var einatt á ræðu við kóng um ríkisins nauðsynjar og jafnan lagði til hið besta, eftir því sem hverjum viðveik, og hann sá að meðþurfti.

¹⁾ o: veifur.

²⁾ o: rárendum.

³⁾ 'karnat' er verkfæri til að draga vörur upp í skip (einskonar »talia«); karnatskrókur er þá krókur á reipisenda, sem er festur í karnat.

⁴⁾ Eftir dagbók konungs fór hann á stað 7. maí 1617 og lenti aftir við Varberg 14. maí.

⁵⁾ Albert Skeel (1572—1639) ríkisaðmírall 1616—23. — Norskí kanslarinn var Jens Bjelke (1580—1659), landstjórinn í Noregi (1608—1618) var þá Enevold Kruse (1554—1621). RC.

Einn morgun bar svo við, nær menn tóku sinn morgun-
verð, að einn af kóngsins hofjunkturum var sendur til að
spyrjast fyrir um í skipinu, hvort engir Íslenskir væru
innan skipsborða, hverjir, ef þar væri, skyldu án viðtafar
með sjer ganga fyrir kóng, því hann svo bifalaði. Honum 5
var andsvarað að 2 af byssuskyttunum væri íslenskir, sem
var Jón Halldórsson ættaður úr Eyjafirði, og Jón Ólafsson,
sem var eg. Við gengum svo með honum upp á þiljur
fyrir kóng og ríkisins aðmíral Albert Skiel.

Kóngur bað mig biða svo lengi, sem hann við hinn 10
eldri og stærri mann talað hefði. Hann spyr hann að ætt
og nafni, og með hverjum hann hefði út af landinu siglt,
og fyrir hverja orsök. Jón kvað enga vera utan alleina
sína girnd, sem þar til hafi stórum langað. Kóngur kvað 5
það ei vera mundi, heldur kvaðst hyggja að hans frek elska 15
til kvenna því valdið hafa. Síðan kallar kóngur á mig, og
með sama hætti aðspyr mig að ætt og nafni og hvort eg
hafi í skóla gengið, því eg sjái út til þess, að hafa lærðra
manna yfirliti, og enn spyr hann mig að, með hverjum eg
hjeðan siglt hefði. Eg segi með Engelskum, því eg vogaði 20
eigi þar um að missegja. Kóngur spyr mig, hver nauðsyn
mig hafi þar til dregið heldur enn með Dönskum. Eg kvað
ei aðra en sjálfs míns vild þar til komið hafa. Hann spyr
að minni reisu til Englands, þarveru og þaðanför, og hvern-
in mjer þar fallið hefði, og margs fleira þar innanlands, 25
um byggingar og vegarlengdir þar í milli borga, trúbrögð,
og margs annars, og uppá flest gaf eg kóngi svar, og með-
kendi mig það alt satt segja og hafði gaman af þessu okkar
samtali. Síðan mintist kóngur á Engelskra kaupskap hjer
við land, og varð mjer það til svara, að hjer kæmi oftlega 30
á vor rekais frá Grænlandi og burt tæki veiðarfæri manna,
og stæðu menn þá eftir hjálparlausir. Kóngur kvaðst þetta
fyrri heyrt hafa. Albert Skiel ansaði jafnan góðu til
vegna þessa lands innbyggjara, og kvaðst svo breyta mundi,
og því enn framar ef hjer byggji, að kaupa sjerhvað um 35
nauðsynjaði, reiðurum Danmerkuríkis að þakkarlausu. En
þó þeir keyptu sjer veiðarfæri aftur, þá hefðu reiðararnir

þar ei síður gagn af, því sagt væri að Íslenskir fengi Dönsk-um matinn, en hjeldi eftir beinunum. Hann spyr mig hvort ei svo væri. En eg kvað það satt vera, að Danskir hefðu bolina, en Íslenskir höfðunum eftirhjeldu.

- 5 Margt fleira varð um þessa lands höndlan og háttalag, ríkra og fátækra talað, en eg ansaði fáu til; en svo var að merkja, að kóngur væri margs vís orðinn, hvernin hjer til gengi og spurðist fyrir um falsaða vöru Danskra, hvort satt væri, sem þeir jafnan um knurruðu, þeir eð hjer byggi, en
10 þó kæmi enginn hjeðan með skjallega klögun þar yfir, hvað honum mjög þótti, óskandi að Ísland væri sjer svo nálægt, sem þá var Noregi. Eg segi kóngi að einn íslenskur stúdent væri þann tíma í Kaupinhafn, Þorlákur Þorkelsson að nafni, frá Hólum, sem þríslags próf hefði til sýnis. Kóngur
15 gladdist við og bað mig að áfýsa, að hann þau fyrir sjer til sýnis ljeti, svo hann þar um eitthvað glögglegt fregna fengi. Og svo að þessu samtali í það sinn öllu enduðu, ljet kóngur kalla á sinn eigin vintappara M. Christian Skammelsson¹⁾ og bifalaði honum eitt 12 marka vínstaup
20 okkur að afhenda, og að því meðteknu gafst okkur burt-fararleyfi aftur þaðan.

Albert Skiel áfýsti kóng hjeðan fólk að útskrifa; kóngur kvað land þetta ei fólkríkt vera og bændur ei missa mega. Uppfrá þessu ávarpaði kóngur mig þrávalt með ljúflegu
25 ávarpi, hvar hann sá mig.

Síðan fengum vjer suðaustanvind norður með Noregi alt til þess að vjer komum í Fleckerey; þar kom kóngur á land að umskoða hvað honum virtist og hinir aðrir herrar með honum, og svo ferðaðist hann með þeim á þann næsta
30 prestagarð, er þar lá við höfnina, og svo út til skipanna um kvöldið, og svo aftur að morgni til heimferðar. Ei leist kóngi þar hentugt blokkhús að byggja láta.

Sá viðburður skeði á heimreisunni, að nær kóngur vildi kvöldmáltíð halda, þá vantaði alt borðsilfrið, en kónsins

¹⁾ Christian Skammelssen var efnaður borgari og hjelt vinkjallara í Höfn. Hann dó 1626. RC.

vaktari hafði gleymt silfrið að heimta eftir miðdagsmáltíðina. Þá gjörðist mikill ókyrleiki í skipinu af því líku tilferli, og voru þá allir uppá þilfar kallaðir og lykill sjerhvers manns heimtur að öllum hirslum, og var eg þá sem fleiri stórlega uggandi, að hefði svo mátt ske, að nokkur óráðvandur hefði 5 mátt koma því á veitur frómra manna. Þessi rannsökun var gjörð af prófoss og hans 4 sveinum. Einn bátsmaður Rasmus að nafni gekk til skipherrans og gaf honum heimuglega að skilja, að á sama degi, stund eftir máltíð, hefði úr fötu gegnum vatnsportið einhverju hringlandi helt verið. 10 Það kom fyrir kóng. En sá sem gjört hafði hjet Jón og var nýlega kominn í kóngsins þjónustu, og var ættaður norðarlega úr Noregi, og eru í fyrstu kallaðir Grábeinar. Þessi maður var ljeður kóngsins matgjörðarmanni M. Christian, sá eð hafði undir sjer 11 sveina. Senn var hann fyrir kóng 15 kallaður og með stórri hræðslu varpaði hann sjer flötum fyrir kóng og meðkendist sjer það með óvilja orðið hafa, og hann hefði þess ei gáð, því vatnið hefði gruggótt verið. Kóngur brosti við og vorkynti manninum og kvað hann fávísan og fátækan vera, og sagði hann skyldi þjóna eitt 20 ár þar fyrir upp á hólminum. Var þar svo ei meir umtalað.

Einn sunnudag á heimleiðinni var byrleysi, og eftir þrjedikun og máltíð ljet kóngur fólkið alt uppkalla á þiljur og bað það eitthvað til gamans upp að finna. Kóngur 25 bað helst að einhverir tveir drægi kattastrjúpa, er svo kallast. En þeim leik er svo varið, að þeir bregða snæri aftur fyrir hvors hnakka og dragast svo hart á hnjám og höndum sem megna, og er með krit merki skrifað yfir um þvert þilfar, yfir hvert hvor keppist öðrum að kippa. Þessi Jón, sem 30 silfrinu hafði úthelt, var upphvattur þenna leik að hefja, hann var stór maður og geysilega sterkur. Honum var valinn einn af fólkinu, fyrst af bátsmönnum, til leikbróðurs sá sterkasti, og síðan 4 aðrir, hverja alla hann kasklega yfirvann. En kóngur miðlaði honum við hvern mann hálfri 35 mörk, sem er fjöggra fiska gildi. Síðan var leitað meðal byssuskyttanna. Fyrst gekk af þeim í leik við hann Jón

s[álugi] Halldórsson, sem eg fyr nefndi, minn trúfasti stallbróðir. Ei vildi það duga. Síðan kom einn af byssu-skyttunum, Michael að nafni, mikill maður að stærð og krafti; þessir áttu langt þjark sín í milli, þar til Michael
 5 vann, og gaf kóngur honum tvöfalt. Mikill var þeirra að-gangur, svo mönnum fanst skipið skjálfa í þeirra viðureign. Síðan urðu margir aðrir leikar framdir kóngi til skemtunar. Nokkrir ljeku það, að sækja einn smápening með munnum ofan í einn vatnsstamp, og halda sínum höndum aftur á
 10 bak. Sumir hlupu í reiða, og af toppi fóru á hnakka toppstuginn ofan eftir, og margt fleira annað.

Síðan nær meir leið á daginn saum vjer eitt skip á vorri framleið, það skip var hollenskt, ei stríðsskip. Eg hafði 2 stykki fram á skipinu, ekki mjög stór, sem kallast
 15 hálfgóss; lóðið upp á 9 marka þyngd. Kóngur bifalaði þeim, er þau vakta ætti, að gjöra þau ferðug, hvað og gjörðist. Þá mælti kóngur: »Nú skaltu Jón ramma oss það skip þar siglir.« Nær eg stykkinn með fengpúðri og sliku sem til heyrði undir sigti tilbúið hafði, þá afrjetti
 20 kóngur stykkinn sjálfur, eftir sinni vild, en eg gaf fyr uppá þau. Ei vildi hann þeim mein gjöra, utan skelk. Svo voru skotin ellefu skot eftir þeim fyrir en þeir strika vildu. Síðan kom skipherrann með fimta mann á borð til vor, skjálfandi og mjög hræddur, varpandi sjer fram fyrir kóng með gráti,
 25 afsakandi sig mjög, einkum það hann ei vitað hefði að kóngur sjálfur innanborðs verið hefði. Kóngur uppsló til gamans og reynslu að hann öll skotin borga skyldi, sem var hvert skot með rosenobel. Ei vildi kóngur þau þiggja í það sinn, utan ef í öðru sinni þvílíkt tráss sýndi, skyldi
 30 hann útlátum mæta. Kóngur ljet færa honum og hans mönnum 12 marka staup með Rostockaröl og mat. Ei gat hann fyrir hræðslu matar nje öls neitt. Síðan fór hann í friði aftur til sins skips.

Og nær vjer komum fyrir Varbergs slot ljet kóngur
 35 setja sig með bát til lands, með nokkrum fleirum af hofjunkum og herrum. Þar stje kóngur til vagns og hans herraleg meðfylgd og reisti svo í gegnum Halland inn í Skáney og

yfir um Eyrarsund frá Helsingborg til Helsingeyrar, og að lítillri dvöl þar entri, kom kóngur til skips aftur, og seint um kvöldið komum vjer upp fyrir Kaupinhafn, þar eð St. Önnu brú kallast. Kónsins hofprestur að nafni M. Davið¹⁾ gjörði langa oratiu og þakkargjörð með innilegu málfæri. 5 Síðan dró kóngur til lands í sinn aldingarð, sem stóð utanborgar í þann tíma í norður frá borginni.²⁾ Þar í voru allrahanda jurtir og grös. Marcus hjet jurtagarðsmeistarinn. Slot stendur í miðjum garðinum með háum turni, veglega gjörður, og ypparleg hús með gyltum og máluðum 10 bílætum og ilmandi lykt þar inni. Í garðinum miðjum stóð kónsins mynd úthöggvin í alebastursteini.

Að morgni komum vjer heim í borgina og var sjerhverjum af oss vel fagnað af vorum kunningjum og Guði þakkir gjörðar fyrir lukkusamlega reisu fram og heim aftur. 15

Um frú Mathildi sem fyr var nefnd, var sagt, nær hún spurði kóns ásetning, að hún hafi inngengið í sitt svefnherbergi einsömul og bannað sinni þjónustumey þar inn að ganga með sjer, og hafi skömmu seinna þar inni dauð fundist.

20

IX. KAP.

Fyrst nær eg kom til Kaupinhafnar 1615 var eitt opið sund á milli borgarinnar og Amakarlands, og þar yfir um var fólk ferjað á smábátum,³⁾ en þar sem fólkið út í bátana stje nefndist Kífunes, af því snakki fólks, mælgí og kífan, 25 sem þar daglega heyrast mátti. Því hver þrengdi sjer sem mest mátti út í bátana að komast, svo margt handar og

¹⁾ Hjer halda RC. að J. Ól. muni ekki nafnið, því svo hafi enginn hirðprestur eða skipsprestur heitið þá, er hjer geti verið átt við.

²⁾ 1606 var byrjað að stofna til Rosenborgargarðs og 1610 að byggja höllina með því nafni. Marcus Wiblitiz stóð fyrir garðinum 1606—1623. RC.

³⁾ Knippelsbrú var fyrst byggð á árunum 1618—20. RC.

hníflslag varð þar tíðum útgefið, þegar harðfengnir þar hittust tíðum. — Fyrst í stað fór eg yfir um það sund og upp á Amakarland, því þar bjó einn maður, sem eg hafði erindi við, Niels Ákason að nafni, sá eð var kaupmaður við Skutilsfjarðar pollhús við Ísafjardardjúp.¹⁾ Var eg jafnan þar vel meðtekinn í hans húsi, og af honum og hans kvinnu mjög elskaður. Hvern laugardag fann eg hann í Kaupinhafn, nær eg var heima, því þá var torgdagur. Magnús Arason²⁾ og Magnús Sæmundsson³⁾ mínir elskulegir landsmenn (nú í Guði burtsofnaðir) voru nokkrum sinnum til samans í hans húsi með góðu yndi og eftirlæti, og einn tíma með honum í kostulegri brúðkaupsveislu. Hann lánaði mjer oftlega peninga, hverjir honum aftur rúntlega borguðust af minni s[álugu] móður og bróður, af mínum peningum, þeim er eg hjer eftirljet. 15 vætta gildi varð eftir í hans garð af því góssi er mjer hjeðan útsendist þangað.

Einn ungur maður Jaspár að nafni þjónaði þeim æruverðuga manni í Kaupinhafn Ívar Pálssyni, sá eð var borgmeistari, fyrir kaupsvein. Hann sigldi 2 ár upp á Skutilsfjörð, og átti fyrir mína móður og bróður að færa mjer til 18 vætta. En pest greip hann á öðrum degi eftir það hann heim kom frá Hamborg, því skipin í þann tíma aflossuðu þar. En með því hans handskrift var ei til sýnis eftir hann, fjekk eg þar enga leiðrjetting á, þó eg þess oftlega krefðist bæði af borgmeistaránun, og mannsins erfingjum; þeir áttu heima í landi Holsten.

Þessir voru borgmeistarar í Kaupinhafn í þann tíma er eg þar fyrst kom og dvaldist. Fyrst þeirra hinn elsti var Knútur Marcússon, 2. Ívar Pálsson, 3. Michel

¹⁾ o: verslunarhúsin við „pollinn“; þar sem síðar hefur risið upp Ísafjardarkaupstaður.

²⁾ sonur Ara í Ögri, á Reykhólum síðar sýslumaður í Barðastrandarsýslu. Dó úr bólu 1635. (Esp. árb. VI. 73; sjá Sýslum. B. Benediktss. II. 89 ff).


³⁾ síðar sýslum. í Barðastrandarsýslu, dó líka í bólunni 1635 (Esp. l. c.). — Um hann sjá Sýslumannaæfir Boga Benediktssonar II. 87 ff.

Vibe, 4. Pjetur Andrjesson.¹⁾ Þessir allir höfðu verið fátækra manna synir og um brauð biðjandi, þegar þeir fyrst komu í Kaupinhafn, en fyrir Guðs náð og vilja urðu voldugir menn, sem raun gaf vitni. Pjetur Andrjesson hafði ferðast til Jerúsalem, og var hálft ár í burtu. En tilrekstur 5 til þeirrar ferðar var þessháttar, eftir því sem hann mjer frá sagði, að hann einn tíma um kvöldið sat í samdrykkju með 3 herraönnum og kom í með þeim þung kappmælgí um reisu til Jerúsalem. Þeir sögðu, að sú reisa fullendaðist ekki á skemmri tíma en á tveggja ára fresti, en hann því 10 sterklega mótmælti, og kvaðst forfallalaust á einu ári skyldi fullgjöra og sagðist vilja játa alt fje sitt uppá trú sína og æru kóngi til eignar, ef ei svo fullgjörðist. Hjer um slógu þeir veð sín á milli, að þeir skyldu hver þeirra honum skyldugir um eitt þúsund dali, ef þeim brigðist; þetta full- 15 gjörðu þeir með handsölum sín í milli. Um morguninn næstan eftir báru þeir þetta fyrir kóng. Strax var hann þangað kallaður og ámintur um inntak sinna orða, hvað hann hlaut að meðkenna, og varð svo prófors alt að standa á báðar síður. Svo varð hans kvinna með sínum 3 dætrum 20 hús að rýma, og ekki eitt skildings virði þaðan úttaka, og varð að fá henni hús og viðværi hjá sínum góðum vinum, á meðan hans frávera yfirstóð. Svo skildist hann með miklum harmi við sína kvinnu og börn, og fór svo með greiðasta hætti, sem honum af Guði lukka til gafst, eftir 25 því sem leið lá, fyrst suður í Róm og fjekk páfans aflátsbrjef, síðan suður til Jerúsalem, hver vegarlengd er 600 milur frá Kaupinhafn og til Jerúsalem. Svo enti hann sína ferð lukkusamlega á hálfu ári og fjekk aftur sitt hús, hvert á meðan var aftur lukt og með þremur fjölum fyrir utan 30 enn kröftugra tilslegið, og á hverri fjöl kónsins innsigli sett. Þrjá hátíðaklæðnaði skenkti kóngur honum og skikkaði honum borgmeistaraembætti. Svo hlutu þessir herra menn

¹⁾ Knud Markvardsen var borgmeistari 1606–1629, Michel Vibe 1609–1624, Iver Poulsen 1615–1622, og Peter Andersen Randulf 1618–1620. Sjá O. Nielsen, Kbhvns. Hist. III.

- 3 að útpunga honum sitt unnið veðfje, sem var 3 þúsund dalir. Svo hjálpaði Guð honum vel og farsælega úr þeim raunum til langgæðlegs heiðurs og sæmdar, og var alla tíma í virðingum hjá kóngi og í allra manna góðu yfirlæti.
- 5 Og nú að þessari frásögu endaðri skal nú vikja til annars þess viðbar.

- Skömmum tíma eftir það eg var innskrifaður undir kónglegt regimenti, var mjer vakt við týhúsið tilsögð hverja níundu nótt, og svo linkindarsamlega, að eg skyldi í vakt
- 10 tveggja minna stallbræðra vera, sem var Jón Halldórs-son og Rasmus Hansson, og var þeim tilsagt mjer að undirvisa í einu og öðru, sem stykkjunum og týhússins höndlan við kæmi. Vaktmeistarinn hjet Hans Michelsson einn frómur mann. Við það port hjá Hábrú, þar eð eg
- 15 var fyrst til herbergis hjá kóngsins stalli, var vaktin fyrst hvert kvöld upprekt að allri fullri tölu samansafnaðri, sem voru 24 menn, að auk vaktmeistarinn, píparinn og trumbuslagarinn, þeir eð gengu heim aftur með þeim, sem vakað höfðu í sin 2 dægur. Fólkið gengur í þörum og liðum
- 20 sem í fylkingu, fyrst vaktmeistarinn undan með sinn mikla atgeir, síðan trumbuslagarinn á hægri en píparinn honum til vinstri síðu, þar næst hinir elstu og svo hver með öðrum í liðum, hafandi hver verju við sína síðu og spjót á öxlum, sem sintreyr kallast,¹⁾ sem er að þvilíkri myndan, sem hjer
- 25 sýnist.



¹⁾ Teikningin í textanum er tekin úr Ögursbók: hún finst líka nokkuð öðruvísi í E og D en ekki í hinum handritunum. — Menn hefur hingað til greint á um hvað „sintreyr“, (d. „Zintrør“) hafi verið. Sjá Blom, Chr. IV's Artilleri bls. 303 og rit þau er hann nefnir. — Teikning Jóns Indíafara bendir á að þetta verkfæri hafi verið einskonar „luntastöng“. — „Luntinn“ var digurt snæri eða mjór kaðall, sem var kveikt á, og svo logandi endinn borinn að púðurholi fallbyssunnar. Til þess að brenna sig ekki á höndunum var hann stundum vafinn upp á stöng („Luntestok“) eins og sjest á myndinni á bls. 32.

Þegar að kom austur fyrir slotið, á þann veg er til týhússins liggur, þar stillir hann sína fylking, og skipast alt fólkið í einn kringlóttan hring; síðan lýtur hann í þess manns eyra, er honum stendur til vinstri handar, og segir það lausnarorð, sem hann af slotsherranum hvern dag með- 5 tekur í hljóði og vaktinni í hljóði svo sagt verður, að enginn maður má það orð vita utan alleinasta vaktin. Og hver sem því orði týnir, og ekki kann því að svara á miðnættinu, þegar vaktmeistarinn uppkemur með píparann og trumbuslagarann til porta týhússins vaktina að reyna, sá hefir 10 lífinu týnt, er þá skildvakt stendur í þann tíma. Áðurnefnd orð segir hver öðrum í eyra, þar til það verður í hans hægra eyra talað. En sje svo að þetta hljóðmæli hafi einhverjum misheyrst, og komi því rangt orð að vaktmeistarans hægra eyra, þá verður að segja aftur uppá nýtt, 15 þar til það verður rjett skilið.¹⁾ Síðan ganga 6 ársknektar uppá slotið að vaka á slotsplássinu en 18 upp til týhússins. Síðan ganga þeir heim, sem einn dag og nótt vakað hafa, þangað sem vaktmeistarinn biður eftir þeim, og síðan fylgir hann þeim með sömu aðferð í fylkingu að portinu, þar sem 20 öll vaktin samansafnast og fyr var umgetið, og þá gengur hver án orðu heim til sín.

Stundum ganga menn nær þyrstir eru í þá kjallara, sem eru við ströndina að svala sjer. — Svo bar til einn tíma, er eg var nýlega skrifaður við týhúsið vakt að halda, 25 og eg var genginn vestur yfir brúna frá portinu af minni vakt,

En stundum var þessi luntastöng útbúin sem vopn, og mátti nota hana sem spjót ef á þurfti að halda; var þá luntinn dreginn upp í gegnum op á þverálmum framan á stönginni, en milli þeirra gekk svo reglulegur spjótsoðdur fram. — Þetta verkfæri mun hafa verið það sem kallað var „sintreyr“. Á teikning Jóns Indíafara má vel greina álmurnar og oddinn. Til samanburðar eru hjer á bls. 58 settar myndir af tveimur þesskonar verkfærum frá dögum Chr. IV. Sbr. líka myndir í W. Boenheim, Waffenkunde. Lpz. 1890, bls. 489, og Catalogo della Armeria Reale. Torino 1890, bls. 377. — Hr. Premierlieutenant Stöckel við sögulega vopnasafnið í týhúsinu í Höfn hefur bent mjer á þetta, og þakka jeg honum hjer með fyrir það.

¹⁾ Þessi síður með lausnarorðið helst þann dag í dag í danska hernum. RC.

að einn maður og einn byssuskytter að nafni Pjetur Drageyri bauð mjer í þann kjallara sem var gagnvart brúnni og kallaðist Christínar Doktors kjallari, að drekka eitt



Sintreyrar („luntastengur“) frá dögum Christiáns 4. Nú á hinu sögulega vopnasafni á týhúsinu í Kaupmannahöfn.

glas öls. Eg var lengi tregur fyrir og sagðist eg enga peninga með mjer hafa. Hann kvaðst peninga sjálfur hafa fyrir sig og mig, og bað mig sjer ekki mistreysta. Eg gekk

með honum, þó nokkuð deiglega. Kjallarasveinninn hjet Niels. Pjetur heimtir öl, inntil þess hálfis dals gildi var inntappað, og var þá liðið mjög á nótt. Pjetur sagðist ætla að ganga fyrir dyr. Eg bið hann fyrir öl og vín að borga; hann ljest vera mikill dánumaður, og spurði mig 5 hvort eg sig efaði sem einn æruleysing. Síðan gekk Pjetur og kom aldrei inn aftur í það sinn. Þá mælti kjallarasveinninn þegar hinum dvaldist yfir mátann: »Nú er þinn stallbróðir burtvikinn, þar fyrir tel mjer gjald út fyrir öl og vín.« Eg kvaðst ekkert gjald hjá mjer hafa, þar með 10 og líka hefði eg einskis öls af honum óskað. Hann kvað mig samt með honum drukkið hafa, og sagði mig fyr ei burtganga mega en bítalað hefði, og tók í laf míns kyrtils og bað mig honum afklæðast, en þó með hóglyndi. En svo hafði tilborið fyrir þremur dögum liðnum, að Þorlákur 15 Þorkelsson, minn góður vinur, hafði skenkt mjer einu kostulegu refskinni íslensku, því eg hafði varið hans íslenskri vöru fyrir gjald, er honum frá Hólum hafði send verið, og fjekk eg fyrir það tvo sljetta dali, og af þeim voru 5 mörk eftir í mínum leynipoka, er eg bar næst mjer, og þar af 20 taldi eg honum tvö sljett mörk, það er 16 fiska gildi. Hann tók mig í faðm og þakkaði mjer innilega fyrir, og lofaði eg skyldi þess gjalds fullvirði öðlast með Guðs hjálp, að sjer og mjer heilbrigðum, og þaðan af kunningjar vera, hvað og skéði að eg var honum jafnan síðan meðan hann 25 þar þjenti, kær og velkominn, en lofaði hinn skyldi þar aldrei meir staðar nema, og ráðlagði mjer að eg forsjálega með honum og slíkum umgangast skyldi. Síðan tappaði hann pott af frönsku víni, og hann útdrukkum; gekk eg svo burt í friði heim til míns heimilis, sem að var í Vín- 30 garðsstræti hjá Jóni Halldórssyni. Hans kvinna var ættuð úr landi Holsten og ein fróm dándiskvinna.

Nú bar svo við, að um morguninn snemma næstan eftir var umslegin öll stræti með bumbunni af Marteini vorum trumbuslagara, sem oftlega viðbar, nær kóngur vildi 35 oss nokkuð. Píparinn og prófoss, sem hjet Jurgin Kiempa fylgdist með, og í hvert sinn sem trumbuslagarinn afljet

uppá bumbuna að slá, varð hrópað af prófoss, hvað sem
 þá var að erinda í hvert sinn. En nú hagaðist svo til að
 stykki 52 er nýlega voru steyppt og úthöfð af rauðgotans¹⁾
 húsi, sem svo kallast, er stykkinn steypir og tilbýr, skyldu
 5 þar nálægt á einu plássi próberast og reynd verða í kóngs-
 ins glöggri nálægð og alvarlegri aðgætni, og í metum
 vegið til sjerhvers stykkis. Á þessum sama morgni, er nú
 var sagt, var oss öllum kgl. Majest. byssuskyttum með
 prófossins hrópi strengilega til sagt, að vjer skyldum uppá
 10 þá Gömlu Myntu, er svo nefnist, koma, einn og hver undir
 hæsta lífsstraff, þar klukkan var 6 um morguninn, sem er
 miður morgun, er vjer hjer svo köllum, hvað og skeði, að
 vjer þar komum í nefndan tíma. Kóngur var þar fyrir og
 strax vorum vjer munstraðir, og með nafni sjerhver upp-
 15 lesinn af Jurgin Hanssyni týhússins munsturskrifara.
 Kóngur stóð sjálfur hjá skrifaranum, að hugleiða ef nokkurn
 brysti. Rodgyderen, það er stykkjasteyparinn, hjet Hartvig
 og var þýskur;²⁾ þessi nær eð kóngur upphóf að vega sjálfur
 í metum púðrið í einni skálinni, enn lóðið í annari, það
 20 kónginn að vægja sjer fátækum svaramanni með voginni,
 að ætla ei svo mikið púður til hvers stykkis, sem til jafns
 væri við sjerhvert lóð, er þeir kalla kugel, því hann meinti
 að stykkinn mundu það ei þola. En hvert það stykki, sem
 springur, nær það í fyrstu verður próberað, það hlýtur
 25 meistarinn aftur að nýju steypa upp á sinn eigin kostnað,
 og til þess verks heldur hann 5 sveina, hverjum hann
 stórum launar. Kóngur gaf sjer fátt að hans umræðu, en
 kvað meir gilda líf manna en litlir fjemunir og honum
 óhægra að borga en stykkið aftur ferðugt að gjöra. Hart-
 30 vig það oss alla með gráti með sjer bæn að gjöra, svo vel
 lukkaðist, hvað Guð veitti, svo ekki eitt stykki brast af 52,
 utan lítill moli hjá eins munning, og kvað kóngur jafngott
 vera fyrir þess sakir, og gaf meistarinn oss drykkjupeninga

¹⁾ ɔ: fallbyssusteypari, þ. Rothgieter; Christján 4. ljet byggja steypihús í Gammelmont sem nú er.

²⁾ Hann hjet Hartvig Quillichmeyer. RC.

og varð fullur fagnaðar. Að morgni skikkaði kóngur honum upp á renterið, að taka sín laun þar fyrir, en eg minnst ei hve mikið fyrir hvert skippund af kóngi goldið verður. Þau koparstykki kosta mikið gjald, sum 400, sum 800, sum 1200, 1600 dali. Einn maður Jens Korsør að nafni, bar 5 eld að þeim stykkjum öllum, og var svo umbúið, að hvort lá við annars síðu á trjám; undir aftur- og framparti hvers stykkis voru sívöl trje, en á milli stykkjanna voru beinir tunnustafir við fenggötin, og á þær smáfjalir var niðurdreift strikpúðri, og sá sem eld bar að stykkjunum, bar ekki eld 10 nema að því fyrsta stykkis strikpúðri, og rann sá eldur að einu af öðru og svo til lykta. Kóngur gladdist mjög hjer við að svo vel lukkaðist, að stykkin hjeldu heilu og engum heldur slysaðist. Kóngur hjet oss lest af því öli, sem kóngsöl nefnist, og oss hjer í landi er vel kunnugt. 15

Nú er að víkja aftur til Pjeturs Drageyrar, er mjer á deginum fyrir bauð í kjallarann til veisl og fyr var nefnt, að um kvöldið sem eg kom úr veislunni, sagði eg mínum húsvert Jóni Halldórssyni alt hið sanna frá Pjeturs pússerii og plögun. Þessi hans gabban og gletni 20 barst út á meðal vorra lagsbræðra, hvar yfir þeir sig stórum grömdu og uppertu mig með miklu æði þar straks með einu steinshöggi honum að endurgjalda, hvað og skeði. Þeir skygðu á, svo kóngur skyldi ei sjá. Hann greip hnif og með miklu orgi vildi til mín; þeir gripu hann og hjeldu 25 honum. Svo vildi hann ganga fyrir kóng og kлага mig, þeir sögðu honum skyldi það til ólukku snúast, þar hann hefði gjört slikt skemdarstykki, og urðum við svo öldungis forlíktir. Hann lofaði mjer aldrei slikt nje annað pússeri að gjöra, hvað hann jafnan vel enti, þó frábær maður væri 30 til kifs og klamaris. Allir menn undir regimentinu untu mjer hugástum.

Einn maður að nafni Marteinn, og var kallaður hinn munnsterki, hann veitti mjer einn tíma einn sting mjer óvitanlega í vinstri öxlina. En efni til þess er sem eftir 35 fylgir, að einn maður norskur að ætt bjó í borginni Jón að nafni. Hann plagaði jafnan á sumrum í kaupferðum

- vera til ýmsra landa. Konu átti hann sjer er Bóthildur hjet Þessi Marteinn og hún höfðu fyrir þremur árum missátt orðið, þá hún var stúlka og hjá frómum þjónandi. Með því að þessi maður var stundum glettinn hafði hann
- 15 einn tíma með keskni gripið sinni hendi upp undir hennar klæði ofarlega, þar hún var að sauma, en hún greip skæri og stakk hann í handlegginn með. Þessu hafði Marteinn ekki gleymt nje viljað gleyma fyrir nokkrar umtölur og hennar góðmótlega viðleitni og æruboð það útlátum viðveik.
- 10 Nú bar svo við sem oftast að Jón var ekki heima en þessi maður var í land kominn af einu stríðsskipinu án leyfis með hverjum hann átti út að sigla, og inngenginn í hús Jóns og hans kvinnu, klamarí þar að gjöra, og bauðst hennar auðæfi öll innanhúss að fordjarfa. Konan bauð
- 15 honum 4 dala gildi til friðarstillingar. Ei vildi hann nokkurt boð hennar þýðast, og hræddi hana til öl að sækja. Nú á meðan svo við bar sat eg heima í mínu herbergi að sundurspretta mínum gömlum kyrtli til fóðurs. Þar kom einn maður Andrjes Sandvík að nafni til mín, sá eð hafði
- 20 kóngl. Maj. í 8 ár þjónað fyrir soldát, en var nýlega orðinn byssuskytter. Þessi bað mig að vísa sjer leið til eins af vorum selskap, sá eð var Bernet Berntsson að nafni, hvað eg gjörði, og gekk eg útaf húsinu án hnífs eða verju, því eg hugði strax inn aftur að ganga, því hjónin voru bæði út-
- 25 gengin, en húsið eftir mannlaust. Nær við gengum fyrir þær húsdýr er Marteinn sat inni og sýndi konunni stórt ofbeldi með stórum heitingarorðum og kúgan til ölpeninga, og nær konan sjer mig kallar hún ákaflega og biður mig í Guðs nafni að koma og gjöra hjálp, því einn af vorum
- 30 selskap væri þar inni og gjörði sjer stórt ofbeldi. En með því Jón og eg vorum kunningjar, en hann nú í fjarska, hrærðist eg aumkunar yfir henni, og líka svo fyrir umtölur Andrjesar, gekk eg svo inn í þeirri meiningu að afstýra og til friðar að stilla þeirra á milli, ef ske mætti. Marteinn
- 35 heilsar mjer sámilega og býður mjer með sjer til gildis, en eg kvaðst ei þiggja vilja, utan hann við konuna áður forlíktist og friðsamlega höndlaði. Hann strax með miklu

forsi og bræði spurði hvort eg vildi hennar mál að mjer taka og forsvar gjöra. Eg svaraði ei framar en sem forlíkun tilhlýddi. Hann greip könnu fulla af borðinu, og með henni hugði mig ramma í höfuðið, og hljóp eftir kastinu. Eg veik mjer undan og hljóp honum í mót, og í einu vatt 5 honum uppá bekkinn því hann var drukkinn, annars hefði eg ekki kannske haft orku honum í gegn, því hann var eflður maður. Hann bað mig friðar og lofaði öllu góðu, eg lofaði honum aftur vild og vináttu, og áminti hann til vareigðar, svo hann ólukku og skaða forðast mætti. Hann 10 tók því vel í orði, og lofaði mín heilræði sem best að nýta. En nær hann liðugur gjörðist, greip hann sinn hnif, og sýndi sig í mig með honum að skaða, hverju honum varð hamlað. Síðan bauð hann mjer fyrir dyr til útafgöngu og mína æru viðlagði, um hvað eg honum ei synjast mátti. 15 Konan býður mjer strax verju manns síns, sem var hálf-korði, og gengum svo fyrir dyr, og deildum við ei mörgum höggum okkar í milli fyr en hann fjekk í höfuðið skrámu, framanvert yfir enninu, og kvað sjer að fullu nægja, gekk strax í burt þaðan, uppá þann skans, er í kring um borgina 20 liggur, úr vorri auglýn. En skömmu seinna kom hann mjer óvitanlega, er eg var að uppljúka dyrum þar nálægt, og stakk mig í vinstri axlarliðinn með sínum stóra hnif upp undir skaft, og hljóp svo sem harðast mátti. Einn maður af voru fólki, Jóhann Christjánsson að nafni, kallaði 25 og hljóp eftir honum, bað hann bíða og kvað hann sem einn skelmir slíkt gjört hafa. Hinn rann sem kunni, og nær hann kom til skips aftur hlaut 9 sinnum frá skipsins rá múla í sjó að dansa, með sínu sári.¹⁾ Síðan gekk eg til M. Jacobs bartschera, sem bjó í Austurstræti. Hann leit þennan 30 áverka mjög hættan vera, sakir liðamótsins, af hverju bartscherinn hjelt 3 merkur runnið hefði af liðavatni. Margir ráðlögðu mjer, að láta hans mál fyrir dóm og álit koma á týhússins rjettargangi, og að gjöra hann að óærlegum manni, hvað eg girntist ekki. Þeir kváðu mig sjerlegan vera. 35

¹⁾ líkl. vegna þess að hann hafði farið í land leyfislaust. RC.

- Hann gekk og til sama bartskera sitt sár að umbinda láta. Síðan sendir hann tvo arkelímeistara, sem að eru constabel, uppá týhúsinu (þeir menn eru æðri sljettum byssuskyttum, og hver einn þeirra er yfir sjerhvers skips arkeli settur, 5 það er yfir allan þann stríðsbúning, og hafa lóð og púður með öðru þessháttar í sínum reikningsskap) til mín að útvega sátt og forlikun, og bauðst til það alt að halda, er eg tilskildi, en eg girntist ei meira af honum, en hann bartskerans laun hvorutveggju riflega borgaði, hvað og skeði.
- 10 En með því hann hafði þjént í sömu vist með bartskerans kvinnu fyrmeir, og margt erfiðissamt af henni tekið, naut hann þess að, og þurfti ei meir en 12 dali að gefa, 8 fyrir mig og 4 fyrir sig, og bartskerasveininum hálfan þriðja sljettadal. Frá þeim tíma kyntist eg enn meir við M.
- 15 Jakob, og var eg af honum vel látinn og hans kvinnu.

Sex vikna tíma þar eftir um haustið bar svo við eitt kvöld, þá klukkan var 4 slegin, sem var vor máti heim frá týhúsinu að ganga hvert kvöld, að vjer hlupum yfir slotsplássið kapphlaup, og mikill kuldi var, því vindur bljes af landnorðri

20 hart með frosti; og á miðju hlaupi á sljettu plássi hrökk Marteins fótur í sundur hinn hægri, og var borinn heim af 6 mönnum til síns heimilis. Hann var fyrir hálfu ári giftur, þegar svo bar við. Þennan vetur var oss fenginn kostur heim í vort herbergi. Fjekk eg Marteyni allan

25 helming míns kosts, hvað hann stórum þakkaði, og margir vel virtu og prísuðu. Oft vitjaði eg hans um veturinn í þær 13 vikur, er hann lá undir bartskerahendi, og margfaldlega bað hann mig um fyrirgefning, hvers eg honum vel af hjarta unti, sem sjálfum mjer. Þessum manni fjell

30 svo lítt um síðir, að hann á reisu til Spanía varð einum ungum manni dægilegum að skaða um morguninn um frúkost, sá eð Jacob hjet og hafði 22 ár. Eftir stríðsrjettinum og skipslögmáli varð hann bundinn lifandi til hins dauða og útvarpaður síðan.

- 35 Á sömu reisu, en öðru skipi, varð annar maður Olafur að nafni, norskur að ætt, með raffir¹⁾ í hel stunginn af

¹⁾ o: lagsverði, d. Rappier.

einum í Spanía þar innlendum. Þessi hafði um veturinn
fyr slegið mig í höfuðið með krús án allra orða og kallaði
mig sinn elskulegan bróður, slókti ljósið, greip krús og sló
í myrkrinu rjett ofan í hvirfilinn. Mjer vildi það til lukku,
að eg náði undirkefli kvenna, og í myrkrinu varði mig með ⁵
því, fyrir þeim tveimur, mínum húsbónda og þessum Ólafi,
hverjir gjört höfðu samtök sín í milli að lúskra mjer alvar-
lega fyrir engar sakir, utan húsbóndans órjettferðuga ill-
þyngni. Barnfóstran með barnsvöggu á gólfinu hugði mig
dauðan vera, en Guð gaf mjer þá lukku, að eg fjekk ekkert ¹⁰
annað skaðræði, en sem eg fjekk í öndverðu, af þeim arga
skálk Ólafi, hver mjer saklausum launaði gott með illu.
Af þessum tveimur mönnum fjekk eg áverka, en ekki fleirum,
utan litla skinnsprettu hjá hægra auga af soldátaverju, hverri
eg náði í myrkri. ¹⁵

Item einn tíma eitt kvöld, er eg sat í húsi þess manns,
er Sveinn hjet, og þrír menn aðrir og vorum að spila,
varð slegið með steini á þann fjalarhlemm, er um nætur til
hlífðar við glergluggana verður uppdreginn, svo glerið fauk
um vor andlit, þar vjer sátum við borðið. Vjer strax í ²⁰
mesta skunda gripum vor vopn, og æddum eftir þeim skara,
er fyrir dyrnar gekk, sem voru herra Mannasveinar. Þeir
hlupu undan sem mest máttu, því þeir vissu sig líflaust
verk gjört hafa, og í þeim gangi, sem liggur í gegn undir
þeim hvelvingi við þá þýsku kirkju,¹⁾ náðum vjer í eins ²⁵
þeirra kápu, svo hún hlaut með oss að fara, því hann hafði
sín skikkjubönd uppleyst, svo sem plagast, svo þeir gripist
ei nje höndlist. Þessa kápu seldum vjer fyrir 12 sljetta dali;
eigi vogaði neinn eftir að klaga.

¹⁾ St. Pjeturskirkjuna.

X. KAP.

Í þann tíma, er sá frómi dándissveinn Finnur Böðvarsson var enn á lífi í Kaupinhafn, vorum við einn tíma til gesta boðnir af einum málara að nafni Martínus. Hans
 5 kvinna hjet Elína. Það var Marteinsaftan, sem var kvöldið fyrir S. Marteinsmessu. Þessi hjón höndluðu vel og sæmlega við okkur og báðu okkur með elsku og kærleika einnin þar um nóttina af að hvílast, heldur en mjög seint á strætum að svakka til heimkynna, og kváðu þá ei síst von á
 10 druknum mönnum. Eg vildi gjarnan þiggja þeirra boð, en við minn fróma lagsmann tjáði ei að nefna utan prófoss¹⁾ heim að ferðast, hvað svo hlaut að vera. Okkur varð fengin ein lítil ljóslykt í hönd með einu litlu ljósi.

En nær við til strandar vorum komnir á heimleið, þar
 15 sem kallast »Lækkerbiskken« eður »Garð-kík-inn«,²⁾ það er: þar sem fá má matarbita fyrir peninga, svo lítið og mikið sem einn vill, hjón þau, þar bjuggu, voru bæði þýsk — maðurinn hjet Jacob en kvinna hans Anna; bæði voru þau mæt og ágæt, en hvernig eg komst í þeirra kynning hlýtur
 20 seinna að segjast — þar nálægt þeirra húsi sloknaði okkar ljós; var þá svo myrkt, að við gátum ei sjeð hvar vegur lá með ströndinni. Finnur gekk frá lítið og vissi hann ei fyrri til, enn hann datt í eina skútu, sú eð var þilfarslaus, ofan á kjöl á millum stórra steina, er þar lágu. En Guð
 25 blessaður gaf þar sína náð til, að hann slasaðist ei, hvað sig sýndi stór dásemd að vera.

Nú er þar frá að segja, að skútumaðurinn vaknar, sem lá aftur í sinni káhyttu, og brá undarlega við, því hann

¹⁾ s: fyrir hvern mun.

²⁾ s: Lækkerbidsken eða »Gaard Kig ind«; það var alkunnur veitingastaður á þeim tíma við Amagertorv, milli Østergade og Store Kirkestræde. — Sbr. RC. og rit þau er þar eru nefnd.

meinti okkur aðra menn vera, en eg með þeim ljúfustu góðyrðum afsakaði okkar málefni, og sagði honum ei með verri ásetningi eður aðburðum skeð hafa, en sem nú er greint, og bað eg hann ljós að kveykja, því hans [o: Finns] hattur var af hans höfði fallinn. Ei vildi Finnur fyr upp- standa en hattur hans fundinn væri, og lofaði skútumanni hálfum dal, ef hattinn fyndi. Nú klæðir hann sig nauðugur og maldandi; eg stóð á bryggjunni og beið eftir að eg mætti fá minn stallbróður aftur, en í því bili kom öll skarvaktin með ströndinni gangandi með stórluktum, sverðum og spjótum, sem nýlega voru af ráðhúsinu útgengnir að passera og um æða öll stræti borgarinnar, eftir venju og skikkan um sjerhvert miðnætti, að reyna og hugleiða, hvort engir myndust drukknir eða ósvífnir á strætunum. Nær þessi skútumaður sjer vaktina koma, kallar hann með ákefð að sú góða vakt skyldi koma með hast og hjálpa sjer, því tveir menn sjeu komnir í sína skútu og gjöri sjer stórt ónæði. Þeir skunda með mesta flýti, líkt sem nokkuð sjerlegt viðlægi, en mín þessa hans kalls afbeiðni dugði ekkert. Eg bað Finn uppstanda. Hann kvaðst þar liggja mundi, til þess hattur sinn fyndist, hver eð keyptur var fyrir 2 dögum fyrir 5 dali. Vaktmeistarinn, Söfrin Traftn, skipar sínu liði okkur að grípa og strax að fanga. Engin vopn bárum við í þann tíma, utan einn lítinn hníf, hvern eg greip og varði mig litla stund með. Einn með honum lítið skurslaðist. Hnífinn slógu þeir úr hendi mjer með sínum spjótum og gripu mig. Einn að nafni Andrjes vefari, sem verið hafði eitt ár uppá týhúsinu og þekti mig, hann greip og geymdi minn hníf. Vaktmeistarinn skipaði þeim mjer fast að halda, berja og slá, ef brytist móti. Þeir sem mjer hjeldu urðu fyrir mínum olbogaskotum hnálega, svo margir af þeim blóð uppgáfu. Síðan leita þeir Finns, míns kæra stallbróðurs, upprjettu hann og leiddu á land, því skútan bar ei hærra en bryggjur, og fundu hattinn. En sem Finnur komst á land gjörðist hann þeim þungur í fangi, og óþjálgur í gangi. Því

Margur þá að hauðri hnje
 og hrökk við ekki í glímu
 dregist hefði að Dönskum spje
 ef dagurinn brygði grímu.

- 5 Þetta þjark varaði víst hálfan eyktartíma. Þeir leituðu við harðlega að koma okkur í kjallara, sem kallast ráðhúskjallari, þar sem fangar eru inni hafðir, en þeim veitti það ógreitt, því við settum okkur út af öllum krafti okkur að verja og mótstand gjöra. Einu sinni hafði eg svo sem náð
- 10 atgeirnum úr vaktmeistarans hendi í skjótu tilgripi, því hann steytti mig illa með atgeirsendanum fyrir brjóstið, en með því eg var svo hart í höndum margra umgripinn og beltaður, náði eg ei að falla, en eg fjekk gripið í skaftið, og svo kipti eg honum hart að mjer, að honum var búið
- 15 við hörðu falli. Eftir það ólmaðist hann og æsti upp sinn selskap okkur að lemja. Síðan spyr hann okkur að nafni, mig fyrst og hvers lands maður eg sje, og hverjum eg þjóni. Eg segi hann hljóti svo vel honum að hneigja sem eg. Hann segir þó eg þjóni kóngi, samt muni hann ei hafa
- 20 skikkað mjer svo seint á ferð að vera. Eg kvaðst engum mein gjört hafa í fyrstu, en hann ranglega með sínum selskap hafi okkur yfirfallið, hvers minst skuli verða. Síðan spyr hann Finn að nafni og hvers lands maður hann sje, eður embættis, hvað hann honum skýrlega hermdi. Hann
- 25 lætur sem hann vilji ei uppgefa. En Jacob um hvern eg áður áveik, sem var með sinni kvinnu Önnu uppá loftsalnum í sinni hvílu og hafði alt tilheyrt frá því fyrsta, hann þá loksins upplýkur sínum glerglugga og kallar ofan til vaktmeistarans, og bað hann að sleppa okkur og þakka Guði
- 30 að svo stæði, því ef til rjettar kæmi mundi ei betur fara fyrir honum, því hann hefði gjört okkur opinberan órjett, og segir að tyhússins rjettur og slotsins mundi honum nógu skarpur verða, hann og þeirra hálærðu, vegna Finns, sem var studiosus. Hann dignaði hjer mjög við, og gaf okkur
- 35 þar með lausa. Við komum síðan heim í mitt lossamenti, sem var skamt þaðan í Vínarðsstræti, hjá minum góðum

vin og trúföstum stallbróður, Jóni Halldórssyni, og Kristínu Söfrinsdóttur, sem var ein prestsdóttir, ættuð úr landi Holsten. Jón óskaði sjer að hann hefði nálægur staðið, og mundi einhver þá hafa að velli lotið.

Svo bar til að þessi Söfrin Trafn komst síðar uppá 5 Bremerholm, í það mikla fangelsi, og eg hefi fyr um skrifað.

Einn stúdent var í borginni meðal annara, sem í þann tíma voru eitt hundrað að tölu, sá eð Michel hjet, og kallaður Michel Norðbaggi. Söfrin Trafn og hann 10 áttu stundum gráglettur saman, sem hann á nætur, þegar skarvaktin gekk sinn æðigang um stræti borgarinnar, (hvers fyr var getið) hafði Michel dregið í sinn flokk þau mestu fól og illmenni, er hann gat útlesið úr tölu bátsmanna og annars handverksfólks, og setti sig með þessum selskap 15 oftlega í gegn vaktmeistararum og hans skarvakt, en urðu þó svo búið að hafa og láta þá frítt spássera. Með því Michel var nógu rikur hjelt hann oft veislur Söfrin og hans selskap og voru miklir kunningjar.

Finnur gekk til Michels að morgni og greindi honum 20 alt hið glöggvasta frá vorum viðskiftum. Söfrin var sóttur og síðan eg þangað kallaður, og gjörði Michel stóra veislu í sínu herbergi. Varð svo glaumur og gaman úr öllu og gjörðust miklir kunningjar framvegis.

Nú eftirfylgir hvernig eg komst í kynni við Jacob, 25 sem hjelt matborð og gesthús við ströndina.

Einn tíma er eg og einn Íslenskur að nafni Einar, ættaður úr Eyjafirði, vorum þar inngengnir litla máltíð að taka um kvöldtið, og sátum tveir einir við borðkorn lítið, sem ofan venti að sjóarströndinni, Jacob með sínum mörg- 30 um gestum sat við háborð uppi. Einn hvatorður maður, sá eð var mürmeistari, sat þar á meðal annara, og ljest kunna að segja hegðan og háttalag fólks í mörgum löndum, á meðal hverra var Íslands innbyggjarar, sem aumlega sáu út í hans texta og óvandaðri útleggingu. En hans tilheyr- 35 endur voru auðrúa og dáðust að hans ræðu. Hann tók

- því vel og teygði ræðuna, svo mikill glaumur gjörðist þar, en grátur eigi. Eg spyr Einar að, hversu lengi hann geti slikt liðið. Hann kvað slikt tíðum mega heyra um Ísland talað. Eg spyr Einar að, hvort eg eigi nokkurs von, ef
- 5 eg með þyrfti hjá honum. Hann kvað sá vísari vera. Eg geng svo upp að háborði; fæ eg húsbóndanum þá peninga, er fæðsluverðinu gildi. Hann meðtekur og þakkar. Eg stend svo fyrir framan mitt borðið og tala eg til þessa manns, er svo lastlega hafði þessa lands fólki tiltalað, og til ályktunar
- 10 hafði sagt, að þetta fólk mætti ekki fólk heita, heldur sem svívirðilegustu kvikindi. Eg segi: »Vinur, eg heyri þú ert víða um lönd kunnugur og kant dáfallega frá mörgu að skýra, og hvað mig ei sist undrar, að þú um Íslands háttalag ert vís orðinn, eður hefir þú siglt þangað?» Hann bað Guð
- 15 sig þar frá varðveita, og segir Óðinn mætti það gjöra, en hann aldrei. Í því bili ljet eg honum tvær gildar eyrnafikjur ríða. Öllum kemur í stans. Einar hljóp út, nær hann sá hvað gjörðist. En þessi hljóp yfir borð og hugði mig strax að helfæra. Við gripumst fyrir. Nokkrir vildu áþyngja
- 20 mjer, en húsbóndinn fyrirbauð öllum með okkur að skakka. Svo varð að hann komst undir og dreyrði úr nösnum nokkuð, því hann fjekk mörg þur högg. Húsbóndinn strauk undan borðum og hans gestir og drógu þennan út, með rifinn kraga og blóðugar nasir, og kváðu allir honum verðugt vera.
- 25 Og húsbóndinn lofaði að slíkur skáلكur og orðsnápur skyldi þar aldrei frammar meir inn koma, og kvað mig lofs verðan, að eg svo við hann hefði undirtekið og útreitt, af vandlæting vegna míns föðurlands. Og varð eg þar svo velkominn gestur, er mig þar að bar.
- 30 Nú er að tala um höndlan og háttalag týhússins, og hvað þar viðbar hið sjerlegasta af mörgu.

XI. KAP.

*Innihaldandi um það hvað mjer tilfjell við þau port, er eg stóð vakt við, í gegnum hver að er einn inngangur í próviantgarðinn; í hverjum húsum að er allur kostur, sem til kóngsins garðs er ællaður og alls kóngsins fólks, hver 5
hús að eru á sömu lengd, hæð og breidd við týhúsið, sem er hundrað faðmar á lengd, og eru hundrað faðmar þar á milli og ein höfn, hvar inni lágu ellefu skip af þeim smæstu kóngsins herskipum og daglega af nokkrum vöktuðust.¹⁾ 10*

Nú verður svo fyrst til máls að taka, að kóngurinn setur yfir þetta sitt hús og próviant einn mann sjerdeilis, sem nefndur verður próviantmeistari, er í þann tíma hjet Claus Michelborg.²⁾ En eftir hann liðinn kom Mattheus Daviðsson. Skrifara og sveina hafði hann undir sjer, og 15 var það meining manna að bæði meistarinn og hans sveinar mundu, þá færi gafst, draga sjer nokkuð til drykkjupeninga af þessu góssi, hvar fyrir í tvær reisur þessi Mattheus Daviðsson varð í Bláturn innsettur og hótað liftjóni, þó náðaður yrði. Það bar og tíðum við, að vjer klöguðum 20 yfir þeim, sakir vors kosts afdráttar, og fyrir þess sakir varð Grabov vor týjunktur að setja þangað nýja vakt frá týhúsinu, við þessi porthlið, hver eð í norðvestur lágu frá týhúsinu, eftir kónglegri befalningu, og þeir helstu þar til valdir, einkum þeir sem lesa og skrifa kunnu, og skyldu 25 hvern dag 2 menn í senn þar vaka, svo aldrei mannlaust væri, þó annar frá gengi, og það alt uppskrifa, er þar útkom og í gegnum fluttist og hvert kvöld það registur afhenda í týhússins skrifstofu.

¹⁾ Höfnin milli týhússins og »próviantgarðsins« var notuð enn 1864, en síðan fyllt upp. RC.

²⁾ Hann hjet rjettu nafni Claus Mecklenburg, † 1619. Eftirmaður hans var Mads Davidsen er var settur af ca. 1624. RC.

Svo bar við einn tíma um nónbil, að minn stallbróðir, að nafni Pjetur Snur, var burtgenginn eftir okkar kvöldverð, en í öðru lagi hagaðist svo til að einn skútumaður úr Bleking aðkominn með við til bruggarahússins og brauð-
 5 bökunarhússins áttu nú í þessu út um áðurnefnt port að ganga til borgarinnar. Tveir vintapparar voru í garðinum, ungir menn, Niels Hasenbart, sá var sonur D[octo]r] Jacobs,¹⁾ er fyrir tveimur árum var afganginn, sá eð verið hafði kóngsins lækningadoctor, en hans ágæta ektakvinna
 10 Christín eftirlifði, sú eð var vellauðug. Þessi ungi maður Niels var æskumaður mikill og voghals, svo hans elsku móðir var þrátt um hann óttaslegin, þegar svo viðbar. Þessir tveir ungir menn, annar Lauritz að nafni, vefarasonur, báru frábært hatur ásamt til allra þeirra, er í þessu porti stóðu
 15 og vörnuðu að þar bærisk nokkuð út, eftir sterkri befalningu kóngsins.

Nú er þar til máls að taka, að þessir tveir vínsveinar tóku þennan skútumann ofan í þann vinkjallara, er í garðinum var, hvar þeir daglega voru í tveggja tunnu fót það
 20 vín að inntappa, er til þeirrar fyrstu reisu að Indien var ætlað, og þá var í búningi 1618.²⁾ Þennan mann gjörðu þeir vindrukkinn og fengu honum eitt trje í hendina, svo sem eitt borðstólpa efni, að reyna þar með, hvort eg gæfi honum leyfi með það út um portin að ganga eður ei, því ef
 25 eg gæfi honum með það leyfi, svo var auðgjört eftir þeirra ásetningi að klaga mig, og svo í ólukku að bringja uppá lífið. En í öðru lagi, þar sem eg hamlaði honum útgöngu með trjeð, þá höfðu þeir uppæst manninn með trjeð í tráss við mig út að ganga, og ef til handa kæmi og yrði hans
 30 hið lakara, þá hjetu þeir honum sínu liði. Þessi þeirra ásetningur útspilaðist eftir þeirra vild. Nú kemur maðurinn með trjeð og heilsar. Eg tók honum ljúflega. Eg spyr hann hvert hann ætli með trjeð. Hann kvaðst ei mjer

¹⁾ Jacob Hasenbart (1552—1607) líflæknir konungs. Sbr. Biogr. Lex. RC.

²⁾ hjer er átt við hina frægu ferð Ove Giedde til Indlands.

pliktugur vera þar um reikningsskap að standa, þó kveðst hann það í burtu vilja bera. Eg segi honum, að það leyfist eigi, að það útberast megí. Hann segist lítið um það forboð hirða, því hann segist það skuli út bera mjer og öllum að þakkarlausu. Eg segi: »Kæri minn maður, komdu þjer 5 ekki svo viljandi í ólukkuna nje heldur mjer.« Það fjekst í engan máta. Eg stóð í vegi, svo hann komst ei út. Hann reiðir svo trjeð til höggs við mig, eg ber minn sintreyr undir, og sló eg svo trjeð úr höndum honum. Hann býðst þá til að ráðast á mig; eg afeggja hann, hann skuli slíks 10 dirfast, og segi eg honum hvað viðliggi, sem er líf hans. Hann hlýðir engum mínum fortölum. Hann sækir að mjer sem mest orkar, þar til eg gaf honum nokkur spjótshögg, þá komu þessir tveir vintapparasveinar með sína stóra bandstjaka. Varð þar mikið slark svo eg brýt á þeim tvö 15 spjótin, sem var sintreyrinn og knefelspjótið¹⁾ er þar stóð, sem oss í neyð gafst leyfi til að brúka og oss með að verja. Síðan gripu þeir mig höndum þessir þrír menn og blóðguðu illa; og í þessu bili kom minn stallbróðir Pjetur Snur hlaupandi og kallandi, að þeir skyldu sleppa. Þá flúðu 20 þeir, en eg gekk uppá slotið að hitta cancelerann og Grabov, og nær þeir litu mig blóðugan, undraði þá, og lofa að þess skuli hefnt verða. Líða svo 2 dagar þar til Grabov talar við kóng þar um. Segir kóngur að betur hefði farið að eg einhvern þeirra deytt hefði, og skyldi rjettar- 25 gangur þar um haldinn verða uppá cancelii fyrir canceleranum, hvað og skeði. Cancelerinn sagði þessum Niels í hverju fári hann stæði, að hann hefði sitt líf með sínum fylgjara forbrotið. Var svo tilskikkað, að þeir báðir urðu í Bláturn innsettir, og skyldu kóns úrskurðar biða. Grabov vogaði 30 ei annað en láta mig þar inn til þeirra, vegna haturs allra þeirra, er í móti voru, þeir eð hjeldu að Grabov hefði þeirri vakt í fyrstu ollað. Móðir þeirra kom og þangað með sárum harmi um nóttina og fleira af borgarfólki með

¹⁾ sintreyr sjá bls. 56, neðanmáls; knefelspjót (o: Knevelspyd) var spjót með lítilli þverstöng undir blaðinu.

henni. Um morguninn vorum vjer útlátnir, og gengum svo til húsa hans móður, Christínar Doctors, hver oss blíðlega fagnaði, og gjörðist þar veisla mikil og gjörðum þann sáttnála vor á meðal, að vjer skyldum sem bræður
 5 góðmannlega kynning hafa vor á meðal. Hún gaf mjer til þriggja dala gildis. Skildist eg svo við þau með kærleika. Hún sagði mjer heimilt eitt passaglas¹⁾ fullt með öl, hvenær eg hjá gengi. Þremur dögum þar eftir varð útleigðarbrjef upplesið yfir Niels og hans fylgjara, af kónglegri skikkan,
 10 og úr því sá eg Niels Hasenbart aldrei meir, og lyktar hjer um framar að tala.

Tveir meistarar úr Ítalía komu til kónsins. Einn þeirra, sem fyrri kom, steypiti einn koparuxa, sem vera skyldi vatns-pottur til Friderichsborgar, svo nær framandi þar kæmu af
 15 herrum annara landa, eður þeirra sendiboðar, þá skyldi þessi koparuxi vera þeirra þvottamunnlaug, af hvers munni og nösnum vatn skyldi renna í þeirra hendur. Hinn annar hjet Samúel. Vjer vorum af kónginum átta útvaldir honum til liðs, um einn næturtíma að gjöra hvað hann oss skikkaði.
 20 Hann hjet oss drykkjupeningum, ef sjer vel lukkaðist. Þangað sem stykkin voru steypit hafði hann oss. Hann trakteraði oss vel með öl og mat um kvöldið. Eina leirhnyðju hafði hann með að fara. Hann ljet oss stappa þeirri smámoldu umkring þessa leirhnyðju, er vant var að hafa umkring þá
 25 forma er stykkin voru steypit í. Þetta leirform var að hæð vel sem eg, og jafnhátt því var moldin stöppuð. Þetta var vort verk um nóttina. Hann biður oss til bænar að leggjast með sjer. og biðja Guð um, að hann vilji sjer góða lukku til síns erfiðis gefa. Þetta gjörðum vjer þó með veiklegum
 30 hætti væri. En kopar eða það. sem til formsins var ætlað, var í deigluketilinn, sem var innmúraður, um kvöldið fyrir miðjan aftan í látið að smeltast og undir eldur kveýktur, og brann alla þá nótt út til miðs morguns. Um það leyti kom kóngur sjálfur riðandi og spyr að, hversu nær að komið
 35 væri. Meistarinn kvað innan skamms koparinn smeltan vera.

¹⁾ d. Pasglas; glas með merkjum er sýndu rúmfangið.

Kóngur stje af sínum hesti og gekk inn í gothúsið og að deiglukatlinum, áhrærði með sínum staf við það smelta kopar, og hjelt til fullnægju smelt vera. Hinn kvað litla stund biðleika yrði fyr en hlaupa mætti. Kóngur hjelt þar í móti og gekk til hanans, sem við rennuna lá, sneri honum, 5 ljet koparið úthlaupa í rennuna sem lá til formsins, gekk svo út, stje á hest og reið sinn ásettan veg til Friderichsborgar, sem liggur 4 mílur frá Kaupinhafn. En nær meistarinn sá, að það tilvegna kopar rann ekki alt í formið afsinnadist hann stórum, gekk aftur og fram með grimmi hugar- 10 angist, óskandi sjer dauða, feldi á oss fjandskap og reiði, og kendi um voru bænærktarleysi, Þar fjellu af oss allar virðingar, veitingar og drykkjupeningar. Að því nær liðinni eykt rennur af honum þessi samviskupungi nokkuð, svo hann skipar oss þessari mjúku mold burt frá forminu 15 að moka, sú eð var 3 ára gömul, og síðan taka oss hamar hver í hönd að mola leirformið gjörvalt í sundur, og að því skeðu birtist oss ein jómfrú á stóli með sitt sitt krúsað og útslegið hár. Til hennar vinstri handar var einn svanur með löngum hálsi og eitt sveinbarn honum ríðandi með 20 útslegið hár. En það kopar, sem formið ei meðtók og út var runnið til ónýtis á moldina, vantaði vinstra brjóst jómfrúarinnar og sveinbarnsins, og hlaut svo að nýju annað form að gjöra með miklu ómaki, hvar til hann hjelt 3 sveina fyrir stóra umbun og bataði sig upp aftur, hvað honum vel tókst 25 og uppbar ýkja gjald hjá kóngi, og þetta handverk þótti hið mesta gersemi vera, bæði kóngi og innanlands og utan herrum og höfðingjum, er það litu, og stendur nú þennan dag uppá Friderichsborg¹⁾ Og lyktar svo þar um framar að tala.

30

¹⁾ Hjer er átt við »ljónabrunninn« í Friðriksborgarhöll. »Jómfrúin« er Venus, »sveinbarnið« Amor. RC.

XII. KAÐ.

*Hjer verður minst á einn italianskan meistara, sem
viða um heiminn ferðaðist, hver eð myndan eins slots
með sjer hafði og flutti, er hann í sundur og saman*
5 *ýmist skrúfaði eftir því sem undir og afreisu viðlá.*

Um sumarið í Augústi mánuði kom þar einn meistari,
Michell úr Ítalía, er viða um kristin lönd ferðast hafði,
sá eð hafði slotsmynd með sjer með turni frábreittum uppaf
því, í hverjum að voru 18 klukkur, berandi sitt hljóð hver
10 þeirra, sem temperaðar voru uppá discant eftir meistarans
vilja og sigurveksins regering. Á sjerhverja klukku slógu
tveir stálhamrar kljenir í sjerhvert sinn á meðan þeirra
söngur svo fagurlega yfirstóð. Þar uppi í turninum voru
dyr, hverjar svo oft upplukust af sjer sjálfum, sem sjálf
15 stundaklukkan afljet sín fullslög að slá, eftir því sem deginum
leið. Fyrir utan þær dyr sátu tveir englar, að ásýnd kyrrir
á milli slaga tímaklukkunnar. En sem hún sló og dyrnar
hrukku upp, þá uppspruttu þessir tveir englar, og settu
hvor sína básúnu fyrir sinn munn. En í hvert sinn er svo
20 gjörðist, sýndist sem Christur útkæmi í sinni manndómlegri
líkingu, svo enginn fáfróður skyldi annars hyggja en svo
vera mundi, og sýndist að hann liti til beggja handa sjer
og útrjetti sínar hendur og byði öllum til sín að koma.
Þetta varaði svo lengi sem klukkurnar spiluðu þau 4 vers
25 af hverjum sálmi, er meistarinn upphóf uppá 4 stemmur,
svo stór unaðarsemd var að heyra þar á. Margar af kvinn-
unum grjetu hjartanlega af fögnuði bæði af spilverkinu og
líkamlegri figúruásýnd Christi. En sem þau 4 vers voru
enduð, veik myndin Christi svo hægt sjer inn aftur, dyrnar
30 slógust aftur, englarnir settust niður í stólana, og þeirra
básúnur strax frá munninum. En alla klukkustundina út
lá alt þetta svo sem í dái. En nokkuð sýndi sig í neðra
hluta slotsmyndarinnar; því strax sem himnaríkisdýrnar (er

vera áttu) aftur lukust og Christs mynd hvarf, þá upplukust
 dyr neðarlega á þessu sloti, og jafnskjótt kom þar út kol-
 svartur Kölski með krókneqlur bjúgar, bjúgnefjaður, hrokkin-
 hærður og hraklegur að líta. Það var að líta, sem hann
 væri að krumla með klóm og hrifa að sjer, en strax sem 5
 stundin var úti og þær efstu dyr upphrukku og Christi
 mynd útkom, skaust inn skolli, og lyktar svo hjer um framar
 að tala.

Flestalt fólk í borginni fór hans að vitja og þessa
 meistaralega kunst að líta, að hverju allir menn dáðust. 10

Það skeði einn mánudagsmorgun, að flestalt fólk af
 Bremerhólmi var þangað komið þetta að skoða, og fanst
 þar af statshaldaranum og Hólmsins aðmírál, hverjir æfareiðir
 voru og fyrirbuðu þessum meistara þar lengur vist og veru.
 Hann dvaldist þar 6 vikur í einu húsi fyrir utan Vesturport 15
 borgarinnar.

Einn lækningadoctor Henrich að nafni kom eitt sinn
 í borgina, hann bauðst til hvert nýtt sár að lækna í 12 tíma,
 sem er dægur, og hvern sting, hver í gegn stunginn væri,
 sem er alla útlími. 20

Einn lækningadoctor Jón að nafni, fæddur í Noregi,
 sem víða um heim ferðast hafði, kom eitt sumar í Kaupin-
 hafn og dvaldist þar nærri hálfan mánuð. Hann sló upp
 þremur tjaldbúðum á staðarins torgi, sem kallast Amager-
 torg og þar innum á hillum stóðu margir baukar með allra- 25
 handa dýrmæt smyrsl og læknislist við allskonar meinsemdum
 karlmannna, kvenna og barna. Hann hafði mörgum til hjálpar
 komið með sinni lækningislist, þar hann hafði um heim farið.
 Bæði kónga dætur, hertoga, greifa, eðalmanna, borgara og
 bænda, þeirra syni og þjenara af öllum innvortis og út- 30
 vortis meinsemdum læknað, hverja hann hafði uppskorið og
 með sínum meistaradóm mjúklega á ýmsan hátt viðhöndlað,
 þar upp á hafði hann brjef til bevisingar af sjerhverjum
 með hangandi innsiglum, fyrir hvað mikið gjald hann hefði
 það og það mein læknað, og hversu lengi, og hvað hann 35
 hefði fyrir Guðs skuld (án gjalds) gjört við fátækar skepnur,
 og við hvert brjef hjekk sú meinsemd hörð, er hann af

sjerhverjum manni með list úttekið hafði. Hann bar kærlegt álit og var óstór maður og hinn ljúflegasti í umgengni og ræðu við sjerhvern meiriháttar mann og minni. Hann hjelt 5 sveina með ungum pilti. Nokkuð lítið talaði hann í sínu móðurmáli. Hann var fimtíu ára að aldri. Mig minnir að engin hans lækning mundi bregðast þar innanborgar. Eitt stykki sá eg með skyndi hann gjöra við eina konu við Hábrú um kvöldtið, er hans um stundarsakir þar beið, sú er hafði eina vonda tönn, af hverri hún leið stórt ónæði, 10 hörmung og neyð. Og nær hann vildi uppá slotið yfir brúna ganga, talaði þessi kvinna til hans. Hann gegndi henni auðmjúklega. Strax upplauk hann sínum smyrslastokk, reið á hennar kinnvanga, þar yfir sem þessi meinsemd var undir og gnýði fast með sínum sjálfs handarjaðri, tók eina gula 15 pípu víða og setti hana henni tanna á milli, og skipaði henni í hana að blása hið harðasta sem orkaði, og nær hún svo gjörði, fjell sú vonda tönn úr hennar munni í gegnum pípunu án nokkrar kvalar, eður tilfinnandi verkja. Ei vildi hann nokkurn bítaling af henni þar fyrir meðtaka, utan bað 20 hana 4 skildinga sínum smásveini að skenkja, hvað hún gjarnan gjörði.

Þeir lækningamenn sem kallast kvaksalver komu tvisvar í Kaupinhafn meðan eg þar dvaldist, þeir eð láta sinn þjenara úthrópa við ströndina, að þar sjeu þeir meistarar 25 komnir, sem allrahanda mein lækna kunni, innan 24 stunda, og þau smyrslí fá þeir hverjum manni, með tilvísunarbrjefi, sem brúkast eiga, er þess við þurfa.

Gjöglarar, er svo kallast, komu þar stundum, sem víða um heim ferðast höfðu. Sumir gengu á trjefótum, svo 30 þeir jafnháir húsustum urðu. Þeir gera margar missýningar. Þeir kasta lás fyrir munn manna, svo ei mælt geta; þeir dansa á línu (en ei sá eg það), sem legið hafði af háturni dómkyrkjunnar í Kaupinhafni og á Ráðhústurninn, og á þeim línustreng höfðu þeir gengið og dansað, er lá margra 35 faðma hæð frá jörðu, og þar uppá sýnt margar listir. — Þar komu og þeir sem sýndu comedi og æfintýrleg spil uppá historiska vísu. A meðal annars ljek þar einn þá comediú

þegar 3 Austurvegsvitringar komu að offra barninu Jesú þær þrennar fórnir, og hafa svo búning breyttan þar til, sem efninu hlýðir, svo einn er Jósep, annar María, þriðji er barnið, og vitringarnir þrír, og spilast með veglegum hætti. Margir góðir kostir af Guði ljentir. — Og vil eg nú um sinn hjer frá vikja og til þess fleira er viðbar, frá því fyrst eg kom í Kaupinhafn og til þess eg þaðan burt veik.

XIII. KAP.

Innihaldandi um þá herra og gesanta sem úr öðrum löndum inndrógu í Kaupinhafn á fund vors náðuga herra og kóns Christjáns 4., einkum sem var biskupinn af Bremen, er til þess biskupsdóms kaus og útvaldi þann þriðja son kóns Christjáns, sem var hertug Friderich, sem nú er vor náðugi herra kóngur yfir Danmörk og Noregi.

15

Um sumarið 1618 kom biskupinn af Bremen¹⁾ inn í Danmörk á fund kóns í þeirri meiningu að kjósa til biskups eftir sig Friderich, kónsins son, hver eð var hinn yngsti af kónsins sonum, hertug Christján og hertug Uldrich.²⁾ Þessi biskup var kominn á áttæðisaldur og hafði með sjer 80 menn. Nokkrum dögum fyr enn biskup kom til Kaupinhafn kom kónsins bróðir, hertug Uldrich³⁾, á fund kóns að fagna biskupi, ásamt kónginum, þeim ungu herrum, ríkisins ráði, og öllum Danmerkur aðli. Sá hertugi Uldrich³⁾

¹⁾ Það var ekki erkibiskupinn af Bremen en Philippus Sigmundur, biskup af Verden og Osnabrück, er kom til K:hafnar 16. Maí 1618, og var þar forkunnar vel tekið, meðal annars vegna þess, að hann reyndi að koma Friðrik konungssyni að sem coadjutor í Verden. RC.

²⁾ Kristján konungur átti þrjá syni skilgetna. Kristján f. 1603 (stundum kallaður Kr. V), »útvalinn prins«, † undan föður sínum 1647. — Næstur honum að aldri var Friðrik, f. 1609, er varð coadjutor í Brimum 1621, erkibiskup þar 1634 og konungur í Danmörk og Noregi 1648—1670 með nafninu Friðrik 3. Yngstur var Úlrik, fæddur 1611, myrtur í Slesiu 1633. (Sbr. Biogr. Lex.)

³⁾ 1578—1624, biskup í Schwerín; hann bjó í Bützow.

- var biskup í landi Pomeran, og hafði sitt aðsetur til Betsau, 4 mílur frá Rostock. — Og nær sá dagur kom, að biskup skyldi koma til Kaupinhafn á kóngsfund, þann morgun bjóst kóngur um með veglegasta hætti, hans bróðir og þeir þrír ungu herrar; og þeirra apalgráu hestar voru og prýðilega tilsettir með veglegum söðlum, með gulli og gimsteinum og perlum settir, er nokkur þúsund dali gilda mundi. Þeir höfðu yfirklæði, hver náðu frá makka á lend aftur og niður á miðlið hestanna, með veglegum hætti samin, og með gimsteinum sett og dýrmætum perlum. Beislin hestanna voru öll slegin og sett með gullperlum og gimsteinum, sem og gildi mikla summupeninga. Eina silfurfjöður (eður refelbusk),¹⁾ sem roðin var ofan til miðs, báru þeir á milli sinna eyrna, er skrífuð stóð í beislinu, og stóð rjett upp.
- 15 Kóngurinn bar dýrðleg klæði af guðvefjum og hinir aðrir 4, með gullkeðjum. Miklar fjaðrir og veglegar voru umkring þeirra hatta, og náðu þeim á herðar niður. Stígvjel höfðu þeir sjer á fótum með gyltum sporum. Þeim eftir fylgir cancelerinn, með mörgum af ríkisins ráði og eðal-
20 fólki.

Tvær mílur dró kóngur út frá Kaupinhafn í móti biskupinum með ellefu fylkingar soldáta, og undir hverju merki [og] var í minstu 300, 400, 500 og 700 undir sumum. Þar með fylgdi rýtarakompagníið. Undir því var 900 manns; 25 og undir öðru kompagníi var hálft fjórða hundrað. Vjer höfðum grænt merki af kláru silki, í því stóð gylt fyrmeisa²⁾ máluð. Söfrin Gedling hjet vor merkismaður, hár maður og gildur, og var mjög fimur með merkið að fara. Merkisstöngin var nær 5 álna að hæð eður 6. Pálún eður vegleg
30 landtjöld ljet kóngur uppreisa svo sem hálfa mílu þar frá heim að borginni við, þar sem fyrst fundir urðu. Þau voru að mynd sem eitt herraslot, með turni, og skiðgarði umkring. Allur sá umbúningur var af ljerefti, og voru svo hvítljómandi að lita sem ósaurguð nýdregin drift.

¹⁾ d. regelbusk.

²⁾ einskonar fallbyss.

Kóngur beið lengi biskups, alt fram yfir miðdegi, nálægt einu heiðarkorni, er svo kallast, og ljet ýmsa af voru fólki riða einum fráum hesti rauðum, er sagður var íslenskur, uppá þessa heiði að hugleiða, nær biskup kæmi. Hver sá sem hans fyrstur var yrði skyldi eignast klæðnað, er kóngur 5 hjet þeim, er það hlotnaðist. Vjer vorum fimm af kóngi tileinkaðir, en einum tilfjell þessi hepni, Jens að nafni, sá eð strax gjörði bending með sínum klút, eftir því sem ráð voru fyrir gjörð. Kóngur og allir herrar, sem á hestum sátu, stigu á bak og sátu á sínum hestum. Kóngur var 10 fremstur, hertug Uldrich og einn af ráðinu, þar næst þeir ungu herrar þrír, prinsinn, hertug Christján, hertug Friderich og hertug Uldrich, síðan canceleren og stadtholderen með herrum og aðli. Og nær biskup kom nokkuð nálægt, reið kóngur með allri sinni herralegri fylgd honum 15 í móti. Og nær þeirra var 40 faðmar á milli orðið, stje kóngur og öll hans fylgd af sínum hestum, biskupinn í sama máta, og gekk svo hvor í móti öðrum, með ljúflegri aðferð, auðmýkt og reverentsiu, og laut hvor að öðrum, þrisvar til hægri og vinstri síðu, og í því sama var gefinn 20 fyr yfir alt undir eins, svo í langan tíma sáu menn ekki frá sjer fyrir reyk og svælu, sem varð af þeirri miklu skothrið; 3 koparstykkjum var fyrst afhleypt nær fundust, í öðru sinni, nær þeir aftur á bak stigu, og í þriðja sinni, nær þeir heim að tjöldum fram hjá oss riðu. 24 trómetarii bljesu í 25 sín gylt trómet. Svo gekk biskup með kóngi og öðrum herrum í pálúnið til máltíðar og stórveislu.

Á þessum degi var frábær hiti með kláru lofti. Þar mátti enginn úr sinni orðu víkja undir hæsta straff. Þann dag var eg mjög þreyttur, því eg var nýlega af köldusótt 30 uppstaðinn. Einn maður, Michel að nafni, aumkaðist yfir mjer, hljóp úr sinni orðu, og kvaðst ei óttast hvað eftir kæmi. Þessi var einn af þeim ársknektum, sem þjentu uppá slotinu, og vakt hafði uppá slotsplássinu og í slotsportinu. Hann tók sinn stormhatt og gekk heim að skiðgarðin- 35 um og ljet fylla af því víni, sem menn kalla lútin-

drank,¹⁾ þar hann var við hoffólkið vel kendur, og færði mjer þangað, er eg í lið og orðu stóð. Þetta mislíkaði hans stallbróður, þeim er Þorkell hjet og var kallaður snikkari, einn ársknekt, svo þeir gripu til vopna, og orðu senn að-
 5 skildir fyr en vorir yfirmenn fengu hugleitt, þeir er umkring-
 riðu með sín knefelspjót. Sá kapteinn, sem var fyrir vorri fylking hjet Antoníus, einn spanskur maður, aldraður og ágætur og ljet mig jafnan vel; og hann var sá fyrsti maður, sem mjer í slíku undirvísaði hvað stríðsmaneringu eður
 10 höndlan viðveik, hver það mjög í ljúfasta máta auðsýndi. Hann kunni flestallar riddaralegar listir og íþróttir, hverjar hann kendi og með mentaði þá tvo kóngsins launsyni.²⁾

Í kóngsins páluni voru 3 kórar, sem var tvær tylftir trómetara, ein instrúmentista, sem að bljesu í básúnur,
 15 skalmeyar og krúmhorn, og ein tylft söngvara. Um allan þann tíma, meðan þeirra dvöl viðhjelst í þessum landtjöldum, varaði þessi hoffragt þar inni með þrennum hætti á víxl, stundum í trómet blásið, stundum í hin önnur instrúment, stundum upphófu musicanter sína veglegu sönglist á fjögur
 20 hljóð. Þetta yfirstóð nærri eykt, og að því svo enduðu, var öllum fylkingum viðvörun gjörð, hvað vera skyldi. Þá upphófst bumbusláttur og larm um allar fylkingar, sem alls voru 13 fyrir utan borgaranna compagni, hverjir þá voru að tölu 1800, svarnir borgarar, þeir eð upphófu sína orðu
 25 og stóðu utan til við vesturhlið borgarinnar, og náði svo þeirra klofin fylking út í mörkina, eftir því sem tilhrökkva vildi, og í gegn þá fylking skyldu allir herrarnir riða. Þessi borgaraskapur var allur veglega búinn og útstafferaður, með sínum munsturbúningi og ýmsum color og lit, með gyltum
 30 skórósum og baldýruðum silkileggböndum og gyltum snúrum á sínum silkiklæðum og gyltum hattböndum og prýðilegum fjöðrum um þeirra hatta. Ýmsir höfðu prýðileg og útsnikkuð gehengi,³⁾ en aðrir silkigehengi, hvar í þeir báru sínar

¹⁾ Einskonar krydduð vínblanda.

²⁾ þeir voru þá aðeins tveir Chr. Ulrik Gyldenløve og Hans Ulrik Gyldenløve. (R.C.)

³⁾ d. Gehæng o: sverðól.

amúleraðar¹⁾ verjur. Þeir höfðu og glæsilegar og álitsfagrar byssur, sem og voru amúleraðar, og í þeirra stokka var víða tönn og dýrum beinum innsmelt. Og nær sem herrarnir gengu út af tjöldunum, stigu þeir upp á sína hesta. Þá var skotið yfir alt og síðan trómetað. Síðan drilluðu²⁾ sol- 5 dátar þar í gegn, er þeir sátu á sínum hestum og riðu síðan heim til borgarinnar, fyrst í gegnum borgaranna fylking, hverjir fýr gáfu eftir hendi alt til borgarhliða. En nær í gegnum borgarhliðin voru komnir, þá stóð þar brynjað lið borgarinnar til beggja handa og gegnum alla borgina, alt 10 að Hábrú. Þegar þar kom, þá stóðu herra menn í amúleruðum herklæðum um allan slotsgarðinn. Svo stigu þeir af sínum hestum og gengu uppá kóngssalinn. Hófst þar stórveisla og stórhóf.

Á plássinu hófst upp mikill glaumur, þar kóngsins 15 popelslagari sló uppá ketiltrumburnar, og þeir 24 trómetarar bljesu til borðs. Síðan básúneruðu 4 instrumentister í slotsturninum. Svo leið sá dagur til kvölds.

Um daginn eftir var uppreist eitt tjald á slotsplássinu, stórt og mikið, af einu skipssegli, því allrastærsta. Það var 20 bikað utan og þar í var dreift mosa. Það var kallað stundum Helvíti en stundum Bjargið. Þar var spiluð ein comedí um þá óguðlegustu týranna, sem verið hafa Guðs og kristinnar óvinir. Þeim var akað í þetta víti af þeim sem var í djöfuls mynd. Í þessu bjargi var allrahandi gæði víns 25 og vista, og urðu þessir menn, sem í þeirra myndir voru útbúnir þar heiðarlega meðteknir og trakteraðir. Vor Nichola[us] Hølvaderus³⁾ mátti þar og inn, þó grátandi þar til færi í hjólbörum og sendi kóngur honum 16 dala gildi í gulli. Þar varð og mikið fýrverk á einni nóttu 30 affrent, öllum að skaðlausu, sem biskupinum var til virðingar gjört; þess háttalag verður hjer oflangt að uppreikna. Hann

¹⁾ o: á nýrri d. emailerede, prýddar með innsmeltu útflúri.

²⁾ cfr. e. drill, um hermannaæfingar.

³⁾ Niels Helvad (1564–1634) var einmitt höfundur leikrits þess er hjer er getið um. Það er nú týnt. Um hann sjá Biogr. Lex.

gaf oss byssuskyttum kóngsins 500 dali, og urðum vjer þeim aftur að skila, því kóngur vildi ei að hann einn pening útgæfi í sínum löndum, hvar hann um færi. Fyrir þá peninga gaf kóngur oss 2 tylftir öls, af kóngsöli er kallast.

- 5 Kóngur sýndi biskupi öll sín herlegheit, bæði innanborgar og utan, á slotinu, týhúsinu, í borginni, í sínum aldingarði, Krónborg og Friderichsborg. Og hvert hann reisti um nefnd takmörk og í vagni sitjandi þá var hertug Friderich jafnan hjá honum og í hans faðmi liggjandi, 10 — sem er nú vor herra kóngur og þá var á sínu 15 ári.¹⁾

Og að hálfum mánuði liðnum ferðaðist biskup heimleiðis úr Danmörk, og skildist kóngur og hann með gleði, elsku og vináttu, og varð af kóngsins hendi og mildleika veglega með herralegum skeink útleiddur. Hertug Friderich fylgdi 15 honum úr Kaupinhafn langt á leið sem kóngsins lönd náðu, og var fagurlegur viðskilnaður þeirra.

Eg hefi mörgu gleymt hjer inn að setja, sem viðbar á meðan biskupinn í Kaupinhafn dvöl hafði, einkum um fyrverkið, sem afbrent varð á slotsplássinu, og þá kóngurinn 20 gjörði honum veislu á flotanum, og leit eg þá, enn ei oftár, kóng vorn vel málgláðan, en þó með allri æru, röksemd og höfðingdóm.

Einn af meðfylgjurum biskupsins, þá þeir komu af kóngsins skipaflota af Bremerhólmi í gegnum þau port, er þar 25 liggja í borgina, var mjög drukkin og yfirkomin af sínum selskapsbræðrum forlátinn, því þeir voru allir yfirkomnir að mestu af alúðarstórri trakteran kóngsins þjenara, sem skeði eftir hans vilja. Þenna mann tók eg liggjandi og eftir orðinn af sínum selskap, og gat eg með slitum komið honum 30 í eitt skipherra hús, skamt frá portinu, sem eg fyr nefndi. Þau hús²⁾ hafði kóngur látið byggja nýlega fyrir skipherra og hábátsmenn hvar inni þeir bjuggu fri, er þar í röðum um flatlendið stóðu.

¹⁾ Hann var aðeins 9 ára þá (f. 1609).

²⁾ Hjer er ekki átt við Nýbúðir heldur við önnur hús, er voru í grend við Holmens Kirke, og konungur hafði látið byggja handa sjóforingjum og öðrum embættismönnum á flotanum. RC.

Kvinna skipherrans varð í fyrsta nokkuð við beisk, en fyrir mína góðmannlega viðleitni varð hennar viðmót hógvært og útlagði eg fyrir henni hvað viðlægi, ef ei væri aðgætt. Eg lofaði henni borgun fyrir sitt ómak. Hún bjó upp væna sæng. Ei var skipherrann heima við. Að morgni 5 vitjaði eg þangað, og var hann ei uppstaðinn. Hann spyr kvinnuna að, hver sjer hefði hjálpað þangað. Kvinnan kvað hann ei langt burtu, sem það gjört hefði. Eg ljet mig í ljósi. Hann spyr mig að ætt og nafni. Eg ljet honum í tje slíkt eg mátti og tilhlýddi þar um. Hann prýddi þetta 10 efni með mörgum fögrum orðum og góðum óskum mjer til handa framar en verðugt var, það mig þar um áhrærði. Hann vildi hafa mig með sjer í hóp sinna kompána hvað ei vogaði, því eg jafnlega með öðrum mínum selskapsbræðrum hlaut upp á að vakta hvað oss skikkaðist við týhúsið. Og 15 nær við kvöddumst, hvað með vinsemd skeði, gaf hann mjer tvo dali, klút og kraga; fjekk eg húsfreyunni annan, hvers eg oftlega þar vel naut. Skipherrann, sá eð Laurus hjet, þakkaði mjer þar fyrir nær fundir urðu.

XIV. KAP.

20

Að öðru sumri¹⁾ þar eftir bar svo við sem oftast að almennilegur herradagur var haldinn á Kaupinhafnar sloti, og eftir venjunni dró þangað Danmerkur ráð og aðall, svo þá mátti margan ypparlegan eðalmann með þeirra eðalfrúm og dætrum líta, og það hoffólk, er þeim þangað fylgir. Hver 25 þeirra elstu hefur sinn garð, þar er þeir gista nær þá að bæri. Á meðal annara ráðsherra var Mandrup Passborg,²⁾

¹⁾ Hjer skyldi maður ætla að væri átt við árið 1619, en það ár var enginn herradagur í K.höfn. vegna pestarinnar, heldur í Antvorskov. Ef til vill er átt við árið 1618, sbr. bls. 91, ath.

²⁾ c: Manderup Parsberg † 1625, göfugur maður; síðari kona hans var Anna Brahe (1578–1633). Sjá Biogr. Lex.

einn ypparlegur mann, og í þann tíma mjög aldraður. Hann hjelt daglega 7 sveina, 4 af þeim voru verjubærir, það er þeir báru varnir við sína vinstri síðu í gehengi, en þrír báru þær undir sínum vinstra handkrik. Hann hafði sinn
5 herragarð í Jótlandi og mikla forljening, en sinn gistingar-
garð í Kaupinhafn hafði hann við Austurport borgarinnar.¹⁾

Svo bar við, að þeirra steikari, Hermann að nafni, einn ungur maður, krenktist einn dag er hann gekk út af Austurporti í þá byggð er þar var, svo sem víðar umhverfis
10 borgina. Hann gekk út í dökkum búningi, en kom inn aftur í rauðum og var orðinn vitstola. Hann hljóp upp á herrasalinn eður borðstofuna, sem kallast, og sókti helst að sínum herra og hans eðallegri frú með dregna verju, en Guð gaf sína náð til, að hann engan skaða gjörði, en fylltist
15 samt ugg og ótta, og þessvegna útsendu eina kvennu, er þeirra linklæði hafði að vakta, og báðu hana trúlega einn öruggan og fróman mann að útvega, sem það vildi á hendur takast, að halda vakt yfir honum eina nótt eður fleiri, ef með þurfa kynni.

20 Þessi kona, Elísabet að nafni, gekk til míns herbergis, og með því eg var henni ei öldungis ókendur bað mig um vingjarnlegast sem kunni að ganga með sjer þangað og vaka þar eina nótt yfir þessum manni fyrir gjald og góða umbun. Þetta um síðir ljet eg eftir henni, þó lengi tregur til væri. Og
25 nær við þar komum gekk hún til frúinnar og segist einn mann útvegað hafa. Senn gekk hún ofan af borðstofunni og fann mig með þýðlegri kveðju og bón kærlegri að halda trúlega vakt yfir sínum kæra þjenara Hermannni, og spyr mig bliðlega að ætt og nafni og hverjum eg þjóni, og að
30 þessu öllu henni auglýstu sagði hún mig velkominn til öls og matar. Eg þakkaði henni sem best eg kunni, og segist ekki mín sjálfs ráðandi vera. Hún þakkar Guði, að eg sje kónglegri náð þjónandi, hún skuli þar út yfir hjá honum taka, þó tíu væri af hans fólki. Eg segi það hljóti að spyrr-
35 ast uppá týhúsið. Hún lofar því, og spyr ennframar hver

¹⁾ Garður Manderup Parsbergs lá þar sem nú er Amalienborg. RC.

vor yfirmann sje. Eg segi Adolph Friderich Grabov. Hún segir: »Hann skal vera sem vjer viljum.« Svo fylgir hún mjer inn í það herbergi, sem maðurinn hvíldi inni og niðri í garðinum stóð. Þá var svéfnhöfgi á hann runninu nýlega, sem hún meinti eg mundi hafa verið á miðja leið 5 kominn, og kvað mig vel að honum sókt hafa og mjer mundi meira gott fylgja. Og með því kvöldmáltíðartími var kominn biður hún sitt höfð fólk að taka mig að sjer uppá sinn borðsal og einkanlega gjöra mjer til góða. Hún setur tvo erfiðismenn að vaka á meðan yfir honum. Þessir hofmenn höfðu stór- 10 drykkjur eftir venjunni, en eg veik mjer burt og til þessa manns, og sat hjá honum alla þá nótt einsamall, og var eg í þá bók að horfa, sem »Sá andlegi herradagur«¹⁾ nefndist. Eigi vaknaði hann fyr en bjartur dagur var kominn; þá vaknar hann og tekur til nokkuð að fanticera og í höfuð- 15 órum að tala. Eg geng svo til hans, og bið eg hann Guð að ákalla. Hann gegnir því að litlu og sofnar aftur nokkra stund. Síðan vaknar hann, og spyr, hvar hann sje; eg segi honum það. Eða hvort hann hafi nokkrum mein gjört? Eg segi nei. Síðan spyr hann mig að hver maður eg sje; 20 eg segi honum slíkt er til hlýddi. Svo kemur fólk þangað; herramannsfrúin kom einnig og góðan dag með glaðværð honum og mjer bjóðandi, og fagnar yfir heilsu síns þjenara. Hún skeinkti mjer ríkisdal og Mandrup hennar herra, hver eð kærlega þökkudu mjer fyrir mitt ómak. Alls var eg þar 25 í tvær nætur í loflegri veiting og atlæti elskulegu, og buðu mjer sig að finna aftur nær þau þangað kæmi aftur, ef mjer og þeim svo auðnaðist. Steikarinn gaf mjer hálf annars dals virði. Síðan hjelt eg heim aftur til míns herbergis.


Á næsta degi kom eg upp á munstring, og þar eftir 30 spyr Grabov mig, hvar eg hafi í tvo daga verið. Eg segi honum hið ljósasta. Ekki vogaði hann þar að að finna.

Á þessu sama hausti²⁾ var eg með öðrum 30 af byssuskyttum til Krónborgar skrifaður, hvar vjer dvöldumst í tvö

¹⁾ Líklega „Den himmelske Herredag“ eftir Raffin, um dómsdag. (RC.)

²⁾ Óvíst er hvort hjer er átt við árið 1618 eða 1619, sbr. ath. bls. 85 og 91.


ár, og eftir gömlum byssuskyttanna rjetti og friheitum höfðum vjer þar til launa árlega 18 dali, og á hverjum mánuði höfðum vjer til vors kosts 5 sljetta dali.

Þar fjell hverri róðu eða vaktkvarteri hverja þriðju
 5 nótt að vaka uppá Krónborgarsloti, og í hverri þeirri róð
 var 50 manns, 10 byssuskyttur og 40 soldátar. Þessi róða
 eður vaktfylking skyldi öll við Rauðuport samansafnast þá
 klukkan sló 4 eftir miðdag, sem er stund eftir nón, og af
 vaktmeistararum skarplega álitin, hvort þeir drukkinn væri
 10 og rjóðir í andliti; hjelt þessi vaktmeistari að sá drukkinn
 væri; og ef sá maður því neitaði, lét hann cladit¹⁾ taka
 hann heim með sjer, og var ein járnsþöng þunn honum um
 úlfliðinn samankrókuð lauslega, án tilfinningar; uppá henni
 var útptrykt , það er Christián fjórði. Þangað flyktust
 15 bæði soldátar og byssuskyttur að drekka með honum, og
 hver sem svo er og kallast fangi hann drekkur frí. Þar situr
 hann til morguns og biður slotsherrans og vaktmeistarans
 ályktunar, hvort hann skuli án straffs laus látast og aftur
 uppá slotið ganga á sína vakt og uppfylla sína tímatölu,
 20 sem honum bar með nótt og degi á sínum skildbekk að
 standa, eða uppá þann stóra og hrygghvassa trjehest að
 setjast, er jafnan á slotsplássinu stendur, og þar vægðarlaust
 sitja með járn um fætur undir hestkviðinn, er honum skuli
 niður þrykkja, og sterkum lás þar fyrir, og svo langan
 25 tíma sem ályktað verður.

Nú er þar aftur til að víkja er eg nú frá veik, þar öll
 vaktin við Rauðuport á tilsettum tíma, er fyr var greint,
 saman safnast í því vakthúsi, er þar stóð, biðu þess tíma
 er vaktin skyldi upprekkjast. Vaktmeistarinn, sá eð Caspar
 30 hjet, einn þýðverskur mann, sat á gaffbekknum miðjum og
 sinn ródumeistari honum til hvorrar handar, sem höfuðsmenn
 voru fyrir minni vakt. Einn þeirra hjet Hans Tobrich
 en annar Andries Muler, mjög gamall maður. Þessir

¹⁾ Cladit eða Claudit, o: fangavörður, líka stundum í merkingunni fangelsi.

tveir menn voru frómir og ágætir og sem mínir elskulegir feður. Son átti Andrjes Muler í Kaupinhafn, sem var einn bartskeri og hjet M. Blasius, einn frómur maður; sá hafði 3 menn uppskorið lifandi og þeirra meinlæti úttekið og með Guði heilbrigða gjört. Á vinstri bekk sátu soldátar, 5 en byssuskyttur á hægri.

Trumbslagarinn gekk út tvisvar, en í þriðja sinn er hann útgekk uppá trumbuna að slá gengu allir út með vaktmeistaránunum í fylking, hver í sinn lið og orðu, eftir því sem í fyrstu var niður sett og hverjum pláss einkað í stöðu 10 og gangi. Fyrst gengur vaktmeistarinn undan með sinn holbor¹⁾ gildan, síðan trumbslagarinn til hægri handar píparanum, síðan fremst í fylking, sem kallast caperaler í sínum lið, síðan hinir aðrir soldátar, síðan byssmeistarar eður byssuskyttur í liðum, að jafnaði sem í þeim fyrsta lið; liðir kallast 15 breidd fylkingar en róð lengd fylkingar. Svo gengur hann með alla þá fylking yfir slotsbrúna, sú eð hvert kvöld er uppdregin og hurð er á næturnar fyrir slotsportinu, og í gegnum allan hvelfinginn, í hverjum að eru steintröppur, þær eð liggja á snið neðan á slotsmúrinn, sem liggur í 20 kringum alt slotið, og gengur hann með þessa fylking suður fyrir slotið, þá er eitt sljett pláss, að einum útklöppuðum og velfáguðum stórum ferköntuðum steini, sá eð sljett smeltur og þjett feldur er ofan í plássíð; á hann var út- höggið . Vaktmeistarinn, trumbslagarinn, píparinn og 25 munsturskrifarinn gengu þangað, en soldátar og byssuskyttur gjörðu úr sinni fylkingu einn hring umkring þessa fjóra. Síðan setur vaktmeistarinn höfuðklæðið af sínu höfði, og síðan sjerhver einn, segjandi í þýsku máli: »Guð gefi yður eina góða og farsæla nótt, erlegum soldátum og byss- 30 meisturum. Vitið að þessi vakt, sem yður er nú að höndum komin, er Guðs og vor, vil eg því sjerhvern erlegan soldát og byssmeistara ámint hafa að sjá vel fyrir sjer og sinni vakt, svo engin klögun uppá komi, og að svara til síns nafns.« — Síðan les vaktskrifarinn upp sjerhvers nafn. Cladit 35

¹⁾ o: atgeir, d. Hellebard.

hóppar í kring og tekur hvern þann, sem drukkinn finst, heim með sjer.

Slotsmúrinn er ferkantaður; á hverju horni er rúndel,¹⁾ á hverjum þeim rúndel stendur einn maður með byssu og
 5 sverð við síðu, og sá fimti maður stendur fyrir utan vakt-
 húsdyr soldátanna, svo fimm menn standa í þessum fimm
 stöðum í einu, en 10 umskifti verða með nótt og degi, svo
 það er 50 fólks, sem hverja nótt og dag á slotinu vakir.
 Þessi hegðan varir þar sífeldlega. Vaktmeistarinn læsir hvert
 10 kvöld portinu sjálfur, og hverja nótt er hann upp á slotinu,
 utan nær hann biður hópmanninn, það er slotsherrann, um
 leyfi þar til, að hann megi heima hvíla í sinu herbergi.

Fjórir eðlamenn velforsóktir þjóna hjer að auk uppá
 kastalanum Krónborg, sem kallast adelbúss eður gerunn.²⁾
 15 Þessir menn gjöra umskifti að vaka, svo hverjum ber sín
 nótt til þess að reyna vaktina og kringumgang að hafa á
 slotsmúrnum, og að handgripa þá, sem ógætilega sína vakt
 standa, svo þeir þessvegna yrði gripnir af þessum rúnn-
 göngurum, eður ef nokkrir sofandi fyndist. Nú er það í
 20 valdi þessara betrúaðra manna nær þeir svo finna einn í
 sinni vakt sofandi eður illa sig athugandi, svo hann þess-
 vegna verður gripinn, að deyða hann þar strax, eður með
 sjer lifandi til vaktmeistarans að leiða, svo hann þá í fjötra
 innsetjist og að morgni líflátist, hvað títt skeður á slotum
 25 og festingum, þá ólukkan einum tilvill, og einn nýlega hent
 hafði litlu fyrri en eg þangað kom með mínum lagsmönnum,
 hverjir eftir stríðsmanering og visu eru af fimm þeirra
 compagnibræðrum og bestu vinum á tilsettu plássi í hel
 skotnir, hverja þeir sjálfir útvelja úr heilu compagnii.
 30 Nær vjer fyrst þar komum urðu á þriðja degi þar eftir
 á því úthöggna steinhúsi, er fremst á múrnum stendur og
 að sundinu og yfir að Helsingborg vendir, kóngl. Maj:s

¹⁾ d. Runddel, »kringlótt vígi« (Konr. Gísl.)

²⁾ þ. adelsbursch táknar eiginl. ungan aðalsmann, en svo voru og nefndir varðforingjar. »Gerunn« er = d. Runde, Ronde, þ. e. varðforingjar, er ganga í kring og vitja varðmanna, til að líta eftir að allt sje í reglu.

artícular fyrir oss upplesnir, og af oss eiðar teknir uppá trú og hollustu við kóng og krúnuna, hvað þrisvar skeði um þann tveggja ára tíma, eg þar dvaldist, og eiðar endurnýjaðir. Hverjum af oss voru tvö stykki fengin að vakta og hönd yfir að hafa. Mjer voru fengin tvö koparstykki, sem næst 5 stóðu steinhúsinu, sem lysthús nefndist; þau voru þrír málfaðmar á lengd og vörpuðu lóði yfir Eyrarsund, er vóg 32 merkur. Aðrar tvær horfðu til vesturs að borginni við, er Helsingeyri nefndist, en slotið kallast Krónborg, og eru þess múrar við sjómálið upphlaðnir. Ei minnst eg mýrs- 10 hæðina, en víst meina eg það 15 faðma hæð vera. Það eru margir kimar niður við sjómálið, hvar inni liggja gömul og hræðilega stór stykki og gluggar stórir fyrir hverju stykki er beint liggja við skipanna sjómáli ef með þarf, kastalann að verja. Þar niðri í þessum kimum er geymt harðatorf 15 til slotsins og vakthúsanna tveggja og höfðu soldátar eitt en vjer annað; í hvoru þeirra stóð stór kakalofn, og brann eldur í þeim nætur og daga frá því að kæla tók um haust og fram langt yfir páska.

Mikil frost komu þar annan veturinn er eg þar var, 20 svo að Eyrarsund lagði um Þorra og fram á föstu, svo bændur af Helsingborgarlandi, sem er úr Skáney, komu á vögnum yfir Eyrarsund, sem að er vika sjávar milli Krónborgar og Helsingborgar, til torgs með allra handa vöru, æta og óæta, eftir gamallri tilskikkun, að nær svo viðbar að 25 Eyrarsund liggur og þeir á vögnum komast mega yfir Eyrarsund, þá hafa þeir frítt torg í Helsingeyri, en ei oftar. Þetta skeði á því ári er vöndur sást á lofti (eða sú halastjarna).¹⁾

¹⁾ 1618 í Nóv. og Dec. sást halastjarna, sem getið er í dönskum ritum frá þeim tíma. RC.

XV. KAP.

Á því öðru ári, er eg þjenti á Krónborgarsloti, sem var 1620,¹⁾ umgekk mikil pest í Danmörk, svo að í Sælandi afgekk 7000 manns, í Noreg 4000, í Jótlandi 5000. Nú er 5 svo tilsett í kóngl. Majest. artíkulum og þar inni verður strengilega fyrirboðið þeim öllum, sem uppá slotinu þjena, að ganga í pesthús. Nú bar svo einn tíma við, að einn maður af vorum selskap, Thómas Randers að nafni, lá mjög tekinn í pest, en nokkrum af oss var kært til hans, 10 og gengum því einn dag þrír tilsamans að hugleiða um, hverninn þessum vorum kærum vin liði, og í trausti Guðs gengum vjer inn í forstofuna, er þar svo kallast, það er inn í sjálfar bæjardyrnar, og kölluðum til kvinnunnar, er þar átti fyrir að ráða, og spurðum hverninn Thómasi liði, en 15 hún kvað honum vera í afturbata. Vjer báðum hana vel lifa og honum fyrir oss að heilsa. Vjer gengum svo þaðan og hugðum að engir mundu þar hafa við mátt verða varir, en máltæki gamalt er það, að

20 »þeygi var svo þjóðin traust
að þetta ljeti orðalaust.«

Svo bar við einn tíma, að mjer fjell sú fyrsta vakt til um kvöldið, sem voru tvær klukkustundir í senn, að vaktmeistarinn Caspar sendi boð til mín, eftir það hann var búinn að læsa slotsportinu, að eg gengi af skildbekknnum heim til hans, 25 hvað þó ei plagaðist tíðum, og setti þann í staðinn í mína vakt, sem sendur var. Og nær eg kom í vort vakthús, þar var vaktmeistarinn og sátu allir yfir máltíð þar inni, því hverjum leyfð-

¹⁾ Hvert þetta ártal er rjett er óvíst, eins og sjá má af því sem á undan hefur verið sagt. — Pestin byrjaði vorið 1619 í Kjöfn. og er sagt að í þeirri borg hafi látist um 7000 manna, svo tölur þær, er Jón Ólafsson tilfærir hjer, eru áreiðanlega ekki of háar.

ist að láta færa sjer mat á kvöldin úr sínu herbergi, áður en portin tilluktust. Nær eg kem býð eg gott kvöld. Hann tók mjer vel, og spyr hvort eg vilji ekki sitja og fá mjer líka mat. Eg segist það muni þiggja þegar minn tími sje þar til kominn. Hann þegir litla stund. Eg spyr hvert erindi hans sje við mig. Hann kvaðst ætla nokkuð vera mundi. Hann spyr mig hversu oft kóngl. Majest. artikular hafi verið upplesnir síðan eg þar komið hefði. — Eg kvað þrisvar að upplesnir verið hefði. — »Svo veit eg,« segir hann, »að þú munir þeirra innihald vel athugað hafa.« — Eg ljét þar fátt yfir. — »Mig minnir,« segir hann, »að þar inni fyrirbjóðist í pesthús að ganga þeim öllum, sem á slotinu þjóni.« — Þessu samsinni eg. — »Þá veit eg,« segir hann, »að þú munir þar vaktan á hafa tekið.« — »Ei veit eg annars,« segi eg. — »En eg voga að segja,« segir hann, »að þú hafir nýlega í pesthús gengið.« — Eg varðist því og harðlega neitaði. Hann spyr hvort eg dirfist sinn framburð að rengja? Eg kvaðst frjáls fyrir hverjum alt ósatt aftur að bera og sem mjer ranglega tiltalað yrði, en því neitaði eg ei, að eg hefði spurt eftir einum kóngl. Maj:ts þjenara. — Hann segir eg lygi; eg hefði víst til hans gengið og hjá honum etið og drukkið. — Eg kvað þá alla ljúga, sem ósatt segðu. — Hann spyr mig að, hvort eg dirfist að segja sig lygi mæla? — Eg segi, ekki af sjálfum sjer, því hvað hann segði, það talaði hann eftir öðrum, og það eg hann þann mann auglýsa. — Ei vildi hann það gjöra. — Eg kvað Guð almáttugan að hitta einn og sjerhvern, þar hann vildi, af sloti eða á, því allir stæði eins naktir fyrir dauðanum, hvort hann væri innan múra eða utan, þá Guð svo vildi vera láta, að sjerhver og einn burtleiðast skyldi. — Öllum þeim þar inni voru og hans lund þektu hnykti við, bæði við mína dirfsku og hans hóglyndi við mig, og enginn maður vogaði einu orði að ansa fram í okkar ræðu. Síðan gjörðist hann hinn mildasti, drakk mjer til og sinn skerdisk með góðri fæðu afhenti. Yfir þessu undruðust menn stórlega.

35

Þessi vaktmeistari átti tvo unga syni. Einn þeirra var 12 en annar 13 ára að aldri. Pest greip þá báða hart, að

þeir innan tveggja daga voru burt liðnir, hverja hann mjög sorgaði, en ei síður fylltist hatri við mig, hvað hann leyndlega með sjer faldi og var mjer óvitanlegt, þar hans besti vin, Hans Tobrich, minn sá annar róðumeistari og elskulegur sem faðir var mjer alla tíma, tók mig einn tíma leyndlega á tal, og gjörði mjer trúlega viðvörun, og bað mig að gæta mín sem best fyrir vaktmeistaránun, því hann bæri mikla ofurþykkju til mín af þeirri ræðu, er við höfðum síðast í vaktstofunni, og það hann svo skjótt hafði mist sína 2 syni eftir okkar viðræðu, og meinti mig einn spámann vera. Hann biður mig engan þetta vita láta, hverju eg honum trúlofa. Hann segir helst muni hann mig umsitja nær tunglþrot væri á minni skildvakt.

Eitt sunnudagskvöld bar svo við, að hann lætur bera uppá kastalann 18 potta af Rostockarbjór, sem er besta öl þar ytra, sem hann var aldrei vanur að gjöra. Nú bar svo við, að mjer og tveimur öðrum af mínu liði bar vakt á þeim litla rúndel þessa nótt, en mjer fyrst um kvöldið með soldátum, nær vaktmeistarinn upphóf sína öldrykkju í vaktstofn byssuskyttanna. Og eftir því sem hvert tveggjamarkastaup um gekk inni sendi hann mjer það út. Baltsar Lynbeck hjet sá maður, er til mín ölið útbar, og með hverju staupi gjörði hann mjer bróðurlega viðvörun, að eg skyldi mín fyrir vaktmeistaránun sem best gæta. Eg segi, eigi skuli hann formerkja mjer nokkra viðvörun gjörða af neinum, með því eg hafni hans góðvild, heldur skuli eg ókotmannlega við taka, svo hann síður merkja skuli, að eg hans ásetning í neinu viti eður hugleiði.

Svo liður á kvöld og yfir dagsetur, og svo var myrkt, að ei sá eg ofan á mínar hendur. Nú bað eg Guð almáttugan að styrkja mig mínum öllum óvinum á móti, svo eg fengi það að líta, sem mjer lægi mest makt á. Eigi vildi hann bera sinn lyklahring úr vaktstofunni í það sinn, svo mjög var hann viðleitandi að koma mjer í ólukku og mínu lífi umsát að gjöra.

Um síðir varð eg hans var, með því slotskirkjan var

nærri um miðdiki¹⁾ slotsins, og var hvítara en slotið annarsstaðar fjekk eg hann fyrir Guðs náð deildan við slotsmúrs birtuna, svo eg var fullviss, að maður vera mundi. Eigi gaf eg mig strax upp, fyr en hann kom hið nálegasta mjer sem verða mátti, hvað eg með guðlegri hjálp gjörði með 5 ásetningi og vilja, því að eg vissi það vel, að honum mundi þykja veiður í höndum, og hugsa um gott til krásar. Og nær hann var svo nálægt kominn, sem eg hugði með spjótinu eg mundi til hans seilast mega, þá gaf eg svo mikið hljóð af mjer sem hæst og ógnunarmest eg orkaði, 10 af hverju hann frábærlega skelfdist, svo hann hrökk langt tilbaka og sagði til sín kjökrandi, að hann væri gerunn, eður sá umkring gengi. Eg bað hann afvíkja. Sú hin fimta vakt, sem stóð fyrir vakthúsdýrum soldátanna kvað mig í það sinn sjer líf með Guði gefið hafa, af því hann 15 fjekk svo gjörla mitt kall að heyra. Þar gekk vaktmeistarinn inn til hvíldar eftir venjunni.

Um morguninn kemur vaktmeistarinn inn í vora vaktstofu. Eg bauð honum góðan dag. Hann tók mjer varla. Hann spyr mig að, hvort eg hafi ásett mjer að æra sig í 20 gærkvöldi, eða vitstola verið. — Eg kvað hvorki vera. — Hann segir, enginn hafi sjer slíkan skelk gjört, og sagðist lengi hans minnugur vera. — Eg bað hann ráða, en svo hann skildi mig tíðkaði eg gamalt málstæki, að sá byði sitt hár, sem annars reytti, og gekk eg svo út. — Hann segir 25 að mjer burtgengnum við Hans Tobrich, að ei muni sig gilda við mig ilt að eiga. Hans Tobrich segir honum það litla gustuk vera við mig framandi og einstaka mann kif að byrja án sakar, því hvorki sje líf nje dauði í minni hendi. 30

Um kvöldið, nær eg gekk af slotinu og í gegnum Rauðuport og upp eftir steinstrætinu, í hverju inni var kónigl. Maj:s tollari Christian Davíðsson²⁾ og margt annara vildarmanna, og eg hugði til herbergis ganga, þá úr einum

¹⁾ gamalt ísl. orð, = miðbik.

²⁾ Hann varð síðar borgarstjóri í Helsingjaeyri og dó um 1659. RC.

vinkjallara var kallað til mín, að eg þangað kæmi. Eg þekti hljóð vaktmeistarans. Lengi vogaði eg ekki inn að ganga fyr en Hans Tobrich bað mig koma. Þar drukkum við til þess á vakt var hringt, og drukkum við okkur þar 5 til sátta. Ljet hann mig síðan í meinleysi á meðan eg þar dvaldist og allir soldátar.

XVI. KAP.

Hópmann Krónborgar slots hjet Thómas Nold¹⁾ og var af líflenskum aðli; hann var mjer jafnan góður, hans frú 10 og hennar systir jómrú Sesselja, hverjar oftlega spurðu mig hjeðan úr landi, hvað þær ljetu sjer þrátt að gamni verða. Þáði eg þar marga góða máltíð og máldrykkju. Stundum þverskar eg þar brennivið með sög og fleiri af mínum samlagsbræðrum, einkum minn stallbróðir Hans 15 Matthson Lund, sem lengi hafði munsturskrifari verið; og Baltsar Lynbeck. Vjer vorum allir í einni róðu og untumst vel.

Þar var einn af soldátunum, sem hjet Sveinn skánski; við hann kom eg tvisvar í klamari. Í fyrra sinni bar okkur 20 til undir settri vakt heima í borginni, næsta húsi við vaktmeistara, urðum vjer báðir settir í cladit, en um morguninn upp á þann gamla trjehest, á hverjum hann hafði þrátt setið fyrir klamariis sakir, en eg fyr aldrei. Þá kom slotsherrann, Thómas Nold, og skikkaði vaktmeistarann að gefa mig 25 lausan, og segir honum hinn nyti mín, annars skyldi hann þar setið hafa til kvölds. — Í öðru sinni bauð hann mjer fyrir Rauðuport í einvígi. Vaktmeistarinn kom þar og Hans

¹⁾ Thomas Nold af Maglø var aðalsmaður frá Kúrlandi; hann varð foringi setuliðsins í Krónborgarkastala 1615, og giftist þá um haustið Margrjeti Gjedge. Síðar varð hann forstöðumaður týhússins í K:höfn. Hann var hinn mesti merkismaður. Helstu æfatriði hans eru rakin í Blom, Chr. IV's Artilleri, bls. 28—30.

Tobrich, hann dregur sína verju og segir, að sá, sem miður dugi, hann skuli hann berja, því við gjörum þetta sem fleiri uppá brúk og gíkkerí, og lofar, að hann skuli annanhvorn okkar svo úþvo, að aðrir skuli sig þar í spegli skoða. Þá hugsaði eg, að ei skyldi hið betra eftir liggja og urðu með okkur hvorki löng nje mörg vopnaviðskifti fyrir en Sveinn fjekk skeinu litla á kinnbeinið, og var það undir lagt, að hver sem annan fyrir blóðgað fengi skyldi unnið hafa. Nú var þessi maður mjög hár og stór vexti. Vaktmeistarinn sló hann illa með sinni flatrí verju og skammaði hann út. Sveinn kom aldrei úr því í klamari, þar til Guð tók hann í burt þremur árum síðar, og varð lengi hlje á útafgöngum og einvígum þar eftir fyrir utan Rauðuport.

Ein ekkja var í Helsingeyri, Katrín Lolliks¹⁾ að nafni; hún átti 3 börn; tveir hennar piltar gengu í skóla. Þessi kona girntist mig til hjúskaps, en eg hafði þar engan hug til eða vilja, einkum hennar barna vegna. Eitt kvöld kom einn ókendur maður í hennar hús, og ljest vera mikill og mjög forsóktur víða um lönd. Þegar hann hafði þar litla stund drukkið upphóf hann bónorð til hennar. Ei vildi hún honum þar nokkru til svara, fyrir en fann mig um kvöldið; spyr hún strax ráða, er eg heim kom af slotinu. Og sem eg leit þennan mann brá mjer illa við. Hann girntist mig til drykkju við sig, hverju eg mótstöð. Eg bað konuna einslega að segja honum af og girnast ei slíkan mann, sem hún engin deili til vissi; hverju hún strax varð samsinnandi. Hann veik þaðan strax. Á vikufresti spurðist hver maður hann var, bæði þjófur og morðingi, og náðist upp í Sindinga-hjæraði,²⁾ hvar hann varð mannsbani. Nær þetta spurðist þakkaði konan mjer innilega, að eg fjekk þessu hamlað, því allir gátu þess til, að hann mundi allri hennar eigu rænt

¹⁾ Tilgáta útg.; sbr. orðamuninn.

²⁾ Í Danmörku er ekki til neitt hjærað með því nafni, en tvær sóknir á Jótlandi heita svo; í Ögursbók stendur „Sníðinga-hjæraði“ og er hjærað með því nafni heldur ekki til, en til er herragarður á Sjálandi er heitir Snedinge.

hafa, en hennar morðingi orðið, svo sem tíðum til borið hefur, líka í Danmörk sem annarsstaðar.

Einn af soldátunum, kallaður Ríki Jacob, var þar minn einn hinn besti vinur. Eitt kvöld bar svo við, er eg
 5 gekk frá honum til míns heimkynnis, að einn ríkur borgarason mætir mjer drukkinn, dregur sína verju til mín, og býðst að höggva mig. Eg dró aftur á mót mína verju, og góðmannlega bað hann að koma hvorki mjer nje sjer í ólukku. Hann bað mig eg skyldi verja mig, ef eg þjenti kónginum fyrir
 10 einn erlegan mann heldur en óerlegan. Svo urðu leikslök með okkur að hann rann með ben til bæjar. Þessi maður hafði lengi forsókt sig utanlands, og girntist að verða týmeistari. Hann gekk fyrir kóng að sýna sitt meistara-stykki, sem var, að hann bauðst til um miðnættistíð að hæfa
 15 með stykki uppsett mál í niðmyrkri, hver merkisskífa var upp sett úti í skógi góða vegarlengd þaðan sem stykkið stóð á einni sljettu bryggju, hvað honum vel tókst að nokkru leyti; en fyrir öfundarsakir nokkurra, sem þar til embættis komast vildu og drjúgari urðu, hindraðist hann þar frá.
 20 Fyrir þess sakir varð hann oss gramur, sem upp á slotinu þjéntum.

Um veturinn á föstu Anno 1620¹⁾ dró vor náðugi herra kóngur yfir Eyrarsund með nokkur þúsund fólks allsháttaðra embætta upp í Halland til Halmstaðar í móts við kóng Gústaf,
 25 kónginn af Svíaríki, hvar þeir gjörðu sáttmál með sjer, sem vara skyldi, og varð öllum sterklega fyrirboðið undir Danmerkurkrónu nokkuð vondslegt Svenskum að tiltala, hvorki almennilega nje leynilega, í ræðu nje kvæðum. Mikill hugur var mjer og mínum stallbróður Hans skrifara í þá herra-
 30 ferð að fara, og komumst vjer fjórir ofan á bryggju, að ferjunni, sem yfir sundið fór, er junkur Grabov oss með valdi þar til skikkaði, en í því bili er vjer skyldum í ferjuna stíga kom hópmanninn, Thómas Nold, og tók oss með skörpum

¹⁾ Það var í Febrúarlok 1619. Sbr. Slinge, Chr. IV's Hist. Líklega er það orðum aukið að „nokkur þúsund“ hafi verið í fylgd konungs.

orðum við Grabov, og urðum svo lúðrandi til heimkynna að hverfa. Meðan þeirra fundur og samvist varaði og yfir- stóð fjell drifsnjór í mittisstað á Helsingeyrar strætum og lá í hálfra aðra viku. Síðan leysti ís og snjóa. Og nær kóngur var á sinni heimferð með sinni herralegri fylgd og skyldi 5 flytjast yfir Eyrarsund, þá voru á floti meir en hálft annað hundrað ferjur þann dag, sem var nálægt pálmásunnudegi. Nú bar svo við á þeim degi, að mikill ís var í reki, og fóru allar ferjur og flutningar undan kóngi, vestur yfir sundið til Kaupinhafnar og Helsingeyrar, en á einni ferju fór kóngur 10 síðast, og á þeirri eykt stóð eg mína skildvakt. Í þann tíma var frú Christín¹⁾ upp á Krónborgarsloti með stórrum umhyggju og athugasemi, og kallaði drjúgum ofan til mín þar eg stóð, og bað mig að kalla til sín, nær eg sæi kóngsins ferju koma í sundið austan yfir, hvað ei skeði fyr en síðla 15 dags. Og nær hann kom á miðja vegu gjörðist stormviðri hvast af suðaustri og ein mikil ísspöng kom rekandi úr Austursjónum í veg fyrir kónginn, svo ei varð fyrir komist, hvorki með segli nje árum, því ofurmikill straumur gekk í sundinu, og rak þá svo með spönginni í stórviðrinu, sem 20 mjög vaxandi í hönd fór, hálfra aðra viku sjóar, ofan fyrir Koparmyllu,²⁾ sú eð stendur í vest-norð-vestur frá Krónborg, og þar komst kóngur til lands með naumheitum, fyrir Guðs náð, og varð gegnvotur, en hleypti í miklum landnyrðingsvindi með grimmum frostkulda. Á meðan kóngur var í 25 þessum háska bar frú Christín sig mjög hryggilega, og bað mig að biðja Guð fyrir honum, að honum vel lukkast mætti. Strax sendi hún vagn með fjórum hestum á móti kónginum; var kóngur þá mjög frosinn og kaldur nær hann kom heim á slotið. Ei vildi hann í trómet blásið væri nje 30 stykkjum affýrt.

Hálfum mánuði fyr kom eitt skip hollenskt frá Spanía

¹⁾ Frú Christín Munk, som konungur hafði gengið að eiga 23. Aug. 1615.

²⁾ Hammermölle veð Hellebæk á norðurströnd Sjálands. Þar var stofnuð koparmylla um 1600, þar er nú „Hellebæk Fabriker“.

með margskonar vöru og dýrmæt aldini. Í þann tíma lá ís langt út í Eyrarsund, og varð inn vakað meir en viku sjávar af þeim, sem ekkert handverk höfðu, og inn fyrir borgina. Margt fólk gekk fram á ísinn að skoða skipið og að kaupa 5 aldini og epli. Skipherra þess skips var mikið stórmenni svo enginn þóttist svo stóran sjeð hafa.

Fyrir páskana kom mikil sigling í sundið, bæði úr Austursjónum, sem út af sundinu vildu fara, og önnur skip, sem komin voru víða að, bæði úr Hollandi, Englandi, Skot- 10 landi og Noregi, sem komast vildu upp að Svíaríki, Dansken,¹⁾ Stralsund, Rostock, Lýbeck og víðar annarsstaðar. Þessi skip voru að tölu 637, og lágu þar um páskana. Á þriðja dag páska gafst þeim leyfi að tolla hjá Christian Davíðs- syni, kóngsins tollmeistara. Og með því að margir voru, 15 sem tolla áttu og gjarnan vildu á leið komast urðu stór- þrengsli í tollbúðarforstofunni og áflog og um síðir skemdir. Varð þessvegna sent upp á slotið eftir tveimur soldátum og tveimur byssuskyttum, sem varna skyldu fleirum inngöngu í senn en einum, og var eg einn af þeim fjórum, er þangað 20 sendust. Vjer fengum mikla drykkjupeninga, því hver skip- herra gaf oss fjóra danska skildinga.

Tvær kirkjur voru í þann tíma í Helsingeyri, og kallaðist önnur danska kirkja. Sóknarherrann hjet M. Hans Krús.²⁾ Slotskirkjan var að auki, og hjet vor prestur M. Augustinus; 25 hann gjörði þýska þrjedikun; hann var aldraður maður og ágætur. Undir hverja þrjedikun var slotsbrúin uppdregin, sem var hurð fyrir slotsportinu, og kæmi nokkur síðar, en portið var uppdregið, hlaut þar að standa eður heim aftur ganga. En nær þrjedikun var enduð vorum vjer soldátar 30 og byssuskyttur munstraðir og upplesnir, og hver sem þá var ei til staðar að svara til síns nafns var strax uppleitaður af cladit og uppá hestinn³⁾ settur.

¹⁾ o: Danzig, á pólsku Gdansk.

²⁾ Hans Kruse, prestur við Ólafskirkjuna 1617, † 1625 og Augustinus Sand, prestur við Mariukirkju og hallarprestur í Krónborg, (1567-1649). RC.

³⁾ o: trjehestinn.

Þar var sú stærsta klukka á Krónborgar slotsturni, sem kölluð var Grjónklukka¹⁾, sem keypt var einn tíma ei fyrir meir af einni ekkju í Landskrónu í óári en fyrir fulla af grjónum. Þessari klukku var hringt á hverri stórhátíð um miðjan morgun í þrjár reisir, og hver sem af byssuskyttum 5 og soldátum ei var kominn upp að Rauðuportum nær þeim var upplokið og henni hringt í þriðja sinni, skyldi setjast í cladit og þar vera um alla hátíð, og á fjórða degi uppá hestinn koma, utan sjerdeilis náð til kæmi. Síðan var skotið þremur stærstu koparstykkjum, sem voru á slotsmúrnum, 10 sem kölluðust nótslöngur,²⁾ og af því slagi voru ei fleiri en fjórar þar, en fimm í Kaupinhafn, hverra eg hefi fyr getið, tveimur þeim, sem horfðu að borginni og annari þeirri, sem eg hafði hönd yfir, er stóð hjá lysthúsinu.³⁾

Nær skipin sigldu um fyrir Krónborg í þverviðri var 15 sú stóra flagg með rauðum lit uppsett á lysthúsið, hvert merki var til þess, að þeir máttu láta sín segl í toppi standa að ósekju. Læt og svo hjer við blífa um Krónborg að tala að þessu sinni.

XVII. KAP.

20

Síðan varð eg með mínum lagsbræðrum kallaður frá Krónborg og upp til Kaupinhafnar, hvað oss var öllum í móti, um vorið eftir páska. Varð oss þar vel fagnað af góðu kunningjafólki.

¹⁾ Hjer er það að athuga, að á þeim tíma eiga, samkvæmt því er aðrir segja, tvær klukkur að hafa verið í hallarturninum á Krónborg, og báðar steyptar í Höfn 1577. RC. og rit þau er þeir nefna.

²⁾ „Slöngur“ voru á þeim tímum kallaðar langar fallbyssur, sem voru hlaðnar með 2—20 punda kúlum. Nótslöngur (d. Nothslanger) voru þær stærstu kallaðar; ein þessháttar fallbyssu var t. d. 25 fet á lengd og var hlaðin 16 punda járnkúlu. Sjá Blom, Chr. IV.s artilleri. bls. 156—158.

³⁾ Þar sem nú er kallað „Flagbatteriet“. RC.

Og vil eg nú þar frá segja, er fyrst eg fór í siglingar uppá kóngl. Maj:ts og ríkisins vegna, sem var næsta ár eftir það eg kom undir regimentið 1616, og eftir það þau tvö kóngl. Maj:ts stríðsskip höfðu náð einum mektugum og nafn-
 5 frægum fribyt að nafni Mandaus¹⁾ undir Rússía, og hefst frásögn þar um á þann hátt sem eftir fylgir.

Og með því að kóngl. Maj:ts siðvenja var sú árlega stríðsskip á Danmerkur strauma að útsenda öllum erlegum siglingamönnum til frelsis og forsvars, sem brjeflegt leyfi
 10 höfðu um straumana að sigla og með sína vöru reistu frá einu landi til annars, hver passbrjef útgáfust í Danmörk, Hollandi, Englandi og víðar annarsstaðar, þar sem kóngl. Maj:t hafði sína factores, með ríkisins signeti undir, — þá nær skrifaðist 1615, á því ári, er eg hjeðan með Engelskum
 15 burt sigldi og áður er nefnt, sendi kóngur út tvö skip, sem var Victor og Juppiter í norðvestursjóinn að Noregi og Rússía. Og nær sem þeir komu við land í Noregi spurðu þeir til ræningjaskips, sem var áðurnefndur Mandaus, hver eð kominn var nýlega frá Færeyjum, og hafði nú landgang
 20 gjört og fjenaði rænt sjer til kosts í Fleckerey skömmu fyrir en þeir þar komu. Og nær sá danski aðmírall Jurgin Dá, sem var uppá Victor, spurði til þessa mektuga ræningjaskips tók hann enga dvöl nje forsóman sjer fyrir, heldur strax með Juppiter þaðan úr höfnum hjeldu, og gjörðu þeim stríða
 25 eftirför sem mest máttu. Og hvar þeir komu við land eður í hafnir norður með Noregi spurðu þeir til þeirra, að þeir hefðu þar nýlega komið og frásigtlt hefði. Og nær kóngsmenn komu til Kielden²⁾ í Rússía spurðu þeir þar til þeirra að þeir hefðu þar tvær nætur legið og voru þaðan fyrir
 30 þremur nóttum afsigldir norðaustur fyrir Rússland, sem kallast Hvítahafið. Strax ljet aðmírall blása til burtfarar þaðan úr höfnum. Voru svo akkeri uppundin og seglum útslegið.

¹⁾ Skýrsla Jørgen Daaes um þessa atburði er enn til í ríkisskjalasafninu og ber henni saman við frásögu Jóns Indíafara í öllum aðalatriðum.

²⁾ Kildin, dálítil ey í Norðurishafinu. Malmis, sem nefnt er rjett á eftir, er ekki ey, en gamalt nafn á bænum Kola.

Ein ey lá þaðan fjórar mílur afsíðis þeirri leið, er Malmis nefnist; þangað sendi aðmírall það minna skipið, er Juppiter het, að hugleiða ef þeir þangað komnir væru, hvað þeir ei sjer ásett höfðu þangað að fara, heldur sem fyr segir ásettu sjer í Hvítahafinu að liggjá fyrir því hol- 5 lenska skipi, er þeir fulla von um höfðu, að koma mundi í gegnum Veigat¹⁾ og um þann veg ferðast frá Indien, sem er óvenju vegur, og ei hafa nema 3 skip í gegnum komist. Og gefst þar um tíð nú að sinni ei framar að skrifa, heldur þar frá skýrum að aðmírall kemur í Hvítahafið og fá að 10 lita kaptein Mandaus undir seglum. Og með því að gott byrleiði gafst neyttu þeir þess næsta vel, og haga nú sínum seglvoðum sem best við vindi er þeir kunna, slá vatni í stórsegl og draga bonet²⁾ þar undir og hljesegl við jaðra, að stækka þar með sína seglflaka. Nær hinir litu þessara svo 15 harða eftirför gjörðu þeir slíkt hið sama. Samt vanst kóngsmönnum þá upp að draga um síðir, svo þeir með skotum fengu náð til þeirra. Ránsmenn skutu aftur í móti, en ei þó svo að Dönskum til skaða kæmi. Öll þau lóð, hverjum Danskir í gegn skutu þeirra hinna skip, ljet Mandaus sjer 20 sýna og í káhyttu bera til að skoða þeirra stærð. Einn danskan pilt höfðu þeir fyrir káhyttuvaktara, hvern Mandaus aðspurði, hvort hann meinti þá Dönsku, sína landsmenn, stærri stykki innihafa. Þessi piltur sagðist vel þeirra venju þekkja, að þeir smærstu stykkjum plöguðu fyrst at 25 skjóta, en hinum þeim stærri síðar á eftir; því pilturinn vildi þá gjarnan í helju. Þessu trúði Mandaus, bar sig því aldrei á móti, heldur hjelt harðast undan er mátti, alt til þess þeir komu að þeim Sjö Eylöndum³⁾ í Hvítahafinu; þá

¹⁾ Vaigatsundið, sem nú er vanal. kallað Kariska sundið, liggur milli Novaja Semlja og eyjarinnar Vaigatsj, inn í Kariska hafið. — Á þeim tímum gengu sagnir um það að einstöku skipum hefði tekist að sigla þá leið og norður með Asíu og alla leið suður til Indlands, það var þó rangt, og einsög kunnugt er var Nordenskjöld sá er fyrstur manna gerði það á „Vega“.

²⁾ bonet, d. boned, sv., fr. og e. bonnet, einskonar hljesegl sem var aukið neðan undir seglin.

³⁾ 6: Sem Ostrovov, smáeyjar í Íshafinu.

kom Juppiter, og á því var sá kaptugi, sem hjet Einvold Styge.¹⁾ Og með því að það skip sigldi frábærlega vel komst það í veg fyrir þá.

Ránsmenn höfðu öll ráð í frammi; þeir köstuðu utan
 5 mörgum silki- og flauelspökkum, svo þeir, sem eftir sigldu
 skyldu þar við tefjast þá að innbyrða, hvað af þeim danska
 aðmírál fyrirboðið var að inntakast skyldi. Og með því
 Juppiter komst í veg fyrir þá urðu þeir að hleypa sínu
 skipi uppá grynningar. Samt vildu þeir sig ei gefa að
 10 heldur, og ljetu þeir ei síður sitt blóðmerki aftur á sínum
 skipsrúndel. Sá danski aðmírall sendi til hans tvo menn,
 sem var sinn eiginn þjenara Martein og einn annan að
 nafni Gottskálk, sá eð var byssuskytta, með nokkur brjefs-
 orð. Mandaus tók þá vel, og ljet traktera þá hið besta
 15 með öl og fæðslu, og þess vegna varð heldur dvalsamt, hvað
 aðmírál stórum mislikaði, svo lá við þar fyrir undir straff
 að koma, hvað þó afplánaðist, af því að þeirra sjálfræði
 sýndist hafa verið í annara valdi. Mandaus sendi og honum
 fáein brjefsorð og 2 menn, sem þar um hljóðuðu, að hann
 20 að svo búnu ei sig gæfi honum í vald; þessvegna bauð
 honum trássugt út á mörkina til orustu. En með því að-
 mírall vissi sig að hafa ótamið stríðsfólk og ekki marga þá
 innanborðs, sem byssu kynni artuglega að skjóta, þessvegna
 brá honum í fyrstu lítt við þennan boðskap, en vogaði þó
 25 ei fyrir sitt líf þessu að neita.

Síðan drógu þeir af skipinu með bumbum og trómetanna
 skörpum blæstri út í mörkina, hvar þeir hvorutveggja fylktu
 sínu liði, og stóðu svo til orustu búnir nær kall kæmi. En
 með því að hefndartimi Mandaus nálægðist og hans stall-
 30 bræðra fjell honum til sinnis, með því hann vissi sig skip-
 lausan í framandi stað, sem víða var af skotum lamað og
 larað, og nú stóð á einu sandrifi fast og óbifanlegt, að gefa
 sig fanginn; kallar því með hárri raust til aðmírals og spyr
 hann að góðmannlega, hvort hann væri í góðri gúnst hjá


¹⁾ o: Enevold Stygge; † eftir 1622. (Lind, Chr. IV. og hans Mænd, bls. 191).

sínum herra og kóngi. Hinn kvað það satt vera. Hann spyr enn frammar, hvort hann treysti sjer vel til at útvega grið og líf sjer og sínum kaptuga og skipherra. Aðmiráll játar því glaðlega, og segir að sinn herra muni aldrei slíkan mann aflífa láta, hverju hann stöðuglega trúði, og gekk svo og gafst þeim danska aðmirál á vald, hvað þeim Dönsku varð 5 til sigurs og lukku, en hinum, yfir hverjum hefndin hrópaði, til falls og bana. Gekk Mandaus þar strax frá öllum sínum rangfengnum auð, og með fimta mann gaf sig til Danskra, sem var hann sjálfur, kapteinn Bra,¹⁾ hans skipherra, hans 10 stýrimaður, Jacob að nafni, sá eð var frómur og ráðvandur maður, og varð ei samþykkur þeirra ránskap, og var sjer óvitanlega í þeirra selskap kominn, því hann í fyrstu hugði þá rjettferðuga siglingamenn vera, nær hann rjeðst hjá þeim, og sá danski piltur hlaut grið með stýrimanni. Danskir tóku 15 svo alla hina og lífjetu, með þeim hætti, er þeir sjálfir kusu, sem var, að þeir voru allir á háls skornir, líka sem þeir fyr öðrum gjört höfðu, og í sjó sóktir tveir og tveir tilsamans, og við eitt byssukamar²⁾ bundið, svo þeir því fljótara til grunns sykki. Danskir gengu svo að öllum þeirra 20 auð og innfluttu í sín skip, sem voru 8 kistur fullar af silfurmynt allrahandu, hverjar svo þungar voru, að fjórir menn gengu undir þeirri minstu nær heim kom, sem hafðar voru á einni tíð uppá slotið í Kaupinhafn, en sú níunda kistan var full af klárri gullmynt, og undir gengu tíu menn 25 nær hún var heim uppá slotið höfð, og vissi enginn svo ríkt skip fyrir Kaupinhafn fyr komið hafa. Þessara ráns- manna skip uppbrendu svo Danskir þar í sama stað að lyktum.

Síðan hjeldu þeir heim að heilu og höldnu og gáfu 30 Guði dýrðina, og þremur dögum þar eftir urðu þessir þrír

¹⁾ Í skýrslu Jørgen Daaes nefnir hann auk fyrirliðans sjálfs Mandaus (Mendoza) kaptein hans Walther Bhræ (sic), og skipherrann Linnert; hann kallar Jón Indiafari Rúbentzius hér á eftir.

²⁾ einskonar járnhylki, sem var notað sem botnstykki undir þúðrið við bakhleðslufallbyssur á þeim tímum. Lýsing á því finst í Blom, Chr. IV.s Art. bls. 113—115.

- til gálkans útleiddir, sem gjörður var fyrir utan Austurport, nær þeir voru heim komnir, sem var kapteinn Mandaus, kapteinn Bra og skipherrann Rúbentzius, en stýrimanni og þeim danska pilti var líf gefið. Þá gullkeðju, sem Mandaus bar þrilagða, skenkti hann aðmirál Jurgin Dá, og mintist við fyr en rjettaðist, og sagði hann skyldi þess að njóta, það hann hefði sig unnið erlega. Og nær þeir voru úthafðir til rjettarstaðarins leiddust þeir þrír, og gengu berhöfðaðir með söng og glaðværð. Mandaus sagðist þakka
- 10 Guði fyrir það, að hann mætti nú sína maklega hefnd hjer úttaka, vonandi Guðs náðar, fyrirgefningar syndanna og eilífs lífs alleina fyrir Jesúm Christum. Ein ný vipa var þeim gjörð með svoddan formi, sem sig hjer til sýnis lætur.¹⁾
- 15  Ei minnst eg betur en þeir sakramentið áður fyr meðtæki en þeir útleiddir voru, eftir því sem mjer af hjáverandi frómu fólki var frá skýrt, nær eg kom til Kaupinhafnar um haustið, hvað nýlega var skeð 1615, og hengu þá fyrst eg kom þar heilir og óskaddaðir í sínum silkiklæðum, með gullsnúr-
- 20 um og gyltum rósum í skónum; þetta alt þeirra ysta skart eignaðist meistarinn, sem þá rjettaði, inn til þeirra nærklæða. Og lýkur hjer svo máli Mandaus og hans ransk-
skap, sem yfirstóð í 15 ár, og hans lukkuleysi, sigurtöpun og sorgarlegu útför og endalyktan að lokum, hvað öllum
- 25 óguðlegum sje til viðvörunar, áminningar og afturhvarfs frá syndsamlegu og óguðlegu athæfi.

XVIII. KAP.

- Og nær hans fimm bræður þetta fregna fengu gramdist þeim þvílíkt, og ólmuðust í geði næsta mjög (sem fyr var
- 30 nefnt), og hjetu stórhefndum þeim dönsku, og bjó kóngur vor árlega út mörg skip í hernað þeim í mót, ef ske mætti þeir eitthvert sinn við risi. Nú að næsta ári eftir þetta svo

¹⁾ Myndin af gálkanum er tekin úr handritinu Lbs. 617, 4^o.

skeð um vorið eftir páska seint í Aprílmánuði 1616 ljet kóngur 6 væn orlogsskip útbúa í hernað, þessum eða öðrum ríkisins óvinum og ránsmönnum í móti, sem rjettferðugum siglingamönnum og kaupförum fyndist á straumunum til tálmunar á lifi eða góssi.

5

Í þann tíma bar svo við á því sumri, að kóngur hjelt herradag í Opsló í Noregi. Í þann tíma skeði afgangur Christian Fris um nóttina, þá hann frá kóngsborðinu var hafður út í það mektuga orlogsskip Fides, sá eð var canceler, meir en átræður að aldri, hvar um eg fyr áminst 10 hefi.

Nú svo eg komi til rjettilegs efnis aftur og þeirrar frá-sögu er eg í upphafi þessa kapítula upphóf að segja þar frá, að eg með mínum einka stallbróður Jóni Halldórssyni var skrifaður í fyrsta sinn til útreisu á kóngl. Maj:ts orlogs- 15 skipum uppá ríkisins gagn og besta, — þá í Guðs nafni, með bæn og blessan útsigldum vjer frá Kaupinhafn um miðdegi eins fimtudags annaðhvort í Apríli eður fyrst í Maí, hvað eg ei gjörla kann að minnast, og um kvöldið komum vjer fyrir Helsingeyri, þar Krónborgarslot liggur 20 við Eyrarsund, og að næsta morgni þar eftir hjeldum vjer þaðan út af Eyrarsundi á millum tveggja landa í norðvestur og liggur Sælland¹⁾ alt að Skaga vestan til, en Skáney og Halland að austan, og sú vegarlengd út af Eyrarsundi alt út fyrir Jótlandsskaga eru sagðar 24 vikur sjávar. Síðan 25 hjeldum vjer norður með Noregi, þar til vjer komum í Fleckerey, þar spurðum vjer að ræningjaskip komið hefði, þeir tekið hefðu eitt litíð skipkorn undir Noregs síðu, og sett þar inn 10 af sínu fólki, en deyddu hina, svo nær sem 3 menn. Fyrirliði þeirra manna hjet Laurits Magnús- 30 son, norskur að ætt; hann var stýrimaður þessa skips og mjög vitur maður, frábær og sjerdeilis í mörgu, sá eð oft hafði í stórhrukkur komið bæði til sjós og lands, og alla

¹⁾ Svo í hdr.; auðvitað er átt við Jótland, einsog sjá má á því sem eftir fer.

sína æfisögu frampuldi hann mjer, á meðan saman vorum, hver eð ófögur var í mörgu að heyra.

Þessir engelskir ránsmenn voru sendir af bræðrum Mandai rán og morð að fremja undir Danmörk og Noregi.
 5 Þeir fermdu þetta litla skip með allrahandu sína ránsvöru af klæðum og öðru margskonar og hjeldu svo þaðan úr höfnum, norður með Noregi upp á sinn gamlan ránsskap.

Nú er að segja frá Laurits Magnússyni, hvað hann eftir þeirra burtför þaðan úr höfnum aðhefst, sem bifalað
 10 var með þeim þar eftirskildu þeirra með skipinu að biða þar. Einn dag biður hann um tvo menn sjer með bátnum til lands að fylgja, og sína tvo menn, er með honum her-teknir voru og daglega ljetust viljuglega þeim þjóna, og ljest vilja í bygdir fara, sem mannfátt væri og ræna þar fje
 15 sjer til kosts. Þeir verða gjarnan honum þar um samþykkir. Og nær þeir til lands komu fann Laurits Magnússon bændur, sem þar nálægast höfninni bjuggu, við hverja hann gjörði með fastmælum trygg samtök þessa ránsmenn að deyða, hvað þeim vel tókst, á einum morgni snemma, og
 20 var á þann hátt að farið, að Laurits Magnússon sendi þá í land sauðfje saman að reka, en bændur skyldu í leyndum liggja, en hans sjálfs menn tveir skyldu nálægir bátnum vera og strax frá landi til skips róa. Senn komu meir en
 20 bændur, þeir eð fyrir bending og tilsett teikn á skipinu
 25 voru þar nálægt sjónum í hilming komnir, og þessa ránsmenn alla til heljar færðu. Síðan komu bændur út og lögðu skipinu inn í traustari höfn. Laurits Magnússon betalaði bændum sitt ómak, og var þetta svo nýlega skeð nær vjer þar komum frá Kaupinhafn. Þetta skip sendi vor aðmírall
 30 Jurgin Dá heim til Danmerkur til kóngl. Majest.

Yfirvöld aðmírallsskipsins Victors voru þessi:¹) fyrst er nefnd-

¹) Um þessa ferð sjá Lind: Chr. IV og hans Mænd bls. 172. Að því er snertir foringjana, er Holg. Rosenkranz kunnur af veru sinni á Íslandi; æfi hans má lesa í Biogr. Lex. — Það sem hægt er að finna um hina foringjana er tint til í ofanskráðu riti Linds og visast þeim þangað er vilja um slíkt forvitnast.

ur aðmírall Jurgin Dá, þar næst Holgeir Rosenkranz, sem var kapteinn, sem seinna varð höfuðsmaður, og einn svenskur eðalmann, Lauritz Brems að nafni, sá eð gengið hafði vorum náðuga herra kóngi á hendur með kvinnu ög börnum í því nýaflokna svenska stríði 1613; skipherrann hjet Pjetur 5 Nielsson, prestur vor H[erra] Knútur, arkelímeistarinn Rasmus Winter, hans mæti Jens Laurzon, sá eð var einn viðförull og forsóktur maður í önnur lönd, og einn gamall stríðsmann. Á aðmírálsskipi var 130 fólks með byssuskyttum, sem voru 24. Tveir eðlaknapar voru þar 10 í bland, mjög forsóktir menn, þeir eð seinna urðu kóngl. Majts. dravantar. Sá eini var aðmírals systurson, Jens Brandt að nafni, hins annars nafn man eg ei.¹⁾

Víkjum nú þar til, sem vjer úr Fleckerey fórum og með þessum 6 skipum sigldum norður með Noregi víða, í hafnir 15 og úr, eftir nefndum ránsmönnum að leita og fundum ekki; allvíða spurðum vjer til þeirra, og einnin þá vjer í Rússía komum í því útveri, er Rússar og Finnar róa, 52 fiskibátar, er Kielden nefnist, og á þeim er þriðjungur af Finnum, og hafa 3 menn yfir sjer til lögsagnar. Á þeim vegi liggur 20 Varðey, á hverri stendur mektugt slot með sjálfgerðum múrum af hömrum, er þar umkring liggja orðentlega, á hverjum að liggja stór stykki til varnar, því sú ey liggur langt frá landi ofan undan Finnmörkinni. Þar uppá er einn herramaður jafnan, sem slotið hefir í forljening og lögsagnari 25 er Finnanna, og í þann tíma, sem vjer þar komum í þessari ferð stjórnaði þar sá herramaður, sem Hannes hjet, af skotskri ætt,²⁾ sá er skenktur var fyrmeir vorum náðuga kóngi, Christiáni 4., með einu kostulegu skipi er Rauða Leon nefndist, frá Englandi í hans krýning, og var því 30

¹⁾ Það er ekki hægt að sanna að J. Brandt hafi verið í ætt við Jørgen Daae. RC.

²⁾ Hann hjet rjettu nafni John Cunningham (í Danmörku vanalega kallaður Hans Köning) og var skotskur aðalsmaður. Að því er Lind segir var hann með í ferð þessari og var fyrirliði á skipinu „Gabriel“, en 1619 fjekk hann Varðehus að ljeni. Um hann sjá Lind, Chr. IV. Mænd, bls. 166 og Biogr. Lex.

Hans Konungur nefndur; hann var sjerlegur maður og mjög undarlegur, einkum drukkinn. Eitt sinn setti kóngur hann í Eyrarsund með eitt sitt orlogsskip, sem kallaðist Svarti Riddari, að liggja í vegi fyrir þeim, sem austarlega
 5 sigldu í gegnum sundið og eigi vildu tolla, og náði á einu sumri 5 skipum, er send voru til Kaupinhafnar, hafandi allskonar vöru inni, sem voru aftur laus gefin fyrir sjerdeilis náð kóngsins og lítillátlega umbeiðni þeirra yfirmanna, á meðal hverra var einn gamall skotskur maður, sá eð grátandi
 10 með knjefalli bað kóng um náð og lausn á skipinu, hvað og skeði hans aldurdóms vegna og það hann betran hjét. Að liðnu þessu ári setti kóngur hann til slotsherra í þetta Varðeyjarslot, því kóngur treysti honum vel yfir Fínum að herskja og ei mundi þeirra galdraillræði vel liða, því
 15 einatt gengu sagnir frá þeim um slíka fordæðu, og flestir af þeim slotsherrum, sem þar hafði verið, höfðu ekki dirfst þvílíka að rjetta láta, en þessi ljet á hverju ári heilhóp á eldinn kasta, hvers vegna hann varð kóngl. Majest. þess kærari; en svo lengi, sem eg tilvissi, varð honum ekkert
 20 grand að gjörð sinni.

Nú sem vjer þar komum með þessi 6 stríðsskip, sem var Victor, Juppiter, Einhyrningurinn, Mjólkurpíkan, Lýbski Davíð og Leopardus,¹⁾ meðtók hann oss vel. Og í það sinn dvöldum vjer þar ei lengur en eina nótt, og hjeldum vjer
 25 svo þaðan undir Rússía til Kielden, hvar um eg lítið fyr talaði. Þar dvöldum vjer tvær nætur, og hjeldum vjer svo þaðan og norðaustur fyrir Rússía í Hvítahafið, alt austur að þeim Sjö Eylöndum; þar er hafið litt sem mjólk, og er í fyrstu mjög undarlegt að líta, meðan maður því ei til
 30 lengdar vanist hefur. Nær hálfan mánuð dvöldustum vjer þar burt frá Kielden eftir þessum ránsmönnum að leita, en fundum þá þó eigi.

Í Kielden dvöldum vjer 6 daga. Á þeim þriðja degi kom til vor stríðshöfðinginn frá Malmis, sem undir sjer

¹⁾ Lind, bls. 172 nefnir ekki „Mjólkurpíkuna“, en setur í staðinn skipið „Gabriel“.

hafði 300 soldáta. Þessi maður var tíguglega búinn og bar yst fata fótisðan silkikyrtil, annar þar undir náði á miðjan kálfa, hinn þriðji til hnjes, með gullsnúrum. Og strax honum uppgengnum, þremur stykkjum affýrðum og kveðjum orðnum, afdró hann sinn ysta kyrtil og gekk svo til káhyttu 5 með vorum yfirvöldum með stórri kurteisi, auðmýkt og glaðværd. Á meðan það stáss yfirstóð stóðu fjórir trómetarar aftur á, er bljesu í sín trómet. Hans 12 soldátar urðu í bátnum eftir, er hann með kom, alt til kvölds. Aðmírall sendi eftir þeim öðrum kapteinum hinna skipanna, og voru 10 þeir menn af aðli allir nema einn, Pjetur Nielsson að nafni; þeir voru 11 tilsamans í þeim heila flota. Þessi rýski stríðshöfðingi var sjerdeilis ljúfur, glaður, rífur af gulli og litillátur við hvern mann, bæði yfirsetta og undirgefna. Rýskt gjald hafði hann mikið, þó smátt væri, í sekk litlum, 15 er hann bar í sínum vasa, er dengar¹⁾ nefnast, og er klárt silfur; það er fiskgildi kostar; þessu án tölu útdreifði oss byssuskyttum við hvert skot með þremur stykkjum og þeim fjórum trómeturum, þeir er básúnur, krúmhorn og skalmeyar bljesu og uppá lúth ljeku, þessi sín fjögur hljóðfæri tempruðu 20 þeir uppá fjögur hljóð með meistarlegri list. Þessi glaðværd varaði lengi dags; voru þar minni drukkin, bæði kóngsins og grótfurstans²⁾ til Moscovia, sá eð er yfirhöfðingi alls Rýsslands og nefnist *tzar velicoikness*,³⁾ hvað útlegst kóngur og stórhöfðingi, — einnin alls kónglegs húss og Danmerkur- 25 ríkis ráðs minningarskálir, sem og Rýsslands tignarmanna. Síðan nær að kvöldi leið og aðmírall með sínum tilhjálpandi selskap hafði hann eftir efnum trakterað, og hann auðsýndi sig báinn til burtferðar gaf hann sínum 12 soldátum leyfi á skipið til uppgöngu, en fyr ekki, og við engum mat nje 30 öli vildu þeir taka fyr en síðast af oss, er þeim af sínum herra leyfi gafst þar til, en sjálfir höfðu þeir fæðslu nóglega,

¹⁾ denga, gamall rússn. silfurpeningur, nú löngu úr gildi; hjerumbil 5 aurar í nútíðarpeningum.

²⁾ o: stórfurstans, afbakað úr hollensku.

³⁾ o: rússn. tsar í vjelikiknjaz.

- hverja þeir tvisvar þann dag til sín tóku. Áður fyr en þeim leyfðist upp á skipið að koma, gengu vor yfirvöld öll út á þilfar og settust í stóla, aðmírall í miðði, kaptein Holgeir honum til hægri en lutenant Lauritz Brems til
- 5 vinstri handar; herra menn stóðu umhverfis, og þar umkringvort fólk með múskittum, en höfðinginn sjálfur gekk þar fyrir innan með sinn regimentiskvarða eður staf. Síðan gengu þessir 12 menn, hver með sverð við vinstri síðu, en fyrst settu þeir sínar byssur í röð við skipsborðstokk á
- 10 stjórn, og gengu svo inn í þennan endilangan mannhring, 3 í hverjum lið, og svo aftur eftir, þar til þeir komu fyrir knje þessara áðurnefndra vorra yfirvalda, berandi á málaðri fjöl hver þeirra einn vænan lax flattan, ferskan og svo samanlagðan, sem lifandi og ótilgjörður væri, og hver þeirra
- 15 þriggja fyrir hinum þremur sig með kurteisu knjefalli auðmýkjandi og hver sinn lax offrandi með stórri reverentsíu, síðan með kurteisi uppstandandi og með lotningu burtgangandi, síðan sínar byssur með list takandi og affýrandi. Sömu aðferð höfðu hinir 9, er og í þremur liðum komu.
- 20 Og að þessu svo loknu veittust þeim gjafir með virðing yfirvaldanna og vins ádrykkju. Þar með kvöddu þeir, og lutu hverjum sem hæfði og gengu svo fyrir borð í bátinn, steyttu sínar byssur, hverjar allar voru amúleraðar og málfaðmur á lengd. Og áður en höfðinginn burt veik bauð
- 25 hann vorum aðmírál heim til sín með 24 menn til veislu, hverju hann játaði ef leiði fjelli. Síðan eftir kveðjur þrottnar og blessan yfir skip og menn gekk hann með hýrri lund og ásjónu fyrir borð. Var þá þremur stykkjum á hverju skipi affýrt en 9 á aðmírálsskipinu. Þrisvar veifuðu þeir í
- 30 augsjón og sínum byssum affýrðu.

Tveimur dögum síðar en svo gjörðist, sem nú var greint, gaf aðmírall sig með vorum skipbát til ferðar með nokkrum hinna skipanna yfirvöldum, og hlutum vjer fyrir veðurs móthlaup aftur að snúa og naumast með harðfengi náðum

35 slysalaust heim til vorra skipa aftur.

Um Rýssland stuttlega greint sem eftirfylgir þeim til fróðleiks er ei þar um vita.

Rýssland, sem og líka kallast Moscovia, það er mjög stórt umgripið land með miklum skógum, með mýrum, eyðimörkum, svo og líka með mörgum og stórum veiði-⁵ vötnum og fögrum stórmóðum. Það er 500 mílur á lengd og 350 mílur á breidd. Það er eitt vænt ávaxtarland, með rúg, hveiti, bygg og villivöru. Þar er margslags skinn dýrmæt af villidýrum. Það grensar á norðursíðu til Norðurhafsins og Nova Zemla, en á austursíðu til Kaspiska hafsins¹⁰ og til Stóru Tartaría, en á syðri síðu til Chrim og Podolien, en á suðvestursíðu til Littav, á vestursíðu til Líflands og á norðvestursíðu til Svíaríkis og Kúrlands. Einn hluti Rýsslands liggur í Evropa, en annar þess hluti í Asía. Í Evropa liggur Moscovia og önnur lönd með fleirum öðrum¹⁵ landspörtum; í Asía hafa Rýskir mörg lönd, bæði tartarisk og önnur fleiri, sem ýmislegt villufólk hefur sína bygð, sem er 21, og liggja langt í landnorður þaðan. Yfir öllum þessum löndum ræður einn herra og stjórnari, sá er á rýsku kallast tzar og velicoikness, það útlegst kóngur og stór-²⁰ höfðingi, og gjörir og lætur hver sem hann vill. Yfir þeirri andlegu stjettinni er einn patriarki, og hefir nokkra yfirbiskupa og biskupa, presta og múka undir sjer; á meðal múkanna eru margir, sem ekki kunna að lesa nje skrifa. Þeir hafa þá grísku religion, halda messur, biðja, lesa og²⁵ syngja alt uppá þeirra eigið móðurmál, sem kallast það slavoniska tungumál. Í Rússía eru margir stórir staðir og vænir, en húsin eru flestöll af trje og timbri gjörð. Moscov er einn stór staður og alls landsins höfuðborg, og þar með aðrar 40 stórborgir, og aðrar margar fleiri, af hverjum eg³⁰ engar hjer nefni.

Undir Rýsslandi úti víðum sjó liggur eitt eyland, sem kallast Solofci, þar á stendur eitt ríkt klaustur.¹⁾

¹⁾ Hjer er átt við Solovetzki-eyjuna í Hvítahafinu.

Af þessum löndum flytst í önnur lönd hör, hampur, vax. tólk, elgsdýrshúðir og aðrar húðir, sobelskinn, marðarskinn, felfrosskinn, refsskinn, úlfsskinn, luxgufur,¹⁾ bever, hermelin og önnur gráskinnavara, þar með rúg, lax, harður og saltaður
5 fiskur, lýsi og önnur vara.

Það mikla flóð Volga uppsprettur í miðju Rýsslandi, og útdreifir sjer í margar áttir, þar til það rennur í það Kaspiska haf, við hvert að standa saltbjörgin, hvar að er svo mikið salt, að það nægðist öllum kristindóminum, ef
10 það annars vel við lægi og haglega sem til hlýddi. Nú skal hjer með enda um Rýssland að tala um sinn. Um þeirra átrúnað er mjer ei kunnugt, utan hvað eg heyrð hefi sagt að þeir tilbiðji Heilaga Þrenning og engan af heilögum utan St. Nicolaum, sem fyrst skal boðið hafa þeim kristilega
15 trú. Sagt er að þeir vegi öll lík til grafar, yngra manns og eldra, á skálum, og er líkið lagt á aðra skál en trjebilætið á aðra, sem gjört er eftir sjerhvers manns aldri; ef trjebilætið reynist þyngra en líkið, er sagt þeir haldi þann mann sáluhólpinn orðinn, en vegist líkið þyngra þá for-
20 dæmdan.

XIX. KAP.

Nær vjer höfðum dvalist í Kielden 6 daga lysti oss þaðan að reisa á vora heimleið. Þá tveimur dögum fyr keypti aðmírall, kaptuginn og lutinant uppá von allan eins
25 dags fisk, sem aflaðist á 52 þeirra báta, hvar af þeir fengu þrefaldan ábata. Minn góði lagsmann Jón Halldórsson og eg gjörðum allan þann fisk til, sem lutinant við kom,

¹⁾ Svo stendur í bestu handritunum; hjer er auðvitað átt við gaupuskinn (lux = d. los), eitt hdr. (C) hefur luxhúfur, en það er víst tilgáta skrifarans.

sá eð var svenskur, og gaf hverjum okkar ríxdal og vínflösku af besta víni meðan erfiðið yfirstóð.

Það finskt og rýskt verfólk þar nærri á morgna, áður en það hreyfir sínum skipum eður veiðarfærum ganga til þess stóra krossmarks, sem stendur á eyrinni við höfnina skamt frá þeirra búðum, bygð og híbýlum, og framfalla og tilbiðja fyrir því. Það fólk etur harðan kost með salti, og brennivín drekka þeir sem vatn, og í einum drykk 2 eða 3 merkur. Þar um ei meir.

Síðan hjeldum vjer þaðan úr höfnum og aftur á vora heimleið og komum til Varðeyjarslots, sem Hans Konungur var slotsherra, sá oss glaðlega meðtók.

Einn morgun bar svo við um þann tíma vjer þar dvöldum, að vjer fórum til lands með vörn bát útskipaðan með fólk, og skyldu bátsmenn vatn sækja, en þar í bland voru byssuskyttur, kokk og kjallarasveinn, undirskipherrann og aðmirálsins systurson Jens Brandt, og var það vort erindi til lands að sækja vor línföt undan þvíotti. Nú bar svo við, að bátsmenn höfðu gleymt ambara, það er austurkeri, en stormur af landsuðri hljóp á, en vegur frá landi til skipa var vel hálf vika sjávar. Flestir af oss voru nokkuð drukknir. Og nær hvassviðrið vaxandi fór dreif sjór yfir, en ei varð ausið. Báturinn var mjög hlaðinn, því 52 tonn voru innanborðs, þar til bátinn kæfði og fyllti; þó sökk hann ei, heldur marði, en ei varð hjálpað af aðmirálsskipinu, en dálítið bátkorn stóð á þiljum, og treystu menn því ei út í stjór sjó, enda var þar ekkert rið undir sakir smærðar, þó menn vogað hefði. En þeir í hinum skipunum, hver eð lágu til djúps við oss, fengu ei sjeð hvað að gekk, af því vort skip faldi oss þeirra sjónar. En af því bendingar, veif og stórhrop gjörðust af voru skipi fengu þeir um síðir oss hjálp gjörða. Fimm menn mistum vjer alls með vorum kokk, sá eð 3 dögum síðar andaðist. Jens Brandt og eg sátum fram á bátnum, og varð okkur því fyrst hjálpað. Einn dag lágum við, sumir engan, en nokkrir viku og þaðan af minna.

Tveimur dögum síðar burthjeldum vjer þaðan og komum undir Finnmörk og Hálogaland. Viða lágu þar snjóar ekki

allir uppleystir, og var það um Jónsmessuleyti er vjer þar komum. Finnar komu á sínum bátum út til vor einn sunnudagsmorgun, áður en tekið var til predikunar með sínum kvinnum og börnum, og biðu þar svo nær til kvölds. Þeir
5 hafa mest sín dagleg klæði af loðnum elgsdýrshúðum, sem kostulega er tilreitt, og vendu því hinu loðna útá, og eru þeirra börn undir þessum skinnabúnaði og þeirra kvinnur heldur rjóðlituð og vel til fansa. Fisk seldu þeir oss fyrir klæði handa sínum kvinnum. Eg og minn lagsmann seldum
10 þeim 12 stíkur klæðis af tollbúðarklæði, rauður var helmingurinn en annar blár. Viðvik þeirra er það að þeir kalla hvern mann frænda, sem við þá eru í ræðu. Þeirra kvinnur bera gull og silfur mikið í sínum eyrum, ennisspengur og kúrielssteina-úlfiðabönd¹⁾; þessum fátækari bera látún, kopar
15 og fagurt tin í sínum eyrum af kvinnunum. Þetta fólk er flestalt fult af fjölkyngi, sem rykti af fer víða, og ei gjörist þörf hjer að innsetja nje frammar að skrifa, og er þriggja handa Finnar nefndir, Sjófinnar, Lappfinnar og Fjallfinnar. Kristnir látast þeir vera, og nokkrir af þeim ganga til sakra-
20 mentis; börn sín hafa þeir til norskra presta undir skírn, þó sum ei fyr en árgömul. Þeir eru þjóðsmiðir upp á trje og járn; skútur, ferjur og báta smíða þeir ávalt og önnur fleiri amboð og þarfindi. Í Noregi til fjalla og líka við sjó búa Finnar allvíða. Ei leyfist þeim lengur í hverjum stað
25 að búa en 10 ár; þá setja þeir, (en þó með leyfi), sína byggð í skóginum, þar sem er þykk mörk og væn, hverja þeir upprýðja til nefndra þarfinda og þar sínar byggðir setja og svo dvöl hafa í greind 10 ár; taka þá Norskir þeirra pláss og bólstað að þeim burtfluttum. Þeir elska mjög lýsi, smjör
30 og allskonar fitu úr öllum kindum, hvert þeir drekka sem öl til máltíðar, og þetta lýsi gefa þeir sínum óljettum konum á tíma síns barnburðar.

¹⁾ kúrielssteinar = kórallar.

XX. KAP.

Þaðan hjeldum vjer og undir það fjall sem kallast Norð-
 caput¹⁾, það er einn núpur eður barði vestan til og útvestan
 við Finnmörkina og Hálogaland. Og nær vjer þar vorum
 á siglingu einn morgun snemma sáust úr merskörfum 5 stór 5
 skip. Þessi skip sigldu austur að Rússía í móti oss, hver vjer
 meintum ófriðarskip vera mundu, hvað þó ei svo reyndist.
 Voru öll rúm, þau eð bundin undir pílvari voru, strax niður
 skorin og með öllum klæðum ofan í skip með mesta hast
 látn, portum úthrundið, stykkinn tilsett, púður í belgi látið, 10
 helming fólks við sigling settur og annar helmingur við
 stríðshöndlan að fara með byssur (sem vjer köllum lunta-
 byssur), hvar til margur óþjálgur og lítt taminn var, brenni-
 vín í áttungum upp tekið og fólkinu gefið, merkjum offrað.
 Aðmírall hefur sitt merki eður stórflaug á stóratoppi, vice- 15
 aðmírall á fortopp, en skotvanacter²⁾ á sínum meisantopp,
 en hin skipin fram á bogspjóti, er þeir kalla beofenblind
 eður gickmers³⁾, í móti þeirri reglu eður orðu leyfist engum
 að gjöra undir lífsstraff. Síðan var skipið Einhyrningur
 upp í móti vindi sent í veg fyrir þau, því það sigldi best 20
 af vorum skipum, og svo undan vindi; sigldi hvert þeirra
 til vor, en síðast þeirra aðmírall, hver eð innihafði 4 trómeter,
 er listilega bljesu. Við þá sem fyrst komu töluðum vjer
 og spurðum hverjir eða hvaðan væri. Þeir kváðust frá
 Hamborg sigldir, austur að Rýsslandi, þar eð kallast Arch- 25
 anchel⁴⁾ með kaupskap. Aðmírall bað þá til vor á skip
 koma og sinn pass eður sjóleiðabrjef að auglýsa, er innihjelt
 um siglingaleyfi á Danmerkur straumum, hverju þeir og

¹⁾ Nordkap, Knöskanes?

²⁾ afbökun af hollensku orði Schout bij nacht, d. schoutbynacht,
 nú = Kontreadmiral, sem gengur næst viceaðmírál í tign.

³⁾ svo mun hafa verið nefnd þá lítill flaggstöng á bugspjóti.

⁴⁾ c: Archangelsk.

hinir trássuglega neituðu fyr en sinn aðmírall kæmi. Ei vildu þeir sín merssegl lægja, en rjeðu seglum í vind og ljetu voðir kala. Nú sem þeirra aðmírall kom talaði vor aðmírall til hans glögt og snjalt, og bauð til vor á borð
 5 strax kæmi með sitt leiðibrjef, hverju hann hátt afneitaði, og bauð oss vorn bát að útsetja og kvaðst oss jafngóður. Nær vor aðmírall það heyrði, hver að stóð við meisenmastrið með sitt slagsverð, af greip sinn hatt og fleygði sjer undir fætur, kallaði hárrí röddu og sagði upp á þýsku: »Wer bi
 10 sein!« það útlegst »hver við sitt!« Og nær þeir sáu svo fólkið tvístrast hver til síns verks og heyrðu alarm á bumbuna slegið, senn hljóp þeirra aðmírall aftur á með hvítan línúk, hverjum hann upphjelt, hrópandi með hárrí röddu: »pes, pes, pes!¹⁾, það útlegst friðarhróp, en aðrir hjuggu
 15 þeirra bát lausan, útsettu og allra þeirra 5 skipa yfirvöld með sínum aðmírál oss um borð komu, lutu og leituðu friðar, og í sáttarbætur gáfu 12 tunnur með gott Hamborgaröl, eina tunnu smjörs, eina tunnu fulla af ostum, tvær tunnur af saltaðri síld. Varð þeim svo til kvölds veisla og
 20 stórveiting gjörð, og það hreindýr, sem vjer með oss innan skipsborða frá Finnmörk höfðum var þeim í skenk afselt, og með skotum og trómetanna hljóði og kveðjum varð vor skilnaður.

Öðrum degi þessum síðar varð ráðstefna og þing haldið
 25 á aðmírálsskipinu og varð þar stór samkoma alls flotans yfirvalda, og gjörðist sú ályktan, að vjer skyldum hingað til Íslands halda eftir kóngl. mandati og skikkan Íslenskum aðstoð að gjöra móti öllum áherjandi óvinum, einkum Spönskum, sem von var á hingað í þann tíma eftir manna hyggju
 30 í hefndarleit fyrir sakir þeirra Spönsku, er hjer voru slegnir 1615, hverja hefnd vor himneski herra og almáttugur elsku faðir hindrast ljet, lof sje hans dýrðarfulla nafni fyrir alla sína velgjörninga. Amen.

Þvinæst hjeldum vjer undan Norðcaput á þá leið, sem
 35 hingað venti, og fengum góða og hæga byri, og vorum á

¹⁾ Líkl. hefur verið kallað á frönsku „paix“! o: „frið!“

leið hjer í milli 3 vikur, og hittum vjer fyrst land undir Húsavík. Sigldum vjer úr miðsmorguns stað hingað. Hjeldu menn, að ei mundi sú leið sigld hafa verið í 300 ár. Austan til við Húsavík lá oss við töpun á einu skeri, hver skerjaklasi að langt frá landi er, um kvöldið meðan corum 5 og kvöldsöngur yfirstóð. En svo bar við lukkusamlega, að í þann tíma, en ei oftár, að aðmírall gekk úti um þiljur, og varð mjög seint var skersins, af því beint á horfði og skipsborð á skygndi, en vjer eftir skikkaninni sigldum fyrir öðrum hinum skipunum. Og með því skipið hljóp í krók 10 nokkurn til djúps með óvilja þess sem stýrði á meðan hann umventi stundaglasinu gat aðmírall litið boðann, er kominn var undir skipsborðið að mestu, og með háu hljóði kallaði til þess er stýrði enn meir til djúps skipinu að halda. Við hans kall spratt hver maður úr sínum sess, og svo rann 15 skipið nálægt boðanum við stjórnbörðssíðu að kasta mátti af bórðstokk hverju einn vildi ofan á skerið. Síðan varð bending gjörð með skyndi hinum er eftir sigldu. Þetta var eitt af óteljandi dásemdarverkum Drottins þess almáttuga. Eftir það varð almennileg þakkargjörð á skipinu haldin. 20 Síðan sigldum vjer austur fyrir land, og hingað undir Eyjafjöll. Þar kom sterkt stormviðri af norðvestri, hvert eð yfirstóð meir en hálfan mánuð, og varð hverjum degi harðara og meintu menn að gjörningaveður vera mundi, því þeir hjer á landi mundu þessi vor 6 skip ófriðar og hefndarskip 25 ætla, svo sem og margar vonir til stóðu og fyr var umgetið. Aðmírall hafði ásett sjer flotanum að halda inn á Hafnarfjörð hefði lukka tilgefist og svo uppá alþing ferðast, og skyldum við stallbræður Jón Halldórsson og eg með honum þangað ferðast. Helmingur skipanna skyldi liggja á 30 meðan á Hafnarfirði, en hinn helmingur skyldi hingað á djúpið halda, um Spanska að forvitnast hvort hjer komnir væru eður ei. Þetta áform hindraðist, því mótviðri tröðkuðu, og urðum því fyrir kost og mun hjeðan frá að halda til Færeyja, og var það um kvöldtíma, að við hjeldum undan 35 Eyjafjöllum er peningur var heim rekinn til að nytjast, og á öðru kvöldi vorum vjer undir Færeyjum, hvað þó er vel

70 mílur, og rann þó skipið ei meir en fyrir einu stórsegli, því fökkunnar naut ei, af því vindur lá jafnan í bæði skaut, en svo var stórsjór mikill, að ei varð komist lengra fram en á miðjar þiljur, og oft kastaði sjó yfir topp með bogspjóti 5 sínu. Tvö skip vor náðu ekki Færeyjum og vissu ekki af sjer fyr en undir Líðandisnes í Noregi komnir voru, hvað á þremur dögum rann hjeðan frá landi; meintu þessa hvorir af oss og þeim umkomna vera.

Í Færeyjum dvöldum vjer heilan hálfan mánuð, og lágum 10 vjer fyrir innan Þórshöfn, sem er kaupstaðurinn, og skipið liggur á einum firði, sem nefnist Calaman.¹⁾ Út með sjó þar inni bjó lögmaðurinn Michael í Lambhaga, hvers gestir að vjer nokkrir af aðmírálsskipinu með sjálfum aðmírál og 4 fjögurra skipa kaptugum vorum í tvær nætur, og var oss 15 þar veglega veitt af margskonar fæðslu og margháttað ölskyn, sem var mjöður með þrennu móti, vín margháttað, Hamborgaröl, lýbisktöl, Rostockaröl, Þrándheimsöl, Kaupinhafnaröl með tvennu móti, engelskt öl með þrennu móti, sem var all, strangbýr²⁾ og skipsöl. Þar var gleði höfð á margan 20 hátt með hljóðfærum margskonar og uppá færeyska vísu dans og hringbrot með söng og kvæðum. Líka drukkum vjer með aðmírál hjá einni ekkju, sú eð var móðir Jóns Olafssonar færeyska,³⁾ er vjer 14 vetra þaðan með oss út fluttum til Danmerkur, og komst í herraþjónustu, og fjekk 25 hjer 5 jarðir í 3 ár til forljeningar í Álftafirði.

Á því skipi Einhyrningurinn bar það til að stýrimaður skipsins var hengdur í bogspjóti, ei fyrir þjófnað, heldur fyrir annað slæmt stykki, að hann fyrir leti sakir í þessum nefndum stormi frá Íslandi gjörði sína þörf í brauðrúminu 30 (með leyfi að tala), og var af þeim færeysku bændum greftr-

¹⁾ Svo stendur í bestu hdr.; líkl. er átt við Kaldbaksfjörð nokkru fyrir norðan Þórshöfn; síðan hafa skipin siglt til Austureyar, þar sem Michael bjó í Lambhaga. Um hann sjá N. Andersen, Færerne 1600—1709. Khöfn 1895. bls. 192.

²⁾ o: ale og strongbeer.

³⁾ Sjá um hann Sýslumannaæfir Boga Benediktssonar II, 84 og III, 115 og athugasemd Hannesar Þorsteinssonar við síðari staðinn.

aður, en þó með leyfi aðmírals, hvað þó með nauðgan
 skeði. Síðan var annar tekinn með miklum fortölum og í
 hans embætti innsettur, og á þinginu, sem á Einhyrnings-
 skipinu var haldið, með hárri röddu af aðmírálnum öllum
 strengilega tilsaðt öll lýti og lesti að varast, bæði leynt og 5
 ljóst, til máls og gjörða, og að hver stundaði sitt kall og
 embætti með guðhræðslu og góðri athugan, svo enginn
 annars feldi yfir sig nje aðra í þeirra samför Guðs óbliðu
 og þungt straff. Allir játuðu með Guðs fulltingi sem best
 að gegna.

10

Nær vjer komum í Færeyjar voru á voru aðmírálsskipi
 22 menn sjúkir af skyrbjúg; voru okkur stallbræðrum þeir
 til skifta bifalaðir á landi þá að hygla með ferskri fæðu,
 víni og mjólk, svo enginn þeirra þar andaðist, utan einn,
 sá eð var norskur, Þórður að nafni. Þessir allir voru í 15
 einni stofu, á einum bøndagardi hjá þeim manni er Ólafur
 hjet, og var góður smiður uppá allrahandu járnsmíði. Sá
 maður var ágætur við mig Hann hafði lært sitt handverk
 til Þrándheims. Hann átti tvær engelskar bjórtunnur af
 strangbýr fyrst eg þar kom, og hjelt hann þeim helst fyrir 20
 mig. Eina íslenska bók gaf eg honum en seldi aðra prent-
 aða, sem var »Ódauðleiki sálarinnar« og »Enchiridion«;¹⁾
 þær las hann skýrlega, því lítið skildi vort mál og þeirra,
 og svo var um aðra siðvenju í mörgu, um skyrgjörð, flautir,
 ósaltaða fæðu, eldhangið kjöt og barinn fisk, einnin klæða- 25
 búnaður kvennfólksins, skautafaldar, köst og kasthempa, skólag
 og skikkan önnur. En nú er þar komin dönsk vísa, bæði
 í kirkjum og utan, með eiginlegu dönsku tungumáli. Karl-
 mannabúningur var þar áður mótlíka og hjer, nema hvers-
 dagslega voru margir bændur þar og vinnumenn á albrókum, 30
 og þar á ofan á treyjum af færeysku vaðmáli, með loðnum
 skó á fótum, á ristum og vörpum, mótlíka og Finnar og
 Kúrlenskir.

¹⁾ Enchiridion var prentuð á Hólum 1600, og var samansett af
 Guðbrandi biskupi eftir ritum eftir D. Chytræus og M. Chemnitius.
 Hin bókin, Kristileg undirvísun um ódauðleika sálarinnar, var prentuð
 á s. stað 1601 (Fiske, Bibl. Not., VI. 6).

Í Færeyjum sögðu þeir mjer væri 15 kirkjusóknir, einn prófastur en enginn biskup. Eyjarnar eru 7 stórar en 10 smáar, og á þessum öllum voru í þann tíma 300 bændur, og sendi aðmírall þeim öllum strengileg boð, að þeir kæmi
5 til sín og fyndi sig, hver einn þeirra taki sauð með sjer, fólkinu á skipunum til forfriskunar, hvað þeir og ljúflega gjörðu allir hver um sig, og þar á ofan tóku þeir með sjer ferska mjólk og osta, hverjum bændum aðmírall skifti á meðal þeirra fjöggra skipanna. Varð svo fjóra daga gestaboð
10 haldið á þessum fjórum skipum eftir aðmíralsins ljúflegri tilsögn og befalningu, svo eyjanna innbyggjurum gjörðist aftur æra og velgjörð af hans hendi. Þess fyrsta dags gestaboð byrjaðist á aðmírálsskipinu Victor á sjerdeilis góðum veðurdegi, og voru borð á þiljum, uppslegin, og sæti
15 umsett; við þessi borð sat aðmírall og öll skipanna yfirvöld, og varð þrisvar til borðs blásið, síðan eftir borðblessan til matar og drykkjar tekið, minni drukkinn, 600 stykkjum á þeim degi affýrað og í trómet blásið þess á milli. Peningur þeirra varð í landi við stykkjanna hvelt hljóð hlaupsa og
20 felmsfullur. Nær þessir bændur gerðust ölvaðir sýndu þeir allrahandu skemtan með aðmírals leyfi uppá þeirra vísu. Eins skeði á hinum skipunum og var aðmírall þangað boðinn og önnur vor yfirvöld. Og á þeim öðrum degi var gestaboð haldið á Juppiter með sömu aðferð, og 700 skot affýrð, á
25 þriðja degi var gestaboð haldið á Davíð og 800 skot gjörð, á fjórða degi á Einhyrningnum og 900 skot affýrð, og í það sinn fjekk einn maður skaða á sína vinstri hönd fyrir stykki, sá eð hjet Leon Frijs, og misti tvo fingur og lá lengi í sárum. Á þeim sama degi varð ein kona á landi mjög
30 skelkuð af því að svo bar við, að hún um kvöldtíma var að nytja kú sína, og kom eitt fallbyssulóð við kyrhælinn í þúfuna; kýrin brá við og varð línlaupa og spilti mjólkinni, en konan í óviti lá þar lengi eftir. Og þetta kvöld var eg á landi að gefa gaum að þeim sjúku, og einn finn maður með
35 mjer, hverjum eg var svo sem nokkurn veginn á hendur falinn, mjer að undirvísa í mínu embætti, sá eð Gottske hjet og lengi hafði herrafélki þjónað, og var artugur maður

í mörgu, en til sjóar óhentugur sakir sjóveikleika, í hverjum var þunglega oft plágaður, og varð eg þrátt honum að þjóna sem minn faðir verið hefði; hjer fyrir varð eg honum kær sem sonur. Og nær einn yngri og óvitugri er á þessum skipum öðrum til samvinnu fenginn, þeim eldri og vitugri, 5 og þau stykki afgreidd, sem skulu vakta uppá sitt líf, að þar ei komist vatn inn, svo alt sje í fullu lagi nær við þarf, og að ei verði fyrir neins athugaleysi eður forsóman hindran eða vansemd í nokkrum parti eður ólukka megi afhljótast, þeir verða nefndir hinna eldri handlangarar eður aðrjettendur, 10 þvilíkur einn var eg þessa manns. — Nú skal segja frá því, að þessi nefnd kvinna kom til okkar með miklum gráti og felmtran. Við hugguðum hana sem best við kunnum, og til góða gjörðum með því fyrir hendi var, svo hún komst aftur til sinna fyrri burða. Við ráðlögðum henni að upp- 15 grafa lóðið úr þúfunni, og að morgni fá sjer einn mann með bát og láta hann róa sig út til aðmíralskipsins, nær við værum út þangað komnir, og skyldi lóðið sýna; svo skyldum við láta aðmírál vita hvernin alt slíkt væri skeð, svo fengi hún ríxdal fyrir lóðið, og það meira sem til vildi. 20 Svo skeði að við til skipsins komnir vorum, og nær konan kom kunngjörði eg aðmírál alt sem gjörst hafði í greindu efni. Kvinnan varð uppkölluð fyrir aðmírál og tók lóðið með og sýndi honum; hann fjekk henni strax ríxdal, og gaf henni gamla en þó góða skyrtu, mikið brauð og af fleski 25 og kjöti, og bifalaði öllum innan skipsborða henni til góða að vera, hvað og skeði, svo hún fjekk meir en til hundraðs með því sem kapteinn á Einhyrningsskipinu og hans fólk gjörði henni til góða, frá hverjum þetta lóð var komið. Hún bað mjer góðs hvar hún leit mig á landi. 30

Að hálfum mánuði liðnum hjeldum vjer þaðan og heim til Danmerkur að öllu slysalaus. Og nær vjer komum að St. Önnu brú saum vjer eitt kóngsins orlogsskip sigla geyst eftir oss með niðurstroknu merki á stórtopp, hvað oss mjög felmtraða gjörði, því vjer vorn kóng annaðhvort sjúkan eða 35 látinn hugðum. Þetta skip var Fides, eitt með þeim helstu

kónsins orlogsskipum, og höfðu inni cancelerans lík, hver eð til Opsló var í þann tíma nýlega afgenginn, og eg hefi fyr umtalað.

XXI. KAP.

5 Og nær vjer svo heim komum varð sjerhverjum af oss vel fagnað eftir því sem hver átti sjer vini til, og höfðum vjer þá úti verið 22 vikur.

Um veturinn eftir hafði eg vakt við kóngl. Maj:st hertýgjahús með mínum besta stallbróður Jóni Halldórs-
10 syni og öðrum frómum mönnum er vinir gjörðust, og gekk alt í þann tíma meinlauslega til fyrir öllum undir regimentinu, bæði mjer og öðrum, lof og dýrð sje Guði.

Að næsta vori eftir, 1617 útsendi kóngur vor fjögur skip í hernað, og það sumar urðum vjer við enga ránsmenn
15 varir. Og nær vjer aftur heim komum fór kóngur að reyna skip sitt hið nýja Patientia, og vjer með honum, og í þeim mikla stormi fjell um koll þar á grynninginum, hvert að fyr hjet Caritas, og fyr er um getið.

Á öðru vori eftir komu 24 menn úr Búskaia¹⁾ 1618, sem
20 liggur á milli Frankaríkis og Spania, inn í Kaupinhafn á fund vors kóns Christiáns 4, eftir hans loflegri umbeiðni, til hvalveiðar. Og um veturinn fyrir ljet kóngurinn tvö skip tilreiða, sem var Einhyrningurinn og Lampinn,²⁾ sem fara skyldu í gegnum Veigat á þessu vori. en vjer með tvö
25 skip til Grænlands, og nefnist Spisberg.³⁾ Um veturinn var viðleitað með faguryrðum af vorum yfirvöldum við

¹⁾ Baskar, er þá voru oft nefndir Buskaier á dönsku, voru dugandi hvalveiðamenn, og oft fengnir til Danmerkur í þeim erindum.

²⁾ Þetta skip hjet rjettu nafni „Lamprenen“.

³⁾ Þá var alment haldið að Spitzbergen væri áframhald af Grænlandi, eða stundum að það væri sama landið. J. Ind. á við Spitzbergen.

týhúsið við oss, hverjir fara vildu að Veigati. Sumir fengust með fagurgala, sumir ei. Eg var einn tíma kallaður í skrifhús þar yfirvöldin sátu öll saman komin, og bauð týjunkturinn mjer, ef eg vildi þessa ferð reisa, skyldi eg fá mánaðarpeninga og góð laun, því í þann tíma var eg í gunst Adolphs Grabov mjög vel. Eg andsvaraði þeim og bað um respit til morguns, hvar með þeir nægðust. Að morgni og að yfirstaðinni almennilegri munstring var eg í skrifstofuna kallaður, og þá enn að nýju aðspurður, hvað mjer nú í geð fjelli um áðurnefnt efni, hverju eg afneitaði með öllu, því um nóttina í svefni var mjer sú reisa bönnuð, og síðan varð sá maður í minn stað fenginn er Rasmus Rúss hjet, sá eð var constabelsmæti, og mjer var tilsagt það sama embætti, hefði eg annars því játsa orðið, og sjálfur constabel hjet Niels Skoster, einn kostulegur maður. Kaptuginn hjet Jens Munck,¹⁾ ein aðalpersóna, og voru þau bræðrabörn, kóngsins gemahl frú Christín. Hann var sjerdeilis vitur maður einkum í himinsins hlaupi og stjörnulist eður stýrimannsskap; var hann svo yfirsagnari hinn æðsti beggja skipanna, Einhyrnings og Lampans, á hver að ágætt fólk valdist. Og um vorið 1618²⁾ hjeldu þessi 2 skip undir eins með oss frá Kaupinhafn og tvö skip borgaranna, svo vjer vorum 6 í ferð, og áttu þau sömu tvö skip þeirra sömu leið sem vjer að ferðast uppá hvalveiði, og höfðu þessi vor 4 hvalveiðarskip hvert fyrir sig 11 Búskaiska inni og 10 hvalabáta, er þeir kalla zelupa,³⁾ það er sjóhleypur; hver þeirra var í 4 parta sundur og saman skrúfaður, og á reisunni svo í pörtum á sjerdeilis stað í skipinu látnir afsíðis. Síðan gaf oss góða byri út af Eyrarsundi, og hjeldum vjer svo samför norður með Noregi undir Norðcaput í Norðlandi

¹⁾ síðar frægur af þessari ferð sinni, er hans reit um bók Navigatio septentrionalis. Aðeins 2 af mönnum hans komust lífs aftur með honum.

²⁾ á að vera 1619. Jens Munk getur ekki um að hann hafi orðið hinum samferða. RC.

³⁾ líkl. afbökun af hollensku orði: zeelooper.

norður af Noregi, sem fyr Bjarmaland og Hálogaland kallað-
 ist og nálægast liggur við Finnmörkina. Þar skildum vjer
 við Jens Munck, og báðum hvorir vel fyrir öðrum; minnir
 mig að Jens Munck. hjeldi í norð-norð-vestur, en vjer í
 5 land-norð-norð-austur. Vjer fengum mjög góð byrleiði þangað
 í hálfan mánuð, og nær vjer fengum Grænland að sjá, sem
 er geysilega fjallahátt land, og komum undir þess vest-suð-
 vesturs-hluta, urðum vjer glaðir við.

Nú er þar frá að segja að á þessu ári gekk mikil pest
 10 í allri Danmörk, svo að í sjálfri Danmörk afgekk 7000 fólks,
 sem eg hefi fyrri nokkuð áhrært, og þess slags sjúkdómur
 var nú kominn í vort aðmírálsskip, sem að kallaðist Hector.
 Vor aðmírall hjet Henrich Vind,¹⁾ einn mikilsháttar herra-
 maður, sá eð var bróðir Jurgin Vinds, sem hingað sendist
 15 ásamt Friderich Frijs útaf cancellínu einn tíma.²⁾ Hen-
 rich's lutenant var og einn eðlamann að nafni Magnús
 Krabbe³⁾; hann krenktist í pest og andaðist um það bil
 vjer hjeldum norður fyrir landið, og keypti aðmírall að öllu
 skipsins innihafandi fólki hans líki til lands að koma, eftir
 20 gamallri skipsvenju, hvað treglega veittist, því strax hljóp
 á suðustanveður mikið, svo oss lá við töpun, og mistum
 stórmersstöngina yfir borð. Þessi mikli stormur sleit oss frá
 hinum skipunum, svo vjer mistum þeirra í heila viku og
 komumst úr öllu landsigti, þar til allir gjörðu áheit og Guð
 25 gaf oss sína náð til að vjer komum til lands aftur, þar sem
 nefndist á hollensku Thómas Smiðs Bæ, 5 mílur norðvestur
 betur en þar sem vjer ætluðum oss höfn að hafa, þar inni
 á einum löngum firði. Í þessari Thómas Smiðs höfn lágu
 3 mektug engelsk stríðsskip, er þar voru og komin til hval-
 30 veiða, 4 hollensk og tvö skip frá Kaupinhafn, sem í vorri

¹⁾ Um hann sjá Lind, bls. 208—213.

²⁾ til að rannsaka embættisrekstur Herluf Daae's 1618. J. V. var
 hetja mikil og hinns mesti merkismaður, sjá Biogr. Lex. og Lind, bls.
 46—49.

³⁾ RC leiðrjetta hjer frásögu Lind's (bls. 215) um ætterni þessa
 manns; sbr. dönsku þýðinguna bls. 153.

ferð þangað fóru og fyr var nefnt; þeirra yfirvöld voru Bernet Berns og Niels Honning.¹⁾

Nú vikjum þar til máls aftur er vjer komum inn í nefnt fjarðarmynni, sem þau þrjú mektugu engelsku stríðsskip lágu fyrir innan nærri viku sjóvar, en ei vissum vjer nú hvað 5 leið um vora fjelaga, áðurnefnd 3 skip, hvort þeir mundu vera lífs eður liðnir. Nær þessi 3 engelsku skip heyrðu vor skot útsendu þeir frá aðmirálsskipinu útskipaðan bát af völdu fólki og sinn lutenant, að hugleiða hvaða menn vjer værum; urðu þeir af oss vel meðteknir til matar og drykkjar. 10 Aðmiráll fjeck það útvegað af þeirra lutenant að fjórir menn skyldu um nóttina gröfina taka, svo um morguninn væri búin, og gaf hann þeim eitt rosenobel²⁾ fyrir það þeirra erfiði. Um morguninn eftir, mjög timanlega, kom sami engelski bátur og inntók vor yfirvöld og líkið, að hverju 15 gjörðar voru tvær kistur, ein af eik, önnur af furu, en vjer skyldum róa á eftir með vorn bát, sem var útskipaður af völdu skipsfólki, og þar að auk vor constabel Niels Dams-gaard, góður og gamall maður, með 4 af oss byssuskyttum. Á veginum fundum vjer dauðan rostung, hvers tennur að 20 eru silfurvægar, en á þeim engelska bátnum drápu þeir annan, og varð skenktur vorum aðmirál. Og nær þeir komu skipunum nálægt með líkið var 3 stykkjum af hverju þeirra skipi afhleypt til virðingar. En á vorum bát höfðum vjer 3 smá koparstykki, sem falkónur³⁾ nefnast, og tilsett var að 25 affýrast skyldi nær líkpredikun hefði enda og líkið í sína gröf væri komið. Og nær svo ske skyldi gjörði aðmiráll mjer bending með sínum handdúk. En á meðan predikunin yfirstóð hugði eg þann umbúning stykkjanna og þann byssubekk, sem lá yfir um þveran bátinn framan, og fann eg 30 strax veiklega umbúið, og tók eg því allar þóttur úr bátnum, sem lausar voru, og lagði eg þær með endilangri borðsúð,

¹⁾ Um Niels Honning sjá Lind, bls. 242; hann var sendur til Íslands með Holg. Rosenkrans 1628 og 1629.

²⁾ svo nefndist þá enskur gullpeningur sem gildi 6 sh. 8 pence.

³⁾ Svo nefndust einskonar smáfallbyssur.

svo eg fengi mjer afturkastað ef svo byðist, hvað mjer til góðs kom, því nær eg gaf fyr uppa fyrsta stykkið kom losun á, en með hinu öðru gjörðist með skyndi alt laust og snaraðist aftur í bátinn svo mjer lá við bana, en með

5 því eg fjekk mjer kastað aftur í bátinn og einkum fyrir Guðs fulltingi, þá slapp eg án skaða í það sinn. Og nær eg kom á land þar sem þeir voru yfir gröfinni samansafnaðir og sungu þeir síðasta vers líksálmsins, og að uppsettu sjerhvers höfuðklæði spyr aðmírall mig að því þriðja stykkinu

10 úr Danmerkur lausn.¹⁾ Eg gjörði afbötun eftir tilgengnum atvikum, hvað honum ei nægjast kunni, heldur með stórmensku og grimmri reiði útdró sitt sverð, er hann í gullbaldýruðu gehengi bar sjer við síðu, og auðsýndi sig að vilja mig til dauða strax höggva, en eg rann honum og

15 hans höggi undan það hraðast eg mátti. En í því hann meinti mig til dauðs að höggva rasaði hann í snjógryfju, því snjór og klaki lá þvínæst yfir öllu, svo hans hattur af fjell svo sjálfum lá við falli, en þeir engelsku kapteinar gripu hann og til friðs stiltu og kváðu slíkt þrátt við bera.

20 Ei vildi hann gegna orðnu tilfelli. Síðan varð á skipi hverju þeirra engelsku þremur stykkjum afhleypt. Constabel minn, arkelimeistari Niels Damsgaard, sampíndist mínum hörmum, gekk til strandar að hugleiða, og fann svo alt í sannleika sem eg frá hermt hafði. Síðan varð aðmírall

25 gestboðinn af þeim enska aðmírál, hvað hann með nauðgan þáði, sakir meðbúandi haturs, ekki nú til mín, heldur til vorra beggja timburmanna, hverra verk honum virtist ótrútt, og hefði leitt eftir sig minkun í mannsstað, einninn vera orsök til hefði okkur ólukka og slys tilfallið. Engelskir trakteruðu

30 hann og oss í besta máta og með hljóðfærum og trómetanna blæstri á veiting víns öls og matar stórum við juku. Svo var aðmírall beisklundaður í það sinn, að hann forbauð okkur uppa það enska aðmírálsskip að koma. Samt veittist oss allrahandi gott af þeirra hendi.

¹⁾ „Danmarks Løsen“ (o: Danmerkur kveðja), voru 3 skot.

Nú er þar um að tala að nær vjer höfðum við skipin litla stund dvalið þá kom kaptuginn, er Gabriel Krús¹⁾ hjet, af því öðru danska stríðsskipinu, er í storminum með þeim tveimur borgaraskipum hafði oss frá drifið, og varð vel fagnað og trakteraður í besta máta, alt svo lengi að 5 aðmírall geðjaðist þar að vera. En sakir þungra geðsmuna vildi hann þar ei lengri dvöl hafa. Og í vorri burtför af-fyrðu þeir 30 stykkjum og í trómet blásið og skildust þeir svo hvorir við aðra í góðum kærleika. Gabriel Krús fór í bát til vor, og á leiðinni út til skipanna, er út í fjarðar- 10 mynninu lágu, barst áðurgreint efni í mál hvernin alt væri tilgengið, og þykir Gabriel honum heldur mikið hafa um orðið, og kvað mig verðugan vera nokkurs góðvilja fyrir slíkt háskasamlegt tilræði og það með í mannsstað fyrir sakleysi. Aðmírall gekk því ekki freklega í gegn, en heit- 15 strengdi þó þeim aumu timburmönnnum stóru straffi að endurgjalda. Og nær sem vjer til skips komum bifalaði aðmírall að þessir báðir timburmenn skyldu fram í galión í járn setjast til næsta morguns, og þá á settu þingi skyldi greint efni til skoðunar koma og þvílíkt straff dæmast sem mönnnum 20 virtist þeir maklegir vera, annaðhvort undir kjöl þrisvar dragast eður þeim níu sinnum frá stórseglsránni að hleypa í sjó. En að morgni bar svo við að Gabriel kapt. kom árla að afplána þvílíkt til vors skips hjá aðmírál, hvað honum tókst að þeir í það sinn ljetist lausir, en skyldu þó nær 25 þingað væri sinn rjett standa, hvað alt þó niðurhjaðnaði og upp þaðan var aldrei áminst.

¹⁾ Þetta er rangminni höf., það var ekki hinn merkilegi sjóliðs-höfðingi Gabriel Kruse (Lind, bls. 177—181) heldur Enevold Kruse; um hann sjá Lind, bls. 175—176.

XXII. KAP.

Síðan hjeldum við þaðan og austur með landi, alt þar til vjer komum að þeirri höfn, þar sem það eitt engelska skipið lá fyrir og hvar vjer skyldum höfn hafa fyrir þessi
 5 tvö kóngsskip á meðan vjer þar við land dvöl höfðum. Strax sendu þeir sinn bát út í hafnarmynnið mót oss, og meðtóku oss blíðlega með skotum og blæstri.

Þar í landi stóðu stór hús, sem Engelskir höfðu fyrir nokkrum árum uppbyggja látið, í hverju einu þeirra að einn
 10 engelskur maður var ár umkring einsamall, og kom fyrir kappmælgí hans og eins annars, þeir eð þar um þráttuðu, að einn sagðist geta þar beðið og verið til þess að skip aftur kæmi, með Guðs fulltingi, en annar talaði því harðlega á móti, og slógu veði með sjer til hundrað dala, og skyldi
 15 kaptuganum af þeirra launum afgreiðast. Þeir skildu eftir hjá honum alla nauðsynliga hluti, sem var matur, vín, öl, eldiviður, 3 byssur og púður nægilegt, sverð, vatn, salt og hvað meir honum þjenti, ítem biblíu, sálmabók, bænabók. Nótt og dag ljet hann ljós brenna og hafði sína sæng
 20 við eldstóna, hver eð var á miðju húsgólfinu. Hann var stundum að lesa, stundum að syngja, stundum að spila uppá sína fiólu, er hann og hjá sjer hafði, stundum var hann að smíða hæltrje í svarta skó, af hverjum hann gjörði fulla altunnu. Svo var þar grimt frost um veturinn, að alt hvað
 25 frá eldi horfði fraus, þó nálægt lægi. Svo varðveitti Guð hann dásamlega að hann ekkert skaðaði, og bihjelt sinni heilbrigði alt til þess um vorið í Júlímánuði, er skip komu þangað frá Englandi. Og nær þeir á land gengu og upp til hússins, hvar hann var inni, þá heyrðu þeir hann
 30 syngjandi þar inni vera það kvæði, er hann ort hafði um veturinn með 100 versum með fögrum tón. Hjá húsinu fundu þeir þrjá hvítabirni dauða, er hann hafði skotið gegn-

um þá glugga, sem á húsinu voru, en með hlemmum innan fyrir dregið. Þeir meintu hann dauðan, og nær þeir í fyrstu heyrðu hans hljóð urðu þeir skelfdir. Síðan urðu þeir honum fegnir mjög og hann þeim í sama máta. Svo vann hann alt það veðfje með þeirri vogan, og nær hann kom fram í 5 England varð hann sem engill meðtekinn, ef segjast mætti, og stórgjafir af mörgu herraþólki gefnar. Og voru tvö ár liðin frá því þetta skeði þar til eg þar kom með mínum lagsbræðrum, og lyktar hjer um framar að tala.

Þar spurðum vjer til borgaraskipanna, að þau voru 10 komin á þá höfn, er þau skyldu lag hafa, 4 mílur þaðan, hvar og Engelskir og Hollenskir höfðu sitt skipalag, vesen og umgengni, og fyr er umtalað.

Síðan ljet aðmírall seglbúðir á land setja, handa því fólki, er hvalbræðsluna skyldi stunda, og var þeim þangað 15 fenginn vikukostur í hvert sinn. Og nær vjer á land komum meðtóku þeir oss vel, og með mat og öli plöguðu í góðan máta eftir föngum, hvað og einnin í sama lagi þeir Engelsku gjörðu. Ekki var á annað að stíga, nær vjer á land gengum, en blájökla og skaðsamt eggjagrjót, en grasstrá eður 20 þesskonar sást þar ekki, en þó ala sig þar fullvel hreindýr og birnir, af hverjum hreindýrum vjer náðum 22, og var eg oftlega í því verklarki með aðmírál [sjálfum mjög] þreyttur, hvar fyrir hann hjet mjer stórum launum, hver ei þó sáust. Þessi hreindýr ganga 3 í tunnu, en sum $3\frac{1}{2}$, sum $2\frac{1}{2}$; þau 25 hafa sína fitu mesta á sínum lendum, sem er læfðar og þverhandarþykt; þau hafa horn mótlika og einn hjörtur og þvillikt til fráleika; þau hafa klaufir sem naut og húð í sama máta, og eru grá að lit; mosi er þeirra fæða og eins líka bjarndýranna, hver þó eru frábærlega feit og stór. Önnur 30 dýr sjást þar ekki utan melrakkar og eru flestir hvítir. Einn þeirra ásettum vjer oss til Danmerkur að flytja, þó ei tækist sakir melrakkaóðauns, hver geymd var í tunnu, með hverri henni varð útfleygt. Fuglar voru þar ei aðrir en æðifugl, már, svartbakur og brimmár; már flýgur manni í hendur, 35 en með því að þeir eru ónýtir sakir megurðar og þeirra fiður illa lyktandi akta menn þá eigi. Már er þar í háfjöllum

uppi og næst því ei hans egg. Eitt æðifuglssker lá þaðan tvær vikur sjávar, hvar hann varp eggjum; þangað fórum vjer með bát og lá það sker í landnorður frá vorri höfn, og fengum vjer þar eggjatunnu, en nær matgjörast skyldi 5 var alt ónýtt, því kominn var sá tími að fuglinn skyldi útleiða. Fiskur var þar enginn, svo vjer yrðum við varir, utan marhnútur.

Landið er með háum fjöllum og flestöll hulin með jöklum frá ofanverðum brúnum niður til sjávar. Sól skín 10 þar nótt sem dag alt fram í Augusti mánuð. Alt frá dagmálum og fram yfir miðmunda heyrast skriður og dynkir frábærlegir á hverjum degi nær sjerhvers fjalls jökull fyrir sólarinnar verkan losast og framspringur og í sjóinn fellur; svo mikið ryk kemur þar af með ýmislegum farfa fyrir mann- 15 legri sjón, að sólin um heila stund sjest glögglega eigi. Þeir jöklar frjósa úr því ferska vatni, sem er þar ofan á fjöllum, og er það sá drifandi hafis, er hingað til Íslands kemur.

Lítinn veg frá oss í suðurátt lá eitt svelgi mikið inn í miklum jöklum, hvert menn kölluðu Víti; það var mjög 20 ógnarlegt og skelfilegt tilskýndar, í hvert sinn, nær vjer þangað litum, og hvað fljótt þar framhjá dreif hvarf þar inn. Á því fyrirfarandi ári er vjer þar vorum bar svo við að Engelskir höfðu náð einum sljettbak og með þremur bátum voru að róa hann, en landstraumur fjell uppá; þá bar svo 25 meir og meir að þessu svelgi, svo þeir gátu ei við gjört, en þeirra leið lá þar fram um, þar til þeir með bátum og hval í svelgið með hast inndrógust og hurfu, svo að ei meir sáust. Þetta sögðu Engelskir oss til að varast, og fleira annað.

Nú víkjum þar til, að strax sem vjer vorum á land 30 komnir og höfðum búðir sett fóru Buskaier til hvalveiðar með þrjá báta og 6 menn á hverjum þeirra, voru þeir danskir þar í bland á hverjum. Var þeim vikukostur útfenginn, og lágu við tjald á útnesjum þeim er til hafs venda. Á hverjum bát eru fjórir til róðurs, einn við stýri og 35 harpónerinn fram á hinn sjötti, hann tekur mest kaup, og fá þeir 100 dali fyrir hvern hval, er þeir veiða. Svo náðu þeir fjórum hvölum til kóngsskipanna tveggja, og úr þeim

bræddust tvennar 80 lestir og hvert þar af tók sinn helming skipanna. Einn maður, sá ellefti af Buskaier, var jafnan heima, hvers embætti var að spika hvalina, ei við aðmírals-skipið heldur við hitt skipið, sem var Juppiter, hvað honum ljett veitti. — Þeirra túlkur hjet Jón og var til móðernis 5 engelskur að ætt; hann kvaðst kunna 16 tungumál með því litla, sem hann kvaðst kunna í íslensku tungumáli, hafði hann fyr meir siglt hingað þá hann var 14 ára að aldri með þeim mönnum, er komu einu ári eftir Þíning á Arnar-fjörð, og voru fjórir af þeim sendir til sýslumannsins sál. 10 Ara Magnússonar, sem sat að Ögri við Ísafjarðardjúp, og var eg þá 9 vetra er þeir komu til Svarthamars við Alftafjörð, þar mín móðir var og bróðir Halldór, einn sunnudagsmorgun, og þeirra fyrirliði hjet Davíð. Og nær hjer varð af honum áminst kannaðist eg við þetta alt áður- 15 greint og varð eg því umfram aðra af mínu kompani honum kær og í þessari hans vingan bleif til skilnaður, og hinir hans lagsbræður tóku sjer lag eftir honum og gjörðu mjer ásamt honum jafnan til góða af vini, brauði og kryddum, er þeir nóglegt með sjer höfðu. Einnin staðfestist okkar 20 vinátta ei síst þar af, sem skeði í þann tíð sem vjer fyrst landið litum, því svo bar við, að með því að vjer í hálfan mánuð höfðum ekki eitt sinn haft viðtal við nokkurt hinna skipanna þar fyrir lysti aðmírál að finna Gabriel Krús, kaptugann á hinu kóngsskipinu sjer til skemtunar, eftir því 25 á þeim degi leiði tilgafst, og ljet kalla á túlkinn, áður-nefndan Jón, og spurði hvort hann og hans stallbræður langaði ekki til að sjá og finna sína landsmenn, hverju hann jataði, og sex af þeirra liði gjörðu sig strax með einn þeirra zelup ferðuga með aðmírál og hans þjenara til hins skipsins, 30 hvar aðmíráll og þessir urðu í góðan máta meðteknir og plagaðir. Og nær þeir höfðu þar litla stund dvalist og voru teknir til hálfdrukknir að verða þá bar svo við, að þeir sem voru upp á þiljum litu einn mikinn síldreka, er þeir kalla tröllhval. Og strax sem þessir hvalamenn það heyrðu, 35 og með því strengur með lagjárnri lá niðurhringaður í bátnum nýr 300 faðma langur, urðu þeir sem óðir og hlupu í bát

og lögðu sjer róður eftir hvalnum og í einu sendu þetta
járn í hvalinn, en af því þeir voru of nálægt honum og
fyrir sjálfra þeirra athugaleysi og í því sem þeir járnðu
hann sló hann upp sínum sporði undir bátinn, svo hann
5 lyftist langt frá sjó í loft upp, svo allur botn undan honum
mölvaðist, en menn allir hrutu alla vega út um sjó úr honum.
Og með því allir þeir voru syndir tapaðist enginn þeirra,
því þeim varð strax hjálpað af skipfólki hins skipsins, þeir
eð hjuggu sinn bát undan festum og fluttu þá til vors skips,
10 því þeir voru ragir að lita aðmírál, af því þeir vissu sig
hafa gjört í móti kóngsins skipsartíkulum, þar með og líka átti
aðmírall í bátnum nýja síðhempu sú eð gildi 32 dali. En
það vildi þeim til lukku að ei fórst af strengnum utan 5
faðmar, því fyr skarst en meira útrynni á því jární er út
15 stóð fram á. Jón túlkur lætur kalla á mig og kvað sjer
stórt slys tilfallið hafa, og bað mig sjer að kunngjöra
heimuglega hvað aðmírall til segði og góð orð til leggja,
og segja honum vissa borgun hjá sjer fyrir það sem farist
hefði, hvað eg og gjörði þá aðmírall kom, og var hann
20 hinn reiðasti í það sinn. Eg gjörði mikið af þeirra hrygð
fyrir sína ávirðing, og að þeir hefði við komist; hann kvað
til þings koma skyldi. Skömmu seinna skipaði hann þeim
varmt vín að færa. Eg hermdi Jóni með mjúkasta hætti
orð aðmírals. Svo lyktaði þetta, að til þings barst það
25 aldrei og enga borgun af þeim heimti.

XXIII KAP.

Einn sunnudagsmorgun var aðmírallinn Henrich Vind
gestboðinn af Hollenskum þeim, er lágu þar sem borgara-
skipin höfðu hafnir og 3 skip engelsk, og þar eftir predíkun
30 haldna var uppslegið miklu gestaboði. En um nónbil kom
einn hvítabjörn heim rennandi að búðum, sá eð var mikill
vexti og ógnarlegur tilsýndar, og enginn af öllu því fólki

þóttist slíkan fyr sjeð hafa; hann var bleikur að lit og rauðkinnóttur. Þar spratt hver úr sínu sæti að elta björninn með byssum og vopnum. Hann gaf ei færi á sjer, en rann til strandar hið hvatasta og á sjó, og beit speldi úr þeim bát, er hann varð á unninn, hvern Buskaier gripu og æddu 5 eftir honum, og björninn með harpónajárni á streng járnuðu og yfirunnu, hver feldur vorum aðmírál var skenktur. Síðan um kvöldið ferðuðumst vjer þaðan næsta vel plagaðir.

Þegar fyrst sem vjer komum þar í landið stóð til stríðs með Engleskum og Hollenskum fyrir sakir kifs og ágreinings 10 um þetta Grænland, hverjir það fyrst fundið hefðu, en vor aðmíráll stilti það klamari með ljúflegri meðalgöngu þeirra á milli, en lýsti landið undir Danmerkur krónu, og varð svo alt í góðri forlíkun. Það liggur í landnorður hjeðan hált annað hundrað mílur, og þar sem vjer lágum venti í norð- 15 austur. Viðarreki er þar mikill, hvaraf vjer tókum til margs efniviðar sem við þurfti. Eigi verður landið kannað sakir jökla til lands og íssins margfaldlegleika til sjávarins. Það sje nú þar um sagt að svo stöddu.

Nú vil jeg með fáum orðum minnst á missátt vorra 20 yfirvalda, sem var aðmírálsins Henrichs Vinds og Gabriels Krús, sá eð var kapteinn á því öðru kóngsskipinu, og kom til af litlu efni. Einu sunnudag bar svo við að Gabriel Krús gjörði gestaboð og hugði sjer að bjóða þar til aðmírál og þeim engelska kaptein, sem var á því skipi, er lá oss 25 samjafnt innanhafnar; þessvegna ljet árla prýða skipið með venjulegu skipsskarti, og ljet sína flaug upp á stórtopp, hvað ei bar utan aðmírál og er stórum viðlagt í kóngsins artikulum. Þessvegna reiddist aðmíráll stórlega og þáði ei boðið, og varð stór missátt þeirra á milli nokkra stund, svo þá einn 30 dró til lands fór annar frá. Ein tíma bar svo við að aðmíráll fór til lands og eg óverðugur var einnin ásamt mínum fleirum cameratis í ferðinni með. Dirfðist eg að tala til aðmíráls nær hann var á land genginn og tala um þetta efni, og sagði eg það liti illa út ef þeir gæfi sig svo til heimferðar 35 óforlíktir, bæði vor á meðal og framandi, en ei allra síst er þeir kæmi heim á kóngs og annara góðra vina fund. Hann

þyktist nokkuð við og spurði mig hvort eg þættist vera góður til að forsvara hans tráss og lögbrot, sem hann í móti kóngsins mandat og befalningu gjört hefði. Eg sagðist það afneita, heldur það í góðri meiningu nefnt hafa, og eg heyrði
 5 Engelska daglega þar um tala. Hann sljákkaðist nokkuð og sagði ef sá engelski kapteinn vildi þar góðan þátt í eiga þá mundi hann til friðs stillast. Eg spyr hvort eg mætti þess leita. Hann kvað já, og svo gekk eg þaðan til hans. Senn gjörði hann sig reiðubúinn og fór svo og fann aðmírál
 10 og forlíkti þá þar strax og ljet sína menn sækja Gabriel Krús og kom svo öllu í gott lag. Hjer af varð eg í stórvirðingu hjá þeim öllum.

Nú sem vjer höfðum þar verið í 11 vikur fýsti oss þaðan að halda í Guðs nafni bæði vegna frosts og snjóa, því vjer urðum
 15 stundum tvisvar á dag akkerum að ljetta og undir seglum aftur og fram að ráfa eftir straumanna háttalagi og isdrifsins aðþrengingu. Gjörðu svo öll skipanna yfirvöld orðentlega samþykt sín á milli með brjefum nær þeir skyldu úr höfnum losa. Og á hverjum degi mánaðarins Augusti voru þar þá
 20 svo mikil frost allareiðu að strax eftir nón er frosið tveggja fingra þykt við sjómál skipsins þó sól skíni. Fyrst vjer þar komum skein sól nótt sem dag, sem var í Júní og Júlímánuði. Þá síðustu nótt vjer þar vorum kom svo mikill snjór, að eg á minni síðustu vakt, er mjer bar, stóð yfir
 25 hnje á þiljum. Og um morguninn snemma klæddist aðmíráll og fjekk varla grilt til mín úr káhyttudyrum, og kendi þá mjög í brjósti um mig og sókti vínflosku af rinsku brennivini og fjekk mjer að drekka svo mikið sem vildi. Og á þeim sama degi hjeldum vjer 15 skip út af þessu fjarðar-
 30 mynni, en í því miðju var eitt blindrif á hverju vort skip þrisvar sinnum svo hart steytti að vel flestir þeir, sem stóðu fjellu um koll, og varð þá mikill skelkur á hverjum manni innan skipsborðs. Strax gengu margir af þeim skynsömustu með skriðljós að hugleiða hvort skipið mundi nokkuð lestst
 35 hafa og gátu ei fundið, hvaraf menn glöddust og sögðu Guði þakkir. Svo hjeldum vjer hindrunarlaust lengi vorum skipum í samsigling heimleiðis, þar til vjer komum undir

Noregi; höfðum vjer þá siglt úr norðaustri hjeðan hálf
 annað hundrað mílur og hjeldum vjer austan um Ísland, en
 fyr en vjer komum undir Noregi skildu skipin að í einum
 ógnastormi og vor borgaraskip, er tekið höfðu 5 hvali, og
 skikkað var með sitt tran til Hollands að sigla. 5

XXIV. K A P.

Nú sem vjer komum undir Líðandisnes í Noregi með
 því öðru kóngsskipi og hin öll skipin voru oss við skilin
 og svo nálægt landi, að vjer máttum til hafna hleypa hefði
 oss annars svo litist, og það var einn þriðjudagsmorgun árla, 10
 þá á hljóp hastarlega svo mikill suðaustanstormur að stór-
 undrum gegndi og varla var skiphelt, og það yfirstóð í fimm
 nætur og daga, og allan þann tíma ljetum vjer án segla
 svo drífa í norðvesturhaf, og ei sáuð vjer út fyrir skipsborð
 fyrir samsævi og sjóvargrefti, hvað yfir máta tók, og vora 15
 galión mistum vjer, sú eð með stórum bilætum var öll for-
 gylt. Eitt sinn sáuð vjer hjá oss fara eitt hollenskt skip,
 þeir eð höfðu mist sitt stóramastur. Og nær sem þessi ógn
 var sem hörðust bar oss það til rauna, að vor pumpa varð
 blind, og svo hart tillukt að hún dró ekkert vatn, þar til 20
 hálf fjórða alin var orðin dýpt vatns í voru skipi, og var
 tekið til að hafa út í stömpum, hvað ómögulegt reyndist,
 því enginn gat notið sinna fóta eður nokkra sinna aðburða.
 Þá gekk aðmírall út í káhyttudyrnar grátandi sem eitt barn,
 og fyrir sig kallaði mig, og bað mig í Guðs nafni nokkur 25
 góð ráð útgefa til lífs og hjálpar. Eg sagðist ei önnur vita
 en pumpuna upp að draga, hvað honum leitst ómögulegt í
 slikri ógn. Eg geng svo ofan í skip, en þó með hans ráði,
 til túlsins Jóns, og segi eg aðmírals orð til, að hann biðji
 ham um sitt lið og hans landsmanna og góð ráð pumpunni 30
 að ná, og alla þá hjálp gjöra, er til lífs og liðs þjæna kunni,

- hvar til eg og lagði mín orð með klappandi hendi; hvar til hann með sínum mönnum sig strax reiðubúinn gjörði ásamt skipsfólkinu, og varð hún svo uppdregin og með-kross-köðlum stöðvuð; var hún þá full af smágrjóti nær hún
- 5 náðist og var margborað blý látið og neglt undir hennar neðri hluta, svo alt komst í gott lag aftur. Aðmíráll lofaði mjer nýjum klæðnaði, hvern eg fjekk þó ekki, nje nokkuð fjemætt úr hans hendi, utan jafnan ljúflegt taltal hvar hann sá mig og hitti.
- 10 Um sunnadagsmorguninn sáum vjer Hjaltland, og hafði oss rekið 80 vikur sjávar, og ei vissum vjer hvað um hið annað skipfólk leið, hvort þeir voru lífs eður ei. En svo var fyrir þeim langt komið, að hver þeirra hafði gefið sig frá þessari veröldu og öldungis til Guðs og stór heit gjört,
- 15 og hver þeirra til fátækra offrað peningum, þeir eð inn-lögðust í börs, sem fátækrapeningar plöguðust inn að leggjast og siðvenja er á hverju kóngsskipi, að hver gefur þar í hvern sunnudag sem góðvild og geðsmuni þar til hefur og svo mikið, sem sjálfan lystir. Með sama hætti skeði innan
- 20 skipsborða hjá oss. Á sunnudaginn snerist vindur til norð-vesturs og lagðist þá góður byr í bæði skaut, en stór háski var í slíkum sjó í móti rjett að halda á meðan hann lægðist ekki; og liðu 4 dagar fyr en Noregur náðist, náðum vjer þar landi er Fleckefjörður heitir, og var meir en helmingur
- 25 vors fólks sjúkt og kvillað af skyrbjúg og margslags tilviljan annara; af 16 byssuskyttum voru engir á felli, utan fjórir menn, sem var arkelímeistarinn Niels Damsgarður, Jóhann Jern, Jacob Nielsson og eg, hvað þó var eftir hrumara hætti, því vjer gátum varla hrært oss fyrir skyr-
- 30 bjúgsbólgu og hafði eg flestar tennur lausar í höfði sem fleiri, og brúkaði eg hveitisalt og tóbaksösku og margir síðan eftir mjer; gnýði eg fyrst með hveitisalti alt tannholdið, svo mikið blóð af rann, og síðan með tóbaksösku, hvað hart er að liða.
- 35 Í greindri höfn lágum vjer 4 eða 5 daga. Og fyrst nær vjer þar komum gjörðum við staðföst ráð okkar á milli, bartskerinn og eg, á næsta morgni að kreika og reisa eitt-

hvað langt, þar til við bygðir einhversstaðar uppi hefðum, hvar með við og einnin hugðum okkur lækninga leita, ef verða mætti nær limir þreyttust og ef svitna kynnum, hvað og skeði. Og nær um miðdagstið komum vjer úr einum dal, sá eð lá undir lítilli fjallshlíð, og var allur fögrum 5 grösum og blómstrum vaxinn, að einum bóndagarði. Þar brann eldur miðdagsfæðslu í eldaskála. Ein stúlka leit okkur í fyrstu og varð frábærlega hrædd, svo hún kollhljóp sig, og sagði bónda hvað um væri. Senn kom hann að hitta okkur með spjót í hendi, því hann vissi ei hverjir voru. 10 En sem hann það spurði tók hann okkur í besta máta með öli og fæðslu, mjólk og ferskum fiski; brauð gáfum við aftur og tvo klúta. Hann spurði okkur margs og við hann svo aftur, svo að vort samtal til kvölds varaði, og skildum við hann með góðum kærleika að entri fylgd. Vorum við þá 15 nótt á ferð og komum til vors skips árla morguns og hugðu menn okkur liðna vera.

Að liðnum 5 dögum hjeldum við þaðan og heimleiðis með góðu byrleiði. Einn dag í góðum byr bar svo við, að einn af þeim Buskai, sem jafnan var glettinn og gangmikill 20 við vort fólk, sem ei síst skeði af hatursrót hans og annara pápiskra til þeirra lúthersku, og að mjer óvitandi lagði fót fyrir fætur mjer til mikils falls. Og nær eg aftur með skyndi upp spratt greip eg hann í reiði og setti hann ofan í einn stóran vatnsketil, og gaf eg honum svo tvær eyrnafíkjur 25 öllum viðstöddum ásjáandi og skildist eg svo við hann. Senn hljóp hann svo orðinn upp fyrir aðmírál og forklagaði mig. Var eg og þangað jafnskjótt kallaður og aðspurður harðlega hvað þar um sannast væri, hvers eg ei synjaðist. Aðmíráll sagðist meina mjer þann artíkula kunnugan, að 30 enginn þá menn að saklausu til vonds áhræra skyldi, hverju eg ei neitaði.¹⁾ Varð hann þar við mjög bystur og bað mig strax í fangelsi setja. Eg leiddi mitt mál svo í ljós með öllum vexti fyrir honum, að öllu fólkinu samankomnu,

¹⁾ Samkvæmt „skipsartikulunum“ átti að kjöldraga þrisvar hvern þann, er annan lysti þústur eður hnefahögg innan skipsborða. RC.

hvar um allir mjer vitni báru að eg satt fram bæri. Síðan snerist alt hans klögumál honum á hendur til falls og óbata, þó án straffs, en samt fjekk hann áminning en eg þökk og virðing, og gjörðist kært síðan okkar á milli.

- 5 Síðan komum vjer með lukku og blessan heim í Kaupin-hafn; höfðum vjer þá úti verið í 17 vikur, og mist 15 menn; var hitt skipið þá fyrir nokkrum tíma heimkomið. Um haustið eftir fór eg með fleirum öðrum til Krónborgar, þar að þjóna, og fyr er umgetið.

10

XXV KAP.

- Og nær eg þar kom um hausttíma varð mjer skipuð vakt í kóngsins skipaflota um veturinn eftir, á hverjum mjer kom raun til handa af sjerlegu tilfelli, er svo skeði, að nær þeir 4 dánumenn hjeðan frá Íslandi út til Danmerkur fóru, 15 sem var Jón Magnússon, Henrik Gíslason, Þorsteinn Magnússon og Daði Jónsson,¹⁾ þar svo við, að eg varð af þeim blíðlega beðinn og tilkvaddur hjá mínum yfirmanni Adolph Friderich Grabov lítillátlega umgangast, að hann ljeti þá vita, (en þó í hljóði) nær kóngl. Maj. væri einn upp á 20 Kaupinhafnar sloti, svo þeir mætti því heldur við kóng í góðu tómi um þessa lands gagn í leyndum ræða, svo reiðar-arnir þar ei af vissu, og hjetu honum góðvild ígjen; hverju

¹⁾ Um þessa nafntoguðu sendiför sjá Espólíns Árb. VI. 8. sq. Fjórir Íslendingar fóru til að kvarta yfir einokunartaxtanum, þeir Jón Magnússon eldri, sýslumaður á Reykhólum (sjá B. Ben. Sýsl. II, 652—658), Hinrik Gíslason, sýslumaður í Kjósarsýslu og síðar í Borgarfjarðar-sýslu sjá B. B. Sýslum. III, 435—439, Daði Árnason Oddsonar (ekki Daði Jónsson eins og Jón Ind. segir), sbr. B. Ben. II, 649, hann dó í Khöfn þann vetur, og loks hinn ágæti fræðimaður Þorsteinn Magnússon sýslumaður Skaftfellinga og klausturhaldari í Þykkvabæjarklaustri † 1656, lögfróðasti Íslendingur á sínum tíma. Eins og kunnugt er varð árangurinn enginn.

hann í fyrstu þunglega gegndi, kvað mig færa sjer vandræði á hendur og líf sitt við liggja, ef þeir fengi það að vita, og sagðist það að mjer eiga ef öðruvísi en vel tilgengi. Um síðir gjörði hann lofan hjer um, þó hann vissi sjer það ei vel tilstanda að gjöra nein samtök við framandi í gegn sinni 5 landsþjóð, en afneitaði þar annað með að hafa en nú var nefnt, og það að þeir í sama herbergi ljeti sig finna strax boð kæmi. En með því þeim var þungbært þar lengi sitt lossamenti hafa er þeir voru fyrst inn lagðir, sakir kosts og öls dýrleika, sem var í þeim gamla hofmeistaragarði við 10 ströndina, og hver máltíð gildi hálfan ríxdal, þar fyrir leituðu þeir við sjer annað herbergi að umgangast, hvað og skeði. En sem þeim frá Grabov boð komu til þessa herbergis, þá voru þeir þaðan í burt fluttir í hin önnur, sem junkursins þjenari ei af vissi; kom hann því svo búinn til síns 15 herra, hvar af hann gramdist, og fjekk hatur til mín, og hugsaði þess á mjer að hefna nær sem eg í nokkru brotlegur fyndist, því hann reiknaði sig af mjer gabbaðan vera.

Nú bar svo við einn sunnudag að eg fylgdi einum 20 brúðguma til kirkju og frá og var litla stund dags með öðrum góðum mönnum við hans veiting, af því um kvöldið mjer bar vakt fyrir annan að hafa í kóngsins skipaflota, og vogaði eg því ei lengur að dvelja. Þessvegna gekk eg strax til míns lossamentis, hvert eð var hjá einni frómri ekkju, 25 Birgitta að nafni, og með því norðaustanvindur bljes hart í þann tíma, svo ei heyrðist nær stundaklukkan sló, gekk eg því heldur fyr en hæfði upp að Hólmsins portum, hvar jafnan herskipavaktin samansafnaðist. Og nær sem klukkan sló 4 slög upphóf þeirra vaktmeistari í gegnum þessi port 30 með vaktina að fara uppá Bremerhólm og út á ísinn, hvar hann gaf þeim sitt lausnarorð og þar við þá skildist. Nú bar svo við að eg fann þá frómu menn fyr en eg gekk til portsins sem vaktin skyldi viðmætast, og lofuðu þangað koma fyr en vaktin upprekt yrði, því aðmirállinn yfir Bremer- 35 hólmi hefði leyft sjer þangað, og fengu mjer einn pilt, sem

var Hákon Þorsteinsson,¹⁾ er í þann tíma var með föður
 sínum Þorsteini Magnússyni, sem í þann tíma hjelt
 Þykkvabæjarklaustur, og bað hann mig að láta hann með
 mjer þangað fylgjast og þeirra hjá mjer biða, hvað og skeði,
 5 að pilturinn með mjer fylgdist, en þeir fyrir nokkra hindran
 komu ei þangað í það sinn. Nú sem hann og eg komum
 að þessum nefndum portum voru þar í þann tíma engir af
 vaktinni komnir. Þá segir Pjetur Róð, sá eð var fyrir-
 liði þeirra þriggja manna, er þar daglega höfðu dagvakt,
 10 og settir voru til glöggrar athugunar, að ekkert af Hólminum
 ólöglega í burt færðist þar í gegnum, að eg komi of snemma.
 Eg kvaðst til klukkunnar ei heyrt hafa. Skömmu síðar
 komu tveir af vaktinni, Jóhann Járn og Jacob Ný-
 kauping, og með því veðrið bljes bæði hart og kalt
 15 lokkuðu þeir mig upp í eitt skipherrahús, sem nálægt var
 portinu, og ei lengra frá en sem eitt örskot, og skyldum vjer
 þar staðar nema og gust af oss taka þangað til tíminn kæmi,
 hvar til mig stórum áhvatti Hákon, og ei síst fyrir hans
 ósk eg ljet mjer þar til koma. Þar báðu þeir skipherra-
 20 konuna að láta heita oss einn pott öls til hita. En á meðan
 það yfirstóð var vaktin burt farin, því vjer sakir storms
 fengum ei heyrt til bumbunnar, sem eg þó ljet þessa tvo
 menn til skiftis þar upp á vakta. Og nær eg það heyrði,
 hleyp eg með þeim af stað, en það þeir urðu litlu einu
 25 fjótari en eg olli því pilturinn, er mjer hjelt og vildi ei við
 mig skilja, því hann var í þann tíma bæði ungur og ókunn-
 ugur. Og nær vjer komum að portunum stóð vor prófoss
 þar með vorar byssur í hendi sjer, og án alls mótmælis fjekk
 hann þeim sínar byssur, svo þeir án viðtafar í burtu hlupu,
 30 og náðu þeir vaktinni fyr en vaktmeistarinn við þá skildi,
 en eg stóð í fári við prófoss, og vildi hafa án allrar vægðar
 mig upp til týhúss, í fjötur og fangelsi þar inn setja, með
 því honum fyrir nokkrum tíma liðnum var þar um af Gra-
 bov ströng regla út gefin og heimuglega bent, að í hvert

¹⁾ Hann varð síðar klausturhaldari í Þykkvabæ eftir föður sinn.
 Espól. VII, 26.

sinn sem svo til falla kynni það eg mig í miklu eða litlu forsæi, þá skyldi hann mig grípa, og slíka aðferð hafa, sem nú var nefnt, til hvers haturs engin orsök önnur finnst kunni en sem sagt er.

Fáum dögum fyr en þetta viðbar mætti eg Adolph 5 Grabov á einu stræti, og vildi þá ei taka mínu ávarpi, hvað aldrei fyr hafði viðbórið, og kvaðst skyldi fá mjer annað að starfa en samfylgi með Íslenskum að hafa eður með þeim öðrum dár að gjöra. Hans þjenari Baltzar Lynbeck, sem eftir honum gekk, bað mig vakta mig fyrir 10 junkur í hljóðmælum. Þangað til hafði eg aldrei hans móðyrðum mætt, því hann hjelt mig ei þann sísta, sem undir kóngl. regimenti var mjer samjafnt þjónandi, einkum af yngismönnum, og sendi mig oft með sín heimugleg erindi, bæði upp á Kaupinhafnar slot til slotsherrans og hans frúr 15 og víðar annarsstaðar.

Nú sem prófoss stóð fast á því að vilja ei slippa minni byssu og ei var neinn kostur annar á ferðum fyrir nokkur mín auðmýktarorð eða mútur, þá svarar Pjetur Ród prófossinum: »Því breytir þú svo illa við þennan mann og vilt 20 svo skinbarlega koma honum í ólukku og dauða?“ Hann gramdist mjög hans orðum og bauð honum að þegja. Síðan tekur hann mína byssu og setur fyrir brjóst mjer svo harðmannlega, að eg hrökk í múrinn og hrófnaði á kinninni, svo nær eg leit þar af dreyrði varð eg reiður mjög, og greip 25 til minnar verju, en þó hóflega, svo af balinu útrann nærri því handarbreidd. Þar hjelt hann eg hefði dregið hana til sín, hvað þó er líflaust verk fyrir þeim eð gjörir, því hann ber kóns regimenti¹⁾ við síðuna, og hver sem honum misþyrmir þess sök og sekt ris svo hátt sem við kóng hefði 30 gjört verið; en minn ásetningur var ekki sá sverð til hans að draga, heldur sagði eg svo, ef hann bæri ei kónglegt regimenti við sína síðu og við værum ekki á því plássi sem við vorum, þá skyldi hann mig ekki forgefins slegið hafa.

¹⁾ „Regimentid“ var skrautbúinn sproti um hálfa aðra alin á lengd, er prófossinn bar sem embættismerki.

Þetta fororð kom mjer síðar til góðs nær eg stóð upp á þeim stranga týhús-rjetti og fyrir skörpu lögmáli. Þá mælti Söfren prófoss: »Nú skaltu fylgja mjer uppá týhúsið,« og fjekk mjer kóngsins regimenti í hönd, svo sem plagaðist 5 eftir venjunni, og enginn má neita við sinn háls, og gjörði eg reverentíu fyrir því, hvað mig ogsvo til góðs vegar leiddi. En Hákon varð af mjer slitinn, og bað eg Pjetur Róð um hann trúlega, að koma honum til síns föðurs, hvað hann og dygðarlega gjörði.

10 Svo gekk eg með prófoss upp til týhússins, þar sem vaktin var samankomin, og einn af týhússins yfirvöldum var og uppgenginn, Pjetur Falk¹⁾ að nafni, minn góður vin. Og nær sem hann mig leit og vaktmennirnir hnykti þeim við og aumkuðu mig hjartanlega, með því prófoss gjörði 15 svo mikið af minni misgjörð, fyrst kvað hann mig drukkin uppá vaktina komið hafa, þar næst vaktina forsómað, í þriðja lagi sverð til sín dregið.²⁾ Eg aftur á móti lýsti hans ákæru til mín ranga í öllum þessum þremur punktum, sem var fyrst að eg væri drukkin, og öllum leitst ósatt vera; 20 þar til lýsti eg ofríki honum á hendur, sem mig hefði hindrað mína vakt að halda, og eg skaut mínu máli til aðmiráls álita og Hólmsins laga rjettar; og í þriðja lagi sýndi eg honum að eg bæri sverð við síðu, en ei til hans dregið hefði. Síðan lagði hann hendur á mig í týhúsgarð- 25 inum og bauð mjer að fylgja sjer í Brockenhús, sem allir fangar voru fyrst innsettir og í járnum læstir. Eg sleit mig úr hans höndum, og kvað eg ei fyrir hans harðýðgi það gjöra heldur fyrir minn eigin vilja ef mjer svo litist. Hann bauð þá vaktinni allri að grípa mig, hverjum eg fyrir- 30 bauð hendur á mig að leggja. Pjetur Falk gekk til mín blíðlega, og mig sjer í fang tók og bað mig fyrir sína skuld til friðs að vera og mig til fanga taka láta, lofaði hann mjer aftur sínu liðsyrði, hvað hann og vel enti.

Sat eg og svo í Brockenhúsi frá sunnudagsaftni til þriðjudags, þvínær til hádegis, þvert á móti kóngl. Maj:s

¹⁾ Um hann sjá ath. RC. og Blom, Chr. IV's Art., bls. 23.

²⁾ Við þessu öllu lá dauðahegning.

artikulum, því prófoss ber tvisvar á hverju dægri sjerhvers fanga að vitja. Og nær hann kemur fylgist með honum minn sjerdeilis góður vinur Sr Þorlákur Þorkelsson sá eð var sonur Þorkels Gamlasonar, Hólastiftis ráðsmanns, og mín húsmóðir. Þau báru mjer vin og fæðslu 5 margskonar, hvert eg hafði þó varla lyst að meðtaka. Grjetu þau bæði yfir mjer og mínum raunum sárlega, hvers eg bað þau hafna, því eg treysti Drotni og huggaðist við meínlítið málefni, hvernin sem ganga kynni. Eg gjörði prófoss stórar ávitur fyrir vanvaktan sinnar kallanar og embættis er sig 10 svo mjög haturlega auglýst hafði, á vanrækt við mig kóngsins fanga, hvern hann hafði þó ranglega inn sett. Hann kveðst mjer skyldi drjúgur verða, hvartil eg honum andsvaraði að eg setti beggja okkar mál í Guðs hendur. Þau bæði gengu í burt grátandi með prófoss. 15

Nærri miðmunda var eg kallaður í skrifstofuna þar sem yfirvöldin voru til samans komin, og þar skyldi okkar mál í fyrsta sinn til greina og álita koma. Og nær eg var þar innkallaður sátu þar 5 týhússins yfirvöld, sem var Adolph Friderich Grabov, týmeistarinn Christofor Sveink, 20 Pjetur Falk, Henrik Butzmand og Hans Búss¹⁾ og 12 arkelímeistarar. Prófossinn stóð og eg. Grabov spyr hann, hvort hann standi staðfastur við sitt klögumál yfir mjer sem áður er nefnt — hinn kvað það satt vera — og hvort hann þar til hafi vísa votta, hverju hann og játaði. 25 Eg bað það eg mætti vita hverjar þær sakir helst væri, en hann framtaldi skjótlega, hverju eg neitaði. En Grabov tók sinn hatt af og kvaðst hann ei fyrir mitt líf vilja gefa ef svo reyndist sem prófoss segði. Eg kvað það langt um meir kostað hefði. Engum stökk orð utan þessum tveimur, 30 en margir feldu tár fyrir mig. Grabov bauð prófoss að

¹⁾ Um alla þessa menn er getið í Blom, Chr. 1V's Art. 23—27; merkastur þeirra er Christoffer Schwenke (Svenke), sem var mesti dugnaðarmaður, barðist af mikilli hreysti við Lutter am Barenberg og fjekk þar stór sár. Hans Búss (Bütz) segir Blom að hafi fallið í Kalmarstríðinu, en annaðhvort er það rangt, eða þetta er aznar maður með sama nafni. Sjá líka ath. RC. og ritin er þar eru nefnd.

- taka nokkra af vaktinni með sjer og fylgja mjer upp á slotið, og þar mig inn í fangelsi setja sem kónsins líffangarar plöguðust að innsetjast. Eg bað þá gjöra svo mikið sem gæti, en lengra kynnu þeir ei komast en Guð leyfa vildi.
- 5 Síðan gekk eg út grátandi með prófoss og fjórum af vaktinni. Gekk eg upp á Kaupinhafnarslot, en turnvaktarinn hjet Niels og var mjer kunnugur mjög, og með stórri nauðgan og grátandi tárur ljet mig ofan síga í Bláturn í mjóum línstreng. Var þar svo til hátt að niðri að þar var
- 10 eitt fjalagólf eða sem einn mikill pallur, en umkringfordjúpræsi, sem ofan liggja í vatnsgröf þá, sem slotið umhverfis liggur, í hverja liggja allar rennur af slotinu. En þessi Bláturn er skaptur sem eitt egg innan, svo öllum mönnum er ómögulegt með náttúrlegum hætti eður manns krafti á burt þaðan
- 15 að komast, en þó 3 menn hafi þaðan sloppið, hvað skeð hafði fyrir djöfulleg meðöl. Þar inni sat eg án járna eður fjötra aldeilis í fullan mánuð. Og enn þó kóngur kæmi tvisvar upp á slotið í þeim mánuði Martii, þá var hann leyndur að eg í Bláturn innsettur væri, alleina þessvegna
- 20 að eg kónginum óvitandi skyldi, fyrir hans hatursemi til mín, frá lífinu dæmast. En þá fyrstu nótt, er eg þar inn settist, dreymdi mig þvilikan draum sem eftirfylgir, að mjer þótti þessi Adolph Friderich Grabov sitja upp á einum pallbita með dregið sverð, og til höggs reitt vera mjer á
- 25 háls, en eg þóttist á hinna fremri pallslánni standa með beru höfði og bljúgu hjartalagi, en þó með góðri samvisku og von til Guðs náðar, góðgirndar og miskunar um mína velferð og sáluhjálp fyrir Jesúm Christum. En nær mjer þótti hann sjer til höggs herða svo að öldungis gilda skyldi sá
- 30 eg svo sem einn barnungan prestsmann, skryddan síðum messuslopp mjög hreinum og hvítum, og halda á fögru leiftrandi sverði í sinni hægri hendi, og það hastarlega til höggs reiða að hans höfði, en sinni vinstri greip í hægri handlegg Grabov, sem hann hjelt sverðinu með hendinni,
- 35 og fyrirbjóða honum mig að slá með sverðinu, en ef ei svo vildi skyldi hann síns sverðs skarpleika mæta verða. Lengi var fyr en mjer þótti hann vilja afláta, en þó kom svo um

síðir að mjer þótti hann verða sverðinu í slíðrir stinga. Síðan eftir hans skikkan þóttist eg glaður uppstanda og í þeirri glaðværð vaknaði eg skyndilega. Þar fyrir allan þann tíma, er eg sat í Bláturn inniluktur, var eg jafnan þar eftir með góðum huga og geði.

5

A hverjum degi þessa mánaðartíma gengu daglega til mín upp á slotið þeir 3 frómu heiðursmenn, Jón Magnússon, Henrik Gíslason og Þorsteinn Magnússon, sem eg fyr nefnt hefi, mjer til huggunar, og með mjer jafnan samhörmuðu. En af því þeir fundu mig í hvert sinn heldur með gleði en fáleik nokkrum, hvaryfir þeir sig næsta mjög forundruðu, eyddist og þverraði mjög þeirra hrygð, er þeir fyrir mig þunglega báru, og daglega ljetu peninga á víxl í millum strengspáttanna, hvar eð knýttur var í það stampkorn er daglega til mín ofan seig með könnur og diska, 15 er mín matmóðir daglega mjer þangað færði fulla matar og öls, og fleira fólk í borginni, sem mjer góðs árnúðu og untu, því eg fyrir sjerdeilis Guðs náð var heldur vel kyntur en hitt hjá mörgu góðu fólki innan borgar og utan; einnin ljós og annað fleira sem mig um nauðsynjaði; þar með og líka var 20 mjer sent frá slotsherranum Keye Rantzov¹⁾ með hverjum tveim dægum einn saltfiskur, brauðhnoða, bjórkanna og eitt stórt ljós, eftir skyldu við fangaða menn og gamallri laganna venju og tilskikkan. Hvorki var þar á nóttu nje degi myrkt. Eg ljet hverja nótt 5 ljós brenna í senn, en 25 á daginn eitt, og aldrei var eg þar mannlaus utan eina nótt. Voru þar margir innsettir fyrir litlar sakir, bæði þeirra, sem voru þar innanlands og komnir voru bæði úr Jótlandi og Noregi og öðrum smærri umliggjandi löndum og hjeröðum. Einn maður, Jurgin að nafni, kominn úr Jótlandi, sá eð 30 þjónað hafði lengstum herraþólki og nú var kominn í óvild síns herra, hann sat fulla viku í Bláturni, og hann gjörði mjer fulla skemtun með mörgum frásögum hvað í Jótlandi hafði merkilegast tilborið í bland eðla og óeðla karlmanna

¹⁾ Cai Rantzau af Rantzausholm (1591—1623). Um hann sjá Biogr. Lex.

og kvenna. Þessi kom uppá Bremerhólm í það fjölmenna og stóra fangelsi, sem fyr er umgetið, og var ályktað eftir vexti hans máls í 3 ár þar inniluktur vera skyldi, með því hans mál ekki framar með nýjum glæpum ykist, annars 5 skyldi hans mál aftur að nýju trakterast, svo sem og hinna annara og eftir upphæð ályktast til lengri tíma. En vaktarinn var mjer svo elskulegur og eftirlátur og bað mig kveðja sig til í hvern stað eg hann senda vildi, og hjet mjer gjarnan það framkvæmast skyldi, er eg vildi umganga og 10 útrjetta láta.

XXVI. KAP.

Á það er nú að minnast hvað þeir frómu menn aðhöfðust nær þeir heyrðu hvað gilda skyldi, að þeir einn dag gengu til borgmeistaranna og yppurstu manna innan- 15 borgar og fengu þá til að ganga upp á týhúsið og gjöra alvarlega bæn fyrir mjer hjá yfirvöldum týhússins, og ef þeir fengi því ei orkað þeirra á meðal að eg laus yrði, kváðust þeir vilja mjer frelsi og lausn fá og útvega innan skamms hjá kónglegri tign. En er Grabov það heyrði og 20 leit þá hina yppurstu í ráðast, sló hann uppá annan hátt efni sinnar meiningar, og sagði ei svo hart gilda skyldi, það væri gjört öðrum til viðvörunar og mína djörfung þar með að lægja, og leiddi þá af með góðyrðum og mildri ræðu svo ei skyldi fyrir kóng koma. Síðan gengu þeir heim í 25 sín hús með gleði treystandi hans góðmælum.

Að mánuði liðnum gengu þessir þrír frómu heiðursmenn upp á slotið til mín eftir venju einn kvöldtíma að kunngjöra mjer hvað þeir heyrð hefðu að á morgni næstum skyldi upp á týhúsinu þing setjast og rjettargangur haldast um mitt 30 málefni, biðjandi Guð með grátandi tárum að gefa mjer sigur og blessan, og að gjöra míns máls góða endalyktan

og kváðust mín vitja skyldu að morgni, ef Guð náð til gæfi og skildust svo við mig í það sinn. Nú hafði svo til fallið, að einn bóndi af nálægstu landsbygð, sem lá undir slotið, að nafni Lauritz var í Bláturn innsettur fyrir litla ávirðing, sem var þessháttar að honum skikkaðist á þriðjudag til slotsins nauðsynja eitt viðarhlass þangað að færa, en for- sómaði og miðvikudaginn næstan eftir kom og var innsettur. Og með því þessi maður hafði áður sagt mjer sína drauma spurði eg hann um morguninn hvað hann ætlaði um mína þessa dags velgengni, hvort hann hygði mig dæmast til lausnar eða lífláts, eða hvort eg mundi í Bláturn inn aftur settur verða. Maðurinn andsvaraði og sagði, að víst kæmi eg í Bláturn aftur, en ei lífjetist, heldur væri mjer lengra líf ætlað af Guði, því sig hefði dreymt um nóttina, að honum þótti eg standa í einum húsdýrum í borginni en hann ganga um strætið og eg kalla á hann og bjóða honum til mín og til góða gjöra, hvað og sannlega svo skeði.

Að morgni snemma nær klukkan var sex komu þessir 3 dánumenn upp í turninn og fjórir kaupmenn með þeim, sem var Hans Holst og Boye Lauritzson, kaupmenn¹⁾ hjeðan úr höfnum, ítem kaupmaðurinn af Akureyri, Hans Thorkelsson og kaupmaðurinn af Hofsós, Jost Losekyl, frómur og gamall og guðhræddur maður, og einninn mín matmóðir Birgitta Lauritzdóttir, sú eð bar mjer hrein klæði og fæðslu og flösku víns, hverju eg hafnaði að mestu. Þessir frómu menn aumkuðust yfir mjer stórlega, en eg bað þá ei hryggjast, því eg treysti Guði, hvað sem hann ljeti mjer tilfalla líf eður dauða, og þar með vissi eg mitt mál- efni vera ekki í slæmasta máta fyrir mannlegu áleti, en fyrir mínum Guði vissi eg mig margsekan vera, treystandi þó fullkomlega hans ilmandi náð í míns Jesú trúfasta endur- lausnara lífkröftuga nafni, hvar fyrir eg gekk frímóðugur undir Guðs vilja og hvað sem uppá fjelli, og til þessa bað eg þá mína vitnismenn vera hingað til minna náunga.

¹⁾ þeirra Hans Holst, Joost Lossekull og Hans Therkelsen finst getið víða í Kjøbenhavns Diplomatarium. Sjá registrið þar.

Skömmu síðar kom prófoss með fjóra menn vopnaða af vaktinni frá týhússportinu, er þar daga og nætur varðhald höfðu, að sækja mig; svo fylgdust þessir þrír dánumenn, og þeir fjórir kaupmenn með uppá týhúsið, er fyrir bón höfðu 5 orðlof fengið þangað að ganga uppá rjettarganginn að sjá og heyra. Og nær vjer komum að portinu tóku mínir sambræður fagnandi við mjer, en þó grátlega margur mig aumkaði, og leiddu mig í það vakthús, er við portið stóð innanvert í garðinum, í hverju vaktin hafði sitt venjulegt athvarf 10 og umgengni. Þar inni brann kolaeldur í einni járnþönnu mjög víðri gamallri og þar til gjörðri, og þar við kolaglæður vermdi eg mig, þangað til prófoss sókti mig og hafði mig inn fyrir rjettinn.

Fyrst sátu þar innan vjebanda þau 5 yfirvöld, sem drot- 15 nuðu yfir kóngsins hertýgjahúsi og öllum byssuskyttum, sem þjónuðu undir því stranga kóngl. Maj:ts regímenti sem var 3¹/₂ hundrað fólks og fyr hefur nefnt verið. Af þessum 5 var Grabov ein aðalpersóna, þárnæst Christofor Sveink, týmeistarinn, síðan nokkuð minniháttar yfirvöld, Pjetur 20 Falk, Henrich Hansson og Hans Búss. Sá eiginlegi týhússkrifari hjet Gottfred,¹⁾ ungur vænn og dægilegur maður. Þessi elskaði mig mjög, og vildi þennan dag ekki upp á týhúsið ganga, en kveðst sjúkdóm fengið hafa um nóttina fyrir; þetta skildi Grabov og kvað uppgerða sótt vera og 25 lofaði að minnast skyldi, og úr því greri aldrei um heilt með þeim, þar til Gottfred fjeck vinsamlegt burtfararleyfi aldeilis. Nú bar svo við, að einn af byssuskyttunum að nafni Hans Mattheusson Lundur var tekinn í hans stað á þessum degi til skrifara. Þessi var og minn góður 30 vinur, og í þau tvö ár, er eg var uppá Krónborg minn stallbróðir, og tilforna verið munsturskrifari og þjónað herra-fólki. Þessum var skikkað af Grabov að uppskrifa allan málsvöxtinn okkar prófossins á millum og mín frá fyrsta til síðasta. Þessum þremur dánumönnum og fjórum kaup-

¹⁾ Gottfred Mikkelsen týhússkrifari 1618 til hjerumbil 1626. Um hann sjá Lind, bls 349.

mönnum var pláss tilskikkað að standa utan vjebanda og fólksins samansafnanar.

Og nær eg stje inn fyrir vjeböndin þá bað alt fólkið er í kring stóð með hárrí raust að Guð vildi styrkja mig og góðan framgang veita mínu máli. Síðan varð skrifaran- 5 um bifalað að upplesa hvað hann hafði eftir prófossins fyrirsögn uppteiknað. Og nær hann svo las meðkendi eg ósannindi í mörgu fram koma, og fyrirbauð eg honum neitt ósatt uppá mig að skrifa. Hann afsakaði sig stórlega og bað mig sjer til góða að virða, þó hann yrði svo að skrifa 10 sem sjer væri fyrirsagt. Grabov bað mig ei þar um sýsla, því hann kvaðst vita að prófoss mundi sönn rök færa og finna uppá sinn framburð og kærumál yfir mjer, hvar til hann skikkaði honum sín vitni að leiða og sinn framburð þar með kröftugri gjöra, hvað og skeði, að tveir menn af 15 þeim fjórum, sem stóðu í Hólmsportinu daglega vakt og fyr var nefnt, hverra formann að hjet Pjetur Róð, einn frómur mann, sá eð kallaðist inn fyrir rjettinn, og annar að nafni Christofof skradhari. Þessir voru yfirstaddir okkar prófossins viðureign. Þessum tveimur var til eiðs haldið, 20 með svo feldu inntaki, að þeir skyldu það eitt í dag um okkar viðureign bera, sem þeir sannast vissi og þeir vildu bikendir verða fyrir Guði og mönnum, og til ályktunar sverja þeir bókareið. Síðan greindi Pjetur Róð og hinn annar hið rjettasta frá fyrsta til síðsta hvað við portin hafði 25 við borið, svo að þessi þeirra vitnisburður var prófossins framburði gagnstæður.

Þar gjörðist mikill larmur í týhúsinu. Því alt fólkið upphóf að lofa Guð fyrir mitt betra málefni en prófoss með minnilegri áklögun og haturlegum áaustri. Mínir frómu 30 landsmenn þrír og þeir fjórir kaupmenn glöddust og hjervið hjartanlega. Síðan bað Grabov að gefa hljóð allan lýðinn; varð það lengi fyr en hljótt varð yfiralt. Óvart kom honum það að prófoss framburður mundi bregðast, en með því að svo skeði upphugsar hann ráð með hverju hann skuli koll- 35 kasta mjer. Og nær hljóð gafst útheimti hann 12 manna dóm af 6 arkelimeisturum, sem og kallast constabel, og 6

ársknektum eður landsknektum, þeir 6 menn þjónuðu uppá Kaupinhafnar sloti og hjeldu daglega vakt og á nætur bæði á slotsportinu og á slotsplássinu. Þessir tólf voru fyrst útkallaðir til þessa máls skoðunar og í dómssæti settir
 5 fullkomlegan dóm að uppsegja eftir artíkulanna hljóðan og á hvern veg sem málið rekjast kynni.

Þá stóð junkur Grabov upp af sínu sæti og kvaðst dóms krefjast yfir þeim mönnum, sem drukknir kæmi uppá sína vakt og hana þar með forsómuðu. Þá svaraði eg, að
 10 mjer hefði ei slíkt enn nú á hendur borist með sanngjarnlegu prófi, en eg lýsti undir heyrn allra þarverandi mig frá vaktinni með valdi og ofriki í það sinn hindraðan vera af prófossins eiginlegri hatursemi og þeirra annara, sem hann þar til styrkt og uppæst hefði, hverja Guð best sjálfur þekki.
 15 Þessi mín grátleg orð ljet Grabov sjer mislíka og bað mig munni halda. Týmeisterinn Christofor Sveink talaði ekki eitt einasta orð, heldur setti hönd við kinn sjer og bljes þungum anda.

Síðan gengu nefndir tólf menn utan vjebanda að for-
 20 höndla og traktera undir dóms aðkvæði þvilíkt málefni, er Grabov dóms á beiddist, og að því svo hugleiddu eftir artíkulanna hljóðan gengu þeir aftur innan vjebanda, og einn sá fyrir þeim var hjet Andrjes Holst, einn gamall maður, sá eð var hinn þrettándi þeirra tólf dómsmanna,
 25 þessi ljet í ljósi hvað þeim hefði ásamt komið eftir artíkulanna útvisan og forlagi junkursins Grabov, eftir hverju dómsatkvæði hann næsta langaði, sem var þessháttar, að þeir hefðu dæmt höfuð frá hálsi.

Allir menn í einu hljóði kváðu slíkt strangan úrskurð
 30 vera. Grabov ljet sem sjer stórum ægði, en þó af fláttskap meir en frómu geði. Í þetta sinn var mikill larmur í týhúsinu. Einn minn besti vin að nafni Jóhann Christiansson skaut til einu orði nær Grabov ljetst af klókskap spyrja að minni sakargift og svarað varð eg hefði drukinn
 35 uppá vaktina komið og vaktina forsómað, því lagði Jóhann þetta til segjandi: »Og hann kom ekki að fylgja trumbunni í gegnum portin.« — Þá leit eg til hans og sagði:

•Nú brast ekki nema þitt tillag. — Strax gekk hann burt og vildi gjarnan ei talað hafa, og þess oftlega síðan iðraðist og kvaðst óhugsað mælt hafa.

Nú sem málsklið fólksins sefaði svaraði eg þeim, sem dómsatkvæðið uppsagði að þeir skyldu sinn dóm hljóta að 5 ábyrgjast og fyrir Guði reikningsskap afstanda verða. Grabov kvað mig þar litlu um varða. Þá svaraði sá frómi heiðursmann (góðrar minningar) Jón Magnússon og kvað sjer þætti þessi dómur harðla strangur vera, með því mjer hefði ekki borist sannar sakir á hendur, og sagðist hafa 10 lesið garðsrjett og keisaralegan rjett, þar með dönsk og íslensk lög, og kvaðst ei betur vita en eg fullan rjett ætti að þeim sem mig röngu máli borið hefði, og á röngum framburði væri fallinn, og með svörnum vitnum þar úti augljós orðinn, Þá uppstóð Grabov með miklum móð og reiði við Jón 15 Magnússon, og sagðist til þess eins hafa leyft honum og hans fylgjurum að ganga upp á týhús-rjettinn að styrkja lögmálið og hugleiða kóngl. mandater, artíkula og skikkanir, en ekki að mótmæla eður tröðkun gjöra. Hjer við blygðaðist Jón og hinir hans meðfylgjendur, sem von var í ókunnugum 20 stað og dýrum, og kváðust ei annað mæla skyldu, en hvað tilheyrilegt og rjettvist væri og sjer sómdí. Síðan bifalaði Grabov prófossinum Söfren Nibe að taka 4 menn vopnaða af vaktinni og að fylgja mjer uppá slotið aftur og í Bláturn innsetja, því mit mál dæmdist til kóngrsins náðar og ónáðar, 25 því þeir sögðust ekki kunna að leggja fullkomlegan dauða-úrskurð á mitt málefni, og ekki því dómsatkvæði samþykkir verða, sem Andrjes hafði fyrir utan þeirra viðurvist yfirvöldunum og öllum þar nærstöddum innan vjebanda upphátt framborið og uppsagt. Þá grjetu margir í týhúsinu og mínir 30 frómu og elskulegu landsmenn með hinum sínum fylgjurum. Týmeisterinn Christofor Sveink talaði ekki eitt orð heldur grjet nær eg var á burt leiddur úr týhúsinu.

Eg gekk með góðri samvisku þaðan og kvaddi svo alla í einni summu með gráti. Og nær eg kom uppá slotið grjet 35 Niels, turnvaktarinn yfir mjer, og bað mig ei sjer misvirða þó hann mig aftur í turninn innsetti. Eg bað hann ei

þarum fást og þakkaði eg honum fyrir kristilegt og bróður-
legt kært viðmót. Svo fann eg Lauritz bónda samt í turn-
inum ófrelstan í það sinn, og kvað sinn draum að nokkru
auglýstan vera, hvað eg sannaði, og segi til þyngri og
5 hættari hluta horfa muni, en hann mótstöð þá meining, og
kvað hitt sannast mundi án alls efa það eg lausn fengi og
lífi hjeldi, og sagðist ætla, að enn meir mundi yfir mig flóa
og lengra líf af Guði tilskikkað og fyrirhugað vera.

XXVII. KAP.

10 Nú bar svo við þremur dögum síðar en þetta greint
tilfjell að junkur Grabov ljet samankalla sína áðurnefnda
12 dómsmenn til að undirskrifa sinn dóm og innsigla, og
taldi sjer góða von að dauðadómur fullkomlegur mundi
skrifaður og innsiglaður verða, hverju þeir 6 ársknektar, er
15 uppá slotinu þjentu, harðlega í gegn stóðu, neitandi því að
mig til dauða dæmt hefðu, hvar af jókst kæla og óeining
þeirra á milli, því þeir afneituðu með öllu þann dóm að
dæma, samþykkja nje undirskrifa, að eg lif forbrotið hefði,
og á því stóðu þeir fastlega. Adolph Grabov kvaðst
20 skyldi nefna aðra 6 menn í þeirra stað af týhúsinu þeim
til tráss, þeir eð skyldu mig líflausan dæma þó þeir vildu
ekki Þeir kváðu honum það innan handar vera fyrir sjer,
og gengu með bræði í burt úr skrifstofunni. En nær
Adolph formerkti og sá þeirra einþykki, og leit þá óyfir-
25 vinnanlega sendi hann boð eftir þeim. Og nær þeir komu
gjörðist sú samþykkt þeirra á milli, að setjast skyldi alt
málið inn fyrir kóng, og hvað hann ályktaði skyldi fullkom-
lega gilda. Svo hlaut alt prófossins haturlegt aðfylgi og
atferð einnin þar jafnframt að innsetjast, þó Grabov því
30 lengi mótstöðu veitti, og með þeim hætti varð dómurinn
samsettur, undirskrifaður og sendur kónginum til Friderichs-

borgar, því einkum slotsins ársknektar ljetu sjer ei annað líka en málefnið og röng áklögun prófossins fyrir rjetti og dómi kæmi alt uppritað fyrir kóng.

Einn að nafni Michel af ársknektum, sem bjó í Vingarðsstræti, einn skraddari að handverki, minn góður og gamall kunningi, hvers eg áður hefi getið í þeim stað nær biskup af Bremen í Danmörk innkom, þessi gekk uppá slotið til mín seint um kvöld þess sama dags er þessi þráttan skeði í millum Grabov og hans kompána, og færði mjer þangað flösku af rínsku brennivíni, og sagði þá alla historíu í gegn, og hann gramdist yfir Grabovs harðýðgi, sem og bæði þeir helstu í borginni og míuir stallbræður, er undir regimentinu þjentu, með sjálfum yfirvöldunum týhússins, svo að allir forundruðu sig yfir hans þverlyndi, harðýðgi og hatursemi til mín. Síðan gekk Michel heim til síns herbergis gjörandi bæn og blessan yfir mjer.

Að þremur dögum liðnum snemma morguns kom frá týhúsinu upp í turninn til mín einn frómur maður og minn sjerdeilis góður vin Marteinn Holst að nafni,¹⁾ sem jafnlega við mig ljek sem móðir við sitt barn. Sá hafði verið hjer þrjá vetur eftirlegumaður fyrir norðan land, og á Eyrarbakka 1 ár. Þessi kvaðst sendur af týhúsinu með dóminn á kóngsfund til Friderichsborgar, og bað hann mig nú að biðjast fyrir til Guðs að sín reisa mætti vel lukkast, hvers eg af hjarta óskaði að ske mætti. Síðan kvaddi hann mig grátandi, steig á vagn, er stóð fyrir slotsportinu, og fór svo til Friderichsborgar.

Kóngur meðtók og yfirleit dóminn, og að öllu svo hugleiddu spyr kóngur að, hver þessi Jón væri, hvort sá eldri eður yngri þetta sje, en Marteinn sagði þann yngri vera. Kóngur mælti að sjer virtist prófossinn hafa meiri sök, og sagði Jón skyldi laus látast, »því ei vaxa,« sagði

¹⁾ Hans er getið í Kbh. Dipl. árið 1620 sem prófoss og öltappara; hann hefur, einsog sjá má á þessari frásögn, ekki veri orðinn prófoss þegar málið var fyrir, en orðið það rjett á eftir, þegar Söfren Nibe var settur af.

kóngur, »höfuð á kálstöngum á meðal vor.« Kóngur kvaðst þekkja mig vel, og eg hefði tvisvar með sjer innan skipsborða verið; þar með væri enginn Íslenskur nú utan eg undir regimentinu. En eitt járn skyldi eg bera til þess
5 hann sjálfur kæmi, en prófoss skyldi afsettur verða.

Síðan tók Marteinn leyfi og kvaddi kóng virðuglega; ferðaðist svo hið greiðasta til Kaupinhafnar. Og næsta morgun eftir snemmindis kom Marteinn upp í Bláturn til mín, hrópandi ofan til mín spyrjandi hvort eg svæfi eða
10 vektí. Síðan heilsaði mjer mjúklega. Sagðist eg þá nótt lítið eða ekkert sofið hafa, og spurði hann tíðinda. Hann ljét sem fátt vissi nýtt að segja, utan við ættum nú að skilja, og mjer tilsegðist af kónginum að segja veröldinni góðar nætur. Hjer við tók eg til að hryggjast. En strax sem hann
15 það heyrði umskifti hann orði í munni og kvað sína gamanræðu verið hafa, og girnst að tilreyna hvernin mjer við yrði, og bað mig einkanlega sjer til góða að halda, þó hann af okkar kunningsskap svo gjört hefði; kvaðst nú fagna yfir minni lausn framar en sagt gæti og bað Guð sjer lofaðan
20 gefa, að sjer veitst hefði þá gleðifregn mjer að færa.

Síðan kom prófoss með sína fjóra vopnaða stríðsmenn af varðhaldsmönnum týhússins að sækja mig. Og nær eg kom uppá týhúsið fögnuðu mínir sambræður minni þarkomu. Síðan varð eg í skrifstofuna kallaður, hvar inni sátu öll
25 týhússins yfirvöld og 12 arkelímeistarar, og báðu mig allir velkominn vera, utan Adolph Grabov, hver eð hóf orð á þann veg: »Nú ertu, Jón Ólafsson, aftur hingað kominn með lífi, hvað eg ætlaði síst verða mundi.« — Eg svaraði: »Guð er mönnum meiri.« — Þá svaraði Grabov: »Samt
30 hefir kóngurinn gefið mjer vald til að láta þig bera eitt járn þangað til hann kemur, en ef eg hefði mátt um ráða, skyldir þú hafa komið í það stóra fangelsi á Bremerhólmi, eftir því að þú hjelst lífinu.« — Þá svaraði eg: »Hver er sú mín verðskuldan við yður að eg skuli slíkri heift og
35 hatri mæta? En tíðum hafa þau orð sannast, að sá öðrum gróf græfi án stórsaka hafi sjálfur í slysast.« — Hann spyr hvort eg óski sjer ófara? — Eg segi það ei vera, þó eg

gömlum orðskvið offri, en eitt sje það eg sannast viti og sjái í þessu efni, og eg meini hann muni ei reiðst geta, að eg eigi meir Guðs náð og kóngsins að þakka og eigna í minni lífgjöf, heldur en hans góðum ásetningi, viðleitni og orkan. Þá brosaði týmeistarinn Christofor Sveink. Grabov segir lítt sje minn móður lægður enn að svo gjörðu. — Týmeistarinn kvað svo búið nægja, stóð upp hastarlega og gekk út.

Síðan befalaði Grabov prófossinum að fylgja mjer uppá Hólminn til m[eistara] Andrjes,¹⁾ sá eð var kóngsins forsmiður, og skikkaði honum að festa um háls mjer einn járnhring á utanverðum klæðum, sem við fleiri gjört var, og uppúr honum við hnakkann var ein þunn járnbugða, í hverri að svo stór klukka hjekk, sem stórhentur maður hendi sjer hylja mátti. Og nær meistari Andrjes þennan boðskap fjekk og eg stóð frammi fyrir honum í hans stofu á Bremerhólmi, — sú var næsta prýðileg og velluktandi — gramdist hann stórlega Grabov og hans hvatskeytlegrí orðsending, og kvað hann mætti vera sjer út um annan böðul eður hentugri svein en sig, því hann vildi ei fyrir Grabov til vinna sjer að baka neins manns ópokka að þarflausu. En af því eg óttaðist Grabov mjög og hans heiftarlegt tilræði, því eg vissi ei hver verða kynni, þá bað eg M. Andrjes innilega, að svo mætti ske sem Grabov hafði um mælt, og eg þess heldur með góðu en illu minnast og aldrei þar fyrir á honum nokkra misþykkju hafa, og svo fyrir mína bón ljet hann sig þar til neyða, og gaf mjer góðan vındrykk af sinni krús fyr en eg burtgekk. Líka gjörði hann prófoss fortölur fyrir tilefni okkar viðskifta, og var mjer í mörgu meðmæltur. Síðan gengum vjer þaðan og á veginum að portunum mættum vjer aðmírál yfir Bremerhólmi Steini Vilhjálmsyni,²⁾ og sjer hverju skarti

¹⁾ Anders Bentsvinger var yfirmsiður á Hólminum 1591—1625. Sjá um hann Lind, bls. 359.

²⁾ Sten Villumsen Rosenvinge, var yfirmaður Hólmsins 1613—1630. Um hann sjá Lind, bls. 73, og Biogr. Lex.

eg er með prýddur og brosar við, ekki yfir minni vansemd, heldur yfir Grabov og hans hatri við mig, og segist merkja Adolphs litla elsku til mín, og segir Grabov skammar maklegan fyrir það, að hann hafi ranglega seilst til sín og
 5 inn í sitt embætti, í því að hann hafi dæmt um það mál við týhúsið, sem sjer hafi tilheyrt á Bremerhólmi um að dæma, að sækja og svo kvitt að gefa, og hefði jeg sent sjer skilvís boð þá skyldi hann mig strax liðugan gjört hafa, og lofaði að Grabov skyldi eiga fullkomlegt lagaávarp hjá
 10 sjer þar fyrir áður en alt um þryti, og segir að Grabov eigi ekki neitt með þá sem kóngsins flota vakta skyldi, og þar sem Grabov hefði án kóngs befalningar það járn upp á mig setja látið sagðist hann strax skyldi láta burt taka. Síðan skildum vjer og gekk hann upp á Hólminn en vjer
 15 upp á týhúsið.

Grabov þóttist eiga happi að hrósa að honum gafst makt svo við mig höndla, og forbauð mjer út af týhússins portum að ganga fyr en kóngur kæmi, og var mjer þá af honum tilskikkað uppá einum hvelving eður háum steinsal
 20 einmana næturstað að hafa, og voru mín sængurklæði þangað höfð. Grabov skikkaði mjer klukkunni jafnlega að hringja, annars hjet hann mjer meiri harmkvælum, en týmeistarinn og hinir þrir, er mjer jafnan góðs untu, sögðu mjer í hljóði að eg það ei gjöra skyldi, heldur hitt, honum til tráss og
 25 móðs klukkuna með hamp tilstappa, hvað og skeði, svo hann oftlega þaraf fyltist heift og bræði, en af því allir hjeldu með mjer skeytti eg honum að litlu, og þess lengur sem leið þess djarfari gjörðist eg honum í gegn bæði í orðum og atvikum, svo hann um síðir þreytti nokkra aðfinni við
 30 mig á loft að bera.

Þeim járnsmið, sem þjenti upp á týhúsinu að smíða allrahandu er við þurfti, var eg fenginn til erfiðis, hverjum eg vel þóknaðist og minn góður vin gjörðist. Var eg nærri í mánuð uppá týhúsinu, svo að mig minnir, að þessi mín
 35 rauna og fangelsisdægur, er eg í þremur stöðum úthjelt, reiknuðust 9 eða 10 vikna tími alls og alls. Oft bar það við í þann mánuð, er eg á týhúsinu var inniluktur, að frómt

fólk af mínum kunningjum sendi tvisvar og þrisvar í hverri viku mjer uppheittan mat vel tilreiddan, þar með vin og öl með sínum þjónustusveinum og meyjum. Þessi kærleiksverk og kristilega náungasemi var ekki sístur sá frómi mann Söfren Villatsson skraddari bæði með vilja og 5 verki að auglýsa þann tíma sem endrarnær; sá mátti reiknast faðir allra Íslenskra þeirra er höfðu veru og vist innan Kaupinhafnar porta, og hans góðmannlega leituðu, hvers nafn og minning ekki ætti af mjer gleymt verða, svo lengi sem eg fyrir náð Drottins hjer í veröld til endist.

XXVIII. KAP.

10

Og nær eg í þrjár nætur hafði uppá týhúsinu um þennan tíma míns fangelsis verið þá kom þar einn turnsmiðsmeistara-sveinn að nafni Zacharias, skertur nokkuð að viti, uppá týhúsið, að hverjum bifalað varð varðhaldsmönnum týhússins trúlega að gæta. Þessi maður var gæddur mjög með and- 15 legri og veraldlegri visku og skörpum skilningi. Hans meistari bjó í Helsingeyri. Svo hafði skeð fyrir liðnum tíma að kóngurinn hafði sent honum boð, og á blað uppritað eitt mjög fábreytt turnsmiði, á þann hátt þar sem þúsund manns upp gengi í turninn skyldi ekki sjást nema 20 einn í senn uppstíga. Þar með hafði kóngur ásett tíma nær ferðugur og búinn skyldi. Þetta kóngrsins uppáfundið og tilsagt smíði fjell þessum turnsmið harðla þungt, og fjekk fáleika svo glögglega merkja mátti. Einn dag í heimuglegum stað finnur hann þennan áður nefnda Zacharias, 25 sinn meistararvein, og biður hann um aðstoð og góð ráð, svo hann verði ei sneypur fyrir vansemdar sakir, ef svo til fjelli, sem hann þóktist glögglega fyrir sjá, ef sjer legðist ekki hjálp og góð ráð af hans hendi, en bað hann þó dult með fara, og hjet honum án síns daglegs verðkaups góðum 30 launum að gjörning framkvæmdum. Zacharias upphóf

að viðleita og speculera uppá greint smíði, svo að verkið
 vel til gekk og til lykta fram leiddist, svo að kóngi vel
 geðjaðist, hvað meistarinn alt sjer og sinni ment tillagði.
 En að nokkrum tíma liðnum kveiktist rómur í borginni
 5 þessháttar að Zacharias hans þjenari mundi meistararum
 hafa drjúgari orðið í greindu smíði, hvaraf hann fjekk hatur
 til þjenarans, og meinti hann vera orsök til þvilíks ryktis,
 hvað þó ei sannaðist. Skömmu seinna fann Zacharias
 missmíði á högum sínum og hjelt hann það að hann hefði
 10 sjer með göldrum það gjöra látið, en með því mönnum
 leitst hans orð af brjáluðu sinni og þau komu ekki fyrir
 yfirvöldin, þar fyrir talaðist þar ei frammar um af hans hendi.
 Var það í hálfu ár hann bar þennan veikleika og batnaði
 vel síðan. Þessi maður var einn frómur maður og guð-
 15 hræddur eftir mínu veiklegu álitu, og merkja mátti millum
 áhlaupa og þungra freistingahríða. Þessum skikkaðist rúm-
 staður á þeim hvelfing eður steinsal, sem eg hvíldist, og
 var við höfnina og fyrsta innhlaupið, í hverri að lágu 11 af
 þeim smæstu kóngsins stríðsskipum, á hverjum vakt var
 20 haldin nætur og daga, sem þau hvern vetur þar inni lágu.
 Zacharias hafði bækur hjá sjer í hverjum hann daglega
 las þess á milli hann freistaðist, en í mestu áhlaupum fleygði
 hann þeim af hendi og bar til hann guðlastaði, hvers hann
 seinna sárlega iðraðist. Í hans stóru árásum máttu engir
 25 hann snerta utan eg alleina, svo eg tók hann þrátt með
 mestri hörku og dirfsku nauðugan í mitt fang og bar hann
 til rúms, og lagði mig svo flatan yfir hann með góðum
 fortölum og hörku aðfylgi. Stundum sló hann mig og hrækti
 í mína ásjónu, hvað eg leið með þolinmæði, utan hvað eg
 30 með hastyrðum og andlegri vandlætingu fyrir Guðs anda
 upplýsingu kastaði þrátt djöflinum fyrir nasir sína andlega
 skömm og vanvirðu æfinlega og ofbjóðlega harðýðgi, er
 hann ljeti í ljósi við Guðs börn, þegar Guð svo leyfði. Oft
 þakkaði hann Guði og mjer með grátandi tárur og bað
 35 mig auðmjúklega fyrirgefningar. Cancelaranum og slots-
 herranum hafði hann fyr en þar kom með þunglegum
 orðum grimmlega tiltalað. Síðan kom Guð með sitt hjálpræði

honum til liðs og góða, svo að hann komst til þess embættis er hans meistari skömmu síðar frá deyði, og varð eiginnmaður hans kvennu, og lýkur því máli á þann veg sem nú er greint.

Nú er þar til máls að víkja að í Aprílmánuði sem 5 var eftir páska að kóng Christián kom með veglegu föruneyti upp á Kaupinhafnar slot og samdægris til týhússins, hvar um þangað boðskapur barst fyr en skeði. Týmeisterinn kom í smiðjuna mjer þetta að undirvísa af góðmensku sinni, og segir eg skuli nú í dag láta mína klukku hringja 10 í kóngsins nálægð, og ráðleggur mjer að eg skuli mig auðmjúkan auðsýna og til kóngsins djarflega tala, en þó með allra mesta auðmýktarhætti. Hann lofar hið mildasta tilleggja ef nálægt stæði.

Nú rennur rakki kóngs eftir venju undan honum hvert 15 sem kóngur ásetti sjer að ganga, svo hann varð oft þægileg viðvörun mörgum, svo að kóngur kom ei óvarlega tíðast. Eitt hús innan múra stóð við smiðjuhúsið, sem nefndist verkstaður. Þeir sem voru nefndir kóngsins fyrverparar,¹⁾ sem voru ungir menn af byssuskyttunum, þeir þjónuðu þar 20 inni uppá fyrverkið, er eg fyr um talað hefi. Þangað plagaði kóngur ávalt að ganga nær hann kom til týhússins, svo sem nú og einninn viðbar. Með honum gekk prinsinn s[álugi] og hinir tveir hans synir, hertug Friderich og hertug Uldrich, þar með cancelerinn Jacob Ulfeld²⁾ og 25 slotsherrann Keye Rantzau með þeim fleirum þjónustuveinum og hofjunkum er með fylgdust.

Og nær kóngurinn af dyrunum inn stje stóð eg við belginn að blása, og í því af ljet er hann gekk nær. Þá segir kóngur: »Hver hefir þig Jón svo prýtt og tilsett?« — 30 Þá fjell eg niður á mitt annað hnje og bað kónginn náðugan

¹⁾ á dönsku Fyrvärper eða Fyrvärker; þeir voru næstir fyrir ofan byssuskyttur í fallbyssuliðinu, og urðu menn að standast próf til þess að komast í þá tign; sbr. Blom, Chr. IV.s Art. bls. 22.

²⁾ Jacob Ulfeldt (1567—1630) varð rikiskanslari 1609. Um hann sjá Biogr. Lex.

álíta yfir mjer fátækum og framandi. — Hann gekk svo fram betur að smiðnum, og horfði á hann það hann var að smíða. Og með því kóngur þagði gjörðu og slikt hið sama allir hans meðfylgjara. Nú stóð Grabov á bak til við kóng
 5 og hugsaði hann skyldi nú nálægt til andsvara ef með þyrfti. Þá lítur kóngur til Adolphs og segir: »Er það Jón, sem vaktina hefir forsómað?» Grabov svarar strax já. — Eg svaraði: „Náðugi herra! Eg bið yðar kónglega Majestat náðuglega að virðast að heyra mitt eitt orð.« — Kóngur
 10 svarar: »Svo tala hvað þú mátt með æru gjöra.« — Eg lýsi prófossins hatur og ofriki í það sinn við mig framkomið hafa, hvar með eg hindraðist mína vakt að standa, og þar með hans ranga ákæru fyrir dómi. — Grabov svarar: »Haltu þínum munni!« — Kóngur þagnaði við um stund, og allir
 15 þeir umkring stóðu. Síðan leit kóngur mjög hastarlega til Grabov og sagði: »Láttu hann verða lausan af sínu jární og fangelsi nú rjett strax, svo hann sje fri!« — Síðan segir hann til mín: »Sjá þig vel umkring framvegis, kæri Jón!« Eg bað grátandi Guð honum umbuna með tímanlegri og
 20 eilífri blessan. Kóngur sagði til Jacobs Ulfelds og hinna er þar umkring stóðu: »Þessi er einn Íslendingur, einn fallegur ungur maður, og hefir verið í tvær reisir innan skipsborða með oss, og þóknaðist oss vel hans umgengni, og eru hjer nú ekki fleiri undir regimentinu en hann einn.
 25 — En sá prófoss skal afsetjast, og bæri að hafa skömm í þökk.« — Fyrirbauð honum að bera stjórnarsprotann framar meir. Grabov vogaði ekki eitt orð að tala.

Kóngur skipaði smiðnum, sá eð hjet Hans Vestfoling, að taka járníð af mjer, hvar honum varð mikið fyrir að ná
 30 því með þjöl, því þar var hneðinn nagli í þar sem hálsbryggjan var samanlukt. Kóngur gekk í verkstaðinn, þar sem fyrverkið inni handtjeraðist. Og nær hann gekk fram um aftur spurði hann hvort smiðurinn væri ekki búinn. En hinn kvað mikið að gjört vera. Kóngur skipaði honum
 35 hraða sjer og enga dvöl á gjöra.

Kóngur gekk burt og út í forgarð týhússins, og gekk að skoða eina bómu tveggja eða þriggja feðminga þykkva,

er hann hafði til hafnarbröskulds þar við týhúsið gjöra látið, er svo var stór og þung að hundrað menn höfðu nóg af, ef úr stað hræra skyldu. En svo var henni háttað að einn maður gat við hana vel ráðið nær hún skyldi fram á sjóinn af landi rennast, sem gjört var hvert kvöld, að henni var yfir um höfnina af landi skotið, og var gjört með einni vindu, og eins var hafnar-vængjahurðinni með sama hætti aftur lukt hvert kvöld. 5

Nú sem kóngur var að skoða þessa bómu þá kemur týmeistarinn hvatlega og með grimmri reiði í smiðjuna gangandi og útdregur sitt sverð, er við hans síðu hjekk, og segist skuli smiðinn heilahöggva, ef hann ekki með fljótasta og kostgæfilegasta hætti sem fyrst mig af járninu losi, og bölvaði með reiðasta hætti junkur Grabov fyrir þrásamlegt hatur og ilskufult umsátur í gegn mjer, hvað hann nú auðsýni úti, þar hann sje nú að klaga mig fyrir kónglegri tign, að eg sje sjer of stórbrotinn, og bað kónginn að hann mætti fá því ráðið að halda mjer undir þvingan eitt hálf ár uppá týhúsinu, en sagði kóngur hefði engu tilansað. 10 20

Síðan varð eg laus af mínu fangelsi. Þá skipaði týmeistarinn mjer að ganga strax burt af týhúsinu, og heim í mitt herbergi, sem var upp í Austurstræti, og ekki í fullar 6 vikur aftur koma. Hann kvaðst skyldi það forsvara Eg þakkaði honum auðmjúklega fyrir sína kærlega og kristilega meðaumkan og góðar tillögur. Síðan kvaddi eg smiðinn og þakkaði honum fyrir alt vel gjört, og hann grjet sem barn, og kvaðst engan slíkan mundi fá af öllum, er sjer af byssuskyttum skikkaðir yrðu. 25

Svo gekk eg til portsins og vildi út ganga. Satt var það, að vaktarinn og alt fólkið gladdist yfir minni lausn og frelsan, en samt bar svo til, að nær eg vildi út ganga varð mjer því hamlað, því þeir sögðu sjer það af Grabov fyrirboðið vera, og báðu mig sjer það fyrirgefa. Eg setti mig niður á vaktbekkinn og grjet beisklega, og hugsaði eg þá til Davíðs og Sáls. — Í því kom týmeistarinn hvatlega gangandi, og þangað sem eg sat, og spyr hvað því valdi að eg 35

þar sitji og gráti. Eg segi sem til gekk. Hann þrífur karsklega til mín og skipar mjer út að ganga, og segir ef nokkur sje svo djarfur að vilji mjer hamla út að ganga skuli hann þar til dauðs höggva með sínu eigin sverði, á
 5 hverju hann hjelt dregnu sjer í hendi. Síðan gekk eg frjáls fyrir hverjum manni í burt þaðan. En mikið fúss varð síðan að mjer burtgengnum með Grabov og týmeistaranum, svo týmeistarinn bauð honum til einvígis, en Grabov þorði það ekki, því týmeistarinn var hinn besti ein-
 10 vígismaður, og til margra lista og íþrótta lagaður. Og nær eg kom í borgina fögnuðu mjer allir mínir kunningjar og landsmenn.

XXIX. KAP.

*Hjer talast með styttesta hætti hvernin skömmum tíma
 15 síðar en þetta áðurgreint við bar að um ventist lukkan fyrir Grabov, sem tíðum þá hendir, er öðrum gröf grafa, en svo að glöggvara skiljast þá hlýtur allan tilrekstur að greina, sem að málinu hnígur, er svo byrjast sem eftir fylgir.*

20 Einn af vorum samþjónum upp á tyhúsinu Söfren Andrjesson að nafni, sá eð var mjög á aldur kominn og einn frómur og kyrlátur maður, hafandi góða formegan mörgum af oss til framar, átti sjer eina friða miðaldra kvinnu Mettu eða Matthildi að nafni, og við henni tvo
 25 syni, Rasmus og Andrjes, þeir eð siglt höfðu að Spania, fallegir ungir menn. Þessi Metta var vel kynt, bæði hjá herrafólki, borgurum og bændum, og ljetst læknisdóm með fara, sem var þeir sem höfðu móðsótt, mældi þá með bandi, signingum og pári svo þeim batnaði; item við kveisu og
 30 köldu ljetst ráð kunna, og þáði peninga fyrir af bændum;

ítem ljetst kunna ráð við óperrum og þáði peninga, hvar fyrir klögun kom af hendi bænda að fyrir slíkt gigleri og fagurmæli hefði gínt peninga af mörgum. Þetta spyrst uppá Kaupinhafnarslot, og lætur slotsherrans frú senda eftir henni að hún fyndi sig, með slotsherrans ráði, og lætst segja henni 5 í einmælum að hún hafi mist eina silfurkönnu, og biður hana því til leiðar koma, að hún fengi að vita hver hana tekið hefði, og gaf henni vín að drekka og hjet stórum launum að öllu framkvæmdu. En þó hún lengi undan færðist var fyrir vináttu og skenkinga sakir að hún lofaði henni á 10 næsta morgni aftur að koma og nokkra úrlausn gjöra hennar ósk. Nú kom hún að morgni, og segir frúnni, að hún megi leita að könnunni hjá sinni þjónustupíku, sem hún nafnnefndi. En slotsherrann stóð fyrir framan herbergisdýrnar er þær voru inni, og varð hún þar handtekin og í fangelsi sett hjá 15 slúttaranum, það er sá sem innilykur og út sjer hvern fanga, bæði þá sem sitja í ráðhúskjallara og heima hjá honum sjálfum, upp á lífs eður lima straff. Oftlega varð hún sett upp á pínubekkinn uppá ráðhúsinu og vildi aldrei neitt annað meðkenna en sem greint er, og kvað það sæmra að 20 pína þær og písla sem með eitri fyrirfæri mönnum sínum eður sínum ektamanni. En þeir eftirleituðu af kappi. En hún upphóf á þann hátt, að kona ein í Stærri Ferjustræti, Anna kvinna Þjeturs Holstis, hefði beðið sig vinsamlega að kaupa sjer þá eitran sem nægðist einum til líftjóns, því 25 Grabov hefði sig innilega beðið áður en hann hefði ferðast heiman, að fyrirfara manni sínum, sá eð var mjög aldraður maður og hjet Þjetur Holst.¹⁾ Hann hafði verið kóng Friderichs og kóng Christiáns kaptugi, frómur maður og guðhræddur og góður í álitu, og nær hann gekk 30 út af húsinu að spátsera til góðra vina eður til strandar

¹⁾ Peter Asmussen Vejle eða Holst; um hann sjá Lind, bls. 138—139. Hann dó 15. Nóv. 1620. Þá var Cai Rantzau ekki lengur slots-herra, heldur Chr. Friis kanslari (frá 6. Júní 1620); kona hans var Barbara Wittrup. RC.

að skemta sjer þá gekk hann við tapar¹⁾, svo sem borgmeistarar og aðrir embættismenn plöguðu að gjöra. Kóng Friderich hafði tileinkað honum hundrað dali árlega til uppheldis alla hans lífstíð, hvað honum heim fluttist í naut-
 5 um og sauðum og svinum og öðru þessháttar hvert haust fyrir hans húsdyr. Þessum sínum fróma ektamanni hafði hún tilreitt einn sængurstað upp á lofti síns húss fyrir mörgum árum. Í þessu sama húsi hafði Grabov haft herbergi í 10 ár fyr en nú svo við bar.

- 10 Nú vikur þangað aftur sem áður nefnd Metta offrar þessu máli fyrir borgmeisturum og ráðsherrum staðarins, að Anna hafi sig hjer um beðið og heitið sjer stórlaunum þar fyrir og bruggaði fyrir sig svo nægði, því hún þyrði ekki annað, því hann hefði afneitað sjer elsku, yndi og kærleika
 15 utan svo fjelli að hann væri í burt nær heim aftur kæmi, sem þá var burtreistur í land Holsten til foreldra sinna, og hafði með vilja svo til ætlað, að hann skyldi ei þá heima vera nær svo skeði. Hún kvaðst bruggan til slíks afneitað hafa, en sagðist þó hafa breisk orðið fyrir hennar langgæðan
 20 bænastað að kaupa fyrir hana þvílíka eitran, er nefndum manni hefði til lífláts orðið, en hefði honum hvorki bruggað nje borið. Þetta var uppskrifað en ei uppborið, heldur leynt til þess Grabov kom heim. En þessi Metta var líflátin upp á Gamaltorg, er svo kallast, fyrir austan ráð-
 25 húsið, á venjulegu plássi til aftöku.

- Nú er þar frá að segja, að um kvöld það, sem Grabov var kominn heim, þá var vaktmeistarinn Söfren Trafn með allri skarvaktinni 32 mönnum, þangað sendur, nær alt fólk var í svefn komið, og börðu þar að dyrum. Grabov
 30 átti sjer vini marga, og sögðu honum þá heim kom hver kvittur á var kominn, þó hljótt gengi í borginni, hvar fyrir hann mætti sjer vara taka. Nú klæddist Grabov með

¹⁾ Próf. Björn M. Ólsen hefur bent mjer á að þetta muni vera sama og enska orðið *taper*, kerti, og er þá líkl. hjer átt við einskonar blys (vaxblys?). Í dönsku er til „Tabersvend“, blysberi (Kalkars Ordbog over det ældre d. Sprog).

hast og gengur til anddyra, og spyr hverjir á knýi. En
 vaktmeistarinn segir að góðir vinir á knýi, hverja Grabov
 biður um nótt heim ganga, en nær dagur sje megi þeir aftur
 koma. Vaktmeistarinn hótar hurðbroti, ef ei væri upplokið.
 Grabov biður um frest meðan ljós kveikist, og gengur nú 5
 í stofu, tendrar ljós, og með hast stingur henni í stóra kistu,
 lýkur og lætur klæðisþjanka yfir til hylmingar. Nú gengur
 hann til dyra, og spyr þá við hvern þeir erindi eigi. Vakt-
 meistarinn segir þeir eigi erindi við þá konu er hjer búi.
 Grabov segir hún hafi um kvöldið út gengið til góðra 10
 vina, en viti þó ei hvert. Hinn biður hann samt upp ljúka,
 sem hann og gjörði. Og nær að þeim inngengnum og um
 stofur og loft athugað höfðu og eftir leitað og ei fundið
 hótudust þeir við alt upp að brjóta, kistur og skrini, skápa
 og hvað annað, sem í vegi stæði og grunsemd gæfi um 15
 hylming konunnar, en Grabov með góðyrðum aftraði þeim
 það að gjöra og gaf stikpeninga, og varð hönd að rjetta
 um ábyrgð og borgun í konunni til næsta morguns. Síðan
 gengu þeir þaðan, og að morgni næstum sendust Grabov
 boð af borgmeisturum, að hann án dvalar kæmi uppá ráð- 20
 húsið. Og nær svo skeði sögðu þeir honum best að gjöra
 sín handsöl laus um borgun hans húsmóður Önnu, sem
 manni sínum hefði með eitran fyrirfarið, og sögðust meina
 svo máli og efnum varið að sjálfur hann mundi fullnóg hafa
 að umsýsla sína sjálfs nauðsyn fyr en lokið væri því efni, 25
 hvar við honum brá næsta þunglega. En nær og á meðan
 þetta þeirra samtál yfir stóð voru tveir menn sendir frómir
 og erlegir frá borgmeisturum með járn fóta og handa til
 Önnu, hana þar í að setja og varðhald á henni að hafa.
 Og nær þeir komu í hennar hús og hún lá í sínum klæðum 30
 í sinni sæng, og hún varð vör við járnin brá henni lítt við,
 og spyr hvað þau járn skyldu merkja. En þeir segja alt
 sem komið var. Hún segir að ei þurfi slíks við, því Gra-
 bov sje sinn borgunarmaður. En þeir sögðu því öllu upp
 brugðið. Og nær sem hún það heyrði greip hún í sinn 35
 vasa og tók þar upp af tvo silfurbúna hnífa, sem Grabov
 átti, og með öðrum þeirra gegnstakk hún sig nálægt

hjartanu og kastaði til dyra með ósk þeirri, að hann og stæði í hans hjarta. Strax óskaði hún prestsins. Svo kom M. Nikulás sóknarherra til St. Nikuláskirkju til hennar,¹⁾ og játaði fyrir honum sinn þunga misgjörning, að hún í 9
 5 ár hefði flekkað sinn ektaskap í vondri sambúð með Grabov, tvö börn aflað, en forsómað löglegar samvistir með sínum ektamanni, til hvers misgjörnings að hún lýsti Grabov fyrst og fult tilefni vera, og þar til hans vond áeggjan, áður en heiman hefði farið, að gefa manni sínum inn forgift
 10 til fullkomlegs liftjóns, hvarúti hún væri fundin sönn að sök, og hún hefði fengið fóstru sinna barna þann eiturdrykk í venjulegri könnu upp að bera, sem plagast hvert kvöld honum til nætursvölunar. Og með því hana með gráti svo mjög angraði hennar misgjörð og girntist huggun af Guðs
 15 orði þá í sinni dauðans neyð af prestinum, þá lét hann henni það í tje með heilagri aflausn og sakramentis-meðtekningu, og dó síðan. En fóstran varð í fangelsi innsett og varð lífið að missa, þó hún byði þar upp á sinn eið, að hún hefði þar ei afvitað að honum með þeim hefði
 20 eitran borist. Lík þessarar kvennu, Pjetur Holstis Önnu stóð ógreftrað fyrir ofan jörð í 13 vikur, og var haft út á Nýkirkjugarð, sem var fyrir utan Norðurport staðarins, og stóð þar í tveimur kistum á líkbörum undir einu skúri. Margur lá fram á hennar kistu, svo eg sem fleiri, og drukkum
 25 þar við margan pott öls á sunnudögum, nær vjer þangað spátseruðum. En það hennar lík svo lengi ógreftrað stóð fyrir ofan jörð skeði fyrir þesskonar orsakir sem hjer eftir segist.

¹⁾ Af því enginn prestur við St. Nikuláskirkjuna heitir svo á þeim tímum, geta RC til að það hafi verið Niels Mikkelsen Aalborg (1562—1645) prestur við Hólmskirkjuna 1617—1639.

XXX. KAP.

Og nær sem þetta skelfilega verk var yfirstaðið, að þessi Anna hafði sig sjálf aflífað og áður lýsti Grabov sjer jafnsekan í þvílíkum glæp vera sem fyr er getið, jafnskjótt spratt þessi sögn fyrir kóng og var Grabov strax fyrir kóng 5 kallaður og skyldi senn í Bláturn setjast. En í þann tíma voru í Kaupinhafn margar aðalpersónur nýlega aðkomnar, til hverra hann sendi hastarlega, og fyrir þeirra bænastað fjekk þá náð, að 12 menn, 6 af aðli og 6 borgarar, skyldu ganga í borgun fyrir hann, að hann ei umhlypist til þess 10 að herradagur var upp á Kaupinhafnarsloti nærri miðju sumri haldinn. Kóngur vildi strax hann rjetta láta, og kvað þó hundrað líf hefði að öllum tortímt hefði, og þessvegna skyldi hennar lík ei fyrri greftrast en hans lík með hennar í sömu gróf kæmi, og ei meintu menn annað en svo mundi 15 tilfalla. En nær herradagur var haldinn þá báðu allir fyrir og um Barabbam eður Grabov, að hann laus gæfist, af þeim danska aðli, er svo frekt í því efni gengu á kóng, að hann varð þvert sinni vild í móti láta svo vera sem þeir með sínum frúm og dætrum um báðu, svo Grabov laus 20 gjörðist, hvers máls ábyrgð hann lagði þeim á hendur og herðar fyrir Guði. En fyrir það hennar lík varð grafið kom hennar bróðir úr landi Holsten, sá eð Marteinn hjet, og gaf út 300 dali að hennar líkami mætti grafast innan-garðs í kristinna manna reit, og fjekk ekki nema til hálf. 25

Fimm menn mistu sitt líf fyrir þeirra glæps sakir; fyrst ein fróm vefarakvinna, sem hjet Elísabet í sama stræti er fyrst af öllum gaf sig upp um þeirra samanlífnað, og sagðist ugga fyrir þungu straffi þeirra, er þar inni bjuggu vegna þessara tveggja persóna, Grabovs og Önnu, er svo 30 athugalaust lifðu í sínum skelfilegum glæp og vondri breytnei við þann fróma og gamla mann Pjetur Holst, er nærðist

af þeirra diskaleifum. Þetta hnjóð og konunnar umtal og vandlætningarorð spurðist til Grabovs herbergis, og keyptu tvö drengmenn til að gjöra skelfing konunni, þeir eð stóðu undir hennar húss vindaugum, og um kvöldið, sem hún settist
 5 til borðs hjá manni sínum, þá gáfu þeir upp svo grimdarleg hljóð sem flögð eður skrímsl verið hefði. En komið var nálægt hennar barnburðartíma, og nær hún þessi hljóð heyrði fjell hún strax dauð niður. Þessir drengir flúðu. — Sá annar er sitt líf ljét var sá frómi gamli mann. — 3. var
 10 Anna hans kvinna, er sig sjálf lífljet. — Sú fjórða var Metta, sem hálshöggvin var fyrir það hún eitranina í krambúðinni keypti. — Sú fimta var sú einfalda og fróma fóstura, er drykkinn upp bar til mannsins sængur, sú eð og Anna hjét, ein dægileg persóna, yfir hverja öll borgin nálega sig
 15 aumkvaði sárlega, og veit eg hún var kölluð fjórum sinnum fyrir rjettinn, og stóð það yfir í hálfu ár fyr en varð rjettuð, hver að vottaði sitt sakleysi til Drottins. Lýkur hjer um framar að tala, utan Grabov hjelt samt lífinu og varð enn settur yfir byssuskytturarnar, þó þeim ei vel líkaði, en þó
 20 með því skilyrði, að hann friðsamlega við hvern mann höndlaði, en ef öðruvísi reyndist skyldi annað pláss því óhentugra fá.

Og liðu nú svo stundir fram þar til kóngur lætur oss tilsegja með prófoss, sá eð var Marteinn Holst og í hins
 25 stað var nýlega kominn, á einum sunnudegi að vjer allir byssuskyttur skyldum að næsta morgni komnir vera til eins slots upp í landinu er lá 2 milur frá Kaupinhafn er Ifstrup¹⁾ hjét, nær klukkan var 6, það er miður morgun hjá oss, og urðum vjer um nóttina á ferð að vera flestir af oss. Hen-
 30 rich hjét sá maður, er eg með fylgdist um nóttina, og komum við á þann veg, er lá til Friderichsborgar. Þeim vegi er svo varið, hver eð kallast kónigsvegur,²⁾ að hann er upphlaðinn sem stjett og svo hár sem vel vaxinn maður víðast

¹⁾ Ibstruphøll; þar heitir nú Jægersborg. RC.

²⁾ Á kónigsvegum mátti þá aðeins ferðast konungur sjálfur og þeir sem hann leyfði.

og enn hærri í sumum stöðum, og er með portum víða. Um nóttina skein nokkuð tunglið stundum, svo okkur varð það til liðs. Á þessum vegi fundum við eyk nokkra, er bændum tilheyri; hana voguðum við að taka, beisluðum og henni á bak stigum og höfðum gott lið af henni mest 5 af veginum. Ekki fórum við um almenningaveg, því við þorðum ekki, heldur tókum við það til ráðs að lyfta henni uppá kóngsveginn, hvað okkur vel tókst, en þó með stórum erfiðismunum. Og nær við voguðum ei lengur ljetum við hana síga ofan af þessum kóngsvegi aftur á sljettlendið, og 10 komumst svo án slysa. Og um morguninn, nær kóngur sjálfur munstraði, vorum við og allir aðrir þar komnir, utan einn brast, sá eð Malcus hjet, og var einn bartskeri að embætti, annar bartskeri var og undir regimentinu, sá eð Pjetur hjet. Þessi Malcus kom skamt eftir það að fólk alt var 15 upplesið. Ekki talaði kóngur um það, en strax sem þessi Malcus kom skipaði Grabov strax inn í fangelsi að setja. Og nær miðdagur kom gengum vjer allir fyrir kóng og báðum hann lausan, hvað oss veittist strax, og brást kóngur ókunnugur við, að hann var í fangelsi kominn, og gaf þá 20 skuld uppá Grabov.

En sú iðja, sem vjer þar höfðum fyrir kóng og oss hjet launum fyrir var svo, að þar fyrir sunnan Ifstrups slot var eitt kringlótt vatn, í hverju hafði skógur vaxið, hvern kóngur hafði upphöggva látið, og á sama sumri allar rætur 25 þess skógs uppsaga látið niðri jafnt grunni vatnsins, og það fengið af sjö hógþýskum¹⁾ mönnum, er þesskonar list lært höfðu, og þessar skógarrætur, er þá allar frá grunni lausar voru, áttum vjer í þessu vatni að höndla, uppdraga og í einn köst koma, hvar og til kóngurinn sjálfur styrkti einnin, 30 nær á land kom. Og eitt sinn í þá þrjá daga er vjer vorum til Ifstrup bar svo við, að kóngur kastaði hnyðjurótum uppá köstinn, einni eftir aðra, að Grabov stóð á bak til við kóng með sitt sverð við síðu, hvers klót og hjölt að forgylt var, og með sína glófa gullbaldýraða. Og nær kóngur 35

¹⁾ o: háþýskum, sbr. þýska orðið hochdeutsch.

leit við sá hann Grabov standa svo drambsamlega sjer til baka, en svo brá kóngi við, að vjer meintum hefði hann ei sitt sverð frá sjer lagt eður sinn regimentisstaf í hendi haft, mundi Grabov þess vis hafa orðið, að hann á bak til við
 5 kóng stóð svo rembilega og slíkt óbljúgt hjarta hafandi, að hann gat sjeð kónglega tign sig svo mjög lítillækka og sig til erfiðis gefandi verða. En samt varð Grabov svo skelkaður við þau orð, er kóngur reiðuglega til hans sagði, að hann með mesta hast greip af sjer sitt sverð og tók til
 10 verksins, og hjelt því fram svo lengi að kóngur var persónulega viðstaddur. Ei ógladdi oss þá kóngur talaði til hans, og spurði hann að, hvort hann væri ekki of djarfur, þar hann sæi alla í fullu erfiði standa og sig einnin, en dirfðist með drambsamri hegðan sem einn hundur þar iðjulaus
 15 standa.

Einn tíma í frávist kóns segir Grabov til mín, eg og eitt hundrað af mínum landsmönnum, hann vildi þeir væri sjer undirgefnir til þvilíks verks, og hann eftir vild sinni mætti yfir þeim herskja og drotna. Þá ansaði eg brosand
 20 og segi samt þjóti í þeim skjá, en ekki sagðist eg ósk hans svo mjög afvirða, að með því nokkuð framgengi eftir minni ósk og vild, að það hundrað, sem hann um bæði, væri allir sem Grettir sterki og Ormur Stórólfsson eður slíkir fleiri. Þá brosaði alt compagníið, en hann andvarpandi í
 25 burt fór.

Það þriðja og síðasta kvöld sem vjer þar vorum vildi Grabov að vjer skyldum lengur áfram á iðju halda en við týhúsið var gömul venja og jafnlega plagaðist, sem var stund eftir nón. En vjer skeyttum því ei, klæddum oss og geng-
 30 um fyrir kóng og sögðum sem til bar. Grabov var strax fyrir kóng kallaður og mátti þá enn heyra kóng byrstlega til sín tala og harðinda hótan. Síðan þakkaði kóngur oss bæði hlýðni og starf og gaf oss 12 tunnur öls af því öli, er kallist kónsöl. Síðan ferðuðumst vjer heim um kvöldið,
 35 og komu fæstir á næsta degi til týhússins.

Einn dag bar svo við um veturinn að eg með öðrum 6 völdustu mínum ungum leikbræðrum tókum oss til að for-

sóma og komum ei uppá munstring til týhússins og gjörðum oss samlag til veislu á meðal. Banckeyt¹⁾ hófum vjer upp við austurskaut borgarinnar í kostulegu húsi, hjeldum og meintum að vjer mundum þar dulist og hulist geta. En þegar liðið var vel miðdagstið svo sást prófoss að garði 5 ganga af þeim er svo við sátu í gegnum glervindaugu hússins. Flestir blygðuðust. Nú sat eg fyrir borðsenda, og átti eg að vera selskapsins ofursti, og segi þeir skuli enga blygðun á sjer merkja láta. Nær hann nú inngengur segi eg hann velkominn; hann þá það gjarnan og ljet ei neitt 10 á sjer merkja, utan gjörði sjer gaman við mig eftir venjunni og vorir spilmenn spiluðu uppá sín hljóðfæri. Síðan segir Marteinn prófoss að ei muni sjer nje oss tjá þar lengur sitja, og munum vjer hljóta sjer til týhússins að fylgja. Vjer tókum því vel og báðum hann tillaga góðra. En nær vjer 15 þar komum vorum vjer allir settir á ísnum í sinn járnbolt hver vor, og 12 leðurfötur uppá hvern vorn af undirprófossinum Steingarð. Þetta straff tókum vjer út fyrir utan vatnsportið í þeirri höfn sem liggur milli týhússins og próvianthússins, sem hvert um sig er hundrað faðma langt. 20 Ei vildi Marteinn oss písla eður neitt þar um segja er vjer aðhöfðumst, heldur kvaðst hvern á sínu heimili hitt hafa í voru fullu nauðsynjastarfi. En Lauritz var fimur til þess, sem var undirprófoss, og þeir kölluðu lambssteik, því á milli vor og hans var lítil vinátta, svo hann einatt 25 af oss átti um kúlur að kember, sem gamalt orð greinir. Og nær hann hafði oss alla með sögðum hætti aflest þá segist hann fyrirbjóða öllum af vorum compagní að forskona eður oss vægð að veita hvorki með þurrum klæðum eður öðru þesskonar, og það eftir Grabovs tilskikkun. Eg segi 30 og nokkrir að einatt beri hann oss gleðifrjettir, og mörg og mæt spottyrði hlaut hann þá sem endrarnær að inndrekka, með því grunt var á hinu góða með oss, því þessi maður var oss mjög óhollur, og bar vorar ávirðingar á hræsibrekku oftlega, sem hann mátti þó þrátt án vera, því í valdi meðal- 35

¹⁾ d. Banket, veislu.

göngumannsins er mikið, því hann kann að bæta sem vel vil gjöra, hinn kann og spilla og miklu illu til leiðar koma, sem það ástundar og dagleg dæmi útvisa. Nú var sá siður, sem fyr var nefnt, að skipherrar vöktu á víxl á daginn 5 sem á næturnar, á þeim skipum, er í höfninni lágu hinu megin við próvianthúsið. Þaðan kom gangandi á ísnum einn sá skipherra er Pjetur hjet, hver eð var höybátsmaður á því skipi er kallaðist St. Pjetur, og eg frá Englandi með kom. Hann gengur þar að er eg sat í járnboltinum á öðrum 10 fæti og svellstorkinn, en þó ei minnst votur næst mjer, og heilsar oss, og kvaðst hafa þekt mig, og tekur nú dýraskinns-húfu af höfði sjer og minn hatt af höfði mjer og setur hana upp á mitt höfuð og segir mjer heimila vera til þess eg sjer aftur færi. Eg kvað hanu mikið voga í mót undir- 15 prófossins forboði. Hann kvaðst litið um hann hirða, því hann væri ekki yfir sig boðinn. Og að honum nýlega burtgengnum kom Lauritz með grimmlegu viðmóti, og spyr, hver svo djarfur væri, að gjörði slíkt á móti yfirvalds- ins forboði. Eg uppá dár bað hann nú vægðarsaman 20 vera. Þeir segja honum gabb gjört og gekk svo í burt. En skömmum tíma síðar ljet hann oss lausa úr járnum eftir yfirvaldsins tilskikkan.

Þennan vetur hafði eg vakt við týhúsið, og hafði eg í þann tíma mitt herbergi og lossamenti hjá einni herra- 25 jómfrú, hver aldrei hafði gift verið, sú eð var fróm og guð- hrædd og hjelt hús fyrir sjálfa sig í Vagnmannstræti. Aldrei hafði hún fyr nokkurn mann til herbergis haldið. Hún var elskuleg og hirðsiðavönd, svo sem herrafólk er til vanið. Hún hjet Christín Svala.¹⁾ Hún hafði tvisvar fyrir göldr- 30 um orðið, og í hvert sinn beinbrot liðið á sama fæti. Henn- ar systir ein bjó í borginni sú eð Armgordt hjet og gift þar einum kaptuga kóngs er Stephanus hjet; hann var ríkur maður og bjó í miklu húsi, og undir því hafði hann

¹⁾ Christine Svale var dóttir landsdómara á Fjöni Verner Bertel- sen Svale; systir hennar Ermegaard var gift Steffen Sørensen kap- teini. RC.

vins og ölskjallara, hvar inni eg hafði fritt sæti og öl án keypis hvern sunnudag. Þessi systkin sagði hún mjer (auk annars margs fleira) að verið hefði með sjer 18 alls að tölu, og því af góssi sjerhverju lítið hlotnast. En af hverju það svo hryggilega við bar að henni svo tvisvar til 5 beinbrots slysaðist sagði hún mjer að skeð hefði að sjer hefði misunt verið af annari jómfrú þess herramanns að njóta sem hún var trúlofuð, og það tvær reisir með sama hætti. Engum án hennar leyfis mátti eg þar innfylgja, og aldrei talaði hún óstutt orð til mín í það hált annað ár, sem eg þar til 10 herbergis dvöl hafði, utan eitt sinn, er svo við bar, að hún hafði gleymt að læsa í skápnum einni bók, er þær systur áttu og þeim var til erfða fallin, er kallaðist Henrichs Smíðs bók,¹⁾ og voru á uppteiknaðir allskyns sjúkdóms-hættir og kvillar, sem manneskjunni í heiminum kynni 15 ýmislega til að falla, karlmönnum og kvennönnum, og læknisdóm til sjerhvers. Þessa bók vildi hún að enginn yfirliti, en mjer varð það á, að eg var tekinn til að lesa í henni, nær hún kom í stofuna. Þá ljet hún mig kenna á sjer, og sagði þar inni hæfði engum óbljúgum skálk að lesa, 20 og hnýtti þar við mörgu og mörgu um karlmanns og einkum kvennmanns eðli og háttalag. Og nær hún hafði hjer um langa oratiu frampulið, þá snýr hún um blaði sinnar ræðu, og segist mig engan skálk meina nje ætla vera muni, svo hún það hefði mátt merkja, eða af minu framferði þurft 25 sig stórum að hneyxla, frá því eg komið hefði í hennar herbergi, og bað mig síðan um fyrirgefning og leyfði mjer að lesa í henni nær systir hennar ei af vissi, og úr henni skrifaði eg 5 eða 6 arkir, og voru í káhyttu innbornar síðar, nær eg fjekk þann skaða er eg ber til andláts. 30

Nú vik eg frá Christínu Svölu um sinn, og þar til að kóngur um vorið ljet 6 skip þau sjerdeilis stærstu til siglingar útbúa, með hverjum hann sjálfur reisti ásamt þeim þremur ungu herrum, canceleranum, statshaldaranum

¹⁾ Hefur verið eitthvert lækningarit eftir hinn fræga lærdómsmann Henrik Smith († 1563), líklega safnritið „H. S.'s Lægebog“. Um höf. sjá Biogr. Lex.

og öllu Danmerkur ráði til Björgvin í Noregi, hvar herra-
dagur haldast skyldi Anno 1621.¹⁾ En nær vjer á leið
komum undir Noreg, þá mætti oss það skip, sem fylgt
hafði á leið því skipi, sem het St. Lauritz en öðru nafni
5 Vaturhundur; það skip var sent að Austindien til þess
kastala, sem danskir menn höfðu þar gjöra látið, sem Dans-
borg nefndist, og síðar skal gjör umtalast, ef Guð mig til
endast lætur. Og úr því vorum vjer með sjö skip í flota,
og fengum vjer góðan byr, þangað til vjer norður komum
10 að því sundi, er sker sig upp í gegnum landið til Björgvins-
borgar, sem eru 12 vikur sjóvar. En flestöll skip fara ekki
það sund sakir stillviðra, heldur hafmegin, þó meiri vegar-
lengd sje. En kóngur rjeð það af að uppsigla þetta sund,
og virtist stýrimönnum djarflega tilráðið sakir byrleysis, er
15 á þeirri leið brátt til fellur, og fordýpi, svo ei verður
atkerum varpað.

Kónsins lífskip í þann tíma het Patientia, sem var
mjög stórt og prýðilegt herskip. Hún hafði 72 fallstykki
innanborðs²⁾ og öll af kopar. Þetta skip bar mikla gylling
20 á sínum fremri og eftri hluta með tvöföldu galleri og með
gyltum pilárum, það er skipsins umgangur utanborðs úr ká-
hyttu, hvar inni yfirvöldin standa og drekka hver öðrum
til nær samskipa siglt verður. Annað herskip, sem þar næst
gekk hinu fyrra var St. Anna, eitt mikið skip með 56 stykkj-
25 um, einnin forgylt til beggja stafna og með úthöggnum
bílætum til beggja hliða með ýmislegum color, sem Patientia

¹⁾ Það var árið 1622. Eftir dagbók Christiáns konungs 4 fór hann
á stað frá Krónborg 18. Júlí. Í flotanum voru skipin „Patientia“,
„St. Anna“, „Ridderen“ (o: „Den sorte Rytter“), „Justitia“ og „Raphael.“
— Á leiðinni mættu þeir „Nældebladet“, sem Jens Munk var skipstjóri
á, og slóst það í förina með. — Jón Indíafara hefur hjer líkl. mismint
um nöfn sumra skipanna. — Sbr. athugasemd RC. við þennan stað
(dönsku þýð., I. bls. 225) og rit þau sem þar eru nefnd. — Á öðrum
stað eru nefnd í förinni auk fjögurra fyrstu skipanna „Fides“, „Nælde-
bladet“, „Lindormen“ og „Dragen“. Sbr. Lind, bls. 8, og ritin, sem
þar eru tilgreind.

²⁾ Það má telja vist að fallbyssurnar hafa ekki verið svo margar
á skipunum sem hjer er sagt. RC.

og eins þau æðstu stríðsskipin. Hið þriðja herskipið var Justitia, eitt mikið skip með 50 stykkjum og sama prýðibúningi sem hin önnur og áður eru greind. Á þessu herskipi var eg fyrir byssuskytter þjónandi. Minn kaptugi hjet Christofer Boye,¹⁾ einn maður af engelskri ætt til 5 faðernis en af norskri ætt til móðernis, og nú í þann tíma hafði gjört reisu til Austindien, og um vorið fyrir var þaðan heim aftur kominn. Skipherrann hjet Pjetur Hansson, minn arkelímeistari eður constabel hjet Niels Dreyer, einn stórhugaður maður en mjer þó góður; með honum 10 vorum vjer byssuskyttur 25. Það fjórða skip var Spes,²⁾ eitt ágætt herskip með vel 40 stykkjum, og var prýðilega tilsett að öllu. Hið fimta herskip var Fides, sjerdeilis vænt gangskip og lystilegt tilsýndar. Hið sjötta herskip var sá Svarti Riddari, mikið og vænt herskip með eins stykkjum, 15 öll af kopar. Hið sjöunda skipið, sem í ferð kom til vor og fyr var um getið, á hverju var kaptuginn sá velreyndi Jens Munk, sem vel fyrir tveimur árum var frá Veigat heim aftur kominn, var sá Lýbski Davíð, og með mörgum stykkjum, eitt mikið gangskip. Þessi öll sjö skip voru prýðilega 20 munsteruð, stafferuð og tilsett og hvert með sinni stórflag, bolsaner og skartklæðum alt um kring við borðstokka á hvers skips bæði borð. Á kóngsins sjálfs herskipi voru 12 trompeter, en á hinum tveimur þeim stærstu 4 á hverju, en á hinum þrír hverju. Með kónginum og hans 25 skipi voru þeir þrír ungu herrar, cancelerinn, statholderen og Danmerkur ráð, utan sá góði og gamli mann Gabriel Krús, hann var upp á St. Önnu, en á voru skipi voru meðfluttir 48 dravantar kóngsins og 12 kóngsins instrumentistar

¹⁾ RC. geta þess til að hann sje sá Chr. Hansen (Boye), sem Lind nefnir bls. 223, er var skipstjóri í Indiaförinni 1618—1622, og er það mjög líklegt. (D. þýð II. bls. 13).

²⁾ Tilg. útg. fyrir Fides í hdr., sbr. orðamuninn. Til var þá danskt herskip er svo hjet. Það er ólíklegt að J. Ind. hafi skrifað Fides sem nafn á 2 skipum, svona hvort á eftir öðru, en líkl. hefur það skip sem hjer er átt við verið annaðhvort „Dragen“, „Lindormen“, eða „Raphael“. Sbr. athugas. v. bls. 176.

og musikantar. Þessir tveir hópar hvorir fyrir sig höfðu stórt herbergi innan skipsborðs. Ei minnst eg tölu sjerhvers skipsfólks. Og eftir kristilegum plagsið var á hverju skipi haldinn corum eða morgunsöngur með bæn og blessan hvern
 5 morgun og eins kvöldsöngur á kvöld, og á miðvikudögum var haldinn predikun og nær sem miðdags eður kvöldmáltið skyldi haldast var slegið uppá ketiltrumburnar og í trómet blásið, og blása fjórir í senn. Þetta sje fullnægja hjer um.

10

XXXI. KAP.

Það fyrsta kvöld sem vjer komum upp í þetta sund og bæir stóðu til beggja handa lögðumst vjer fyrir atkerum. Skip kóngsins lá lengst fram í flotanum, og svo hvert skip eftir því sem til var skikkað í rjettri orðu. Svo bar við
 15 að vor kapteinn dró frá voru skipi með litlum bát, er hverju skipi fylgir, og til þess skips, er einn af ráðinu með fylgdi, sem var Gabriel Krús, er hjet St. Anna. En nær hann aftur heim kom varð stórt upphlaup á skipi voru með kaptuga vorum og öllum kóngsins dravöntum, svo að kaptuginn
 20 bauð þeim á land og í einvígi, hverjum sem voga vildi, en þeir aftur á móti voru ólmir og óviðráðanlegir, svo þar áhorfðist að mannslæg verða mundi hefði ei Gabriel Krús þangað komið og stilt til friðar með þeim og þaggaði kóngsins dravanta, og varð að lofa þeim hálfri lest af Rostock-
 25 aröli.

Vjer vorum 3 daga um þetta sund fyr en vjer komum upp til Björgvin. Vjer höfðum stórt gaman af því byggðafólki, sem var á þeirri leið á bæði borð við oss, sem voru á sínum ökrum og að sinni annari iðju, er við lá. En nær
 30 vjer komum upp að því kennileiti, er Back van Ra

nefnist,¹⁾ fyrir þessu kennileiti var sú skipvenja og gömul sjólög, að hverjir sem þar höfðu ei fyr komið nje hjá farið skyldi frá stóru seglra í sjóinn hleypt verða, utan sig frelsi með drykkjupeningi. Sem kóngur fjeck þetta að vita þá mýkti hann þetta lögmál með þeim hætti að hann gaf eitt 5 12 marka vinstaup í hvern 4 manna skutul, og kvaðst þekkja svo fólk sitt að því mundi koma betur að vökna innan heldur en utan. Svo niður lagðist þetta sjóstraff í það sinn fyrir kónsins mildleika sakir.

Nærri miðmunda komum við upp til Björgvinsborgar á 10 einum fimtudegi í Augusto, og varð skotið 9 stykkjum á kóngsskipinu en 6 stykkjum á St. Önnu, en 3 á hverju hinna, en af slotinu varð með mörgum stykkjum svarað, og á hverju skipi trómetað. Og nær sem kóngur dró til lands varð jafnmörgum stykkjum afhleypt og á ketiltrumburnar 15 slegið. Í þriðja tíma er kóngur á slotið inn gekk stóðu allir borgarar og kaupmenn og húsbændur á Garpabryggjunni²⁾ með sínum vopnum og herbúningi, og með sama hætti á skipunum og slotinu skotið og trómetað. Þar voru og komnir allir norskir herramenn, bæði canceler, sem var 20 Jens Bjelke, og sá norski statholder³⁾ með öðrum aðalpersónum.

Á öðrum degi þar eftir byrjaðist herradagurinn og hjelst til eftirkomandi þriðjudags, en hver mál þar framkomu minnist eg ekki, utan þau tvö, sem var mál M[eist.] And rjesar, 25 er biskup var fyrir tveimur árum orðinn til Þrándheims,⁴⁾ og fyr verið hafði sóknarherra til St. Nikuláskirkju í Kaupin-hafn, og eg þar fyrst af honum aflausn og sacramentum

¹⁾ Hjer er átt við Bókn, litla ey fyrir norðan Fanafjörð, sem hollenskir og þýskir sjóferðamenn á þeim tímum kölluðu Buk van Raa, til aðgreiningar frá Buk van See (Bókn við Stafangur). Sjá Yngvar Nielsen. Rejsehaandbog over Norge, 9. Udg. Chria 1899, bls 206.

²⁾ „Garpar“ voru þýskir kaupmenn í Björgvin nefndir áður á tíðum.

³⁾ Landstjóri í Noregi var þá Jens Juel (1580—1634). Um hann sjá Biogr. Lex.

⁴⁾ Hann varð biskup þar 1618.

meðtók; það mál var gruggótt og hnje að legorði kvenna með vafningi miklum, og varð í það sinn afsettur sinni biskupstign, — en við lá að þyngra til fjelli, hefði aðallinn ekki fyrir hann beðið, er þrátt hafði í Kaupinhafn að hans 5 embættisgjörð staðið — og varð aftur skikkað prestlegt embætti og kall í Noregi; — en hitt annað mál, sem þar frambarst og um gjörðist, var það mál, sem Henning Henningsson frambar og kлагаði uppá síns föðurs saklaust líflát, og eg hef fyr umgetið, og fjekk 1200 dali.¹⁾

- 10 Svo var tilskikkað í hvert hús, sem vjer inn gengum skyldi oss virðing og veisla gjörast hvað og skeði. — Björgvinsborgar stræti er með stóru fjallgrjóti brúlögd, og hallar öllu ofan í móti, svo hvorki vatn nje saur á þeim staðar nemur, en í votviðrum er þar mjög stöðuvant. Fjórar eða 15 fimm kirkjur voru þar í þann tíma með dómkirkjunni, og á þeim sunnudegi vjer þar vorum var mikið við haft með organs slætti og öðru prýðilegu, sem til heiðurs og æru hlýddi. Garparnir höfðu tilreitt kóngi 3 daga veislu, en af því dög var hvern dag þá heila viku, er vjer þar dvöldumst, 20 þáði kóngur ei þeirra boð, en í þess stað skenktu þeir kónginum einu veglegu credentialskeri fullu af rosenobelum.

Á öðrum fimtudegi en vjer þar komum dró kóngur til síns skips²⁾ nær alt fólk á öllum skipum sat að máltíð, og varð þar samstundis á ketiltrumbur slegið og í lúðra og 25 trómet blásið, og með einum bát fylgdi það boð til allra skipanna, að enginn maður, hvers embættis sem var, skyldi

¹⁾ Fyrra málið er alkunnugt; skáldið Anders Arreboe (1587—1637), sem var biskup í Þrándheimi, var ákærður fyrir ósæmlega hegðun í stöðu sinni (hann hafði tekið þátt í dans í brúðkaupsveislu (o. s. frv.) og dæmdur frá biskupsembætti; hann varð síðar prestur í Vordingborg á Sjálandi. — Um síðara málið segist Jón Indíafari hafa getið fyr, en það er misminni hjá honum. Það mun líka misminni um nafn sækjanda. Samkvæmt óútgefinni dómabók herradagsins 1622 í Ríkisskjalasafni Dana á Henning Nielsen, sonur Niels Henningsens þar í máli út af því að faðir hans var tekinn af lífi án dóms og laga. Brjef um aftökuna eru í Norske Rigs-Registranter, IV. bls. 668, 711—712, 739.

²⁾ Konungur kom til Björgvin 25. Júlí, daginn eftir byrjaði herradagurinn, og konungur fór þaðan aftur 2. Ágúst. Sjá Danske Saml. II. Række 3. Bd. 371.

dirfast til lands að fara eður neitt sitt að útheimta. Og strax voru atkeri uppdregin og seglum út slegið, og voru 18 bátar af Garpabryggjunni sendir til að útróa kóngsskipið, 12 St. Önnu, en 9 hvert hinna. Þá brosaði kóngur, og kvað lausakonur í Björgvin ættu sjer ekki að vanþakka, 5 því þær hefði nú fengið næst sjer í dag til minningar að hann hefði eitt sinn þangað komið.

Margt gersemi mátti hjá Görpum sjá og fá, bæði bátar og sveinar Garpanna voru prýðilega tilsettir, og þeir fylgdu oss á veg viku sjóar. Og að lyktum ljet kóngur þá heiðar- 10 lega traktera, og með það skildumst vjer að.

Sigldum vjer svo þaðan gott byrleiði í rúmunum sjó, alt þangað til vjer komum fram undan Varbergs sloti í Hallandi, kom lítið kul af landsuðri oss í móti; í móti kvöldi sneri vindurinn sjer til vesturs, sem var þverviðri þegar upp í 15 sunðið er siglt, því hann stóð af Jótlandsskaga, Lessey og Anholt. Nú sigldi kóngur undan og svo öll hin skipin á eftir, en vjer síðast næst St. Önnu, því þau bæði skip voru mjög þung og stór og lítt löguð til gangs. Og fyr en kvöldi tók og dimma mjög saum vjer eitt fjall uppdragast 20 á Skáneylandi, sem kallast Bordon,¹⁾ og frá því fjalli eður núp er 4 vikur sjóvar til Krónborgar; ofan fyrir það fjall hratt Haraldur kóngur Heming Áslákssyni forðum. Síðan gjörðist veður mjög görðótt og vildi kaptuginn Christofof Boye²⁾ láta undir nóttina mersusegl inntaka, en stórsegl standa 25 láta, en skipherrann Pjetur vildi það ei samþykkur verða, hvar af kif jókst þeirra á milli. En með því að skipherranum framar tilheyrdi ráð mektugri yfir skipssiglingunni en kaptuganum, þar fyrir hlaut svo að vera, að stórsegl skyldu inntakast en mersusegl standa. Og nær 22 menn 30

¹⁾ Hjer sjest á því sem eftir fer að það hlýtur að vera átt við Kullen; hvernig á nafninu Bordon stendur get jeg ekki sagt. — Jón Indíafari blandar saman sögunni um Harald harðráða og Heming Ásláksson við dönsku sögunna om skiðahlaup Pálnatóka niður af Kullen. (Saxo, v. Grundtvig. 4. Udg. Kbh. 1886, bls. 428.)

²⁾ „kapteinninn“ eða „kaptuginn“ hafði æðstu herstjórn á skipinu, en „skipherrann“ rjeði siglingum, og voru auðvitað vanir sjómensku, en það þurftu kaptugarnir ekki að vera, þó þeir auðvitað oft væru það.

voru komnir uppá stórrána að inntaka stórseglin þá stóð eg
 mjög nærri stórmastrinu, og í því kom mikill garður af
 vestri, svo brestur stór kom í stórmastrið, og einn maður
 að nafni Pjetur Níelsson, sá eð verið hafði í 9 ár soldát
 5 en nýlega gjörst byssuskytta, þessi maður greip til mín með
 orku, því hann var hið mesta karlmenni, og bað mig í
 Guðs nafni að forða mjer, því mastrið eftir því sem sjer sýnst
 hefði þá garðurinn kom væri sem brostið, en eg hjelt slíkt
 ómögulegt vera. En rjett í því sama kom mikill garður,
 10 svo mastrið hrökk þar rjett í sundur er eg fyr stóð við það,
 og með öllum mönnum sem uppá ránni lágu seglið að inn-
 taka. Svo fór það fyrir borð í einum byl, stórmastrið með
 nýju segli, stórstöng og bramstöng með tveimur nýjum segl-
 um, rá og reiða, og flagstöng er þar uppi stóð á stórtoppi
 15 með flag og forgyltum knappi. Þetta alt varð með beittum
 öxum burt að höggvast svo trjen ei móludu skipsborðið.
 Af þessum 22 mönnum drukknudu 7 menn, af hverjum 5
 voru brúðgumar. Þessum varð ei hjálpað með nokkru móti
 þó sumir þar um sárlega bæði. Sá nefndi maður Pjetur
 20 Níelsson og eg reyndum til með stórri mannhættu einum
 manni að bjarga, sá eð Michel hjet og fastur var við brot
 mastursins, og nær við höfðum náð í hans hendur urðum
 við aftur að sleppa honum nær undir reið, og svo marðist
 hann millum borðsins og mastursins til dauða. Hefði Pjetur
 25 ei til mín gripið fyrir Guðs anda áeggjan, svo hefði mastrið
 mig til dauðs slegið, svo það var eitt af öðrum óteljandi
 Guðs dásemdarverkum, sem hann mjer auðsýnt hefir á
 tíma minnar æfi af sinni föðurlegri hjartans elsku og náð,
 hans nafn veri lofað og blessað að eilífu. Þá var grátur
 30 og gangur mikill innan skipsborðs. Síðan varð tveimur
 þeim allra stærstu atkerum útvarpað og 300 faðmar útgefnir
 með hvoru, og vorum vjer fyrir því hættasta plássi á Hal-
 landi komnir. Svo kom kaptuginn ofan til vor og skipaði
 oss öllum til sængur að leggjast með bæn og ákalli til
 35 Drottins, en þremur mönnum befalaði hann vakt að halda,
 en þó hver einn um sinn, og virtist öllum við bana búið.

Þá lagðist margur grátandi niður til hvíldar. Eg svaf vel alla þá nótt til morguns, og vaknaði eg þar við að blásið var til morgunsöngs, og sagt var Guði þakkir að gott veður var orðið. Og eftir söng haldinn var gefið brennivín hverjum manni og lofað 6 tunnum af besta öli ef vjer 5 hertum oss atkerin upp að vinda og legðum ei til heima um skipherrans forsjónarleysi og það kaptuginn fjekk ei ráðið.

Hinn öll 6 skipin komust klakklaust heim í Eyrarsund um kvöldið nær staðarins¹⁾ vakthringing yfirstóð. Senn dró 10 kóngur til lands og hvíldi á Krónborgarsloti um nóttina. Nærri miðdegi komum vjer heim í Eyrarsund, og var kóngur þá í burt reistur, og kominn á þann veg, sem lá til Friderichsborgar. Og nær vjer komum fyrir Kaupinhafn varð á hverju skipi 3 stykkjum afhleypt, utan kóngsskipinu 9 afhleypt. 15 A næsta degi eftir ferðaðist kaptuginn til Friderichsborgar á fund kóngs, að tjá honum þau vandræði, er til fjellu fyrir oss, og leitaði kóngur mjög eftir tilefni, og ágreindi að þau eyðast skyldu, en það dvínaði svo niður að ei til laga lagðist. 20

XXXII. KAP.

Eftir þetta fjell ekkert til sjerlegra um þetta haust, en að tilbúa það annað skip, sem að Indíum skyldi útsendast, sem að nefndist Christiánshöfn, og það skip, sem að öðru ári skyldi þangað sendast, sem het Perla, sú var bygd í 25 Hollandi af klárri furu, og var uppá 700 lestir og Christiánshöfn uppá 180 lestir. Perlunnar stýri tómmt án járna nýlega höggvið gátum vjer nauðugt borið 60 menn.

¹⁾ Helsingjaeyrar.

Nú er fyrst um að tala að með því að Grabov hjelt sömu á um harðýðgi sitt hið gamla, svo oss leiddist undir hans jústits að vera, — þar voru nokkrir ungir menn undir regimentinu, sem mig áhvöttu að rýma með sjer til

5 Svíaríkis undir þess svenska kóns, sem var s[álu]gi Gustavus, regimenti að gefa mig sjer ásamt, en eg bað Guð mjer þvílíkum glæp að forða, svo eg hvorki bryti minn sáluhjálpareið eða skildi mig við mína æru og gott rykti, eða gjörði hrelling mínum frændum og góðum vinum en

10 fögnuð fjandmönnum, — kjöri eg heldur að líða með öðrum hvað sem uppá kynni að falla. En með því sú indianiska reisa viðlá og vjer áttum 5 ár uppá nýtt að þjóna áður en orðlof gæfist, þá fjell mjer það til sinnis sem og fleirum af mínum kompánum að gefa mig uppá þá reisu í Guðs náðar

15 trausti ennú í öðru sinni, eftir því mjer tókst ei í því fyrra, nær þau skip í fyrsta sinn að Austindíum útsendust,¹⁾ og ljét eg mig svo þar til innskrifa í Guðs trausti af kónsins aðmírál uppá Bremerhólmi Steini Vilhjálmsyni. Og nær eg þar inn kom fyrir hann þá spyr hann mig að sem

20 fleiri hvort eg kynni kompásinn, eður hversu lengi eg hefði þjónað kónglegri náð. — Eg segi honum vart 7 ár og mínar sjóferðir. Fyrst gerði eg honum gilda grein á um kompásinn og um hvað fleira hann mig að frjetti. Síðan bauðst mjer við hann að accordera um mín mánaðarlaun, hvað

25 treglega tilgekk, en varð þó um síðir 12 gyllini hvern mánuð, sem eru 6 vættar dalir, quaderante dalir, er þeir svo kalla, og lofaði á reisunni skyldi forþetrast, hvað þó ei fyr skeði en eg kom í Indien, þó ei meir en með einu gyllini, svo eg úr því hafði 13 hvern mánuð, sem er 6

30 vættir. Sagði hann eg langrar þjónustu að nyti, því aðrir fengi ekki nema 9 eða 10. En hver sá byssskyttar, sem til Indien reisir, má við tvöfaldri iðju búast, byssskyttars og bátmanns, bæði hátt og lágt og við skipsstjórn. Síðan að mínu nafni skrifuðu fjekk hann mjer ríxdal uppá höndina,

¹⁾ Indiaföer Ove Gjedde, 1618—1622.

svo sem plagast, og bað mig orð með æru halda. Og áður en eg útgekk drakk hann mjer til af sinni krús, og óskaði mjer lukku með haldinni reisu. Síðan gengu hinir hver eftir annan inn til hans, hver einn um sinn. Ámæli fjekk eg stórt af góðum vinum. Eg ljet sem eg heyrði 5 ekki.

Einn dag sem eg stóð í húsdýrum míns lossamentis gekk einn ungur maður dægilegur á strætinu, sá eð kvaddi mig blíðlega og bað mig leyfa sjer hús á meðan hann drykki eina könnu öls, hvað eg með bæn útvegað fjekk hjá minni 10 húsmóður Christínu Svölu. Og nær hann var inngenginn og til sætis setstur vitnaðist að maður þessi var spekingur og einn forvitringur mikill, hver eð oss framtaldi margt skeð og óskeð, bæði hvað mína húsmóðir og eina kvennsvift, sem þar var til herbergis, sem barn átt hafði við þeim 15 manni, er hún giftast átti, og hana leynilega á einum næurtíma forljet, svo og líka fýsti mig einnin að reyna hans viturleik, og sagði hann mjer það eg mundi í stóra neyð koma í þeirri ferð, en þó mundi Guð mig frelsa svo eg ei lifið misti, en samt mundi eg þess minnugur verða á meðan 20 mjer lif entist; og konur tvær mundi eg í sjálfs föðurlandi eignast, og engin börn við þeirri hinni fyrri, en tvö eða þrjú við þeirri hinni seinni. Hann talaði mjer í mörgu vel til, og líka ljet hann minn löst í ljósi, hvern í sínum punkt, og kvað Guð mjer fast í hönd halda, hvað mjer staðfastlega 25 víst reynst hefur. Friderich kvaðst hann heita, þó eg meinti það ei vera mundi. Hann bað vel fyrir oss, einkum fyrir mjer, því hann sagði sig angra marga mína tilviljan, er mjer þó fyrir lægi. Síðan gekk hann með kveðju næsta siðsamlega út þaðan. Slíkan mann hefi eg aldrei sjeð áður 30 nje síðan. Þetta greint efni skeði 2 dögum fyr en vjer til Indía úr Kaupinhafn afsigldum.

Og skal svo í styttesta máta hjer um útgreint vera í þessum fyrri parti kversins hvernin um mína æfi til þessa tíma til gengið hefir, en í öðrum parti skal talast um ferða- 35 lag mitt til Indíalands, og á þeirri tíð hið sjerlegasta til

bar, til þess eg aftur fyrir Guðs náð heim kom í Danmörk þó með styttra hætti, en þó fyrst um þá fyrstu reisu, sem skeði til Indíalands, til hvernar eg var skrifaður, og minn gamli vin Jón Halldórsson, frá hverri reisu eg sem fleiri
5 varð haldinn í það sinn fyrir Guðs vilja og kóngsins alvarlega tilskikkan.

Hjer endar þann fyrri part.

ANNAR PARTUR ÞESSARA FRÁSAGNA.

INNIHALDANDI UM MÍNA SIGLING AÐ AUSTINDIEN OG ÞAÐ FLEIRA ÞAR AÐ HNÍGUR.

I. K A P.

*Í fyrstu verður til máls að taka af hverju tilefni að vor 5
sálugi kóng Christián 4, loflegar minningar, fjekk
girnd og þóknun til að senda þau 5 skip út til Indíalands,
er sendust (að mig minnir) Anno 1618 í Október mán-
uði, er sem eftirfylgir.*

Í Asía, í þeim þriðjungi þeirrar gömlu veraldar í India 10
extra Gangem, er eitt stórt og mjög frjóvsamt eyland, er
Ceylon nefnist. Þar inni eru 9 kónga ríki, sem öll eru
einum herra undirgefin. Höfuðstaðurinn sá æðsti, hvar þess
lands stjórnari hefir sitt aðsetur, nefnist upp á þeirra mál
Colmucki¹⁾. Svo bar við að um þann tíma, sem skrifaðist 15
1616, þjenti þessum stórherra og landstjórnara, sá eð nefndist
keisari, einn kristinn maður, hollenskur að ætt.²⁾ Við

¹⁾ Máske er það borgin Colombo, sem Jón Ólafsson nefnir svo, en „keisarin“, sem hann svo nefnir, var konungur í Kandy, og hafði aðsetur sitt í borg þeirri er svo nefnist.

²⁾ Hann hjet Marcellis de Boshouwer. — Keisari í Ceylon var þá Senerata (nefndur Ceneradt Adassin, í Schlegel: Saml. z. Dän. Geschichte, I. 3, 166—170, I, 2, 62, og víðar). Þessi bók Schlegels er enn aðalrit um eldri sögu dönsku nýlendanna. — Nýtt rit um það efni er Kay Larsen: De dansk-ostindiske Koloniers Historie I. Trankebar. Kbh. 1907.

þennan mann ráðgaðist hann einn tíma, hvað hann skyldi til ráðs taka við þá portogalisku menn, er hann fyrir nokkrum liðnum tíma hafði ljeð þar landvist í landi sjer nálægt, að brúka þar kaupskap, svo sem þeir plaga víðar að gjöra

5 um öll Indíalönd, og spurðist fyrir, hvort hann vissi ei neinn þann kóng í Norðurálfunni, er þá kynni eður vildi þaðan úr landi á burt rýma, því hann kvað þá sjer ofbjóðlega orðna, af því þeir hefðu sig til neytt með sínu ofríki þeim skatt að gjalda í sjálfs síns landi, og gjört þar 3

10 kostulegar borgir í tráss sinni konunglegri tign og forboði, og þær styrkt með stykkjum, vopnum, verjum og mektugu stríðsfólki, og þessvegna kæmi ei sínum riktugheitum fram, og hlyti svo með þungri samvisku þeirra ofbeldi og ókjör að sekkja. Hvar til þessi hollenski maður honum andsvar-

15 aði og sagðist engan æðri vita en þann loflega kóng af Danmörk, kóng Christián, því hann hvorki í önnur lönd sinni sigling hjeldi, þar með líka væri hann til höfðingsdóms og hernaðar mjög hneigður. Þessum var tiltrúað að afreisa og burt þaðan hingað í Norðurlöndin að ferðast með þessa

20 heiðna kóns brjefleg og vel ítrekuð erindi. Kom hann fyrst í Holland og tilbauð í fyrstu landsins stjórnurum slíkt og þvílíkt er kóns brjef innihjelt, sem var að útrýma áður-nefnda portogalíska menn af Ceylon, en lofar þeim aftur þeirra plássi, bygð og höndlan, sjer að öllu án ofbjóðs,

25 þvingunar eða skattgildis. En með því að höfðu nóg að starfa þeir í Hollandi með sínar víða utanlandshöndlanir, og þessu keisarans af Ceylon örlegu tilboði því höfnuðu, þá strax dró hann til Danmerkur á fund vors náðuga herra og kóns, kóns Christiáns 4, auglýsandi honum fyrir

30 túlkan og meðalgöngu þess ceylonska kóns brjefs innihald, vilja og meining, hverju vor sálugi herra og kóngur ljúflega og vel gegndi¹⁾, og með Danmerkur ráðs samþykki ljet kóngur sitt brjef útganga um alt sitt ríki, að hverjir í karlegg

¹⁾ Í Danmörku hafði árið 1616 verið stofnað fjelag til að reka verslun á Indlandi, og 30. Mars 1618 gerði Boshouwer í nafni Ceylons-keisara samning við Danakonung.

eður kvennlegg sínu fje voga vildu, svo miklu eða litlu sem þeim geðjaðist, til þessarar reisu, skyldi í tje látast og innan handar vera.

Við slíku boði kóngs tóku margar persónur karla og kvenna næsta vel, svo þar urðu til þessarar fyrstu indíansku reisu margir reiðarar, er sitt gjald ljúflega framlögðu, jafn- 5 vel þær meyjar, sem linsauma á höndum höfðu. Sumir lögðu til 60, 70, 80, 100, 200, 300, 400, 1000, 2000 dali og skyldi ei reikningsskapur fyr haldast en 12 ár væri umliðin. Og til nefndrar reisu voru 5 skip útbúin með greiðasta hætti 10 og göfugri tilreiðingu. Og að auki alls skipsfólks voru útsendir 300 soldátar. Enn ofursti eður sá æðsti general yfir þeim flota hjet Eirík Grubbe¹⁾, hver eð sinn herragarð og alt fastagóss burtseldi fyr en aldeilis afreisti. Og ein eðla jómfú, sú eð trygð og ást við hann tengt hafði, gaf sig út 15 með honum að afferðast, en þó í fyrstunni með sjerlegum hætti, að hún hafði sig umklætt í sveinslegan búning. En með því skipin lágu byrvana fyrir Krónborg í hálfan mánuð, þá bar svo við einn tíma, að bátsmenn urðu þess varir, og það strax auglýstu, og lá þeim við í fár að falla. En með 20 því þau svo mjög höfðu í elsku og kærleik sig hvort öðru samtengt, og vildu sig ei aðskilja láta, urðu þau samanvigð í erlegan hjúskap, hver eðla kvennpersóna af barnburði ljet sitt líf á reisunni.

Skipanna nöfn voru þessi: fyrst Christián, 2. Christiáns- 25 höfn, 3. Kaupinhafn, 4. Davíð, 5. Jaktin²⁾, hverrar nafn eg

¹⁾ Þetta er rangminni höf., því fyrirliðinn var Ove Gjedde. Dagbók hans um ferðina og samningana við höfðingjana á Ceylon og Indlandi er prentuð í áðurgreindu riti Schlegels. Erik Grubbe (1597—1631) giftist í Nóv. 1618 í Helsingjaeyri Ingibjörgu Hansdóttur Gere, er hafði einsog hjer segir komist út á flotann til hans á karlmannsfötum. Hún dó af barnsförum á leiðinni, 22. Júlí 1619 og barnið rjett á eftir. Er þess getið til, að Grubbe hafi orðið hálfsturlaður út af missi hennar.

²⁾ Skipin voru: herskipin „Elefanten“ og „David“, og verslunarskipin „Christian“ og „Kjøbenhavn“, og ljettiskúta, hollensk „Fløjte“, þau lögðu á stað 29. Nóv. 1618. — Jaktin „Öresund“ með Rollant Crappe var sigld á undan.

minnst ekki, og með henni fór Rollant Crappe¹⁾ fyrir kaupmann, sem 7 sinnum hafði reist til Indíalands áður fyrri og varð það hans 8. ferð, er nú greinist. Þessi varð síðar meir general.

- 5 Þessi ceylonska kónigs sendiboði var nefndur almennilega ambassadör²⁾. Hann var mjög ríkilátur, drambsamur og stoltur; hann hafði einn prest með sjer, hver illa útleit, og hans hár var mikið og svart og náði í beltisstað á honum, og einn svein, er þeim var báðum þjónandi. Til þessa am-
- 10 bassedörs var eg einn tíma af Grabov skikkaður nokkuð að útrjetta, fyrir hvers herbergisdýrum eg hlaut vist eykt að standa; en þó eg þrisvar upp á dyrnar klappaði og sveinninn upplyki, komst eg ei fyr inn en hann sjálfur tilskikkaði. Hann var í bók stórrí að lesa, sem í sniðum og
- 15 á spjöldum forgylt var. Og nær eg inn gekk fyrir hann, laut eg honum, og spurði fyrst hver eg væri eður hvers þjenari, og síðan í þriðja lagi að mínu erindi við sig; hvert eg honum skjótt tjáði upp á junkursins vegna, sem var að hann bað hann að gjöra sjer ómak upp á týhúsið til að
- 20 skoða og útvelja þau stykki af kopar, er hann girnti að með færi til Indíen, hvar til hann Grabov boðskap trássugt gegndi og andæpti, en sagðist þó mundi koma, ef sjer sjálfum vel lynti, nær klukkan slægi eitt eftir miðdag; og fyr en hann gaf mjer leyfi til burtgöngu, ljet hann skenkja mjer
- 25 á eitt silfurstaup akvavíti, það er sjerdeilis vel smakkaði, og gekk eg svo í burt að því meðteknu, með þakklæti, kveðju og reverentsíu. Eftir miðdag gekk hann með sínum presti og þjenara upp til týhússins, og fyrir honum urðu portin uppslegin sem fyrir kóngi sjálfum eða stórherrum. En þessu
- 30 öllu gegndi hann með spotti; nær týhússins yfirvöld sig fyrir honum auðmýktu, reigðist hann við og ljet því næst sitt höfuðklæði standa. Og sem hann kom þar sem stykkin voru í garðinn útsett í röð, sló hann með sínum staf og

¹⁾ Rollant Crappe var hollenskur að ætt, og var sá maður er Danir áttu mest að þakka indversku nýlendurnar. Hann var herraður af Danakonungi 1635 og nefndi sig síðan Crappé. Hann dó um 1645.

²⁾ fr. ambassadeur, d. ambassador, ísl. sendiherra.

með krít á þau mark setti, og síðan drambsamlega í burt gekk; síðan fjekk hann slæman umlestur, og lýkur hjer framar um að tala nú að sinni.

En nær byssuskyttur skyldu munstrast og takast frá týhúsinu, þeir eð sig viljulega höfðu til þeirrar reisu skrifa 5 látið, á meðal hverra eg stóð einnin skrifaður í sama registur, þá var kóngur þar sjálfur nálægur, og leyfði þeim hann vildi þá reisu að fara, sem voru þeir, eð nýlega voru undir regimentið komnir, og voru margslags handverks, en hinir, sem reyndir voru og lengi höfðu þjónað, þeir urðu fyrir 10 kost og mun eftir heima að verða. En þó eg sem fleiri hefðum þar miklu til kostað og þar um kóng auðmjúklega bæði, að eg mætti meðfara, vildi það ei gilda, og afneitaði mjer því að því sinni, en sagði eg kynni enn nú snemma nóg koma til þeirrar ferðar, hvað og víst skeði. Kóngur 15 ámælti stórum Grabov fyrir það, að hann hefði það besta fólk útskrifa látið frá týhúsinu.

Einn frómur íslenskur maður, að nafni Halldór Árnason¹⁾, hafði sammælst með mjer til þeirrar reisu, og höfðum okkur staðfast stallbræðralag samtengt og bundið, og það 20 eg varð svo frá honum slitinn fjell mjer þunglega, og honum í sama máta. Hann fór út með því skipi Christián, og á því skipi fjekk eg honum góðan stallbróður útvegað, en hann varð eigi langlífur, eftir því sem eg síðar spurði, að hann andast hefði á þessari síðu Tyrkirísins. Og nær hans 25 bróðir Jón Árnason fór utan í eftirspurn síns bróður til Danmerkur, fjekk hann hans afgang að spyrja, en ekki einn pening eftir hann, því reiðararnir kváðu hann ekki neins fjár aflað hafa, því hann fyr andast hefði en tveggja mán- aða laun hefðu verið upp int, er hann meðtók af þeirra 30 hendi samjafnt öllum öðrum, er til þeirrar reisu útfóru, fyr en heiman hjeldu.

Til þeirrar reisu gaf sig margur stoltur sveinn, jafnvel

¹⁾ Hann var sonur Árna Narfasonar á Narfeyri; sjá Bogi Benediktsson, Sýslumannaæfir II, bls. 72. Um bróður hans, Jón silfursmið, er getið s. st. bls. 71.

ungir eðlamenn, þar með 4 kvennsviftir, sem giftust fyrri, því engin ógift mátti til þeirrar reisu inntakast. Og tvær af þeim á reisunni ljetu sitt líf af barnburði, ein eðla, önnur óeðla.

5

II. K.A.P.

Og er þeir sleptu Noregi, komu þeir með góðu byrleiði til Englands og til Vigt¹⁾. Í Englandi tóku þeir eina friða og fallega kvennsvift, sú eð Temperentzia hjet. Sú giftist strax þeirra bókhaldara eður yfirskrifara, sá eð Hieronymus 10 hjet, einn frómur og ágætur mann.

Síðan sigldu þeir frá Englandi í gegnum þann spanska sjó, sem svo kallast, og fengu góða byri, og suður yfir Tyrkirið og í Bláland, þar sem kallast Caput De Ferda¹⁾, það er eitt örnefni siglingamanna; það liggur í Afrika. Þar 15 nálægt náðu þeir einu skipi, sem hjet »Patientia« og á voru ránsmenn,³⁾ og það skip höfðu þeir með sjer til Indíen og einn ungur piltur af því fólki kom síðar heim með þeim til Danmerkur, sá eð Demant hjet. Þar fóru þeir víða á land að fá sjer ferskan mat sínum sjúku til viðhressingar, 20 á hverju stór magt liggur, þeim er slíkar langferðir þreyta. Í einum stað, sem kallast Anabon⁴⁾, gengu þeir á land hið sama að útrjetta, að fá sjer ferska fæðu, hvað þeim tókst þó eigi, því landsmenn þóktust ei vita hvaðan úr heimi komnir væri. En skipmenn ljetu á sjer merkja, að þeir mundu 25 eftir gömlum sjómanna og stríðsmanna vana hljóta að leggja

¹⁾ o: Wight, ey fyrir sunnan England.

²⁾ o: Cabo Verde, Grænhöfði, á vesturströnd Afríku.

³⁾ Bardaginn stóð 19. Febrúar. Danir unnu tvö skip „Prisens Jagt“ og „den gyldne Löve“, er síðar var nefnt „Patientia“ (Ove Gjedde hjá Schlegel, I, 2, bls. 65 ff.)

⁴⁾ Eyjan Annobon liggur í Guíneaflóanum, en bardagi sá, er sagt er frá hjer á eftir, var ekki þar, heldur í Portudal í Senegambíu. Sama rit bls. 71.

djarfa hönd á svo mikið, sem þeir meðnægjast kynni, ef þeir fengi ei fyrir fult verð keypt nje afhöndlað. En landsmenn athuguðu orð þeirra og lögðu í minni. Síðan fóru þeir til skipa sinna og sváfu af þá nótt, er eftir kom, og voru ihugunarlausir um landsmanna aðgjörðir. Og á næsta 5 morgni drógu skipmenn til lands af aðmíralsskipinu og höfðu með sjer marga soldáta, og nær þeir á land komu, var af yfirvöldum soldátum með bátsmönnum befalað að aftýgjast sínum vopnum og fylla þau tóm fót af vatni, er þeir með sjer tekið höfðu. Og nær svo gjörðist, eftir þeirra tilskikk- 10 an, þó nauðugir til færi, og þegar þeir voru í þessari sinni iðju sem best og þeirra vopn lágu afsíðis, þá vissu þeir ei fyr til, en landsmenn með bogum, sverðum og spjótum úr þremur áttum af landi til þá yfirfjellu, svo þá sáu þeir sjer hvergi fært að flýja utan í sjóinn, en bátur þeirra flaut 15 langt nokkuð frá landi við drag-atkeri festur, og gátu fæstir sínum vopnum náð, en í þeim flóttu urðu 15 menn af þeim slegnir, en hinir til báts að kafa og margir af þeim særðir,¹⁾ svo að í einum manni, Jens Piper að nafni, hengu 18 pílur fastar, nær hann til skips út komst, hverjar að bart- 20 skerinn hlaut út að skera, sem í holdi og sinum fast innlæstar stóðu, hvar af hann kvaðst mikla raun liðið hafa og þar eftir lengi legið hafa í sárum, undir bartskerans hendi, þar til hann varð heill sinna sára; hverjar hans 18 örbenjar eg handfór og áleit glögglega. En nær hann sagðist í fyrstu 25 undan á landi flúið hafa og í sjóinn hlaupið, sagðist hann þá ekki hafa kunnað í bátinn að grípa, vegna tilgrips þeirra tveggja svörtu manna, er honum eftirfór harðlega veittu, hverjir eftir honum og í sjóinn hlupu og til grunns niður færðu og hugðu í helju færa, hvað hann sagði víst mundi 30 skeð hafa, ef Guð hefði sjer ei liðsint og það hann gat náð tveimur sínum tígilhnífum, með hverjum hann kvaðst þeim banað hafa. Og með því hann var nokkuð syndur, gat

¹⁾ Af Dönum særðust 10 manns, en 31 fjellu eða voru handteknir; 11 af þeim handteknu fengu þó frelsi síðar. Sjá áðurgr. rit s. st. bls. 71.

hann um síðir bátnum náð, sem þar var nokkuð undan landi kominn, og fengu honum svo inn náð með slitrum.

Að morgni fóru þeir aftur til lands og hugðu sín á landsmönnum að hefna og höfðu mikinn viðurbúning með.

5 En með því þeir sáu þá engan mann, en voguðu ei þeim heimsókn að gjöra, því landsher verður löngum drjúgur, fengu þeir ekkert afrekað, og eftir því þeir sáu sjer ei ábata þar lengur að dvelja, hjeldu þeir fram til skips og á næsta degi aftur á burt þaðan. Og litlu síðar komu þeir þar að
10 landi á öðrum stað, er Caput de Leo¹⁾ nefnist; þar fengu þeir nokkra björg sínum til hressingar, þeim eð eftir lifðu, en marga höfðu þeir mist af sínu fólki, því það varð sollmikið og því sjúkdómshætt á þeirra skipum, vegna þess mikla mannfjölda, er þeir heiman höfðu.

15 Nú síðan langt var komið á þeirra leið, upphóf sá leiði ambassédör keisarans af Ceylon að vilja forfalsa þeirra caas²⁾ og rjetta siglingarstefnu, og vildi annan veg horfa láta heldur en til Ceylon og tilsett var. En sem stýrimenn hugleiddu hvað á ferðum var af hans hendi, settu þeir sig
20 örðuga ásamt yfirvöldunum honum í gegn og ljetu sjer mikið um verða, eftir því svo mikið viðlá. Og sem hann leit sitt falskt áform ei gilda mega og engan framgang öðlast, gekk hann í sitt afdeilt skipsherbergi, byrlaði sjer eiturdrykk og með honum fyrirför hann sjálfum sjer. En með því þeir
25 sáu hans prest illa útlíta og [vissu] ei nema eitthvað hefndarráð uppdiktað fengi, með því þeirra sveinn hafði þeim litla ávísun gjört, þá hengdu þeir hann fram í skipsins bugspjóti, og eru þeir nú því úr sögunni,³⁾

¹⁾ líklega = Cap Lopez, sem Mads Rasmussen, samferðamaður höf. frá Indlandi, kallar Caput de Lo Consalvie, í ferðabók sinni.

²⁾ = fr. cours, d. Kaas, Kurs o: siglingarstefnu. Það er til í þessu efni, að Boshouwer reyndi til að fara sína leið með sitt skip vegna þess að þeim Ove Gjedde kom afarilla saman, Boshouwer var dramblatur, en Gjedde harður og refsingasamur. Það tókst þó eigi og Gjedde skifti um forustu á skipinu. (Schlegel.)

³⁾ Boshouwer og sonur hans dóu úr farsótt(?) á ferðinni, í Október 1619. Skip það „Davíð“, er þeir voru á, varð viðskila við hin skipin og kom til Ceylon á undan Ove Gjedde, sem þá fyrst, er hann kom,

III. KAP.

Nú sem þeir komu að Ceylon með sín 5 skip, en sína jakt höfðu fyrir litlu frá sjer sent. En Rollant Crappe var gegnkunnug öll Indien og voru honum því leiðir þar víðast kunnugar, þó fyr en skildu lofuðu þeir hans að vitja, 5 ef heilbrigði hjeldu, nær sín erindi hefðu að nokkru leyti útrjett.

Tökum nú þar fyrst til máls, er þeir fella sín segl og renna akkerum til grunna fyrir Ceylon. Strax býr nefndur Eirík Grubbe¹⁾ sig á keisarans fund, og varð af honum 10 í fyrstu vel meðtekinn, og fyrir túlk og meðalgöngumann tjeði keisaranum sitt erindi, er hann meðför af hendi kóngsins af Danmörk og lagði stórt upp sína útrjetting, er á þeim Portogalisku skyldi sjen og framkvæmd verða, hver hans og hinna annara slagorð og brúkmælgí ei lágu lengi 15 niðri, fyr en þau bárust til eyrna þeim portogalisku höfð-

frjetti lát þeirra. — Það kom í ljós, að Boshouwer hafði farið langtum lengra en hann hafði heimild til í samningum við Dani; var því nýr samningur gerður við keisarann og fengu Danir rjett til að reisa kastala í Trinconomali, en ekkert varð úr því, sumpart vegna þess, að Dani skorti fólk og fje og voru sundurþykkir, og líka vegna þess, að keisarinn gat lítið hjálpað þeim, því Portúgalsmenn höfðu krept svo að honum. (Schlegel.)

¹⁾ Auðvitað var það Ove Gjedde sem var aðalmaður í samningunum, en er þeim var lokið, skildi hann Eirík Grubbe eftir til að annast kastalabygginguna, sem ekkert varð úr, en fór sjálfur að hitta Crappe í Tandsjúr. — Er hann kom aftur, fann hann alt í óstandi, skipið „Christian“ sokkið, annað skip rænt af skipsfólkinu, sem hafði gert uppreisn, og engan kastala bygðan. Hann sendi þá Grubbe með brjef til keisarans; átti hann að vera 8 daga í burtu, en svo liðu 3 vikur, að hann kom ekki. Fór Ove Gjedde þá heim aftur til Danmerkur, en ljet eftir brjef og peninga handa Grubbe, ef hann kæmi aftur. E. Grubbe mun hafa verið veikur. Hann var enn á Ceylon, þegar Jón Ólafsson kom þangað, en hefir svo rjett á eftir farið til Danmerkur, og 1623 farið aftur til Indlands, því Mads Rasmussen prestur, sem var á skipinu „Perlen“ og hefur skrifað um þá ferð, getur þess, að E. Gr. hafi farið í land á Ceylon. — Hanu mun svo hafa dvalið á Indlandi til dauðadags (1631).

- ingjum. En á meðan Eirík Grubbe dvaldist hjá þeim ceylonska keisara, þá kom eitt ógnarlegt stórviðri upp á þau dönsku skip, svo að þeirra aðmírálsskip Christián, að mig minnir það væri, sem forgekk, hvar inni alt gjaldið geymdist, 5 sem þau öll skip skyldi forsorga til hvers sem með þyrfti, en hinum 4 grandaði að engu, á meðal hverra var það franska skip Patientia. Síðan stóðu þeir eftir hjálparlausir og allir þeirra soldátar urðu að gefa sig í vald sinna óvina, svo þeir víða útdreifðust um þau pláss og staði, er portogal- 10 iskir menn brúkuðu sína kauphöndlan, og viðbreytt sem herleitt fólk. En sem Eirík Grubbe kom aftur frá keisar- anum, varð hann ráðlaus og gat síður en enga vörn veitt, hvorki sjer nje öðrum, en þó soldátar krefðist gjalds og fæðslu. Síðan dró hann enn að nýju á fund þess ceylonska 15 herra og forlofaði sig innan þriggja vikna, upp á sinn háls, en þeir biðu hans í 12 vikur, og kom ei, og með þvílíkri vansemd passaði hann af sjer bæði líf og æru, og hefir svo síðan þar dvalist með sínum þjenara, og þar ráfað sem vill- ur sauður í skógum og eyðimörkum, og hefir lifað á villu- 20 dýraveiði og því sem kóngur honum liðsinti, þó leynilega, fyrir sakir harðýðis portogalískra manna, er grimma heift til báru. En á þeim tíma, sem að skipa von var frá Dan- mörk, ljet hann sinn svein þar upp á vakta, og honum til tærings og fata, einkum nokkrar skyrtur, ljetu þeir við hann 25 úr hendi rakna. En aldrei vogaði hann sjálfur þá persónu- lega að finna, en ef hann hefði til þeirra komið og á vald kóns sig gefið, hefðu þeir hann víst meðtekið upp á sinn kastala í Indien, en ei til Danmerkur heimflutt, og lýkur svo hjer með framar um hann að tala.
- 30 Og vikur nú þar til máls, sem þessi 5 skip hjeldu frá Ceylon að uppleita sína jakt, sem fyr var um getið og Rollant Crappe var kaupmaður á¹⁾. Í fyrstu nær þeir

¹⁾ Ove Gjedde fór frá Ceylon að hitta Rollant Crappe, sem hafði lent í bardaga við Portúgalsmenn og misst skipið, en sloppið með 12 menn til konungsins í Tandsjúr og byrjað að semja við hann, og hafði konungur látið af hendi við Crappe bæinn Tranquebar, við sjó

voru Ceylon hjá farnir og sigldu í austnorður, til þess er þeir komu undir Cost van Carmandel¹⁾, hvar sá danski kastali stendur, sem kallast Dansborg. Þar spurðu þeir, að vel mílu frá því plássi, sem nú þessi kastali stendur, að þá hafði þar fyrst að landi borið með þessa jakt. En einn 5 kastali er þar nálægt fyrir á landi, sem nefndist Nicopotan²⁾, og portogaliskir menn höfðu vald yfir. Þeir af kastalanum sendu 4 skip út að tilreyna hverjir að væri þessir aðkomandi menn, og nær þeir sögðu þeim hið sanna hjer um, að þeir frá Danmerkur kóngi væri út sendir, þá vildu hinir 10 þeim ei til sagna treysta og tóku þá sterku hertaki. Þar landhleyptu þeir sinni jakt, svo hún forgekk að mestu, en menn fleyttu sjer á fjölum til lands og hjálpuðu svo lífi sínu. Síðan urðu þeir gripnir og handteknir og þeirra gjörvalt göss flutt til þessa fyrnefnda kastala; og öllu því 15 fólki, sem var á nefndri jakt, varð eftir hernaðar vísu um þeirra pláss á kaптorgið víða útdreift þar í Indien, en 4 af skipsins yfirmönnum, sem var kaptuginn og skipherrann, sá ypparsti kaupmann og honum minni háttar, og constabel Söfren Knappstop, hver eð mjer þessa historíu enn gjör 20 framtaldi, en eg fæ tíð til að innsetja, urðu kónginum til Travanzour³⁾ sendir og fangaðir þangað fluttir, og urðu þar svo í athugun og hóglegu varðhaldi svo lengi hafðir, að þessi skip komu við landið Carmandel, og spurðu eftir hvar jaktin og hennar fólk væri niður komið. Og nær þeir slíkt 25 spurðu sem skeð var, með öllum atvikum, og með allra styttesta hætti hefir hjer fyrir framan sagt verið, þá án dvalar tóku sig saman öll yfirvöld skipanna, hver eð lágu einni milu

fram. Þegar Gjedde kom, varð talsvert þjark út úr þessum samningum, en svo fór þó að um síðir gekk saman með þeim. Sigldi Gjedde svo til Ceylon aftur og þaðan til Danmerkur, en Crappe varð eftir. (Schlegel.)

¹⁾ ɔ: Coromandelströndin.

²⁾ nú ɔ: Negapatam.

³⁾ Svo nefnir Jón Ólafsson altaf landið Tandsjúr (Tanjore) og borgina með sama nafni, og má ekki blanda því saman við ríkið Travancore á vesturströndinni á Dekan. — Tandsjúr var þá sjálfstætt ríki, þó ekki væri það völdugt á við sum önnur indversk ríki.

neðar að suðri við en þar sem nú kastalinn stendur, er Carical¹⁾ nefnist, og er einn sjóstaður, hvar inni að fiskarar búa og seinna skal umtalast, ef tíð og tími af Guði tilgefast mætti. Svo fóru þessir dönsku herrar með sínu prýðilegu
 5 föruneysi frá Carical, er þeir fyrst landgang gjörðu af sínum skipum, og upp til Travanzour, hvar sá indíanski kóngur var ráðandi og fyrir sitjandi, og sú vegarlengd upp þaðan voru 12 mílur rúmmæltar. Og nær kóngurinn spurði þeirra tilkomu, ljet hann sínar hallir tilreiða og með prýðilegasta
 10 hætti port og stræti fága og fallega alt til setja. Þessi kóngrsins borg, Travanzour er stór, og góð vegarlengd umkring hana, með 11 portum, hvert inn af öðru, og í hverju hliði voru 2 fílar, er þeir Indíanar nefna elefanta, og 2 varðmenn, er þeim stjórna til hvers sem þurfa þykir. Og nær þeir
 15 voru í gegnum þessi 11 porthlið komnir, og allir þeir helstu af þeim voru bornir á palakínun²⁾, það eru sængur með það



slag sem þessi fígúra og eru flestar af fílsbeinum, en hinar af dýrum viðum, og eru 12 menn til ætlaðir hvern einn að bera, en ei bera utan 4 í senn og gjöra 3
 20 umskifti. Þá ljet kóngur sitt stríðsfólk, sem þar kallast taliaris,³⁾ standa alt frá borgarhliðum á einu stræti með sverð við síðu og spjót í hendi, og alt upp að kóngrsins sal og palats. Síðan sendi kóngur sína herra að meðtaka og fylgja þeim inn í kóngrshöllina. En sá túlkur, sem þeim var
 25 skikkaður, gekk á milli kóngrs og þeirra, sá eð með stórri reverentsiu bar hvorra orð frá og til annara, svo sem ræðan atvikaðist þeirra á milli. Strax voru þeir 5 menn með kaptugans þjenara liðugir gjörðir, þegar í fyrstu sem þeirra þangaðkoma spurðist, þá sannaði kóngur þeirra öll orð
 30 rjettvísleg, er kóngur af þeim heyrt hafði um þeirra ferðalag

¹⁾ bær á Coromandelströndinni; þann bæ eiga Frakkar nú.

²⁾ portug. palanquin af indversku (palí) orði palangki ː burðarstóll, algengur á þeim slóðum, bera 4 menn þann er í honum situr. Myndin er tekin eftir hðr. Lbs. 723, 40.

³⁾ taliar, af tamíl-orðinu talaiyāri, varðmaður.

og hvað annað og prisaði þeirra sannsögu næsta mjög. Svo gjörði kóngur þeim hálfsmánaðar veiting með mesta sóma og aumkaðist stórum yfir þeirra slyslegum tilfellum, sýnandi þeim öll sin herlegheit, klenodí og gersemar, og stundum með kóngi voru úti á leikvelli og þar sýndar allra handa 5 listir, íþróttir og spil, sem þar í landi tíðkast, sumt eftir fornum plagsið, að þrælar glimdu og um annarshvors þeirra líf gilda skyldi, hver öðrum yfirsterkari yrði og komið gæti á fangahelluna og á því eggstáli banað, er hana yfir um þvert stendur; einninn tamdir fílar glimdu upp á enda og stóðu á afturfótum, og þar upp á horfa þótti að vera stór skemtan.

Alt sitt gull, silfur og gimsteina sýndi hann þeim sjálfur, hans son og dóttir, með sjerlegri auðmýkt og lítillæti. Í móðunni, sem flaut við gaffmúrinn hans svefnherbergis, voru 15 hans dýrmætir gimsteinar varðveittir með sjerlegum umbúningi, og urðu svo sem af öðrum brunni í gulllegum fötum uppdregnir og þeim fyrir sjónir lagðir, hver með sinni art og nafni, hverra nöfn eg ei glögt minnst, utan hvað almennilegast vera kann, svo sem er smaragð, túrkos, demant, 20 rúbín, zaphír og christallus með þrennu móti, og kattauga.

Og á meðal annara orða aumkaðist kóngur yfir þeirra slyslegu reisu og hugsaði að Danmerkur kóngur mundi því síður oftast til reyna láta, eftir því að svo í fyrstu báglega fallið hafði, þangað að senda. En þó af stórri meðaumkan 25 sagðist hann vilja til reyna og láta þeim 3000 dali uppá Danmerkur kóngrs vegna í tje, og með þeim að kaupa fragt til eins skipsins, svo þeir ekki aldeilis tómhentir heim kæmi, en þó með því fororði, að hann reiðuglega aftur svo mikið gjald uppbæri, eða aðra nytsama vöru að jöfnum dýrleika 30 af þeirra hendi. Í annan máta vildi þessi heiðni kóngur gjöra sáttmála við Danmerkur konung, að hvert ár kæmi skip frá Danmörk til hans þangað og með þá hluti, er hann helst girnti, sem væri silfur og blý, undir hvern sáttmála þeir ljúflega gengu, í trausti Danmerkur kóngrs, og með því 35 móti lofaði sá heiðni kóngur fullri fragt aftur til hans skipa af indíanskri vöru, sem vera skyldi pipar, gimsteinar, og

allra handa vefnaður úr gulli, silfri, kopar, blýant, silki með bómull, sem er caton, item farfi, sem kallast indigó, og gjörður er úr nokkurs grass ösku, og er dýrmætur, og margslags annars, sem gleymst hefir.

- 5 Í þriðja máta, upp á greinda sáttmálgjörð, ljenti sá heiðni kóngur vorum kóngi eitt fagurt og sljett pláss við sjóinn, eina mílu að landsuðri frá þeim litla sjóstað Carical, er eg fyr umgat, er þau dönsku skip lögðu fyrst fyrir, hvaðan þeir dönsku herrar drógu upp til Travanzour. Við
10 þetta fagra pláss lá fallett staðarkorn að nafni Trangobarich¹⁾, sá eð frá kastalanum liggur eitt örskot burt nú í dag, og leyfði þar í greindu takmarki þennan kastala að byggja og uppreisa láta, sá eð er 300 faðmar 12-ræðir vel mæltir um kring, og með fjórum turnum, sínum á hverri mürsins
15 hyrning og [kvortjel eður] rúndel, og einn stór turn, sem upp af þeirri nýju kirkju innan múra síðar gjörðist.

- Í fjórða máta lofaði sá heiðni kóngur að tilskikka og útvelja af sínu eigin landsfólki mürmeistara og 500 menn til erfðis, þar til nefndur kastali fullgjörður væri, en Danskir
20 skyldu þeim laun gjalda sjálfir, og skyldi kastalinn gjörast eftir danskri fyrirsögn. Í þessu landi eru þeir bestu mürmeistarar og fróðustu.

- Í fimta máta skikkaði þessi kóngur svo til, að öll mál, sem í borginni tilfjelli, skyldi upp á kastalanum dæmast, og
25 allur borgarinnar rjettur skyldi þangað leggjast.

Í sjötta máta gaf kóngur og tilskikkaði alla þá tolla til sjóar og lands, sem staðarins rjettugheit framast útheimti.

- Í sjöunda máta tilskildi sá heiðni kóngur, að sú öll nefnd vara, sem frá Danmörk kæmi frá kóngi og com-
30 pagnii, að sjer og síns ríkis tilskikkuðum skyldi fyrst bjóðast, unnast og seljast; þar í mót lofaði hann að kóngs skip frá Danmörk skyldi fá nægilega fragt þar við land í hvert sinn þau að bæri, af allri tilgreindri vöru, hver vera kynni.

- Í áttunda máta tilskildi sá indíanski kóngur, að alt
35 indianiskt landsfólk skyldi hafa frið og alla rósemd fyrir

¹⁾ ๑: Tranquebar, á tamíl Tarangampādi, á íslensku: „Báruborg“.

dönsku fólki, hvar þeir hittist eður til samans staddir yrði. En ef slíkt brygðist, svo að Danskir annaðhvort slægi eður deyddi Indíana þess lands, skyldi allra Danskra útleð gilda, og þeirra alt góss upptækt verða.

Í níunda máta tilskildi kóngur hinn indíanski, að Danskir 5 skyldu engum nautum þar slátra, það fyrirbauð hann þeim sterklega, svo framt þeir vildu lífi og landsvist halda, en þess slátraða kjöts, sem þeir frá Danmörk með kæmi, skyldi þeim til fæðslu leyfast, en annað alt kjöt leyfðist þeim til munns að leggja, svo vel dýra sem fugla. 10

Í tíunda máta tilskildi kóngur og Dönskum sterklega forbauð að ganga í þeirra pagógur¹⁾, kirkjur eða skurðgoðahús, en ef að hjer í móti sig forbryti einn eða fleiri, skyldi líf og útleð gilda.

Undir þessa og aðra smærri punkta og aðgreind skilyrði 15 lögðu sig ljúflega þeir dönsku menn. Og í 11. og síðasta máta að gjöra honum styrk, ef með þyrfti í nokkru í móti öðrum þar nálægum heiðingjum, ef því svo haglega viðkæmi án stórlegs бага, tjóns eður skaða. Og að öllu þessu svo samþykktu, handsöluðu og undirskrifuðu, þá sendi sá indí- 20 anski kóngur sína letraða kveðju á gullpappír kónginum af Síam, 600 mílur þaðan, með einu dönsku skipi, er Kaupinhafn nefndist, sem var upp á 300 lestir, og bað hann einkanlega að forsorga þetta skip sem skjótast af þeim lands- gæðum í landinu væri, og það einvirðuglega sinnar bænar 25 vegna, lofandi honum sinni þóknan og meðþurfandi bikvæmni ígjen; hverju hann vel gegndi, svo skip þetta náði fullri fragt. Og þessi síamski kóngur bauð kónginum í Danmörk slík kjör og kosti, sem honum best veitast mætti af sjer og sínum lands undirgefnum, hvað landsvist og ær- 30 legri kaupmannshöndlan viðviki á hans landi og ríki. Og til bevisingar þar um, að honum slíkt alvarlegt og geðfelt væri, þá tók hann 7 menn af þessu skipi Kaupinhafn og ljeði þeim hús og landsvist og gjörði þeim aðstoð í því sem þeir helst meðþurftu, og setti sterkt friðarlögmál yfir 35 þeim á meðal sinna undirgefina. Þetta land Síam er eitt

¹⁾ ц: hof, d. Pagode, portúg. pagoda, líkl. af persn. orði but-kadah, goðahús.

mektugt land; þar inni eru 8 kóngsríki, einkum Siam og 7 önnur. Í því kóngsríki Pegú er Ternasseri¹⁾. Þar nálægt urðu þessir 7 menn danskir eftir, sem hjer voru nefndir. Þetta kóngsríki Pegú hefur undir sjer meir en 6 kóngsríki.
 5 Og frá þeim danska kastala Dansborg og til Ternasseri eru 600 milur.²⁾

IV. KAP.

Nú því eg þar aftur til máls, þar sem sá indíanski kóngur leiddi þessa dönsku yfirmenn sæmdarlega af sínum
 10 kónglega stað með gjöfum og skenkingum, og meðtöku kónglegt skrif af hans hendi til vors kóns, hvert orðað var með vingjarnlegasta hætti, til staðfestu uppá alt áðurnefnt. Síðan drógu þeir til Trangobarich, þar sem kastalinn í þann tíð skyldi formast, og kóngur hjelt öll sín orð við þá, er
 15 hann heitið hafði, bæði um múrmeistara og um erfiðisfólk, tígulbrennara, kalkslagara og timburhögggvara, og um hvað annað er viðþurfti, svo og skyldi seljast í kastalann allskyns vara og matvæli af sjó og landi.

Svo var á þessum kastala sett strangt lögmál og artí-
 20 kular eftir kristilegri venju og loflegri hermannavísu í sjerhverjum punkt, svo sem seinna skal heyrast nokkuð áhrært verða. Einnin fóru þeir 5 menn aftur í sinn selskap, er fyr voru til Travanzour³⁾ í varðhaldi hafðir, af þeirri jakt, sem Portogaliskir þvinguðu til landhlaups, skaða og skipbrots
 25 með sínum skipum, er komu frá Nicopotan⁴⁾, suðvestan til við Carical, sem var Rollant Crappe, skipherrann og constabel, trómetarinn, og þeirra þjenari. Síðan lögðu þeir

¹⁾ ၁: Tenasserim.

²⁾ Um einstök atriði í samningnum við Tandsjúr vísast til áðurgreindra rita, Schlegel, Saml. I, 2, bls. 29—118, I, 4, bls. 131—193 og Kay Larsen, De Dansk-ostindiske Koloniers Historie I, bls. 167—169. Samningurinn er dagsettur 16. Nóv. 1620.

³⁾ ၁: Tandsjúr.

⁴⁾ Negapatam.

sínum skipum þar fyrir sem kastalinn formaðist og fram undan þeirri borginni, er honum rjett nálægt stendur, Trangobarich. Svo upphjuggu þeir sitt franska hertekna skip til þeirra smáhúsa, er á kastalanum innan múra uppbygðust, kastalafólkinu til svefnherbergja. Yfir þennan 5 kastala var settur rector, Christofor Malari¹⁾ að nafni, einn frómur og ágætur maður, fæddur í Hollandi. Þessi var settur yfir alla kaupmenn, skrifara, assistenter, og vöru danska og indíanska, og alt hvað til hnje kastalans smíði og erfiðislauna útgreiðslu. Annar maður var yfir soldáta 10 og stríðsfólkið settur, sá eð hjet Henrich Hess²⁾, barnfæddur og af ríkisfólki kominn í Helsingeyri, líka svo einn frómur mann.

Soldátum og byssuskyttum var skift á kastalanum í þrjá parta eður vaktfylkingar og orður, og skyldi hver um 15 sig halda vakt og orðentlegri vörn yfir kastalanum 24 klukkustundir, það er dag og nótt eftir venjulegri vísu í öllum kristnum löndum. Embættisnafn þessa Henrichs var gubiner eður gubernator³⁾, það er hershöfðingi. Hann hafði einn mann sjer hið næsta, sem var hans lutinant, Chri- 20 stofor Hansson að nafni og einn vaktmeistara, Claus að nafni. Á meðal þeirra 3 raða soldátanna voru 3 aðalpersónur, þeir eð voru corporalis, og hver þeirra einn var í sinni orðu eður vakt og hver þeirra var fyrsti maður í fremsta lið fylkingar. Cladit var þar og einnin, sá eð inn- 25 setur og útlætur þá, sem fangast og brotlegir kunna að verða. Og nær sem þetta var nú alt niðursett eftir höfðinglegri og gamalli hermannavísu, og hver vissi sjer eftir sínu embætti orðentlega að hegða, löguðu skipmenn sig til heimferðar með þau tvö skip, Christiánshöfn og Davíð. — 30 Hvernin þeim fórst á sinni heimleið minnst eg ei glögt nje

¹⁾ Christopher van der Mohlen (v. d. Möllen, Milner, Möller) var hollenskur að ætt en gekk 1621 í þjónustu Dana. Orðið „rector“ er hjer notað í merkingunni yfirkaupmaður eða kaupstjóri.

²⁾ Henrik Hess var af göðum ættum í Helsingjaeyri. Um hann sjá Schlegel, Saml. I. passim og Lind, Chr. IV og hans Mænd bls. 242.

³⁾ o: fr. gouverneur, d. Guvernør, lat. gubernator, stýrimaður, stjórnari, jarl.

greinilega frá að skýra, utan slysalaust að eg meina. Einn ungan svein uppfóstruðu 2 menn á öðruhvorju því skipi frá móðurlífi, hvers móðir að honum nýlega fæddum burt sofn-
aði. Og um vorið, nær þeir voru nýlega heim komnir¹⁾, á
5 einum sunnudegi í söfnuði margs fólks við ströndina í Kaup-
inhafn, leit eg þennan svein, er þá var 4 ára gamall, sá eð
var vænn og vel til reika á silkiklæðum búinn og silfurbelti
um lífið og strútfuglsfjaðrir kringum sinn hatt; af hverri
vaktan og uppfóstri þessa sveins að þessir 2 menn fengu
10 stórt lof og ærurykti. Og með því að slíkt var virt eitt
dýrðlegt dásemdarkerk þess allra hæsta og mildasta Guðs
(sem og verðugt var), og þessi sveinn var bæði föðurlaus og
móðurlaus, gafst honum mikið gjald á þeim degi í borg-
inni, svo sem tíðar skeði, og [er] þeir komu og leiddu hann sín
15 á milli, var þeim og honum stór æra og virðing auðsýnd,
og með vini og öli af frómu og frægu fólki elskulega ávarp-
aðir.

Nú er að víkja þangað fram aftur í efnið, er þessi 2
skip komu fyrst í Noreg, þar sem nefnist Fleckerey, þar
20 kom einn fiskari senn til skips róandi; þeir tóku honum
vel, og með því þeim var stór forvitni að vita, hvernin til-
gengi í Kaupinhafn, spyr kaptuginn Christophor Boye
hann innvirðuglega frjetta í káhyttu; hinn segir ótæpt, eftir
því sem hann heyrð hafði. Og á meðal annars sagði hann,
25 að ein kaptugakvinna hafi fallerast látið og með þeim
manni í hórdóm fallið, er Jens hjeti. Hinn spyr eftir
nafni konunnar og hennar bónda. En hann greinir hið
skýrasta. Svo var þessi maður óforsjáll, að hann spurði ei
kaptugann að nafni. En með því þetta var kaptugans
30 kvinna, er svo breytt hafði (hvar til hann meinti hana aldrei
tælast mega), brá honum svo undarlega við, að hann með
sínnum rappir hugði þennan fávísa mann í gegnrenna, hefði
engin hindran gjörst af þeim er nálægt stóðu. Síðan lagðist
hann með miklum harmi til rekkju, og nærðist með mjög
35 lítilli fæðslu, þar til hann kom til Kaupinhafnar; var hún þá

¹⁾ Þeir komu til Danmerkur aftur í marsmánuði 1622.

komin inn í Jótland til sinna foreldra. En sá svikari, er hana fyrst með drykkjuskap og síðan í nefndan glæp tælt hafði, og hans gjaldi öllu, góssi og klæðum burtsvallað, var og burt flúinn og utanlands farinn, fyrir hvern þó af kónglegri tign var sterklega skrifað í allar áttir. En þessum 5 kaptuga Christophor Boga¹⁾ gafst leyfi af kónglegri náð sig að kvonga hverri kvennpersónu er hann girntist, hvort sem hún eðla eða óeðla væri, því hann var einn sjerdeilis maður til allra hluta. Og sem hann í annað sinn gjörði reisu að Aust-Indien og gæfi Guð honum lukku aftur að 10 heimkomast, lofaði kóngur að gjöra hann að eðalmanni, hvað honum ei hjer lukkaðist, sem síðar skal nefnt verða, ef Guð vill leyfa.

Skal nú ei framar hjer um langyrða, en víkja til þess er eg áður frá veik, þar sem eg var innskrifaður í registur 15 þeirra manna, sem til Indía voru taxteraðir, og var hverjum af oss tveggja mánaða peningar úti hönd afgreiddir fyr en afreistum. En einum degi fyr en eg fór til skips, flutti eg mína eruverðugu og elskulegu húsmóður, Christínu Svölu, til síns mágs, kaptuga Stepháns og frú Armgort, 20 hennar kæru systir, hvar hún að þriggja vikna fresti þar eftir af Guði náðuglega hjeðan burtkallaðist til eilífs lífs, hvar um eg í Christo er fulltrúa, því sú kvennpersóna var stök og að mínu áliti ráðvönd og guðhrædd, og befaði eg hana Guði og hún mig. Og svo skildist eg við þetta hús 25 með blíðlæti og kærri kveðju.

¹⁾ Jón Indíafari hefur skilið nafnið Boye sem íslenska nafnið Bogi og beygir það þannig, enda er framburður hjerumbil eins, í handritunum er nafnháttur orðsins ritaður ýmislega, oftast „Bogie“; eg hef haldið danska rithættinum í nafnfalli, en þar sem Jón Indíafari, eins- og hjer, beygir orðið á íslensku, hef eg ekki viljað breyta því..

V. KAP.

*Hvers innihald er um mína burtför frá Kaupinhafn
uppá þá indianisku reisu.*

Nú sem sú tíð nálgadist, að vjer skyldum oss upp á þá
 5 austindianisku reisu gefa, þá 3 dögum áður en svo skeði,
 vorum vjer með trómetum og bumbuslætti uppá compagníið
 kallaðir, hvar vor náðugi herra kóngur með mörgum eðal-
 persónum, item borgmeisturum og þeim æðstu innanborgar
 var fyrir kominn, og var þá hver maður með nafni af vorum
 10 munsturskrifara upplesinn, þar næst artíklar kóngl. Majest.
 upplesnir, í þriðja lagi inntak vors hollustueiðs með hárrí
 röddu fyrir oss upplesið, og síðan vjer með upprjettum
 fingrum þremur sórum vorn hollustueið kóngi vorum og
 því austindianiska compagníi, hver einn með hárrí röddu, og
 15 að því öllu svo enduðu þakkaði kóngur oss, sín og com-
 pagníisins vegna, áminnandi oss alla til guðlegs líferniss,
 sannarlegrar hollustu og erlegrar siðsemdar og mannlegra
 aðburða í framandi stöðum, sjálfum Guði til lofs og dýrðar,
 Danmerkur ríki með loflegum stjórnendum og innbyggjurum
 20 til sóma og æruryktis langgæðlega, en sjerhverjum af oss til
 æfinlegs, góðs og frómlegs mannorðs og æfihrósunar, svo
 vjer hvorki kristnum nje ókristnum gæfum hneyxli til Guðs
 nafns löstunar eður oss af þeim til vondrar umræðu. Síðan
 gjörði kóngur, að enduðum þessum sermón og föðurlegri
 25 áminningu, blessan yfir oss til sjóar og lands, heim sem
 heiman, með sínu beru höfði, og til elskulegra orða og góðra
 óska sögðu allir Amen. Og síðan gafst oss sjerhverjum
 leyfi til burtgöngu og búnings á vora reisu, og áður en
 vjer burtförum, kvaddi hver sína kunningja, og báðu oss allir
 30 vel fara og með góðri lukku, blessan og hamingju heim
 aftur að koma, fyrir Guðs náðar fulltingi, fylgd og aðstoð.
 Og fyr en vjer í bátinn stigum, sem við staðarbyggjuna lá
 bundinn, drukkum vjer vorrar velferðar og burtfarar minning,
 óskandi öllum ásamt oss, yfirsettum og undirgefnum, innan

borðs sem utan, er eftir stæðu, sem þeim er færi, lukku og blessunar af Guði til lífs og sálar, með lukku aftur að finnast, eftir Guðs góðri þóknun. Og þar með í Jesú nafni stigum vjer af bryggjum á vörn bát og margir af oss grátandi, en sumir með danslátum og hljóðfæraslætti, hlæjandi. 5 Og nær sem vjer fórum út eftir móðunni, bar það við, að tveir menn á einni viðarskútu mættu oss, hverja vjer báðum margar reisur að leggja til síðu eður kyrru fyrir að halda, hverju þeir ei skeyttu, heldur með drambyrðum og ofsalátum strikuðu og reru oss í mót, hvatast eð máttu. En 10 nær eð vor bátur og þeirra skúta mættust á hörðu striki og hvort öðru hjá runnu, þá með því að þeirra atkeri hjekk útbyrðis, en eg sat aftur í næst hábátsmanni, hver eð stýrði, utarlega á borðstokkinum, sem plagast, og gætti ekki að, því við vorum í meinlausri samræðu, þá snart atkerið mig 15 á bak til í buxurnar og nam í gegn og mig burt þaðan eg sat. Og með skyndi gjörði eg mig lausan, og hljóp upp á skútupílvarið og gaf þessum öðrum skútumanni 2 skjamba, og burt strax í vörn bát, hver að kominn var undir skipsborðið, og þóttist enginn fljótari atburð sjeð hafa, af þeim 20 þar samankomnum. En hefðu buxurnar bilað og eg í sjóinn fallið, sögðu menn mitt hið síðasta mundi orðið hafa, hvað engum verið hefði frekari sakarþungi en þeirra tveggja skútumanna, er svo vondir og magntrássugir voru. En svo mæltist vorum höfuðbátsmanni, Jósti að nafni¹⁾, að vissu- 25 lega mundi mjer einhver hætta að höndum berast, fyr en leið vorri lokið væri. En það teikn hefði Guð þó á mjer sýnt, að ei væri gleymandi, og ljóst merki með sjer bæri, að eg mundi víst frá þeim háska komast, þó mjer klakksárt yrði. Þessi maður var óbernskur, settur og spakmennir hið 30 mesta, af Hollandi og var kvongaður frómri kvinnu, sú eð og sat þar gegnt mjer, er þetta við bar.

Og að næsta dags morgni uppundum vjer vor atkeri og í Jesú nafni útslogum vorum seglum; síðan var hringt og til morgunsaungs blásið og bænar, er corum kallast. 35

1) Hann hjet fullu nafni Jósti Hermansen.

Og sigldum vjer svo frá St. Önnu brú, sem er fjórðungur vegs frá Kaupinhafn¹⁾ og í norðvestur ofan þá leið, sem liggur að Eyrarsundi. En sem við vorum komnir að Skógs-höfði²⁾, er svo kallast, og viku sjóar er frá borginni, hljóp á það stríðasta norðvestanveður, sem vjer köllum vestan-útnyrðing, sem verða mátti. Nú þótti oss mikið aftur að snúa og reyndum vjer til lengi dags, því vort skip Christ-iánshöfn var hið ágætasta gangskip eitt fyrir sig, sem verða mátti. Kaptuginn var Christophor Boye³⁾, hvers

¹⁾ Skipið lagði af stað frá Höfn 8. Október 1622. St. Önnu brú nefndist þá mjór tangi, sem gekk út í höfnina frá þeim stað, þar sem nú er Friðriksspítali (í Amaliegade). Bering Lisberg: Kjøbenhavn i gamle Dage, bls. 195.

²⁾ Skovshoved.

³⁾ Í Ríkisskjalasafninu í Khöfn. eru til reikningar yfir það, sem greitt var af konungsþje til að gera út skipið. Meðal þessara reikninga er skrá yfir peninga, er hafa verið útborgaðir skipmönnum, dags. 3. Okt. 1622 og undirskrifuð af Símoni Jóhansen, yfirkaupmanni. Ýmsir af þeim, sem Jón Indíafari nefnir sem skipverja, finnast ekki á skránni, um aðra er vafasamt, því stundum sleppir skráin ættar-nöfnum, og stundum gerir Jón það. Þess ber að gæta, að Jón Indíafari reit þetta í ellí sinni, og því er ekki óeðlilegt að hann hafi mis-mint um einstaka nafn, og líka þess, að skráin segist vera yfir þá skipverja, sem höfðu fengið tveggja mánaða laun útgreidd; það er því ekki alveg víst að allir skipverjar sjeu þar taldir, þó það í sjálfu sjer sje líklegra, og komi heim við orð Jóns sjálfs hjer á undan, þar sem hann einmitt nefnir þessa launagreiðslu. Chr. Boye er þar nefndur „Capitain og Schipper Christoffer Hannssen“. Jón Indíafari er kallaður „Joen Oelsen Isseffjord“, og á það líklega að merkja: „frá Ísafirði“. Annarstaðar í reikningunum er hann kallaður „Joenn Oelssen Is-slender“. Af öðrum, sem hjer eru nefndir, finnast á skránni: Niels Olsen [Dreyer?] konstabel, Hermann [Rygaardsen] Søderward, sem líklega hefur verið „konstabelsmat“ Þá byssuskyttarnar Bernt Ander-sen frá Engelholm, og Niels Petersen Fris, stýrimaðurinn Claus [Dirichsen]; bartskerinn Henrich Bartholomeus (ritað Bertelmeus á skránni), og aðstoðarmaður hans Hans Naunesen(?) [Sønderborg]; Simon Johansen yfirkaupmaður, og undirkaupmennirnir, Daniel Lammers, Peitter Henrichsen [Stot], Niels Gerdtzen. Jan Jansen frá Alkmar, seglgjörðarmaður, er talinn með bátsmönnum, þ. e. óbreyttum sjó-mönnum. Þá er presturinn Chr. Jensen frá Skelskör. Prófossinn er nefndur Gunder Børgesen, kokkurinn, Anders Søffrensen, brytar Lauritz Pedersen og Peder Mortensen.

eg fyr getið hefi. Skipherrann hjet Pjetur Andrjesson; minn constabel hjet Niels Dreyer, en byssuskyttur voru þessar: Andrjes Ólafsson, Bernt Andrjesson, sá eð gjörðist minn kammerat og trúr elskulegur stallbróðir á reisunni, item Niels Frís, Niels Skoster, Pjetur Alch. 5 mar, Pjetur Koning; ei minnst eg nöfn hinna. Buteler eður skipsbryti var einn frómur maður, að nafni Pjetur Franzson, hans mæti var Andrjes Nielsson. Kokkurinn hjet Andrjes Hansson, hans mæti Christian Hansson. Skipmann hjet Claus, það er sá sem ræður 10 framskipinu öllu, og því að enginn hengi neitt utan skipsborðs af þvættum, og hefir vald það af sníða ef ei er aðgjört. — Vor æðri bartskeri hjet meistari Henrich, fæddur í landi Holsten, einn frábær og góður maður, minn sjerdeilis elskulegur vinur, en hans stallbróðir hjet M. Hans 15 Sunderborg. Constabelsmæti hjet Hermann Rýgarðsson, minn hinn allratrúasti og elskulegasti trygðavin, og hafði verið hjer á landi eftirlegumaður. Kaupmenn voru þessir 3, fyrst Símon Jóhansson, Pjetur Stot og Daniel Lammers, sá var hinum yngri og hafði á sínu 13. 20 ári út siglt strætið Magellianum¹⁾, í gegnum jarðrikið. Assistentur voru og 3, sá frómi Niels Gertzson, einn mjög aldraður maður, og hans stjúpson, Andrjes Michelsson og Niels Jensson. Þetta alt voru mætir menn. Seglmakarinn hjet Jans Jansson. En vor elskulegi prestur 25 hjet Herra Christian, einn ungur, mætur og ágætur maður, mjer jafnan frábær og eftirlátur. Og nú með því að hjer eru nefndir allir skipsins embættismenn, utan prófoss hefi eg gleymt, hver eð Niels Lauritzson hjet, og skipsins stærð, sem var uppá 180 lestir, þá skal víkja þar aftur til máls, 30 sem sá mikli norðvestanstormur sig meir og meir forjók oss í móti, og þreyttum vjer þversigling svo lengi sem færi gafst. og þar til vjer urðum öll segl inn að taka, og vorum vjer þá komnir inn undir Landskrónu í austur, og þar urðum vjer atkerum að hleypa, tveimur þeim stærstu, og lágum 35

¹⁾ Magellans-sundið.

vjer þar eftirkomandi nótt í miklum stórsjó og áhorfandi háska, svo vissum ei nær oss mundi uppslíta þá og þá. Og þá var heldur dauði en líf fyrir sjónum vísari. Mann einn höfðum vjer innan skipsborðs, sem ei var af voru liði, og 5 meintu skipmenn, að lítil heill mundi af standa. Maðurinn var Adolph Friderich Grabov. Og með því hann var einn af þessu Austindiska compagnii, þá ljetst hann vilja oss hjer með virðing veita, að fylgja oss á veg til Krónborgar við Eyrarsund. Nú að næsta morgni hjer eftir gjörð-

10 ist gott veður hvað af hverju; og nær vjer gáfum oss til verka, að uppvinda vor atkeri, þá forgekk atkerisstrengurinn annars þeirra, af því það var fast í grunni, og urðum svo það þar eftir að skilja. Og strax kom af landsuðri gott byrleiði í Eyrarsund og fyrir Krónborgar sloti lágum vjer

15 þá eftirkomandi nótt af. En um morguninn, fyr en vjer gáfum oss undir segl, var Grabov í land fluttur, en fyr en hann stje fyrir borð, varð alt fólk á þilfar uppkallað, eftir Adolphs óskan. Og nær vjer ásamt öllum yfirvöldunum svo stóðum, hefur Grabov upp sína ræðu á þann veg: að

20 hann segist vilja alla ámint hafa til dáða og dugnaðar, og þar með afli sjer hver einn gæfu og góðs ryktis. En á meðal annara orða segist hann nokkru gleymt hafa, að með því að þar væri einn maður af kóngsins byssuskyttum innanborðs, Jón Ólafsson að nafni, hver eð fyr meir hefði

25 sjer kær verið, en svo hefði þó tilborið, að um nokkra tíma hefði missáttir orðið, og með því við ættum nú að skilja, þá væri sjer það helst geðfelt orðið, að við mættum sáttir skiljast, svo að við, hvar fundir yrðu, hjer eður í öðru lífi, mættum góðir vinir finnast, hvar upp á hann til-

30 drakk mjer heila tveggja marka silfurkönnu af Rostockarbjór og handsöluðum hjer um og gjörði mjer einvirðuglega föðurlega áminning með góðum óskum, og með sama hætti óskaði hann skipi og fólki allrar góðrar lukku af Guði. Og þar með varð vor skilnaður, og hefi eg hann ei síðan litið.

VI. KAP.

En svo fljótt sem vor skipsbátur kom frá landi aftur, urðu atkeri uppdregin og seglum útslegið, og svo í Jesú Christi nafni hjeldum vjer út af Eyrarsundi í norðvestur undir Skáney og Halland. Á þeirri annari nótt þar eftir 5 dó vor stýrimaður, Pjetur að nafni, og hjeldum vjer af gjörningum og göldrum gjörst hafa, og varð honum útbyrðis í sjó varpað. Hjeldum vjer svo að Noregi, og með því vindur bljes í 5 daga af suðvestri, oss rjett í móti, þá dvöldumst vjer í Fleckerey á meðan og bjuggum það til, sem 10 oss ábrast, bæði steyptum smálóð upp á margt slag, og fleira annað hvers með þurftum. Þar inni í höfn þessari lágu 82 skip, víða aðkomin, er þar í stormi innhleypt höfðu, eftir því sem plagast, þegar svo við þarf. Og á þeim 6. degi kom um nóttina vindur af suðaustri, svo hvert skip 15 tók til að losa sitt atkeri úr grunni, og að svo gjörðu útslógu sínum seglum, og hjeldu öll vestur yfir haf, að Englandi, Spánía, Frankaríki, Hollandi, Hamborg og Þýskalandi; enn þó vjer þeim ei seinna til verks tækjum, urðu öll skip oss fljótari úr höfnum, fyrir þess sakir að vort 20 atkeri var steinfast að finna í grunni. Þótti oss enn nú í raun rekast ætla, þar sem vjer á fyrsta eða öðrum degi vorrar heimanferðar mistum vort eitt hið besta atkeri, og tók til svo sem í ljós leiða, að mótlæti tæki til í vöxt að fara; þetta skeður þrátt af holdlegu vanmætti og skammsýni, sem 25 næsta lítt kann sjer í meðlæti og mótlæti að skikka, að grillur slíkar ganga ótæpt í leikinn. En sem vjer hugðum helst það, að vort atkeri mundi eftirskilið verða, og margir af oss til vorum hreldir og grátandi, þá í því hrökk og losaðist vort atkeri úr grunni. Þá skeði, sem oft ber við, 30 að skamt verður milli gráts og gleði. Síðan, að losuðum og útslegnum seglum, hjeldum vjer úr höfnum þaðan, með blásandi byr til hafs. Og nær vjer vorum komnir út fyrir hafnarmynnið, upphóf vor prestur morgunsöng með bæn,

þakkargjörð og blessan, og nær söngur var endaður, voru flestöll skip komin aftur í sjón, þau sem fyr voru úr sigti sigld. Svo gekk oss þryðilega, að vjer höfðum flestöll skip uppdregið, þá sól var í landsuðri, eður um jafnt báðum, dag-
 5 málum og hádegi, hvar yfir sig margir forundruðu. Eitt skip var í þeim flota, sem vorir meðfylgjendur hollenskir þektu og sögðu að væri ræningjar; við hverja vor kaptugi Christophor Boye vildi gefa sig í tak með að slást og fíkta, hverju kaupmenn afslógu, svo að hindraðist. En
 10 þeir sigldu oss um stund samskipa, svo vjer við ræddumst.

Síðan á öðrum degi þar eftir komum vjer sunnarlega undir England fyrir sunnan Lundún. Og að næsta morgni þar eftir sigldum vjer inn í Hæðina¹⁾, sem svo kallast, það er sá sjór, sem er á millum Frankaríkis og Englands. Og
 15 nær vjer komum fyrir Dofurinn í Englandi, sáum vjer land á báðar síður, og borgir tvær, sem er Dofurinn í Englandi og Calis²⁾ í Frankaríki. En með því oss brast stýrimann í þess stað, sem andaðist, en þó að vjer hefðum tvo aðra, sem var Jacob og M. Jóris³⁾, samt urðum vjer að upp-
 20 leita oss þann þriðja, vegna sjúkdóms og háska sem við-
 liggur. Og nær vjer komum suðvestur betur fyrir landið. þar sem kallast Nýport⁴⁾, þar inni liggur Vig, þar sigldum vjer inn til þess eins, sem nú var nefnt, en það tókst ei, því stýrimenn voru þannu tíð árs ekki fyrir hendi. Vjer
 25 lágum í Vig allraheilagramessunótt og 3 skip af Buskaia og mörg skip önnur. Buskaier höfðu það skikk um þessa nótt, er þeir lágu oss nálægt, að þeir uppsettu skriðbyttur uppá hvern topp sinna skipa, og eins aftur í þeirra rúndel, sem og á framanverðu bogspjóti, og höfðu söngva langt
 30 fram á nótt. En á þeirri annari nóttu, sem vjer þar lágum í höfn, aðhleypti stormviðri hörðu af suðaustri, svo að

¹⁾ ɔ: Ermarsund (La Manche).

²⁾ Dover og Calais.

³⁾ Á skránni, sem áður er getið um, stendur ekki Jóris, en um Jacob Adrianssen er þar getið.

⁴⁾ ɔ: Newport, bær í eyinni Wight.

einu hollensku skipi, er lá fyrir framan oss, krakaði um nóttina. í miklu niðmyrkri, upp á oss, svo að vort bogspjót innkomst í þeirra káhyttu, og mөлvaði það alt til agna, er brothætt var þar inni, svo að ef stór sjór verið hefði, þá hefði vort bogspjót að sönnu giggjað¹⁾ og því með fylgj- 5 andi fleira. En um morguninn urðu þeir að vinda sitt skip út af voru bogspjóti og gáfu oss skuldina, hvað þeir þó ranglega gjörðu, því vjer lágum kyrrir fyrir, er þá rak upp á oss. Svo hjeldum vjer þaðan úr höfnum á næsta eftirfylgjandi degi, og að Plemen²⁾; þar gegnt sem vjer lágum 10 var staðurinn Hanton, með sömu merkjum, sem að fornu greinir³⁾. Þar lá eitt ræningjaskip mikið og vel út búið, en þeim megin sem vjer lágum kallast Drakshús, það eru þær hallir, sem kapteinn Drak⁴⁾ hafði gjöra látið, sá eð fyr meir var í Englandi, á dögum Elísabetar, sem var forð- 15 um meykóngur í Englandi, Anno 1590, sú eð var móðursystir Jacobs kóngrs⁵⁾.

Við hafnarmynnið, sem inn er siglt, sem í austur liggur frá Hanton, nærri viku sjóar, þar stóð eitt stórt og mikið blokkhús með stykki og varnir á⁶⁾, og hverjir sem þar 20 innsigldu hlutu sín toppsegl að lægja til helftar, annars var til sett, að þau af því blokkhúsi í sjó skjótast skyldu. Drakshallir eru með kopar og blý þaktar, og var oss það sagt af landsmönnum, að hann lægi þar á höfninni í þremur kistum niður söktur, fyrst í trjekistu, næst henni í blýkistu 25

¹⁾ o: bilað; cfr. geggjaður.

²⁾ Plemen er líklega Plym-fljótið eða öllu heldur Plymouth-Sound og Hanton er þá bærinn Plymouth sjálfur, við mynni Tamarfljótsins (Hamoaze).

³⁾ Jón Indíafari hefur ekki minst á þessa borg áður, svo þetta er misminni.

⁴⁾ Það er auðsjáanlega átt við hinn mikla víking og farmann Sir Francis Drake († 1596).

⁵⁾ Elísabet drotning var ekki móðursystir Jacobs 6. (1.), en Margrjet Tudor, föðursystir hennar, drotning Jacobs 4. Skotakonungs, var amma Mariu Stúart og langamma Jacobs 6. (1.).

⁶⁾ Líkl. er átt við virki á St. Nicholas eða Drake's Island fyrir framan höfnina.

og utan yfir lengst í járnkistu, og liggur þar svo fyrir þremur atkerum vel forvaraður.¹⁾ Og með því þessi Vilhjam Draco var mikill sjókappi og einn fyrir sig hinn forsóktasti, sem útsíglt hafði í gegnum jarðrikið á litlu skipkorni, sem
 5 sundur skrófa mátti í 4 parta, svo hver þess fjórðungur skyldi viðráðanlegri vera, ef yfir land þyrfti að flytja eður í þröngt knípi kæmi. Og með þetta skipkorn sigldi hann í gegnum Veigat og kom svo hingað úr norðri upp á Ísa-fjarðardjúp og hafði lengi legið fram undan Arnarnesi og
 10 kölluðu íslenskir menn Draks duggu²⁾ þetta hans skip. Item vann hann einn tíma mikinn pris fyrir suðvestan Írland, í tíð meykónsins Elisabetar, með 5 skipum á 60 spönskum stórskipum. Og nær sem síðast skyldi hjeðan, veitti honum mjög þröngt um andlát; þar fyrir bað hann um, að hann
 15 flyttist út á sitt skip, þar mundi Guð sig burt kalla, og tilskikkaði að svo skyldi um sína greftrun öllu haga, sem nú var greint.

Við þessi Drakshús og í þann stað, þar lá við ströndina, fóru vorir yfirmenn til lands að uppleita sjer einn stýrimann; og í einu gestaherbergi fundu þeir einn stýrimann, sem fyr hafði reist til Indíen, sá eð Albert hjet, og ræn-ingjar höfðu tælt með sjer að sigla fyrir stýrimann, og í þann tíma meinti þá friðmenn vera. En síðan varð þeirra þessara óknyttu var, að þeir ránsmenn voru, og vildi því
 25 gjarnan þá viðskildur vera og það til vinna, ef vjer gætum

¹⁾ Drake andaðist á sjó fyrir utan strönd Mið-Ameríku og var líkinu sókktt í haf, svo það er rangt að hann sje grafinn á Englandi.

²⁾ Hjer er líklega blandað málum, því Sir Francis Drake mun tæplega hafa komið til Íslands sem skipstjóri; hvort hann kann einhverntíma að hafa hrakist þangað veit eg ekki, en þó getur svo verið. Hafi hann siglt þangað, þá hefur það líklega verið á árunum 1580—1585, eftir að hann kom aftur úr ferð sinni kringum heiminn, og áður en hann fór aftur til Vestur-Indía 14. Sept. 1585. Víst er það, að Drake hafði mikinn áhuga á að finna sjóleið fyrir norðan Ameríku og skrifaðist á við Davis um það (sjá Barrow, *Life of Drake*. 2. Ed. London 1844, bls. 80). Samt finnst mjer óhætt að álykta, að eitthvert enskt skip, með fyrirlíða með nafninu Drake, hafi komið á Vestfirði á síðari hluta 16. aldarinnar eða þá laust eftir aldamótin 1600. — Um siglingar Englendinga til Íslands um þær mundir sjá Þorv. Thoroddsen, *Landfræðissaga Íslands I*, bls. 147—148.

sjer sem fyrst náð af þeim, sem nú í þetta sinn lágu þar
 ásamt öðrum skipum, lítinn veg frá oss að suðri við, á litlu
 og fallegu gangskipi, sem var jakt hins stóra skipsins, er
 lá suðvestan fram við Hanton. Um kvöldið seint, er dimt
 var orðið, skipuðum vjer út vörn bát af völdu fólki, og svo 5
 sem þeir höfðu við hann í landi þar um ráðslagað. Vjer
 höfðum 3 stykki smá af kopar, er falkónur heita, fram á
 bátnum. En strax sem vjer komum þeim í nánd, gjörðu
 þeir sterkt hróp allir oss í móti og afsögðu oss hann um
 kvöldið og ljetu sína glissandi lunta tendraða á bæði borð 10
 til reiðu standa og ljetust til verka búnir hinna verri, utan
 vjer aftur heim hjeldum, en kváðu oss frjálst að morgni
 næstum hann að sækja, ef ei sjálfir með kæmi Vjer hlutum
 hvað sem gildi heim aftur að snúa. En um morguninn komu
 þeir með hann til vor, og undu illa við hag sinn og kváðust 15
 seinna mundu slept hafa, hefði þeirra aðmírall verið sjer
 nálægra. Þetta urðu þeir svo búíð að sekkja og með þögn
 þola. En þessir menn voru lítt skárri að líta en þeir í gálga
 hafa um hrið hangið, en tillit þeirra sem viðbjóðslegra
 varga. Að næsta morgni eftir gjörðum vjer oss þaðan ferð- 20
 búna og fyr en dagaðist vorum vjer undir segl komnir við
 tunglsbirtu. En með því vindur var oss þver. nær vjer
 skyldum út af höfninni halda, lá oss við háska hjá greindu
 blokkhúsi, þegar fram hjá því strauk, svo nálægt að ei varð
 sjeð, hvort vjer þar mundum frá með lífi sleppa. En miskun- 25
 samur Guð leiddi oss svo farsællega hjá klettinum, að ei skað-
 aði nje snart, en svo nálægt rann þessum klett, á hverjum
 blokkhúsið stóð, að því nærri snart skipssíðuna á stjórnborða.
 Og sem vjer þar hjá sluppum, vorum vjer strax í þann
 spanska sjó komnir, hver eð umbeltar allan þann vestra 30
 part Englands, og brimið af þeirri miklu hafsöldu, sem kemur
 af því víða vesturhafi og út af þeim spanska sjó, gengur
 upp undir þann skóg, er út frá Hanton liggur, út í mót
 hafinu.

VII. KAP.

Eftir miðdag sneri vindurinn sjer til landnorðurs, sem var vor beinasti byr, og nær vjer komum fram undan Barlis¹⁾ í Spanía, varð öllu fólki með klukkuhringing og
 5 síðan með trómetsblæstri uppbent á þilfar, artíkular upplefnir og fólkið ámint til guðrækni og góðra siða, þar með til hlýðni og hollrar umgengni fyrir guði og mönnum, og í það sinn lýst vegarlengd þaðan og til Indía rjett fram að vera 3500 milur, en þar að auki allir afkrókar, sem mikilli
 10 vegarlengd viðbæta. Voru þá 3 orður gjörðar eður kvartjer af öllu skipsfólki, og jafnmargir menn í hverri, og þau 3 blöð og fólksregistur voru á þilið uppfest, fyrir framan káhyttudyrnar, þeim til beggja handa, er til stýris gengu. Sú fyrsta orða var nefnd kóngsins kvartjer, sú önnur prinsins
 15 kvartjer, sú þriðja hertug Uldrichs kvartjer. Þessum báru öll verk á víxl utan borðs og innan, sem er: bátsróður, skipsvakt, sem umbyltist eftir þriðjungstölu, skip að fága og útvaska hvern og einn morgun, fyr en morgunsöngur hefst, af því kvartjeri, sem dagvakt eður morgunvakt tilfellur. Í
 20 hverju kvartjeri gengur og öll vinna á víxl, svo að allir hafi og fá jafnt ómak, utan borðs að standa, vatn upp að draga, hvernin sem viðrar, nær mögulegt er, aðrir við að taka og í stampa að hella, þá fram og aftur og ofan í skip að draga og með skörpum hrísvöndum alt gróm upprífa og
 25 með hampkóstum að strjúka. Item ofan í skip að vitja, seglum að viðsnúa, þúðri að umbylta, svo það ei saman renni, til pumpu að ganga, og til þess fleira sem við liggur. Yfir hvert eitt þessara kvartjera var einn kvartjersmeistari settur, sem bátstjórn hafði og var upphafs og áminningar-
 30 maður til alls þess, sem í hverju kvartjeri til fjell að athuga, erfiða og umgangast og umhirða, og við hver kvartjerskifti skyldi hrópa og sinni vakt til segja. Eg var í hertuga

¹⁾ máské o: Barlenga eða Berlenga-eyjar fyrir vestan Portúgal, RC. geta upp á Belle Isle, ey fyrir sunnan Bretagne.

Uldrichs kvartjeri og minn kvartjersmeistari hjet Jacob Róð¹⁾, einn frómur mann og varð minn góður vinur, hann var fæddur í Stralsund og uppólst þar ei lengur en til hann var 9 ára gamall, en síðan í Hollandi, og hafði því alt hollenskt skikk, bæði í trúarbrögðum og öðru háttalagi. Ei höfðum vjer utan einn trómetaria, Jurgin að nafni. En tala alls fólksins innan skipsborðs var 88, með ungum og gömlum²⁾, með yfirsettum og undirgefnum, þar af gengu til stjórnar 58, og svo 19 voru í hverju kvartjeri, enn 2 ungir menn, hjet annar Thómas, en annar Michel, voru teknir 10 til ljósvaktara á nætur við lampann, sem á milli kompás-auna brann í nátthúsinu.

Einn maður, Franz³⁾ að nafni, í Danmörk fæddur en í Hollandi uppallinn, ungur mjög, nær 22 ára gamall að aldri, sat í fangelsi frá því vjer vorum í Vigt og til þess nú var 15 nefnt, fyrir sakir þess misgjörnings, að hann í móti skipsins lögmáli og kóngl. Majest. artikulum hafði sig svo stórum forsjeð, að hann í reiði dró sinn kníf til eins annars í bátnum, og aftur innan skipsborðs í sama sinni. En hverjir, sem slíkt gjöra á þeirri reisu, skikkast, eftir artíkulauna 20 hljóðan, að prófossinn skuli við stóra mastrið þeim sama hnífi stinga í gegnum hans hægri hönd, hvað og einnin þennan sama mann ske skyldi, og nú af prófossinum var fyrir stóra mastrið leiddur. En með því þetta var hið fyrsta brot á þessari reisu, er straff útheimti, og alt fólkið 25 gjörði sína almennilega bæn fyrir hann, þá varð því svo gegnt, að hann í það sinn skyldi frá því mikla straffi frelast, en samt skyldi lögmálinu með nokkru fullnægja, svo að kóngl. Majest. lögmáli yrði ei niðrun gjörð, og varð svo ályktað, að hann skyldi slást með einu kaðalshöggi af hverjum 30

¹⁾ á skrá Símonar Jóhansens er hann kallaður Jacob Roude.

²⁾ á skrá Símonar Jóhansens eru aðeins taldir 73 manns.

³⁾ jeg tel óvíst hvort getið er um þessa þrjá menn á skrá Símonar Jóhansens. Franz er máske Franz Mönting, „kajuttvegtter“, en Thómas ef til vill Thomas Jensen, sem er á skránni talinn með „báts-mönnum“.

manni, að fráteknum yfirvöldunum öllum, svo hann fjekk 80 slög á sinn bakhluta, þar hann stóð í einum ljereftsbuxum. En með því þessi maður var ungur og í mörgu vel að sjer, vorum vjer 4 ungir menn honum kærir og að

5 nokkru leiti honum áhangandi í því sem meinlauslegri vináttu og stallbræðraskap til hnje, og höfðum vjer oss því sambundið, nær að oss kæmi, honum að vægja, en þó skyldi í ásýndinni slik linkind ei merkjast. En nær sem þetta straff af öllum var endað og útgjört, og prófoss skyldi þetta

10 kaðalsverð (fljettað málfaðmur að lengd) afgreiðast til varðveislu, bauð kaptuginn, Christofor Boye, honum sterklega oss fjóra höndum að taka, fyrir stórmastur leiða og fjögur slög hverjum af oss til endurgjalds (sem vondum hræsnurum) að útgreiða, oss og öðrum til langgæðrar og

15 sterklegrar viðvörunar, að engir framarsliks dirfast skyldu neina hræsni að brúka, þar straff skyldi útgreiðast, eður hæðni lögmálinu auðsýna, hvað svo mikla þýðing hefir. Eftir artikulanna lestur (hverra innihald og tölu að mjer er ómögulegt að útskrifa og hjer inni að greina) og skipstraff yfir

20 staðið, fólk skrifað og skikkað í hvern skutul, sem voru að tölu 7 menn í hvern, og ráðvandur og guðhræddur maður, einn af hverjum 7, til skutulsmeistara útvalinn og skikkaður, hverjum að befalaðist að niðurþagga og öftrun gjöra þeim sem vanskikkan auðsýndu með ótuktugum orðum eður með

25 öðrum ósómasamlegum atvikum yfir máltíð, og hver sem honum óhlýðugur fyndist, skyldi prófoss sagður og í káhyttu auglýstur og eftir málsvexti straffaður, og hans laun kortuð, og skyldi jafnan slik peningaútlát hverri líkamlegri refsing fylgja, til öftrunar blóti, eiðum, reiði, óguðlegri ræðu og

30 mörgu öðru ósæmilegu til máls og gjörða, bæði innan máltíðar og utan. Einkum krafðist góð umsjón að væri prestsins áminningu hlýðugir í öllu því sem hans embætti við kæmi innan skipsborðs. Og yfir alt fram hafði prófoss sig með bókareiði til sterklegrar aðsjónar, umvöndunar, trúlegs

35 aðhalds og án manngreinar og mannvirðingar hræsnislausrar aðgætni forpliktað upp á sjón og heyrn, hvað orð og verk sjerhvers manns áhrærði, hvar sem vera kynni fyrir utan

káhyttu. En öll yfirvöld, sem sinn sess í káhyttu höfðu, nefndust það breiða ráð, í hverju ráði að er prófossinn jafnt þeim öðrum kaptuga, kaupmönnum, skipherra, undirskipherra, stýrimönnum, trómeturum, hábátsmanni og þeim ypparsta assistant, ásamt prestinum þar yfirverandi í hvert sinn rjettargangur skyldi haldinn verða, og allir slíkir skyldu lögin og artikulana styrkja með fullri auðsýnandi alvöru. Í öðru lagi voru þeir menn og tilsettir sem mersusegl skyldu inntaka í hverju kvartjeri og kallast mersclemmer eða mersuklifrarar. Enginn var vaktfri utan presturinn, kaupmenn þá ekkert viðlá og sá elsti assistant Niels Gertzon. Vor prestur hjet Christián, ágætur ungur maður og mjer jafnan ástsamlegur. Fjórir timburmenn fóru heiman, af hverjum einn dó í Afrika á vorri útreisu, Þórður að nafni. Cláus From var þeirra hinn helsti.¹⁾

Og nær sem alt var í lag sett með slíkum og þvilíkum hætti sem nú var greint, svo var og einn eiginn skamtur skriflega skikkaður af brauði, smjöri, kjöti, hörðum fiski og söltuðum, víni frönsku og spönsku, item rinsku, frönsku og hollensku brennivíni. Var hverjum einum ætlað: Fyrst á kjötdögum, sem er sunnudagur, þriðjudagur og fimtudagur, var hverjum einum af kjöti hráu 2 skálpund tileinkuð í 2 máltíðir; item á fiskdögum, sem er mánudagur, miðvikudagur, föstudagur og laugardagur, var og hverjum einum tileinkað í miðdagsverð og kvöld 2 pund af hörðum kieldinafiski²⁾, sem barinn, bleyttur og soðinn verður, og 1 skálpund í hvern skutul³⁾ eður fyrir hverja 7 menn til bráðsmjörðs út heila viku; item eins potts mælir af grjónum á fiskdögum og eins af ertum eður baunum á kjötdögum; item hvern laugar-

¹⁾ á skrá Símonar Jóhansens er getið um 6 timburmenn, Claus From (Fromme) virðist þeirra æðstur. Þar er enginn Þórður nefndur sem timburmaður, en meðal „Kayutvegter och seigleger“ er nefndur Thord Nielsen, og getur verið að sje átt við hann.

²⁾ o: saltfiski frá Kildin við Norðurishafið, sjá bls. 102.

³⁾ á þátíðardönsku Schiöttel, nú o: Bakke, svo kallast flokkur hermanna, er eiga mötuneyti saman á herskipum.

dag var smjör og brauð útvegið og hverjum einum 3½ pund brauðs, sem eru 7 merkur og 1 pund smjörs; ítem vart hálf mörk víns (sem þeir kalla myschen¹⁾) var hverjum manni, ein til miðdags og önnur til kvölds, eftir máltíð haldna 5 gefin, fyrst af frönsku, meðan það sýrðist ekki og síðan af spönsku víni, hverja ranzon og afdeild að hver maður hlaut að drekka strax fyrir buteleries dyrum (það er brytans búri), en ekki í burt berast. En til drykks af öli, meðan það varaði, sem var í 3 mánuði, var hverjum einum 3 marka 10 kanna tilsett, sú eð kallast flabkanna²⁾ og það með degi og nóttu, sem eru 24 stundir. En strax sem menn komu suður fyrir Tyrkiríið, og þar suður á lengra, dugir ekki lengur öl til drykks nje geymslu fyrir súrleika sakir, úr því er vatn gefið hversu lengi sem þeirra útidvöl drýgist. Og hver sá 15 innan skipsborðs, er þann glæp hendir, að hann steli hálfri flabkönnu vatns frá öðrum, hefir til hængingar unnið, svo það bevisað verður. En svo er vatn heitt sem af eldi tekið væri og þar með fordjarfast það mjög í fötum, og pípum, svo alt hlýtur með járnböndum að girðast, annars dugir það 20 ekki til þeirrar reisu, utan með þeim hætti sje það og fleira sterklega varðveitt.

Nú eftir fylgir það hvað sjerhver hlýtur með sjer til þeirrar reisu að kaupa og hafa sem er: Fyrst margar skyrtur, tóbak, negliken, muskater, comen og engifer, malið og ómalið, 25 þar með brennivín og fleira annað. Ítem eitt línlak fyrir hverja tvo, sem haft verður undir það regn, er úr lofti fellur, nær skruggur, eldingar og stórar reiðarþrumur um dynja og drífa, og verður í hvert þess horn bundið og svo upphengt undir regnsteyypuna, og ein lítil blýkúla er látin 30 í mitt línlakið og þar undir er sett kannan svo lengi að hún er full, hvert vatn að menn drekka í sinni stórri neyð og ofurmikilli þorstapvingun, hvar af þrátt koma ýmislegir sjúkdómar, svo óheilnæmt er það vatn mörgum nær svo til

¹⁾ á þeirra tíma dönsku „Metschen“; einskonar mælir.

²⁾ holl. flapkan, trjekanna til nota á skipum.

vill. Það eitt af mörgu verður í kóngl. majest. artíkulum fyrirboðið sjerhverjum, að leggja sig til svefns í votum ullfötum, sem af regni eru vot orðin, því það oftlega við ber að menn þeir sem til slíks reynt hafa, að sofa í votum fötum, hafa fengið rauðbleika orma í sitt hold, sem bart- 5 skerar útvinda úr þeirra holdi með tvinnapræði, en sje svo að þeir slitni, verður þess manns bani, er slíkt er til fallið. Og skal hjer um nú að sinni ei meir talast, heldur aftur vikja til þess efnis, er eg frá hvarf, er setningar alls háttalags voru auglýstir, sem á reisunni skyldu orðentlega og 10 varanlega við makt haldast. Svo og var öllum strengilega tilsagt í öllum stöðum og viðvíkjandi pörtum prestinum og öllum hans áminningum, kenningum og tilsögnum heyrugir og hlýðugir vera skyldu. En hver annars sjer breytti eður dár til orða eður gjörða auðsýndi, skyldi þess lif gilda; 15 og sjerhver skyldi sig vakta til corum kvöld og morgna. þegar hringt væri, hver klukka að hjekk við bitann fyrir framan stýrpligtinn¹⁾. Henni var og hringt nær artíkular skyldu á hverjum mánudegi upplesast fyrir öllu fólkinu, en ætið til borðs. 20

VIII. KAP.

Og sem alt þetta var nú skikkanlega fram sagt og alt annað hvað til hlýddi, var til miðdagsmáltíðar hringt, og í hvern skutul 9 marka trjestaup af spönsku víni gefið fyrir utan vorn ranzon. Síðan upphófu stýrimenn, um hvert 25 miðdegi, að taka og ná sólarinnar hæð, og byrjaðist fram undan Barlis í Spanía, sem fyr var greint, og hjeldum vjer þeim landnorðanvindi og besta hlaupbyr frá Englandi og hjeldum mjög í vestur í fyrstunni þaðan, og fyrir norðan

¹⁾ gl. d. styrpligt, holl. stuurplikt, svo nefndist einskonar pallur eða bekkur aftantil á skipinu, dálítið hærri en þílfarið, handa þeim sem stýrði.

Írland¹⁾ og svo í gegnum allan Spanska sjóinn, undir Barbarið²⁾, sem eg ætla 600 mílur vera muni.

Einn dag í þessum hálfum mánuði er vjer á leið vorum í gegnum Spanska hafið, nærri fram undan Stræti, sem
 5 þeir fyr kölluðu Njörfasund, mætti oss eitt skip upp á stríðsvisu útbúið, og kváðust frá Brasíliu komnir vera og til Amsturdam sigla vilja og ljetust friðmenn vera. Þeir höfðu
 4 trómetarii inni, og bljesu forkunnar vel. Vjer gjörðum oss augljósa og skutum 3 stykkjum og voru mjer 2 af þeim í
 10 varðveislu sett, þau láu á stjórnbörða nokkuð framarlega. Nú var alda úr Vesturhafi, en lausasjór úr norðaustri og var ógott utanbörðs stykkinn að hlaða og treystu fáir sjer til, en svo framandi ekki sæi lítilmensku til vor, það constabel mig að hlaða mín stykki utanbörðs, því sú skipssíðan
 15 venti til þeirra, en menn ljetu segl kala. Og nær eg var búinn að hlaða það fyrri stykkið, en lá útbyrðis á því öðru kom mikill öldu sjór þrisvar undir bakbörðssiðuna og hratt skipinu niður á stjórnbörðssiðuna. að stykkinn rákust öll í sjó og eg með rjett á höfuðið, svo eg drakk mikinn sjó í
 20 mig, svo mjer var nær búið af stykkinu að flotna; en eg fyrir Guðs náð fjekk mjer svo fast haldið allar þær 3 báru af, að mjer enginn skaði tilfjell utan eg allur vöknaði, en minn constabel hugði mig horfinn vera, og eg fjekk hjer af stórt lof, en Guð yfir alt. Kaptuginn sendi mjer brenni-
 25 vínsstaup úr káhyttu til heilsubótar, og úr því komst eg meir og meir í hans kynning og elsku. Síðan hjeldu þessir framandi skipmenn oss í frá, en hefði verið náðugra veðurlag en þá var fyrir hendi, mundum vjer betur hafa athugað frásögn þeirra og rannsakað rjettlæti þeirra, því yfirmenn
 30 vorir meintu misjafna menn verið hafa. Á þessum 14 dögum bar ekki til tíðinda stórra, utan einn sunnudagsmorgun hljóp vort skip í vind óvarlega fyrir sakir vankunnáttu þess manns,

¹⁾ Þetta er líkl. rangt; þeir hafa hlotið að sigla fyrir sunnan Írland.

²⁾ Barbarið, líka kallað Tyrkirið, eru víkingaríkin á norðurströnd Afríku (Marokkó, Túnis og Algeir).

er við stýrið stóð, er Franz Andrjesson¹⁾ hjet, og var smiður að handverki, því þar voru nokkrir þeir innan skipsborðs, sem aldeilis voru til sjóferða ótamir, er sig höfðu frá ýmsum handverkum til þessarar reisu skrifa látið; en af því veðrið var hart og hvast, var búið við töpun eður segl og mastur yfir borð, en útá þilfar að ganga var stór hætturaun fyrir kaðlabraki, er um gekk höfuð allra er til voguðu, en þó fengu fáir menn þar af raun stóra, að frá teknum Thómas einum, sem var lampvaktari á nætur við kompásinn, sá eð um stund lá í svíma. En svo var þessi góði mann 10 Franz hræddur að hann vissi ekki hvað hann af sjer gjöra skyldi og bar sig mjög litt. En Guð gaf sína náð þar til að skipinu varð aftur snúið til lags og undan vindi, og seglin viðrjett sem hæfði. En með því að Franz var nýr bátsmaður og í námi þar um, var honum þessi misgjörn- 15 ingur kvittur gefinn, og það hann var einn frómur maður, einninn var hann mjög eflur en var þó hið mesta spakmenni eitt fyrir sig sem verða má.

Nú sem vort skip hafði fulla 14 daga undir seglum runnið frá Englandi sögðu stýrimenn oss þá, að nú væri 20 undir Barbarið komið, og þótti mönnum þá vera í óttasamlega staði komið, því fyrir Tyrkneskum er uggandi á bæði borð þá þar er komið, bæði með sín skip og galeiður, hvar með þeir jafnan grassera fólk og herfang að yfir komast, sem útsendast jafnlega af þeim smákóngum, sem í Tyrki- 25 riinu allviða yfirdrotnan hafa og Baska²⁾ þar nefnast, og ei síst af þeim hertugum og smákóngum, sem yfir þeim ey-löndum drotna, er inni í Strætinu liggja, hverjum hertoginn af Malta³⁾ mikla mótstöðu gjörir, og tíundir verða lagðar af kristninni, einn ágætur og vellauðugur herra. En með 30 því að hlífð Drottins var daglega yfir oss, urðum vjer við

¹⁾ á lista Síms. Jóhansens er getið um smið að nafni Franz Clausen.

²⁾ ɔ: Pasja, tyrkneskur titill.

³⁾ ɔ: stórmeistari Jóhannesarriddaranna; þeir sátu þá í Malta og er viðureign þeirra og Tyrkja þjóðkunn.

engan voða varir, hvorki af þeirra hendi nje annara Guðs óvina; og ásettu stýrimenn sjer nú að sigla á milli þess barbariska odda og þeirra Afrikanisku eður Flamsku eylanda, sem og enn kallast Asoris. Þau liggja í vestur frá Lisbon 5 í Spanía, nærri 200 milur, þau reiknast til Afrika en liggja þó nálæggra Evrópa, en heyra þó til kónginum af Spanía. Þessi eylönd eru sjerdeilis 7, sem er Tercora, St. Michael, St. María, Gregoria, St. Georgi, Faial og Pisco¹⁾. En ef vjer hefðum siglt fyrir þau norðan til, þá eykur það við 10 nálægt 100 milur til vegarlengdar, þar fyrir hugðum vjer oss til leiðgreiðslu í millum Barbarí og þessara Flamsku eylanda að sigla. En svo sem eg fyr á veik að vjer höfðum þá marga menn innan skipsborða, sem aldrei höfðu til skips verið eður stjórnar, þessvegna áttu stýrimenn mikla 15 raun, fyr en slíkum mönnum varð til vits vikið eður lags leiddir, en vant er við stýri að standa og rjetta stjórn að fremja, þá vindur liggur jafnt í báðum skautum, einkum í mikilli sjóöldu og skafasjó. Og nú fyrir sakir greindra tilefna bar svo við sem oftlega skeður, að oss var nær búið 20 að komast í mikla ólukku og í dauðans neyð, hefði Guð oss ei hjálpað með sinni náð og útrjettri hjálparhönd. Þar sem vjer hugðum fyrnefnda leið að sigla milli Barbarí og eylandanna, hafði oss fyrir vanstjórn of mjög borið á bakborð að því fasta landi Barbaría, svo að um affarandi nótt 25 laugardagsins, nær fyrsta vakt var afstaðin og komið var á þá aðra, og eg var fyrir lítilli stundu sofnaður, þá var stappað í þilfarið og hrópað: Land, land! og »Upp, upp, hver maður!« En sá sem við stýrið stóð, og Pjetur Jansson hjet, hljóp burt og kvaðst sínu gjaldi bjarga verða og 30 slepti stýrinu; en einn að nafni Pjetur Van Bergen²⁾ sá

¹⁾ Jón Indíafari á hjer við Azoreyjarnar og eyjar þær er hann nefnir eru nú kallaðar Terceira, São Miguel, Santa Maria, Graciosa, São Jorge, Fayal og Pico. — Hann sleppir hjer Corvo og Flores en nefnir þær síðar sem sjerstakan eyjaklasa. Þangað kom hópur af Flæmingjum árið 1466, og því voru þar kallaðar flamskar. Nú eiga Portúgalsmenn þær.

²⁾ um hann er getið, að jeg held, á skrá Símonar Jóhansens þar

eð lá gegnt mjer aftur við stýrpligtinn, er svo kallast, hljóp
 í andfælum upp til stýrisins svo að hann fyr en jeg fjekk
 gripið til stýrisins, en eg í hjálparlinuna, sem höfð er til
 styrktar þegar miklir stormar eru og margir hljóta til stjórnar
 að ganga, en þó óforvarandis en alleina af Guðs ásettu 5
 ráði vjek á þann veg stýrinu sem skyldi, svo skipið snerist
 strax að vindi við, og í því gangur ákomst, tók skipið 3
 dynki með efri skutnum svo margir um koll fjellu á þil-
 farinu, svo kaptuginn grjet og yfirvöldin öll skipsins; en
 Guð gaf lukku til að skipið rann heldur fimlega frá landi, 10
 nær sem það kendi fullra segla. En vindur stóð oss í gegn
 úr norðausturhafi rjett þvert upp á landið, en þar oss
 hafði inn borið að landi var ein breið vík og var þar næsta
 óhægt út að komast í rúman sjó, því við hvorn enda vikur-
 innar skar sig einn oddi út á hvort borð, og varð það að 15
 halda sem halda vildi, og urðu öll segl í toppi að standa,
 svo að möstur og stengur stóðu bjúg sem bogi. En á þess-
 um hluta landsins og Barbaríisins útodda búa mannætur, þeir
 eð leggja menn uppá járnristur, að steikja sjer til fæðslu og
 var þetta eitt fyrir sig furðanlegt dásemdarverk vors elsku- 20
 lega, miskunsama Guðs, hverju mjer síst hefði borið
 að gleyma, hans háleita nafn sje af oss og öllum tungum
 ljúflega lofað og dýrkað nú og æfinlega. Amen. Um morg-
 uninn nær bjart var orðið saum vjer uppá landið, sem
 fagurt var álots, eggsljett, með fögrum þorpum og söndum, 25
 hvítum og bleikum, og í mörgum hópum fólk samankomið,
 því um nóttina hafa þeir víst mátt heyra vort svakk og
 kvak, og því sjer svo í margfjölda samankomið, með vopn-
 um og herbúningi. En sá maður, sem stjórnina forljet, var
 um nóttina í fangelsi settur og vildi vor kaptugi að hengd- 30
 ur verið hefði, en hann fjekk því ei ráðið, því hann var

sem nefndur er byssuskyttan Peder Pedersen frá Bergen, sem þá líkl.
 ekki er Bergen í Noregi, en Bergen op Zoom á Hollandi; hins er ekki
 getið þar að eg held; að vísu er nefndur „jungmand“ Peder Jensen
 frá Kaupmannahöfn, en þar sem hinn, einsog rjett á eftir er sagt, var
 Hollendingur, getur það varla verið sami maðurinn.

hollenskur og landsmann kaupmannanna; en nokkur slög
fjekk hann af prófoss fyrir stóra mastri, og nefna þeir hver
4 slög mánuðssold, það er mánaðarlaun, upp á gamla gletni
og skipsvisu. Síðan var þrjedikun haldin fyrir miðdag á
5 þessum loflega 22. sunnudegi eftir Trinitatis, og af prest-
inum ljúflega ámintir Guði slíkt miskunarverk og föðurlegan
velgerning auðmjúklega og iunilega að þakka, og hann
lengi og vel geyma, og oss skikkanlega eftir Guðs vilja og
boðorðum halda og varast jafnan vorn Guð að styggja eða
10 til reiði að reita, svo Drottinn ekki yfirgefi oss í ómildra
hendur. Svo hjeldum vjer í vestur og vest-suðvestur, út
fyrir Barbaríð, á millum þess og nefndra eylanda, og var
oss land horfið fyr en rökkva tók. Svo sigldum vjer nætur
og daga með besta byrleiði, hið beinasta eftir því sem vegur,
15 lá, alt hvað aftók, og hjeldum sama vindi, sem þeir kalla
tapass eður masson¹⁾. Í Blálandshafi er eitt rif, og liggur
um þvert fyrir þeim þar um sigla og er mikið umferðar.
Þetta rif kalla þeir Ambroul²⁾ og hafa fyr meir mörg skip
á þeim sandgrynningum tortímst, og hljóta því siglinga-
menn er þá leið fara, mjög í vestur fyrir það að sigla
20 frá beinum vegi, og á meðan menn eru ekki fyrir það
komnir, brúka prestarnir eina mjög fagra bæn, sem kvöld
og morgna er lesin nær corum er haldin. Í vestur frá þeim
Flamsku eyhlöndum liggja tvö eyhlönd er kallast Covo og
Floris³⁾, á þeim eru 4 borgir, þau heyra og til þeim spánska
25 kóngi. Þau Canarisku eyhlönd liggja nokkuð í norðvestur
frá Caput de Bajador í Afrika þau eru 7. Í þessum eyhlönd-
um er mikið sykur, vín og önnur vara, þar inni eru 4
staðir. Þessi eyhlönd byggjast og af Spönskum og Portogal-
iskum og eru undir þeirra regimenti. Þau Capoverdisku

¹⁾ líklega er „tapass“ afbökun. á „passat“, „masson“ á „monsun“; höf. á auðsjáanlega við „staðvindana“ („passatvindana“).

²⁾ líkl. er átt við „Abrolhos“, blindsker og grynningar, sem menn áður töldu vera fyrir suðvestan Grænhöfðaeýjar. Annars er orðið „Abrolhos“ notað um þesskonar víðsvegar á hnettinum.

³⁾ hjer er átt við tvær af Azoreyjunum, Corvo og Flores, er liggja nokkru vestar en hinar.

eylönd liggja nokkuð í vestur frá Capoverde í Afríka, og eru þau 10. St. Thómas eyland liggur rjett undir línunni, þar á er mikið sykur, og einn stór staður sem heitir Pavoasa. Anabon¹⁾ heitir eitt eyland fyrir sunnan línuna, og St. Helena eyland, sem Portogaliskir hafa fyrst byggt og fundið, um hvert eg vil með Guðs hjálp fleira tala nær þar að kemur, er eg var á minni heimreisu frá Indíen.

Á þessum vegi og í þessu mikla hafi urðum vjer varir við 4 fiskakyn, sem þeir svo nefna, alcorem, duradd, bónet, og sá fljúgandi fiskur²⁾. Alcorem fangast með 7-önguðum ljósttri, sem hafður er í einni skutulrá, og sá sem hann fangar hlýtur að sitja útá blindránni, sú að er föst við bugspjótið, og nær hann veður uppi, skutlar hann í hans bak þessum ljósttri. Einn maður á voru skipi Andrjes³⁾ að nafni, mjög eldur maður, og var kallaður Stóri Andrjes, hann skutlaði alla þá 9 er náðust á vorri útveisu. Einn tíma bar svo við að hann skutlaði einn þeirra, og var úti gott veður, en þó mjög hvast, að enginn af oss vissi neitt af, fyr en hann kom upp á skipið á stjórnborð upp yfir sitt höfuð gegnvotur, svo oss brá undarlega við, en lá brotin sú seglrá, er hann á sat, í tvo parta, en strengir hjeldu fastri svo ei náði burt að flota; og svo stríður var sá fiskur, og svo sterkur var sá Andrjes, að í þeirra viðurvist eður viðskiftum hrökk þessi seglrá sundur hreint í tvo parta, svo Andrjes fjell í sjóinn, en fiskurinn hljóp burt með þin og ljóstur. En þó skipið stryki undir sínum seglum öllum, samt gaf Guð það, að Andrjes náði í hnattmiðans hanka,

¹⁾ ๑: Annobón. — Á St. Thomas hefir stærsti bærinn sama nafn og eyjan, São Thomé á portúgölsku. Borgina Pavoasa þekki eg ekki.

²⁾ alcorem er líkl. halicore, sækýr, sem að vísu ekki er fiskur, en spendýr er lifir í suðrænum höfum sumstaðar; duradd er fr. daurade, dorade (l. aurata) algengur fiskur í Miðjarðarhafinu og suðurhöfum; bónet = fr. bonite, e. bonito (scomber pelamys Linn.) einskonar stór makríltegund, sem ofsækir flugfiska), flugfiskurinn (exocetus volitans) er algengur í suðurhöfum.

³⁾ máské AndersKnudsen, timburmaður á lista Símonar Jóhansens.

er svo sitt hjekk utanborðs, að því nær til sjómáls náði, nær hann bar aftur með skipsborðinu, og áttu menn hann svo sem úr helju að heimta, og þótti öllum hið mesta mildiverk Drottins, sem og í sannleika svo virðast mátti og sig

5 sjálft vottaði að ei skyldi gleymast, hvað og strax var inn skrifað í vörn journal, sem og alt annað, hvað sjerhvern dag við bar á heillri reisu fram og aftur. Síðan gjörðu timburmenn aðra sterkari blindrá, og með betri kostum. Þessi Andrjes skutlaði og á þeirri útreisu 9 höfrunga og

10 7 hámeyjar sem vjer köllum hámerar. Höfrungar voru í hvert sinn veglega matreiddir með soðjukki stundum með hunangi, stundum með svisker¹). Hámeyjar voru og matreiddar og með skörpu salti soðnar og með vinediki etnar. Eg og margir gátum þær ei smakkað utan í fyrsta sinni.

15 Nær gott veður með hægð tilfellur á reisunni halda menn sjer utanborðs á skipföstum köðlum, nær fyrst sundlist læra, utan einn fram á og annar aftur á hljóta þar dyggilega vakt að standa yfir þeim í sjónum eru, því hafið er fult af þessu illþýði, nemlich²) hámejjum, sem fast sækja eftir

20 mannskjöti, og fyr meir hefir þrátt við borið að þær fyrir vangæslu sakir hafa mörgum að bana orðið, svo margt er að varast. Það annað fiskakyn er duradd, og er að stærð sem stór lax, og sumir minni, lystugur og mjög góður að eta, hann fangast með öngli, á hvern látin er rauð þríhyrnd

25 klæðisbeita; þessi öngull hangir á tilmæltum löngum þintaum, hver taumur að bundinn er upp í blindrána vel utarlega, og nær svo sem hálfa alin ofan úr sjómáli. Á miðjan þennan öngultaum er bundinn útskýttur og þaninn einn ferskeyttur dúkur eða sem nefklútur að stærð, og nær sem

30 siglt er undan vindi, þá blæs í þetta taumsegl, og það kippir þessum öngli upp úr sjómáli, og sýnist sem spriklandi fari með rauðan lit ofan um sjóinn; en nær þessi fiskur er í kafinu nálægt og getur sjeð öngulskvikið, meinar hann lifandi og rauðan fisk vera, og hleypur eftir honum

¹) o: d. svedsker = sveskjum.

²) = þ. nämlich, nefnilega.

með gin opið að grípa hann, og verður svo fastur. Og með sama hætti fangast hinn þriðji fiskurinn, sem kallast bónet. En hvernin sá fljúgandi fiskur höndlast skeður með þeim hætti, að strax sem þeirra uggavængir eru þurrir, þá falla þeir þar niður, sje þar sjór undir, skip eður hvað annað, 5 og þar fyrir nær gott og spakt veður er, láta menn sína báta fljóta eftir skipunum á löngum kaðli, svo á morgnana með sólaruppruna koma þeir í stórhópum upp úr hafinu, og strax til flaugar hefja sig upp í riðlum, en hvað langt að mjer virðist nærri 900 faðma vera þeirra flaug, og liggja 10 þeir svo eftir í bátnum, stundum 4, stundum 8, stundum 12, fleiri og færri, eftir því sem til vill, stundum verður fyrir þeim stóra skipið sjálft; þeirra lengd er málfet og eru góðir að eta. Villifugl mikill er í þessu hafi, sem á kvöldin setst á rámúlana, og verða svo handteknir, svo á morgnana var 15 oftlega bátur vor fullur af þeim, sem á þilfarinu stóð bundinn, og völdum vjer af þeim oss til matar, sem oss þóttu skástir vera, hina ljetum vjer fara sinn veg, en af þeim er ekki til matar að slægjast fyrir megurðar sakir. Þessi fugl er allur svartgrár, langur í flaug en stuttur í búk, og svo 20 er alt fuglakyn í þeim löndum. Hafsúlu sáum vjer þar víða en ei í villu hafi, því hún fer aldrei víðara en á landsbrún, og hafa siglingamenn það til marks, að nær þeir sjá hafsúlu þá vita þeir sig á landsbrún komna vera, hvar sem það er. Hollenskir kalla hana Johan De Genti¹⁾. Halcion²⁾ 25 er og í þessum sjó, af hverjum vor kaptugi skaut eitt sinn tvo, hverir gjörla sjást hálfa viku sjóar, þeir eru hvítir að lit, þeir eru helmingi stærri en álf. Í sinni flaug eru þeir frá einum vængsodd á annan 2 málfaðmar, þeir voru magrir, en þó góðir átu. Einn fiskur sjest stundum á þessari reisu, 30 af hverjum vjer sáum 2, sinn í hvort sinn, er þeir kalla

¹⁾ o: Jan van Gent.

²⁾ Halcyon (d. Isfugl) getur ekki orðið svo stór sem hjer segir, og er því líklega átt við albatros, sem geta orðið ca. 17 fet milli vængsodda.

sunnfisk eður sólarfisk¹⁾, hvers náttúru að svo er hagað, að nær hann veður uppi og sje hann ei niður kominn áður en sól rennur upp, svo kemst hann allan þann dag aldrei niður, til þess að sól er undir gengin. Hann er stór vexti 5 og óttalegur, og svo flækist hann í bárum allan þann dag, sem eitt grámórault skrímsl, hann er digrari en hákall.

IX. KAP.

Einn sjerdeilis viðburður sjest stundum á þessari leið, sem þeir kalla slúkupp²⁾, hvern vjer og í tvær reisir, ^{sáum} 10 ei lengra burt en vel viku sjóar frá oss; hann er mjög óttalegur tilsýndar, hann stendur beint upp sem stafur, sjórinn rennur rjett upp og niður í himininn úr hafinu, og þegar að þrot og uppgjöf verður á slíku, þá þverrar fyrst uppi, sem hæst maður fær litið og hverfur svo skjótt sem augað 15 fær nokkuð greiðlega eftir litið, og segja vitrir menn, að sá hafsdráttur eður uppsúg verði úr himins opnan, og hvað sem þar fyrir verður hlýtur upp að fara, þó eitt stórskip væri. En svo sögðu oss stýrimenn og þeir sem að Indium siglt höfðu, að einn tíma hafi helmingur skipsins í burt 20 numist, sá hinn fremri hluti þess. Og strax sem vjer það litum, gripum vjer vor höfuðklæði af oss og fjellum til bænar. Sá annar viðburður, sem á þessari leið er, er svo, að stundum sýnist að menn sjeu upp á grynningar komnir eður leirrif, og helst um kvöldtíma ber svo við, hvað oss og henti 25 eitt kvöld, er vjer frá kvöldsöng gengum, og brá oss mjög

¹⁾ Á ensku eru ýmsar fisktegundir kallaðar „sunfish“, er ekki gott að vita við hverja þeirra höf. á, líklega er þó átt við tunglfiskinn, d. Klumpfisk (orthagoriscus).

²⁾ Hjer er átt við skýstrokkinn; orðið „slúkupp“ finst í lágp. og dönsku þeirra tíma (d. slugop, lágp. slukop) í merkingunni „sá er svelgir alt í sig“, „átvagl“, og er ekkert því til fyrirstöðu að sjómenn hafi notað það orð um skýstrokka.

punglega við. Vor kaptugi kannaðist við það strax og þeir stýrimenn sem að Austindíen siglt höfðu, en þó samt til vareygðar útgreiddu stýrimenn meir 100 föðmum, hvað þó ei umgilti í einu villuhafi. Miklir straumar eru í þessum villu-sjó, er stundum áhlaupa, svo að furðu gegndi, ýmist með 5 eða móti. Eitt sinn sigldum vjer í vænni byrkylju frá miðdegi til annars, og nær stýrimenn höfðu sólarinnar hæð náð eftir venjunni, spurðu þeir mig og nokkra að, hversu margar mílur á þeim 24 stundum að vjer meintum oss siglt hafa? Vjer gátum til 30, sumir 40, en þeir kváðu oss til 10 baka 18 mílur rekið hafa. Tíu menn rannsökuðu sólargang fyrir og um hvert miðdegi, sem var fyrst 3 stýrimenn, þá kaptuginn Christophor Boye, 3 kaupmenn, skipherrann, assistent Söfren Nielsson minn góður vin, og einn byssu-skytter Andrjes Ólafsson. Og strax sem vjer útsigldum, 15 bauð kaptuginn mjer að læra upp á stýrimannsskap og taka sólarinnar hæð, en eg hafði forlofað mig 3 mönnum að kenna þeim á bók, hvað eg og fullkomnaði með guðlegri tilhjálp. En hver þeirra lofaði mjer sínum 3ja mánaða pen-ingum en eg fjekk ekkert þar af; því í artíkulunum bann- 20 ast að nokkur sá, sem ætti kvinnu, börn, foreldra eður systkini mætti sínum launum forlofa utan hann sjálfur til entist, en allir þessir 3 menn burtsofnuðu í Indíum.

Og nær vjer komum undir línuna Equinoctialis¹⁾, sem er miðdikismælipráður jarðrikisins og því kallast miðjarðarlína, 25 sögðu stýrimenn oss að vjer hefðum hana nýársnótt í gegnum siglt, reiknaðist frá því (að mig minnir) að sólin hefði verið í lín-unni fullar 12 eða 13 vikur. Um þann tíma kvað þar eng-um manni vært vera fyrir ofurhita sakir. En nær sem vjer þar vorum var þar frábær hiti, svo að sá sjór, er fyrir 30 nauðsynja sakir var upp dreginn, var svo mjög bráðheitur, að menn gátu varla hendi í haldið, nær fyrst uppkom, og á þeim mat sem skyldi afvatnast mátti ei lengur sjór á standa en 4 glös, það eru 2 partar úr eykt. En ef lengur er, verður sá matur sem sót að lit nær soðinn er, og má 35

¹⁾ Miðjarðarlínan, æquator, var stundum kölluð svo áður, einsog sjá má á gömlum kortum.

fyrir borð berast. Nær sólin er rjett í línunni, sem tvisvar á hverju ári við ber, sem er vor og haust, eftir því sem hennar gangur er frá oss og til, þá blása þar allir vindar úr miðju lofti, svo engin skip kunna þá þaðan í 12 eður 13 vikur burt að komast, sem fyrri skeð hefir, og þar með fá menn undarlega sjúkdóma. En nú forðast menn um þann tíma þar að koma fyrir sakir þess sem nú var nefnt. Ei blása á þessari leið austan- nje vestanvindar, utan norðan- og sunnanvindar, og stendur norðanvindur á vetur og þá hljóta menn hjeðan ferð hafa þangað, en sunnanvindur um sumar, og stendur hvor í hálfu ár, en á sumur sjest eigi skýskaf á himni í Indíen, og verða því hitar svo miklir að aldrei dregur fyrir sól, en á vetur blæs norðanvindur með regni úr hófi því sem hjer skeður, eldingum, skruggum, reidarslögum og jarðskjálftum, og vara fram að páskum. Nær sem menn eru komnir suður fyrir línuna og menn hafa siglt öll himintungl aftur yfir hvirfil sjer, þá sýnist sem þau öll öfugt gangi, sem er sól, tungl og stjörnur. Nýtt tungl sýnist þá svo sem það hið síðasta í tungli vor hjer á meðal og bregður mönnum í fyrstu þar við mjög undarlega. Ský á lofti sýnast oftlega með ýmsum myndum, og skeður af sólarinnar skarpri verkan, og þeirra ofurþurk þar af. Svo er sólarinnar hiti frábærlega mikill, að menn þeir eð standa framarlega á skipinu og vilja aftur komast, hljóta sig fyrst þar til að mynda, og síðan hlaup gjöra hið harðasta, því svo verður þilfarið heitt svo sem brennandi eða sem í funa stigið væri, og alt bik fer burt af skipinu og öllum skipsins reiðskap, svo að skipið sýnist alt hvítt og skinið. En þvílíkt ormakyn, sem gegnsmjúga sum þau trje, hjer finnast rekin, gegnbora að mestu þau skip að Indíen fara, svo undir furuhúð hljóta þeir blýhúð að hafa. Og nær vjer vorum komnir 3 gráður suður yfir línuna, saum vjer koma eitt skip í móti oss, svo sem frá landi við, og hugðum vjer óvini. En sem vjer litum þeirra toppmerki, er þeir flag nefna, þektum vjer gjörla hverjir þessir menn voru, því 11 eður 12 vikum fyr en vjer útsigldum, sendist eitt skip út frá vorum kóngi til Indíen, sem nefndist Flensborg, í það

land sem kallast Moritzen¹⁾, eftir svörtum við, sem blý-
 þyngd hefir, og út verður vegið í metum, með hverjum
 þeir forþrýða skápa, þilverk innanhúss, byssustokka og hvað
 annað fleira, sem viðvikur, og skyldu sjálfir hann upp-
 höggva, þar vex í skógi, og urðu með oss fagnaðarfundir. 5
 Með þessum vorum vjer lengi í samfylgd og varð oss það
 til stórrar skemtunar. En nær vjer þar næst land litum
 var það Afrika, 12 mílur frá Caput de Bona Sperantia, sem
 kallast Bay van Sardanien²⁾, og voru þá liðnar 18 vikur
 fullar, sem vjer höfðum ei land litið, og 2 dagar að auk, frá 10
 því vjer sleptum Barbarii úr sjón, en þetta var þriðju-
 dag. Sá maður er fyrst sá land fekk flabkönnu vins, og
 vjer glöddumst þar við mjög. Einn maður á hinu skipinu,
 sem var hollenskur, sem og hinir allir aðrir, hafði eitt sinn
 fyr meir við þetta landspláss komið á sinni indianiskri reisu. 15
 Þar sem vjer innsigldum var svo sem einn breiður fjörður
 og eitt mjög fagurt land á báðar síður, mjög lystilegt með
 skógi vaxið. Úti í þessu fjarðarmynni var einn stór hólmi,
 á hverjum voru margir selar, þeir eð gengu sem menn
 væri, og vjer meintum fólk vera. Nær vjer inn hjá sigldum, 20
 lá þessi hólmi á bakborð við oss, mjög fallegur tilsýndar,
 á honum var og margskonar fuglamergð, einkum páfugl
 hver að er tveggja faðma í sinni flaug, með frábærlega
 fögrum lit. Item halcion með hvítum lit. Í þriðja lagi
 er þeir kalla crobgangs³⁾ eins stór með gráum lit, hvers vjer 25
 og neyttum. Í fjórða lagi einn minni fugl, er þeir kalla
 þihvin eður pichvin⁴⁾, hann hefir bæði sels tegund og fugls;
 hann hefir sels húð en fugls sköpun. Hans vængir loða
 til samans sem fugls fit, og er að stærð sem æður og þvílík
 hans egg sem æðar, hann flýgur ei lengra en yfir breiða 30

¹⁾ c: eyjan Mauritius, viðurinn, sem talað er um rjett á eftir.
 hefur líklega verið ibenviður.

²⁾ Caput de Bona Sperantia = Góðrarvonarhöfði; Bay van Sar-
 danien = Saldanhafloinn.

³⁾ holl. kropgangs, d. kropgaas = pelikani (pelecanus onocrotalus),

⁴⁾ líklega er átt við þingvin (aptenodytes), þó lýsingin sje óná-
 kvæm, meðal annars að því leyti að þeir fuglar geta ekki flogið.

damma; og nær hann liggur á sínum eggjum, svo vill hann ei út fljúga af sínu hreiðri, en bitur menn í hendur og fingur, sem hans eggjum ná vilja, svo ávalt hlýtur einn að hamla, nær annar skal taka. Svo skeði mig eitt sinn, að
 5 vor prestur og eg fylgdumst þrátt þegar á land gengum, og skyldum ná eggjum, og varð sá að halda þeim með stokknum, er ei tók, en nær hann svo hjelt, náði hann samt til mín og beit mig illa í minn hægri handar fingur, hvað prestinum þótti sjer mikið hafa á orðið.



10

X. KAP.

Og nær í fyrstu vjer þar inn komum lögðumst vjer þar nálægt þessum hólma, og fóru yfirvöldin með þeim litla bát til hólmsins með nokkra menn, og eins af hinu skipinu, Flensborg. En mjer og mínu kvartjeri byrjaði þennan dag
 15 með þann stóra bát að fara, hvern þeir kalla skiötte¹⁾, og höfðum vjer þá ei með bát farið vel í 20 vikur, utan eitt sinn með þann litla, nær vor kaptugi skaut þá tvo fugla. Vjer höfðum tvö net innan skipsborða sem eitt var 200 faðma langt, en annað 1¹/₂ hundrað faðma að lengd, hver
 20 vjer með oss tókum og rjerum nokkuð inn á þennan fjörð, vel hálfa viku sjóar, og í það sinn saum vjer engan riðla-fisk uppi krapa, fórum vjer þar á land að skoðast um. Í fjörunni láu þær fögru tómu skeljar, sem varla verða brotnar, en eru svo fagrar nálega sem gimsteinar; af þeim tókum
 25 vjer nokkrar. Þar gengum vjer upp í skóg þann, er mjög þykkur var, og lá upp á hæstu fjallshæðir og langt með sjóarströnd. Svo var hann frjófur sem smjör væri höggvið, svo með vorri verju eður pampert²⁾ hjuggum vjer hvert feðmingsdigurt trje, þar vjer tilreyndum, sundur með einu

¹⁾ o: skøjte, uppr. af hollensku orði schuit(je).

²⁾ pampert, einskonar stutt sverð.

höggi eður tveimur. En nær maður vill sjer nokkurn efnivið af þessum skógi höggva og hann geymist í 6 vikur og náir að þorna, verður hann svo harður sem eitt bein. Þar hjuggum vjer upp nokkur grasker, er í Danmörk svo kallast, en í Spanía simppherpei¹⁾, það er skapt sem afmáluð sól: innan 5 í því miðju er sem einn stór hnöttur, að stærð sem eitt litið mannshöfuð; í þess geislandi öngum og hnetti, nær þeir það brjóta, er feitt og grænt oleum, í hverju að er sú besta lækning og smurning til meiðsla og meina, nálega jafnskjótt og því verður á brugðið. Þetta hjelt Doctor 10 Hans Resen (góðrar minningar), erkibiskup í Sælandi forðum²⁾, að verið hefði sá lundur, sem Guð ljet vaxa yfir höfði Jonæ spámanns, með sömu skikkan, sem ei er ólíklegt. Síðan komum vjer heim til skips aftur með tvær hendur tómar og engan ábata af sjóafslaföngum. Voru þá margir 15 fuglar í skipið komnir, sem matreiðast skyldu, af slikum er eg fyr nefnt hefi, hverjir á hólminum handtakast máttu, sem og selarnir, hverjir gægðust framan í oss og beljuðu við, af hverjum þeir velja þá hina yngstu og smærstu til matar, er með soði og sviskum og einnin með hunangi mat- 20 reiddir verða. En á þessum hólmi er mjög stöðuvant, á þeim flúrum og þar gras er, sakir fugla og sela drits. Efst uppá hólms hæðinni stendur ein há stöng, á hverja negld er ein breið fjöl eður skifa, og á þeirri skifu standa meir en þúsund fangamörk. Þar uppreistum vjer og einn stólpa 25 og skifu á neglda og skar Cláus From, vor timburmann, þar uppá   og þar stendur mitt og margra annara fanga-

¹⁾ á dönsku er til jurtarnafnið „Græskar“; „simppherpei“ er ber-sýnilega spænska orðið „siempreviva“, sem er notað um ýmsar sígrænar jurtir, en það er líklega af misskilningi að Jón Indíafari notar það um þessa plöntu. Líklega hefur það heldur ekki verið grasker (lat. cucurbita, sp. calabaza), þó það máske hafi líkst því til að sjá.

²⁾ Sjá ath. bls. 36; í biblíupýðingu sinni hjelt hann því fram að Jónas spámaður hefði setið undir graskeri, og svo hefur hebreska orðið verið skilið í mörgum biblíupýðingum (t. d. í hinum algengustu ensku og spænsku þýðingum); í isl. þýðingunni Oxf. 1866 er orðið lagt út „undurnjoli“.

mark á þessari skifu, eftir siglingamanna vísu. Við þessa hólms kletta, nálægt því sem vjer plöguðum að lenda við hólminn, lá einn mikillega stór hvalur, sem menn meintu að vera mundi 400 eða 600 álna langur, með miklum hrúður-
 5 hnyðjum á höfði og baki, með frábærlegu öskri, svo manni fanst land skjálfa við, og var því óttalegur mjög, bæði af ógna stærð, enda af hans mikilli skjálfandi raust. Að hólminum gengur mikið hafbrim, á þann veg, er til hafs vendi, í hverjum brimsúg að þessir selar, á milli þess þeir gengu á
 10 landi, bárust ýmist fram af þessum flúrum eða upp aftur, en nær útdráttur kom, og þá frambar, svelgdi þessi hvalur mikinn fjölda af þeim, og sumir gáfust upp aftur, svo það var bæði óttalegt og til gamans á þetta að horfa. Presturinn og eg skutum á víxl til hans tíðum, hverju hann
 15 gegndi ei meir en litlu dufti. Þrír menn flógu einn lifandi sel einn tíma og sleptu honum svo fram í brimið til hinna, varð þá mikið gnöldur og háreysti þeirra á milli, nær þeir litu hann rauðklæddan.

Síðan, að tveimur dögum liðnum, uppdrógum vjer hvoru-
 20 tveggja vor atkeri og sigldum inn lengra á þennan breiða fjörð, alt inn að einu eylandi, er þar lá inni; þar lágum vjer í 14 daga og hreinsuðum vjer vor skip neðan, sem mjög voru slýjuð og hrúðruð, og þar voru skipin ofan að sjómáli og upp á topp lapsalveð¹⁾ og smurð, það er: öll bikuð og
 25 stoppuð, utan borðs og innan, með þilfari og öllu því þar til hlýddi, og þar ofan í voru brotnar þær fögru skeljar, sem í bikinu storknuðu, og nær alt var klemt og fullharðnað, þá glistu þessi skeljabrot í sólskinu, sem gimsteinar um alt þilfarið væru niðurskrúfaðir og settir. Á meðan þetta verk
 30 yfir stóð, fór hvert kvartjers fólk langt inn á þennan fjörð, með netin til fiskidrattar, vel viku sjóar. Þar inni lágum vjer í stóru tjaldi og gjörðum oss þar einnin laufskála, og 2 er sjúkir voru í 9 eður 10 nætur, sem voru þeir Þórður og Andrjes og vildu fegnir þar andast og greftrast, en
 35 Herrann setti þeim í öðrum stað afgangstíma og legstað,

¹⁾ d. lapsalve, bika upp.

sem var þeim eina á landi, en öðrum á sjó. Þar inni höfðum vjer mikinn fiskidrätt á víxl til beggja skipanna. En þeir Hollenskir, sem voru á Flensburg, höfðu ekkert net, og meðdeildum vjer þeim allan helming við oss. Einn tíma drógum vjer í einum drætti 12 tunnur af þeim dýrlegasta 5 fiski, hver oss var óþekkjanlegur, en á mörgum vissu þeir nöfn, eftir því sem Spanskir fá þá nefnda, þó eg hafi því sem fleira gleymt. Sá fiskur, sem þeir kalla carvala¹⁾, er langur og mjór sem áll, en þó flatur en ekki sívalur, hann er mjög góður átu. Abborar eru nokkrir þar í bland 10 og karfar. Einn af þeim er sem rúða í glerglugga að sköpun, mjög góður og lystilegur átu. Einn þeirra er í fyrstu að sjá, meðan hann er ósundraður, sem eitt marglot, sem fagrastr er tilsýndar, en nær sem það hýði er af honum tekið, er þar spegilfagur fiskur undir, og nær hann er krufinn, 15 út vellur af hans kviði besta blek, sem hin besta substantia. Hinir aðrir eru með mörgum hætti að sköpun, fegurð og smekk. Einnin er þar makrill, sem þeir og kalla machrael, mjög lystugur og góður átu. En það fólk er þar bjó vildu ei nje voguðu oss að finna. Víða fundum vjer þeirra vistir 20 við sjávarströndina, þar sem þeir veiða fiskinn í sínum netum, þar strax steikja þeir þá og matgjöra fyrir sig. En upp á fjöllum, sem að eru öll með miklum skógi og dýrlegum grösom og blómstrum vaxin, þar kyntu þeir stórt bál, hvar margt fólk stóð um kring, en ei vildu þeir ofan 25 koma til vor, enda voguðum vjer og ei upp til þeirra. Sumir meintu, að þeir myndu benda oss upp til sín með sínum bálloga til að finna sig. En aðrir meintu til þess að tæla oss í sínar snörur. Þriðju meintu þetta vera þeirra afguðabál. Síðan að liðnum 13 dögum hjeldum vjer þaðan 30 og sigldum þær 12 mílur á næsta degi til Caput de Bona Sperantia. Og nær vjer komum þar fyrir, og vjer vildum upp að landi halda, þá sáuðum vjer þrjú stór skip þar undir land komin og vorum vjer hræddir mjög, því vjer hugðum

¹⁾ jeg veit ekki með vissu við hvaða fisk hjer er átt

það Franska vera mundu, því þeir flakka víða fyrir hvalveiði, og vjer fundum 3 pípustampa með grotta eftir þá, á því eylandi er vjer dvöldumst. meðan vjer smurðum vor skip, en vor á milli var óvingan í þann tíma, af hverju það reis 5 milli kónganna minnist eg ekki¹⁾. En frá snúið gátum vjer ei, því vindur stóð af hafi og urðum vjer undir landið að halda fyrir kost og muni, enda nauðsynjaði oss stórum þar að koma, vatn að taka og ferskt kjöt að fá fyrir vort fólk, sem mjög var svekt orðið á þeirri löngu reisu. Vjer bjugg- 10 um oss til höggva, ef með þyrfti, og lofuðu hinir að fylgja oss, meðan líf til hrykki. En nær vjer komum nær landi, sáum vjer þeirra toppmerki, að þeir voru engelskir menn, og urðum vjer þar við næsta glaðir. En nær vjer sigldum þeirra á milli upp betur að landi við, strikuðum vjer hvor- 15 ugir fyrir þeim, hvað þeim illa líkaði, og kom strax þeirra aðmírall um borð við oss og var ævareiður. En vor kaptugi var engelskur að faðerni, en norskur að móður, og talaði góða engelsku, og var strax til friðs, drukku þeir svo langt fram á nótt. Tvö þessara skipa voru á sinni heim- 20 reisu en eitt á sinni útreisu, og skal nú tala um þau 2 skip, sem voru á sinni heimreisu og mikinn ríkdóm höfðu inni, af því þeir yfirunnu eina spanska kráku á sinni útreisu, sem var fermd af kláru myntuðu silfri, sem var stykki van achten²⁾), og var þeirra aðmírálsskip uppá 700 lestir, en hitt 25 uppá 500 lestir, og höfðu þeir slegist við þá í 2 nætur og 2 daga, og mist 5 menn, höfðu þeir út varpað öllum sínum pipar og indíaniskri vöru. Og aldrei sögðu þeir svo rík skip hefðu komið inn fyrir Lundún, sem þessi 2 skip. En svo var krákan þeim stærri, að þeir gátu ei tekið nje upp-

¹⁾ Skipin, sem Ove Gjedde vann (sjá bls. 192) og taldi vera víkingaskip, voru frönsk; út af því varð ósamlyndi milli Frakka og Dana um hrið, og ljeku hvorir aðra grátt er hittust, þó eigi væri kallað friði slitið milli þjóðanna.

²⁾ svo var á þeim tímum oft kallaður spænskur silfurpeningur, real de à ocho, sem gildi 8 reales, (1 real = hjerumbil 15 til 35 aurar, eftir mismunandi gæðum silfursins).

unnið alt hennar gjald, svo þeir í vald ljetu Hollenskum það eftirblifna, og þeir gátu eigi meðtekið, og bíföluðu þeim krákuna upp brenna að lyktum.

XI. KAP.

Yfirmenn þessara skipa hjeldu sig rikmannlega í stáss 5 og klæðaburði, svo að nær þeir gengu á land, ljetu þeir á stöng bera eina forgylta húfu yfir sjer og sínu höfði fyrir sólarinnar hita og bjartleika, er þeir kalla chipsol¹⁾ eftir indíanskri vísu. Ei var svo neitt lítilmenni þessara skipa, að nær á land gengu með sínum herrum, og jafnvel þeirra 10 smáu pickers²⁾, að ei væri að henda spánska dali, sem hjer plagaðist vödur. Einn dag ljet M. Henrich, vor bartskeri, og eg, flytja okkur til þess stærra skipsins, nær þeirra yfirmenn voru á land komnir. Og nær eg fyrstur manna stje 15 upp úr vorum bát, og eg stóð við borðstokkinn, var einn ungur mórskur maður að fága þeirra skip, og strax sem hann leit mig, brá honum lítt við, og bljes í sinn hnefa eftir indíanskri vísu, og strax kom einn piltur af þjenurunum, og spurði mig hver eg væri? Eg sagði honum slíkt sem var, og hver maður bartskerinn væri slíkt hið sama og 20 einnin. Hann rak í há köll, eitt til constabel og annað til meister barbírs, það er til þeirra bartskera, svo þar kom einn eftir honum en annar úr arkeliinu eftir mjer, og urðum í besta máta af þeim trakteraðir með því besta spanska víni. Eg skenkti honum 2 stikur af tilbúnum og góðum tóbak, 25 og hans mæti hálfu stiku, hvað hann mjög þrísaði og þakkaði og hann skenkti mjer indíansku ljerefti í 2 skyrtur, sem kallast caton, og er gjört af bómullu. En hans mæti lá

¹⁾ á eldri ensku: kippesole, síðar kittysol, kitsol, afbökun úr portúgalska orðina quita-sol, sólhlíf.

²⁾ líklega er átt við vikadrengr á skipunum.

mjög lemstraður, hvers handleggur brotinn var af skotum. Hann skenkti mjer eina litla skál, sem gjörð var af perla-
móðum. Að endaðri þessari þeirra veitingu, loknum kveðjum
og mildu þakklæti af okkar hendi, tókum við orðlof til
5 burtferðar og ljetu sína 4 menn flytja okkur til okkar skips,
og gjörðum við þá vel lystuga eftir föngum.

Einn dag fór eg í land og mitt kvartjer og vor yfir-
völd ásamt þeim engelsku; var bátsmönnum skikkað vatnsföt
að fylla, en oss öðrum 24 með byssum og brennandi luntum
10 yfir þeim vörn og vaktan hafa fyrir landsins illþýði, er sig
þar tíðum hylur við ströndina í skógarrunnum, nær svo við
ber, að framandi sjófólk og siglingamenn eru fyrir hendi,
því þar er engin bygd við sjóinn sakir ljóna og annara
meinvætta, af hverjum þar er mikill fjöldi. En þessir skálkar
15 eru mannætur, er þar um ringla, þeir höfðu drepit 7 menn
og etið af þeim 2 engelsku skipum á þeirra útferð, og höfðu
náð þeim með lymskuhætti, að þeir huldu sig í runnum og
skutu þaðan til þeirra með sínum bogum. Þar með sækja
þeir eftir járnri og kopar framan á sínar pílur, og gefa sigl-
20 ingamönnum naut þar fyrir oftlega. En til bygða er svo
langt upp á landið, þar sem rjett fólk er, að menn naum-
lega komast aftur og fram á tveim dægum. En hvað þeir
fá útvegað af þessu áður nefndu hjá aðkomandi mönnum,
selja þeir það út aftur þeim, sem uppi í landinu búa. Svo
25 fæst ein stór kýr fyrir þriðjung járnsviga af tveggja tunnu
fati, og kalla þeir járn og kopar bras, en vort brauð kalla
þeir vúracka¹⁾. En því sækja þeir svo mjög eftir járnföng-
um, af því þar var í þann tíma sífellt stríð að spyrja upp í
landinu, í millum tveggja herra. Þetta fólk nefnist í öðrum
30 löndum Capher²⁾, af hverjum eg fjekk þrjá að líta í þessum

¹⁾ „bras“ virðist vera lánað úr ensku „brass“, en „vúracka“ get
eg ekki sagt með vissu úr hvaða máli er. — Eg gæti þó helst hugsað
mjer, að þessir menn hafi verið Hottentottar, og þá máske Namaqua-
Hottentottar (á því máli heitir t. d. „sá sem á nóg brauð“ berecha,
en brauð beréb, sjá: Kroenlein, Wortschatz der Khoi-Khoi (Nama-
qua-Hottentotten) 1889, bls. 42), en það er aðeins laus getgáta.


²⁾ = Kaffar; nafnið er upprunalega komið úr arabísku: káfir =

stað; þeir erus svartir, brosleitir, hýreygðir og hrokkinhærðir, en þó mótlíka sem á unglömbum er þeirra hár. Þeirra neðri vör hangir nokkuð, með snjóhvítar tennur í munni. Þessir þrír dönsuðu fyrir oss, bæði á landi og á skipi, fyrir brauð og klúta, og naktir gengu þeir utan fyrir sinni 5 blygðan. En svo var þeirra dansleik háttað, að undir eins og þeir kváðu og sögðu »hottentott!«¹⁾, þá sprettu þeir með sínum 2 fingrum og með sinni tungu og fótafari, svo alt að fylgdist. Þessir þrír lofuðu oss einni kú til forfriskunar fyrir oss, sem mjög höfðum þess þörf, því flest af voru 10 fólki tók til að þvingast í limaburðum og stirðna í viðvikum, en þó blóðtökur og þúrgatsiur væru tíðkaðar á reisunni. En vjer fórum fyr en þeir aftur komu, en launin hálf tóku þeir út áður. Nú er til þess að víkja, sem vjer gengum á land frá bátnum með vorum yfirvöldum ásamt 15 þeim engelsku og spátseruðum með sjóströndinni, hvar að voru fagrir sandar með sjerdeilis skemtilegu álitu. En sá þari, sem á land rekur, er allur öðruvís en hjer plagast. Hann er flestur á mynd sem trómetspipur og allur holur innan; þá er enn annars slags, að mynd sem egg, og er 20 líka holt innan, svo að sumt af því tekur hálfunnun, og sumt heila, en er svo ljett upptaks sem pappír, af því taka siglingamenn sjer nokkuð til hnattmiða, nær þess við þarf. Og nær vjer svo gengum með ströndinni að spátsera, litum vjer hóp þessara illþýðisskálka fyrir framan landið, og þar 25 fyrst á braut, þeir eð án báta á sundi lögðu net sín. En vjer, sem hjer um ókendir vorum, meintum selahnapp vera.

vantrúaður; það hefur verið notað um ýmsar Suður-Afríkubjóðir, einkum þær er tala bantú-málin. Stundum eru Hottentottar taldir undir þann flokk.

¹⁾ orðið „hottentot“ og þjóðarnafnið Hottentottar er svo til komið, að í bantú-málunum eru til ýms hljóð, sem ekki eru til í öðrum málum, og eru mynduð með því að skella tungunni ýmislega í góminn; á ensku hafa þessi hljóð verið nefnd „click sounds“, og mætti kalla þau á íslensku „smelliðhljóð“. Hollendingar bjuggu nú til þessi atkvæði „hot en tot“ = „hott“ og „tott“ til þess að líkja eftir þessum hljóðum, og varð það smámsaman að nafni á sjerstakri þjóð og máli hennar.

- En á meðan vjer svo þetta hugleiddum og hvað fleira sem fyrir sjónir bar, gengu oss úr minni vorir menn, sem vjer skyldum vaktan á hafa. Og nær vjer vorum þangað komnir, sem vor yfirvöld og Engelskir með sínum staðar numdu,
- 5 tendruðu þeir þar eld og gengu sveinar til línþvottar, en aðrir til leika ýmsra. En trómetar[ar] iðulega voru í sín trómet blásandi, en herrarnir voru niður setstir í þessu skemtilega rjóðri og upphófu víndrykkju sín í milli, og var þetta nær hálf míla frá voru fólki og þar sem bátar stóðu.
- 10 Og nú sem vjer vildum þangað aftur hverfa, kom einn Engelskur oss í móti heldur hvatlega gangandi, og bar oss þá fregn ógóða, að alt vort fólk væri drepð af þeim vondu mannætum, sem vjer hefðum við ána þar eftir skilið. Nú má hver vel gegna, hvernin oss muni viðbrugðið hafa, utan
- 15 vjer tókum til hlaups það mest hver gat og orkaði; margir af oss töldu sjer þungar tölur á veginum, að vjer líflátnir verða mundum fyrir vonda aðgætni, svo að eg og einn að nafni Niels Fris höfðum nóg að gjöra að eyða þeirra dugleysi og vanstyrktarorðum. Og nær vjer komum svo
- 20 nær, að vjer sáum þangað, er þeirra var von, gátum vjer litið hvern í sinni iðju standa, með fullri tölu, hvar af vjer stórlega glöddumst af hjarta, með gráti gjörandi Guði auðmjúkar þakkir. Vorum vjer þá svo þreyttir af hlaupum, nær vjer þangað komum, er þeir voru, og sögðum vjer þeim,
- 25 hvað vjer heyrt höfðum, hvar til þeir kváðu ei annað tilhæfi vera en 5 menni af þessum óskapalyð hefðu til komið og beðið sig að gefa sjer hálfan járnsviga. En þeir aftur með bendingum kváðust ei mega, en þeir blökku bófar hefðu bent sjer upp í runnana, hvar uppá sá hinn engelski sjeð
- 30 hafði, og hljóp af stað í því sama bili. Og fötin urðu fyllt og hvað annað, sem tilhlýddi, fullgjörðist að mestu, sem var línklæða þvottur og ullklæða. Og þann 20 marka áttung, er eg geymt hafði undir mínu höfðalagi frá Kaupinhafn og þangað fullan vatns, fylti eg þar aftur. Síðan komu yfir-
- 35 völdin hvorutveggju og fylgdumst vjer til skips. En að næsta morgni eftir drógum vjer aftur til lands með þann framliðna mann, annan þeirra er fyr voru nefndir og sjúkir

lengi legið höfðu, hver þó djúpt væri grafinn, var næstu nótt eftir hans gröf af ljónum¹⁾ upprótuð, svo sem plagast allra hinna annara, sem þar verða grafnir. Þar með höfðum vjer vor brjef í land, þau sem skrifuð voru um vora velgengni til Danmerkur á útreisunni þangað eftir venjunni, 5 þar við sjóinn verða í einu koffri í eina mjög djúpa gröf niðurlögð, hvar yfir einn stólpi er settur, á hvern ein lítil fjöl er negld, með þessu marki:  og þar með þessi orð skrifuð: »Hjer undir liggja þau brjef, sem komast eiga til Danmerkur, frá skipinu Christiánshöfn,« en það er siglinga- 10 manna vísa, að hverjir, sem eru á sinni heimreisu, taka hinna brjef, sem eru á sinni útreisu, og þeir finna í þessum greindum stað, með nefndum ummerkjum; það sje nú nóg hjer um talað.

En nú með fæstum orðum skal tala um Afríka²⁾, sem nú 15 er hinn fjórði partur veraldar, og er stærri en Evrópa, og minni en Asía, því Asía er svo stór sem Afríka og Evrópa. Þessi álfa, Afríka, liggur rjett undir sólinni og hennar gangi, hún afdeilst af línunni í 2 parta, og nær suður fyrir línuna og norður nær 25 gráður, svo öll sú álfa er heitust undir 20 sólunni í allri veröldu, og nær til Asía í Egyptalandi og til Arabía, og af sjónum umbeltuð, En í millum þess og Asía er það Rauða Haf og það Mórska haf³⁾, en þar sem að norðan vendir, í millum Afríka og Evrópa, er Strætið⁴⁾. Afríka er ekki svo gagnbygð sem Evrópa, heldur víða í 25 eyði og stór skortur á vatni. Í þeirri álfa eru mörg villidýr, sem eru filar, sem kallast elefantar, ljón, panterdýr, drekar, apynjur, felfross⁵⁾, pinsvín, slöngur, basiliscus, krókódílar og fleiri önnur skaðleg dýr. Afríka deilst í 13 parta, af hverjum að er Egyptaland og Barbaría og Numidia, og nær til 30 fjallsins Atlas, sem eins er og Hekla hjer innanlands og til

¹⁾ það hafa líklega verið hýenur, en ekki ljón.

²⁾ Þessi lýsing er tekin úr Compendium Cosmographiæ Hans Nansens, sbr. formálann.

³⁾ líkl. á Jón Indíafari hjer við Indlandshaf.

⁴⁾ = Gibraltarsundið (Njörfasund). Stundum er orðið notað um sjálft Miðjarðarhafið.

⁵⁾ = þ. Vielfrass, d. fjældfrass (gulo tuscus).

þeirrar óbygðar Lybia og í vestur að Vesturhafi. Í Nigritterlandi¹⁾ eru 25 kóngaríki. Í því landi eru fáar borgir. Innbyggjarnir eru svartir, þeir búa í torfpökum húsum, sem eru með torfveggjum. Þessi lönd eru öll frjósöm með ris-
 5 grjón, bjúgmjö²⁾, bómull, fje, gull og elfenbein. Abissini³⁾ er eitt gott og stórt kóngsríki. Því stjórnar Preto Jóhann⁴⁾ eður Jóhann Belul. Það ytsta Mórland er mikill hluti af Afríka, sá syðri hluti þessarar álfa, svo sem og allur endinn af Afríka, og því lengra sem það nær, því mjórri verður
 10 hann, til þess hann verður að einum höfða eður annesi, sem kallast Caput de [Bona] Sperantia, sem er nú þessi oddi, að hverjum vjer nú vorum komnir, og hjer verður um getið, hvar við flestir Indíafarar verða að koma að taka sjer vatn og forfrisking, þegar vindar svo í vil falla.

Nú er þar aftur til máls að taka, sem vjer vorum við loknir vatn að taka og fyrir oss að hagræða einu og öðru, sem til fjell, fýsti oss ei lengur þar að dvelja. Og á þeim
 4. degi frá því vjer þangað komum, að lokinni þeirri veislu, sem hvorir veittu öðrum, Danskir og Engelskir, hjeldum vjer
 20 samjafnt hvorir öðrum þaðan frá landi, hvor á sinn veg, er þá girnti, þau 2 engelsku skip á leið með sinn ofurmikla ríkdóm, sem kaptuginn eignaði sjer fimtung úr allri fragtinni, en 80,000 dali fyrir ofan þilfar við skipsfólkið í sinn hlut. En það þriðja engelska skip, sem var með oss á sinni út-
 25 reisu, fór með oss þar til einn mikill stormur oss aðskildi.

Síðan kom sá dagur, að vjer og vorir stallbræður skyldum aðskiljast, drukku yfirvöldin beggja skipanna velferðar

¹⁾ = Súdan (Nigritia).

²⁾ = byggmjel; hjá H. N. stendur „Biug“.

³⁾ Abyssínía.

⁴⁾ Preto Jóhann; á þessu nafni stendur svo, að á miðöldunum bárust til Evrópu ýmsar sagnir um kristið ríki í Asíu, og síðar um hið kristna ríki í Abyssíníu, og var konungur þess nefndur í sögnum þeim „Jón prestur“, en nafnið bjagað á ýmsum málum t. d. á ensku Prester John o. s. frv. — Um nafnið Jóhann Belul sjá G. Oppert: Der Presbyter Johannes. Berlin 1864, bls. 10, neðanmálsgrein. Í staðinn fyrir þessi nöfn hefur C. „Jóhann Presbyter“ = Jón prestur, en eg hef haldið rithætti betri handritanna en tel rithátt C.-handritsins leiðrjetting skrifarans.

minning fyrir, og sigldu þeir sína leið en vjer vora í Jesú nafni. Og það land, sem vjer fyrst sáum og oss girnti að ná, var Madagascari; vorum vjer á leið þangað 5 vikur, en vegar lengd í milli Capo de Bona Sperantia er nærri 300 mílur. Þetta land kallast öðru nafni Sankti Laurentz, og 5 er eitt land frábærlega stórt, og er lengra en öll Ítalía, mjög ávaxtarsamt af öllu því, sem þjenar til mannsins uppheldis, einkum af rís, bómull, sykri, límónum, nelliker, ingiferi, safrani og mörg önnur vara. Á þessu eylandi eru engar borgir, heldur þorp nokkur og eru 6 þau helstu. 10 Þetta eyland liggur í landnorður frá Capo de Bona Sperantia, við þetta land er mjög aðdjúpt, og skamt frá landi, sem vjer láum, var 100 faðma djúp, hvaðan ei var meir en hálf vika sjóar til lands. Það var síðla um kvöld vjer þar komum og atkeri rendum. Um morguninn tíðlega var bátur 15 útskipaður af kvartjersfólki, og sent til lands að uppleita fólk og bygðir, hvað ei lukkaðist, og í 5 daga var þar um viðleitað, og fundust engir menn, því bygðir voru þar ei nálægar. Einn sunnudag eftir þrjedikun og máltíð fórum vjer ásamt vorum yfirvöldum til lands, og nær vjer komum 20 á mitt sund, hljóp og sprangaði einn fiskur upp úr sjónum, vel álnarlangur, oss öllum óforvarandis, rjett fyrir brjóst vorum timburmanni, Cláus From, svo hann af þóftunni fjell í óvit aftur á bak. Fiskinn tókum vjer og matreiddum síðar og var hinn besti. Þennan dag rjerum vjer inn á einn 25 fjörð, og var mjög fagurt land tilsýndar á báðar síður. Í þann tíma var flóð, og nær vjer komum inn á þennan fjarðarbotn, gengum vjer þar á land og var alstaðar skógi vaxið. Sumstaðar fundum vjer vistir manna og hvar þeir höfðu steikt fisk og snæðing haldið. En nær vjer skyldum 30 heimleiðis aftur, rötudum vjer fjöru út eftir þessum firði, og sandrifjum og djúpum sjó í milli, yfir hvern vjer urðum þann þunga bát að setja með stórum erfiðismunum, og komum ekki heim til vors skips, fyr en eftir dagsetur, mjög mæddir. Að næstum morgni eftir fjell til prinsins kvartjers bátróður 35 að hafa og fór með þeim sá yngsti kaupmaður, Daníel Lammer[s], með margslags vöru, en þó ei almennilega, því

- þar gildir ei silfur nje gull, ei heldur ljereft eða nokkuð það sem gagnsamnt er vor á meðal, utan brúður og barnaleikar, item smáspeglar og barna úlfliðabönd, sem vjer köllum kúriel, svo þeir fá fyrir 2 þessi úlfliðabönd 2 kýr yfrið
- 5 stórar með miklum hornum. Og þess lands kýr hafa það auðkenni yfir aðrar kýr annara landa, sem eg af veit, að þær upp af herðakambinum hafa svo sem eitt horn á myndina, en er þó ei horn eiginlegt, það er hári vaxið og er ei utan mör innan undir skinninu, og hallast aftur á hrygginn
- 10 nokkuð, en kjöt þeirra alt annarstaðar er magurt. Þeir voru alls að tölu, sem með bátinn til lands fóru, 25. Og nær þeir komu til lands, skildu þeir helming fólks eftir við bátinn, alla vopnaða, og gengu hinir síðan svo frá þeim líka vopnaðir og alt til miðdags, fyr en bygðir fundu
- 15 litu þeir einn húsagarð mikinn og þar kom út ung stúlka, og nær hún leit þá, varð henni ilt við, og hljóp inn. Strax kom sá bóndi út, er þar átti fyrir að ráða, þar skildu hvorugir aðra, utan með bendingum. En nokkrar glósur hafði Daníel kaupmaður af þess lands máli og annara landa.
- 20 Hann fylgdi þeim til bæjar, og brann eldur á skiðum, og þar yfir var leirgrýta með ferskum fiski, hver þeim var strax uppdískaður til fæðslu, og þeir uppleystu sinn brauðpoka og meðbýttu þeim heima fyrir voru.

XII. KAP.

- 25 Strax í fyrstu sem vorir menn komu til garðs, sendi bóndi til sinna nágranna, þeim þetta að kunngjöra, hvað á ferðum væri, að yfirheyrðu erindi vorra manna. Litlum tíma liðnum kom til þessa bónda meir en 40 fólks með 5 kýr og 300 hænsni. En engin aldini voru á þeim tíma árs
- 30 fullvaxin, utan pómerans og bónantser¹⁾, af hverjum

¹⁾ pómerans hefur á ísl. verið kallað gullepli, það er skylt appelsínunum, en beiskt á bragðið; bónantser er líkl. = bananar.

nokkur knippi út fluttust; þeir vaxa í aldingörðum þeirra,
 30 og 40 samans í einu knippi, og eru að stærð sem hengdar
 kytur, einn sjerdeilis góður ávöxtur, liflegur og velsmakk-
 andi og svo sem ífeitur sje, og eru góðir við brauði að eta.
 Einnin kom nokkuð af vín de palme, sem vjer köllum 5
 pálmviðarvín, er kemur af pálmviðartrjám, og er með of
 sætum smekk. Þessum vorum kvartjersmönnum dvaldist fram
 á nótt, fyr en þeir út til skips aftur komust. Nú í þetta
 sinn fjell mjer til fyrst vakt um kvöldið á skipinu, því við
 land og atkeri plagast ekki að vaka utan einn um sinn, og 10
 biður kaptuginn mig einkanlega að hlusta nú vel til og
 biðja til Guðs, að vorir menn mættu oss aftur með lífi send-
 ast, og svo liður lengi fyr en þeir komu. Kaptuginn er þá
 óttasleginn fyrir þeim ásamt kaupmönnum, að þeir af
 landsmönnum mundu lífi firtir, og gengur hann ýmist til 15
 mín eður frá, svo kaptuginn og alt skipsfólkið gjörðist hrygt
 og grátandi og virtist öllum til stórra rauna á horfast sem
 nærri má geta, hefðum vjer mist vorn bát og fólk. Þegar
 liðnar voru 2 eyktir af dagsetri, þá kemur enn kaptuginn
 til mín grátandi og hryggur mjög, og segir nú útkulin von 20
 sje þeirra framar að vænta. Eg bið hann eflausan vera um
 þeirra afturkomu. Hann gengur svo í burt grátandi og
 biður nú Guð um, að eg mætti sjer góðar frjettir færa. En
 skamt eftir þessa vitjan, heyrðist mjer lítið kvak til manna,
 fyrst lítið en síðan meira og glögt, og þá með skyndi gekk 25
 til káhyttu og segi kaptuga frá, að þeir nú komi. Hann
 strax á fætur og út og heyrir þá til þeirra. Varð hann þá
 svo glaður og fagnandi, og kaupmenn, að hann sækir eina
 sína flösku og skipar mjer að drekka sem mig lysti. Strax
 sem þeir koma að skipsborði varð þeim vel fagnað, þessar 30
 5 kyr inn teknar, og hænsnin í kippum, sem bundin verða
 á fótum saman, varð slátrað, og innan miðnættis góð plögun
 gjörð með krydduðum soðmat og steiktum, svo kaptuginn
 vakti menn upp til matar, til heilsu og styrkingar.

Að morgni næstum kom á borð til vor sá kóngsson, sem 35
 nýlega hafði valdstjórn yfir þriðjungi þessa lands tilfallið
 eftir nýlega skeðan afgang síns föðurs, sem yfir þessu lands-


ins takmarki hafði stjórnan til þessa haldið, því á þessu stóra eylandi eru 3 kóngaríki sögð. Þessi kóngsson var nærri 20 ára að aldri, hann hafði um sig miðjan vafið einu gullegu og dýrlegu gullvefnaðarklæði, með dýrmætum gimsteinum um kring sett, það náði honum á kálfasporð niður, en upp yfir naflastað. Hann hafði þvílíku gyllinistykki um sitt höfuð vafið, með veglegum gimsteinum sett og prýtt, kostulega gullhringi bar hann um sína úlfliði, með frábæru smíði og gimsteinum þar innsmeltum. Þar með bar hann mikið eyrnaskart, sem voru mikil gersemi af gulli og gimsteinum. Gullhringa 2 bar hann sjer í nösum, sem þar innkræktir voru í þær holur, sem þeim ungum eru þar á gjörðar, og með gimsteinum. Gullhring bar hann á hverjum fingri sjer og á hverri tá, og um mjóaleggi stóra gullhringi með gimsteinum setta. Hans andlitssköpun var hýrleg og var sem brosandí að líta, með dökkbleikt hörund. Hann var mjög glaður, listugur og alteita. Hann var fluttur til vors skips á einum þeirra bát, sem er eintrjáníngur, og kallast canoer¹). Yfir þá miðja liggur eitt trje langt, sem nær langt út af báðum borðum, og er einn útklappaður veglegur steinn á hverjum trjesenda, sem jafnir eru að vigt, þar fyrir báturinn, þó annars valtur sje, má ei kollkastast. Og nær hann fyrst um borð kom til vor, var skotið 3 stykkjum og í trómet lystilega blásið. Á alt hans hold voru ýmislegar myndir áþryktar, dýra og fugla, sem og hans meðfylgjara, hverja hann aftur frá sjer ljet, og til lands sendi með sinn canoe, til merkis að oss svo vel til sín treysti. Hann kom með bónantser, með vín af pálmþómum²) og með tamarin³), er þeir svo kalla, sem mótlíkt er ásýndar og treagel⁴), það er súrt að smakka, en er mjög heilnæmt bæði að eta

¹) úr spænsku canoa, af amerísku Indíánaorði, en einsog sjá má hjer, líka notað um lík skip í öðrum álfum.

²) = pálmatrje, holl. palmboom.

³) ávöxt af tamarindtrjenu; kjarnarnir (sáðkornin) og safinn eru notuð til lækninga.

⁴) hjer er átt við theriak, e. treacle, meðalásamsuðu, sem menn þá höfðu mikla trú á.

og svo í drykk, einkum í vatn að láta, og er mótlika það vatn smakkandi þá og það vinedik er í látið. Það er sjerdeilis gott fyrir skyrbjúg. Þessu pálmvíni hjelt hann að oss með stórri alvöru og klappandi hendi. Lítið af spönsku víni meðtók hann og þvílíkt mikið af brauði. Þá nótt 5 dvaldist hann hjá oss. Ei vildi hann í uppreiddri sæng liggja, heldur óskaði hann og með bendingum ljet merkja, að hann á kahyttugólfinu mætti sína næturhvíld hafa, hvað og gjört var eftir hans vilja, honum til þóknunar voru undir hann breiddar indianiskar mottur, hægindi og svæflar. Sína 10 verju lagði hann af sjer strax hann kom, kaptuganum í vald, og sín 3 smáspjót, sem kallast hasagayer¹⁾ og eru svo að mynd,  með þeim hæfa þeir nálega hár á höfði

manns. En hans verja var með veglegum hætti gjörð, með einu forkostulegu gehengi, sem menn sögðu 5000 dali gilda 15 mundi, því það var alt með gulli baldýrað og dýrlegum gimsteinum sett.

Að morgni dró hann og yfirvöldin til lands. Þar var mikill skógur á landi, þar sem vjer lentum, og var geysilega hár, svo menn meintu 50 álna á hæð vera, 60 og 70, og allur blóðrauður og beinn sem kerti, en svo feitur og 20 frjóvur sem smjör eður sem nýrunninn njóli, en verður sem bein harður, nær til sjerhvers efnis er afhöggvinn og þurkaður. Þar bar hann sig að skjóta með múskittu, sem vjer köllum luntabyssur, en betur tókst honum með sínum hasagayer. Hann bauð vorum yfirvöldum og oss þangað sem 25 hans heimili var, hvað vjer þágum að morgni. En drotninguna hans móður fengum vjer ekki að sjá, því hún lá sorgfull eftir sinn kóng liðinn.

Í þeim stað eður þorpi var einn skóli falletgur, og einn

¹⁾ = portúg. azagaia, af arabísku nafni (al-zāgaya) á einskonar skotspjótum, er tíðkuðust í Norður-Afríku, en svo fluttist nafnið með Portúgalsmönnum, og nú eru svo kölluð spjót með breiðum blöðum, er tíðkast meðal ýmsra þjóða í Suður-Afríku (Zúlúkaffa, Masaimanna o. fl.). Myndin er tekin eftir B.-hdr.

uppmúraður brunnur fyrir dyrum, með 2 vatnsskjólum á hjóli einu, er þær verða á upp dregnar af þeim ungmennis-piltum og stúlkum (sínar fætur þar með að þvo), er í skólann ganga, og ein úthöggvin skrift var með sjerlegu letri
 5 upp yfir skóladyrunum, sem vor prestur nje aðrir ei undirstóðu. Og á því torgi, er þar var, og margt fólk samankomið oss að líta, var og ein öldruð kona, með einn 18 vetra gamlan piltungsmann, sem mjög var vanskapaður, sá eð hafði engan þurftargang, heldur hlaut það alt upp að
 10 ganga af hans munni (með leyfi sagt), og bað oss gefa honum nokkuð til gustaka; sumir brauð, en sumir klúta gáfu. Síðan skildum vjer með kóngsson með vináttu.

Á þessum degi, sem vjer vorum til skips frá landi komnir, að uppdregnum vorum atkerum og seglum útslegnum,
 15 um, hjeldum vjer þaðan frá landi í Guðs trausti, og sigldum vjer nætur og daga alt hvað aftók og fengum góð byrleiði og masson, utan þegar dravaðer¹⁾ komu oss í móti, sem úr útsuðurs hafi, með mikilli ógegnd yfir falla og með þessum hætti er hjer greinir. Í fyrstu þá menn sigla hinn besta
 20 og beinasta byr og nær sem menn sjá skýflóka uppdraga svartan sem kol, oss í móti, útþenur hann sig nálega á augnabragði, svo menn hljóta öll segl að inntaka. Úr þessum skýflóka koma svo mikil veður og býsni, svo að undrum gegnir. Komi vindur fyr en sú ógn með vatns-
 25 hrið yfir kemur með skruggum, reiðarslögum og skelfilegum eldingum, þá verður bærilegra. En ef vatnshrið kemur fyr, þá verður óbærilegra, vatnið kemur svo mikið niður úr lofti, sem sjó væri ofan helt. Ei tók eg það vatn til drykks, fyrir sakir hollra ráða míns góða vinar Hermanns, er
 30 mjer stórum afrjeð það að drekka, því það er stórt tilefni að menn þar af ýmislega krenkist. Engir voga undir beru lofti úti að standa, meðan slík skelfileg ógn yfirstendur, fyrir sakir þeirra miklu eldinga og reiðarslaga, sem um skipið

¹⁾ af portúg. travados, sem einkum er notað um fellibyli á sjó í hitabeltinu; af því er svo komið hollenska orðið travaat og danska orðið dravat, um fellibyli yfirhöfuð.

dynja og drífa, svo menn ætla þá og þá að himininn og öll veröldin muni forganga, en oft sýnist að skipið muni tortínast vegna elds og ógnarlegs stormviðris, svo öll möstur standa bjúg og bogin, en skipið liggur flatt við og því nær umbylt, svo að menn af skelfingu og óttasamlegu álitni óska 5 sjer þrátt dauðans, en fá þó ekki. Þrátt segja menn af slíkri ógn og reiði að skip fyrirfarist hafi; og fyrir sakir eldsfluga og reiðar, hljóta menn sitt þúður fram undir stafni og neðst við kjöl, með mestu og bestu gætni að forvara, svo að slík eldsógn ei til þess nái, sem fyr meir marga 10 hent hefir, og er nú nóg að sinni talað um dravaðer (eður mótdrög), sem á leiðinni þrátt að höndum koma, og seglatsi-unni stóra hindran og öftrun gjöra, þó þeir ei lengur en hálfa eykt en sjaldan heila yfirstandi. Og að þessu veðurlagi svo dvínuðu og þrotnu fellur strax á sú góða massona 15 og venjubyrt aftur, hvar af menn að nýju endurnærast.

XIII. KAP.

Og sem vjer höfðum siglt nokkrar vikur frá Madagascareylandi, hvar inni að sögð eru 3 kóngaríki (sem mig minnir 5 vikur), voru þrjú eyölnd á leið fyrir oss, sem að eru mjög 20 dýrleg og frjósöm af margskyns ávexti og gróða. Þau kölluðu stýrimenn Comorisku¹⁾ eður Mayotsku eyölnd, og heitir eitt Mayoþa, annað Malala, og það þriðja Ansvan, en af þessum þremur var Malala hin allrabesta, en náðum því ei sakir brims, heldur Ansvan, og fundum vjer þar 25 strax innbyggjara eyjarinnar, hverjir sig við oss glaðværa og mjög vingjarnlega tjeðu, og gjörðu oss þar alt falt, er oss girnti að um biðja, sem var níu kír og aldini og epli

¹⁾ Comorisku eyjarnar, milli norðurendans á Madagaskar og meginlands, þær eiga Frakkar nú; eyjar þær, er hjer eru nefndar, eru nú vanal. kallaðar Mayotte, Anjouan og Mohilla (Mohéli).

- margskonar, með dýrlegasta hætti af Guði gefin, af hverjum eplum eg öðlaðist prettán karfir, og fyrir sakir þeirra ilmandi sætleika, hvar fyrir þau máttu ei geymast yfir þrjár nætur, hlaut eg þeim öllum í einu yfir borð að kasta með grát-
5 andi tárur, óskandi að öll til Íslands hverfa mætti. Þessir eylenskir menn keyptu af vorum kaupmönnum nokkrar stikur ljerefts af smæsta ljerefti, þar með brúður og barnaleiki, eður þesskonar. Þessir menn leituðu oss allra virð-
10 inga með ljúflegasta auðmýktarhætti; hvar vjer stóðum eða gengum, ljetu yfirmenn sína pilta eður þjenara eplum dreifa undir iljar oss; bónantser, þó ei væri mjög til fulls eða í sitt besta blóm runnið, voru oss heim úr þeirra aldingörðum til fæðslu og forfriskunar bornir. Þar sprettur út af þeirra ávaxtarfrjóvgu aldintrjám þessháttar, sem að var könnur,
15 sumar með handarhaldi, en sumar með engu, og sumt er með áttungsmýndan með tveimur botnum og þar inni er vinkyns ilmsætt, þetta kallast calebatzer¹⁾, og er ljett sem pappír, og þó á stein sje fleygt, brotnar það ei nje springur, svo er það seigt og togótt í sjálfu sjer.
- 20 Á einum góðum veðurdegi var það, að kaptuginn stóð und eina eik í miklu margmenni, og tók sjer engan vara fyrir neinu, en ein mikillega stór kýr hyrnd stóð þar litið bil frá, og víst einn eyktartíma stóð í sömu sporum og starði á hann, þar til hún með mikilli grimd og æði brá
25 skjótt við og í fullum ásetningi hugði kaptugann upp við eikina í gegn nísta, hvað og víst skeð hefði, ef vor smiður Franz hefði ei til hans gripið hið bráðasta með sinni hægri hendi, en með sinni vinstri, í hverri hann hjelt á sínum stóra hamri, sló hana í pönnuna²⁾, svo hún strax
30 fjell niður og lá víst í hálfa eykt sem steindauð væri, en úr því langa roti spratt hún á fætur með miklu öskri, og

¹⁾ sp. calebaza, sem eiginl. þýðir grasker (cucurbita), en er oft notað um hylkið af ávexti kalebastrjesins (*crescentia cujete* L.), sem eru notuð sem ker undir vín eður annað. Trjeð er upprunal. amerískt, en hefur flutst til gamla heimsins.

²⁾ c: ennið, d. Pande.

sem eitt hjól snerist um kring og hljóp í gegnum mann-fjöldann, og varpaði sjer á sjóinn, svo hana rak uppbelgda með aðfalls-sjónum inn eftir einu riviere¹⁾ eður árós. Eyjarmenn gjörðu hjer að glaum og gaman mikið.

Og nær vjer höfðum þar fjóra daga dvalist og við 5 eyjarmenn úttalað, og af grasi, sem mjög var hvast viðkomu, marga sekki reitt, til fæðu kúnum, sem slátrast skyldu eftir hendi, hjeldum vjer þaðan frá landi og hjeldum sama góðu byrleiði sem fyr. Nú stóð til á vorri leið að vera mjög óhreinns sjór, sökum þeirra 11000 eyja (sumar smáar en 10 sumar stórar),²⁾ sem vjer skyldum í gegn og hjá sigla, og voru í hverjum toppi menn um næturnar nær í mánuð til hugleiðingar, hverninn sem viðraði. Mjer tilfjell í mínu kvartjeri tvisvar sinnum út á bogspjótiskörfunni vakt að hafa hið trúlegasta, því um líf var að tefla, en myrkur verður nærri 15 preifanlegt. Í fyrri sinni fjell mjer til gott veður, en í öðru sinni stormur mikill, svo í hvert sinn, er skip hjó sjó þann, er fyrir borði brautst, gekk mjer yfir höfuð. En Guð gaf oss náð til og lukku, að vjer slyslaut þar fram hjá fórum. Og á þeirri leið sigldum vjer aftur í gegnum línuna, sem er 20 undir jarðarhnettinum, því menn sigla þá upp í móti austur aftur, svo að Sjöstjörnur, Vagn og Fiskimenn, sem vjer köllum, er lengi hafa úr sigti dregist, nær aftur sjást, stendur alt öfugt, svo sem það, sem hjer vendir upp, það þar niður.

25

Eitt eyland liggjandi út í því Rauða hafi kallast Zocotora³⁾, og heyrir til Afríka. Þar með lyktar hjerum tala. Út af því Rauða hafi koma þrátt í veg fyrir Indíafara nokkur smá skip og skútur, sem kallast barkar, hver skip þeir taka með harðri hendi, og allri vöru; á þeim eru 30 egyptskir og arabiskir menn, sumum sleppa þeir tómhentum,

¹⁾ fr. rivière, e. river, fljót; sjá orðamuninn.

²⁾ Hjer er átt við eyjaklasana fyrir austan Afríku (Admirantes og Seychelles-eyjarnar o. fl.), sem menn hjeldu fyr á tímum að væru miklu stærri, en þeir í raun og veru eru.

³⁾ Sokotra.

en suma aflífa þeir, sem eru morðingjar og sjóreyfarar. Þar fá þeir oftlega mikil byti, og nær svo við ber, að þessi smáskip koma út af þeim Rauða sjó á móti þeim, en á vorri leið skeði það ei, og ei komum vjer við nokkur lönd, fyr en 5 vjer komum að Ceylon.

Þar lágum vjer í tvær nætur og gengum á land. Þar nálægt, skamt frá sjónum, lá einn kastali án fólks, og eftir sögn manna hafði í 300 ár óbygður verið. Hann var víða mosavaxinn. Hurð var þar klemd í hálfa gátt, sú eð var 10 af steini, og eg meinti að 10 eða 12 menn hefði nóg hana úr stað að hræra. Mjög óttalegt og viðbjóðlegt var þar inn um gáttir að geyma. Úti fyrir kastalaportinu var stór uppmúraður brunnur, áttkantaður, og upp af hverju horni brunnsins stóðu járnstengur, og á þeim stöngum upp yfir 15 brúninni var eitt karnat, eður sem ein húfa gjörð, upp úr hverri var einn hnappur, um hvern til flaugar búinn fugl hjelt með klónum. En hvar fyrir þessi kastali svo lá án fólks og óbygður, veit eg ei glögglega, en heyrt hefi eg talað, að þar inni hafi verið fyr meir frábært vonskufólk, 20 yfir hverja komið hafi þungt hefndarslag af hendi Drottins, og úr því hafi þar inni engum leyfst að búa eður vogað að vera. Þessi kastali nefndist Trinchlumala, sem þeir lærðu segja að þýði ilsku inni¹⁾. Þar skutum vjer þremur stykkjum af, til þess eins, ef ske mætti að Eirík Grubbe væri 25 ennþá lífs, um hvern eg hefi fyr talað, sá eð útfór með þeirri fyrstu reisu og vera skyldi generall, sá eð sendur var til keisarans á Ceylon frá vorum loflega sáluga herra kóng Christían 4. til að afmá og útrýma þá Portogalisku, sem keisarann þvinguðu til í hans eigin landi sjer skatt að gjalda. 30 En með því það ei lukkaðist, sem fyr var mælt, snerist alt fyrir honum á bögulegan hátt, svo keisarinn þorði ei að

¹⁾ c: Trinconomali eða Trincomali. Rústirnir, sem Jón Indíafari á við, eru líkl. af frægu og miklu musteri, er þar var áður, en Portúgalsmenn brutu það og notuðu til kastalabyggingar. — Skýring Jóns á nafni bæjarins er röng, en annars greinir menn á, hvernig eigi að skýra bæjarnafnið; venjulega er það skilið sem Tri-cona-malai („Þrignýpuhóll“) eða Tarangamalai („Sjávarhóll“). Sjá H. Yule og A. C. Burnell: Hobson-Jobson; a Glossary of Anglo-Indian colloquial Words and Phrases. [London, 1886, undir orðinu Trincomalee.

halda hann á sínum garði fyrir þeim Portogalisku. Í öðru lagi passaði hann af sjer þau dönsku skip, þau eð eftir honum biðu í 12 vikur, og hafði brotið sinn hollustueið, svo hann þorði hvorki til Danskra nje keisarans af Ceylon að koma, og hlaut því að fela sig í skógum og næra sig 5 með villidýraveiði og sinn svein, hver ei vildi við hann skilja eða hann yfirgefa, og þennan sinn svein sendi hann til vor, með hverjum honum urðu send nokkur línklaði og matvæli.

Hjeldum vjer svo þaðan eftir tvo daga afliðna og til 10 Cost van Carmandel, hvar vor kastali stóð, sá eð nefndist Dansborg. Þetta kóngsríki nefnist Narsinga¹⁾, og er eitt mektugt kóngsríki; þar inni eru staðir: Narsinga, Bisnagar, Maliapar, Tarnasseri, og vor kastali Dansborg, hvar þeir Dönsku höfðu sitt contór. Þar inni eru fleiri kóngsríki og 15 staðir.

Þessi kóngsríki, sem hjer nefnast, eru í þeirri álflu eður hluta Indíalands, sem kallast *intra Gangem*, fyrst *Cambaia*, sem og kallast Guzarath, hvar inni eru staðir Campaia, einn mjög stór staður, annar er Campenel, þriðji Madabar, 20 fjórði Dium, fimti Bazuinum, sjötti Ravellum, sjöundi Canacor, áttundi Surate, níundi Bandora, tíundi Damanum; *Mala-bari*, þar inni eru 7 kóngaríki, sem er fyrst Calicut, 2. Cranganor, 3. Coccin, 4. Culan, 5. Cananor, 6. Travancor;

¹⁾ Öll þessi lýsing á Indlandi og lýsingin á löndum í Asíu yfirleitt í næsta kapitula er, eins og fleira um landafræði alment, tekin að miklu leyti orðrjett eftir Compendium cosmographicum Hans Nansens, og er í formálanum nánar skýrt frá því. Einsog geta má nærri eru mörg nafnanna afbökud og mjög vafasamt hvað við er átt sumstaðar. — Hjer á eftir skal getið um nokkur hin helstu. Narsinga er annað nafn á konungsríkinu Bisnagar (Vijayanagar) og stendur svo á því, að þegar Portúgalsmenn komu þangað fyrst, rjeði þar fyrir konungur sá, er Narasingha (Narasimha) hjet (1490—1508), og kendu þeir ríkið við hann. Maliapar = Malapuram?; Campaia = Cambay (Khambhat); Campenel = Champanir; Dium = Diu; Bazuinum = Bassein (Baçaim); Surate, Damanum, Bandora, Calicut, Cranganor, Cananor og Travancor eru enn kölluð svo, en rjettritun vitanlega nokkuð breytt á sumum nöfnunum. Coccin = Cochin (Kachhi), Culan = Kayan Kulam.

Narsinga, þar inni eru þeir staðir, sem eg nefnt hefi, *Costen af Carmandel*, Dansborg og hinir. Sá annar hluti Indíalands, sem kallast *India extra Gangem*, þar inni eru mörg lönd, en þetta er eitt á meðal margra, sem kallast 5 *Bengala*, og er eitt mjög mektugt kóngsríki, höfuðstaðurinn þar heitir Bengala¹⁾, 2. Gauro, 3. Marazaia, 4. Chatigam, 5. Satigam; þar inni eru og mörg kóngsríki; *Pegú*, það er eitt mektugt kóngsríki, og hefir fleiri en 6 kóngsríki undir sjer; Ternaseri er þar inni. *Sian* er eitt mektugt 10 land, þar inni eru mörg kóngsríki, einkum Sian og 7 önnur. Um Ceylon hefi eg fyr skrifað, þar inni eru 9 kóngsríki, sem öll eru einum herra undirgefin, en höfuðstaðurinn heitir Colmuchí. Súmatra er eitt stórt eyland, þar inni eru 10 kóngsríki, þeir helstu staðir þar er Margana og tíu aðrir. 15 Java Major er eitt stórt eyland, og hefur 8 kóngaríki, þeir helstu staðir þar inni er Sunda og Bantam, og þar til 3 aðrir. Borneo er eitt stórt og frjósamt eyland. Höfuðstaðurinn þar heitir Borneo, og fjórir þeir helstu aðrir. Þau Moluchisku eyhlönd eru sjerdeilis 5, sem er Ternate, Tidor, Motir, Machian og Bachian²⁾. Í þessum eyhlöndum eru mikil 20 og margskonar aldini, jurtir og kryddi, einkum negelker. Bandan³⁾ eru nokkur smáeyhlönd, þar inni er mikið af muscat og muscatablommer, sem er engifer og caneel. Japan er eitt mjög stórt eyland, þar hjá liggja tvö eyhlönd, sem er Bungo og Tonsa⁴⁾, þau liggja nokkuð austur frá Chína; í 25 þessum eyhlöndum eru mörg kóngsríki og margir vænir staðir,

¹⁾ það er óvíst, hvaða borg gamlir landfræðingar kölluðu svð. Gauro = Gaur, hin forna höfuðborg í Bengal, nú í rústum. Chatigam líkl. = Chandernagor (?) og Satigam = Satgaon.

²⁾ Þærin Borneo er líkl. = Brunei. Að því er snertir Mólúkkajarnar, þá eru nöfnin á eyjunum enn tíðkuð, með nokkuð frábrugðinni rjettritun.

³⁾ = Bandaeyjarnar.

⁴⁾ Þessi nöfn finnast á gömlum kortum sem nöfn á tveimur af Japanseyjum; — Bungo er hjerað í eyinni Kiushiu (Sakaido) og var brúkað áður um alla eyna. Tonsa er = Tosa, hjerað í Shikoku, og brúkað um alla eyna áður. Borgin Meacum heitir nú Kioto.

sá helsti er Meacum og 6 aðrir. Philippinesku eyölnd liggja hjá Indíum og heyra til kónginum af Spanía, þau helstu af þeim eru Luconia, Tandair, Mindanano¹⁾; helstu staðir þar eru 6. Að auk þessara eru mörg önnur ágæt eyölnd í Austindíen. Um Persíen vil eg ekki skrifa, hvar undir 5 liggja mörg lönd og mektugir staðir. Hjer með endar um Asia að tala.

XIV. KAP.

Indía, sem vjer köllum Austindíen, er mjög stórt kostulegt land. Það grensar til Persía með vestursíðunni, norð- 10 antil við Indía eru nokkur tartarisk lönd, í mót austri er China og það mikla haf, og líka einninn sunnan til. Í þessu landi eru miklar perlur, gimsteinar, dýrleg aldini og kryddi, og önnur dýrleg og kostuleg vara, sem þaðan flytst hingað í lönd. Þessir eru þeir helstu stjórnendur í Indía: Kóng- 15 urinn í Pegú²⁾, hann hefir þau lönd undir sjer: Pegú, Sían, Tangút, Proma, Melinta, Colom, Bacom, Mirandu, Ave, Brama, Araran, Macin. Annar er sá stóri Mógor³⁾, hann hefir undir sjer þau lönd: Cambaia, Delli, Sanca, Mandro, Bengala. Þriðja er kóngríkið Calicut. Fjórði er stjórnari 20 kóngurinn í Narsinga og Bisnagar.

Asía, sá fjórði hluti veraldar, er mikil álfa umferðar, hartnær svo stór sem Afrika og Evrópa. Hún nær til Ev-

¹⁾ = Luzon, Panay (?) og Mindanao.

²⁾ Pegú var um tíma sjálfstætt og völdugt ríki. Sían er = Síam. Tangút = Taungu, Proma = Prome, Bacom = Pagan[?], Ave = Ava, Brama = Bhama, Araran = Arakan; Macin er af þeirra tíma landfræðingum notað um norðurhjeröð Austurindlands eða jafnvel syðstu hjeröðin í Kína.

³⁾ o: stórmógúllinn, sem þá rjeði öllu Norður- og Mið-Indlandi; þá ríkti Jehangir (1605—1628); hann sat í Delhí. — Cambai er áður skýrt; Delli = Delhi, Sanca = Sanchi?, Mandro = Mandi, Bengala = Bengal.

rópa hjá Rýsslandi og til fljótsins Tanais. Síðan er á milli Asia og Evrópa það Mórskaf haf og það Egyptska haf og Rauðahaf, svo að Asia er því nær með sjó umbeltuð. Þessi álfa er mjög frjósöm af eðlasteinum, perlum, gulli, silfri, 5 kopar, járnei, miklu silki, flöjeli, grófgröni¹⁾, rabarbar, reykelisi, myrrhu, og allrahandi kryddum og allskonar vöru. Asia skiftist í 6 parta. Sá fyrsti er Tyrkiríð og öll þau lönd, sem Tyrkinn yfir drotnar; annar er sá, sem Rýssar yfir ráða í Asia; sá þriðji er það mikla Tartaría, hvar inni 10 eru öll þau lönd, sem sá stóri Çam yfir drotnar; sá fjórði partur er það mektuga China, hvar undir liggja 15 kóngaríki; sá fimti partur er Indíen með mörgum kóngaríkjum; sá sjötti partur er Persíen með öllum þeim löndum, sem liggja undir þann persíska kóng. Þar liggja og til Asia 15 mörg vegleg eyölönd, á meðal annara óteljandi er sjerdeilis í Indíen sú væna Ceylon, sem eg fyr nefnt hefi, Súmatra, Java, Banda, og þau Moluchisku eyölönd. Tyrkjans lönd í Asia nefnast Natolia²⁾, meðal hverra er sú Litla-Asia, hvaðan að voru þeir hjeðan af landi fyr meir fólk herleiddu 1627³⁾. 20 Þá er Pamphília, Cilicía, Armenía sú litla, Cappadocía, Paphlagonía, Armenía sú stóra, Mesópotamía, Arabía og Syríá með Smyrna og Rodes eyölöndum og fleirum. Af þessum löndum flytst mikið silki, damask, flöjel, grófgrön, catton, skarlatsfarfi, balsam, reykelisi, oleum, myrrha og mörg 25 önnur kostuleg vara. Þessi nefnd lönd grensa til Tartaría til þess Caspíska hafs til Persíen og Egyptalands. Cilicía

¹⁾ í bók Hans Nansens stendur „groffgrön“, og er það í hdr. af sögu Jóns Indíaf. afbakað á marga vegu. Líkl. hefur Jón skrifað grófgröni (grofgrone); orðið er úr lágbýsku grofgrön, groffgrein, holl. grofgrein, sem aftur mun vera afbökun úr fr. gros grain (e. grogram, grograin), er svo kallað einskonar gróft hálsilki.

²⁾ Anatoli, upprunalega grískt orð, sem þýðir „sólaruppkoma“, og „austur“ yfirleitt.

³⁾ einsog kunnugt er, var það til Algeirs, en það hefur vilt Jón Indíafara, að „Tyrkiríð“ var bæði notað um alt Tyrkjaveldi, einsog hjer, en líka stundum sjerstaklega um ræningjaríkin á norðurströnd Afríku (= „Barbaríð“). — Flest af nöfnum þessum eru kunn úr fornaldarsögunni og Nýja Testamentinu, og sleppi eg hjer að skýra þau.

er björgótt land, þar inni eru 5 staðir, Tarsus er einn af þeim. Þetta land með Pamphilia kallast nú Caramino. Í Armenia þeirri minni eru 5 staðir; Nichopolin er einn þeirra. Cappadocia er söndugt land; þar inni eru 6 staðir, Magnopolis er einn þeirra hinn helsti. Gallicia eður Gallogrecia, 5 þar inni eru 7 staðir, á meðal hverra er Pompejopolis og Antiochia. Rodes er vænt eyland, 30 mílur umkring, þar inni 4 staðir. Arabia er stórt land og skiftist í þrjá parta; einn þeirra liggur undir Tyrkjann, annar undir kónginn af Persien, en sá þriðji partur er undir þeirra valdi. Sú hin 10 Grytta Arabia er ófrjósamt land; þar inni er fjallið Sinai; [Medina] Talnaby¹⁾, þar liggur Mahómet grafinn. Syria er stórt land og margir höfðingjadómar. Þar inni er Damascusum. Í Palestina eru lönd: Idúmea, Júdea, Samaria og Galílea, þar inni er Jerúsalem, sem nú kallast Cadz, Joppe, 15 Jericho, Samaria, Gaza, Bethlehem, Capernaum, Nazareth og Cana. Í Phenicia er Tyro, Sidon og Damascusum. En Cypren er vænt eyland og mjög ávaxtarsamt og liggur inn í Stræti; þar inni er Famagusta, Nicosía, Paphos og fleiri staðir. Þessi öll lönd í Asía hefir Tyrkinn í sínu valdi. 20 China er mjög stórt og mektugt land; sunnan til við það er Indien, vestan til við það er Tartaría, það skilur sig við Tartaría með háum fjöllum og löngum múr, sem sagður er 400 mílna langur, sem er á milli Cathay²⁾ og China. Þetta land China segist að vera hið ríkasta land undir sólunni og 25 kóngurinn hinn ríkasti af China. Innbyggjarar þessa lands eru mjög hygnir og skilningsskarpir; þeir hafa stykki, púður og lóð og þryktar bækur löngu áður fyr en vær; það er mjög frjósamt land með korn, hveiti og bygg, gull, silfur,

¹⁾ Í bók H. N. stendur Medina Talnaby, en í hdr. Jóns Indíafara stendur aðeins síðara orðið, og hefur hann líkl. haldið að það væri sjerstök borg, en svo er eigi, því borgin heitir rjettu nafni Medinat-al-nabi = borg spámannsins (o: Múhammeds); hún er ekki í Gryttu Arabíu einsog kunnugt er, heldur miklu sunnar, í Hedsjas.

²⁾ svo nefndu menn áður einkum norðurhlutann af Kína (Mandsjúríið og Mongólíið), en annars er nafnið oft líka brúkað um aðra hluti Kínaveldis og stundum um það alt.

kopar, járn, perlur, gimsteina, sykur, silki og aðra kostulega vöru. Þetta land má vel kallast sú jarðneska paradís. Hún deilist í 15 stór lönd sjerdeilis, í þessum löndum segist að vera 590 stórstaðir, en smærri 1674 staðir og þorp óteljanleg og landsbygðir. Höfuðstaðurinn er Paquin¹⁾, hvar kóngurinn af Chína heldur sitt hof, þar næst er Quinsay, sem segist að vera 25 mílur umkring, og Canton. Í því mikla kóngsríki Chína er stór höndlan uppá allrahanda, og mikill kaupmannsskapur framinn.

- 10 Nú skal þar aftur til máls taka, er eg fyr frá veik, þar sem vjer komum fyrir kastalann Dansborg, lægðum segl og atkerum hleyptum nærri hálfri viku sjóar frá landi, ljetum vora flaug fljúga á stórtopp, skutum þremur stykkjum og ljetum í trómet blása. Og með því að eitt skip, útsent frá 15 Danmörk fyrir hálfu öðru ári, lá þar fyrir, er vjer oss lag tókum, sem kallast Vaturhundur, en að öðru nafni St. Laurentz, skutu þeir þrjú skot aftur í mót oss til æru, uppsettu sitt flagg og bljesu í sín trómet. Strax kom þeirra kaptugi, Ernst²⁾ að nafni, á borð til oss, hollenskur að 20 ætt, og höfðu frjettir hvorir af öðrum, og urðu með oss fagnaðarfundir, og höfðu hvorir öðrum góð tíðindi og gleðileg að segja.

Nú er þar frá að segja, að nær kastalamenn fengu oss í sigti, þektu þeir vora sigling af vorri flaug, og jafnskjótt 25 sem vjer vorum fyrir atkeri lagstir, útslógu þeir sinni flaug og skutu af múrunum þremur sínum stærstu stykkjum með trómata blæstri. En þeir sem þá voru yfirvöld kastalans var rector, sá eð hjet Christofor Milner, og gubernator Henrich Hess að nafni, þessi var fæddur í Helsingeyri af 30 nafnfrægu fólki, hinn annar í Hollandi, og voru báðir mætir menn og vel forsóktir.

Á þessum sama degi, er vjer komum fyrir kastalann,

¹⁾ Paquin = Peking; Quinsay = Hang-tschou. (Sjá: Ivar Hallberg: L'Extrême Orient, undir því orði.)

²⁾ Hann hjet fullu nafni Ernst Gerritsen Pricker; sjá um hann Lind, Kr. IV. og hans Mænd, bls. 202 og ath. RC.

varð stór drykkja haldin, með báðum kaptugum skipanna, og lá við fúss yrði með þeim, því sá hollenski kaptuginn Ernst brá vorum kaptuga Christofor Boga um misferli hans kvinnu, hvar um eg hefi fyr talað, það hún hóraðist fram hjá honum, þann tíð hann var á sinni reisu í fyrra 5 sinn að Austindien, hvar við honum mjög lit brá, svo hann hefði hann í gegn rent með sínum rapír, hefði ei maður í milli hlaupið, því þeir voru ójafnir til hreysti, til hvers sem reyna skyldi. En með því alt vort fólk gekk til með góðri viðleitni þá að forlíka, tókst það um síðir þá að sætta, fyrir 10 góðar umtölur. Eftir þetta alt skeð uppgafst víndrykkja öll í káhyttu og skot urðu niðurlögð; gengum vjer eftir vort erfiði, sem höfðum verið við stykkin að skjóta mest-allan daginn, til þvottar, skömmu fyr en vjer gengum til snæðings. En svo bar við, að einn maður á skipinu, Ívar 15 Jónsson¹⁾ að nafni, úr Jótlandi ættaður, sá eð var stórmenni og mikill fyrir sjer, hann átti nokkrar skyrtur í stampi á þvættum; þessi maður var í stórri vináttu við vorn kaptuga, því hann á fyrri reisu hafði með honum farið að Indien, en hann var skipmann að nafnbótum, svo 20 að nær eg var að þurka mjer, kom hann upp og hugði að taka sínar skyrtur úr stampinum til þvotts, þá sjer hann lítið kám á einni af púðri og strax sagði mig prófoss það gjört hafa, hverju eg góðmannlega neitaði, en fyrir sakir hans mikla drambs og ofsabræði, vildi mín afbötun lítið 25 eða ekki stoða, og kvaðst mitt líf skyldi hafa, og að næsta morgni bauð mjer til einvígis við sig, svo framt sem eg vildi upp þaðan erlegt nafn og rykti hafa. Kom þá upp minn constabel, Niels Dreyer, og margt af fólkinu, til að stilla hans ofsa og greint klamarí, hvað ei tókst neinum, 30 en kaptuginn var til hvílu genginn; lögðum við svo hendur saman hjer um, að svo ske skyldi, sem hann um mælt hafði, að það eg Guð um, að hvorum gengi eftir því sem satt segði og betra málefni með færi. Constabel og allir afsök-

¹⁾ á skrá Símonar Jóhansens er getið um bátsmann að nafni Iffuer Hanssen.

uðu mig; hann átti góðan korða, fór strax og hvesti hann til eggjar og fjekk mjer í hendur, og bað mig vel og mannslega á halda og mig með verja sem eg kynni, en hann kvaðst skyldi mín hefna, ef mjer ósigur til fjelli, og gaf
 5 mjer sína hönd þar uppá til sannindateikns. En það hann hjet mjer svo miklu fylgi kom þar af, að hann vissi hvað í öskunni var fólgið, hvar af eg ei vissi hið minsta. Síðan gekk yfir í káhyttu og vekur kapteininn og biður hann leyfis til landsferðar, hvað honum veittist, en ei vissi kapt-
 10 uginnn hvað viðlá. Fór Ívar svo til lands með miklum þjósti og þungum geðsmunum, með nokkrum Indianiskum, sem þar með bát, er þeir kalla zelinga¹⁾, voru á borð komnir, kvaðst til miðdags mín þar biða skyldi, og ákvað þann tíma til hólmgöngu með stórum viðlögum, ef mig bilaði
 15 þar að koma. Svo leið sú nótt af, er næst eftir kom, og að morgni komandi, um miðsmorgunstíma, var eftir venjunni til corum hringt og blásið, en að morgunsöng með bæn og blessan enduðum, gengu menn til frúkosts, en á meðan sú máltíð yfirstóð, var einum af skipsfólkinu dag-
 20 vakt skikkuð, hver eð kallaði með hárri röddu, að einn indianiskur bátur frá landi til vors skips aðróandi væri, í hverjum sjer heyrðist sár kveinkan sjúks manns að merkja. Nokkrir sögðu að ei skyldi Ívari hafa eitthvað til fallið. Nú sem báturinn kom undir skipsborð, þá fanst svo að vera,
 25 að Ívar lá þar sjúkur í augnaverki, því nær óbærilegum, svo að menn stóðust varla hans hljóð og háemjan, og bærust mjer skjótt þessi tíðindi, að ei mundi eg þurfa hann að óttast nje ómakast við hann til hólmgöngu. Varð hann svo með kaðli uppdreginn og í sína sæng innstuddur, og
 30 ljet mjer þann boðskap bera, að hann bæði mig skjótt til sín koma, hvað eg og gjörði; var þá mesta hans móði þverrað, og kvaðst vita mitt sakleysi með sínu tilfelli sannvottað vera, bað mig grátandi um fyrirgefning, og gjörðumst við góðir vinir síðan. En vor constabel meðgekk

¹⁾ nú á ensk-indv. chelingo, af arab. orði shalandi, um litla uppskipunarbáta. (Yule-Burnell)

áðurgreint efni, er hann við mig forþenkti um, og taldist svo alt út til lykta. Síðan að 6 vikna fresti varð Ívar heill sinna sáru meina, og lyktar svo hjer um framar að tala.¹⁾

XV. K A P.

Á þessum sama degi, sem var sá næsti eftir þann, er 5 vjer þangað komum, fór vor kaptugi til lands og til kastalans, og var honum vel fagnað af rector og gubernator; voru þá 9 skot affýrð á þeim múrum, er umkring lágu kastalann Dansborg, og með sama hætti á hvorju skipinu. Fáum dögum síðar var helmingur vors skipsfólks, sem 10 þangað voru nú nýlega komnir með skipinu Christiánshöfn, til lands skikkaðir af rector og gubernator til að vera soldátar uppá kastalanum; á meðal hverra eg var og einninn þar til skikkaður, og þar vakt að halda. En sá annar helmingur vors liðs, ásamt vorum kaptuga Christofo 15 Boga, var skikkaður á hitt skipið, sem nefndist Vaturhundur, en öðru nafni [St.] Laurentz, og sendast skyldi til Ternaseri, hvar að lágu 7 menn af þeirri fyrstu reisu fyrir kaupskap, og var þangað 600 mílur vegar í norður að sigla, og urðu menn þangað hafa sunnan-masson, áður en hún var 20 útblásin, og aftur þaðan norðan-masson til vors kastala, og skyldi skipið þar liggja um veturinn eftir, og í móti páskum þangað til vor aftur koma, ef engin hindran til fjelli. En með því engin vetrarhöfn var við vorn kastala Dansborg, því hlaut skipið um veturinn allan þar að dvelja, og 25 eru þeir á þeirri leið oftast 6 vikur þar í milli. En sá kaptugi, Ernst, sem á þessu skipi frá Danmörk var þangað kominn, skyldi heim aftur með voru skipi Christiánshöfn

¹⁾ Frásögn þessi er nokkuð ógreinileg. Líklega er „áðurgreint efni“ það, að Niels Dreyer sjálfur hafði óhreinnað skyrtuna; „hann“ = Ívar.

þaðan afferðast, og er þar sú vísa, að þeir menn, sem þar
 hafa lengst verið, skulu lausn fá þaðan, sem girnast til
 heimferðar með þeim skipum, er þá fyrst kæmi frá Dan-
 mörk, Hollandi, Englandi. Fjórir menn af voru fólki fóru
 5 heim aftur með sínu skipi, á meðal hverra var minn góður
 vin Pjetur Van Bergen, með hverjum eg af kastalanum
 Dansborg sendi mitt brjef, sem eg hingað skrifaði til Ís-
 lands mínum bróður Halldóri Ólafssyni til, sem engir
 þóttust vita dæmi til, að fyr hefði brjef skrifast nje sendst
 10 frá Indíen til Íslands. Vor prestur [Herra] Christián
 mátti og halda rjett sem fleiri, og varð að sigla með vorum
 kaptuga, Christofor Boga, og haus meðfylgjurum til
 Ternaseri og ljet sitt líf á þeirri reisu, svo mjer auðnaðist
 hann ei aftur að finna; hann var ungur maður að aldri,
 15 vitur og vellærður og einn góður prjedikari. Eg var mjög
 honum kyntur og af honum kær haldinn, sem og af vorum
 kaptuga, Christofor Boga, hver eð fjeck sjerdeilis elsku
 til mín, svo eg oftlega var hjá honum í hans kvartjeri vakt
 að hafa honum til skemtunar, og oft bar það til, að hann
 20 aftraði mjer með tilgripi neðar að fara eður mersusegl inn
 að taka, og kvaðst sjá mig oftlega framar mörgum öðrum
 það og annað fleira óskipað gjöra, en aðra sjer hjá hliðra;
 þetta kvaðst hann athugað hafa með þögn. Svo og ljetu
 mig allir menn sjerdeilis vel, og í þann tíma varð ei óvirtur
 25 fyrir lítilmensku sakir, þakkir sje Guði! En það segi eg
 hverjum, sem hlýða vill, að hver einn einstaka maður, sem
 gefur sig til slíkrar ferðar og á hvorki frændur innan skips-
 borðs, gjald, nje eftirmælendismenn að, hann má hafa 3
 kosti til að bera, sem er hógværð og gott umburðarlyndi
 30 við sína yfirmenn og aðra, sem þess eru verðugir, og láta ei alt
 skipa sjer og vera nokkuð þá í reynir, þriðja að fara vel
 undan illu, en líða þó ei ofmikið og forsvara sig með æru,
 gegnd og skynsemi, summa: að gjöra og haga sjer ærlega
 til máls og gjörða, svo hann megi svara djarflega. Þetta
 35 sje hjerum nægilega talað nú um sinn.

Nærri hálfa aðra viku vorum vjer á skipinu, fyr en vjer
 vorum eiginlega kallaðir uppá kastalann. Svo bar við á

reisunni, að hverjum tveimur voru á ferðinni fengnir 10 ostar án annars kosts, hverja þeir áttu að hafa til fæðslu, nær ei til gæfi að matreiða, en ef það uppvíst yrði, að nokkur öðruvis þar úti höndlaði eður drægi þá undan til sölu, nær hann í Indíen kæmi, sjer til ávinnings, skyldi þar 5 fyrir straffast og með peningaútlátum málkterast. En nú með því eg öðlaðist svo góðan stallbróður fyrst eg fór heiman, sem var Bernt Andrjesson, sem líkjast mátti við eina góða ektakvinnu í umhyggjusamlegri tilsjón og í öllu því, sem mín dagleg nauðsyn útheimti og honum var máttugt af stað að koma mjer til góða, svo hann mátti ekki mitt mein vita nje lita. En Guð almáttugur gaf mjer og honum góða heilbrigði, svo eg kendi einskis meins, utan einn dag kendi eg lítillrar köldu, og var honum svo mjög um mig hugað, að hann þann dag einskis neytti. Hann 15 hafði lært fyrri í æskutíð skraddarahandverk. Ei var hann eldri en vel 30 ára. Einn ost tærðum við á reisunni, en útköstuðum öðrum skemdum, en 8 höfðum við til Indía, þó hljótt færi, og tókum fyrir hvern þeirra eitt stykki van achten, það er ríxdalur, og hvert eitt þeirra þar er svo gott 20 sem 10 dalir heima í Danmörk. Nú bar svo við, að nokkrir Indíanar komu til skips einn dag, fyr en vjer vorum aldeilis við skipið skildir, og seldum við einum þeirra tvo osta með leynd fyrir tvo spánska dali. En nær þeir á land voru komnir, mætti vor kaptugi þeim, og nær hann kom fram til 25 skips, varð alt fólk á þilfar kallað og af honum þessu yfir lýst, að hann þessum mætt hefði, og hjet þeim stórum harðindum, er gjört hefði. En með því að hann frjetti það og formerkti, eg hjer við riðinn vera mundi, varð af honum ei framar umtalað. 30

Einn dag vjer hugðum til lands að fara, litum vjer einn ógurlega stóran sjóarorm, sá uppi mókti meir en eyktar tíma, rjett á þeim vegi, sem vjer áttum um að fara til lands, yfir hann vatnaði í 9 stöðum, og meintu menn hann 900 álna langan eður minni kannske. Hlutum vjer við 35 skipið í tvo daga kyrrir að blífa, sakir ótta er af slíkri skepnu og hennar stærðar ofbjóð innlæsir sig í mannsins hjarta.

Befurgjeld¹⁾ varð útkastað í sjóinn, sem stýrimenn plaga jafnan með sjer að hafa, hvali og sjóorma sem og önnur marskrimsli í burtu að rýma, nær svo þörf krefur, sem að er befurdýrsins eistu, hvers dýrs eðli er að vera bæði á sjó
 5 og landi, af hvers hárum að gjörast þeir dýrmætustu hattar, sem kallast befurfeld. Hann gjörir sjer hús í sjóarbökkum úr trjám, og ávalt má hans hali í sjónum liggja, nær hann sefur. Þessi dýr eru mörg í Norvegi, höndlast þar tíðum, þar með og líka otur og mordýr²⁾, sem og líka í sjónum og
 10 á landi sína umgengni hafa.

XVI. KAP.

Nú víkjum þar til aftur, sem vjer, að liðnum tveimur dögum, eftir það vjer höfðum orminn litið, sögðum laust við skipið Christiánshöfn, og fórum með vorn helming fólks til
 15 lands, og gáfumst til þess embættis, er oss af kastalans yfirvöldum varð á hendur sagt, og staðfastlega tiltrúað, að endurnýjuðum eið og frekari mánaðarlaunum nokkra af voru fólki, af hverjum eg var einn þeirra, en ei með stærri tiltekt í það sinn en einu gyllini, sem er ein hálf vætt, frek-
 20 ari en fyr á hverjum mánuði, og þetta skeði tveimur dögum síðar en vjer til lands fórum; varð þá á bumbuna slegið og í pípu og trómet blásið og hver með nafni munstraður og upplesinn undir strangt regimenti, stríðsrjett og orðu; vorum svo hvern dag í fyrstu exerceraðir, munstraðir, tamdir og

¹⁾ d. bævergejl, stækt efni, sem finst í pung bjórsins, er menn áður höfðu mikla trú á til lækninga og hjeldu að mikil náttúra fylgdi, einsog hjer má sjá.

²⁾ Líklega dönskusetla, „maardyr“ = merðir (maar = „mörður“), sem eru náskyldir otrum, einsog kunnugt er. Almennir merðir eru þó engin vatnadýr, en máske er átt við þá tegund, sem á dönsku er kölluð „flodilder“ (mustela lutreola); hugsast getur og að þetta sje norskt mállýskunafn á læmingjum (lómundum, mus lemmus L.), og ætti þá nafnið að vera dregið af því þeir „mora“ í stórhópum. En jeg held helst að fyrsta tilgátan sje rjett.

tilvandir til stríðsatferðar eftir hermannavísu, og hverja þriðju nótt vakt skikkað með sterkum viðlögum og upp-
vakningu til góðrar aðgætni í heiðnu og framandi landi, þar með trygða og trúskaps eftir inntaki vors eiðs við kóng
vorn og compagníð, þar sem varð hverri róðu og kvartjers- 5
fólki vakt strengilega tilsagt, í hvert sinn, er yfirvöld gengi
til porta eður út, þar sem vaktin stóð, og ekki voru á sinni
skildvakt uppá kastalans múrshyrningum, skyldi vopnum
týgjaðir í orðu standa, eftir venjulegri stríðsmanering, þeim
til æru, kónglegrar tignar vegna í Danmörk, og í fram- 10
andi manna nálægð og athugasamri ásýnd. Síðan að nær
vjer af þessari munstring heim gengum og að artikumum
upplesnum varð oss afdeilt og skift hverjum 7 í hvern einn
skutul og herbergi fengið, hverjum út af fyrir sig, og einn
á hverjum skutli útvalinn til formanns og trúlegrar aðgætni, 15
að í hvers þeirra herbergi alt vel og kristilega tilgengi,
bæði um daga, kvöld og nætur, og til slíkrar yfirsagnar
höfðu þessir menn af yfirvöldunum fullan myndugleika, hver
yfir sínum skutli, hvað mjer varð og einnin tilsagt og her-
bergi út af fengið, og ei þeir sístu af fólkinu, og varð hvert 20
herbergi nefnt eftir nafni sjerhvers skutulsmeistara, og voru
þangað fengnar til nægjanlegs borðbúnaðar krúsir, könnur,
skálir og diskar, einnin þau steinker, sem vatnið skyldi í
geymast og gegnt börmum í jörð niðurgrafin til kælu, og
voru indianiskar konur gamlar til vatnsburðar keyptar, 25
sem langt var að dregið, og þær í smærri steinkerum sjer
á höfði bera eftir þeirra venju, og hverri þeirra var sitt
herbergi afdeilt. Og að þessu öllu svo aðgreindu og til-
skikkuðu fóru þeir allir til skips í vorn stað, sem heim
skyldu ferðast, en vjer settumst að nefndum herbergjum til 30
dags og nætur, athafna, umgengni og veru. Þar með var
oss skikkaður einn indianiskur maður að þvo allra vor lín-
klæði, Athrumbus að nafni, en sakir þess síns embættis
var kallaður maynath¹). Þessi skilaði hvern laugardag vorum

¹) o: af tamíl-orðinu mainato, þvottamaður. (Yule-Burnell.)

línlæðum með góðri afhendingu. Við þennan mann hafði eg þrátt gaman, hverju hann vel gegndi jafnan.

Á þriðja degi eftir vorn landgang og alt tilsagt, sem kastalans þjónustu viðveik með allri hegðan og háttalagi
 5 að slitinni munstring, sem haldin var upp á kastalans skansvelli, var hringt til máltíðar, og að henni endaðri gefin vor venjuleg ranzona, vart peli af frönsku rauðavini, og ein flabkanna í hvern skutul. Síðan hófst vor vakt, og viðhjelst hverrar róðu hverja þriðju nótt, og var á hverri
 10 hyrningu kastalans vakt sett, sem þar stóð 2 klukkustundir í senn, en sú fimta stóð fyrir porti kastalans með sama skanti tímanna. Á hverri hyrningu kastalans eður rúndel var gjörð sem ein þró með múrverki vænu, hvar inni vaktin stóð, nær skruggur, reiðarslög og vatnssteypur úr lofti um-
 15 nuddaði í þreifanlegu náttmyrkri með ofbjóðlegri ógnan og skelfilegum hætti, og þar uppaf var múrað eitt karnat eður sem ein húfa með litlum turn og gyltri flaug yfir, svo ei náði þá vatn yfir hellast, er þeir undir stóðu. En þeir, sem tilsettir voru umkring ganga um nætur og trúleik vakt-
 20 mannanna að hugleiða og rannsaka, voru ei með vaktinni, sem í fyrstu var gubernator og vaktmeistarinn, og hverjir, sem sofandi þá finnast eður fyrir athugaleysi af þessum verða gripnir eður í einhvern máta lúraðir og yfirfallnir, hafa eftir lögmálinu og stríðsartikulum líftjón sjer aflað, og
 25 þvílíkur skarpur stríðsrjettur er alstaðar á hverri festingu herra og kónga, eftir sem mjer er kunnugt orðið.

En hvað voru starfi við veik á kastalanum daglega var ekkert annað en vor vakt, og fyrst vjer vorum nýlega komnir, vorum vjer drílaðir eður exerceraðir hvern morgun
 30 áður en frúkostur var tekinn, og þar með kend stríðs mentan og atferð; item nær pipar kom frá kónginum til Travanzour upp á vorn kastala, skyldum vjer hann harpa, það er hreinsa úr honum alt gras og hroða í gegnum eitt stórt sáldur, en hverjir að hjeldu vakt voru frí, og plagaðist oss ein myskin
 35 vins að gefast af vorum butiler eður bryta fyrir vort ómak. Item ein fanó,¹⁾ það er indíansk gullmynt, sem gildi 11

¹⁾ o: fanam, ýmist úr gulli eða silfri, með mjög mismunandi gildi; í Madras t. d. var 1 fanam = ca. 15 aurar (Yule-Burnell); þessum

danska skildinga, varð oss hvern laugardag útgreidd til þvotta-launa, sem þó korta skyldi vor laun eftir tímans upphæð og þessara smápeninga; ein þessi fanó gildi sem ríxdalur heima í Danmörk, og nær einum spönskum dal skyldi versla, voru 10 fanó úttalðar af verslurunum, sem á kauptorginu 5 sínar krambúðir hafa og þar daglega standa, það í tje að láta, sem hvern um nauðsynjar og eftir beiðist, eftir þess lands háttalagi, og síðar skal betur umtalast með Guðs hjálp. En fyrir eina fanó útteljast af verslurunum 86 caser, það er indíanisk koparmynt, með hverri kaupa má hvað mann 10 gírnir.

Kastalinn var veglega múraður og stafferaður með rúndelum á hverri hyrningu og smáturn yfir hverjum rúndel með gylltri flug, sem eg fyr hef um talað. Innan múra í miðjum garði kastalans stóð vor kirkja, sem var eitt gamalt 15 hús, hverja áður fyrri hafði haft einn portogaliskur pápisti, þar inni var kvöld og morgna jafnan söngur haldinn með bæn og blessan, ítem hvern sunnudag þrjedikun með sakramentanna útdeilingu og hvern miðvikudag. Vor prestur á kastalanum, nær eg þar kom, hjet H[erra] Jens, einn sjer- 20 deilis góður þrjedikari og söngmaður hinn besti, röggSAMUR, einarður og djarfmæltur í sinni þrjedikun hvað áhrærði um trúarbrögð pápista og Calvinista og Lútheriana; honum var eg með öðrum þremur skikkaður til djákna, á meðan eg þar dvöl hafði, og var mjer jafnan sjerdeilis góður og eftir- 25 látur umfram aðra.

Eirekur Smiður hjet sá maður, sem sagði fyrir öllu kastalans múrverki, en indíaniskir múrmeistarar höfðu alt verk og ómak fyrir, hverjir þar til eru mjög hraðir og tamir, framar þeim hjer í Norðurálfunni. Við syðri múr og 30 skansvöll kastalans, innan múra, stóð ein há höll og eitt mikið hús, upptil hvers að lágu margar tröppur; þar uppi sátu vor yfirvöld daglega og hjeldu sína máltíð, svefnherbergi, samastað og sæti, ítem dómhús, ráðstofu og reikn-

peningi var skift í „cash“ (skr. karsha, tamíl kāsū, og var síðar 1 fanam = 80 cash).

ingsstofu. Önnur smá herbergi og vor svefnhús stóðu við suðursíðu og suðvestursíðu innan múra á kastalanum. Á austursíðu kastalans innan múra stóð það mikla og uppmúraða kokkhús og einn uppmúraður brunnur, úr hverjum
5 dregið var seyði til sjerhverrar máltíðar.

Umkring allan kastalann á hans múrum í öllum veggskörðum voru járnstykki bæði stór og smá, þau stærstu þeirra skutu 18 marka lóði, en þau smæstu 9 marka lóði, og voru að tölu yfir 80 eður vart 90; item skotvopn með tvennu
10 móti, músskveitur og fýrverk, var á kastalanum nægilegt; item lóð með fernu móti, sem voru hlekkjalóð (leinkelóð), standlóð, krosslóð, skæralóð og almennileg lóð¹). Þessar tilgreindar varnir voru á kastalanum Dansborg með fleira því sem tilheyrði.

15 Hvað vorum matskamt viðvjek á kastalanum er hið sama að segja sem á reisunni og fyr hefir frá greint verið, utan vjer fengum í frúkost hvern morgun hrisgrjón í nýrri mjólk vel seydd og soðin, og oftlega ferskan fisk, item ferskt svínflesk og ferskt geitakjöt og fugla nokkurs slags. Hundrað
20 geitfje var á þeim eftirkomandi vetri, er eg þar kom, á kastalanum alið til sláturs handa kastalafólki, og var svo magurt um veturinn að þær umveltust af vesöld, svo dauf jörð verður þar um vetrartíð af þeim stór-regnum og daglegri norðanveðráttu, er þar um drífa. Sauðfje er þar mót-
25 líka og geitfje, utan horn og skegg skilur, ull hefir það enga heldur en geitfje, en lit ber það ýmsan, sem er hvítan og svartan, mórauðan, bláan og rauðan.

Ei smíðast þar klæði, því þar er engin ull, heldur annar margslags vefnaður, úr bómull, úr silki, úr mór²), það vex
30 á sjerdeilis viðarkyni, og bera þess þræðir gullslit þar úr verkaðir, og verður því þrátt í skyrtur saumað til þryði. Þar vefst pells- og gulls-vefnaður, item silfurs og kopars,

¹) Um þessar skotfæratagundir sjá Blom: Kr. IV.s Artilleri, bls. 261—286.

²) d. mor, þ. Mohr, fr. moire, einskonar silkivefnaður; orðið er annars á frönsku upprunalega notað um vefnað úr hárum Angora-geitarinnar (e. mohair, af arab. mokhayyar, sem upprunal. þýðir dúkur úr úlfaldahárum).

blýant og úr pálmviðarberki, sem er svo seigur álíka sem seymi, og úr þeim berki gjöra þeir sín segl og atkeriskaðla, sjómanna höfuðklæði, körfur og fleira. Af því einu trje mega þeir eta, drekka, klæðast, veiðarfæri og skipkaðla með öðrum reiðskap gjöra, sín skip og skútur þar úr smíða og 5 með þess berki saman að sauma, svo sem þar plagast, hversu stór sem þau eru. Eigi eru þau með súð heldur á röndum samanfald og fest með skiðu yfir, einni utan, en annari innan á hverjum samkomum, og yfir þær í gegn saumað með þessum berkispræði, svo tilbúnum, sem þar til hæfir. 10 Þessi pálmviðartrje eru mjög fallega og skikkanlega niðurstett sem fylkingaraðir með vissum mælir á lengd og breidd, en standa þó ei nálægra til samans en þriggja málfaðma bil hvers þeirra á milli; lauf þeirra eru breið, nærri tveggja álna eður þriggja í kring, þau verða höfð fyrir skerdiska 15 bæði á kóngsborði og annarstaðar í stórhófum og hjá herra-fólki; þau eru neðarlega og upp til miðs 2 og 3 feðminga digur, og eru uppmjó og hol innan, svo þó sum sjeu opin neðarlega og menn megi þar inni sitja, bera þau samt ávöxt tvöfaldan árlega, svo sem alt annað þar innanlands, sem 20 með rjettri frjósemi stendur. Þessi pálmtrje bera tvöfaldleg gæði eftir því, sem þeim er hagað, því nær þeir vilja, fyrir þeirra umbúning, bera þau cocos eður carhanske¹⁾ nytur, sem barnshöfuð stórar og sumar enn nokkuð stærri, í hverjum vex sá hvíti kjarni, úr hverjum þeir pressa oleum eður 25 viðsmjör, hverjum þeir áður í bing kasta, svo þær úldni og eru síðan hafðar til pressunar, hvar þær verða sundurbrotnar og sá feiti kjarni úrtekinn, sem að er að smekk sem hið besta súra smjör, og síðan ofan í pressuna látinn, að honum körfuðum sem smæst, en sú pressa er að mynd 30 sem strokkur, og er úr heillri eik gjörður og hörðu viðarkyni, og er innan eggsljett, neðarlega er á henni tappi, út af hverju tappað verður oleum það, sem pressast þar inni, með þvílíkum umbúningi og hjer greinir, að ein bryggja

¹⁾ hjer er vitanlega átt við kókoshnetur; hvernig stendur á nafninu „carhanske“ veit jeg ekki með vissu, þó er orðið kærhi til í maledívísku í merkingunni kókoshnot, og væri hugsanlegt að lýsingarorðið ætti eitthvað skylt við það.

eggsljett er gjörð rjett kringlótt, og upp úr henni miðri stendur þessi pressa, upp úr henni stendur ein stöng sem bulla í strokki, og út úr þeirri stöng er eitt trje, fyrir því trje er spentur einn uxi, sem pressar nefndan nytnakjarna 5 til oleum, og vjer köllum viðsmjör. Þetta viðsmjör verður selt í pottatali, fyrst til smurninga, því Indianar smyrja sig daglega, og þeir sig tvisvar, er þar hafa efni til og formegan; í annan máta tíðkast það til ljósa; í þriðju grein til fisks og kjöts steika. Oftast hafa Indianar soðmat veglega krydd- 10 aðan með safranuðu soði, altíð ferskan og í oleo uppsteiktan. Engum leyfist nautum þar að slátra, hvorki innlenskum nje aðkomandi þjóðum, því þeir eftir lærdómi Pitagore¹⁾ halda nautin helg vera og sálir í sjer hafa, og verða nautin því þar sjálfdaud. Kóngsins son af Egyptalandi²⁾ kom þar á 15 fund þess indianska kóngs í þann tíma, sem vjer þar dvöldum, hver eð þar dvaldi í nokkra mánuði; hann fjekk það leyfi að láta slátra tvævetra nauti, og skyldi enginn þess neyta utan hann alleina, og skyldu þess bein brennast í eldi, hvar fyrir hann varð ærnu fje við kóng til að kosta.

XVII. KAP.

Sá indianski kóngur, sem kallast kóngdómsins vegna Nica de Regnate³⁾, hann tilbiður eina hyrnda kú, hver eð í einu sjerdeilis vel tilreiddu herbergi og luktu hefir með

¹⁾ o: Pýpagoras, hinn frægi gríski spekingur, ca. 530 f. Kr.

²⁾ Egyptaland var þá komið undir Tyrki (unnið af þeim 1517), og getur því ekki verið að tala um konungsson þaðan í byrjun 17. aldar, svo þetta hlýtur að vera missögn.

³⁾ Nica, Nico eða Naik er titill, sem upprunalega er kominn úr sanskrít „nāyaka“, er þýðir „höfðingi“ o. s. frv., og er notað í mörgum indverskum málum, líka í tamil og öðrum, sem ekki eru af sanskrít komin. Konungur sá, sem hjer er um getið, hjet rjettu nafni Raghunatha, en sonur hans Rambandra. — Um trúarbrögð þar í landi vísa jeg í B. Ziegenbalg, Genealogie der Malabarischen Götter. Madras 1867. Góð dönsk bók um það efni er L. P. Larsen, Hindu-Aandsliv og Kristendommen. Kbhvn. 1907.


sjerdeilis vaktan og prýðilegum samastað sína veru og stöðu með gull-legu skarti og gimsteina prýði öll tilsett, og balsameruð, og með gullvefnaðarklæði öllu bardýruðu með dýrmætustu gimsteinum yfirhulin. Til hennar gengur hann á kvöld og morgna henni lotning að veita, og, með leyfi, 5 vaskar sínar hendur og andlit í hennar vatni, þar með sinn munn, og í hvert sinn yfireys sinn hvirfil með því sama að lyktum. Son átti kóngur sjer með sinni drotningu, sá eð var útvalinn prins og kóngsefni eftir kóng látinn, ef honum svo auðnaðist, sá eð var 17 eða 18 ára gamall, hvers mynd 10 ásamt hans föðurs var í vorri kirkju, og var ei óhýrleg að líta. Hans innileg girnd var sú að kristnast og meðtaka vora trú, hefði honum það gagnast fyrir sínum föður, en það vildi ei svo horfa, og stóð kóngur þar mest í mót sem hann orkaði, svo hann fjekk því ei ráðið fyrir harðýðgi 15 síns föðurs, en lengi stóð það í vigt, og var á meðan beðið fyrir honum í vorri kirkju til Guðs, að hann vildi af sinni náð upplýsa hans hjarta til rjettrar trúar.

Kónsins höll var sögð vegleg, og hans palats prýðilega stafferað; hans trón eður kónglegur stóll er af marmara og 20 svo sljettur sem eitt egg, umkring nærri 12 álana; þar situr hann daglega, og hans hofprestur gegnt honum, á dýrmætum og gull-legum sessum, með samanvöfðum fótleggjum eftir siðvenju Indíana, og mykt þeirra lima, sem jafnlega sig smyrja og balsamera með oleo og dýrmætasta balsamo. Hjá 25 hverjum þeirra standa 3 smásveinar, einn sá eð klíppir arech eður paga, sem er að stærð, lit og hörku sem muscat, það taka þeir fyrst í munninn og tyggja það og útspyta því fyrsta munnvatni, síðan þau blöð, er þar vaxa, taka þeir sjer í munn með hinu og tyggja til samans; innan í þeim 30 er það kalk, sem brent er úr gimburskeljum, lítið á riðið; af þessu öllu svo samanblönduðu og tuggnu verður þeirra munnur sem fullur blóðs sje, og nær það er fulltuggið, renna þeir því öllu niður og verða þar af druknir meir en af tóbak, og þetta kalla þeir bitilarech eða bitilapaga¹⁾, og 35

¹⁾ bitil er lauf af beteltrjenu, Piper betel L. sem er tuggið með purkuðum areca-hnetum. Það er algengur siður víða í Austurlöndum.

segja gott við blóðsótt vera. Og þessi þjóð, sem eru lands-
ins innbyggjarar og Malabarar kallast, drekka enga áfenga
drykki, utan þetta oftnefnt bitilarech láta þeir í staðinn
annara landa vins og öls drykkjuskapar sjer nægjast. En
5 vín bruggast þar úr pálmviðarvíni, sem þeir kalla arrach,
og er að smekk og reynslu sem brennivín, og verður það
daglega selt og keypt af þeim framandi þjóðum, er þar eru
innlendar orðnar, sem er fyrst Portogalskir, Caffer, Prægier,
Selinger¹⁾, Mórer, Bengalianer, Egyptskir, Arabiskir, Molucher,
10 Javer, Engelskir, Hollenskir og Danskir. Portogalskir brugga
þar eitt slags vín, er þeir kalla vín to pass²⁾, hvert eg eitt
sinn prófaði, og er velsmakkandi og áfengt mjög.

Nú vikjum þar til sem kóngsins athæfi áhrærir og dag-
legt háttalag, að með því eg greindi eins hans þjenara
15 embætti og daglega iðju þá að vera bitilarech að klippa
fyrir kónginn, þá er það hans annars þjenara embætti að
halda á einum gullpotti, í hvern kóngurinn spýtir af sínum
munni, því nær hann tekur tóbak eður bitilarech, þarf þess
jafnlega við. Þriðji hans þjenari stendur með eina gull-

20 lega viftu að mynd sem þetta  ³⁾ og blaktar

henni fram og aftur, og af þeim vindi, sem þar af kemur,
verður svali þeim, er svo við höndlast, og slíkt er almenni-
legur landsvani í hverju húsi, og þar með kreista þeir hver
annars líkama undir svefn á kvöldin, þeim til heilsubótar,
25 er svo við gjörast, hvert skikk að vjer og einnin tíðkuðum.

Hvað kóngsins daglega stássi og þjenaranna viðhöndlun
viðvikur, er hið sama kóngsins hofpresti auðsýnt, af hverj-
um kóngurinn heldur mikið, og nær sem nokkrir framandi
heimsækja kónginn og hafa nokkuð sjerdeilis við hann að

¹⁾ ๑: Cheling, Cheli, orð notað af Portúgalsmönnum um indverska kaupmenn. Uppruni þess er óljós (Yule Burnell). — Um „Prægier“ (= „paríar“) sjá lýsinguna í 20. kap. hér á eftir.

²⁾ líklega vinho de passa, vín sem er búið til úr rúsinum.


³⁾ myndin er hér tekin eftir hdr. Lbs. 723, 4^o.

útrjetta, þá leyfist þeim eigi fyrir kónginn inn að ganga, fyr en presturinn segir kónginum fyrir lukkustund góða við framandi að tala, og þó það sje um miðnátt, og komi boð frá kóngi, hljóta þeir þar strax því viðbúnir vera, án dvalar, og þeir hljóta túlk að hafa, sá eð með stórrí auðmykt tukt- 5 uga meðalgöngu hefir þeirra í milli, með þeim hætti, að hann byrgir sína ásjónu fyrir hvorjum þeirra fyrir sig. Það sje hjerum talað nú um sinn að fullnægju.

Og skal enn um kónginn áminst verða, fyrst þar um, að kóngurinn að auk sinnar drotningar hafði, nær vjer 10 fyrst þar komum, 900 frillur, en síðan aflagði hann úr þeirri tölu 300 við sinn son, en ei þær sömu, svo hann sjálfur hjelt 600 úr því í sínu syndaregistri. Þessar hans frillur hjeldu einn veglegan og vel til reiddan sal með gyltum pílárum í kring og gluggum úr christallus-gleri; að þessum 15 sal gekk kóngurinn daglega sjer þá að útvelja til holdlegrar saurgunar, er hans hjarta í hvert sinn útkjöri. Þær plaga sig daglega að smyrja, og eru með dýrmætu skarti prýddar, um sig miðjar hafa þær gullvefnaðarklæði með gimsteinum samið og prýtt, gullhringa um tær og fingur, með gim- 20 steinum innsmelt, item ennisgull og eyrna, og í þeirra nös- um, um mjóaleggi og úlfliði gullhringar, item um þeirra höfuð gyllinistykki með gimsteinum í fest; item einn veg- legur brjóstadúkur, sem mikils fjár er verður, með perlum, gulli og gimsteinum prýddur, og með þvílíku skarti eru 25 þær daglega prýddar. Á einum góðum veðurdegi nærri miðju sumri er þeim út leyft af þessum sal að spátsera á hverju ári, samjafnt kóngi sjálfum, í þreföldum hring kóngs- ins æðstu stríðsmanna, og er þá á bumbur slegið vel 9 og í básúnur blásið, og stórblysum upp haldið. Annars skeður 30 þeirra útgangur ei tíðar. Og sem nokkrar úr því tali deyi, verður talan með annara jafnmargra uppfylt. Og nær sem kóngur deyr, hljóta allar að brennast með honum lifandi¹⁾, því alls landsins fólks greftran skeður með þeim hætti, að

¹⁾ Þegar Raghunatha dó, 25. Nóv. 1626, voru 119 af konum hans brendar með honum (Schlegel I, 4, bls. 162).

öll lík eru brend á þriðja degi frá þeirra andláti, hvar um frammar skal talast í öðrum stað og skal um kóng um sinn úttalað vera.



Musteri í Tandsjúr.

Nú með því fyr er frásagt um kóngssetrið Travanzourem, 5 vil eg ei frammar þar um tala, en um kirkjusmiði þeirra vil eg lítið áhræra, og það fleira, sem því og þeirra trúarbrögðum viðvikur, offrunum og skurðgoðadýrkunum og slíka

fantasí, hvar með eg vil einn og sjerhvern uppvaktan hafa Guði jafnan verðugar þakkir færa, sem oss hjer í kristindóminum hefir miskunsamlega leitt úr slíku háskasamlegu myrkri villudómsins og glötun fordæmdra. Blessað sje nafnið vors miskunsama Guðs æfinlega. Amen.

5

XVIII. KAP.

Í hverjum stað Indía, sem eg hefi heyrt um rætt og lesið, er ein stór höfuðkirkja, sem kallast sínagógur eður pagógur. Svo var og í þeim litla stað hjá vorum kastala, sem Trangobarich nefndist og fyr hefir verið um getið, ein 10 þvilík uppmúruð kirkja með háum ferköntuðum turni, og einn uppmúraður hár garður um kring. Þar úti móts við kirkjudyrnar innangarðs stóð einn hár og mikill vagn með ýmislegum svívirðinga myndum of viðbjóðslegum og lastlegum frá að herma. Innan kirkju, á stöllum eður afmúr- 15 uðum sætum, standa 6 afguðamyndir hvorumegin, bæði nautá, svína, geita, buffala, hver að eru sem naut að sköpun, en eru þó eigi, hverra mjólk að er sem geitamjólk. En á þverum gaffli er eitt mikið altari með gulli veglega prýtt; þar upp yfir eru þrír stallar, innvik og sæti, mjög veglega 20 tilsett, á hverjum að standa þeirra æðstu guðir þrír, sem er Suami, Rami og Tameran¹⁾, og standa rjett upp á enda sem menn, en þó ei í manns myndan. Suami, sá æðsti þeirra

¹⁾ Ekkert af þessum nöfnum er eiginlegt guðanafn nema Rami = Rama. Máske hefur presturinn kinokað sjer við að segja Evrópumanni, annarar trúar, hin heilögu eiginnöfn guðanna, og því aðeins nefnt þá tignarheitum sínum. Suami er = suāmin, sanskritorð, sem þýðir Drottinn, Tameran er = tamburān, á malabarísku (malayalim) = Drottinn, Guð, konungur, og það er líka notað í tamíl af Shíva-dýrkendum (Yule-Burnell), og má af því ráða að í musteri því, er Jón Indíafari hjer lýsir, hefur Shíva verið dýrkaður. Ef það er rjett að ein af líkneskjunum hafi verið nefnd Rama, hefur Vishnú verið dýrkaður þar líka, því Rama er eitt af persónugerfum hans. — Þriðja líkneskið hefur varla verið Brahma, því ekki er vant að smíða líkneski af þeim guði. Líklega hefur það verið guðinn Pilleiyār eða Ganesha, sonur Shíva, sem er látinn vera með filshaus.

- guð, hefir manns ásjónu og snabel sem fill fram úr sínum
nösum, þeirrar meiningar, að svo sem fillinn er mestur dýr-
anna, sje þessi guð mestur guðanna. Sá sami hefir klær
fjórar og kórónu á höfði með grimmu tilliti. Hinn annar
5 hefir ei snabel, en kórónu og klær, sá eð kallast Rami.
Hinn þriðji var með sama skikk og hinn annar, er þeir
kalla Tameran. Þessir þrír þeirra afguðir verða útbörnir
einu sinni á hverju ári, á hverjum degi að er þeirra stór-
hátíð hin mesta. Á þeim sama degi er þeirra vagn til-
10 reiddur, um hvern eg hefi fyr áhrært. Fyrst er sett í hann
miðjan ein há stöng að mynd sem eitt mastur, og á það
sama mastur eru settar svo sem þrjár mersukörfur eður þrjú
sæti, eitt efst, annað á mitt mastrið og hið þriðja neðst,
með prýðilegum gullvefnaðartjöldum og umbúningi þar um
15 kring. Í þessi þrjú sæti eru settir áðurnefndir þrír guðir,
Suami hefir það efsta sæti, Rami hið annað, sem á miðju
mastri er gjört, og Tameran það neðsta. Í hvert sæti eru
settar tvær kvennsviftir, með gull-legar viftur, að blakta þeim
yfir þessum afguðum, svo að ekkert duft, ryk eða fluga
20 megí þá á setjast nje falla. Efst á toppi er ein lítil silki-
flug með mörgum litum og með gulli og gimsteinum bard-
ýruð. Sjerhver borgari í staðnum er munstraður og með
nafni upplesinn og tilskikkaður með köðlum að draga þennan
afguðavagn, allan þann tilsettan dag á hverju ári, eitt stræti
25 upp en annað ofan, alt til kvölds, með 30 eða 40 bumbum
og premur básúnistum á hvora hlið, og hermannaflakki
vopnuðum alt um kring, sem kallast taliarii. En á meðan
allur borgaralýður gengur heim til máltíðar, ganga allir
ógiftir í þeirra starf, að draga þennan mikla vagn, þangað
30 til þeir koma aftur að endaðri máltíð, og ganga aftur til
þessa óþarfa verks, hinir til sinnar máltíðar. Þessum afguðum
verður nokkru offrað af hverju húsi, er þeir verða fyrir
dyr dregnir, eftir því sem hver er megandi til, af tóbak,
risgrjón, bitilarech, ítem þar sem þessu verður ei offrað,
35 verður úthelt rauðu vatni. Borgarherrann eða borgmeistar-
inn, sem þar kallast almanich¹⁾, nær sem þessi afguðavagn

¹⁾ jeg get ekki með vissu sagt, hvaðan þetta orð er komið, líklega
er þó síðari hluti þess tamíl-ordíð maniyakkaren, borg rstjóri.

kemur fyrir hans húsdýr, standa þar 2 hafrar fullvaxnir og maður með einn stóran kornsigð í hendi hjá hverjum þeirra, hárbeittan, sem eftir borgmeistarans vissri tilsoðn í mesta skyndi þá afhöfða. Og eftir það gjört er slegið larm uppá allar bumburnar og básúnað, þar með var þar rauðu vatni 5 úthelt, tóbak, rís og bitilarech þeim gefið, sem vagninn drógu, líka sem annarstaðar fyrir dyrum. Item á þessum sama degi verður blótnautum útslept, sem svo eru kappalin, að þau nálega ólm eru af ofsælu og við framandi ofbjóðleg, svo menn hljóta sig til vara að taka. Vjer nokkrir gjörðum 10 þeim stórar fortölur um þeirra blindleika, er þau vöktuðu, fyrir meðalgöngu vorra þjenara, hverninn að þeir tæki dýrðina frá Drotni og tillegði hana skepnunum, hverju að þeir svo gegndu, að þeir sæi Guð eigi. Og þegar að kvöldi leið, var þessi vagn með afguðunum og greindu stássi dreg- 15 inn í sitt venjulegt pláss aftur gegnt kirkjudyrum. Og nær þeir voru svo þar með hann komnir því nær, útgengu allar hórur af kirkjunni, pagóga sirke eður kirkjuhórur, að fremja dansleiki fyrir guðunum, og með þeim þeirra meistari, sem nefndist baldor¹⁾; þessi selur þær daglega fyrir gjald, bæði 20 stríðsfólkinu og þeim ógiftu í borginni, hvert gjald að innlegst í kirkjunnar rentukammer, og verður haft til hennar uppbyggingar, en þær eiga aftur víst sitt uppheldi af kirkjunnar inntekt hjá hennar forverjurum. Presturinn, sem oftast situr fyrir kirkjudyrum, og kallast brameni²⁾; gengur 25 einninn út guðunum að fagna með stórru auðmýkt og lotningu, og síðan urðu þeir af þremur þeim útvöldustu þeirra á meðal, sem voru synir prestsins, virðuglega innbornir með miklum bumbuslætti og básúnistanna skörpum blæstri og hljóðfæraslætti, item kirkjuhóranna danslátum í þeim prýðilega búningi, sem annars þar á milli, nær þær þjóna ekki

¹⁾ o: portúg. bailador, af orðinn bailar, dansa; af sama orðinu er og hið alkunna nafn á dansmeyjunum við musterin „baiadera“, portúg. bailadeira, þær sem Jón Indíafari kallar „kirkjuhórur“; orðin „pagóga sirke“ hef jeg ekki áður sjeð notuð um þesskonar stúlkur, þær eru annars nefndar á tamil devadāsi (guðsambátt) eða devastrī (fl. devastrīgal), og orðið „sirke“ er líkl. = strīgal o: stúlkur, konur.

²⁾ Brahman.

fyrir guðunum, er í kirkjuna upphengdur, sem á þann hátt er í skikkan og hjer greinir, að þær hafa sem aðra uppbrók af gullvefnaði með gimsteinum og perlum veglega tilsett og verð er mikillra summu peninga, item einn veglegan 5 brjóstadúk, sem og frábært fje kostar, með öðru frábæru hringa- og gimsteina-skarti, sem sett er á og af þeirra líkama eftir hentugleika. Síðan að loknu greindu starfi gengur hver heim til sín.

Þessar greindar kirkjufriggjur dansa alla tíma fyrir af- 10 guðunum hverja nótt frá náttmálum og til miðnættis, og um tólfstu stund nætur, sem er miðnættisstundin, verður einhver af þeim tólf guðunum útborinn upp eitt stræti og annað ofan í vagni með logbröndum, eldfuðri, básinum og danslátum, item trumbslögum og öðru þessháttar vegsemdar- 15 þrjáli. Á þetta heyrðum vjer hverja nótt, sem vakt stóðum uppá kastalans skansmúr.

Um eitt miðdegi bar svo einn tíma við, að einn að nafni Pjetur Lálík, minn góður stallbróðir, og eg urðum óvarlega eftir fyrir utan portin kastalans, hver jafnan lukt 20 stóðu um hvert miðdegi, meðan máltíð yfir stóð, og undir eins var miðdegismáltíð í borginni haldin, sem og jafnan plagaðist; gengum við og spátseruðum um torg víða, og nær við komum að þeirri stóru kirkju, er þar stóð, eður pagóga, sat goðapresturinn úti fyrir kirkjudyrum, og var að 25 eta bítilarech. Við gengum til hans og kvöddum hann blíðlega. Hann tók okkur blíðlega með tugtugri bendingu og reverentsíu, og bauð okkur sess hjá sjer. Við slógum upp á skemt við hann, nú meðan engir til sæi, að vildi leyfa okkur kirkjuna innan að skoða. Hann kvaðst það ei 30 voga með neinu móti, því það mundi sitt líf gilda og embætti. En fyrir okkar langgæða brekan og eftirleitni gjörðist sem við um báðum, þó bljúgur væri, fyrir tilsagt verð, og vildi hann að við afdrægjum okkar skó, og bauð okkur höndum að okkur halda og ekkert meín gjöra, utan augum 35 renna, annars kvað hann sitt og okkar líf gilda. Skó vildum við ei af draga, enn út og inn gengum við spakferðugt og án alls piltskapar, hvað hann að lyktum þrísaði,

og skildum við vel við hann að loknum launum. Ei var þar inni annað að sjá utan þá 6 afguði hvorumegin, og þá þrjá þeirra æðstu á gaffi, yfir því altari veglega tilreiddu, er þar stóð; og búningur þeirra kirkjukvenna, er uppi hjekk, og fyr hefir nefnt verið.

5

XIX. KAP.

Innan borgar og utan standa mörg goðahús, sem nætur og daga ljóslampar inni brenna. Þar inni standa þeirra 12 afguðir, og einn af þeim æðstu þremur hinn 13. á miðjum gaffi. Oft gengum vjer þar inn, þá engir til sáu, en ei þó 10 eg, heldur stóð eg vakt úti, og fyrirbauð eg þeim neitt vont aðhafast, en ljós slöktu þeir, en eg hjet þeim harðindum ef goðin bryti eða svívirðingar sýndu, hvað eg oftlega naumlega fjekk hindrað, svo sem einn tíma skeði, að einn Hollenskur svívirði þann æðsta, er á gaffi stóð, er um 15 nótt skeði, og oss lá fyrir í fár að koma, en það hindraðist, því það var vitnalaust, hverjir helst af oss það gjört hefðu. Fyrir utan sínar kirkjur og goðahús hafa þeir fagra lunda af oleovíðartrjám með dýrri frjósemi uppaxna, en þá umkring eru fagrar flatir sljettar. Í þessum lundum á sumrin 20 veita þeir sínum afguðum tilbeiðni með matoffri, svo þar stendur pottur við pott og eldur undir. Ei máttum vjer þar inn ganga, utan á horfa í nálægð. Þá eru enn aðrir lundar, í hverjum að standa afguðir ýmislegra mynda, sem almenningur og fátækt fólk tilbiður og þar með framandi 25 af almúgafólki, er til borgarinnar sína leið leggja með eitt og annað til kaups, af hverju þeir hljóta öllu toll að gjalda, jafnvel af mykjuskánum, því þeir halda mikið af þeim vegna kúanna, og í þeim brenna þeir öll sín lík. En þann toll allan til sjóar og lands, sem þar inntekst, tillagði kóngur- 30 inn sá heiðni vorum kastala, uppá vors kóngs vegna, því

allar þær skútur, sem þeir kalla siampanur¹⁾, er þar sigldu fyrir, hlutu kastalanum toll að gjalda. En nær það viðbar, að þeir hjeldu frá og vildu ei tolla, urðum vjer með tólfæring eftir þeim að róa, en ei vjer, heldur sjálfir Indianar, 5 en vjer sátum vopnaðir með brennandi lunta, svo þeir með nauðgan urðu tollinn að láta.

Nú er að tala um þeirra hátíðahöld, með því áhrætt er um þeirra goðahús og dýrkan til sinna afguða og offranir, um hvern þeirra galenskap margt væri fleira að tala ef tíð 10 tilfjelli. Eigi á björtum degi heldur á nætur halda þeir sínar hátíðir, danslæti og æfintýrleg spil, með ýmislegum myndum, er þeir sig með búa og iklæða, þau afguðaspil með stórri list og meistarasnilli að leika og spila við stór bál og blys, hvar uppá vjer eitt sinn saum með óglöggleika 15 af vorum skansi, og þó um nótt. Eitt þeirra spil virtist oss líkt Jónas spámanns historíu, í því hann hvalurinn svelgdi í sig, því einn þeirra iklæddi sig hvalsmyndan og svelgdi þann, er þar til kjörinn var og framkastaður. Og þessir búningar til þessara afguðaleika verða upphengdir í þeirra 20 kirkjur og þar til varðveittir. Annað spil, sem vjer sjeð gátum, var þessháttar, að einn maður tekur sjer sjö epli í vinstri hönd og úttínir þau öll með hraðasta hætti í kring sig miðjan, og eftir því sem þau koma í hans lófa hvert eftir annað, svo útgrýtir hann þeim aftur, svo þau nema 25 aldrei staðar, heldur sem eitt hjól renna í kring um hann svo hart, að þau ei eygjast nema þyturinn og sem eitt þeytisþjald, en ekkert þeirra á jörð fellur, en að þrotnum þessum leik, falla þau öll hvert eftir öðru í hans lófa. Þriðja leik saum vjer þann (og tíðar), að þeir taka tvo ali, einn 30 stærri og annan minni, og sá á þeim heldur kastar þeim minni í loft upp, og nær hann vill niður á oddinn, otar hann þeim alsoddi upp í mót honum, er hann í hendinni ber, og svo gengur hann mörg hestsskeið, að sá litli alur, sem laus er, fellur aldrei niður, fyr en hann tekur hann

¹⁾ = champana, sampan, líkl. úr malajísku upprunalega; svo kallast nokkurs konar litlir bátar þar eystra (Yule-Burnell).

í sinn lófa, og þetta kallast að láta leika á als oddi. Margt fleira leika þeir gamansamt og furðanlega fásjeð. Einn klúrlegur leikur var þar um veturinn innbyggjurunum uppsettur og tilsagður að leika, þeim er vildi það til gjalds vinna, að stinga gat í gegnum sinn aflvöðva, og þar í gegn skyldi einn mjór línupinur dragast, hver lína að fest var upp í einn eikartopp, og skyldi sá maður þangað vindast, og nær tilsagðist varð honum ofan hleypt [og slept] í einu á þessari línu, sem á snið til jarðar lá, á hverri hann hjekk með sínum handlegg með öllum sínum þunga, og í gegn lá gjörða 10 und. Sumir urðu vitlausir og ómegna, nær þeir ofan hrukku. Vor línvaskari Athrumbus var einn þessara, sem svo mikið til gjalds gjörðu, hverjum vjer stórar ávitur veittum, og lofaði aldrei oftar þreyta skyldi.

Nærri kyndilmessu um veturinn kom þeirra presta- 15 höfðingi eður biskup til þeirrar borgar, sem undir vorn kastala Dansborg lá, Trangobarich að nafni, og víðar til allra annara borga, sem í hans stifti og umdæmi voru. Og fyr en kom að þeirri móðu, sem á suðaustursíðu við kastalann lá (í hverri að voru margslags fiskar, ormar stórir og krókódilar), sendust boð áður fyrir honum, svo ei óvarlega upp á kæmi. Varð þá skjótt viðbrugðið í borginni. Tóku þá allar kirkjuhórir sig með venjulegu skarti að prýða og staffera, og alt staðarins stríðsfólk sig að tilbúa, item allir goðapjenarar með prestunum. Þessi allur skari með mörg- 20 um bumburum og básúnistum gengu af borginni lítinn veg ofan eftir fögrum söndum, svo sljettum sem verða kunna, hverjir svo fagrir eru nær maður í móti sólu gengur, að ein ögn sýnist sem fegursta gull en önnur silfur. Og nær þessi prestahöfðingi á einum fil yfir móðuna fór og miklu 30 föruneyti, og lá í sínum palakin, í hverjum hann var borinn, sá af filsbéinum gjörður var, gyltur og með göfugu smíði tilsettur, tók allur þessi skari til að auðsýna sitt vanalegt stáss með trumbslögum, básunum, hóranna danslátum og stríðsmannanna vopnfimi, og sá larmur og þvilíkt lát- gæði varaði á allri heimleið þeirra til borgarinnar, þar til hann kom heim að kirkjunni. Var þá slegið uppá allar

bumburnar og básúnerað og kvinnurnar í sinni umbyltan
 ljeku margvíslega fyrir, eftir þeirra háttum, sem þeirra
 baldor fyrirmyndaði, sem þeim daglega stjórnar, sá eð hefir
 eina klingjandi og skært hljóðandi koparplötu í sínum vinstra
 5 lófa, á hverja hann með einum sjerdeilis nertugum stál-
 hamri klappaði, og með það slag í hvert sinn þær skyldu
 dansmyndina fremja. Síðan gekk hann í kirkjuna og var
 þar í langri tilbeiðslu fyrir guðunum, og á meðan varð
 ein bóma sem eitt hátt mastur úti fyrir kirkjugarðshliðinu
 10 uppreist, og efst í hennar toppi eitt veglegt sæti tilreitt, í
 hvert hann um níundu stund nætur þeirrar uppstje, og þar
 þær þrjár klukkustundir til miðnættis kyrlega út dvaldi, á
 hverri eykt að var í munnlegu samtali við Satan, svo sem
 gömul ólofleg vísa jafnleg er hjá þeim Malabaris, í hverju
 15 slíkra yfirpresta stifti og umdæmi á þessum nefndum tíma
 sjerhvers árs, sem er þann 1. Febrúarii. Því að þeirra trú
 er svo varið, að þeir eiginlega tilbiðja Satan, og af honum
 óska sjer og árna alls þess, sem þeim þykir sig um varða.
 Því þeir segja, að Guð almáttugan, þann sanna og blessaða
 20 dýrðarinnar og friðarins höfðingja og kóng eilífðarinnar
 þurfi þeir ekki að tilbiðja, því hann sje góður og friðsamur,
 án stygðar og styrjaldar, og með því hann sje svo mjög
 blíðlundaður, þá hafi hann ei viljað kífa við Satan nje stríða,
 eður hafa hann sjer í nálægð, heldur afdeilt honum sinn
 25 samastað, hvar hann mætti yfir drotna, sem er loftið, jörðin
 og sjórinn. Og með því Satan væri illur og mjög-týranniskur,
 þessvegna hlyti þeir hann að tilbiðja og hann með sinni
 iðuglegri tilbeiðni og offrunum til friðs að stilla. Þess vegna
 skyldi nú sá yfirprestur þeirra aðfrjetta Satan í vinsamlegri
 30 viðræðu, hvernar náðar þeir ættu af honum á eftirkomandi
 ári að vænta, um öll árgæði lands og sjóar, og nær skip
 kæmi frá Danmörk, um stríð og gagnlegar höndlanir og
 annað svoddan. En á meðan svo fram fór þeirra á milli,
 varð eitt bál mikið kynt og upptendrað um kring nefnda
 35 bómu. Og að lokinni eykt og viðræðu þeirra á milli mátti
 presturinn fleygja sjer úr öndverðum topp trjesins í það
 brennandi bál, til vitnis, að ef það bál honum ei grand

gjörði, þá skyldi þeirra samtál gegnsatt reynast eftir prests-
ins framburði. Og nær hann úr bálinu gekk heill, varð á
bumbur barið og básúnerað, einninn af dækjum danslæti
margskonar framin og með hermanna hárrí siguremjan við
leik lokið.

5

Að næsta morgni ferðast prestur þaðan og í nálægustu
borg, sem nefndist Trichlagour¹). Í þá borg gengum vjer
oftlega, nær oss gafst til leyfi, að skoða þá veglegu goða-
kirkju og hennar veglegu uppmúran, því hún var öll utan
með ýmisleg bílæti, og hver þró neðarst í hennar múr- 10
veggjum svo gjörð fyrir unga og eldri, að þeir máttu sig
þar í leggja og sína bæn þar inni gjöra, svo mót var fyrir
höfði, höndum, hnjám og öllum líkamans liðamótum. Einn
mjög hár kirkjugarður var hana umkring, hvar uppá stóðu
myndir margra kvikinda meistarlega afmálaðar, hverjar 15
álengdar sýndust sem lifandi væri. Sú borg lá eina mílu
vegar frá vorum kastala.

Einn aldingarður vænn lá þriðjung úr mílu frá vorum
kastala. Firna þrátt gengum vjer þangað, þó Indianum
lítt líkaði, sakir troðnings helst. Þar vóx eitt gras, það eitt 20
sjerdeilis að sköpun og lit, á meðal annara margra og ýmis-
legra, og með undarlegri luktan, sem þeir kalla dýfelsgras²),
og er þar haft að stóru álit. Það gras brenna þeir til
púlvers eður dufts, og segja þeir, að því dufti eður ösku
fylgi sá firnakraftur, að þar sem þeirri grasösku verður niður 25
sáð, að strax úr þeim sama stað flýi sá óhreini andi, og
því er sú siðvenja í sjerhverri borg Narsinga-kóngríkis, að
þessa grass ösku verður á sjerhverju vori um sjerhvert
borgarstræti niður sáð og út fyrir portin sjerhvers staðar.
Og í sjerhverri borg þess ríkis eru 7 menn þjónandi til 30
þeirrar iðu að niðurdreifa þessari ösku í sama mund dags,
er nú var greint, svo Satan burt rými úr þeirri borg og

¹) líklega er átt við bæinn Tirukkadhavur (Trukkulur, Trikkelore).

²) holl. duyvelsgras, djöflagras. Líklega er átt við darbha-gras
(*poa cynosuroides*), sem Indverjar trúu að mikil náttúra fylgi, og nota
til ýmislegra heilagra athafna.

gjöri ei skaða, hvorki með eldbruna eða nokkru öðru, hvað þó þrátt skeður, að sá vondi andi brennir þar þrátt af um nætur heil stræti og verða þeir 7 menn að nafnbót kallaðir dýfeljagalarar¹⁾). Þeir spila þar fyrir utan daglega fyrir 5 afguðum á hljóðfæri, því þeir taka sjer ei aðra iðju fyrir hendur af engu til. Þeir ganga með gula öskusekki sjer á herðum, hverja þeir uppsetja á hverju nóni, og hafa stafí með ýmsum litum sjer í höndum, og eru allir balsameraðir með ýmsum color og farfa. En þessi aldingarður, hvar inni 10 þetta gras vex, er eiginlega kirkjunnar og staðarins eign, og sje þarum nóg sagt að sinni.

XX. KAP. .

Nú eftirfylgir stutt fráskýring um aðferð Indianískra, þá þeir úthefja sína dauðu og brenna þeirra líkami utan- borgar.

15

Á þriðja degi eftir hvers þeirra andlát verða líkin út- höfð, en á meðan þau eru heima í sínum húsum, syrgja ekkjurnar með sínum nágrannakonum, skyldum og tengd- um, þrisvar á hverjum degi í afdeildu takmarki fyrir utan 20 húsið með hryggilegri aðferð og sorglegri ásýnd, svo þær berja sig og bíta í hendur og hold og í andlit pústra, klóra og klípa, svo þær bláar, blóðugar og benjaðar eftir standa. Þess á milli falla þær með einum hast til jarðar, ausa þær moldu yfir höfuð sjer og hana upprífa og sinn munn með 25 hana fylla, velta sjer og áminnilega veina. En nær sú sorgarhrið í sjerhvert sinn er yfirstaðin, standa þær strax upp og kveða sín sorgarkvæði þess á milli, inn til þess þær aftur upphefja sína sorgarlega atferð. Þessi sorg þeirra stendur yfir í hvert sinn eina klukkustund. Síðan ganga 30 þær inn aftur. En á þeim degi, sem sjerhvert lík verður

¹⁾ auðsjáanlega úr hollensku, duyveljager 3: djöflaveiðandi.

út borið fyrir suðvesturport staðarins í víst afmarkað pláss, þar sem plagast jafnan líkin að brenna, þar í þeim stað er gjörður einn laufskáli ferdýraður og inn í honum eru niður-hlaðnar mykjuskánir þurrar, hvar líkið verður upp á lagt. Nú sem líkið er útbórið af húsinu, stendur þar einn vel til- 5 reiddur palakín, sem vera skulu líkbörur hins dauða, hvar inn sá framliðni verður lagður á eina sæng, og yfir línklaði haft með mörgum litum, og með silkiklaði yfir tjaldað með veglegum farfa ýmislegum. Svo nær þeir líkið upphefja á sínar axlir, sem almennilega af fjórum borið verður, verður 10 strax á 18 bumbur slegið með einum larm, og í þrjár bá-súnur blásið, og ganga tveir þeim framliðna á hægri hönd en einn til vinstri handar; einn maður gengur hvoru megin við líkið með heytuggu í hvorri hendi, sem gegndýfð er í oleo, hver upptendruð verður með eldi, og gefur mikið 15 log og glampbirtu af sjer. Sje það kvinna manns, þá gengur bóndi hennar næst líkinu og þeir nánustu og mikill fólks fjöldi af borgarlýð í þörum, allir með orðentligum hætti, en smárrill undan, hverjir að keyptir eru með þeim eldri til að syrgja og sem verst að láta, einkum þegar rik- 20 ara manna börnum fellur til sín feðgin og nákomna að syrgja, svo nær laun skulu lúkast, fá þeir tvöfalt sem verst hafa látið og eru bláir og blóðugir, rifnir og hárreittir. Auðkendur er þeirra bumbusláttur, nær þeir fylgja sínum dauðu út að brenna, því það gengur alt til með sorglegri aðferð. 25

Og nær þeir koma út þangað, sem líkin plaga að brennast, sem er utan borgar, þar nefndur laufskáli stendur, ganga þeir, sem líkið bera, þrisvar í kringum þennan laufskála, rjett sólarinnis, og síðan í hann innleggja þeir líkið, ofan á þann harða mykjuskánahlaða, er þar fyrirfram er niður- 30 hlaðinn, og sá maður, sem plagar að þjóna þeim dauðu, er strax þar fyrir hendi, hver eð í þennan laufskála strax inn-gengur og hagar þeim dauða við, svo hann liggur á sína vinstri hlið. Síðan ganga inn allir frændur og tengdamenn, og taka með sjer það allslags, sem sá dauði, þá hann var lif- 35 andi, lagði sjer til fæðu, sem er af fiski, soðnum risgrjónum, hænsnakjöti, aldinum, tóbak og bítillarech. Og nær þeir

allir hafa honum því offrað og lagt upp á hans varir, þá tekur hann það burt aftur alt þessi áðurnefndi maður, og lætur það sem í aðra mundlaug, og verður síðan með honum uppbrent. Og nær þetta er svo algjört, ganga allir 5 náungar út, en þessi maður vippar þeim dauða í kring með skyndi og brýtur hann úr hnjáliðunum, og leggur báða hans fætur undir hans kvið, en hann sjálfan á grúfu, og breiðir það ytra línlak utan um hann allan, er hann haft hefir daglega um sig miðjan, þá hann lifði, er þeir kalla 10 *kleken*¹⁾. — Þeirra klæðnaður er ekki utan það klæði, en sumir hafa ekkert um sig miðja utan eina þrikantaða blöku ofan fyrir sína blygðan. Sumir hafa dúk lítinn um sitt höfuð, með þessum sama dúk verður þeirra ásjóna byrgð og þeirra höfuð umdregið. Síðan eru innbornar enn meiri harðar mykjuskánir, 15 og þeim hleður sami maður ofan á hinn dauða og umkring hann með snillilegri hleðslu, og að öllu svo búnu gengur hann út af þessum laufsal. Svo ganga allir náungar saman í einn hóp og halda hendi hver um annars háls í einum hring, og upphefja miklar hrinur og há óp með hryggilegri sorgar- 20 aðferð og eymdarlátum, og ganga þrisvar rjettsælis í kring nefndan laufsal. En allur smárill og þeir sem fylgja, þeir klóra sig, kreista og klípa, ausa moldu í höfuð sjer og bita sig í hendur, pústra sig og uppfylla sinn munn af moldu og dufti. Að þessu öllu svo búnu verður laufsalnum burtu 25 svift með öllu.

Þar eru á meðal innbyggjaranna landsins eður þeirra Malabari þeir menn, sem nefnast Pragier eður Prægier²⁾, og eru þeim Malabarisku viðbjóðlegir og af þeim í forakti og

¹⁾ er varla úr tamíl, á því máli er þesskonar dúkur kallaður göv-anam, en mäske er orðið úr hollensku kleedje, þ. Kleidchen, lítill dúkur eða klæði, og hefur Jón Indíafari þá heyrt Hollendinga eða Þjóðverja á kastalanum kalla þetta fat svo.

²⁾ þetta er auðsjáanlega sama sem orðið pariah (á tamíl parai), sem er notað um menn af lægstu stjettum víðsvegar á Indlandi, og þaðan komið inn í mörg Norðurálfumál. Í ýmsum eldri fræðibókum er sagt að það sjeu menn fyrir utan stjettir, en svo er ekki, orðið er samnefni fyrir margar lágar stjettir, og sumstaðar á Indlandi eru jafnvel til stjettir, sem eru taldar standa skör lægra en paríarnir.

forsmán hafðir og haldnir, af því þeir eru framandi, fátækir, og eta sjálf dauð naut þeirra Malabarisku, hver þeir um nætur á laun inn draga í sín hús sjer til fæðslu, nær eigendur hafa húð afflegið. Þessa menn hafa þeir og kaupa til hryðjuverka, og á meðal annars kaupa þeir 4 menn af 5 þessum Pragier í hvert sinn nær lík skulu brennast til að bera þangað nýja og blauta kúmykju til að yfirþekja og hylja líkið og allan þann umbúning, svo það stöðvi eldsins bráða brenslu og líkaminn þess heldur gjörsamlegar upp- brenni, svo beinin á næsta morgni liggja tóm og drifthvít 10 eftir í öskunni, hver af náungunum verða gjörvöll saman- lesin og tind, og með snilli upphlaðin í ferkantaða og upp- mjóa standhrauka, og verður daglega þeim svo af náung- unum við makt haldið, nær þeir af storminum niður hrynja. Strax að morgni ganga frændur út til nefndrar eldgrafar 15 og taka eitt eða tvö sjerdeilis bein úr líkamanum, og að öllum hinum upphlöðnum ganga þeir heim með þau bein og láta í mortel og steyta þau til púlvers, þar af gjöra þeir farfa hvítan, með hverjum þeir smyrja sig yfir brjóstin bæði þrjú strik, og yfir hvern aflvöðva handleggssins þrjú strik, 20 og yfir ennið þrjú strik. Þessum nefndum teiknum halda þeir á sínum líkama við makt heilt ár um kring í staðinn sorgarklæða, sem tíðkast meðal annara þjóða. Og fyr en líkmenn ganga frá þessum umbúningi, gjöra þeir gagnvart vindi eina holu á þessa gröf, inn að þeim hörðu skánum, 25 hvar inn þeir settu eina heytuggu, hverri þeir áður fyrri dýfa í oleo, eldkveiktri og logandi, sú er upptendrar alla gröfina. Og að svo öllu viðloknu ganga líkmenn heim, og nær þeir koma á miðja leið, setja þeir sig þar niður, og að gjörðum reikningsskap, hvað sú líkför kostað hefir, verður 30 sjerhverjum peningur útgreiddur, eftir sem hver er um- kominn, frá meira manni til hins minsta. Síðan gengur hver heim til sín, og lyktar þar framar um að tala, utan hvað áhrærir þær konur, er sig láta viljuga lifandi brenna með sínum mönnum dauðum, af kærleik til þeirra, hvern 35 þær þar með auðsýna.

En hverjar þær konur sjeu, er slíkt leyfist að gjöra og

- svo breyta, eru þessar. Fyrst sú kona, sem ryktuð verður, að hún hafi mann fram hjá bónda sínum, en ei hefir be-
 visast satt vera, og deyi svo hennar bóndi, þá er það svo
 sem hennar eiður, að hún gengur lifandi viljugt í bál með
 5 bónda sínum, þar með augljóslega ávísandi að hún engan
 framar en sinn ektamann elskað hafi; en hver af þessháttar
 kvennmönnum ei svo breytir, verður síðan framar meir til
 æfiloka aldrei ærleg haldin, og ei má hún hafa sess nje
 samneyti með þess lands erlegum kvennmönnum. Ein slik
 10 kona ljet sig þar með slíkum hætti um vorn þardvalar tíma
 með sínum bónda lifandi brenna, sú eð með mikilli gleði
 og hljóðfæraslætti gekk og lagði sig í fang sínum liðna
 manni og hann að sjer faðmaði, hverri þangað fylgt var
 með bumbum og básúnum í flokki margra giftra kvenna.
 15 Ein kaupmannskvinna þar í borginni fjeckst naumlega frá
 að brennast með manni sínum, utan fyrir sterka tilhlutan
 vorra yfirmanna, því öll mál, sem í borginni tilfjellu, voru
 fyrir rjett innlögð upp á kastala, og skyldu trakterast, dæm-
 ast og úrskurðast eftir þeirri kónglegri befallingu. Sú
 20 önnur, sem leyfðist að brennast, ef svo vildi, var þesshátt-
 ar kona, er engin börn átti. Annars leyfðist ei að nokkur
 brendist.

XXI. KAP.

- Sterkt lögmál hafa þessir Indíanar yfir sjer í hverju
 25 málaferli meðal allra stjetta þar í landi, og sjerdeilis straff
 til hvers brots; svo brúka þeir hengingar, steglur, eld og
 margskonar kvalræði, hálshögg, beinbrot, klípingar, inni-
 sveltur og ormabit. Þar var maður og kvennsvift upp á
 kóngsgarðinum einn tíma, þá vor general reisti til Travan-
 30 zour, sem smeigt var einum stórum járnbolti í gegnum hvors
 þeirra báða kálfa, í hverju þau vöfðu nakin daglega bæði.
 Ei fjeck eg þeirra afbrot að vita. Hvort hjóna, sem sig

missjer í sínum ektaskap, hljóta mikið straff að úttaka með mörgum hætti, hvers hætti eg ei minnst; item ungar og ógiftar, að sínu ráði spjölluðu, fá með sínum krenkjurum mikið straff og æruhnekki, en hver sú, sem ei treystir sjer til sig erlega að halda, henni leyfist að gefa sig úr selskap 5 ærlegra og úr borginni í samfelag hinna krenktu, hverjar vera verða utan staðar portanna, og þar kallast *avasari magni*, hvað eð útlegst hóra.

Sirka kallast þar kvennsvift, *abbæ* ó faðir, *ammæ*, ó móðir, *nica* herra, *nerpa* kalla Indianar eld, *tanari* vatn, 10 *cundovara* að sækja hvað fyrir sig, *irima* bróðir, *irimæ* systir, *vele* sá eða það sem gamalt er, *tingra* að eta, *toccuna tingrani* eti þjer dálítið, *ní* er þjer eða þú, *culcrani* drekki þjer, *culcrulidt* er krús, *toppe* hattur, *pacra* er að horfa eftir nokkru, *ine pacrani* að hverju geymir 15 þú?, *angra* er að ganga, *ine angrani* hvert gangi þjer?, *cumbride* sá sem hár er, *metta* mikið, *tai* tík, *teyra* mjólk, *lette* eður *lecte* er hleypt mjólk, *bumbarda* fallbyssa, *spengardi* smábyssa¹⁾. Eg minnst ekki úr þeirra máli meira,

¹⁾ Hr. Chr. Schlesch, gjaldkeri Trúboðsfjelagsins danska, sem hefur dvalið langvistum á Suður-Indlandi, og er ágætlega að sjer í tamíl, hefur gjört mjer þann greiða að skýra þessi orð fyrir mig. Þau eru flest talsvert afbökuð, og sum er ekki hægt að segja um með vissu hvað á að vera. — *Avasari* er = hörkona, og þykir ófint orð, finna er að segja vipasari; hvað *magni* er, er ekki víst, tamíl-orð er það tæplega; *abbæ* = appā, vocativus af appēn, faðir; *ammæ* = ammā, voc. af ammāl, móðir; *nica* = najāgan, herra, höfðingi; *sirka* = strī kona, flt. strīgal; *nerpa* = neruppu, eldur; *tanari* = tannir, vatn; *cundovara* = konduvara, sækja; að því er snertir *irima*, *irimæ* og *veli* er óvíst hvaða tamíl-orð þau eiga að tákna; *tingra* = tinna, borða; *toccuna tingrani* mundi á hærri stjetta tamíl heita kondsjam tinnu nī; *nī* = nī, þú; *culcrani* = kudi (nī), drektu; *culcrulidt* er óvíst hvað er; *toppe* = toppi, hattur (lánað úr hindústönsku); *pacra* = parkka, gæta að e-u; *ine pacrani* = jenna parkkirāj nī, að hverju ertu að gæta? *angra* er líkl. afbökun úr 2. pers. í eintölu = nadakkirāj, þú gengur; *ine angrani*? = jenge pōgirāj nī, hvert ertu að ganga? *cumbride* er óvíst hvað er; *metta* = metta, mikið; *tāj* er alment orð sem þýðir móðir; *nāi* er = hundur; *teyra* = tajir, súrmjólk; *lette* er líkl. ekki tamíl en portúgalska orðið leite; *bumbarda* og *spengardi* eru ekki heldur tamíl-

því það er alt gleymt sem fyr lítið var. En það veldur miklu, að portogaliska talast þar almennilega, eins af sjálfum Indianum við framandi og Spanskir sjálfir, og verður svo samblandað við indíanisku hvort af öðru brjálað. Svo er 5 og öll portogaliska mjer gleymd, þó eg lítið þar í kynni, fyrst eg hingað til lands úr siglingum kom, og þar með fleira margt merkilegt, eftir því eg forsómað hefi með það fyrsta þar um að skrifa.

Nú er þar aftur til máls að taka, þar eg mintist á um 10 þeirra strangt lögmal þar í Narsinga kóngsríki og víðar annarsstaðar, og að þeir straffi allra handa misgjörðir frá mesta til minsta með tilsettu ýmislegu straffi. Til dæmis að taka eitt straff af mörgum. Við óhaldinyrðum: Sá eð þar tekur góss eður gjald til láns af öðrum mönnum og borgar 15 ei aftur í ákveðinn tíma, þá hefir hann það vald eftir lögmalinu, sem skuldina á inn að heimta, að taka þann mann höndum, er honum átti skuldina að lúka, og leiða hann ofan á torg borgarinnar, þar daglega er kauphöndlan framin, og leggja þann þunga stein uppá hans hrygg, á hvern 20 klappað er staðarins mark með hangandi hringi, og þar daglega til taks liggur fyrir hendi, og oss virðst hefir að vega mundi 6 fjórðunga þyngd, og láta hann í boglykkju með bundnum höndum ofan á ristar frá sólar uppkomu og til þess hún undir gengur með þann stóra stein standa, og 25 tveir stríðsmenn standa hjá honum, hann slá, ef hann steininum af sjer veltir, og strax upp aftur láta, utan hann vilji honum meiri vægð sýnt hafa. En sjaldan plaga þeir svo strangt straff á að leggja fyr en í þriðja sinni, og hinn þá friðmælist og fullkomnar sit loforð. Hjerum ei fleira.

30 Á þessu staðarins kaupthorgi eru aldini, hænsni, egg, fiskur ferskur margskonar, item kopar og látúnsverk með mörgu móti, caton, silki og margslags vefnaður, og allskonar aldinkjarni, einnin gulls- og koparmynt til kaups haldið daglega.

orð, fallbyssa er þar kölluð þirangi, byssa tubakki, en líklega eru þessi orð úr málblendingi þeim er Norðurálfumenn og Indverjar töluðu sín á milli.

Nú er að tala fátt eitt um þeirra höndlan til sjóar og lands, eftir því sem eg fjekk fornumið. Í fyrstu sá þeir árlega þeirra akra, af hverjum vex hið dýrlega rískorn tvisvar um árið, í Aprílís og Septembri að mig minnir; það vex mannshæð, en í lægsta lagi í brjóst manns, en 5 mjöklakrar er þar hvergi, svo vjer vissum til, utan uppá Ceylon, og þar er strokkuð mjólk, en eigi þar sem vjer vorum, heldur er hún með öðrum hætti handtjeruð til smjörs, sem er fleytt ofan af hinni mjólkinni, svo sem önnur 10 fita vor á meðal, og það smjör er rautt að lit og verður útselt til að steikja í fisk og kjöt í pottatali eður uppá mælir svo sem oleum. Af þeirra oleoviðarbómum vex viðsmjör, svo sem eg fyr hefi á vikið, í þeim nytum er þeir kalla carhaniske nytur eður cocus, í hverjum fyrir innan skel og kjarna er ilmandi vatn, hvert menn drekka til 15 lystisemi daglega og eta kjarnann ferskan, af hverjum smjörið pressast. Sykurtrje, er menn sjúga og tyggja, sem og magnis¹⁾, margskonar epli og aldini, bónantser, límóner, sítrónur, pómerants og símitrer²⁾. Ei er þar hunang, svo eg þess var yrði; önnur allskonar aldini meina eg þar vaxi. 20 Í annan máta tilsetja þeir sín pálmviðartrje, þau sem þeir þar til velja, og nær sem þá svo girnir, með þeim hætti, að þau tvöföldu blöð, sem uppvaxa úr þeirra toppi og brúkuð verða þar fyrir pappír, og úr þeim gjöra sjer bækur, á hver þeir skrifa með járnstíl, hvað þá girnir, sögur, rímur, 25 kvæði, eður og annað, sem þar tíðkast; þau sömu blöð eru mjög frammjó, og þau uppteygja þeir, svo sem þá menn upprjetta hár á höfði manns, og vefja þau hart saman þar um að utan, og úr þeim pálmaviði, er svo er við höndlað, drýpur vín í þeirra potta, er þeir kalla vín de palme, það 30 drekka menn og kaupa daglega til þess að klukkan slær 10 fyrir miðdag; síðan súrnar það mjög, svo það verður ei drukkið, og skiftist þá um nafn þess vins, og þaðan til

¹⁾ máske er átt við aldini mangótrjesins; óproskuð eru þau kölluð mánkaj á tamíl.

²⁾ jeg get ekki með vissu sagt við hvað hjer er átt.

kvölds nefnist *súre*; úr því bruggast þar það vín, sem þeir kalla *arach*,¹⁾ og er sem brennivín. Annað ölslag er þar ekki. Af þessu drekka hvorutveggja, framandi og soldátar (en ei landsmenn) sig drukkna. Um bómull hefi eg nokkuð
 5 áhrært, sú eð vex á viðum, svo sem innan í einu eggi, hvert eð klofið er eftir miðju og situr hún þar inni sem ein þykk og hvít mygla eður hvítt silki. Þeir brúka það hálmgras undan riskorni vex fyrir sinn nautpening, hver eð alla tíma inni stendur á nætur, og úr hans mykju eru dag-
 10 lega mykjukökur gjörðar, bæði til eldiviðar og að brenna hina dauðu. Líka er uppá landsbygðinni á sumurin heyjað fyrir naut, buffla, því það stendur inni á vetrinum, því jörðin er dauf af ógnarlegu regni, sem þar ofan hellir, en geitur og sauðfje elur sig mest úti sjálft, þó magurt
 15 verði.

Handverksfólk mikið er í Indíum, Mórlandi og Egyptó, sem og viðar annarsstaðar í Suðurlöndum uppá allra handa, sem er múrverk, trjeverk, leirverk, járnverk uppá allra-
 handa munstur, bilætissmiði, koparsmiði frábreytt, úr fil-
 20 beinum, úr tönn og fleira þessháttar, úr gulli með gimsteinum sett og perlum meistarlegt smíði, úr silfri og messing. Item upp á allra handa vefnað, og sín catons-klæði að mála og pússera með allskonar farfa, hvar til þeir hafa löng hús úti án veggja, og þar inni borð svo löng sem húsið er, og
 25 þar á sína potta með allra handa color, og sinn pensil eður penna, með hverjum þeir marka og útrita öll þau catons-klæði og silki, sem þeir vilja farfað hafa. Þeirra penslar eru úr svínsburstum gjörðir, smáir og stórir, með hverjum að þeir eru vel tamir með meistaralegri snild að gjöra
 30 allra handa myndir þar á; með stórri list, kæti og klingi-andi raust, sitja þar við öllum dögum til kvölda, utan um sjálft miðdegið, nær þeir til máltíðar ganga í sín hús. Og

¹⁾ sure er notað um geraðan pálmasafa. Orðið er uppr. úr sanskrít (sura), en er komið inn í mörg önnur indversk mál. — Arach = d. arrak, e. arrach, er einskonar brennivín bruggað úr pálmasafa. Orðið er uppr. arabískt og þýðir „svíti“.

þar inni sat eg oftlega við borðið, og mig þangað til sín vingjarnlega meðtöku. Og nær sem hvert klæði er ferðugt, verður það strax útbreitt á sljetta grund í mót sólu, og útspýtt að það þorni.

Járnsmiði smátt og stórt verður þar tíðkað, og þeir 5 sem eru kljensmiðir ganga daglega á strætin fyrir hús í borginni, hrópandi ef nokkurn um nokkuð nauðsynjaði, er smásmíði viðviki og það útbærast og tilsegðist, og slíkir báru belg og steðja, hamar og tóng undir hendi sjer, en piltur þeirra drattar með kolapoka. Ei hafa þeir belgsmíði 10 sem vjer, því hann er án rifja og er sifullur af vindi, með engu trje, en langri járnþípu, sem föst er og negld framan á belginn. Þennan belg leggja þeir niður á hlaðið í hverjum stað, og setja niður þar sitt steðjakorn og taka svo til á knjám standandi belgnum að blása, ei sem vjer, heldur grípa 15 þeir í miðjan belginn og þrykkja svo og kreista hann, en strax ornar.

Eftir stór regn á vetur verður leitað í leir og sandaur eftir gimsteinum, af þeim sig þar til útgefa, og selja gimsteinafágurum og þeim, sem þá júbilera¹⁾ og með köntum 20 útskera og snikka. Einninn finnast nokkur slags gimsteinar með sjó, og perlur finnast í skelfiski sjóreknum; og þær skeljar, í hverjum perlur eru, nefnast perlamóðir, og úr þeim eru smíðuð staup og skálir prýðilegar, og eru svo seigar, að varla með hamri brotnar verða. En með hverjum hætti 25 að þeir skera þá gimsteina, veit eg ei, hverja þeir suma gjöra ferkantaða og suma áttkantaða, hverjir þó eru svo mjög harðir, að eldur grandar þeim ekki, og ei verða þeir með járnslaggju, ei heldur á ambolti eður steðja brotnir. Og fyr en vorir kaupmenn af Indianum gimsteina kaupa, 30 verða þeir áður með eldi og á ambolti reyndir, því Indíanar hafa marga með röngu gimsteina álitu preittað af framandi og aðkomandi þjóðum, það sem þeir hugðu gimsteina vera og reyndist oft gler, hvað margan dárað hefir, því

¹⁾ cfr. d. juvelér, gimsteinasali, „jubilera“ þýðir hjer að skera og faga gimsteina.

Indianar eru þar uppá og margt annað þússeri behendugir, sniðugir og útlærðir. Svo nær þessir júbilerer og steinsniðarar koma upp á kastalann Dansborg með sína gimsteina til sölu til vorra yfirmanna, urðu þeir með þessum hætti reyndir og prófaðir, og alla þá, sem þeir last á lögðu og aftur ráku, máttum vjer kaupa, hefði oss gjald ei brostið, af hverjum eg öðlaðist $2\frac{1}{2}$ hundrað, þó flestir verðlitlir væri, og ei póleraðir nje tilsettir sem skyldi. Tveir smá-pokar af gimsteinum fullir fóru heim með Christiánshöfn, því skipi, er eg með til Indíum út sigldi, og einn gimsteinn þar í var skatteraður og virtur fyrir 500 dali, sá eð var rúbín, og svo stór sem fremsti liður á fingri manns. Kóngur á lausn á öllum gimsteinum, er frá Indíum heim flytjast, og kvittast þar með, hvað þeir urðu honum skyldugir, sem voru í því Austindíska compagníi, fyrir þann styrk, sem kóngur þeim gjörði, sem var stykki, púður, lóð og hvað annað þá nauðsynjaði.

Skipa-, skúta- og bátasmiðir eru þar. Skip nefna þeir eftir því sem Portogalskir, *navis*; skútur kalla Indíanar *siampaner*. Þeir bátar, sem róa á 10 eður 12 menn, kallast *zelinger*¹⁾, en þeirra fiskibátar, sem að eru tveir eður þrír samabundnir trjedrumbar, og á rær einn maður og á sumum tveir langt út í haf með net til fiskiveiðar, á hverjum þeir hafa þriköntuð segl, og eru gjörð svo sem þeirra net og skipskaðlar úr oleoviðarberki, nefnast *cadmeda*²⁾. Og þeim skútum og smáskipum, sem Malabari hafa, sigla þeir þar innanlands en ei lengra. En Mórskir hafa skip uppá 300 lestir, og eru með oleoviðarberki samansaumuð; þeim sigla þeir bæði í Arabía, Egypta[land] og til China.

Járn er nóg í Indíum, úr hverju þeir smíða sverð og hjálma, píllur og alt til hers, og hvað annað nauðsynlegt.

¹⁾ navis er latn. orðmynd, portúg. orðmyndin er nao, navio. Hin tvö orðin hafa áður verið skýrð (bls. 262 og bls. 282).

²⁾ á tamil kaddamaram, sem eiginl. þýðir trje bundin saman; að því er Hr. Schlesch hefur sagt mjer, eru það vanalega þrír bjálkar og er miðbjálkinn lengstur.

En skildir þeirra eru af leðri og eru limdir og pappaðir og með bómull innan stappaðir. Þeir gjöra þeim stóra hlífð í bardögum, því þeir kunna meistaralega sig með þeim að verja fyrir höggum. Þar með kunna þeir sjálfir kostulega með vopn að fara, bæði sín magafótt sverð, með hverjum 5 þeir höggva yfir sinn skjöld og undir, og með sín spjót, hver að eru 9 og sum 10 álna löng. Þar með og líka hlífa hermenn þar sjer með sínum skjöldum fyrir sólu um miðdegið, því hún er þar þá svo heit um sumurin, sem eitt nálægt brennandi eldsbál, og verður sandur sem eimyrja og 10 brennir fætur og iljar, utan maður sem harðast hlaupi, en bærilegra er á jörðu og grasi að standa eður ganga en á sandi. Stál er þar ekki, annars mundu þeir hin bestu sverð smíða; því er þar stál dýrt, en menn varast stál þangað að flytja. Látún er þar nálega að lit og fegurð sem gull, 15 tin sem silfur, kopar mjög skær og rjóður.

Á vetur geta ei fiskarar þar fyrir miklum brimum framkomist með sína trjedrumbsbáta til fiskiveiða. Í efstu viku fyrir páska eru 3 af þeirra guðum í einum vagni til strandar hafðir með mörgum humbum og básúnum, og er sjór í 20 veglegum gullkerum úr ströndinni uppborinn, og yfir goðin öll ausinn, hvert þeir láta í sömu ker af goðunum aftur renna. Og þeim sama sjó verður af prestinum með einum nýlaufguðum vendi dreift á sjóinn, sem vera skal eitt vígt og heilagt vatn, eftir þeirra trú og visu, svo að því betri 25 fiskiheill og sjóarbjörg yrði, og síðan þar eftir fara fiskimenn til sjóar með sín net, sem þeir hafa í körfum innilukt, svo þau glatist ekki í sjóinn, nær þeirra bátar umvelta, hvað oftlega við ber, en allir fiskarar eru þar svo vel syndir sem selur í sjó. 30

Í þeim stað Carical, er mílu vegar liggur frá vorum kastala í suður, þar inni bjuggu 600 fiskarar. Þangað gengum vjer í þrjár reisir og saum uppá um veturinn, að þar voru um daga 300 ungir piltar sundlist að læra, 10, 12 og 16 vetra, langt fyrir framan brimbrot, svo einn fiskara- 35 son meðtekur sama embætti sem hans faðir haft hafði, og

allir hljóta þeir í sundlist útlærðir að vera. Og nær sem þessir fiskarar að landi koma, bjóða þeir sinn fiskafli til kaups í borginni og kastalanum, og verður svo daglega við þá höndlað þar um, svo þeir fá nægjanlegt gjald til sinnar 5 atvinnu. Einn tíma um veturinn buðu fiskarar eina skelpöddu til kaups, hverja þeir höfðu í neti fiskað, og sú var mjög stór. svo sem þær stærstu skötur, er hjer dragast mega, en mönnum þótti hún dýrari en hófi gegndi, svo hún varð ei keypt í það sinn. En góðar og sætar eru þær að 10 eta og líka heilnæmar. Það er ein undarleg skepna í sinni sköpun. Um hennar búk allan er sem ein holdgróin skel með dökkum og hvítum blettum. Sú skel er svo hörð sem tönn en seig sem horn. Hún hefir fjóra fætur og klær á þeim öllum. Þá hún liggur kyr, sjái þjer ekki neitt til 15 hennar fóta. Einsog landpöddur eru þær að sköpun, en þær eru smáar og alast við gras og góðar jurtir á landi, og má bera í vasa sínum, af hverjum eg fann eina á minni útreisu í Afríka, og eg hef fyr umgetið að mig minnir¹⁾. Þessi sjópadda var svo sterk af sjer, að hún bar oss níu 20 frá kirkjunni, sú eð stóð í miðjum slotsgarðinum, og til portsins kastalans, svo það var ritað í vora reisubók, er þeir kalla journal. En sú, eð eg fann og átti, svo mjög lítil, dró einn mann úr stað. Það virðist mörgum ófróðum þar um mjög furðanlegt, að ekki stærri skepna skuli hafa 25 svo mikinn kraft í sjer. Ó, Guðs verk eru öll mjög frá- bær og fyrir allri mannlegri skynsemi undrunarsöm og furðanleg!

¹⁾ Þetta er misminni hjá Jóni Indíafara.

XXII. KAP.

Landamerki staðarins Trangobarich, sem lá við vorn kastala, skoðaði eg í þrem stöðum, og horfði sitt hvert í ýmsar áttir. Fyrst lá þar í hverjum stað ferkantaður útklappaður eggsljettur steinn með útklappaðri þró, í hverri 5 lágu trjekol ei fyrir löngum tíma þar innlátin. Steinninn lá jafnt jörðu niður smeltur. Umkringt kolþróna voru bekkir útklappaðir, úti hverja þróarbakki var einn annar eggsljettur, ferkantaður steinn niður smeltur, og ríkisins merki á klappað, og hverjir þeir menn af landsfólkinu, sem báru nokkuð 10 fjemætt á sjer sjálfum, hestum eða nautum, innan staðarins landamerkja, en þó þeir ættu ekki leið til borgarinnar hlutu þeir toll að gjalda, og jafnvel þó þeir hefðu hlöss af mykjuskánum. Og allur sá tollur til lands og sjóar, sem kastalanum að hnje, var af kaupmönnum borgarinnar með- 15 tekinn og kastalanum afgreiddur, eftir befalningu þess heiðna kóngs, og eg hefi fyr um getið.

Eg hefi fyr ávikíð um kastalans bygging og daglegt háttalag þar inni, utan hvað áhrærir þá nýju kirkju, er inn á kastalanum gjörðist með hvelfdum yfirmúrum, geysiháu 20 yfirræfri og veglegum turn með gyltri flaug, sú eð gjörðist af þeim indíanisku múrmeisturum eftir vorri fyrirsögn og danskri manering.

Sú stóra pagóga og goðakirkja, sem í borginni stóð, þá hún hafði uppbygð verið í fyrstu, hafði ei meir kostað 25 hennar uppbygging en 15 dala gildi, svo er þar alt erfiði ódýrt. Og öll landsins gæði fást þar með besta verði, ferskur fiskur, hæsni, geitfje, sauðfje, svín, mjólk, ris og allskyns epli og aldini seldist daglega til kastalans með góðu verði, því að 9 hæsni fengust þar fyrir 6 fiska gildi, og svo hvað 30 um sig með góðu verði.

Skömmum tíma þar eftir er eg var í land og uppá kastalann kominn, bar svo við einn dag að eg með tveimur

kastalamönnum, hverjir fyrir hálfu ári voru fyren eg þar komnir með Vaturhundinum frá Danmörk, var genginn í hús eins skraddara, sá eð var einn portogaliskur mann og kristinn, einn frómur mann, Antonius að nafni, þess erindis að láta
5 tilsetja oss hverjum einum klæðnað af catoni, svo sem þar plagast. Því þessir Spanskir, sem nefnast Portogaliskir¹⁾, og fyrir 300 árum hafa þá indíanisku siglingu til sjóar fyrst uppbyrjað, eru um öll Indíen búsettir og útdreifðir, og hafa víða kastala og borgir af indíaniskum kóngum og
10 herrum. Og nær vjer vorum þar í þessa manns húsi nýlega niður setstir kom einn indíaniskur maður þar inn, sá eð var einn af þeim 7 er nefnast dýfeljagarar; sá hinn sami hjelt á einu hljóðfæri, með hverjum þeir plaga daglega fyrir afguðum að leika og þjóna, og bauðst til fyrir gjald að
15 uppspila, en vjer afsögðum honum gjald og gjörvalt samlag fyrir þess kristna manns túlkan og meðalgöngu, en hann því þrásamar bauð sig að spila og gjald heimti; hverjum eg gramdist, og með því eg sat innar lengst hjá skraddaranum skipaði eg öðrum minna meðfylgjara, Pjetur Arn-
20 dal að nafni, að leiða þann vonda mann burt, sem hann og gjörði. Jafnsnart kom hann aftur með sama þráatvik og ávarp sem fyr. Þá stóð upp sá annar, er Salómon hjet, og með hastyrðum útleiddi. Inn kom sá vondi maður í þriðja sinn, og bað um gjald, en skraddarinn skipaði hon-
25 um harðlega út, en það vildi ei stoða, heldur móðgaðist mjög við oss, og mælti: »Þjer látið yður kalla Christiana og sinioris²⁾, það er herra, en tímið ekki að útláta einn cas eða tvo (það er koparmynt og ganga 86 fyrir eina fanó, sem eru 11 danskir skildingar), en þjer megið heita hundar
30 en ei menn.« Þá svarar skraddarinn og bølvar hinum trúlausa og þaggar hann mjög, og segir til mín, hvort eg skilji orð hins ómilda manns. En eg neitaði. Þá segir

¹⁾ Portúgal lá þá undir Spánarkonung, og því kallar Jón Indíafari Portúgalsmenn þannig.

²⁾ c: port. senhores; á íslensku er kunn ítalska myndin af því orði: signor (ít. signore).

hann orð hans, og nær sem eg þau skiljanlega heyri bregður mjer þunglega þar við, svo eg með hast hljóp úr insta sess og fram yfir borð og menn, og greip eg hann í fullri bræði, og hýddi eg hann út fyrir húsdyrnar. En hann því meir egndi mig til reiði með sinni þrúsamlegri ánaudgan og last- 5 yrðum, svo eg greip til minnar verju, er eg bar við mína síðu, og hugða eg með henni hans hljóðfæri í sundur að höggva, en hann varð fyrir, svo hann fjekk þrjá áverka, einn í höfuðið og sinn á hvorn handlegg, svo hann fjell niður, og meinta eg hann dauðan vera. En með því þetta 10 hús var gagnvart kastalans porthliði og sem eitt steinkast þaðan, og vaktmeistarinn var þar staddur á meðal vaktmanna í það sinn, og gat litið þennan atburð, gekk því út til mín, og upphóf með mikillri grimdar reiði mig með stórryrðum að ávarpa, og með sínum rotting¹⁾, sem er reyr- 15 leggur, eitt mikið slag mjer yfir herðar gefa, svo eg mjög til kendi, hvað eg fjekk ei þolað, svo eg af óþolinmæði greip í hans reyrlegg og útkipti honum af hans hendi og langt í burt fleygði, og kvaðst ei líða hans högg, með því eg væri til manns kominn og hlyti sjálfur að líða fyrir mitt 20 brot. En með miklum móð hótaði mjer kóngsins járnnum, hvað hann fullvel enti, því hann strax ljet mig með sjer ganga heim í portin, og jafnskjótt mig í járn setti, hvaryfir mínir lagsmenn stórlega hörmuðu með tárum, einkum einn, að nafni Eirík Lange, sem í þann tíma hafði fimm ár þar 25 dvalist af þeirri fyrstu reisu, til þess er nú svo skeði. Því þessum manni hafði það á orðið einn tíma, að hann í bræði hafði einn indíaniskan mann með flatrí sinni verju slegið yfir þverar herðar, hvar fyrir hann skyldi lífið mist hafa, hefði hann ei náðar notið, sakir þess stranga sáttmála milli 30 kónganna. Og nær eg var svo í járnin kominn með öðrum fæti komu mínir stallbræður, jafnvel þeir indíanisku kaupmenn, sem þeir kalla marcatores²⁾, og þeir heiðnu stríðs-

¹⁾ d. rotting, e. rattan, reyrleggir af einskonar pálmategund, sem notaðir eru fyrir göngustafi osfr.

²⁾ port. mercatores.

menn, sem kallast taliarii, og þjónuðu oss jafnframt á kastalans skansmúrum innan porta, með vakt og fullum trúskap, og höfðu vestur-rúndel kastalans að vakta, hvað þeim aldrei sló feil í nokkuð sinn. Þessir komu að samharma mjer.
 5 Minn þjenari, einn indíaniskur piltur Sivile¹⁾ að nafni, og var af Portogaliskum kristnaður, samharmaði mjer svo mjög, að hann varð varla huggaður. Nær þessi atburður skeði var nær um þriðju stund eftir miðdag. Um kvöldið kom vaktmeistarinn eftir venju að tillykja portin, og var þá hans
 10 reiði að mestu sefuð.

Um morguninn kom minn kaptugi í land. Christofor Boye, því hann var ennþá eigi kominn uppá sína reisu til Ternasseri, þar sem 6 af Dönskum voru, og eg hefi fyr umtalað. Með honum gekk sá annar kaptuginn Ernst, sem
 15 var kaptuginn á hinu skipinu, Vaturhundinum. Og nær þeir svo í samræðu gengu í gegnum portin og sáu mig eigi, þá eg fornam það, bauð eg kaptuganum Christofor Boga góðan dag. Og strax leit hann tilbaka og sá mig í járnbelti innlæstan, hvað honum gaf stóra forundran, og aðfrjetti
 20 mig hvað mjer hefði tilfallið. Og nær eg honum hið sanna þar um segi fjell honum það þungt mjög minna vegna, og sagðist síst hafa viljað að mjer hefði slíkt til handa fallið, en þó mundi það svo hljóta að standa sem komið væri. Þá svarar hinn annar kapteinn og segir: »Það er vel þó þjer
 25 mættuð sjálfir á yður kenna, þessir ófyrirlátsamir!« Þá svarar minn kaptugi, Christofor Boye: »Ó nei, Ernst, þessi maður er ekki einn þvilíkur, sem þjer til meinið, heldur frómur og meinlíttill«, og afsakar mig með föðurlegri afbatan sem mest kunni, og lofar það skuli með Guðs full-
 30 tingi gott verða, þó ei verði samdægris, og segir eg skuli án sorgar vera og hann skuli mjer jafnflatur liggja. Og nær Ernst það heyrði undrast hann mjög og vildi ótalað hafa. En mjer fjellu þungt hans mótmæli, og sagði eg hvernin það megí tilkoma, að hann mjer svo gegnmæltur
 35 sje svo litt stöddum, og þar með ókendum, eða hverja verð-

¹⁾ líkl. hefur hann heitið Djívillej, „blað lífsins“.

skuldan eg þar til hafi? Hann biður mig til góða að halda og sagðist skyldi mjer jafnmörgum gagnyrðum tæra hjá rector og gubernator. Eg kvaðst það feginn og með þakklæti vilja góðfúslega meðtaka. Kaptuginn Christofor Boye segist skuli finna mig að kvöldi nær hann til skips 5 færi, og mjer þá nokkuð huggunarsamt í fregn færa, og gengu þeir báðir svo þaðan. Eg bað þá í friði fara. Þá sögðu mínir lagsmenn eg hefði nú mikla huggan öðlast. Um kvöldið seint gekk kaptuginn Christofor Boye frá yfirvöldunum, og kom til mín í portið, og sendi sinn þjenara 10 eftir einum vínpotti og drakk hann þann út með mjer, og fór svo út til skips að gjörðri blessan yfir mjer og kastalanum, og lofaði að morgni næstum aftur í land að koma, og skyldi þá alt lagfærast með Guðs fulltingi.

Að morgni kom kaptuginn enn í land aftur og fann 15 mig, og lofaði að þann dag skyldi eg laus verða og frí, hvað og skeði nær þriðju stund dags eftir miðdegi, að vaktmeistarinn kom í portið og spyr mig að, hvar minn þjenari sje. Eg segi hann muni nálægt þar vera. Þessi 15 ára gamall piltur var skirður af þeim Portogalisku og kristinn 20 orðinn, svo sem þeir hafa fleirum gjört, sem þeir af sínum foreldrum í ungdómi keypt hafa, eiginlega til þess eins að koma þeim til Guðs. Og að honum innkölluðum og komnum segir vaktmeistarinn til hans: »Far þú og kalla á þann trúarlausu mann, sem húsbóndi þinn hefir höggvið, að hann 25 forlíkist við hann um unnið skaðræði.« Nú var hann því nær orðinn heill sára sinna, því minn elskulegi vin, M. Henrich vor bartskeri, hafði hans sár minna vegna um bundið með dygð og hollustu. Og nær hann kom í portið þá segir minn þjenari til hans: »Sjá hjer og hugleið hvað minn 30 herra hefir að líða fyrir þig, armur Satans þjenari!« Hann svarar: »Abbæ«, það er »ó faðir«, og eftir það talað varpar hann sjer fram á sína ásjónu flötum niður til jarðar, og fer skriðandi til minna fóta og vill kyssa þær, enn eg fyrirbauð honum það, og eg skipaði honum upp að standa aftur 35 á sínar fætur. Síðan var hann af þjenaranum aðspurður fyrir vaktmeistarans tilsteðjan, hversu mikið fje eg skyldi

honum í sárabætur lúka. En hann kvað mig því að mestu ráða. En fyrir langa tilleitni míns þjenara Sivile ánafnar hann tvö stykki van achten, það eru tveir ríxdalir. Þjenarinn sagði að gjörvalt hans líf sje ei svo mikils vert, 5 þar fyrir þurfi hann ei svo mikils að óska, og um síðir ljét hann sjer nægja með 2 fanóer, það reiknast að vera 5 álnir og einn fiskur, hvað mjer leyfðist ei sjálfur honum að afgreiða, heldur hver með öðrum af mínum lagsmönnum til-sögðu mjer hver sína fanó, eður hversu mikið sem með 10 þyrfti, hvarfyrir eg öllum mjúklega þakkaði. Síðan ljét vaktmeistarinn þjenarann tilsegja honum sitt strengilegt forboð mjer frammar á vegi mæta eður nokkuð til miska mæla eður gjöra, heldur jafnan mjer úr augsyn vika, annars sagði hann hann rjettsleginn vera af minni hendi. En vor bart- 15 skeri M. Henrich lofaði mjer hans undir með allri hollri græðslu að tillykja, hvers hold hann sagðist heldur vilja lækna og slikra 10 en eins vors hvers annars. Svo var þessi maður úr því skelkaður fyrir mjer, hvar hann sá mig álangdar, að hann tók til hlaups í mesta máta og kom hin- 20 um öðrum til að hlaupa af hans meðþjónum, er þá þar fyrir hendi og í nánd voru, og sagði: »Flýjum, flýjum! Nú er sá fyrir hendi, er oss vill höggva og deyða!« Þetta sögðu oss þeir indianisku piltar, er oss þjónuðu.

Að þessu svo lagfærðu gekk eg með vaktmeistarinum 25 til vorra yfirvalda, er í þeirri háu höllu voru fyrir sitjandi, verðugar þakkir að veita fyrir auðsýnda vægð og straffs linan fyrir opinbert misferli mót kónganna contract og sáttmálgjörð þeirra á milli. Hver þessara yfirvalda fjögura, sem var rector, gubernator, kaptuginn Christofor Boye 30 og kaptuginn Ernst drukku mjer til allir með blíðyrðum og hagkvæmu tiltali, og báðu mig sakir viðliggjandi vanda og voða að eg mig vel um sæi, svo eg í ólukku ei rataði fyrir nokkurn þvilíkra manna, hvað og skeði fyrir Guðs náðarsamlega aðstoð og fulltingi. Svo var eg framvegis í 35 stórri vingan við mín yfirvöld, ei síður mínum samþjónum, þar með og einnin við þá Indianisku, bæði kaupmenn í borginni og annað fólk, því þó minn kaptugi hefði ei fyrir

hendi verið bæn fyrir mig að gjöra, þá höfðu indíaniskir kaupmenn sig í eining samanbundið bæn að gjöra fyrir mjer hjá yfirvöldunum, svo sem þeir plöguðu tíðum að gjöra nær voru fólki nokkuð saknæmt tílfjell, hvarmeð þeir leituðu oss virðingar, afhalds og hróðurs vor á meðal.

5

XXIII. KAP.

Það skip Christiánshöfn, með hverju eg lukkulega enti mína útreisu til kastalans Dansborg, varð um sumarið fraktað og til heimferðar búið, svo þeir í Septembris mánuði þaðan í burt sigldu í Guðs náðar trausti, og hreptu góð 10 byrleiði og farsala heimferð með vel heilbrigðu fólki. Og með einum manni, Pjetri Van Bergen, skrifaði eg brjef af kastalanum Dansborg, sá eð var á því skipi, til míns bróður, Halldórs Ólafssonar hingað til Íslands, búandi í Súðavík við Álftafjörð, og sögðu menn slíkt ei skeð hafa, 15 að frá Indíum og hingað hefði brjef flutst. En það sama brjef meðtók af hans hendi Hans Ólafsson Holst í Eyrarsundi, hver þá var þangað kominn uppá sína reisu til Íslands, samskipa öllum Íslands þess árs kaupförum, og var þessi maður mjer vel kunnugur að fornu og kaupmaður 20 uppá Skutulsfirði. Þetta góða skip Christiánshöfn var 10 mánuði á sinni heimreisu, og að tveimur árum liðnum fór þetta skip aftur til Indíen. og hrepti enn góða reisu. Í Nóvembermánuði sama árs, Anno 1623, afsigldi kaptugi Christofof Boye, minn kaptugi, frá vorum kastala í norð- 25 vestur til Ternasseri, sem þaðan lá 600 mílur burt, og bi-hjelt góðu byrleiði þangað, sem var sunnanmasson, og dvaldist í burt allan veturinn til passionem.

Nú eftirfylgir framvegis þar um að tala með allra-styttsta hætti, hvað hið sjerlegasta viðbar á þessum vetri 30 vor á meðal, sem kastalann byggðum Anno 1624.

Alls á kastalanum af vorum eigin selskap minnir mig

- að væru nær 80 persónur ásamt yfirvöldunum, nær skip voru frá haldin. Og á þeim vetri dóu vist tveir partar fólksins af blóðsótt, hver að er þar almennileg fyrir innlenskum og framandi og þar landfarsótt, en einn partur 5 eftirlifði um vorið. Þann sjúkdóm bar eg í 12 vikur tveim dögum fátt í, og lá eg ekki meir allan þann tíma en tvo daga, og ei forsómaðist mín vakt að heldur. En tilefni þar til að eg og nokkrir aðrir urðum svo nærri oss að taka var sú skæða blóðsótt, sem deyddi nærri tvo parta af voru fólki, 10 svo flestir af þeim er fram stigu lágu ekki nema 2—3 og sumir lengst 4 daga. Einn afdeildur legstaður fyrir þá framliðnu var fyrir utan kastalann, með uppreistum stakkitum eður þilgerði ikring, og var hurð með sterkri læsingu þar fyrir, og var lykill þar að presti jafnan afgreiddur í hvert 15 sinn, sem þeir framliðnu þar inn bárust til greftrunar, og var þeim dauðu ærlega útfylgt af öllu kastalafólki, með vopnaburði undir veglegu stríðsmerki með pípu, trumbu, og eftir prjedikun, sem gjörðist yfir sjerhverjum framliðnum, varð að lyktum þrisvar skotið eftir hermanna vísu, því vjer 20 höfðum engar klukkur á kastalanum. Indianar stóðu þar jafnan nálægt og þar um kring í stórhópum, og hugleiddu vora hegðan og aðferð, bæði í þessu, og stundum á sunnudögum nær þeir girntust nokkuð fáeinir að verða eftir á kastalanum undir prjedikun áður en portin tillukt urðu, 25 hverjir eð stóðu utan kirkjudyra og á horfðu nær sacramentum altarisins útdeildist. Ei sögðust þeir lasta vorn lærdóm eður hegðan; samt sögðust þeir ei kunna sína lærdomshegðan og átrúnað að afleggja, svo lengi sem þeirra herrar og yfirvöld sjer ei annað bjóða nje tilsegja gjörðu. 30 Þeir eru blindir, sem von er, því þeir hafa blinda leiðtogara, en meiri furða er yfir þeim, sem í ljósinu ganga, að þeir skyldu sýnast í sinni göngu og athöfnum til máls og gjörða líkir, eða kanske verri þeim, sem án ljóssins eru, og aldeilis í myrkrunum ganga. Þar er í öllum stöðum orð- 35 entleg skikkan eftir þeirri vísu, sem þar tíðkast, rjettur mælir og vigt og hvað annað þvílíkt, og ei má nokkur öðrum rangt tilgjöra, hvorki í orðum nje verknaði, svo sem eg

hefi fyrri lítið áhrætt. Þeir lasta lesti marga og lýti, þeir lasta ofneytslu og ofdrykkju og alt óhóf, og aldrei vilja þeir nokkurt vín eður áfengan drykk til sín taka; þeir hrista sín höfuð, slá sjer á brjóst og hrækja við, nær þeir líta ofdrukkinn mann, og kalla hann að vera *búratze*¹⁾ sem drukkinn er, það er illa afmyndaðan. Einn af voru liði Marteininn að nafni, ungur mann og mjög góður skrifari, en þó mikill ofæsingur, dramblátur og spjegjarn, fordrakk sig um vorið um Jónsmessuleyti einn dag sem hann um máltíðartíma að luktum portum á kastalanum, svo sem plagaðist um 10 hvern miðdegisverðs tíma að gjörast, var utan kastala. Og nær hann fann portin tillukt vildi hafa klifrað upp á múrinn, og hálsbraut sig í sínu óviti. Síðan var hann upptekinn, innborinn, og af bartskerum álitinn, og að morgni uppskorinn eftir yfirvaldanna tilskikkan, og fanst með því 15 móti dáinn, að hann sig fordrukkið hefði, og að væri sjálfs síns banamaður orðinn. Var hann svo einn fjórða part úr mílu af Indianiskum burtborinn, er þar til fengnir og keyptir voru hann þar að jarða, svo hann í reit vorra burtsofnaðra bræðra ei jarðaðist, heldur með slíkri greftran fráskildur 20 yrði, oss þeim liföndum til viðvörunar.

Tveir menn af voru liði, einn að nafni Stefán Andrjesson, annar Lauritz Símonsson, drukku sig einn tíma um veturinn mjög drukkna, og í því óviti settu sig upp í móti sínum yfirvöldum, og þess vegna urðu í fangelsi 25 og járn settir, hvar þeir ábættu yfirvöldunum slæmt umtal að veita með hótunarorðum og ásetningi burt að hlaupa, sinn trygðareid að brjóta og skyldugri hollustu undir fætur varpa, hvar upp á yfirvöldin sjálf persónulega heyrðu er í leyni stóðu. Þessir skyldu vippast tveim dögum síðar, og 30 skyldi undir þeirra lukku komið hvort þeir biði bót eður bana. En svo er straffinu varið, að þar er reistur stigi upp undir einn ásenda, er efst stóð út úr einum húsgafi mjög háum, og þann stiga gengu þeir uppundir ásendann, í hverjum var ein hjólblökk og einn kaðall í gegnum hana, hvers 35

¹⁾ måske = tamil verittu, drukkinn.

endi bundinn var um þeirra samanreyrðar hendur við þeirra bak. Og nær prófossinn, þegar blásið var í pípunu, stiganum frá kipti, þá skyldu þeir, hefði straffið framgengið, skrika því nær til jarðar, en þó ei öldungis, í einum rykk, og í 5 hnykk verða þeirra handleggir samanknýttir fram yfir þeirra höfuð, annaðhvort öxlin úr liði eða í sundur. En strax prestur viðverandi og til reiðu og bartskeri nær svo við ber ef lif í tollir. Og nær greindir menn voru uppkomnir undir straffsins naumasta punkt, gjörðum vjer, kastalans soldátar 10 og herlið, sem þar stóðu allir hertýgjaðir í afpassaðri orðu, eitt alarm og hróp til yfirvaldanna, um lausn á því fyrir þessa tvo menn, hverju ei varð svo skjótt gegnt, heldur stóð í ríð nokkra stund. Síðan snerum vjer vorum byssum til þeirra með uppblásnum lunta, hvar við þeir blygðuðust 15 mjög. Í því sama bili komu gangandi allir kaupmenn staðarins, sem kallast marcatores, og þeir þrír tólfkar, sem voru bræður af Mórlandi, og þjónuðu vorum kastala þar fyrir nær þörf gjörðist, fram fyrir yfirvöldin með stórríki auðmýkt, hið sama uppkveðandi sem vjer, að þeir menn mættu náð- 20 ast, hvað strax skeði eftir herranna befalingu, að þeir voru kvittir gefnir og strax lausir látnir. Svo affýrðu soldátar sínum músskvettum yfir alt með hast. Þetta þótti þeim Indianisku stórt virðingarteikn, hvar fyrir þeir sig vorum yfirvöldum mjög þakkláta tjáðu.

25 Nú er þar til máls að taka þar sem kastalans yfirvöld um haustið sendu 9 menn með einni skútu í Bengalía með blý til sölu, sem þar er sá besti kaupeyrir næst gulli. Þessum barst á í miklum stormi um nótt í niðmyrkri miklu við eitt sandrif, en varð þó mannhjálpi. Þar sem þetta skeði 30 var nálægt landi, hvar skipbrotin aðdrifu, þar nálægt stóð ein mikil og mektug borg, sem var margar mílur umkringd, sem nefndist Meslapoten¹⁾, þar inni bjuggu 7000 sem allra handa vefnað frömdu, en eg minnst óglögt tölu gullsmiða og annars handverksfólks og borgara, er þar inni bjuggu. 35 Skamt frá þessari borg lá einn frábærlega mikill stríðsher

¹⁾ ၁: Masulipatam.

úr fjarlægð aðkominn, yfir hverjum að drotnaði Mogúla Soldáns son¹⁾, sá af honum var haturlega útrekinn fyrir forsvar og atlot, er hann í gegn síns föðurs ráði og vilja oftlega þeim kristnu veitt og auðsýnt hafði. Eigi minnst eg þá miklu tölu hans herliðs, en 11 þúsund fila, 11 þúsund 5 úlfalda og 11 þúsund hesta hafði hann²⁾. Hann vildi taka sjer land hvar hann sæi vel um horfið vera í takmörkum heiðinna þjóða. Hann hjelt góðri justítíe í sínum her og bauð hreinlátt framferði hverjum sínum undirgefnum. Hann hafði inntekið þennan stað og hann skattgilt undir sig. Og 10 nær hann spurði það til sinna herbúða að nokkrir kristnir væri þar komnir, er skipbrot hefðu liðið, sendi hann strax boð eftir þeim. Og nær þær komu fyrir hann meðtók hann þá ljúflega til sín, og hjelt ljúfar samræður við þá uppá portogalískt og hollenskt tungumál, bjóðandi þeim vist með 15 sjer undir sitt trygt forsvar og blíðlegt yfirlæti, þar með 16 gyllini hvern mánuð og þrenna hátíðaklæðnaði, einnin skyldi þeir sinni trú og ákalli til Christum traustlega halda mega, og í síðasta máta að öðlast frítt orðlof og burtfararleyfi nær svo girnti. Einnin skyldu þeir meðan sjer þjentu 20 sjer nálægast ganga, af öllum sjer þjenandi hirðmönnum, því hann til kristinna manna hefði stóra geðþóknan, og kvaðst fyrir þann skuld vera á þeim flótta. Hvar upp á þeir honum litillátlega andsvöruðu, að þeir þjentu kónginum af Danmörk og væri hans eiðsvarar, og mættu því ei við 25

¹⁾ Það var Shah Jehan (Sultan Kharrah), sonur Jehangirs stórmóguís; hann hafði þá gjört uppreisn gegn föður sínum. Um dvöl hans í Masulipatam og viðskifti við ýmsa Norðurálfumenn þar, sjá William Foster: *The English Factories in India 1622—23*, Oxford 1908, bls. XXVII, XXXIX, 312—316. Hann varð síðar keisari eftir föður sinn látinn (ríkti 1627—1658).

²⁾ Í brjefum, sem prentuð eru hjá Foster á tilgreindum stöðum er líka getið um tölu herliðsins. Enskir kaupmenn tveir, Thomas Mills og John Dods, sem þá voru í Masulipatam, nefna 4500 riddaraliðs, 500 fila og 10—12000 fylgdarliðs og úlfalda, alls hjerumbil 16000 manns, en hollenskur kaupmaður, Jan Libenaer, segir að í hernum hafi verið 14000 riddarar, 1500 filar, 2500 úlfaldar og 36000 fótgönguliðs.

hann sína trygð brjóta. Og sem hann það heyrði þóknaðist honum það mjög vel, og prísaði þeirra trúskap og hollustu, og gaf þeim síðan herlega skenking og blítt burtfararleyfi og leiðibrjef alt heim til vor, hvað þeim vel lukk-
5 aðist.

Einn af voru fólki, Cornelius að nafni, sem var timburmann og fjöltamur á margt og voru margar góðar dygðir gefnar af Guði og listir ljentar, hann var manna
prúðastur í daglegri umgengni, skikkanlegur, allra manna
10 best rómaður og nálega hinn friðasti að yfirlitum. Þessi hafði orðið fyrir ósköpum stórum fyrir eiturlegt ákast einnar galdrakonu í Hollandi fyrir skömmum tíma áður en hann afsigldi úr Hollandi, af því hann vildi ei til ekta taka hennar dótturdóttur, hverri hann þó hafði fyr gjört nokkur
15 lofyrði, svo hann í þeim ósköpum hrapaði til nokkra óhæfilegra verka, er svo skeði, að hann einn tíma við laugar og lindipvott, svo sem plagaðist hvern dag, að kastalamenn gengu til holdsþvottar, og var í bland annara sinna sex skutulsbræðra, og einn þeirra, að nafni Cláus timburmann
20 misti einn spanskan dal úr sínum gjaldpungi við móðuna, og það opinberaðist af einum gömlum galdrakarli, sá eð glögglega að þeim öllum fyrirkölluðum í hans einhýsi áhæfði og með hendinni til benti til þess, er gjört hafði, sem var nefndur Cornelius, hvað alla forundraði stórlega. Þessi
25 gamli maður hafði þrjár skrifaðar bækur úr sjerlegu bókfelli 300 ára gamlar, og ljet ei við jörð liggja, heldur hafði eina steintöflu þeim undir næst jörðu; í þeim var fyrir bókfelli mannskin, og mátti teygja sem einn vildi og hrökk aftur í sitt far. — Annar glæpur, er honum í ósköp-
30 um til vildi, var skelfilegur og mjög viðbjóðslegur, að hann (með leyfi) samræddist geitkvikindi á einum síðla níðmyrkvum aftni, að hverju verki og óhæfu hann stóð sú engelska kvinna Temperentzia, hvernar maður var bókhaldarinn Hieronymus, sem með einum indíaniskum pilt var á reiki
35 fyrir utan smíðjuna, hvar inni hans verknaður gjörðist. Hann var einn af mínum skutulsbræðrum, og var orðinn rjett lútherskur, eftir því sem heyrast mátti. Hann var

gjarn að lesa í lútherskum bókum og allra psálmaþókina á dönsku kenda eg honum, svo var hann minn sjerdeilis góður vinur, og hrygði mig stórlega hans hryggilegt tilfelli og missjáningur. Slík freistni kom að honum úr svefni, svo hann upp hrökk hastarlega mjög, og í einu harðlega stje á 5 gólfíð úr sænginni. Eg brá við af svefni og spyr hvað olli hans snöggvu viðbragði. En hann kvaðst ganga verða fyrir dyr, og var langan tíma úti. Og nær hann aftur inngekk og til rúms lagðist varpaði hann þungum anda. Eg spyr hann að sök til útivistar, en hann mjer engu gegndi en 10 lá lengi eftir grátandi. Að morgni næstum eftir barst þetta vanrykti á loft, og nær eg fregna læt eg hann það vita, og ef ósatt virtist skyldi röksamlega af sjer hrinda. Hann kvaðst því samþykkur og lofaði svo reynast skyldi. Nær slíkt illmæli komst fyrir yfirmenn vora fanst þeim mikið 15 um þvílíkt, einkum rector, því þeir voru vinir frá ungdomi og höfðu samtíðis í einn skóla gengið. Um morguninn annan þar eftir gekk hann í portin og út um þau, syngjandi með sinn bestan búning og sinn málstokk í hendi. En vaktin spurði hann að hvert hann hefði sjer ásett að 20 ganga, en hann kvaðst við Antoní skraddara erindi eiga. Og sáu þeir hann þar ei meir. Yfirvöldunum þótti vel þó svo farið hefði, en ljetu í orði sem þeim þætti stór misgán-ingur orðinn, og gáfu álösur vaktinni, að þeir höfðu honum ei hindran nje öftrun gjört. Rector ljet skrifa fyrir hann í 25 allar áttir og spurðist með seinasta til hans, að hann var kominn til Pulicat¹⁾, þar Hollenskir hjeldu plássi til kauphöndlunar, hvert eð lá 60 mílur þaðan frá vorum kastala Dansborg. Litlum tíma fyr en þetta skeði uppritaði hann kastalann Dansborg rjett orðentlega, og var síðan heim sent 30 með Perlunni til kóngs og compagníisins, og varð mjög prísaður og stórum afhaldið, að með penna yrði svo vel tilsett. Hann var mikill hagleiksmaður uppá alt trjesmiði. húsa og bílæta, turna og alt snikkerí, en allra helst hinn besti skipasmiður, item hinn allra besti söngmaður og reikn- 35 ingsmaður.

¹⁾ Bær á Coromandelströndinni, nokkru fyrir norðan Madras.

XXIV. KAP.

Sá piltur Sivile, og eg fyr nefnt hefi, þjónaði mjer 12 vikur. En fyr en hann burt veik útvegaði hann mjer einn indíaniskan ágætan og rjett náttúrugóðan pilt, 11 vetra 5 gamlan. Hans móðir var ekkja, hana leit eg ekki utan tvisvar; hún bað mig trúlega um þennan sinn son, að aga hann og upptukta eftir minni vild og vísu, og kenna honum kristna siðsemd, og hann með mjer að taka til Danmerkur og koma honum þar undir skír og kristindóm, hverju eg 10 lofaði henni með því móti að þar til öðlaðist leyfi generalsins, nær hann frá Danmörk kæmi. Annar hennar sonur var áður en svo skeði til Danmerkur kominn með þeim fyrstu skipum, er Catthei hjet, en síðan Christián. En þessi hennar nefndur sonur, sá eð mjer vel og dyggilega 15 þjenti og nokkrir öfunduðu mig af, hjet Agamemnon eða Agamenan. Hann var vel skaptur af Guði og hafði bleikt hörund. Í hvert sinn bað hann um leyfi að hann mætti utan porta stundum um nætur dvelja, að horfa á þeirra afguðahátíðir, og þau spil og þá leiki, er þeir við elds- 20 bál og stór blys fremja; bað hann þess jafnan á knjám standandi. Og hvert kvöld gekk hann til mín, fjell á knje og tók mína hægri hönd og lagði hana sjer í höfuð og bað mig að blessa sig, og í mörgu öðru sýndi hann gott viðmót. Hvern laugardag sendi hans móðir mjer stóra 25 svo sem eskju af látúni fulla af bökuðum sykurökum árið út.

Einn dag seint á sumri bar svo við að vjer sjö mínir skutulbræður fengum leyfi (svo sem hinir aðrir, er með heilbrigði voru) að ganga uppi landið að rjetta bein vor, nærri 30 tvær mílur. Og þá vjer vorum lítinn veg frá borginni gengnir, kom margt fólk ofan úr landinu oss í móti, sem bar aldini margskonar í körfum á höfði, svo sem þar plagast, og annað fleira til borgarinnar. Þessir menn kölluðu

til vor, segjandi »pampó!«¹⁾, það er slangi eða stór ormur, en vjer hugðum það vera mundi bambus, það eru reyripur, sem þeir þar taka tóbak í gegnum, og skikkuðum vjer vorum piltum að fara til þeirra og kaupa af þeim handa 5 oss nokkrar. Og nær þeir komu á þann veg og litu hvað á ferðum var hlupu þeir aftur til vor með miklum látum og felmtri, og sögðu oss hvað fyrir hendi væri. Og nær sem þeir sáu oss taka til hlaups óttuðust þeir vorra vegna. Og nær vjer litum þennan slanga ógnaði oss hans stærð og grimt viðmót. Strax sem hann leit vora eftirför upphóf 10 hann sig með mikillri grimd oss í mót, svo vjer tvístruðumst til beggja handa, en höfðum þó vor sverð á lofti til höggva, en hann varði sig lengi, þar til hann sá vort einþykki og öruggleik sjer í móti, upphóf því síðan að renna og gegnsmaug hvern buska, sem fyrir varð, en vjer af mesta 15 kappi eftir runnum. Einn að nafni Pjetur Arndal gat honum eitt gilt högg gefið nálægt hans sporði, en með því mjög bitvant var á hans húð varð því litil hans skeina. Þetta varaði vel á hálfa eykt að vjer 7 við hann sókn hjeldum. Og nær mínir lagsbræður þóttust mæðast og engu 20 gátu að heldur til leiðar komið, hvernin sem vjer á marga vegu viðleituðum, umflúðu oss fjórir af þeim og kváðust þreyttir vera, þar með og einnin sögðust ekki lengur sig í slíkan háska leggja vilja, því svo urðum vjer sterka vakt á oss að hafa, að vjer máttum honum ei nálægra standa í 25 sjerhvert sinn, en sem hans lengd var til, á hvern bóg, sem hann sjer veik, því hans viðbrögð urðu bæði grimm og hastarleg, og skæð meinsemd vís ef svo til viljað hefði, annaðhvort af hans eitruðum blæstri, ellegar af þeim broddi, er situr á framanverðri hans tungu, með hverjum hann 30 plagar að stinga margan til heljar, og er með þremur litum, sem er svörtum, gráum og hvítum, hvers orms stunga eða bit er svo skaðnæmt að fáir með lífi frá komast, og lifa sumir ei meir en 12 stundir; fyrir þess sakir tilefnuðust mínir lagsbræður að rýma og báðu oss hina þrjá ei lengur 35

¹⁾ ๑: tamíl pambū, höggormur.

að til voga, sakir þvílíks háska, á meðan grið gæfust, en
 mjer virtist stór minkan í framandi landi, og það eg því
 hina tvo, sem var Pjetur Arndal og Salómon að verða
 eftir hjá mjer, hvað þeir og gjörðu, einkum fyrir mína bón,
 5 því þeir voru og mjög um mig hræddir, og sáu mitt kapp
 og stóra kostgæfni þar til orminn að yfirvinna, hefði Guð
 viljað mjer sigurinn senda. Og nær hinir voru í burt
 gengnir og frá vikinir, þó oss lítt líkaði, gáfum vjer oss til
 með fullri alvöru og góðu samheldi sömu áfram halda og
 10 sóktum eftir orminum af mestri hörku, þar til hann hljóp
 inn í stóran buska, og svo hart þar inni frambrautst, að
 allur runnurinn skalf og bifaðist, líka jörðin undir vorum
 fótum. En á meðan hann svo í runninum umbrautst hljóp
 eg í mestri vogan fram fyrir runninn, og í því sama kom
 15 hann í grimmu álti og miklum skunda út af runninum, og
 nærri tveggja álna uppreisti sinn höfuðhluta, og æddi grimmi-
 lega mjer í móti með blístri og blæstri miklum, svo mjer
 sýndist sem hjelublár reykur undan honum færi og hann
 um kring færi, og svo varð eg af Guði dýrðlega upplýstur
 20 að eg hann nje hans grimt álit ei við skelfdist, en mínir
 lagsbræður hljóðuðu mjög og urðu hræddir, og báðu mig í
 Guðs nafni mig nú að vara. Og í það sinn hann meinti
 mig að stinga hjó eg til hans með allri þeirri orku, sem
 Guð mjer ljent hafði, með breiðum pampart og mínu beggja
 25 handa affi svo geysilega, að þeim virtist að ei hefði framar
 af mjer að vænta verið eður mínum líka, nær álnar lengd
 frá hans höfði, svo í sundur tók í einu, og hljóp sverðið í
 jörð undir hjöltin, en nær eg vildi hafa því aftur náð þá
 var það í sundur undir hjöltunum, og urðum við blaðið
 30 upp að grafa. Eg gekk strax á milli stykkjanna, svo orm-
 urinn ei aftur skriði saman, því svo plagast, hvað Indíanar
 höfðu áður fyrir skömmu mig um fræddan. En nær eg
 vildi hafa burt skorið úr höfðinu ormstunguna með fullum
 ásetningi, með því eg hafða nokkuð, en þó oflítið, heyrt um
 35 hennar náttúru, þá gripu mig mínir stallbræður og hindruðu,
 svo eg mínum vilja ei fjekk framkomið, hvers eg síðar iðr-
 aðist, því að einn bartskeri í Kaupinhafn sagði eg mundi

vist hafa fengið 60 dali, en einn vitur maður í Írlandi kvað mig í þann tíð fávísan verið hafa, er eg slíku hafnað hefði, og sagði mjer vísa hundrað dali þar í landi, sakir lækninga, er henni fylgdu, við margskonar meinsemdum og sjúkdómum. Og svo nú að þessu verki unnu og yfirstöðnu gengum 5 vjer þaðan og vorn veg upp í landið, keyptum mjólk og hvað annað þar fyrir hendi var.

En nær yfirvöld kastalans spurðu hvað gjörst hefði gengu þeir þangað út sem ormurinn lá dauður að skoða hann, hvers stærð þá mjög undraði, en ei var hann digrari 10 en sem tveggja álna umkring, en lengd hans hjeldu sumir 8 álna en sumir 9, hvarum eg kann ei glögt að skrifa. En inn í vora reisubók eður journal var þetta teiknað og fyrir stórt frægðarverk rómað og haldið, bæði vor á meðal og Indiana, af hverju mjer jukust stórar virðingar manna á 15 milli og gott yfirlæti, einkum á ferskum tíma þessa verks. Og um kvöldið, strax sem vjer heim komum, skikkaðist mjer boð frá rector og gubernator uppá þá háu höll að koma. Og nær eg þar kom ávarpaði rector mig allþýðlega, og kvað mig stórt frægðarverk unnið hafa, mjer til stórs lofstírs, og 20 vera búinn það í reisunnar bók innskrifa, og sagðist 7 ár í bili hafa í Indíum verið uppá Jackitra¹⁾, það liggur í Java, og í öðru sinni til Pulicat, og kvaðst svo stóran orm ei sjeð hafa unninn verið. En frá einum ormi sagði hann mjer væri í einum hól í Java, og kæmi ekki út nema hvern 25 aðfangadag fyrir jól, og yrði í það sinn miklir dynkir og jarðskjálftar þar í nánd nær hann út og inn brytist, og sagðist hann álengdar sjeð hafa með mikillri hræðslu ásamt öðru fólki, og kvað hann lítinn hvalvöxt hafa, og menn meini einn anda eður forskaptan glæpamann. Síðan 30 gekk eg í burt með kærleika að meðtekinni allra herranna tildrykkju, og tilskikkuðu 8 marka staupi vins.

¹⁾ o: Djakatra (Jakatra, Djajakarta), sem þá var merkisstaður, en nú lítlisháttar verslunarbær.

Í hvert sinn eg gekk ofan á staðartorgið gengu kaupmenn, er þar í krambúðum stóðu, mjer í mót, og einn ungur kaupmann hafði sjerdeilis venju til með faðmtökum mjer að fagna, nær eg í hvert sinn þangað kom, og kallaði mig
5 sinior Joram¹⁾.

Eitt kvöld síðla undir settri vakt bar mjer til orða við einn að nafni Pjetur Jensson. Sá maður hafði verið með því skipi, sem frá Danmörk var sent, Anno 1620 að mig minnir, til Spitzbergs eður Grænlands fyrir hvalveiði,
10 þó það hindraðist, en þeir komust í miklar raunir og stóran lifsháska af þeim mikla hafis, hver eð svo mjög að þeim þrengdi, að þeir 80 mílur hjeðan frá landi í landnorðurshafi urðu á einu stríðsskipi kóng Christiáns 4. svo hart í ísnum klemdir og forfallaðir, að þeir urðu frá skipinu og
15 mestöllu því góðu þar var inni að víkja, með sínum bát nær 30 fólks, og þær 80 vikur sjóar rjeru þeir oftast, og voru í stóru lifsfári daglega staddir af sjóarógn, frosti og vosbúð, þar til þeir náðu landi, að mig minnir, nálægt Húsavík, af hverjum margir kumluðust af frostum og freku
20 kvalræði, þeir eð hjer um veturinn dvöldust hjá frómu fólki, á meðal hverra að var þessi Pjetur, sá eð sína vist ásamt þeirra bartskera hafði hjá Halldóri sál. lögmanni á Möðruvöllum²⁾, alt til eftirkomandi sumars og skipaútkoma varð í kaupstöðunum. En til ósamþykkis okkar á milli í það
25 sinn var ei annað efni en óþjálg Íslands umræða þessa lítt skikkaða ópakklætisbófa, sem var hans skenkur fyrir velgerðir meðteknar, lífgjöf og landsvist. Varð eg því beiskur og honum mjög gramur, svo eg gaf honum högg undir vanga, með hvert hann hljóp til yfirvaldanna og for-
30 klagði mig, svo eg með honum varð uppá trjehestinn

¹⁾ líklega hefur Indverjinn kallað Jón á portúgölsku senhor João (Joam).

²⁾ Halldór Ólafsson, lögmaður norðan og vestan 1619—1638. Um hann sjá Lögsögumannatal Jóns Sigurðssonar í Safni til sögu Íslands II, bls. 132—133.

settur, og varð strengilega fyrirboðið mig frammar að móðga eður til reiði upperta, hvað hann og gjörði síðan.

XXV. KAP.

Nærri fjórða part úr milu frá borginni stóð einn hestur af pappi og úr leðri gjörður, mjög geysilega stór að vexti, 5 sem var nærri 5 faðmar umkring og þvilíkt á hæð. Uppá honum sat ein mannsmynd mikil að stærð og vexti, sá eð hafði tvö andlit, eitt á bak en annað í fyrir, með grimmlegu augnatilliti ásýndar; hann var og líka úr pappi og leðri gjörður, nokkra hundrað ára gamall, og var myndaður eftir 10 einhverju mikilmenni, sem í gamallri tíð hafði þar í landi verið. Tvennir beislistaumar voru á hestinum ímyndaðir í hendi þess, sem á baki hestinum sat, og við hverja beislistkúlu stóð ein mannsmynd, sem í tauma hestsins hjeldu, sem sýndust athuga vilja tiltal síns herra, þess á baki sat, 15 hestinum að halda og sleppa, nær þeim af honum svo tilsegðist, af sama gjörðir sem hið annað. Undir hestsins kviði og kringum hans leyndarlim stóðu nokkur ungmenni með sama manier sem hitt annað. Út í þetta takmark gengum vjer oftlega að skoða þetta nú greint, hvað oss 20 þótti nýstárlegt og óleiðigjarnt á að horfa, nær vjer þangað gengum.

Eitt þeirra goðahús stóð þar hjá og nálægt við, hvar inni stóðu þeirra afguðir 7 með þeim einum æðsta þeirra afguði, sá eð jafnan stendur fyrir miðjum gaffi í hverju 25 smágoðahúsi, og eftir þeirra plagsið brunnu þar ljós inni af viðsmjörseitleika, sem vort fólk tíðast útslökti, en til athugunar á meðan stóð eg vakt úti, því mjer fjell ei þeirra dirfska, og bað eg þá ei meir gjöra, annars hótáði eg þeim trygðrofi, en þeir óttuðust mig mjög og mínar 30 strangar hótanir. Þetta sje nægilegt hjer um sagt.

Nú eftirfylgir um þeirra hjónaband, að þessi þjóð, Malabari er svo nefnist (hverjir að eru djöfulsins tilbiðjendur, að hann gjöri þeim ei vont, eftir því hann sje illur), hafa þann sið, að allar þeirra ungu dætur giftast innan 10 ára, 5 fyrst þá þær eru 4 ára og svo fram undir 10 ár; — flestir þeirra synir og með sama hætti. Á þeim degi, er þau skulu til hjúskaps trúlofast, verða þau lögð hvort um sig í einn palakin, hvar inni þau liggja á veglegum sængum, og smurð með veglegu balsami, margslags farfa. Þar yfir er tjaldað 10 með marglitu silkiklæði. Hann sem að er brúðguminn verður borinn undan með básúnum og trumbuslögum langt fram á dag, allan staðinn í gegn, en hún á eftir með sama hætti og verður þeim af flestum húsum peningum offrað, og sumstaðar eitt hvert til æru gefið, og síðan fyrir kirkju- 15 garðshlið borin, þar presturinn þau saman vígir að jafnt þeirra höfðum lögðum með handauppáleggingu. Síðan verða þau þangað borin, sem hennar foreldrar eru fyrir ráðandi. Svo eru boðsmenn kallaðir, (hjá almúgafólki) á jörð úti settir, fæða vel tilreidd framborin, vatn rautt, ilmsætt, til 20 drykkjar gefið, síðan eftir máltíð bitilarech etið, af hverju menn verða sem drukknir, og tóbak allra seinast tekið.

Þeirra reverentia er svo við almennilegt landsfólk, nær þeir heilsast útrjetta sína hægri hönd, en nær ypparlegir menn eða vjer kristnir þá fundum á strætum eður torgum, 25 minnst þeir við sínar báðar hendur, og frá munni samjafnt útrjetta í breiddan faðm með hneigðu höfði. Þetta sje nóg hjer um sagt.

En sjerhver fyrnefnd barnung brúður, verður heima hjá sínum foreldrum til þess að hún er 14 ára gömul, og 30 leggur hennar brúðgumi að helmingi á móts við hennar foreldra verð fyrir hana. Síðan á hennar fjórtánda ári tekur hann hana heim til sín til allra atlota og hjáhvílna og daglegrar forsgunar þaðan í frá.

Nær börnum er nafn gefið, verða þau vel stálpuð 35 þeirra bramení eður presti færð, og ber eld yfir þau með langri ræðu, annað smásmuglega veit eg ekki þarum að segja.

Einn þeirra Indíana leit eg ásamt mínum lagsbræðrum og vorum presti einn tíma besetinn af óhreinum anda, og er þar í hverri borg einn sá maður, sem venju hefir til djöfulinn út að drífa nær svo skeður, með einum hvellum klukkumálmi, hvern hann ber í sínum lófa og slær uppá 5 hann með einum sjerdeilis nertugum stálhamri við hans eyra. Í þessum manni talaði sá óhreini andi, og gaf svar uppá hans sjerhverja spurning og ávarp, hvaðan hann hefði komið eða manninn fundið, eða hvað hann gæfi honum að sök, eður hversu lengi hann vildi hann plága. Hverju öllu 10 hann svo gegndi: í fyrstu, að hann hefði komið frá Trichlagour, sem liggur mílu vegar frá vorum kastala, og kvaðst þar hafa eitt heilt stræti afbrent; þennan mann sagðist hafa fundið fyrir utan borgina, hvar hann hefði verið að baða sig í einu vatni; og hvað hann honum til sakar fyndi, sem 15 væri hans óhlyðni við sig og aflögð venja sjer að offra, og meðhald kristinna, er þar væri í landið komnir. Hinn spyr hversu lengi hann vilji manninn besitja. Hann segir svo lengi sem maðurinn ei sig við sig forlíki með venjulegri tilbeiðni, lotning, offrunum og öðru þesskonar. Þessi maður 20 segist vilja mannsins vegna við hann forlíkast með tilsagðri upphæð offursins, með öðrum tilteiknandi álögum, eftir megnandi og mögulegum hætti. Andinn óhreini tilgreinir hvað fyrir sig; í fyrstu tilskilur hann í árlegt offurgjald fyrst tvo caponiska eður gelda hana í matoffur, þar næst 25 risgrjón fyrir eina fanó, bitilarech fyrir aðra, tóbak fyrir þriðju, og þar með afskiljandi öll atlot við oss kristna. Þessi maður var í forsvari fyrir þann besetna, og rýrði hans atföng og formegan og kvað fátækt hans og vesaldóm meira en það offur eður þau útlát gæti árlega afhent eður 30 lukt, leitandi því ennframar eftir meiri vægð, og um síðir gjörðist helmingi minna. Þess á milli sem þeir við ræddust leitaði þessi maður við með sínum málmklang þann óhreina anda að útrýma eftir venjunni, hvað í það sinn ei gildi, og kvaðst ei út fara fyrir þesskonar sakir fyr en sjálf- 35 um sýndist. Eftir contract og forlíkan gjörða komu að þeim auma manni miklir geispar, titran og teigjur, og varð

öllum skipað í burt að víkja, svo dyr hússins auðar stæði. Og nær sá óhreini andi útfór af manningnum fjekk hann einn ofbjóðslegan geispa og teygjur, svo menn hugðu hans munnur mundi til eyrna upprífast, með miklu froðufalli og lá eftir 5 lengi sem dauður væri. Síðan spratt hann á fætur með miklum hast og hljóp út í eitt vatn þar nálægt og lá þar lengi, svo menn hugðu hann dauðan vera. Síðan kom hann upp úr þessi vatni sem hálfrotaður væri, og fór svo sem hjá sjer lengi. Guð veri oss öllum náðugur, nálægur og 10 miskunsamur! Amen!

XXVI. KAP.

Nú er þar til máls að taka, að í Octobermánuði sendi kóngurinn til Travanmour sinn einn herramann mikilsháttar til vorra yfirvalda, sá eð hafði með sjer 7 sveina, er sverð 15 báru eftir honum. Nær þeir stigu af sínum palakínum inn á kastalann í þörum gengu. Þessi nico og herra varð vel meðtekinn af kastalamönnum. Undan honum gengu 12 taliaris eður stríðsmenn með miklu hrópi, svo sem þar tíðum plagast, er sverðum voru girtir, og löng spjót báru þeir 20 í höndum, fremjandi með þeim mikla fimleika á margan hátt eftir hermanna vísu. Allir kastalans hermenn stóðu týgjaðir tveim megin kastalans porthliðs, þeir eð þrisvar affýrðu, ítem þrisvar sinnum þrisvar stórstykkjum af kastalanum. Þessi nico kom með brjeflegan boðskap frá kóng- 25 inum, innihaldandi að krafðist af rector og gubernator svo mikið blý að tilljetu, sem 6 vagnar naumast upptæki, hvartil rector svaraði, sem alt kastalans góss hafði í sínum reikningsskap, að svo mikið blý, sem kóngur hafði tilmælt, skyldi í tje látast, nær sem hann skriflega ávísan fengi frá 30 kónginum, hversu mörg skippund hann girntist, og hversu dýrt hvert skippund af honum metast skyldi. Og hjer með bað hann kóng fyrir sjer vel virða þvilíkt útgefandi andsvar.

Kóngsins gesanter varð strax forreiður og strauk strax í burt mjög forsugt, og allir hans sveinar innstigu á sínar palakínar, og fóru svo ókvatt og án virðingar frá vorum kastala upp til Travanzour til Nico de Regno, og sagði honum af sinni ferð til lykta. Og nær hann heyrði rector 5 andsvör, varð mjög grimdarlega reiður. Og að næsta morgni síðar útsendi hann boðskap og brjef til rector, að ef hann ljeti ei svo mikið blý til sem hann girntist og án allrar aðspurnar við sig um nokkurn reikningskap á því sama, svo lýsti kóngurinn hann hafa rofið þann sáttmála er fyr var 10 milli kónganna gjörður, og þar með hótaði hann honum ekki alleinasta blyið með kónglegri makt að taka fyrir ekkert, því hann ætti meir hjá oss, heldur kastalann til grunna með oss og öllu því þar inni væri, til heljar að færa, því hann kvaðst lóðið eiga og alt hvað þar á stæði, 15 með því af oss væri trygð rofin. Og þó rector sig stórum afsakaði með brjefum, tjáandi sinn vanda og vanmátt nokkuð að gjöra óbifalað í gegn sinni fyrirsettri reglu, þá kunni það ei stoða eður mýkja hans bræði, þar til rector skrifaði alvarlega ásamt gubernator að hans vilji mætti verða, vjer 20 mundum átaka bíða.

Kóngur sendir strax til síns hershöfðingja, sá Calicut nefnist, að hann strax með sín 40000 útbyggi sig til orustu oss í móti, hverjum kóngsins boðskap hann fúslega og skjótt gegndi, kastalann inntaka skyldi en oss lífi svifta. Þessi 25 kóngsins hershöfðingi, nefndur Calicut, lá iðuglega í tjaldbúðum með þennan sinn mikla her 40000, og aldrei kom hann undir sótugan raft, og nær herboð kóngs kæmi að kvöldi skyldu að morgni til víga búnir. Nú hugsuðu þeir gott til krása hjá oss, og útbjuggu sig því harðlega oss í 30 móti.

Vjer í sama máta tilbjuggum oss með hraðasta hætti með allra handa stríðsútbúnaði. Vjer hlóðum öll vor stykki, sem umkring kastalann lágu á múrunum fyrst með púðri og hampi, og síðan ljetum vjer fyrir sum stykkinn knippi af 35 9 þumlunga járnöglum hart samanvafin með sterkum hampbræði, og snerum oddum út, en fyrir sum ljetum vjer

standkúlur, skæralóð og hlekkjalóð. Og nær alt þetta var tilbúið og skrákoppar¹⁾ voru fyrir sum stykkin settir, þar með fólki, filum, úlföldum og hestum að spilla með margskonar fýrverki, útbjuggum vjer oss í mörkina með þeim, 5 sem vatnið áttu að sækja, svo vjer náðum 80 vatnspípum fyrir en oss varð aðþrengt, sem var 800 vatnstunnur. Calicut hafði í sínum her 1100 hesta, 1100 úlfalda og 1100 elefanta eður fila.

Síðan ljetu vor yfirvöld alla indianska kaupmenn stað- 10 arins innkalla á kastalann, og urðu slíkir kostir fyrir lagðir, að þeir mætti útvelja sjer hvort þeim heldur geðjaðist, að inngefast í hóp sinna landsmanna, og þeim svo meðfylgi gjöra, eður með oss ljúft og leitt líða, eftir því sem uppá kæmi og tilfalla kynni. En þeir allir samjafnt með einu hljóði 15 játuðu sig í vorn selskap, og kváðust vilja með oss líða alt hvað tilfalla kynni, með öllu því stríðsfólki og borgurum þar inni athvarf og bygð hefði. Og til sjáanlegs teikns þar uppá ljetu þeir alt sitt góss á kastalann innbera, en á nætur höfðu flestir sinn náttstað í borginni. Einnin voru taliaris, 20 þeir indianisku stríðsmeun, sem með oss hjeldu vörn og vakt, daglega á kastalanum í sama máta aðspurðir hvort þeir sjer kjósa vildu. En þeir með knjefalli játuðu sig allir uppá líf oss til handa, og mynduðu til, að þeir skyldu fyrir láta sig kvika í sundur partera en þeir frá oss viki eða 25 játaðri trygð töpuðu.

Nú fjell svo til að fólk daglega sýktist á kastalanum Dansborg og margir önduðust, ei þeir sístu af voru fólki, þeir eð lágu skamma stund, sumir 3, 4 og 5 daga. Ei varð þetta svo í launung lagt að ei spurðist upp í landið til her- 30 búða Calicuts, kóngsins hersofursta, hvar við hann magnaðist til meiri illgjörða og ofsókna í gegn oss kristnum. Vjer í sama máta höfðum og njósarmenn á stigum úti, sem og fluttu daglega fregn frá þeim til vor (en þó með duld), um

¹⁾ hjer mun líkl. átt við „skraasække“, pokum með járnrusli sem var notað stundum í stað kúlna.

flutning þeirra hers daglega oss í nánd meir og meir, ítem um þeirra uppsát, hótanir og hreystiyrði. Mörg hrot af þeirra her komu oss mörgum sinnum í sigti, þá vjer vorum úti mörkinni hjá þeim, sem vatnið sóktu svo sem hálfa mílu í vestur frá kastalanum. Voru þar hvorir varir um sig fyrir 5 öðrum. En um síðir, af því þá tók að fjölga dag eftir dag, sýndist oss vatnsburði best að hætta og við kastalann í kyrleika blifa, og þar með því taka er á drifi og Guð vildi oss tilfalla láta. Mörg hótunaryrði og skelfileg spurðust frá þeirra legnum¹⁾ til vor og ýmislegar ráðagjörðir. En þó 10 var að merkja að ótti væri sendur af Drotni í þeirra her, en þó þeir ljeti stór orð út af sínum herbúðum til vor flökta, að þeir vildu þann dag og þann oss gista, heimsækja og helfarir veita, samt aftraði Guð þeirra bráðri atför, svo þeirra dagferðir oss á nánd meir og meir smækkuðu. Þó 15 um síðir komst Calicut með áðurnefndan allan sinn her til Trichlagour, og lá þar í 14 daga aðgjörðalaust. Þetta var um miðföstu og eftir, að hann þar svo dvaldist. En svo bar við tveimur nóttum fyrir jól um veturinn fyrri, að eitt mikið stykki úr kastalans múrvegg niðurhrundi af sjálfu sjer 20 til, og óttuðust menn vorir, að ógott mundi merkja þessi viðburður. Og þar sem vaktmenn áður fyrri stóðu í 5 stöðum var nú einum viðbætt svo að vjer í 6 stöðum eftir þetta skeð urðum vaktstæði að hafa í hvert sinn, bæði nætur og daga, og við þetta múrskarð voru þeir menn á vakt settir, 25 sem yfirvöldin helst treystu til vareygðar, hollustu, mannskaps, fimleika og atburða, og var mjer óverðugum og þremur öðrum í mínu kvarteri þessi vakt skikkuð, hverjum einum til umskifta fjögur stundaglös, og það var sá mesti vandi (að svo tilföllnu) við það skarð að standa, því mönn- 30 um bæði sýndist og heyrðist margt í þreifanlegu niðamyrkri um nætur við þetta múrskarð, en ei voguðu menn neinar aðgjörðir að hafa þar við að svo búnu. Og með slíkum ugg og ótta vorum vjer um allan veturinn fyrst til jóla og síðan eftir nýjárið, alt til passionis-sunnudags, á 35

¹⁾ sbr. d. Lejr, þ. Lager, herbúðir.

hverjum að sást vort skip St. Laurentz frá Tenasseri að sigla, með hverju að var minn kapteinn Christofor Boye og Hermann arkelmeistaramæti, minn sjerdeilis góður vin, sá eð hjer hafði 3 ár innanlands dvöl átt með kaupskap 5 reiðaranna vegna í Danmörk. En vorn prest á útreisunni, H. Christián höfðu þeir af sjer mist og Herrans náð befalað, ásamt öðrum átta, er sitt líf á þeirri reisu mist höfðu. Og sá maður af oss til, er skipið sá aðsiglandi fyrst hjet Jens Andrjesson, og fjeck einn silkiklæðnað og stórt 10 vínstaup fyrir gleðisjón, og urðum vjer þeim næsta fegnir sem nærri má geta, þar sem vjer vorum mannfáir orðnir af skæðri blóðsótt, sem þar í landi um nauðar, og enginn verður fri fyrir af öllum þeim til Indía reisa, og þeir menn af oss, sem ei önduðust í það sinn, urðu að ganga og liggja 15 með ofbjóðlegum sjúkdómshætti sömu tegundar, en ei lá eg í þær 12 vikur nema tvo daga, en ei þó í mínu kvarteri eður vaktróðu, — og það yfirtók óvinanna makt, ilska og umsát, og heiðinna manna harðýði að utan á nótt og degi mátti oss mjög skelfa, og þar með vorra yfirmanna skörp 20 og strengileg tilsjón og jafnleg umvöndun, hvar um sje nóg talað.

Og nær þetta skip kom fyrir kastalann útslógum vjer merkjum ásamt þeim, er sín ljetu og strax í ljósi, með skotum til skips og lands. Og nær Calicut heyrði dun þessara 25 skota til sinna herbúða, sem var nærri mílu frá sjó, sendi hann jafnskjótt til strandar, að vita hvað á ferðum væri. Og nær hann spyr vors skips komu, hafði hann nokkuð um bil hljóðnað við, en þó upphresti sig, og kvaðst oss ei að heldur þessvegna hlífa skyldi, og skipaði að uppbrjóta sínar 30 herbúðir og sínum her upp og af stað rykkja með skyndi. Hann bað stöðva hálfa mílu frá kastalanum í vestur, og í því plássi lá hann þá viku alla í gegn til pálmásunnudags, án allra aðgjörða, utan daglega fengum vjer hans hótanir að frjetta. En Guð sjálfur deyfði og deigði hans harðýðgi, 35 svo hann fjeck ekkert ilt meir við oss uppbyrjað nje framkvæmt, en sem skeði. Lofað sje nafnið Drottins eilíflega! Amen!

Nú er þar til máls að taka, að pálmásunnudag sjálfan snemma morguns gekk eg til gubernator, hann var að ídraga sig sín klæði, og var nú á þessum sama degi til gesta boðinn af mínum kaptuga Christofor Boga til skips, og leita eg orðlofs af honum að eg og mætti fá leyfi til skips 5 draga, til tveggja minna góðra vina Hermanns og Bente Andrjessonar. Hann kvaðst varla voga vegna yfirstandandi fárs og fjandskapar heiðinna mjer það að leyfa, því þá mundu fleiri hið sama girnast. Minn skutulbróður Heinrich stóð mjer til baka, og var hann sama æskjandi, hvar 10 við hann gramdist, en varð þó með sterkum skilyrðum, að við um kvöldið til lands kæmum af öli óhindraðir til alls þess er við þyrfti og vort embætti áhrærði. Nú sem við gengum frá kastalanum og til strandar, þar fjórir Indianar með bát biðu, birtist okkur ný sjón, við hverja við glödd- 15 umst næsta mjög. Sáum við tvö skip úr suðri sigla með drifthvítum seglum og útvarpaðri flaug á skiptoppum. Kendum við strax Perluna, það stóra skip upp á 700 lestir, og Juppiter, það minna skip. Strax á kastalanum var merkjum offrað og stykkjum jafnmörgum affýrt í móts við þau, er 20 þeir ljetu afhlaupa til virðingar. Ei aftraðist okkar ferð að heldur, og urðum við heiðarlega meðteknir og líka skenkingar gefnar af því slagi, er þaðan úr heimi fluttist.

Öll yfirvöldin drógu út til skipanna eftir prjedikun gjörða, og á fund generalsins Rollants Crappa, er þar 25 var með Perlunni kominn, og 7 reisur hafði áður til Indíum gjört í kaupmannsstjett, en var nú til slíkrar tignar kominn sem greinir. Hann var ókvongaður maður, en hollenskur að ætt, og af fátæku fólki kominn, og þegar á unga aldri var í siglingum og fyrir skipsfágara og káhyttu- 30 vaktara hafður, og á meðal skipmanna í fyrstu í bókmentum æfðist, og svo eftir hendi með æðri framtökum við jók, þar til hæð sinnar lukku hann um síðir náði. Þetta greindi hann mjer einn tíma til lærdóms á litlum vegi í spátseran, með fleirum atvikum, er hans ungdómi og munaðarleysi 35 viðkom og aðhnje.

Á næsta degi eftir fóru indíaniskir kaupmenn allir út

til skips general að fagna, þeir í staðnum bjuggu. Og nær hann dró til lands höfðu þeir tilsett allar kirkjudækjur með sínum baldor, sem þeim stjórnar, og alt stríðsfólk borgarinnar Trangobarich að mæta honum strax er hann land-
 5 gang gjörði, og þeim danslátum, með þeirra venjuaðferð hjeldu þeir og það alt hyski fyrir honum heim að kastalans porthliði, og varð honum til virðingar níu stykkjum af múrnum affýrt, og allir soldátar stóðu týgjaðir innan porta sínum vopnum í orðentlegri röð, er affýrðu sínum mús-
 10 kvettum.

Nær hershöfðinginn Calicut spurði hvað gjörðist kom hann í miðri viku fyrir páska með 500 hertýgjaðra sveina og 9 palakínur, í hverjum hann, hans sonur 7 vetra og hinir aðrir hans æðstir, er honum í meðfylgd voru, voru bornir
 15 eftir venju þeirra, þeir eð stóðu í röð við kastalans porthlið. Og nær hann sjálfur inngekk á kastalann varð honum til virðingar 9 stykkjum affýrt, og allir týgjaðir soldátar sínum herbúningi affýrðu þrisvar sínum byssum, kastalans stórflagg uppsett og í trómet blásið. Og nær hann var uppá
 20 kastalann genginn og hans meðfylgd gekk eg og einn annar af voru fólki að skoða þeirra palakínar og fleira af þeirra ferðatýggjum. En nær eg lauk upp þeim palakín, sem hershöfðingjans sonur lá inni, brá hann við, og eg svo einnin. Hann lá þar á nokkrum silkisængum og svæflum,
 25 alt með gulli, perlum og gimsteinum sett, samið og búið, og einn ljettir, með hverjum þeir í sænginni sig viðrjetta hver í ástrjeð upp yfir sænginni er festur, var á einni sterkri gyltri snúru, christallus og fleiri gimsteinar uppá dregnir. En palakínar voru þessum ásamt með veglegu smíði af
 30 filsbeinum gjörðir, og er að sjá sem fágað hvítt gler. Og nær einn af þeirra þjenurum sá mig þetta gjöra hljóp hann strax til og bandaði með báðum höndum segjandi »Ille! Ille! Ille!« það er »ónei, ónei, það má ekki!« Þessi ungi maður var bæði fríður og fallegur að yfirlitum, með bleikt
 35 hörund og vænn að allri líkamans sköpun, og allur var hann balsameraður með ýmsum farfa. Mikið gull með dýr-

mætum steinum bar hann víða um sig og í sínum eyrum eftir þeirra vísu.

Síðan í viðræðum gaf Calicut stóra áklögun vorum rector, og kvað hann alla orsök til þess klamariis og ósamþykkis, sem gjörst hafði vor á meðal. Niu fila, er þeir 5 kalla elefanta, hafði hann með sjer, og 500 hesta. Hans soldátar höfðu flestir tyrkneskan búning; þeim leyfðist alls að neyta og líka sig drukkna að drekka. Generall sýndi honum öll sín herlegheit, og með vorum viðurbúning ógn- aði hann honum, og umkring allan kastalann á múrunum 10 sýndi hann honum öll stykki, er þar í vígskörðum lágu, á eggsljettum bryggjum stóðu, og var skotið honum til virðingar, er hann nam staðar hjá hverju stykki, og af hverju skipi varð með jafnmörgum aftur svarað. Perlann hafði tvö koparstykki stór er altaf lágu úti og aldrei voru inntekin, 15 er þeir kalla hálfa cartov, hennar kúla vegur 48 merkur, þær stóðu fyrir framan stýrpligtinn, hver eð var við káhyttudyrnar; þessum stykkjum var nú af skotið til aftursvars af Perlunni með öðrum gildum stykkjum. Nær eg hafði mínum þremur affýrt er eg uppá skansinum hafði 20 undir minni vaktan, Calicut á portogalísku tungumáli spurði general að, hvort þessum í skipunum væri nokkur stærri, en hann sagði já. Það ógnaði honum mjög, og nær hann heyrði þeim tveimur stykkjum áðurgreindum affýrt, sló hann með báðum höndum sjer á brjóst, og sagði »Abbæ! 25 ó faðir!«

Á þessum miðvikudegi var svo mikill hiti að undrum gegndi, svo að um nónbil urðum vjer, sem vakt tilfjell á múrum kastalans, að venda oss um kring jafnaðarsamlega sem einni steik, er ei skal brenna, og einn 30 af þeim filum, er þar stóðu bundnir fyrir utan portin við eikur með sínum afturfæti, sem þar plagast að gjöra við hesta, fila og camel, þessi sleit sig lausan, þó með hlekkjum bundinn væri, svo eikinni með rótum upprykki, en sá sem hann skyldi vakta var ekki í nánd, því hann sat í nálægu 35 húsi að taka tóbak með sínum lagsmönnum. Og nær honum var þetta undirvísað gekk hann til hans með bliðmálum,

og hjelt á einni heytuggu, hverri hann hafði í oleo drepið, og bauð honum lengi fyr en til friðs fjekk stöðvað, eftir langan drykk tekinn úr því vatni, er þar var fyrir hendi. Þessir fílar skilja mál manna, og hafa vit mikið, svo þá 5 brestur ekki utan málið eitt. Einum þessara fila riðum við, einn að nafni Pjetur Lálík og eg, fyrir kaup lítinn veg, og þótti okkur mjög harðstígur vera, og enn þó þeir hafi ekki miðlið, samt liggja þeir og taka sjer hvíld.

Calicut var friður maður með bleikt hörund og úr 10 máta digran búk, og bar mikið skart á sjer af gulli og gimsteinum, og um sig miðjan gullvefnaðarklæði, og um sitt höfuð með dýrlegum gimsteinum. Einnin bar hans smásvinn gyltan staf af fílsbeinum með veglegu smíði eftir honum. Og nær aðmírall Rollant hafði og hann úttalað 15 sín á milli og friður staðfestur með kóngs samþykki, afreisti Calicut og hans selskapur að gjörðri lotning fyrir guðunum í þeirra pagógu eða goðakirkju, og dró strax á fund kóngs. Og þar eftir innan skamms dró vor generall til kóngs með brjef og skenkingar frá vorum kóngi í Dan- 20 mörk, sem voru tvö koparstykki ný og velfáguð, sem höfðu sjö fólksmyndir steiptar í sumum stöðum á sjer, hver eð kóngur ljet innsetja í sitt svefnherbergi og meðtók fyrir mikinn æruskenk af hans hendi, ei síst fyrir sakir myndanna, þar með og eina sæng af sýprisvið uppreidda, og sitt 25 sjálfs contrafey¹⁾ veglega tilsett. En sá heiðni kóngur sendi honum aftur sína sjálfs myndan vel controferaða, og af dýrum vefnaði uppreidda sæng, af fílsbeinum vel til setta, sú eð skatteruð var fyrir 100,000 dali eður tunnu gulls. En fyr en vor generall afreisti kom brjef og sterkur boðskapur 30 frá kóngi, að vor rector skyldi meðfara til Travanzour á kóngsfund, hvað og skeði, og lá við sjálft að hann mundi lífið missa. Og þar með komst hann í ógunst vors generals, og hjelt hann hinn mesta óbótamann, að hann hefði

¹⁾ d. Kontrafej, mynd; (upprunalega = „eftirlíking“, úr fr. contre-fait); — controferaða er orðskrípi, sem á að þýða „málaða“ eða „teiknaða“.

sett svo margra líf, þar með kóngsins og compagníisins góss í hættu. Svoddan órjettlæti hlaut hann að mæta, sakir síns trúleika og hollustu, en varð þó náðaður, með því móti að skyldi ferðast eina langa og farlega reisu til Moluchas eylanda, í ferð þeirra, er þangað sendust frá vorum kastala 5 eftir allrahandu specerí og vöru.

Og slík ókjör varð vor prestur Hr. Jens að líða af generalsins harðýði (það eg meina hann væri borinn ósannri sök). Því svo bar við, að hann heimuglega bað bartskerann, þann með Perlunni kom, M. Vilhjálm, að stinga á 10 kauni, er hann bar á sjer í heimuglegum stað, en þessi engelski bartskeri var svo ótrúr í sjer, að hann gekk til generals, og kvað prestinn hafa það fengið af indíániskra kvenna saurgan eður samblandan. En með því generall hafði nokkurn óþokka til hans áður fyrri af djarflegu til- 15 tali í sinni þrjedikun uppá kjettara¹⁾ og villumenn, tók hann fegins hendi við þessum frjettum, og meinti nú að hefna sín aftur á honum, og tilskikkaði með valdi og ofriki að hann skyldi í einhýsi leggjast og þar af bartskeranum reynast með sterkustu þess slags drykkjum, er slíkt auglýsa ef 20 satt væri, þá af flotnar þeirra gjörvalt hár og skegg, og hjer með leitaði generall honum að fyrircoma, hefði honum það tekist, en Guð sá svo til, að ei fjell sem fjandmenn ætluðu. Generall Rollant fyrirbauð hverjum vorra manna í það hús að koma er hann var innlagður, eða nokkra 25 hjúkrun eður atlot gjöra undir hæsta straff, og voguðu engir því þangað at vitja. En með því eg var honum kær, vitjaði eg hans við og við, en þó með leynilegum hætti, hvar við hann gladdist mjög af hjarta, enda og skelfdist fyrir mínar sakir, og nær hann í 9 nætur þar inni með gráti og 30 kveinkan legið hafði, og til Guðs síns drjúgum andvarpað, uppstóð hann af þessari sinni píslarrekkju án þeirra teikna, er þeir meintu sig mundu á honum til sýnis gefa. Þá uppfann generall það ráð, að hann skyldi þessháttar eið vinna að hann ósaurgaður væri af allslags kvennmönnum Indía- 35

¹⁾ c: d. Kætter, villutrúarmaður.

lands. En með því þar var ein portogalisk kvinna og ein ekkja, sú eð María hjet, gaf hann sig ei til eið að vinna, með því hann ljet þar sín línföt jafnan vaska; hvernin því hagaði vissi Guð best. Þá fyrirbauð generall honum prest-
 5 legt embætti að framflytja eður kirkjunnar þjónustugjörð við snerta. Presturinn kvaðst slikt hans forboð ei akta, með því hann fyndi sjer engar löglegar sakir og augljósar, þar fyrir sagði hann ei máttugan sitt embætti af sjer að taka, og skaut sjer undan hans og slikra veraldlegra dómi
 10 undir andlegrar stjettar og erkibiskupsins í Kaupinhafn úrskurð og ályktan. Nú með því generall sá sig engu geta til leiðar komið það prestsins embætti kynni að raska og hindran efla, þá tilsetti hann honum, svo sem til nokkurs straffs, að sigla þá fárlegu reisu samjafnt rector til þeirra
 15 Moluchisku eylanda með skipinu Juppiter, og þar með sína sök og sekt svo kvitta. Og þau prestleg klæði, er hann honum fyr skenkt hafði, og aftur í byrjan þeirra óvildar hafði frá honum gripið, í ásynd mikils haturs til prestsins, fjekk hann honum aftur. En sá prestur, sem með Perlunni
 20 kom, var prestur á kastalanum á meðan í ríð stóð með general og Hr. Jens. Hann hjet Hr. Matthías¹⁾ og hann varð samt prestur á Perlunni, með hverjum eg var í samfylgd meðal annara á heimreisunni.

Sá maður kom frá Kaupinhafn með general, er Ólafur
 25 Vismar²⁾ hjet. Hann bjó austan til við Eyrarsund í Skáney. Hann var nálega manna hæstur og var skartsmaður mikill, og bar daglega rauð klæði með silfursnúrum. Ei var hann stórlátur maður. Hann hafði lengi þjent kóngi vorum sálugum Christián fyrir kaptuga yfir soldátum,
 30 og fyrir það sama embætti útgafst til Indien, og það sama meðtók, nær fyrst þar á land kom, yfir mjer

¹⁾ Hann hjet Mads [Matthías] Rasmussen, og hefur samið rit um ferð sína til Indlands og heim aftur, sem prentað er í Danske Magasin I. Række 1. Bd. bls. 104 osfr. Hann varð síðan prestur í Vallensbek nálægt Khöfn.

²⁾ Mads Rasmussen kallar hann Ole Viseer. Hann mun hafa tekið við stjórn á kastalanum eftir Henrik Hess.

og mínum meðþjónum. Einn annar maður, Páll Árnason að nafni, hans sjerdeilis góður og ástkær vinur, fylgdist þangað með honum, og höfðu bæði í framandi landi og heima lengi aðfylgst, og hvor við annan hvorki kynningu nje vináttu brugðið. Þessi Páll hafði mörg ár í Skáney þingfógeti verið eður sýslumann. Þessi maður ljet mig sjerdeilis vel, hvað hann oftlega ásýndi bæði í orðum og verkum. 5

Þar var á kastalanum einn ungur hjörtur í uppvexti hver heim til Danmerkur skyldi fara og vor gubernator 10 átti. Hann var oft við marga glettinn og óbyll, og skautst að mönnum illa, stangaði og stundum lítt við ljek, en engir voguðu honum með líku að launa fyrir ótta af gubernator, því hann var vandlátur um hann, og ei ásýndi það, að honum þætti hann í neinu ofgjöra við þá, er hann átti 15 að sælda. Svo bar til einn tíma síðla dags, að eg gekk frá portinu af minni vakt sem snarast heim í mitt herbergi, að þessi hjörtur stóð í nokkurri hilmingu, svo eg fjekk hann ei sjeð, rendi skeið til mín hart, svo eg um koll fjell af hans sterku áhlaupi, og stangaði mig mjög, en eg fjekk ei við 20 risið. Þetta leit Páll Árnason, og hljóp frá portinu með sinn forkeðjustokk í hendi, og greiddi honum mörg högg með tveim höndum yfir hrygg. Og í sama kom gubernator að rennandi með miklum skunda, og greip sína verju af balinu og vildi til Páls höggva. Og með því eg var á 25 fætur staðinn og Páll hafði sinni verju ogsvo úr skeiðum rykt, brá eg með hast minni verju þeirra á milli, svo engar skemdir urðu, og skildust svo að, en voru þó hinir reiðustu. Vaktmenn, þeir við portin stóðu, komu allir með skyndi þar að, nær þeir sáu hvað gerðist, og voru með 30 Páli til leika búnir hefði svo við þurft, og gáfu allir sömu klögun yfir ófyrirlátsemi hjörtsins, er svo mörgum hafði ótta og áhlaup gjört. En síður þess vegna kvaðst honum lóga mundi. En Páll sagði hans ranglæti því meira. Og nær generall það heyrði gjörði hann strax forlíkun þeirra 35 á milli.

Og nær sem gubernator, generall, rector og þeim túlk-

um, þremur mórleenskum bræðrum, ásamt sínum meðfylgjandi þjenurum komu aftur frá Travanour að slitnu samtali við kóng og gjörðri forlíkun um frið og fleira hvað tilhlýddi, bæði um skipsfragtina af öllu slagi er þar keyptist, 5 eftir fyr gjörðri contract, hvað alt skyldi flytjast til vors kastala af landsmönnum eftir þess heiðna kóngs skikkan og bífalningu, stóð nú alt með friði og spekt vor á meðal. Og upp frá því meðan eg og minn selskapur þar dvaldist, alt til vorrar heimferðar, sem með Perlunni heim fórum, þá 10 sendi kóngsins hershöfðingi Calicut hvern laugardag upp á virðing og velþóknun til stríðsmanna 3 villisvín til ferskrar fæðu úr sinni jagt með nokkrum sínum jagtsveinum og jagtrökkum, þeir eð oss skyldu sýna þeirra jagtaðferð. Þeirra hundar eru mjög stórir og hafa broddmen sjer um 15 háls.

Allan þann pipar, er sá heiðni kóngur ljet oss í tje fyrir tilsett verð, keypti hann af kónginum til Cotzína, og frá honum varð fluttur til þeirrar borgar upp í landinu er Peita¹⁾ hjet, 8 mílur frá vorum kastala, og þaðan á kóngs 20 hestum, filum, úlföldum og uxum færður til vors kastala, og allur sá flokkur hefir klukkur sjer við háls, svo fyr heyrast til þeirra en sjest.

XXVII. KAP.

Í Junius-mánuði kom eitt engelskt skip þar við land, 25 eina mílu vegar frá vorum kastala í suðurátt, þar Carical nefndist. Þeirra yfirmenn reistu strax á fund þess heiðna kóngs, og óskuðu þar veru og landsvistar til að brúka

¹⁾ Cotzína = Cochin (Kochi), höfuðborg í litlu ríki samnefndu á Malabarströndinni. Hvaða borg Peita er, er óvist, en hugsanlegt að sje átt við Pudukota, er liggur milli Cochin og Tandsjúr, nær síðari borginni, eða Amapettah milli Tandsjúr og Tranquebar.

kaupmannsskap. Og jafnskjótt sem þeir sín erindi höfðu kóngi auglýst, sendi hann brjef og boðskap til vors generals, að með 12 sína bestu soldáta kæmi upp til Travanzour á sinn fund það hraðasta sem hann kynni á nótt eður degi, til hvernar ferðar eg einn með öðrum var tilnefndur, hvar 5 til mig stórum langaði, en vjer fyrir blóðsótt urðum hindraðir frá þeirri ferð, svo vjer settumst aftur 5, og voru aðrir 5 í vörn stað teknir. En fyr en generall afreisti varð öllum vín gefið að drekka, og á þeirri eftirkomandi nóttu forbrutu sig 3 menn, er vakt skyldu halda á skansinum, hver á sínum rúndel, þeir eð sofandi fundust af vaktmeistararum, er jafnan plagaði vaktina að besækja og reyna ásamt gubernator og lutinant. En á þeim fjórða rúndel vöktu taliarias, þeir indianisku heiðnu stríðsmenn, þá sem oftast vel og trúlega. Þessir 3 menn, Pjetur Arndal, Salómon og 15 Ljenarður, einn hollenskur meinleysismaður, urðu í fangelsi strax settir og vandlega athugaðir til þess að generall heim aftur kom frá Travanzour.

Nú er þar frá að segja, að nær generall kom fyrir kóng, auglýsti hann sitt erendi og vilja, að hann aðsper 20 hann, hvað svar hann vilji gefa síns herra og kónigs vegna uppá sína spurning, hvort hann samþykki það, að hann leyfi þeim Engelsku þar landsvist til að fremja þar kaupmannsskap oss í nálægð. En generall með stórríki aðmýkt afbað þeirra óskan. Kóngur meðtók hans andsvör vel og 25 lofaði hann mjög fyrir hans trúleika sakir, og kvað svo ske skyldi, og sagðist hann hjer með reynt og prófað hafa, hversu hollur hann væri sínum herra. Og að því svo útöluðu þar um þeirra á milli, ljet kóngur þá Engelsku innkalla fyrir sig. Og að þeim inngengnum og fyrir kóng 30 þeirra skenk framlögðum spyr kóngur þá enn að nýju, hver þeirra vild og begering væri, og var sama og fyr segir. Kóngur segir þá ofdjarfa að girnast þar landsvist hjá sjer, með því þeir um öll lönd sjeu að vantrygð ræmdir, einkum við þeirra sjálfra kóng og herra¹⁾, hvað miklu síður 35

¹⁾ Hjer er það nú líklega fremur Jón Ólafsson, sem talar, en Raghunatha konungur, og Jón hefur, býst jeg við, rámað í að Eng-

mundu þeir sjer hollir reynast. Og að því svo útsögðu skipaði kóngur þeim burt með hasti, segjandi uppá sitt mál: »Pá! Pá!«¹⁾, það er »burt! burt!« og með slíkri sneypu útgengu þeir frá honum og úr hans herbergjum, við hvert 5 þeirra samtal generall var staddur. Og að meðtekinni góðri plögun við kónsborð í höllinni, hver eð prýdd var mjög af gulli og gimsteinum, fjeck generall leyfi kóns til burtferðar, og aðskildust svo með vináttu, og urðu allir með skenkingum sæmdir. Hann skenkti general tvo desmerketti, 10 þó sinn með hvort slag, einn sá hvers eistu að var des að honum deyddum, en hins saurindi, svo lengi hann lifði, hver eð 60 sinnum hinum meir gilti að verðaurum.

Og svo að general heimkomnum með sínum selskap, að öllu óhindraður, voru greindir menn, er sig með vaktbrest 15 forsjeð höfðu, fyrir rjett kallaðir. En með því stór mannpurð var orðin vor á meðal varð sú ályktan gjörð, að í einn hatt skyldi 3 seðlar innleggjast, tveir óskrifaðir, en »dauðinn« á hinn þriðja, og skyldi dúkur fyrir hvers augu bindast, og hver sá þeirra þriggja, er seðil dauðans tæki, 20 skyldi liflátinn verða. Og þeim meinlausa Ljenarði tilfjell að deyja, og var strax af prestinum sakramenteraður, og síðan útleiddur að þeim stólpa, er þar stóð fyrir utan port kastalans, hvar við hann var bundinn, og dúkur um hans augu. En fyr en hann varð útleiddur kaus hann 5 25 menn af öllum soldátum og sína bestu vini sig í hel að skjóta alla undir eins, tvo í hjarta en þrjá í höfuð. En svo bar við fyr en hann varð útleiddur, að mjer tilfjell dagvakt að standa í portinu eftir orðentlegri tilfallandi venju og vísu. Og nær hann kom í portið og fann mig þar, sagði 30 hann sjer brugðist hefði mín aðstoð í greindu efni. En eg eftir hugboði mínu sagði honum, að hann mundi ei þann dag liflátinn verða. Hann kvað það ei ske mega vegna

lendingar settu Karl 1. af völdum og ljetu hálshöggva hann, en hann hefur ekki munað eftir því, að það skeði fyrst löngu síðar, 1649.

¹⁾ á tamil pō, „Farðu burt, gaktu burt“, boðháttur í eintölu af pōga, ganga.

allra undangenginna aðgjörða undir dauða. Eg bað hann hughreysta sig við Guðs náð og Herrans dýrmætu forþjenustu, og minnst svo við mig með kærri kveðju og miklum gráti, og bað mig ásamt öðrum að gjöra bæn fyrir sjer til Guðs í Jesú nafni. Og nær hann stóð svo við stólpann 5 bundinn og þeir 5 menn til aðgjörða reiðubúnir kom kall af skansinum með friðarbendingu, er þjenari generalsins eftir tilskikkan gjörði, með sterku friðarhrópi og eins hvíts klúts uppveifan. Allir sögðu Guði hátt lof, og allir soldátar affýrðu undir eins sínum byssum, og svo varð honum aftur 10 með pípu og trumbu innfylgt, og varð með okkur fagnað-arfundur. Síðan gekk hann upp til yfirvaldanna og með auðmýkt ljúfar þakkir gjörði.

Á næsta eftirkomandi degi heimsóktu oss yfirmenn af því engelska skipi, er eg fyr nefnt hefi, og plöguðust vel. 15 Var þá affýrt mörgum stykkjum alt til skilnaðar, er með vináttu endaðist. Síðan afsigldu þessir menn þaðan að uppleita sjer annarstaðar pláss og samastað til kaupmannshöndlunar.

Sá Páll Árnason, er eg fyr um gat, tók stríða sótt, 20 en kaptuginn Ólafur Vismar, hans trúfastur vin, umspurðist við Temperentzíu kvennu Hieronymi bókhaldara, sú eð var engelsk, hvern góðan mann hún vissi vor á meðal, sem hann mætti vel til treysta honum að þjóna í hans veikleika og sjúkdómi. En með því eg hafði áður fyr 25 veitt tveimur mínum lagsmönnum litla þjónustu til þeirra andláts, svo eg þar fyrir fjekk ei stórt vanrykti, og þar með elskaði mig mjög fyrir Guðs náð, þá sagðist hún ei annan vita þar til honum hentugri en mig. Og gjörir sterka forlíkun við mig um kaupgjald þar fyrir. Og með því af 30 nokkurs launum má ei lofast nje gefast allra þeirra manna, er kvennu eður börn eður systkin áttu, utan alleinasta sængurföt og vopn, því lofaði hann mjer undir generalsins, gubernators, rectors og prestsins heyrn, ef hann andaðist, með handsölum, en ef hann aftur viðrjettist, skyldi hann 35 mjer sjálfur jafngildum verðlaunum lúka. Þessir frómi mann lá í 8 daga og andaðist. Ein kona sú þar fór um landið,

kom í þær borgir, hvar sjúkir menn lágu, og varð brúkuð þeim til lækninga, er við þurftu, hverja hún trað með fótum sjer, lim fyrir lim, svo allir ófeigir öðluðust skjótt bata undir hennar fótstigi, en hinir skjótt fram stigu. Þessa 5 konu ljet Ólafur Vismar sækja í næstu borg til síns ágæta vinar, hvað mjer ei þó geðjaðist nje honum sjálfum. En kaptuginn Ólafur vildi ráða, þar hann með stórri eftirlangan girntist að Páll mætti lifa og aftur verða heilbrigður. En strax sem hún leit hann kvað hún ei gilda 10 mundi, hvað og skeði. Samt vildi hún sín full áskilin laun meðtaka, og við slíka peningaútgreiðslu ól hún sig rúntlega frá barndómi til æfiloka.

Að honum önduðum og úthöfðum til síns legstaðar meðtók eg öll hans sængurföt eftir hans sjálfs innilegri 15 befallingu að honum lifandi, og yfirvaldanna, með tveimur kostulegum höttum og húfum, nokkrum skyrtum og linklæðum, og eina 5 dala verju með vænu gehengi, hvað alt virt var nær 40 dala virði. Hann biður mig þá einkanlega að unna sjer kaups á þessu vegna hans kvinnu, og skuli 20 hann fá mjer aftur að liðnum 8 dögum til fulls betalings þar fyrir tvo silkiklæðnaði, og vilji hann þar til bæta mjer tveimur skyrtum, og hjer uppá gjörðist enn að nýju handsöl okkar á milli.

En nú með því vjer skyldum nú segja laust við kast- 25 alann, þeir allir sem heim girntust, og að allri inntekinni fragt, sem virtist fyrir 10 tunnur gulls að dýrleika, sem var $3\frac{1}{2}$ hundrað lestir pipars, catonsvefnaður breyttur og óbreyttur fyrir tunnu gulls, silki og gullvefnaður með þessháttar fleira fyrir tunnu gulls, gimsteinar fyrir 60,000 dali í 5 smásekkjum, 30 og einn á meðal þeirra allra gilti 500 dali, item farfi, sem kallast indigo, fyrir tunnu gulls, sem brendur er úr grasi í fyrstu mjög sjerdeilis vænu; item helmingur silkis við caton ofð, er þeir kalla salvecat og bengalli¹⁾, sem að kemur úr Ben-

¹⁾ e. bengal, svo var áður kölluð þesskonar vefnaðarvara; að því er Yule-Burnell segja notuðu Serkir á Spáni orðið al-bangala um einskonar fint müsselin og er það orð enn til í spænsku (albengala); salvecat = sauvagagi, einskonar bómullarvefnaður.

galía kóngsríki, og svo við silki blandað og viðkomu sem skinn, fyrir tunnu gulls, með fleira öðru fásjenu vor á meðal — þá tilsagðist voru fólki burtfararleyfi til skips. En með því að slæm og óholl stykki reyndust vera á Perlunni fyrir hverjum dáið höfðu þeir hinir mætustu menn íbland hennar 5 fólks, og í annan máta bauð generallinn mjer og öðrum manni, Andrjesi Ólafssyni að nafni, hjá sjer eftir að verða, ásamt Niels Dreyer mínum constabel, hvern hann kónginum til Travanzour að oss afsigldum ljeði með öðrum tveimur og fjórum stykkjum til stríðs móti kónginum af 10 Bengalía, hvað eg vildi hafa upptekið, hefði mjer það gagnast fyrir mínum lagsmönnum, sem mjer þar frá jafnlega rjeðu, því eg hafði stóran viðbjóð vegna þeirra gamallra stykkja, sem með Perlunni voru, heim með henni að fara. En með því lítið var í boði af general, sem ekki meir en 15 eitt gyllini á hverjum mánuði bauð til viðurlags okkar launa, þótti okkur oflítið vera og svo lengi dróst okkar burtferð undan frá kastalanum, að við urðum þeir síðustu þeirra manna, er til heimferðar bjuggust. En sakir öftrunar og andboða, er með general frá Danmörk komu, að engir Ind- 20 íaniskir skyldu fleiri heim flytjast, því þeir meintu ef nokkrir fleiri heim kæmi, og einhver þeirra umhlypist til Indía aftur mundi kaupskapur þar við spillast, þar fyrir fjekk eg ekki minn pilt með mjer tekið, hvað mig og hann stórum angraði. Samt fylgdi hann mjer til strandar með 25 miklum gráti, og nær við skildum tók hann mína hönd og lagði sjer á hvirfil, og bað mig að blessa yfir sig og sínum bróður að heilsa, og gróf sig í sand þeim indíanska bát undir kjöl er þar stóð, hvað mjög hryggilegt var að líta og eftir að hugsa, og margur yfir aumkaðist ásamt mjer, og 30 mig löngum tregað hefir.

Fóru þann dag, sem var sá 28. Augusti, allir þeir menn til lands af Perlunni, sem eftir skyldu verða, en vjer til skips, sem heim skyldum fara í þeirra stað í Jesú nafni.

35

Þeir herra menn af Nicopotan, fjórar mílur að suðri við, komu á næsta degi til vors kastala að heimsækja vorn general,

hverjir með æðstu virðingarkerkjum urðu meðteknir, plag-
aðir og afgreiddir.

- Að næsta morgni síðan fórum vjer með Perlunni fjórar
mílar í vestur, þangað vatn að sækja er Pularom¹⁾ nefndist.
- 5 Þar lá eitt slot eður kastali fyrir á landi, sem 40 ár hafði
í eyði legið, með áttköntuðum múr umkring, og vildi
kóngur ei nokkrum leyfa þar inni að byggja, fyrir þess
sakir, að einn hertugi fyr meir, er sig kónginum sama ríkis
í gegn setti, og úr þessum kastala varðist í 15 ár fyrir
10 kóngi og hans her, hverjum hann skyldi stórum spilt hafa
fyr en til þrota sóktist. Þar rann ein móða ofan með kast-
alamúrnum, úr hverri að vjer vatn jusum í vorar pípur,
fyrir neðan sjálfan kastalann um flæðar í 3 daga, nær brim og
bylgjur helst gengu upp í þennan ós, og var ógott með bát-
15 inn að vera, en um fjörur, nær brim náði ekki upp yfir
flúrur að komast, varð ei vatn fyrir seltu sakir tekið. Og
nær vjer til skips á vorum stóra bát, sá eð bar 10 lestir og
30 menn, fórum, upphóf vor kaptugi Christofor Boye,
sem sig með oss gaf til heimreis, spurning þesskonar, hver
20 sá væri að sjer sagt gæti, hvað til efna væri þess hlutar, að
nær allur sjór væri útfallinn og í burt, þá yrði ekki vatnið
tekið fyrir seltu sakir úr ósnum, en nær sjórinn rynni með
brimi og boðaföllum þá væri klárt vatn, og hjet þeim einni
myskin vins er þar rjett uppá hitti, nær þeir til skips kæmu.
- 25 Enginn kvaðst því fá gegnt, svo yfir alt stóð í stansi,
þar til eg fyrir kaptugans ávarp tillagði slíkt, sem honum
ánægði.

Þann 7. dag Septembris, sem að var sá tíundi dagur,
er eg frá kastalanum og landi kom, nærri nóni bar svo við
30 sem tíðar, að skotið var á kastalanum, en generall hafði
fyr svo tilsett, að hvert sinn, sem skotið væri á kastalans
skansmúrum skyldi aftur af skipunum, er þar lágu, með
jafnmörgum ansað verða. Nú í þetta sinn bar svo við, en

¹⁾ Það er ekki gott að vita við hvaða stað Jón á hjer; „vestur“
frá Tranquebar er sem sje upp í land. Líklegast er þó hjer átt við
mynnið á Cularun-(Coleroon-)fljótinu, nokkru fyrir norðan Tranquebar;
þar í grendinni eru mikil forn mannvirki (vatnsveitingastíflur) og
vígirt musteri.

vor bátur var í landi, eður hið fyrsta í atróðri, því drjúg hálf vika var til lands. En áður en svo við bar sat eg og tveir assistenter fram í galiónu skipsins í hjegómlegu samtali um það, hjá hvers þeirra foreldrum eg skyldi um veturinn dveljast, er eg heim kæmi, og voru þar um að þrækka 5 í mestri fávisku, hvar um eg bað þá ei tala, með því enginn af oss vissi, hvernin vorum högum háttað yrði til þess að þar kæmi, eður hvort oss auðnaðist með lífi og heilsu heim að komast. Og í því sama var skotið á skansinum. Strax var hrópað á byssuskyttur af constabel til að skjóta. 10 Andrjes Ólafsson var krankur nokkuð, þóttist því ei geta til verks farið; varð svo þrækallað til mín, hvað menn þó sögðu ei hefði oft verið eður viðborið, svo sem hver eilendur og framandi best reynir í slíkum ókendum og misjöfnum selskap, og ei muni annað henta, ef hann annars 15 vill fá sínum augum vel upp lokið, og ei vill sínu föðurlandi til því stærri hneyxla verða. Svoddan viðbjóð hafði eg í það sinn að ganga til skota.

Nokkrar skútar, sem þeir kalla siampaner, sigldu þar hjá, og ætluðu að skjóta sjer undan tollgjaldi, með því þeir 20 sáu ekki vorn bát eftir sjer eður til róa. Og með því vjer saum engin önnur því glöggvari tilefni eftir nje til að skjóta, en þessar skútur, þá bifalaðist mjer eftir þeim að skjóta, en þó þeim án skaða. En með því þær sáu ekki vorn bát sjer eftirför veita hjeldu þær djúpara frá landi. 25 Og nær eg hafði 18 skot endað, eftir því, sem á kastalanum ogsvo gjörðist, var þar eitt stykki, sem eg fyrir góðri stundu hafði áður affýrt, að eg skyldi steyta. Og nær eg skyldi svo gjöra hafði eldur sjer eftir leynt í stykkinu í þess holum, er þar voru inni, en með cardúsum¹⁾ var áður með 30 skotið, sem eru ljereftspokar, hvar inni skamtur hvers stykkis er inn látinn til flýtis, og nær stykkinu er afhleypt verða af ljereftinu eldlegir neistar eftir í þeim sviksömu holum, sem í stykkinu eru, sem í fyrstu verða nær steypt eru. En þessi stykki voru 300 ára gömul, og voru nefnd 35

¹⁾ Sjá Blom, Chr. IV.s Artilleri, bls. 283.

Súrlands-stykki¹⁾. Eftir það eg hafði stykkið prisvar af-
 þurkað eftir venjunni, og eg skyldi púðrið aftur innláta og
 fyrir stykkið setja, fann eg að púðrið kviknaði í stykkinu.
 Og nær svo skeði neytti eg minnar orku púðrinu að aftra,
 5 með þeim stjaka, forsetil²⁾ og stimpil, er þar til jafnan
 brúkast, svo að eldgusa stóð upp af stykkisins fenggati, en
 sakir þess mjóddar leitaði púðrið víðar úthlaups. En þó
 púðursins kraftur stórum útleitaði af stykkisins munna að
 komast, gat eg svo fast haldið að púðrið fjekk ei svo hast-
 10 arlega úthlaupið, sem þess art er til, þar til stimpillinn í
 smástykki molaðist, og minnar hægri handar þrír fingur í
 sundur brotnuðu, og aðrir þrír fingur minnar vinstri handar
 stórlega lerkuðust, en eldsins áhlaup brendi báðar mínar
 hendur og mig upp undir axlir, og í því sama bili kastaði
 15 stykkið mjer 60 faðma lengd af sjer og frá skipinu, og þar
 eg kom niður sökk eg því nær til grunna, hvar eð var
 nærri tírætt djúp. Og á meðan eg var á ferð ofan eftir
 kafinu bifalaði eg mína sál í hendur almáttugum Guði, og
 vonaði ei meir til þessa lífs að komast. En nær eg upp
 20 aftur viðleita vildi með sundi mjer að bjarga ef ske mætti,
 gat eg ei með höndum vör tekið fyrir minna beggja handa
 brotnum fingrum. En fyrir Guðs sjerdeilis náðar aðstöð
 fjekk eg fyrir fóta aðfylgd og meðal uppá sjóinn aftur kom-
 ist. Heiður, lof og þakkargjörð veri og veitist, sje og
 25 syngist því blessaða og dýrðarfulla nafni vors Guðs, sá eð
 sína náð og miskun og gæsku ljet á mjer svo föðurlega og
 linkindarsamlega auglýsast, langtum framar en eg aumur og
 óverðugur hafði forskuldað eður tilverkað, heldur alleina
 sína náð hjer með að bevisa, öllum trúuðum til styrkingar,
 30 huggunar og dygða-aukningar, svo hans heilaga nafn mætti
 því heldur vegsamast og elskast, og hans dásemdarverk í

¹⁾ fallbyssur fóru fyrst að tíðkast á 15 öld, svo 300 ára hafa þessar fallbyssur ekki getað verið; Súrland = hjeraðið Sauerland milli áнна Sieg og Ruhr, er falla í Rín, þar er járn mikið í jörðu og voru þar áður steyptar fallbyssur. Sjá Blom, Chr. IV.s Art., bls. 237.

²⁾ forsetill, o: d. Forsætter. Sjá Blom, Chr. IV.s Art., bls. 302.

minni leggjast af mjer og hans trúuðum og með þakklæti mætti þar jafnan á minst verða. En í þessum svifum kom vor bátur frá landi, og nær þeir fengu mig litið varð þeim skjótast aðvent mig að sækja. Og nær þeir komu þangað, þar eg á grúfu flaut, og allur gagnstokkinn í blóði, en þó 5 með máli nokkru en litillri heyrn, því blóð og heili útflaut af báðum mínum eyrum, höfuðið aflagað af því mikla hljóði, er stykkið af sjer gaf nær þess affýring tilgekk, og nær það mjer á augnabliki í burt fleygði, brjóst og kvið sprengdi og fordjarfaði. Sá maður hjet Marcús er fyrst höndum til 10 mín þreif, vor undirskipherra, einn sjerdeilis mætur, skynsamur maður og skarpvitur mjög. Nú var eg ei meir klæddur en einni skyrtu og ljereftsbuxum með silkihúfu á höfði, berfættur. Og nær eg með bátnum kom að skipsborði stóð fólk svo þykt sem kunni tveim megin stigans, er eg með 15 þeirra tilstuðningi upp gekk, en báðir kaptugar fyrst Sixtus Jacobsson¹⁾, skipskaptuginn, þarnæst Christofo Boye, sem var á heimreisunni ásamt mjer og mínum lagsmönnum fartugi, en í öllum ráðum hinum samjafn, stóðu út við borðstokk og meðtóku mig sjer á arma. En eg voga 20 ekki að innskrifa hjer míns kaptuga orð eða hrósun, sem hann mjög grátandi mælti, nær hann mig með kossi sjer í faðm tók, en þó með leyfi, að hann sagðist heldur hafa viljað missa 2 eður 3 menn en mig, hvað ótrúlegt má nú virðast, en samt eru það vissuleg sannindi. Þeir leiddu 25 mig svo báðir aftur yfir miðskipa að vindustólpanum, og þar að seig mjer ómegin.

Strax tók mig Christofo Boye og bar mig ofan á kistu bartskerans, M[eistara] Arntz, en M[eistari] Vilhjálmuur var í landi og nýlega kominn, sá eð var engelskur, sá 30 eð var yfir öllum hinum, er sig með þessari reisu gefið

¹⁾ Sixtus (Sixt, Six) Jacobsen var með í Indíaför Ove Geddes. Hann var síðar í ýmsum sjóferðum, meðal annars kom hann til Íslands með Holger Rosenkranz 1629. Mads Rasmussen segir að hann hafi verið enskur að ætt. Um hann sjá annars Lind, Kr. IV. og hans Mænd, bls. 257—258.

höfðu, var nú ei til í þetta sinn eður nálægur, og fyr ei aftur von en að morgni. Christofor Boye befalaði Meistara Arntz að viðleita strax með mestu kostgæfni blóðið að stilla, og til ferskra benja sem fyrst að taka, hvar
 5 út í hann taldi sig vanmáttugan, af því meir en úr hundrað stöðum blóð pípti, og kvaðst þá vinstri hönd um unglið afliða verða, hvar við kaptuginn biturlega gramdist, svo hann sló hann högg undir hvorn vanga, svo hinum rjeð við, og fyrirbauð honum í það sinn neitt meir til að gjöra en
 10 blóðið að stilla. Bartskerinn heimti umbönd og það hvað þar meira tilhlýddi, en hann greip þá skyrtu, er með móru var saumuð víða og kosta kunni í Kaupinhafn eitt rose-nobel, og hana í refra sundurreif, fjekk honum og skipaði það fleira að heimta er með þyrfti. Var svo tekin full,
 15 stór vinskál, hálfvarmt, og mínar báðar hendur þar í lagðar, með annari viðleitni blóðið að stilla, hvað þó ei varð leikið fyr en um miðnætti frá nóni. Og síðan varð eg sakrament-eraður og meintu meun eg mundi þá og þá sofna og hjeðan í Herrans hendur burt fara. En eftir miðnætti tók til að
 20 vaxa minn andardráttur, og síðan smáhjarnaði eg, svo menn sáu mig gjörla með lífi og hræringu. Timburmönnum var bifalað að gjöra mjer eina breiða trjesæng með fjórum smástólpum, sem og strax gjörðist, sú eð flytjast mátti um skipið úr einum stað í annan.

25 Strax um kvöldið eftir þennan atburð nýlega orðinn sendu kaptugar til lands með sitt tilskrif til generals, honum þar inni að auglýsa mitt óheillasamt tilfelli hvatskeytlega orðið, hvar yfir hann ásamt yfirsettum og undirgefnum, er á kastalanum voru, og þar með indíanskum (kunningjar
 30 mínir orðnir) sig stórum aumkuðu, og að næsta morgni sjálfur persónulega með indíanskum bát ásamt gubernator, rector, prestinum og mörgum indíanskum marcatoris eður kaupmönnum útdrógu og erusamlega vitjan gjörðu.

Og að öllu því fólki samankölluðu og komnu varð
 35 M[eistara] Vilhjálmm og M[eistara] Arntz befalað til minna brendra beina, brotinna fingra, óslitinna sína með mestri snilli, og hógátlegri viðleitni að taka og sína ment og kunnáttu

það frekast mættu í ljósi að láta, og lofuðu drykkjupeningum og tilgýljun hverjum þeirra fyrir utan sín mánaðarlaun, ef mögulegt væri að þeir með guðlegu fulltingi fengi mig læknað. Bartskerum þótti mest um það, hvernin eg var allur brendur svo mjög að mín bein voru hvít sem í eldi 5 hefði legið. Voru þar öll yfirvöldin áhorfandi og margir með gráti sig yfir mig aumkandi, þó allra mest minn kapteinn Christofor Boye, hver eð setti 6 menn á mjer að liggja á meðan bartskerinn Vilhjálmur mig undirlegði og viðhöndlaði sem tilhlýddi eftir venjunni. En eg bað hann 10 mig engan snerta láta utan stór nauðsyn tilneyddi, því mjer prestarnir og þeirra hjávist með Guðs náð þar til nægði, þeir eð sátu fyrir framan mig og hugguðu með Guðs náðar fyrirheitum og orði, hvað og sannlega skeði. Ei þóttist bartskerinn hafa vitað nokkurn mann mjer þolinmóðari, hvað 15 Guð sjálfur alleina verkaði af sinni náð, þar sem hann varð með knípítöng að sundurbrjóta fingurnar, þar sem tilhlýddi, og með járnum liðina út að taka og plokka það brenda skinn, með lítt beittum járnum í sundur sagla, og inn í hendina milli sjerhvers fingurs og liðar með margslags 20 járnum að leita, einkum þær trjeflisar hið nákvæmasta út að höndla, er hann sagði yfir 300 vera mundi. Kaptuginn bað hann mig ei svo mjög kvelja sjer fyrir augum. Hann kvað svo vera yrði, hann hlyti sín instrúment að brúka. Þessar allar kvalir og margt annað meir varð eg að liða og 25 útstanda, hvar yfir sig allir furða ljetu, og það eg úr slíkri dauðans neyð frelsaður og til lífs leiddur ei fyrir nokkurs manns skynsemi augljóst, heldur tillagðist það dásemdarkerk Guðs heilaga nafni, honum til lofs, vegsemdar og heiðurs, svo sem alleina tilhlýddi, og með öllu verðugt var, 30 og varð innskrið fyrir eitt stórt jarteikn Guðs í vora reisubók, að Guð hefði mig læknað framar en þeir.

Generallinn bauð mjer þá og þrásamlega endrarnær til sín í land upp á kastalann, og svo gott með sjer hafa sem honum sjálfum veittist, hverju eg neitaði jafnan, því minn 35 hugur stóð ætíð heim. Tveir menn af öllu skipsfólkinu

voru mjer jafnan til þjónustu og vöktunar fengnir á nóttu og degi, og þar til 2 menn af vaktinni. Í 14 vikur lá eg alls, en 8 vikur upp í loft á bakið, með útbreiddum armleggjum, hvar undir lagðir voru 80 svæflar, er mjer af sjer-
5 hverjum voru svo ljúflega framboðnir og tillátnir af sjerdeilis ástsemd, hvers eg vona að Drottinn hafi minst og athugað, þeim öllum til góða, í sinni náð. Item 7 myskin eður pelar vins voru mjer á hverjum tveim dægum tilsögd og fram látin, einnin sá best tilreiddi matur borinn, og
10 mjer með mjúkastá hætti boðinn, svo sem og fleira annað, er mig kynni eftir að langa, var mjer skikkað þess að óska á hverri stundu, er mín girnd til rynni, hver elskuatlot meiri háttar og minni ei verður hjer nóglega uppreiknað, en Guð allrar mildi, miskunar og náðar virðist sjerhverjum
15 þeim, eð svo gjörðu, eilifum náðar verðlaunum aftur að miðla í dýrðinni eilíflega. En þó með mestri nákvæmni og alvöru viðleitað væri, að eg fengi nokkurs matar neytt, hefði mögulegt verið, gat eg ekki með nokkru móti, og tjáði ei þessvegna, en þó vor kokk, Hans Pjetursson að
20 nafni, sig þar yfir oft ýfði, að eg vildi einskis neita, með því hann þóttist með mörgu móti sig stórum tillagt hafa minn mat að tilreiða með besta hætti, kunni þó ei þar með að forþræst, því eg mátti ei matiinn líta og ei vín smakka, sakir þeirrar þínu, sem eg innvortis leið, er þá
25 hina ytri langt yfirtók, því stykkið hafði sprengt mig innvortis, og einnin mitt höfuð, inn frá hvirfli til ilja allan aflagað og úr rjettri hegðan fært, svo eg varð mínum kunningjum óþekkjanlegur.

Margir hörmuðu mitt slyslegt tilfelli, einkum minn
30 kaptugi, generall, rector, minn góði Herra Jens, mínir lagsmenn, og jafnvel Indíanskir, og sá sem minn þjenari verið hafði kom út tvisvar að harma yfir mjer. Sú fróma Temperentzia sendi mjer út mjólk, epli og aldini, og það fleira, sem hún meinti mjer smakkast. Generall kom út þrisvar
35 að vitja mín, og bauð mjer vingjarnlega til lands og vist með sjer, hverju eg neitaði, því eg treysti ei þeim bart-

skerum, er á kastalanum voru, sakir þeirra ungdóms, en generall meinti að eg sjer vantroysta mundi, hvað ei var að nefna.

XXVIII. KAP.

Að seytján dögum liðnum eftir það eg hafði þennan 5 skaða fengið, sem var þann 24. Septembris¹⁾, sigldum vjer í burt þaðan í Jesú nafni, einskipa að loknum kærum kveðjum, að bæn og blessan gjörðri og flestum stykkjum affýrðum.

Þessir voru yfirvöld skipsins eiginlega: kaptugi Sixtus 10 Jacobsson, skipherrar tveir, en Christofor Boye, tveir herra menn, Arnt Van Coten og Söfren Harebó²⁾ með gubernator og flestöllu skipsfólki voru fartugar heim á því skipi, því hennar heimanferðarfólk settist að mestu alt uppá vorn kastala Dansborg í vorn stað, en vjer aftur í þeirra 15 stað til Perlunnar. Fengum vjer góð byrleiði þaðan eftir því sem þeim árstíma tilhlýddi. Eina pagagöju³⁾ þaðan höfðum vjer með oss til ferðar tekið, sú eð kunni manns mál að tala, bæði í indíánisku, portogalísku og þýsku tungumáli. Og nær vjer höfðum nær 11 vikur í sjó verið sýktist hún og 20 talaði general hart til, að hann hefði sent sig í slíka háskasamlega reisu, og kvað hann valdan vera síns dauða, ef hún þess vegna dæi, en þó ef Guð vildi svo vera láta sagðist hún tilfriðs gjarnan skyldi vera. Og þar eftir innan þriggja daga dó hún og varð útbyrðis varpað. 25

¹⁾ Mads Rasmussen segir 27. Sept. 1624.

²⁾ Sören Harbou var með í Indíaför Gjeddés. Um hann sjá Lind, Kr. IV. og hans Mænd, bls. 238. — Um Arent von Kalden eða Kolden er getið 1626 sem skipstjóra. Sbr. ath. RC. við dönsku þýðinguna.

³⁾ Þess ber að gæta að Jón Ólafsson hefur líklega ekki sjálfur getað heyrt til pálagauksins þar sem hann var fávækur, en hann hefur trúað því, sem honum var sagt um hann.

Eg hjarnaði smásaman fyrir Guðs náð og vilja, eftir því sem áleið, þó eg stóra þraut til þyldi, bæði hið innra og ytra, svo eg fæ þar ei nóglega umtalað. Mitt hár lá laust á minnu höfði svo það mátti af strjúka sem eitt laust duft, 5 mitt skegg afflaut alt fyrir neðan munninn, en hitt varðveittist undir trúlegri aðgætni með hárinu, sem með dúk var umbundið, sem með hverju dægri hlaut aftakast og plokkast, og var sem úr smeltu vaxi hefði verið uppdreginn, af þeirri fitu, sem útgekk af mínu holdi, svo sem og annars- 10 staðar af öllum mínum líkama útkúgaðist mergur og fita, svo flestum mínum skyrtum hlaut í sjó að varpa. Það sje hjer um nóg að sinni sagt, þó hjer um mætti enn fleira og meira talast, bæði um mína drauma, sjónhverfingar og þessháttar fleira. En þó lampi brynni yfir mjer frá rökkri til 15 albirtu og enginn skuggi mátti dragast nje komast fyrir hans birtu, og nær svo viðbar, var það líkast sem eg með sverði væri í hjarta lagður, og eigi þóttust mínir vaktarar vitað nje sjeð hafa að mig hefði svefn á runnið í ellefu vikur. Og nær 14 vikur voru frá liðnar mínum skaðadegi, 20 varð eg í minni hvílu uppreistur, síðan á bekk settur hjá butilerínu, með umbúðum umkring, og þessir tveir menn til vöktunar. Síðan varð eg færður með sænginni og borinn uppá þilfar fyrir kaptugans befalling, hvar hann og aðrir hjeldu ljúflegu samtali við mig daglega, og vor prestur 25 H[erra] Matthías, alt þar til eg komst á fótinn fyrir Guðs náðar fulltingi, en ei brúkaðist eg til nokkra verka, og öllum varð tilsagt af yfirvöldunum, að hver maður skyldi mjer til huggunar og gleði vera, hvað og skeði, hvað alt var furðanlegt Guðs verk. Hans nafn sje blessað að eilífu! 30 Amen!

Ekkert sjerlegt bar til tíðinda á vorri heimreisu, utan vor kokk Hans, hvern þeir hjeldu gjört hafa contract við Satan, gjörði eitt sinn stórt klamari, svo alt fólk var uppi honum í gegn, hvar um hann ei sinti, því hann á útreisunni 35 hafði útboð gjört 180 fólks, og hann varð fjötraður, höfuð, hendur og fætur, og við sterka járnhringa reyrdur á höfði niður en fótum upp, og á augnabragði strax laus. En eg

var einn undir þilfari nú í þetta sinn, er eg á heimreisunni tilvissi, er hann komst öllu fólkinu úr höndum, og hljóp ofan lúku hjá stórmastrinu og að sinni sæng. En eg spyr hvað nú eigi að vera. En hann segist kaptugann deyða skuli, og greip sína tvo stóru kokkshnífa. Og fyr en hann 5 fjekk sjer umvent kom kaptuginn Christofor Boye á bak til við hann, og greip um hans báða ungliði, en hann senn friðmæltist, því mikill fjöldi fólks handgreip hann, og ljet hann sig þá viljuglega handtaka og í boltinn innsetja, og það um 3 menn yfir sjer að vaka með byssum og brenn- 10 andi luntum, og kvað þeim það best leikið, svo ekki stærri ólukku af sjer biði, og svo var gjört til næsta morguns, og varð enn laus látinn, því hann hirti um ekkert straff, og þjenti því ei neinu þessháttar við hann að offra, nema því stóra straffi alleina, því hvað straff er slíkum hentugra? — að 15 hinu öðru gjöra þessir spott. Í öðru sinni hafði hann til reiðu eldrauðan brandfork, og með honum hugði hann kaptugann gegn renna, hefði eg ei viðlitið og til kaptugans gripið. Það sje að sinni nóg hjer um talað, en ei að heldur er hann úr sögunni. 20

Fyrst vjer frá Indíum afsigldum höfðum alls innan skipsborðs 140 fólks (eg meina stórt hundrað), en nær meir og meir á heimleið dróst tók vort fólk að sykjast smám saman af þeirri almennilegu vatnssótt, er flestum til vill á þeirri löngu og háskasömu reisu, svo að fyr en vjer kom- 25 um hingað í Afríka voru 5 vorra manna í burt sofnaðir og fyrir borð drifnir. Og þegar vjer vorum komnir fram undan Caput de Bona Sperantia í Afríka þá hljóp á mikið veður af norðvestri, svo fáir menn mundu til þvílíks. Þar kemur mikill sjór, því þá menn koma þangað tekur nokkuð loft 30 að kólna, og þar er bærilegt hitans vegna, en ei komum vjer þar, því vjer hjeldum þar mjög djúpt fyrir¹⁾. En við St. Helena eyland komum vjer, sem liggur nær undir mið-

¹⁾ Að því er Síra Mads Rasmussen segir kom skipið við Góðarvonarhöfða 6. Nóvember og lá þar til þess á annan í jólum. Þaðan hjeldu þeir til Saldanhaflóans og lágu þar frá 2.—13. Janúar.

díkislínunni Equinoctialis, svo sem siglingamenn tíðum plaga að gjöra, nær það finst og straumar og stormar ei forhindra. Það er lítið eyland og ein vika sjóar umkring. Það er að sjá sem einn stapi mjög hár upp úr sjónum og ei gott upp-
5 ferðar. Portogaliskir menn bjuggu þar fyr meir nokkra stund og höfðu þar bæði svín og geitur og annan þarflegan kvikfjenað, sem sáðu þar til tóbaks og sett hafa dýrðleg aldinviðartrje víða þar niður, en allra helst uppá þess hvirfli um þær fögru, sljettu, lystugu flatir, hver trje að bera þau
10 lystilegustu og sætustu epli. Þar er mjög þungbært neðan að komast, því að nær maður meinar sig að sjá það hæsta þá er eftir annað og hið þriðja slíkt, og ei þykjast menn vita svo landi varið eða með þvílíkri hegðan finnast mega. Ei verður þar lent nema í einum stað, sem kallast Kirkju-
15 höfn, og hafa þeir portogalisku menn þar haft sína kirkju, hver eð í þann tíma var vel stæðileg sem vjer þar komum, Anno 1625. En nær Spanskir og Hollenskir voru óvinir sín á milli, svo voru og þeirra þjóðir, hvar um heim hittust, og því þorðu ei þessi eylandingar þar lengur að viðhaldast
20 fyrir sakir flamskra manna aðþrengingar og ofsókna, er þeir þar áttu sífellt að mæta, einkum síðast, að þeir með felmtri og ótta miklum urðu bæði land og eignir að umflýja. Og því er þar á þessa eylands hæðum og um dalverpi mikill hópur svína, af þeim þar eftirskilinn, og eru
25 orðin vilt og nást ekki nema með hlaupum, hörku og fylgi margra manna. Vopn hafa þeir þar til þau að vinna, er þeir kalla krosslensur, og er það sjómannavisa, að nær hver fyrir sig (sem þar við land koma) hafa á haldið, að þeir skilja þessi vopn á götum eftir, þeim fyrst til fjalls horfa,
30 og má þau hver sá brúka, er þeirra við þarf. Vorir menn náðu 9 svínum mjög stórum, en þó með stóru ómaki. Eg skreiddist og upp þessar háu hæðir og lá þar eina nótt með mínum kompánum við stórt tjald; gjörðum vjer þar mikinn báleld, og sátum kringum hann, hafandi bæði vín og vistir,
35 og einn geithafur, hvern þeir höfðu nýlega deytt, varð á þessum krossteinum steiktur og síðan etinn. Og nær vjer sátum sem værilegast yfir vorri máltíð, kom einn stór villi-

göltur heim drattandi til vor að eldbálinu. Þeir köstuðu strax, sem fyr tilnefndir voru ef við lægi, bæði knífi og stykki, og runnu eftir honum þar til þeir fengu hann deyddan, og síðan sofnuðum vjer alt til morguns, utan vökumenn einir.

5

Í þessari ferð náðum vjer fjórum, og á miðjum degi fórum vjer út til vors mikla skips. Og á móti kvöldi sáu menn, sem í topp stigu, eitt stórt skip sigla undir eyna. Ei bárum vjer kvíða fyrir spönskum mönnum, því kóngar voru vinir í þann tíma, en strax var kikir gripinn og skoðuð 10 þeirra toppmerki, og þektust að vera flamskir menn, sem var compagní-skip, og austindíanskir farar frá Amsterdam, og hjet skipið Sá Væni Haukur en þess kapteinn Jóhann Cather. Þessir voru brauðs og annarar fæðu viðþurfandi, hvað þeir strax fyrir oss auglýstu, það fyrst sem samanbar 15 vorum fundum. Þeir buðu oss samfylgd á meðan hvorki vindur nje önnur ókjör sundur bægðu, hvað vjer gjarnan þáðum, og urðu svo hvorir öðrum fegnir. Butiler Pjetur Franzson var í káhyttu innkallaður og af yfirvöldum að-spurður, hvort hann treysti sjer til nokkurt brauð við þá 20 að afleggja. Hann kvað það satt vera, því hann meinti oss hólpna vera til alls þess, sem matarföngum að hnje. Slíkt gjörði hann fyrir vínáttusakir og landsmannsskuld, en hugleiddi ekki hvað ske mætti, en þó í þann tíð vel fjelli og byr í báðum skautum lægi. Slíkt álit og grönn um- 25 hyggja gjörist enn nú margra og víða, kanske ekki sist í æðri efnum. Ljet hann þeim hið besta brauð í tje í mörgum sekkjum, en vor yfirvöld treystu honum til fullrar forsjónar hjer um eftir hans embættisskyldu, þar með fleira af mat og víni var óspart til útláta við þessa flamsku menn, 30 þar með og líka var skift til helminga vor á milli af þeirri villiveiði, er skeði við þetta nefnt St. Helena eyland. Og nær sem vjer höfðum þar 5 daga legið hjeldum vjer samskipa þaðan frá landi og hingað í haf og höfðum besta byrleiði.

35

Einn hollenskur maður Pjetur Alkmar að nafni, brann af púðri óvarlega þar hann sat í skipsins galiónu

[öllum óvitanlega]¹⁾ á sínum bakhluta, af því stykki, sem af var fýrt og rjett fram og við stefni stóð. Þessi lá lengi undir bartschera hendi, og þótti honum ógott við að eiga sakir hans ópolinmæði, og nefndu tíðum þá dýrðlegu gjöf
 5 Guðs, sem mjer var gefin af hans náð og föðurlegri elsku í mínum hörmungum. M[eistara] Arntz og mjer fór það á milli nokkra stund, að hann hjelt mínum tveimur aftekn-um fingrum hjá sjer, og sagði sjer þá tilheyra með rjettu, hvað mjer lítt líkaði, en varð þó svo búíð að líða, og ljet
 10 gjöra koffur að á laun og með dýrlegum smyrslum þá þar innlagði, þó ei meðkendist, og hafði sagt drukkinn einn tíma, að hann þá ei vildi missa fyrir hundrað dali nær um framandi pláss færi.²⁾

Einn dag var það blíðan og byr lá í báðum skautum
 15 og horfðist vel á um hagi manna eftir holdlegu álit, að vjer lágum í hgegómlegu samtali nokkuð framarlega á þiljum; einn að nafni Barthel³⁾, minn góður vin og leikbróðir, einkum í fikterii, var að tala, en þó einfaldlega, um vör efni, og bað nú Guð það náða, hvernin það hefði tilgengið,
 20 að allir kæmi nú lífs og lima heilir heim utan eg. En kaptuginn Christofof Boye bar fljótara að en varði neinn af oss, og gekk að Barthel og lagði sitt högg honum undir hvorn vanga, og sagði honum nytsamara verið hafa að gefa mjer huggunar en hrygðaryrði, og kvað hann enn ekki heim
 25 kominn, og tók oss vara fyrir öllu oftrausti, og fyrirbauð öllum mjer nokkra stygð að gjöra í orðum nje verkum, hvað og fullkomnaðist.

Nú þegar svo langt á leið vora heimreisú að vjer vorum komnir 90 mílur hingað fyrir Tyrkiriið, og alt til þess
 30 höfðum haft gott byrleiði og vel líðið, og ei mist utan 5

¹⁾ Þangað var gengið til kamars. RC.

²⁾ Dauðra manna fingur (eða hjer dauða fingur) mátti eftir þeirra tíma trú nota til margs; hjer virðist vera átt við þá hjátrú, að sá sem bæri þá á sjer gæti ekki villst.

³⁾ Á lista Síms. Jóhansens er getið um bátsmann að nafni Bertill Gundersen.

menn, sem var Jacob¹⁾ vorn stýrimann, ein byssuskytter og 3 bátsmenn, — nú bar svo við á sjálfan pálmásunnudag, eftir þrjedikan og máltíð, að upphófst ljótlegur leikur með fólkinu undir þilfari, eftir indíanskri og heiðinglegri siðvenju og dansvisu, nær indíanskar pagóguhóru dansa fyrir þeirra 5 bölvuðum afguðum, og í þennan leik hafði Arntz vor bartskeri sig gefið, því hann var þá einn ungur mann. Og nær eg leit slíkt hvað hjer með gjörðist gramdist eg í mín-um anda þar yfir mjög þunglega, og forbauð eg bartskeranum og Pjetur Lálík slíkan djöfulsleik að fremja, því 10 þeir báðir voru mjer kærir, og setta eg þeim stórar fortölur, svo það spurðist í káhyttu. Strax ljet M[eistari] Arntz af og Pjetur Lálík. Senn hjaðnaði niður þessi vondi leikur, og þóttust sumir hafa ofgjört. Prestur vor, H[erra] Matthías, þakkaði mjer stórum fyrir, og bað mig eflast framvegis til 15 guðlegrar vandlætingar og fleira góðs annars, því hann var þá orðinn veikur nokkuð. Líka þóknaðist það kaptugum báðum.

Svo leið þessi dagur. Og sem kvöld kom og eftir máltíð og setta vakt gengu allir menn til hvíldar, utan vakt- 20 mennirnir.

Um miðnætti nærri dreymdi mig mjög þungan draum þess háttar, að mjer þótti að eg lá í minni hvílu sem og var, og þessi maður Barthel, er eg fyr nefnt hefi, kom þangað og lyfti yfirklæði minnar hvílu af mínu andliti ofan 25 til miðs, og þótti mjer bera mikinn kníf beittan sjer í hendi. Eg þóttist skelfast við hans reiðuglegt andlit og hans grímt og mjög hastarlegt tilgrip, og þótti mjer hann upphefja þann stóra kníf, og ljetst vilja stinga mig með honum, en eg þóttist nákvæmlega hann um vægð biðja, og segja mig 30 stórum forundra hans umbreytt sinni við mig. En hann sagði sjer væri svo bifalað af Guði, þeim mikla konungi, mig og alt skipfólk að deyða með þeim mikla hnífi. Eg þóttist því stórlega neita að hann mig deyða ætti eður

¹⁾ Jacob Adriansen, sem á lista S. Jóh. er talinn 1. stýrimaður á ferðinni til Indlands.

guðlega skikkan þar til hafi, því Guð hefði mjer nýlega líf gefið. En mjer þótti hann segja, satt væri það, ekki ætti hann mig að deyða, hann hefði viljandi svo freistað mín. En hitt væri sannindi, að fólkið ætti hann að deyða. Eg
5 þóttist segja hvað mjer væri einum eftir að lifa, ef alt fólk annað deytt yrði, og þóttist eg hann nákvæmlega biðja að þyrma nokkrum með mjer, sem væru mínir bestu vinir. En hann sagðist svo eiga og skyldi gjöra, og hverjir sem svo náðuðust og líf yrði gefið, það skeði fyrir mínar sakir og
10 bænastað, en tveim megin skipsborðs væri sjer bifalað með sinn kníf að ganga. Og eg sá hann uppbyrjaði fyrst utan káhyttudyra á bakborð, og sagði: »Þjer höfðuð vondan leik í gær, nú vil eg leika í dag.« Slikt grimt atferli ógn-
aði mjer svo mjög í svefni að undrum gegndi, og ei varð
15 eg með hrópum vaktur þeirra í sængum lágu, fyr en tveir menn af vaktinni komu og fengu mig um síðir upp-
vakt, hverjum eg fjekk nokkra stund engu gegnt. Þeir gáfu mjer að drekka, því mjer var mjög dátt við orðið. Og nær minn kaptugi fjekk þetta að vita, jafnskjótt gekk hann
20 til mín og kvað sjer litist þunglega á þeirra draums merk-
ing og kvíða í brjóst runninn. Menn báðu hann ei sig þar af harma eður neitt sjer til hrygðar taka, því draumum væri ei fullkomlega að trúá. Og á þeim degi fjekk eg
einskis matar neytt, því þungur kjöllur var mjer að hjarta
25 hniginn.

Um miðnætti kom Pjetur Alkmar ofan undir þiljur af sinni vakt, og gengur að minni hvílu, og spyr mig hvort eg vakandi sje. Eg sagði svo vera muni, og ei hafi eg stóra værd haft í tvær nætur. Eg spyr hann, hvernin veður
30 sje, en hann segir vorn venjubyrt þrotinn. Í öðru sinni hann kemur ofan til mín biður hann oss nú Guð náða, nú sje mótvindur kominn af norðaustri. En um sólaruppruna var komin svo mikil ógn, að varla var skipheilt og mersusegl inntekin, og skömmu síðar jók svo ógn hastarlega við, að
35 stórsegl og fokka flugu burt sem pappír verið hefði. Var stórsegl fjórbyrgt en fokkan þríbyrgð. En af því alda var mikil úr vesturhafi áður en lausasjó jók hastarlega úr land-

norðri úr allri venjulegri gegnd, og að seglum burtdrifnum kastaði sú mikla sjóarógn því stóra skipi sem annari kistu úr einni báru í aðra, og en þó 7 málfaðma hæð væri af hennar compan eður rúndel til sjómáls samt mátti hver með hendi ausa, er þar stóð og til reyna vildi, útbyrðis sjó inn 5 í skipið á hljeborða, nær til sjóar lagðist.

Sú fyrsta ólukka, sem skeði um morguninn, nær mersu-segl skyldu inntakast, að Pjetur Alkmar fjell í sjó af rámúlanum, af einni ógnarlegri báru, er honum burt sló, en hann hjelt sjer í brasið, sem vjer köllum aktaum, þar 10 til honum varð hjálpað. — Sú þriðja að vorn litla bát tók útbyrðis upp yfir eins manns hvirfil, er stóð við borðstokkinn á stjórnborða í hlje, honum án skaða, sem var eitt stórt jarteikn Guðs almáttugs; þessi bátur plagaði jafnan laus að standa í þeim stóra bát. — Sú fjórða, nær vjer skyldum strika vora stórstöng með bramstöng og flagstöng þá sáu menn brest á stóra mastrinu. En báðir skipsins timburmenn voru uppi að viðleita að ofan strika mætti, hvað ei leikast mátti, af því skipið lá jafnan á stjórnborðssiðuna. og 20 þó maður stæði við mann upp eftir reiðanum, þá fluttist ei hróp þeim til eyrna, svo þeir heyrt fengi, að þeir ofan kæmi fyr en mastrið hrykki. Og um síðir hrökk mastrið, og þessir tveir timburmenn með því út í sjó; sá eð hjet Andrjes Jónsson, norrænn, varð undir allri þyngdinni, 25 því hann stóð í hlje, og marðist allur í sundur, en hinn annar, Cláus From, hafði staðið á vindborða, honum varð bjargað með útvörpuðum kaðli. Síðan hjuggu menn allan reiðann fyrir borð, svo alt frá laust yrði, svo skipið ei lesktist. 30

Hið fimta atvik ólukkunnar varð skömmu síðar, þá skipið hljóp í sjó framan brotnaði vort bogspjót við stefnið, og fokkstagurinn hrökk sundur. Þetta varð og strax höggvið laust frá skipinu. — Þá í sjötta máta, að litlum tíma liðnum, úthrökk vort fokkmastur, og með hast var frá höggvið 35 og losað, hvað alt kostaði mikla summu peninga. Þá stóð ei annað eftir en meisanmastrið af skipsins öllum segleið-

- skap, og var þá skipið mjög hryggilegt ásýndar. Þetta
 skeði alt á þriðjudaginn næstan fyrir páska. Nú gekk stór-
 sjór mikill yfir skipið svo undrum gegndi, og gengu menn
 til pumpu austurs, og varð ei uppausið, og voru þær alls 13
 5 með slagpumpum. Sýndist mönnum það ljósast eftir hold-
 legri sjón og brest náttúrelegs meðals að ei mundi annað
 fyrir hendi vera en dauðinn og bráður viðskilnaður við
 þessa aumu veröld, hvað alt vjer settum í vald og vilja
 vors miskunsama og náðarfulla Guðs, hverjum vjer oss til
 10 allrar umhyggju lífs og sálar beföluðum innilega um tíman-
 lega tíð og eilífa. Varð svo til bænar blásið og klukkum
 hringt, og að oss öllum samankomnum af prestinum, H[erra]
 Mattheo, föðurlega og ljúflega ámintir til iðrunar og ang-
 urtrega fyrir gjörðar syndir, og að hver og einn setji alla
 15 sína von uppá Guðs náðar fyrirheit í fullkomlegri trú og
 trausti, uppá þá dýru forþjenan og meðalgöngu vors endur-
 lausnara og frelsara Herrans Jesú Christi. Var þá að heyra
 kvein og grát yfir alt. Hjer af læri sjerhver maður að
 athuga sig í gamni og alvöru, að varast athugalaust líferni
 20 og vita lukkan er völt, en það yfir alt fram, að minnast
 þess að dauðinn er vís en dauðastundin óvís. Fyrir sermón
 þann, sem presturinn hafði, var sunginn sá psálmur: »Hjeda
 í burt með friði eg fer,« en eftir: »Nær hugraun þunga
 hittum vjer.« Einn maður, Adrían að nafni, flamskur,
 25 talaði til mín í miðri bæn og spurði mig að, hvort eg meinti
 að drukkna í sjó það harðan dauða að vera. En eg bað
 hann af slikri fávitsku láta, og að hugsa meir um það eilífa
 en stundlega, að vera óhræddur og fela sig í Guðs vald í
 Jesú nafni. Einn að nafni Jóhann Christjánsson, sá eð
 30 á þeirri fyrstu reisu til Indíen hafði af þeim Portogalisku
 hertekinn verið, leitaðist eftir þrátt síðar og mjög eftir voru
 samtali, en þó við værum góðir vinir, vildi eg hvorki hon-
 um nje öðrum hans holds veikleika auglýsa, svo hann ei
 þar fyrir síðar fixeraðist.
- 35 Síðan eftir gjörða bæn bað minn kaptugi Christofor
 Boye að menn skyldu ganga til pumpna, og ennnú viðleita
 að bjarga lífinu, svo vjer sjálfir ei fyndumst sekir í vorum

dauða, ef vjer annars slíkt forsómuðum, en Herrann ætti frjálst á hvorn veg hann vildi vor efni tilganga láta, og játuðum oss það hollast sem hann vildi láta oss af sinni náð tilfalla, og eftir Herrans bænarformi í grasgarðinum báðum að hans náðugur vilji mætti verða og á oss 5 auglýsast, og fólum oss svo honum á hendur til lífs og sálar.

En sem leið yfir nó nón þá varð allur lífatkerskaðalsstrengur Perlunnar laus, sá eð í fyrstu lá fram undir skipsstefninu á neðasta þilfari, og ei hafði á þeirri reisu ennnú 10 brúkaður verið, sá eð var 300 faðma að lengd, en svo digur að hver faðmur hafði vættar þyngd og kostaði 5 dali. Og nær skipið reis framanvert í mót þeim mikla stórsjó því meir kastaði honum aftur í skipið og út í bæði borð svo skalf við, og vissum vjer ei nær hann þá og þá mundi 15 skipið í sundur mola, svo vjer með óttafullu hjarta urðum án aðgjörða lengi hans aðgang og hræðilega hótan að liða. Þar með urðum vjer að áhorfa spilling og foreyðslu er hann gjörði með sinni harðbýllri umferð á allri vorri lífsbjörg, að fráteknunni því litla, sem af brauðsmælki var eftir orðið 20 eftir butilerans ofrúntleg útlát við þá Hollensku sína landsmenn af skaðsamri hans óframsýni við St. Helena eyland, og fyr var umgetið. Hann braut öll fót, pípur og ílát, þar spiltist alt vort vín, það góða og rauða spanska vín, því nær og tvær pípur fullar, sem hver þeirra tekur 10 tunnur; 25 ítem tvö tveggja tunnu smjörföt; ítem 8 kjötföt; þar í bland spiltist tjara og lýsi, svo alt varð óætt síðar meir. Þar spiltust öll vor risgrjón, sem til matar voru ætluð, ítem ertur og baunir. En vorar vatnspípur lágu undir þessu þilfari í skipsins fragtrúmi, og öll fragt skipsins, sem var 30 pípar í blikkslegnum rúmum, og menn þurftu oftlega með rekum og járnskúflum að umvelta, sakir eldlegs hita nær vanþurkast, sem hjer taða; ítem lá þar og öll önnur indíanisk vara, sem vjer með oss höfðum, ásamt öllu öðru greindu aldeilis óhindrað. 35

Sá rjetti skipskaptugi var Sixtus Jacobsson; í þessari uppið kominni neyð varð honum ekkert til ráða, utan

lá og grjet í sinni hvílu. En minn kaptugi, Christofor Boye, hann var í allri framgöngu og ráðum fyrir öllu, svo eg sá í engum þar innan skipsborðs forstand nje atburði til nokkurs þess, sem oss gagn mætti að verða og líf af leiða, 5 utan þessa eins manns og M[eistara] Mutten, sá eð var vor stýrimann, einn reyndur mann og gamall sjóhani, sem fyr meir hafði í hernaði og uppá friðbýteri í mörg ár verið með sín 5 sjálfseignarskip, en fyrir eitthvert eða fleiri hans frægðarstykki varð náðaður af kónginum á Englandi. Síðan 10 leitaði kaptuginn Christofor Boye við að stilla þann mikla æðigang þessa fyrnefnda kaðalhrings, og ljet 5 menn koma 5 súlum öllum undireins innan í hringinn nær kyrrast stöð, og þær 5 stoðir ráku þeir strax undir bita, svo hann hvorki stökki, skrikan eður köstum viðkom. Alt til þess 15 að svo gjörðist frá fyrsta var oss voði og lífsháski sýndur af umslögum þessa kaðaltogs. Og að honum svo stiltum fyrir góð ráð míns kaptuga Christofors Boga gafst meiri friður og minni ótti.

Í móti kvöldi þess sama dags komu þrjár báurur ógnar- 20 legar, af hverra megni að stýrið frá gekk skipinu. Og hver stórsjór sýndist úr lofti yfirfalla, og ei var vært nokkrum manni á þiljum standa, svo þeir eð til reyndu rotuðust af sjómegni hvernar bylgju. Þá gafst enn meiri tvísýni til töpunar. En minn kaptugi Christofor Boye hafði því 25 meiri hughreysti fyrir Guðs anda áfýsi, hvar með hann sig og aðra í Guði jafnlega glaðvær huggaði, og sagði nú sinn kraft og annara rjenaðan með öllu til allra mannlegra atburða, bað því alla Guð um andlegan styrk að biðja, og þó að líkamlegt skipbrot tilfjelli, ef Guð svo vildi vera láta, 30 að vjer mættum andlega varðveitast fyrir hans náð frá trúarinnar skipbroti, svo vjer mistum ekki, heldur hreptum þá eilífu sönnu sæluhöfn með öllum rjetttrúuðum í því eilífa fyrirheitna föðurlandi, alleina fyrir þá fullkomnu afrekan vors sæla sigurvegara Jesú Christi, sú eð á tíma vorrar 35 hörmungar af Heilagri Þrenningu samþykkilega ályktaðist manninum fyrirheitin, öllum rjetttrúuðum tilsögð og í tímans uppfyllingu kröftuglega framkvæmd og fullkomnuð.

Og að þessháttar meining framsagðri setti hann menn við pumpurnar til umskifta, en hinum öllum til hvíldar að víkja. En mig bað hann með sjer uppá þilfar að ganga ef eg gæti, og leiddi mig upp að vindustólpanum, og bað mig til Guðs biðja það innilegast eg gjöf til hlyti um sviun hörmung- 5 anna, og um líknartillit í vorri áliggjandi neyð og stórri nauðsyn. Gekk hann svo um stund litla frá mjer, og kom síðan aftur, og leiddi mig til minnar hvílu.

Meginstormur stiltist strax um kvöldið. En um nóttina beinbrotnaði einn fallegur ungur maður mjög, Jóhann 10 Fálki að nafni, sá eð lá í 12 vikur undir bartskera hendi. Eitt undarlegt sást að morgni, að gagnsjatnaðri ógn, að hringur úr voru stærsta lífatkeri var sjálfkrafa í burt horfinn. Nú á þessum morgni drógu menn sig uppá þilfar með sorgarlegum hætti, og horfðum í ýmsar áttir eftir voru 15 fylgdarskipi og lagsmönnum, hverjir þá voru oss úr sigti drifnir, og höfðu mist sitt stóra mastur og verið staddir í lífsneyð og mesta fári. Ei fundum vjer þá síðan. Í þessum stormi forgekk eitt hollenskt skip í Afrika upp á 500 lestir, hvers fragt að virtist 13 tonnur gulls, en það annað holl- 20 lenskt skip, sem því var í meðfylgd útörpuðu 100 tunnum pipars, og var það nær umkomið.

XXIX. KAP.

En sem leið að miðdegi sáum vjer eitt lítið skipkorn sigla úr austsuðaustri til vor, og hugðum vjer í fyrstu vera 25 stallbræður vora. En þetta voru Búskaier, sem fara allvíða fyrir hvali og fisk. Þessir sigldu í þrjár reisir í kringum oss og vort skip, meintu oss í herslagi verið hafa, og voguðu því eigi til vor að koma, þó vjer þá þar um þrásamlega beiddum oss í lífsneyð að hjálpa og til lands flytja 30 fyrir þreföld verðlaun.

Þar liggur ein ey úti Spanska hafinu, sem nefnist Torn-ey¹⁾, og þeir allir, sem þangað sigla, fara uppá fiskerí fyrir cabela²⁾, það er fyrir þorsk og löngu, og nefnast Torneyjarfarar. Þessir og hinir er þeim síðar komu til vor, fóru
5 þessa leið.

Nú vorum vjer komnir 90 mílur hingað fyrir Tyrkirið og vorum djúpt fyrir Vesturhafi, og áttum hálf tann hundrað mílur til Spanía í landsuður en 500 mílur til Englands, skipið segla- og stýrislaust en vjer með öllu kost-
10 lausir. Þetta alt gaf ötta og vantraust voru fólki, og kváðu auðsjeða vora töpun, utan ef til vildi að eitthvað skip á vorn veg bæri, og þeir hinir sömu fyrir oss í land sigldu. Við svoddan menn gramdist eg í hvert sinn mjög, er sú ræða til fjell, með því þeir í meðlæti og mótlæti sýndu sig
15 sem þeir engan Guð ættu, hvorki að óttast nje elska, og kynnu sjer því einskis af honum að vona. Þeir liðu mig vel, þó þeim þætti eg harðmæltur vera, og með því þeir fundu mig ei svo ósannsógulan vera í þessari vorri sam- eign og samræðu gáfu þeir tapt sitt hjegómlegt traust
20 og ástæði, en eg hjelt á því, að sá Guð, sem oss hefði enn þá svo föðurlega líknað og við dauðanum forðað mundi sjálfur til lands leiða, þá honum sýndist. Presturinn bað mig að lýjast nje linast ekki í góðum áminningum til fólks- ins í sinn stað, og að aftra óguðlegu athæfi til máls og
25 gjörða, því hann veiktist meir og meir, vort fólk ogsvo daglega eftir hendi af vatnssótt.

Oss hafði viljað það til lukku að vorar segrlár lágu eftir seglin farin á borðstokkum, og ljet kaptugi Christofor Boye timburmenn höggva úr þeim fokkmastur og segrlá.

¹⁾ Í Spanska hafinu er engin ey, er svo heitir. En það er þó auðsjeð hvað hjer er átt við. Torney ei nfi. = Terre Neuve, franska nafnið á Nýfundnalandi, sem þá og nú er frægt fyrir fiskiveiðar. Jón Indíafari hefur líkl. haldið að nafnið Terre Neuve, sem danskir fjelagar hans hafa borið fram „Ternøv“ væri eitt orð, og að síðara atkvæðið væri danska orðið „Ó“, eyja; svo hefur hann snúið þessu á íslensku í Terney eða Torney.

²⁾ holl. kabbeljaw, fr. cabliau, þorskur.

Vjer höfðum tvenn ný segl innanborðs. Stýri ljet hann gjöra úr 7 álna löngum bita sem þeir kalla pentelbjálka¹⁾, sem atkeri plagast að setjast með til rjettar, og urðu slegnir boltar úr skipinu til stýriskróka, en járnlangjur þar yfir beygðar, og alt kalt borað, og stóð það yfir í 8 daga fyr 5 en vjer fengum því fyrir komið, en allra sist aftur inntekið, með því allur skipsreiði með trjánum var í burt. Og nær þessu stýriskorni var með stórri aflraun fyrirkomið og því litla seglkorni var útslegið og við vindi hagað, gaf Guð oss norðvestanvind í hálfan mánuð, þeir eð oss vel og frábær- 10 lega framleiddu.

Eitt kvöld, skömmu eftir skaða orðinn, litum vjer eitt mikið tyrkneskt skip í suðvestur frá oss. Sumir voru til friðs að Tyrkjar tæki oss heldur en í hungri deyja, því vjer höfðum lofun kónglega og skriflega, að leysast undan 15 þeirra valdi, ef oss slyslega tilfjelli. Þar í móti bað eg og margir aðrir, ekki sist á þessari nóttu, að Guð vildi draga oss fyrir þeim í hlje og úr þeirra sigti, svo þeir fengi oss ekki að snerta, hvað oss veittist fyrir Guðs náð og hans mikla almættiskraft, svo að hvorki þeir nje nokkurs slags 20 þjóð fjekk oss litið nje skaða gjört. Sje blessað nafnið vors Guðs, miklist og viðfrægist hans dýrð, vald og dásendir! Amen!

Á næsta degi eftir orðinn skaða voru menn sendir ofan í brauðrúmið að hugleiða hvað þar til besta væri. Þá fanst 25 þar ekki nema nokkrir molar og þó skemdir af þeim kvikindum, sem stór mergð er af og í skipin komast þar í Indíum á nætur fljúgandi, að stærð sem óskabjörn, og cachelacar²⁾ nefnast. Á kvöldin nær menn uppreiða sín rúm undir næturhvíld, þá lúra þessi kvikindi þar inni í stórri 30 mergð, og hafa menn vendi í höndum að hýða slíkan ólýð í burt, því þeir á daginn geta ei flogið fyr en sólsett er.

¹⁾ Jeg veit ekki við hvað hjer er átt.

²⁾ d. kakerlakker, holl. kakkerlak, (lat. blattidae) upprunalega úr Indianamáli, svo nefnast einskonar ljósfælin skordýr, sem eru skaðræðisvargar.

Þar með eru völskur oft í skipum, sem mjög skemma matvæli manna. Nú sem þessi sorgarfregn fló fyrir yfirvöldin þá vildi minn kaptugi Christofor Boye að vor butiler, Pjetur Franzson hefði hengdur verið, og fleiri aðrir. En 5 með því að kaupmenn voru flamskir sem Pjetur urðu þeir honum hjer um ei samþykkir, og var lofað straffi síðan ef lífi hjeldum.

Þeir í káhyttu höfðu eins kjör og vjer um matleysið, því alt forgekk í einu, utan á meðan þessir brauðmolar 10 skemdir vöruðu. Gubernator hafði með sjer tvö kvikindi, sem var hjörtur og eitt indíanískt stórt svín¹⁾, en svo var hann spar að lóga þessu hvorju fyrir sig og aðra, að fyrir engar umtölur manna ljet sig þar til áfýsa, en þó síns sjálfs dauða fyrir sjónum hefði. Og nær menn sáu hans misk- 15 unarleysi og harðýðgi við sig og aðra samtóku skipmenn ráð eitt kvöld sín í milli að bana þessum kvikindum á nóttu, en þó á víxl, svo ei vart við yrði, og hugðu menn að káhyttumenn mundu ekki kæft eta, og ljetu um morguninn, sem sjer sjálf í myrkri fyrirfarið hefði. Hlaut 20 eigandinn gripanna með ekki svo búið að sekkja. En fegnir urðu yfirvöld sjálfdautt að eta, því neyðartilstand var fyrir hendi, og skiptu með oss og sjer til helminga.

Eitt kvöld síðla bauðst einn Hollenskur til að nafni Jón að bana ketti okkur til fæðslu. Eg kvaðst mundi enn 25 við biða nokkra stund fyr en þar til rjeðist, og dróst því undan, svo ei skeði. Vatn höfðum vjer nægilegt oss til drykkjar, og eitt fat fult ljet kokkurinn við oss alla í tje með floti, sem hann hugði skómökurum selja, er oss með brauðmolum nokkra stund treindist, eins innan káhyttu 30 og utan.

¹⁾ Áður hefur Jón Indíafari minst á hjört sem Hess átti. Mads Rasmussen segir frá því, að á heimleiðinni komu þeir við í eygni Ascension, fóru þar á dýraveiðar og tóku með sjer hind og eitt villisvín. — Skyldi annars ekki lýsing Jóns á St. Helena eiga betur við Ascension, og hann misminna um veiðina? En vel getur verið að þeir hafi farið á veiðar á báðum stöðunum.

Og nær vjer höfðum norðvestanvindi haldið í hálfan mánuð og vorum hingað á leið vel komnir, svo vjer áttum ei yfir hundrað mílur til Englands, komu síðan, að þeim vindi þrotnum, oss stórir og mótstæðilegir vindar, suðaustan og austan þvervindar í gegn, er oss stórum í norð- 5 vesturhaf frá löndum bægðu, svo að vjer um síðir áttum ekki utan hálf tannað hundrað mílur hingað til Íslands.

Þann 4. sunnudag eftir páska varð eg í káhyttu innkallaður og til ráða aðspurður, hvort mjer litist hingað að halda ef svo byðist og ef vindur svo samt stæði, því hingað 10 var þá skemst. En eg kvað hið mesta óráð vera, þar sem vjer værum að mestu stýrislausir og segla, hingað að halda, og strax sem það bilaði, ef svo til fjelli, værum vjer í mesta lífsháska staddir. Og að þessu dæmi og mörgum öðrum framleiddum snerust þeir frá því hingað að halda, og kváðu 15 það alt líklegt, eg tillagt hafði. Síðan að þessu svo úttöluðu og ályktuðu gekk eg burt, og sagði eg þeim oss mundi hjálp snarlega að höndum koma, fyrir efling og verkan Guðs náðar, gæsku og þolinmæði.

Skömmu síðar en þannin svo viðbar fjellu á aftur norð- 20 austanvindar með þoku og fýlingum jafnframmi. Nú á þessum tíma jókst daglega kvein og vein innan skipsborðs meir og meir, af þeirri vatnssótt, er mönnum til vildi, af hverri menn urðu uppblásnir sem líknarbelgur, og í þessum hrakningi, sem yfir stóð því nær í 8 vikur, mistum vjer 15 25 þá völdustu menn af voru fólki, fyr en Guð gaf oss land í sigti, og urðu sekkjaðir og söngur yfir þeim haldinn eftir kristilegri vísu, og svo í sjó varpaðir.

Þann næsta sunnudag fyrir uppstigningardag, nærri um miðjan aftan, birtist oss land, sem var eitt eyland vestan til 30 undir Englandi, er þeir Sjörlis¹⁾ nefna. Þá var mikill fögnuður innan skipsborða, og þakkargjörð Guði sögð af sjerhverjum, er með lífi og máli voru, og báru margir sig uppá þilfar af þeim sem lágu, en sumir urðu aftur til sinnar sængur að snúa. En með því nótt var fyrir hendi leitst 35

¹⁾ 3: Scilly-eyjarnar.

stýrimönnum og yfirsögnurum best fallið vera undir nóttina til hafs frá landi að snúa, því mikillra grynninga var að vænta. En um morguninn næstan eftir var oss land horfið, og hljóp á hart veður af norðvestri, sem varaði í 8 daga, 5 og í því veðri mistum vjer vort litla og lasna stýriskorn, sem oss í þverviðri (en ei undan vindi) hafði stórum liðsamað, og vorum vjer þá enn í mikla þraut komnir, og ei vissum vjer, hvort vjer vorum undir Frankaríki, Englandi eður Írlandi, því þau lönd liggja hvert nálægt öðru, og hafa 10 rauðan leir fyrir framan sig á mararbotni. Og nær sem þetta norðvestanveður slotaði sneri vindur sjer til suðausturs. Og um miðnætti vörpuðu stýrimenn sökku fyrir borð sem oftast, og fundu 28 faðma djúp, og ljettu skipmenn atker til grunns falla, og seglra á borðstokka, og fyrir megnleysis 15 sakir urðu seglskaut í sjó að liggja, því ekki voru utan 3 menn nú í þetta sinn á felli. Minn kaptugi Christofor Boye var nú einninn til sængur fallinn, en gengið hafði hann vist í 8 daga fyr en svo skeði á sínum knjám.

Um morguninn tíðlega heyrða eg káhyttu upplokið á 20 efsta þilfari [og heyrði ei meir] alt þar til að mjer kom, því eg hafði mitt legurúm ljeð mínum góðum vin Andrjesi Ólafssyni. Og þetta var gubernator Henrich Hess, er þar úti stóð, og spyr mig, hvort eg muni ei geta til sín útkomið. Eg segi með hans tilstuðningi það ske 25 megi. Og nær eg útkom, segir hann oss nú í miklum voða vera stadda, af því vjer vissum ekki hvar vjer værum. Eg segi vjer munum snart sjá land. Og leiðir hann mig yfir þvert skipið á stjórnborðssiðuna. Nú var skúraveður og sólskin á milli. Eg segi honum að mjer sýnist land vera 30 þar sem eg hendi til banda. Hann segir nei, og býðst til að veðja um rósenóbel, eg skuli setja út dal þar í mót, og staðfestir með handsölum. Og þar skamt eftir afdreif skúrin, og blankaði sól á einn fagran múr í landi. Síðan gekk hann frá mjer og kallaði: »Land! Land!« með saman- 35 slegnum lófum, og hver maður lofaði Guð með miklum fögnuði. Og var eg svo leiddur ofan til stykkjanna, og skaut eg 15 skot, því stykkinn lágu steytt fyrir. M[eistari]

Jóris, vor æðsti stýrimann, sagði það vera Írland, sem fyrir vestan England 29 mílur liggur umflotið.

Svo hafði til fallið, að einn maður hafði útgengið úr borginni er þar lá, sú eð Jóhel eður Jóchel nefndist¹⁾, út á eitt annes, sem til austurs horfir, óforhugsað uppá spátserun 5 til forlystingar sjer. Sá sami fjeck oss sjeð og skotin heyrt, þó að vjer værum langt frá landi, sem var tvær vikur sjóar vel, og með mesta skyndi gekk heim í borgina og fyrir þá æðstu, og sagði sig stórt skip sjeð hafa, sem við hafið bæri og þráskjótandi væri, og sjer sýndist lítill þeirra segleiði 10 vera. Og að þessu svo útsögðu bifalaðist hafnarpilotum²⁾ að tilreyna hverjir þessir væri. Þeir menn voru tveir, Vilhelm og Róbert³⁾. Þeir báðir lögðu undireins frá landi, hvor á sinni hæringsbússu, og þreyttu kappsigling sín á milli til vors skips, því þeir hugðu sjer mikinn ábata 15 og fjárhlut vísan er fyrst til skips næði. En gördótt veður var með skúrum, og ei saum vjer ljósara en sig kollsigla mundu, þar til sá annar þeirra þyrmdi báðum, þó hann þess vegna ábatalaust aftur til lands hjeldi að mestu leyti. Sá eð fyrri kom gjörði stór hróp til vor, og spurðist fyrir 20 um hagi vora og hvaðan skip væri. Vjer sögðum honum sem til hlýddi hið beinasta, og vor girnd væri, að skipi voru í hafnir hjálpað yrði. Hann bauð sig til þess að verða og heimti teikn og pant af æðsta manni vors skips þar uppá að vjer engan annan þar til tækjum en sig, og sá ábati, 25 er sjer þar af tilfjelli, játaði sjer af Guði tilfallinn vera, sem sjer hefði unt þeirrar stórlukku oss fyrst að finna svo mjög hjálpar við þurfandi. Kapt. Sixtus Jacobsson, sá

¹⁾ o: Youghal, borg á suðurströnd Írlands.

²⁾ e. pilot = hafnsögumaður.

³⁾ Skipinu var bjargað með mestu lífshættu af sjómanni, sem hjet John Griffin, og þótti það hið mesta frægðarverk, og ljet bæjarstjórnin í Youghal bóka það afrek í gjörðabók sína. Frá þessu og ýmsu fleira viðvíkjandi dvöl Dana í Youghal er sagt í bók, er ritað hefur Dorothea Townshend, og heitir: The Life and Letters of the Great Earl of Cork; London 1904, á bls. 111–112, og er það æfisaga „jarlsins mikla“, er getur um hjer á eftir í lok 30. kap.

rjetti kaptugi Perlunnar, fjeck honum strax sinn rauðan fløjels gjaldpung með sínu gyltu silfursigneti viðfest í sáttmáls pant. Og að öllu skeðnu og tilskildu á báðar síður skyldi þessi pantur af hans hendi laus og kaptuganum aftur 5 leverast¹⁾.

Nú var svo statt, sem fyr hefir tjáð verið, innan vors skipsborðs, að menn nokkrir dóu daglega, en flestallir fár-sjúkir, svo enginn gat öðrum björg veitt, og ekki drekka tekið, svo vanmættis og vesældar kvein heyrðist yfiralt vor 10 á meðal bæði sults og sjúkdóms vegna. Ei höfðu þessir hvorugir nokkur matvæli með sjer í sínum skipum eður skútum, utan aðrir einn þorsk ótilgjörðan, hver eð strax matreiddist og útteildist á meðal 117 manna, og fjeck eg hans öxarþærubein með litlu þar við, hvert eg gjörvalt 15 upptugði til agna. Hvorutveggja lið þessara píloata, þeim ásamt sjálfum, hjálpuðu vorum bát fyrir borð með tilstuðningi nokkurra vorra manna, er sig mjög þar til neyddu. Ljetu menn minn kaptein Christofor Boga í kaðli niður síga í stóli sitjandi í bát vorn, item prestinn og þá 20 sem sjer gátu ei sjálfir lið veitt. Og sem minn kaptugi Christofor Boye var í bátinn kominn, mændi eg augum á hann, og kallaði til hans og bað hann að mín mintist, ef hann og eg lifi hjeldum, að mætti sem allra fyrst í land komast, en hann benti mjer með lindúk, og lofaði ef sjer 25 lif til entist, að eg skyldi sem fyrst yrði til lands flytjast. Og áður en skilnaður varð vor og þeirra, er til lands fóru, kvöddumist vjer bliðlega, setjandi vora samfundi í Guðs vald og vilja²⁾.

Tveir menn vorir dóu við ár til lands og tveir við 30 borð í landi, nær ferska fæðu smökkuðu. Urðu þeir í staðn-

¹⁾ d. levere, hjer = skila.

²⁾ Mads Rasmussen segir svo frá að þeir hafi lent við „Caput Irland“ 1. Júní (miðvikudag fyrir hvítasunnun), og frá 4. Mars ekki sjeð annað en himin og haf; mikil veikindi, hungur og þorsti á skipinu, og ekkert eftir af matvælum nema einn poki af hrisgrjónum þegar þeir komu til Írlands. Hann segist hafa verið fluttur í land 3. Júní.

um Jóhel kærlega meðteknir, kostur margskonar og dýrlegir drykkir í tje látnir. Minn kaptugi Christo for Boye lifði tvær nætur, og andaðist síðan, og fjekk sæmdarútför og jarðan, hvers greftran að kostaði 300 dali. Sú mikla klukka af járn, hverri í 13 ár ei hafði hringt verið 5 til þessa tíma, var brúkuð á hans greftrunardegi, honum með því fleira snillilega tilsettu og afrjettu til síðustu æru og virðingarteikns. En nær þetta svo skeði var eg eigi til lands ennþá kominn.

A þeirri sömu nóttu eftir, sem vor bátur til lands fór 10 frá voru skipi, varð hann af þeim æðstu í borginni Jóhel útsendur með margskonar drykk og fæðu, sem var tveir uxakroppar heilir, ítem 12 sauðarföll, 12 tunnur af strangbýr, ítem tvær tunnur af tvíbakk, og 2 tunnur af skonroggenbrauði, ein tunna smjör, 3 ámur víns, ein sú eð var 15 af frönsku brennivíni, önnur af spönsku víni, sú þriðja af frönsku messuvíni. Þar með fylgdu diskar nýir, hveiti, salt, edik, grásalt, ker og könnur, ítem jurtir og heilnæm grös, ítem margslags destilleruð vín og tóbak. Og með þessum vorum bát komu fáeinir af voru fólki, sem til lands 20 fóru, ásamt þeim Engelsku, er til róðrar voru í borginni taxeraðir. Og þar fyrir utan á næsta degi eftir voru 100 menn teknir og upplesnir á staðarins ráðhúsi, þeir eð vera skyldu bæði vaktarar og verndarmenn vors skips og vöru, á meðan svo veiklega til stóð vor á meðal, og skipið ekki 25 í hafnir kæmist, og þessir 100 menn sóru sinn hollustueið upp á lífs og sálar velferð, að þeirra öll hegðan á þeim tíma, meðan þeirra uppávaktan yfirstæði, skyldi erleg og fróm reynast og án allrar sviksamlegrar breytni. Einnin skyldu þeir, þó á landi væri, nær af voru skipi skot heyrðu 30 til vors skips með mesta skyndi koma. Því svo hagaðist til á nefndum tíma, að einn nafnkunnugur og mjög óvinsæll ræningi og fribýttur sem kallast dreif þar um strauma með jafnaði, og sýndi oftlega kaupförum og rjettferðugum siglingamönnum stórt afboð, ótta og ójöfnuð með ráni, morði 35 og manndrápi. Þessi nefndist kaptuginn Compan¹⁾ af

¹⁾ Það var Claes Campane (Campaine, Compagne) frægur hol-

alþýðu, en Flæmingi að ætt, og var með 7 skip í flota og
bauð mörgum tráss, svo sem nýlega skeð var í þann tíma,
að hann í Spanska hafinu bauð til slags og höggva við sig
32 skipum, sem kallast Spaníafarar, og hjeldu einum flota
5 öll, og þau voru fæst sem höfðu 12 stykki. Og með þess-
um hætti umgekkst hann og ól sig í mörg ár. Hann átti
bæði konu og börn í Hollandi, og var langvaranlega reyndur
og hinn mesti í svalli og sjóferðum, og mjög iðkaður í
stýrimannsskap. Þessum höfðu þær háu stater¹⁾, stjettir, og
10 stjórnendur í Hollandi tilskrifað vingjarnlega, að hann frá
slíku vondu athæfi skyldi aftur snúa og í fullri betran sig
finna láta, og tilbuðu honum æðstu yfirráð til sjóarins í
Hollandi með nokkurskonar fríheitum, og þar með fylgdi
elskulegt tilskrif hans ektakvinnu, hvað alt ekki hafði að
15 segja, því hann vissi vel hvað þessi þeirra bending og til-
boð gilda mundi, þar með fann til daglega sinnar samvitsku
dóms og ályktunar, hvers hann verðugur væri; vildi því ei
til voga. Hans trumbslagari, Cornelis að nafni, er á hans
sjálfs skipi krenkst hafði af skyrbjúg og þar fyrir á land
20 lagðist, hann kom til vor í Jóhel í Írlandi og nærðist hjá
oss, og fór síðan með Perlunni til Danmerkur. Hann frá-
taldi og skýrt skýrði öllu hans háttalagi innan skipsborðs
og utan, að hann ljeti halda söng og bæn kvöld og
morgna, og fleira skikk kristilegrar vísu, en lifði þó samt
25 í sínum ránskap og fordæðusamlegum tilgripum.

lenskur víkingur, og er hans víða getið í gjörningum frá þeim tímum.
Sjá Calendar of the State Papers relating to Ireland fyrir árin 1615
—25, og 1625—32; London 1880—1890, registrin og staði þá, er þar
eru tilgreindir, og áður nefnt rit eftir D. Townshend, bls. 114—115.

¹⁾ Hjer er átt við Staaten-general, æðstu stjórnendur niðurlenska
þjóðveldisins á þeim tíma.

XXX. KAP.

Nú er þar um að tala, að nær sem nefndur kostur var út kominn í skip til vor og vjer skyldum ferskrar fæðu neyta um nóttina, þá gaf butiler sjerhverjum leyfi til að kjósa sjer hvers slags þá girnti fyrst sjer í munn að taka, 5 matar og öls. Sumir báðu um brauð, aðrir um ost, þá nokkrir um egg, þar til matreitt yrði. Eg bað um einn öldrykk. Og sem eg hafði nær hálfmörk til mín tekið fjekk eg butiler aftur það eftir var á merkurkönnunni, og gekk eg í burt með stuðningi uppá þilfar og fram í galíón, og vafði eg 10 kaðli mjer um hvern handlegg og settist á stólinn, og nær um heila klukkustund vissi eg ekkert til mín eða hvað um mig leið, þar til eg komst aftur til fullra vitsmuna. Þótti mjer þá sem heilu fjalli væri af mjer swift og af Guði svo sem eitt nýtt líf gefið. Og nær eg kom aftur undir þiljur 15 til minna lagsbræðra þá hnykti butiler og fleirum við, er þeir litu mig lifandi vera, og sögðust sannlega það meint hafa, að eg í einhverjum stað mundi dauður liggja. Höfðu þá tveir aðrir á þessum tíma minnar burtðvalar andast. Og skömmu síðar en þetta svo skeði andaðist minn góður 20 vin Eiríkur Lange og sá frómi og aldraði mann Niels Gertzson. Svo mistum vjer fólk alls frá því fyrsta er vjer af sigldum Indíum og til þess er vjer í hafnir komnir vorum á Írlandi 35 menn af voru valdasta fólki, hverra á meðal var Jacob stýrimann, Niels Gertzson, sá ypp- 25 arsti assistant, með sínum stjúpyni Andrjesi, Meistari Vilhjálmur bartskeri, og sá annar seglmakari, vor constabel, hjet Söfren Knapstop, mikill maður fyrir sjer¹⁾.

Svo varaði það nærri 8 daga fyr en það furustýri var buið, sem gjörðist til bráðabirgða, meðan skipinu yrði í 30

¹⁾ Mads Rasmussen segir að af 143 (óbreyttum) sjómönnum og undirforingjum hafi einungis 75 verið eftir, flestir veikir.

hafnir komið, og það stórstraumur kom, því eftir honum varð að bíða, því svo hagaði til, að þrjú rif lágu um þvert í hafnarmynninu, þar menn skyldu inn hleypa, yfir hverjum lágu tunnur við atker fyrir hnattmiða.

5 Einn dag var það fyr en vjer komum í hafnir með þetta stóra skip, — sem stakk 22 málfeta djúp með sinni fragt og sjö málfæðma breitt var á efsta þilfari millum borðstokka og af þess rúndel á sjó, og 40 fæðma langt og efst á topp, — að vjer sáum tvö stór skip nærri viku sjóar
10 hafsmegin frá oss, en vjer frá þeim vorum undir land að líta. Og strax varð skotið og þeir 100 svörnu menn komu eftir síns eiðs inntaki strax til vors skips að gjöra vörn. En Guð blessaður gaf náð til að þessir frá hjeldu. Var þetta kaptuginn Compan, og hafði síðar, nær hann vor
15 ljelegheit vissi, sjer stórlega gramist, að vjer svo honum slyslega úr greipum gengið höfðum.

Og á laugardaginn fyrir sjálfa hvítasunnuhátíð um níundu stund dags fyrir miðdag, sem er um dagmál hjá oss, að samankomnu öllu þessu fólki með oss og mörgum ypp-
20 arlegum manni úr borginni Jóhel, varð af hafnarpílot þeim, er oss fyrstur forðum fann, innyfir þessi greind sandrif með trúlegri leiðsögn hjálpað og hleypt, án alls skaða á skipi og góssi fyrir tilsagt verðkaup, fram undan borginni, sem var hið besta lag, er nokkur sjer kjósa vildi. En á meðan
25 vor innsigling yfir stóð, stóð hvert mannsbarn borgarinnar úti lengst með sjávarströndinni, bæði borgarmegin og svo hinu megin móðunnar gegnt borginni, út af þeim þorpum, er þar voru, og virtist oss eitt sjerdeilis hið gleðilegasta pláss og falleg landssköpun, hvert sem lítið væri.

30 Írland er eitt gott, frjóvt og frítt land af korni og kvikfjenaði, svo í þann tíð útfluttist þaðan í skatt til Englandsárlega 1700 yxni, öll lifandi, hvartil að höfð eru sjerdeilis skip, er þeir kalla kjötför. Þá er alt annað slátrað kjöt, sem þaðan daglega dags til Englands flutt verður, að auki hins áður-
35 nefnda. Þar gildir uxi 4 dali, sauður 1 dal. En svo feitan fjenað veit eg hvergi sem þar.

Í fyrstu, nær vor pílot upphóf innsigling með skipið

til hafna, það hann alt fólk til bænar framfjelli, að biðja Guð um góða lukku á sínu uppbyrjuðu verki og farsæla framkvæmd. Og síðan, að bæn gjörðri, bifalaði hann að hver maður þegði og talaði ekki eitt orð meðan skip væri ekki af rifgrynningunum runnið, og 5 stæði tveim megin borðstokka, hvað alt eftir skikkan svo tilgekk, svo að sá maður, sem við stýrið stóð, ei hindraðist og heyrði einskis orð utan leiðsögumannsins. Og nær hann inn slapp yfir það insta rif uppgaf pílot með öllu fólki innanborðs eitt mikið fagnaðarhróp og síðan allur sá mikli mannföldi á landi með einu hljóði og afsettu sjerhvers höfuðklæði, og að lyktum allra innanborðs auðmjúkri þakkargjörð Guði til dýrðar fyrir veittan velgjörning og lukkusamlega höfn, og var þá stykkjum af hleypt og með sama hætti varð á kastalanum á landi og í trómet blásið 15 og á bumbuna slegið og triumpherað, og vorum vjer á land fluttir upp á þann fagra sand, hvar mikil fólksmergð var saman komin. Og ein kostuleg eins skipherra kvinna, Vilhelms Giæers, sú eð Elísabet hjet, gekk að mjer nær hún hafði allan vorn hóp yfirlitið, tók í mína hönd og 20 horfði á mig litla stund, og spurði mig að heiti og hvers lands maður eg væri. Og að öllu henni því tjeðu spurði hún mig að, hvort eg vildi ekki með sjer ganga til sinna heimkynna og reyna til sinnar aðhjúkrunar og dygða tilgjörða. Eg kvaðst fús og gjarnan vilja slíkt með þökkum 25 meðtaka. Svo leiddi hún mig sjer við hönd sem ein móðir sitt barn elskulegt, svo mínir lagsmenn mændu augum eftir. Og nær eg kom í hennar hús sagði hún mig kærlega velkominn til alls þess góðs, sem hún megnaði mjer að veita, og frambar ferska fæðu fyrir mig og gott öl, og bitaði sjálf 30 fyrir mig, og sagði síns sáluga föðurs hægri hönd hefði þvílíkt lamateikn borið, og hefði minning hans harmkvæla, nær hún hafði mig litið, sig upphvatt og áfýst mjer gott að gjöra, og það mig að leyfa sjer einn annan að uppleita, svo við tveir nytum eins beinleika. Hún gekk út og kom 35 með vorn butiler Pjetur Franzson, og hafði okkur svo undir sinni móðurlegri linkind og aðhjúkrun í fullar 11 vikur.

Nú er þar af að segja að kaptuginn Perlunnar, Sixtus Jacobsson, varð gramur við oss 5 er ei vildum liggja í þeim mikla solli, þar 52 menn voru í einu sjúkdómshúsi og allir vanfærir, og hótaði oss því, að vjer skyldum fyrir oss 5 betala, og ekki einn pening vildi hann fyrir oss betala, og kvað oss sitt framboð og compagnísins elskuveiting forsmáð hafa, hvað ei voru nein sannindi, því vjer svo meintum í fyrstu að hver mundi sjer herbergi og húsbónda útvega mega, þar sjálfur fengi. En þessir voru þeir 5 menn: prest-
 10 urinn Herra Matthías, butiler Pjetur, Christián Jóhansson, Andrjes Ólafsson og eg Jón Ólafsson, og fjekk eg snögt að sakna mins elskulegs vinar eða sem föðurs kaptuga Christofors Boga, er í þann tíma var í Guði sofnaður. En af landsfólki þar varð oss allra virð-
 15 inga leitað, svo að flestalt fólk, sem nokkuð að kvað og ei var því lengra í burtu, kom til vor og í vort skip að vitja vor af miskun og meðaumkan, að færa oss eitthvað ferskt og nytsamt til endurnæringar, margskonar slags vín og jurtir, og jafnvel mikill fjöldi eðlafólksins, karlmanna og
 20 kvenna, bæði af Enskum og Írlenskum, með stórrí tukt og lítillæti, eins eðla meyjar og frúr, og báðu allir Guð lofaðan gefið hafa, er oss úr slíkum háska og hafsneyð þangað sent hefði með lífi, og báðu allir fyrir oss, að vjer aftur hressast kynnum, svo hver mætti heilbrigður sitt föðurland og sína
 25 vini vel hitta, nær þaðan hjeldum¹⁾. Einnin kom til vor og heimsótti oss sá virðuglegi greifi, greifinn til Cork, hver eð var sá æðsti af þeim þremur greifum, er umráð og yfirdrottnan höfðu í þann tíma yfir Írlandi vegna kóngsins af Englandi kóng Carolus Stuart²⁾, og þar nefndist president,
 30 hans elskuleg frú með sínum tveimur börnum, syni og dóttur,

¹⁾ Til þakklætis fyrir það hvernig tekið var við Dönum í Youghal sendi Kristján 4. bæjarstjórninni 100 pund, og þakkaði borgarstjóri honum í bræfi á latínu og lofaði að dönskum þegnum, er þess þyrfti með, skyldi altaf hjálpað ef þeir kæmi til Youghal. Sjá áður. rit eftir D. Townshend, bls. 112.

²⁾ Karl konungur 1. kom til ríkis 25. Mars 1625.

og skenktu þau oss skipsfólkinu þrjá jacobis¹⁾, sem að reiknast 12 dala gildi, til drykkjupeninga og endurkvíknunar, og sjaldan bar það til, að ei væri framandi fólk hjá oss hvern dag, þeir eð gáfu oss drykkjupeninga til hvers dags veislu, er vjer daglega með stórrí glöðværð og hljóðfæra 5 ymji hjeldum.

Þessi greifi bauð helmingi fólksins til síns heimkynnis Cork með sjer til góðrar trakteringar, hvað vjer þágum með litillæti og auðmýkt, hvar til hann setti oss að fylgja strax eftir sjer. Og nær vjer á hans slot komum vorum 10 vjer þar heiðarlega trakteraðir með mat og drykk og öðrum mjög góðum veitingum, viðhöndlan og atlæti í 3 daga og 3 nætur, og síðan reistum vjer aftur til þess staðar, sem vort skip fyrir lá²⁾. En á þessum vegi, sem vjer tilbaka reistum, var það írski landsfólk að kynda stóra elda á háum 15 fjöllum hverja nótt, með miklum dansleik af karlmönnum og kvennönnum í miklum mannmergðarhópum alt kring-

¹⁾ jacobus var gullpeningur, sleginn á dögum Jakobs 1. og gildi 25 shillings.

²⁾ Í staðinn fyrir kaflann „Þessi greifi — fyrir lá“, hefur C: „Þessi greifi, er eg meina þann sama verið hafa, er síðan var aftekinn í Englandi, bauð oss öllum upp til Cork ásamt vorum kaptuga til veislu, og hjelt sjer það stóra æru og virðingarviðurauka, að hann mætti oss fá að vera sína gesti, því ei þóttist hann þau dæmi vita eður heyrt hafa að Indíafarar hefðu þar fyr að landi eður höfnum borið. Og að fáam dögum liðnum, eftir það hann var hjá oss í seinna sinni, fórum vjer með vorn stóra bát, 52 menn upp til Cork. Og að þar meðtekinni tveggja daga veislu með virðulegu atlæti og virðing trakteraðir af þeirra beggja virðulegu hjóna hendi og stórrar auðmýktar samtali, sem reiknuðu helst sjer til æru og heiðurs, að þau fengju oss þá yppursta velsemd og virðing tjeða, síðan ferðuðumst vjer heim aftur að kærum kveðjum loknum með virðulega þakklæti til vors skips.“ — Greifi sá, er hjer ræðir um, var Richard Boyle jarl af Cork, kallaður „jarlinn mikli“ (1566—1642). Hann var Dönnum mesti bjargvættur, einsog segir í áðurnefndri sögu hans og lánaði þeim meðal annars 700 pund sterling og sendi Kristján 4. honum mynd af sjer og dýrindis keðju til launa. — En það er röng tilgáta að hann hafi verið „sami er síðan var aftekinn á Englandi,“ því hann varð sóttdauður á Írlandi. Líkl. er átt við aftöku Straffords (1641). Það að Strafford lengi var landstjóri á Írlandi getur hafa valdið því að þeim jarlinum af Cork er blandað saman.

um eldana með mikillri lyst og gleði, hvað að er jafnlega þess írska fólks gömul landsvísa og hefir verið siðvenja af aralds tíð¹⁾, haldandi sjer ætíð betur gangi nær þeir þessari siðvenju uppi haldi en niðurleggi, hvað er að er svo sem 5 þeirra trú, og enn þó Engelskir hafi þessum þeirra vaná af þeim koma viljað og þeim það strengilega bannað, hafa þeir Írsku enganvegin viljað þá elda og dansleika afleggja, og er þar fyrir orðið svo sem landsvísa og vani. Þetta alt sýndi oss það írska landsfólk með vináttu á vorri heim- 10 ferðarreisni til vors skips aftur. Og þá vjer þar komum sendu vor yfirvöld á skipinu þá tvo herra menn, er á heimreisinni með oss voru, heim til Danmerkur, kóngl. Majestet og compagníinu vorn skaða að ávísa með öðru, sem oss um vanhagaði að útrjetta, sem og einnin vor brjef til vorra ná- 15 unga og vina að heimfæra.

XXXI. KAP.

Þessir herra menn reistu svo snemma um sumarið frá Írlandi, og til staðarins Lundún í Englandi, hvar þeir í heilan mánuð hindruðust vegna sóttar, sem um þann tíma 20 í þeim stað þá yfirgekk mjög mannskæð, svo að á hálfum mánuði tiltalðist að dáið hefði á hverjum einum degi 6 hundruð manns. Einnin veiktist annar þessara herra manna, hvar fyrir þeirra heimreisa hindraðist. En þó um síðir komast þeir vel heim í Kaupinhafn, og sögðu því Óstindiska 25 compagní um vora hrakningssömu heimreisni, og hvað annað sem oss um nauðsynjaði. En af því kóngur var þá nýlega útreistur í Þýskaland til stríðs móti keisaranum og þeim pápisku²⁾, hvað nokkur ár yfirstóð og sorgarlega afgekk

¹⁾ dönskusetta, fra Arilds Tid: frá alda öðli (Arild = ár alda).

²⁾ Kristján konungur fór í Maí 1625 suður til Holtsetalands og þaðan lengra suður á Þýskaland; hluttaka hans í þrjátíuárastríðinu er svo kunnug orðin, að hjer er ekki þörf á að orðlengja um hana.

fyrir Danmörk [og Danmörk fjekk þar af síðar stóran skaða, þá keisarans fólk innfjell í Holstein og Jótland með sverð, eld og ránskap, eyðandi og brennandi borgir og landsbýi, drepanði karlmenn, enn svívirðandi meyjar og mannskonur, svo sem stríðsfólks siðvenja er], hvar fyrir compagníns að- 5
gjörðir undandrógust svo fljótlega oss að senda það með þurftum og um báðum, sem var helst matur og reiði, segl og siglurár, með stýri til Perlunnar, hvað alt af henni farið var, sem eg áður frásagt hefi, með öðru fleira, er vjer með þyrftum, bæði kost og annað 10

En um þennan tíma spurðist til Hollands þessi vor hrakningsreisa, þá tók sjer fyrir hendur Símon Jóhannsson, sem verið hafði vor æðsti kaupmaður á útreisunni, hver þá var í Hollandi búfastur, að tilbúa láta það hann spurt hafði oss um vanhaga, og kom svo sjálfur á skipi 15 með það alt saman og vel tilbúinn kost á áliðnu sumri til Írlands, löngu fyr en þeir Dönsku með það komu frá Kaupinhafn, og bjó sjálfur með sínu fólki Perluna til að öllu, svo seglfær var áður hinir komu. Þessi Símon Jóhannsson hafði áður með Hollenskum í kringum alla veröldina 20 siglt [og var vel forfeistur maður og í mörgum löndum kunnugur].

XXXII. KAP.

En eftir þann tíma og um, er þessir herra menn frá oss reistu, voru jafnlega hjá oss framandi fólk, bæði af Írskum og Engelskum, sem eg fyr frá sagt hefi, og einn meðal 25 annara eitt sinn kom til vor einn mjög ríkur maður, er þeir kalla gentilmann, og var hálf aðalpersóna. Þessi ríki maður reisti til vor ofan úr landinu vel 30 mílur, yfir þrjár stórar móður, sem voru á hans vegi, með miklum kostnaði, og var hjá oss 14 eður 15 daga, bæði á skipinu og á landi, og hjelt 30 oss daglega veislu. En eitt sinn er hann og vor rectör

með öðrum fleirum drukku til samans í einu húsi á landi, upptók þessi ríki gentilmann sinn pung, í hverjum hann sagðist heiman haft hafa 60 rósenóbel í kláru gulli, auk annars gjalds í silfri, hverju öllu hann sagðist á þessari reisu
 5 útspanderað hafa, og væri nú ei eftir utan fjögur rósenóbel þar í, hver hann sagðist hafa verða til tæripenings á sinni heimreisu, því hann ætti yfir þrjár stórmóður eður vatnsföll að reisa, og kostaði sig eitt rósenóbel yfir hverja þeirra að komast, og helti svo úr pungnum í sinn lófa þessum fjórum
 10 rósenóbel, og hjelt þeim svo upp til gamans í sinni ölværð. En vor rector af keskni sló undir hans hönd sinni hönd, svo þessi öll fjögur rósenóbel hrutu úr hans hendi fram yfir borðið og niður á gólfíð, hvar fyrir stór sundurþykkja þeirra á milli varð, sem von var, svo þeir í óeining með
 15 fússi struku undan borði, og ætluðu að slást, en það stiltist fyrir meðalgöngu annara, er þar nálægt voru, og þótti öllum illa gjört af rector fyrir þvílíka góðgjörð, sem þessi gentilmann hafði oss auðsýnt, bæði í örlæti, virðingu og veitingu daglega. Var síðan leitað að þessum fjórum róse-
 20 nóbel, bæði undir borðinu og annarsstaðar í húsinu, sem mönnum til hugar kom, og fundust þar af ekki utan þrjú, en eitt vantaði, er aldrei fanst,

Og eftir þetta alt afstaðið reisti þessi ríki maður frá oss heimleiðis. En eftir hans burtreisu kom upp sá kvittur
 25 og ryktisrómur vor á meðal, hvort sannur verið hefir eður ei, veit eg eigi, að vor rector sjálfur mundi þessu gullstykki stolið hafa, hvað eftir því sem frá leið meir og meir uppörfaðist þessi rómur, svo það var almennilega haldið hann því með stelandi hendi náð hefði. Leið svo nokkur
 30 tími meðan Símon Jóhannsson með sínu fólki með oss var að tilbúa Perluna að reiða og öðru, því hana og oss um vanhagaði, og vjer vorum allir að mestu á skip komnir. En sökum útgrynnis varð ei skipinu af höfninni útlagt og varð þess stærsta straums og stórflæða að biða.
 35 Og eitt sinn um þetta leyti meðan vjer þar svo lengi biðum, var á meðal fólksins talað um þennan ryktisróm, sem ljek á rectori um töku þessa gullstykkis, sem áður er um-

getið. Svaraði Hans kokk, hvers eg hefi áður getið, með því kalt var einninn milli hans og rector's, og sagðist snart skyldi af koma þessu vonda rykti. Og einn morgun, sem rector hvíldi í sinni sæng í káhyttu, hljóp þessi vondi maður Hans kokk þar inn með stóran svartskeftan kníf í hend- 5 inni, og stakk honum á hól ofan með viðbeini á rectori, svo hann lá þar eftir dauður í sænginni, og vasaði svo [þessi vondi maður] út úr káhyttunni með illu geði og ógnarlegu yfirbragði fram á efsta þilfar á skipinu með mikilli bræði og ilsku, með þennan blóðugan kníf í hend- 10 inni, og gekk aftur og fram með rifsingum, otandi honum að sjerhverjum af fólkinu, sem fyrir honum varð og uppi var, með mörgum ógnarlegum heitingarorðum. En þó 6 eður 7 menn á hann í senn hlypi þá hristi hann þá alla af sjer sem ekkert væri, þar til hann kom að mjer, þar 15 sem eg stóð, og greip annari hendi framan í minn treyjubarm, en annari hendi otaði að mjer þessum blóðuga svart-skefta kníf, svo þá var ei annað að sjá, en hann mundi mig með honum í gegnum stinga til dauðs. Hafði eg þá í frammi við hann margar góðar fortölur, eftir mínu fá- 20 fræði og viti, hverjum hann lítið gegndi, heldur mjer með sömu ógnan jafnlega benti, þar til hann um síðir fyrir guðlega hjálp frá mjer hvarf, æðandi aftur og fram um þilfarið með miklum æðisgangi, svo ógn var að sjá, með þennan kníf, segjandi að hann gæti oss alla með honum 25 til heljar fært ef vildi, en vjer með góðum orðum og fagur-mælum báðum hann til friðs að vera, lofandi honum vorum góðum tillögum við yfirvöldin, að hann ei í harðasta máta fyrir þetta morð straffast skyldi, heldur eftir linkind, ef hann vildi sig til friðs gefa, hvar við hann nokkuð sef- 30 aðist, og ljet sig að nokkru leyti viljugur til fanga taka af oss með mannfjölda, og var hann þá settur í stokk á fótum en járn á höndum fram á skipinu við vinduásinn. Og eftir lítinn tíma eftir það vjer vorum frá honum gengnir aftur á skipið, að fáeinum viðstöddum, er hjá honum til vökt- 35 unar eftir voru, sagði hann til þeirra, að hann vildi þeim sýna hvern kraft eður afl að hefðu þau fjötur sjer að halda,

er þeir sig í sett hefðu, og í svip þeim ásjáendum af sjer hristi, og gekk svo laus og liðugur aftur og fram um skipið með ógóðu geði og yfirbragði, segjandi, ef vjer sjer í nokkru ýfðum, þá skyldi hann oss alla, sem á skipinu voru, til heljar 5 færa. Síðan fór eg nokkur góð orð fyrir honum að tala, við hver hann nokkuð sefaðist, og sagði ef vjer og yfirvöldin vildu sjer því trúlega lofa, að hann skyldi ei í gálgann komast eftir írsku lögmáli, heldur með sverði höggvast fyrir sín afbrot, þá vildi hann sig til friðs gefa, 10 hverju allir honum lofuðu. Og var þá af hans orðum að merkja, að hann mundi contract við djöfulinn gjört hafa uppá 21 ár, og væri þetta hið tuttugasta, hvar eftir hann veik sjer að skipsins borðstokk og greip blað eður spjald úr barmi sjer, undan sínum handkrik og kastaði því langt út 15 í sjó, og sagði nú hefði djöfulinn ekki neitt framar með sig, þar ekki væri úti þeirra tiltekinn 21 árs tími, og væri hann því vel til friðs að deyja fyrir sín illverk. Þar eftir var hann aftur í járn settur á skipinu, og síðan til lands fluttur, og þar í múrað fangelsi innsettur með vakt fyrir 20 utan, og nokkrum dögum þar eftir var hann til gálgans dauða dæmdur eftir írsku lögmáli, og síðan með sterkri vakt til aftökustaðarins útleiddur. Og þá hann sá gálgann og vissi sig hengja eiga sagði hann sig svikinn vera af sínum landsmönnum og yfirvöldunum, er honum lofað hefðu 25 að hann skyldi með sverði rjettast, og sagði framvegis, að ef hann þessi þeirra svik fyr vitað hefði, skyldi hann sig af þeim ei svo auðveldlega til fanga látið tekið hafa. Og eftir þessa hans umræðu hröðuðu þeir Írsku hans hengingu, og enti hann svo út sínar slæmar lífsstundir hjer í 30 heimi, og dó svo iðrunarlaust. Þetta skeði á liðnu sumri, eftir að vjer þann 6. eður 7. sunnudag eftir páska komustum inn í þá írsku höfn, Anno 1625. Framar bar þar ei neitt sjerlegt til, það eg minnist, um þennan tíma.

Og þá Perlan var að öllu tilbúin og endurbætt af 35 Símoni Jóhannssyni og hans fólki með voru, vildi hann þaðan í burtu halda og með stórfærði Perluna út af höfn.

inni vinda með miklum tilbúningi, hvað þeim með engu móti tókst, og urðu svo búnir þar kyrrir að vera.

Og um þetta leyti eða skömmu þar eftir kom skip frá Kaupinhafn, sem það Óstindíska compagnii þar hafði móti oss sent, eftir vorum boðskap, með kost og hvað annað, 5 sem vjer til Perlunnar aðbóta með þurftum, hvers skips formaður að var sá skipherra, er með oss á vorri reisu með Christofor sáluga Boga til Indíen skipherra verið hafði¹⁾. Og þá þetta skip til Írlands kom var Perlan að öllu tilbúin og lá á höfninni seglferðug hefði hún sökum 10 djúps útflotið getað, hverju þau tvö sandrif, er fyrir hafnar-mynninu lágu, böguðu, hverra eg áður getið hefi. Og af því að þessi þeirra bið og þarvera með Perlunni svo langvaranlega framfór, þar með var þar og orðin mergð af skipsfólki, er Perlunni vildi heim fylgja, því Símon Jó- 15 hannsson vildi láta sitt fólk þar á vera og með sjer til Kaupinhafnar fara, úr því hann hafði Perluna endurbætt, og vildi sínum kostnaði hjá því Óstindíska compagnii aftur ná, og af því kaptuganum, Sixtus Jacobssyni, þótti fólksfjöldinn margur og mjög á kostinn ganga, vildi hann 20 að það fólk, sem frá Indíum fyrir fartuga á Perlunni heimleiðis fóru, og voru ekki hennar eiginlegt skipsfólk, skyldi frá víkja og sjer sjálft far heimleiðis útvega, meðal hverra eg var einn, og af því oss mjög langaði heim í Kaupinhafn, þess og annars, að vjer vissum ei hvað lengi Perlan 25 mundi þar liggjandi verða, úr því ekki út komst um stærstu flæði; þess þriðja, að Sixtus Jacobsson vildi oss, sem á landi í vorum veikleika sjúkir legið höfðum, af hverjum 5 í Írlandi sofnuðu, auk þeirra, er áður þar komum dáið höfðu, enga kostpeninga af compagníisins gjaldi útgefa, en vor 30

¹⁾ Ef það er rjett að á skrá Símon Jóhansens standi öll skipshöfnin á „Christianshavn“, þá er ekki hægt að segja við hvern er átt, því þar er enginn sjerstakur skipherra tilgreindur, en Chr. Boye nefndur „kapteinn og skipherra“, en ef svo er sem mig grunar (sbr. bls. 208, neðanmálsgrein), að ýmsa vanti á skrána, er hjer átt við Pjetur Andrjesson, sem Jón Indíaf. getur um áður (bls. 209).

pungur var að mestu tómur orðinn; í fimta máta þótti oss varla gott að umgangast á meðal svo mikils fólksfjölda, sem á Perlunni var orðinn margslags trúarbragða, sem voru pápistar, Calvinistar, endurskirarar, Jesúítar¹⁾ og aðrir, ljet-
5 um vjer kaptugann þessu við oss ráða, svo að vjer 53 menn, sem fartugar á Perlunni á heimreisunni verið höfðum, leigðum oss skip í Írlandi um haustið 1625, hvert oss flutti norðarlega á Hálogaland í Noregi. Og þetta var skömmu fyrir veturnætur. Ferðuðumst vjer svo þaðan ýmist á skip-
10 um eður landveg yfir Noreg og Jótland, og komustum svo heim í Kaupinhafn eftir mæðusamlega reisu þá hálfur mánuður eður 3 vikur voru af vetri, og höfðum alt vort eftir skilið á Perlunni, utan það lítið, sem sjerhver gat með sjer haft til tæripenings, hvað alt að mestu útsóað var þá
15 heim komum, en alt hvað vjer áttum annað skildum vjer eftir á Perlunni, því vjer gátum það ei með oss haft; þar með meintum vjer og einnin að Perlan mundi fljótlega eftir oss koma, hvað þó ei varð. En það eg átti var alt undir geymslu og forvörun míns góða kaptuga Christofors
20 sáluga Boga, af því að þá eg skaðann fjekk í Indíen var það alt undir votta virt og uppskrifað eftir indíanskum taxta, og þá strax í káhyttu borið, hvað mjer aftur afgreiðast átti ef Guð mig aftur viðrjetti, eður og mínum erfingjum, ef eg andaðist, hvað og sannarlega mundi orðið hafa,
25 hefði Guð þann sáluga mann tilent, því hann var frómur og ráðvandur og vildi ekkert rangfengið með órjetti eignast. En upphæð þessa var virt til 600 ríkisdala með kistu og öllu því í henni var. En sú indíanska vara er seld þá heim í Kaupinhafn kemur tíu sinnum meira en hún í
30 Indíen keypt er, svo að það, sem fyrir einn ríkisdal í Indíen keypt er, selst í Kaupinhafn fyrir 10 ríkisdali.

Nú þá vjer svo í Kaupinhafn heim komum var kóngur vor kominn í Þýskaland til stríðs þess, er hann hjelt vegna

¹⁾ Jón Indíafari virðist hafa haldið að Jesúítar væri sjerstakur trúarflokkur; líklega er það misminni hjá honum að nokkrir af þeirri reglu hafi verið á skipinu, nema þá ef til vill sem farþegar.

þeirra Lúthersku móti keisaranum¹⁾, en hans elsti son prins Christián fimti með ríkisins ráði stjórnaði ríkinu í hans fráveru, af hverjum eg um veturinn með auðmjúkri suplicatiu²⁾ í undirgefna máta óskaði Hans Majestats allra náðugustu úrræða og álits, sem og góðrar aðstoðar, að mjer 5 minn handaskaði af því Óstindiska compagnii betalast mætti, eftir artikulanna innihaldi, þar eg aldeilis ófær orðinn var mjer atvinnu með höndunum að vinna. Í sama máta óskaði eg að Hans Majt vildi mig auman og fátækan miskunsamlega álita, að eg mætti eitthvað vist uppheldi mjer til 10 atvinnu öðlast í mínu föðurlandi af kóngl. Majts jörðum eður inntekt hjer á Íslandi, eftir því eg hafði svo lengi í kóngl. Majts þjónustu verið og þjónað heil 10 ár, hverju sá góði herra vel og líkindalega gegndi, og mjer meðbytti sínu missive til höfuðsmannsins yfir Íslandi, að hann hið 15 fljótasta hjer um sjá skyldi, hvert brjef svo hljóðaði sem eftir fylgir:³⁾

Christian den Femte med Guds Naade Danmarkis, Norgis, Vendis och Gottis Vtualde prins. Vdij kongl. Maytt.

¹⁾ o: þrjátíuárastríðið.

²⁾ o: umsókn.

³⁾ Brjefið er prentað eftir afskriftinni í Norske Tegnelseer í Ríkisskjalasafninu, nema formáli þess, sem tekinn er eftir afskr. í B, þó er nokkrum orðum í honum breytt samkv. Ögursbók. Sbr. orðamuninn. Í B er brjefið inn í textanum lagt út á íslensku þannig: Christián sá fimti, með Guðs náð Danmerkur, Noregs, Vendis og Gottis útvalinn prins, úti kóngl. Majts, vors elsku kæra herra föðurs og náðugasta konungs fráveru til stjórnunarinnar skikkaður. — Vor gunst til forna. Vitið að eftir sem nærverandi Jón Ólafsson sig fyrir oss í undirdánugasta máta klagar, hvernin hann í langan tíma skal hafa verið í hæstnefndrar kóngl. Majest. þjónustu, og síðan með verið á þeirri óstindisku reisu, hvar hann skal vera orðinn limlestur, svo hann sitt uppheldi með nokkru erfiði [ekki] skal kunna að öðlast sjer inn að vinna, og hann þar fyrir um nokkra jörð þar á Íslandi til síns uppheldis fyrir vissa afgift gírnist og um biður, — þá biðjum vjer yður og náðugast gírnunumst, að þjer eftir sömu hans umbeiðni honum tilhjálpandi sjeuð, að hann nokkra jörð þar á fyrnefndu Íslandi fyrir árlega afgift kunni að fá og öðlast. Þar með skæður vor vilji. Befalandi yður Guði. Skrifað á Koldinghús þann 23. Martii Anno 1626.

Undir vort signet.

Christian.

vores elskelige Herre faders og naadigste Konnings frauerelse til Regeringenn forordnet.

Wor gunst til fornne. Wider att efftersom Neruerende Jon Olufssen Islender sig for Os vnderdanigst beklager
 5 huorledes hand ehn thid lang schall haffue veritt wdi Hans Kong. Mayttz. thieniste och siden medveritt paa den ost-indiske reise, huor hand schall vere bleffuett lemmelest, saa hand sitt liffs ophold mett Naagen arbeide icke schal kunde forhuerue, och hand derfor nogen Jord der paa Island thil
 10 sin vnderholdning paa visse affgiftt begierer, Da bede vi Eder och Naadigst begiere, att i effter samme hans begiering hannem beförderlig ehre att hand Naagen Jord derpaaorsch. Iszland for aarlig affgiftt kand bekomme. Koldinghuss den 23. Martij Anno 1626.

15 Under vort zignet.

Christian.

Framar beiddist eg og með auðmjúkri suplicatiu óskaði af þeim velvísu Óstindianisku compagníis reiðurum að vildu mjer út af sinni gunst og meðaumkan nokkru til upp-
 20 heldis meðbyta fyrir þann skaða og fingra missir, sem eg á þessari reisu í þeirra þjónustu liðið og hrept hefði, eftir artikulanna tilskikkan og innihaldi, hverju sumir af þeim að nokkru leyti vel gegndu, en aðrir þar á mót mögluðu, svo sundurlyndi þeirra á milli þar af varð, og kom ei saman,
 25 hvort þessi minn skaði skyldi reiknast og haldast svo sem eg hægri eður vinstri hönd mist hefði, eður skyldi hann minni metast¹⁾. Kom þeim ei saman, hvar fyrir þeir lögðu þetta efni undir hans kóngl. Majest. úrskurð og ályktan, nær hans kóngl. Majest. heim í Kaupinhafn kæmi aftur úr

¹⁾ Í „artíkulunum“ var meðal annars lofað að konungur skyldi láta ala önn fyrir þeim sem biði limatjón í herþjónustu. Líkt var og um þá er voru á skipum Austurindíafjelagsins, og er til taxti yfir það hvað mikið hvert mein var metið. Fyrir hægri handlegg voru t. d. borguð 800 Brabantsgyllini, 500 fyrir vinstri handlegg; fyrir hægri hönd 600, vinstri 400, báðar hendur 1000 o. s. frv. Sjá ath. RC. við þennan stað í dönsku þýð. þar sem enn nánar er skýrt frá þessu.

Þýskalandi frá því stríði, er hann þar móti keisaranum og þeim þýsku pápistum hjelt vegna þeirra lúthersku sambands- herra [hverra skutsherra og stríðsgenerall hann var], hvert stríð þennan vetur aumlega og hryggilega afgekk, svo Hans Majestat af Danmörk misti alt sitt og þeirra Lúthersku fólk 5 þennan vetur í þessu stríði fyrir Leipzig¹⁾ og komst ei undan utan við þriðja mann með naumlegleikum; svo og tóku þeir Þýsku með Monsur Tille²⁾, sem var keisarans generall, allar þess danska kónigs herbúðir með öllu því þar inni var að herfangi, og fjellu síðan strax eftir með miklu 10 stríðsfólki inn í vors kónigs lönd og ríki Skáney og Jótland tveimur eður þremur nóttum eftir það kóngurinn var heim kominn, öllum óvörum og óviðbúnum, brendu og brældu borgir og kastala, stálu og ræntu öllu því þeir náð gátu, og illa við fólkið höndluðu, bæði karlmenn og kvennmenn, 15 er þeir svívirtu hvar yfirhönd höfðu, svo sem relationir, er þar um á prent útgengu þann tíma, nóg samlega útvísa.

Og eftir því svo eymdarlega ástóðst í ríkinu og nógu var að gegna hindraðist mitt málefni um minn skaða fyrir kónglega Majest. fram að bera, svo eg fjekk þar enga bót 20 á. Og þá eg sá að þetta mjer ei hrökkva mundi, ráðlögðu margir mínir góðir vinir mjer, að eg skyldi einhverjum góðum manni í Kaupinhafn mína fullmakt gefa inn að heimta og meðtaka það, sem mjer af compagníinu fyrir minn skaða gjörðist af kóngl. Majest. með því eg það sumar 25 með Íslands kaupförum vildi til þessa míns fátæka föður- lands aftur hverfa. Því síðan eg skaðann fjekk var allur minn hugur úr Danmörk horfinn, og sögðu þessir mínir góðu ráðgjafar mjer, að vissulega mundi Hans Majest. þessu efni vel gegna, eftir artikulanna innihaldi, nær betur 30 tómstund hefði og minna um að þenkja, hvar fyrir eg gaf mínum góðum vin og velgjörðamanni Söfren skraddara mína fullmakt, svoleiðis sem eftirfylgir:³⁾

¹⁾ eins og kunnugt er var það ekki við Leipzig, en við Lutter am Barenberg, 27. Ág. 1626.

²⁾ 3; Tilly, hinn frægi hershöfðingi keisarans.

³⁾ Brjefið er hjer prentað stafrjett eftir B, en einstöku leshættir

Kiendes Jeg Jon Olafsson Barnnfød vd I Jsland och met dette her obne bref vitterligt gjør for alle, at Jeg annamer och Tiltager Erlig og velagt Danemand Sofrin Villatsson borger og Induoner her vdy Kiobennhafnn, vdy
 5 Mitt sted og giffuer visseligenn fullmagt at annname og Opbære paa Myne vegne vdy myn frauereelse, lyge som Jeg self personeligen til stede var, huis som mig Tilkommer, effter Kongl. May. Artyuler lyudelse, for den store skade som Jeg hafuer bekommet vdy Compagnyens Tieneste paa
 10 den Ostindyaniske Reyse, som er 3 finger paa den høgre haand, dy foriste, Item half domelfynger paa den venstre, so vel som den Neste fynger som er blefuenn Krumm, denn lille fynger paa den samme haand er blefuenn styf, In Summa, at Jeg ikke er megtig at knappe myne Kleder, meget mindre
 15 at fortiene mitt brod. som gud og dy Compagnyens herrer selfuer er vitterligt og dy hafuer set med deris Øyenn. Her hos er myn ydmyg bon at I gode herrer lader denne myn fulldmegtig fornefte Sofren Villatsson oppbere og bekomme effter Artyculernis liudelse so mange penge som I
 20 ville mig her vdy befordre effter eders Christelige Gemitt,

pó teknir úr Ögursbók, sjá orðamuninn. Í B er skjalið í textanum þýtt á íslensku þannig (viðaukar úr C í svigum):

Kennist eg Jón Olafsson, barnfæddur í Íslandi, og með þessu opnu bræfi vitanlegt gjöri fyrir öllum, að eg meðtek og tiltek erlegan og velaktaðan dánumann Söfrin Villatsson, borgara og innbyggjara hjer í Kaupinhafn í minn stað, og gef vissulega fullmakt að meðtaka og uppbera minna vegna í minni fráveru, svo sem eg sjálfur persónulega til staðar væri, hvað sem mjer tilkemur eftir kóngl. Majest. artíkulum [og] þeirra hljóðan, fyrir þann stóra skaða eg hefi fengið í compagníns þjónustu í þeirri óstindísku reisu, sem eru þrír fingur á hægri hendi, den foristi [sic!], item hálfur þumal-fingur[inn] á þeirri vinstri hendi, svo vel sem sá næsti fingur, sem er orðinn boginn, [einninn] sá litli fingur á þeirri sömu hönd er orðinn stífur — in summa að eg er ekki mektugur að hneppa mínum fótum að mjer, miklu miður að forþjena mjer brauð, sem Guð og þeim compagníns herrum sjálfum er vitanlegt, og þeir hafa sjeð með þeirra augum. Hjer með er mín auðmjúk bón, að þjer góðu herrar látið þennan minn fullmektugan, fyrnefndan Söfrin [skraddara] Villatsson uppbera og öðlast eftir artíkulanna hljóðan svo marga peninga, sem þjer viljið mjer hjer fyrir unna, eftir yðar kristilegu hjartalagi og

som I Kand andsvare for gud og Christeleg Øfrighed. Til beuising og vriggelig bekrefftelse at dette her vdy sandhed er setter eg mitt Nafnn met egenn haand her vnder. Achtum Kiobenhafnn den 10. May A^o 1626

Jon Olafsson Ostindýfar Islender. 5

Og þótt eg þetta brjef útgefið hefði velnefndum Söfren skraddara fjekk hvorki eg nje hann þar neitt af, þótt hann þar um oftlega við reiðarana ámalgaði, og varð eg svo búinn minn skaða og örkumsl að líða. Þar á ofan kom ei 10 Perlán frá Írlandi heim til Kaupinhafn, sem á var það góss er eg og aðrir þar áttum og frá Indien með oss haft höfðum, og þar fyrir vor laun og peninga keypt höfðum, hvert vjer urðum eftir að skilja þá frá skipinu í Írlandi heimleiðis fórum í Noreg, sem eg áður getið hefi. Og ei kom 15 það skip þann vetur eður vor heim í Kaupinhafn meðan eg þar dvaldist, hvað mjer ogsvo stórt angur ofan á hitt jók, að eg varð þessa alls að missa, hvað sig að til greindra verðaura hljóp eftir ríktugri registran, þá það í vöktun og umsjá míns kaptuga Christofors sáluga Boga kom, þá 20 eg skaðann fjekk, sem eg áður umgetið hefi, hvað alt eg bað Söfren skraddara minna vegna að meðtaka með minni fullmakt þar til, og mjer svo til Íslands senda, ef þetta skip ei kæmi áður en eg burt færi, hvað hann mundi trúlega gjört hafa ef það öðlast hefði, því hann var trúr og 25 ráðvandur maður, sem hann síðar mjer hingað til Íslands tilskrifaði, að þar ekkert af fengið eður meðtekið hefði, því kaptuginn Sixtus Jacobsson hefði strax að skipinu lossuðu heimreist í Holland, að afgreiddum fjemunum Christofors sál. Boga hans erfingjum, undir hvers varð- 30 veitslu mínir fjemunir voru. En hvort Sixtus hefir þá þar með afgreitt eður í Holland með sjer flutt þóttist

meðaumkan, sem þjer kunnið andsvara fyrir Guði og kristilegu yfirvaldi. — Til bevísingar og óhræranlegri stöðugleika og staðfestu að þetta svo í sannleika sje, set eg mitt nafn með eigin hendi hjer fyrir neðan. Actum Kaupinhafn, þann 10. Maí Anno 1626.

Jón Ólafsson Óstindífar Eh.

hann ei vita, og mista eg þetta svo alt, að eg varð snauður frá að ganga. En þó þar uppá síðar sigla vildi vissa eg ei hvar þetta mitt góss mundi niður komið vera, eður hvert sækja ætti, og kynni meiri skaða og kostnað af bíða
 5 þó þess freistað hefði, hvar fyrir eg ljet það hjá líða, og leitaði þar ei framar eftir.

XXXIII. KAP.

Nú að afliðnu vori og sumri uppbyrjuðu bjuggu þeir íslensku kaupmenn sín skip hingað til Íslands. Þá tók eg
 10 mjer far á því skipi, sem Skutulsfjarðareyrar höfn uppsigla átti. Kvaddi eg mína góða vini, stallbræður og kunningja í Kaupinhafn, og stje svo í Jesú nafni á skip. Og eftir nokkrar vikur þaðan frá liðnar komum vjer með heilu og höldnu á Skutulsfjörð.



HJER BYRJAST ÞRIÐJI PARTUR

LÍFSHISTORÍU OG ÆFISÖGU
ÞESS FRÓMA OG VÍTT ÚTREISTA
OG FORFRAMAÐA, FORSÓKTA MANNS,

JÓNS ÓLAFSSONAR ÓSTINDÍFAR,

SEM HEFIR INNI AÐ HALDA HIÐ SJERLEGASTA,
SEM VIÐBORIÐ HAFÐI ÞANN VETUR, SEM HANN VAR
Í KAUPINHAFN EFTIR SÍNA INDÍANISKU REISU, SEM OG
EINNIN ÞAÐ SJERLEGASTA, SEM VIÐBORIÐ HEFIR
SÍÐAN HANN KOM AFTUR TIL ÍSLANDS. SAMAN-

SKRIFAÐ EFTIR FYRIRSÖGN HANS

SONAR **ÓLAFS JÓNSSONAR**, EFTIR

ÞVÍ SEM HANN FREKAST MINN-

AST KANN EFTIR SÍNS

SÁLUGA FÖÐURS

FRÁSÖGN.



I. KAP.

Þann vetur, sem Jón sálugi Ólafsson þá 3 vikur voru af vetri kom hann heim í Kaupinhafn, og dvaldist þar þann vetur til lossamentis á nætur hjá þeirri frómu kvennu Christínu Söfrinsdóttir, eftirlátinni ekkju hans stallbróðurs 5 Jóns Halldórssonar, íslensks manns, sem var einn af kóngl. Majtt. byssuskyttum samtíða Jóni Ólafssyni, en til matar og drykkjar á daginn hjá ríkisins aðmírál, þá var honum þann vetur boðið að verða þeirra barna skóla-meistari er kgl. Majtt. hafði til forsorgunar og uppfræðis 10 taka látið, hvar fyrir hann skyldi hafa 400 sljetta dali í kaup, hvað hann ekki vildi. Einnin skrifuðu honum til

frændur hans úr Hamborg Hannes og Baltazar¹⁾ og buðu honum til sín, til erlegs uppheldis um hans lífstíð, hverju hann ogsvo hafnaði. Í þriðja máta bauðst honum og erlegt giftumál við fjáða ekkju, sem átti tvo unga stú-
 5 denta fyrir syni, hvað hann og ei heldur girntist, heldur sagði þessu sjerhverju nei, af því hann sjer stöðuglega fyrirsett hafði, eftir því heiti, sem hann áður í sínum raunum, þá skaðann fjekk, heitið hafði, að hann skyldi til síns fóstur-
 lands aftur vitja, ef Guð gæfi sjer líf og heilsu, og þar
 10 beinin bera ef Herrann svo vildi vera láta, hvert sitt heit hann vildi enganveginn brigða eður bregðast láta, hvar fyrir hann sjer stöðuglega fyrirsetti til Íslands að næstkomandi vori fullkomlega að reisa og þar framvegis að dveljast, ef Herrann svo vildi vera láta.

15 Um þennan vetur var kóngur vor Christián 4. ei heima í Danmerkur ríki, heldur í Þýskalandi í því þriggja ára stríði, sem hann færði mót keisaranum, í hverju hann var generall vegna þeirra Lúthersku, sem fyr sagt verið hefir, hvert stríð með ósigri afgekk og miklu blóðbaði og
 20 mannfalli á þeim Lúthersku, og síðan með eldi, bruna og eyðileggingu á kóngsins löndum og ríkjum, Jutlandi og Holsten þá keisarans fólk undir general Tyla þar innfjell, um hvern þriggja ára tíma prins Christián 5. kóngsins sonur var til ríkisins stjórnunar settur með ríkisins ráði
 25 umsjón og skikkun að hafa. Og eftir því að minn ásetningur fullkomlegur var til Íslands um vorið fullkomlega að sigla og þar staðnæmast það eg hans furstalega náð mig til einhverrar góðrar bestillingar hjer í landi að stoða mjer til uppheldis og forsorgunar um mína lífstíð fyrir mín örkumsl
 30 og trúlega kóngl. Majtt. þjónustu, þar það Óstindianiska

¹⁾ Að þeir Hannes og Baltazar (rjettara Melchior, sbr. bls. 6—7), synir Pjeturs Schytt, en langömmubræður Jóns Indíafara hafi verið þá á lífi er harðla ólíklegt, en þó eigi allsendis ómögulegt, og líka er afar-ósennilegt að þeir hafi vitað nokkuð um Jón; ekki getur Jón þess neinstaðar sjálfur í æfisögu sinni að hann hafi staðið í neinu sambandi við ættingja sína á Þýskalandi. Líklegast er þetta komið til af misskilningi Ólafs Jónssonar á einhverju, sem hann hefur heyrt föður sinn segja frá.

compagní vildi mjer engan sann sjá fyrir þann handarskaða, sem eg í þeirra þjónustu á þeirri reisu fjekk, hvarum þó artíkularnir skýrlega útskýra. Þá eftir þessari minni ósk skrifaði hans furstaleg náð höfuðsmanni yfir Íslandi Holgeir Rosenkranz eitt missive til, þess innihalds, 5 að hans herradæmi skyldi hjálpa mjer til nokkurs góðs uppheldis eður bestillingar hjer í landi, hvert hans náðar missive síðar hjer á landi í lögrjettu á Öxarárþingi upplesið var, hljóðandi sem hjer fyr í bókinni stendur.

Leið svo af þessi vetur og þar til um vorið, að Íslands- 10 för sig hingað til Íslands siglingar bjuggu, sem og einnin höfuðsmaðurinn Holgeir Rosenkranz, hvern sá hálóflegi herra, prins Christían fimti, bað mig að sjer að taka til hingaðflutnings og annarar umönnunar, hvað hann og trúlega gerði, með hverjum hann kom hingað til landsins 15 út í Seilunni hjá Bessastöðum ásamt herra Þorláki Skúlasyni¹⁾ og öðrum einum Íslenskum.

En allan þennan vetur og fram á vor, þar til vjer frá Kaupinhafn útlögðum, kom ekki Perlan frá Írlandi, á hverju skipi mitt góss var, sem eg fyr frá sagt hefi, undir 20 forvörun aðmíralsins Sixts Jacobssonar, hver það að sjer tekið hafði með öðru eftirlátinu góssi sáluga Christofor Boga, sem hann átti reikningsskap af að standa hans erfingjum, hverjir að voru í Saxen í Þýskalandi, hvar fyrir Sixt Jacobsson þóttist ei mínu góssi frá Christofors 25 Boga góssi sleppa mega við minn meðtöku og umboðsmann Söfren skraddara, þar beggja þeirra Christofors Boga góss saman stóð, og þessvegna náði hvorki hann eður eg mínu góssi, og hlaut eg þar svo snauður frá að ganga. En eftir það að Íslandsför höfðu fyrir einum degi frá Helsing- 30 eyri úr Sundinu útlagt kom Perlan frá Írlandi inn í Sundið með sína ríku hlaðning.

Kom höfuðsmannsskipið með öllum þeim þar á voru

¹⁾ Hólabiskup 1628–1656; hann var einsog kunnugt er dóttursonur Guðbrandar biskups, og þeir Jón Indíafari voru því skyldir. Sjá ættartöluna á bls. 7 neðanmáls.

til Bessastaða fyrir Jónsmessu, hvar eg og var, þar til eg með höfuðsmanninum og hans fylgjurum uppá alping fórum á tilsettum tíma, og fann eg þar marga Íslands höfðingja, sem að voru Gísli Hákonarson¹⁾ og Halldór Ólafsson 5 son lögmenn, Ari Magnússon, Björn og Þorleifur Magnússynir,²⁾ og margir aðrir fleiri, sem mjer buðu til veturvistar til sín, hvað eg þó ekki þáði, utan alleinasta hjá þeim virðuglega höfðingsmanni Birni Magnússyni í Bæ á Rauðasandi um veturinn eftir er eg um sumarið fyrst út 10 kom, hvar um framar að skrifa fyrst frá vikið er.

En vík þar til að þessi höfuðsmaður Holgeir Rosenkranz hafði með sjer til gamans hingað til lands eina apynju og affa, hvar á Íslenskum, sem það ei fyr sjeð höfðu, þótti starsýnt á að horfa og sögðu Danskir Íslenskum, að 15 þetta væri óstindianískt fólk og Jón Ólafsson skildi og kynni að útpýða þeirra mál, hverju Íslenskir trúðu, og einn íslenskur maður bugtaði sig og hneigði með reverentslu fyrir þessum indíanisku hjónum, hverjum hann gaf 4 pör sokka, sem hann sagði sín kona hefði þeim sent, hvar af þeir 20 Dönsku höfðu mikið gaman.

Af þessa árs alpingi fylgdist Jón Ólafsson með Birni sáluga Magnússyni af alpingi, og dvaldist hjá honum það sumar. En um haustið reið hann norður til Ísafjarðar í Álftafjörð, þar sína vini, frændur og ættmenn 25 að finna, hvar hann og nokkra stund dvaldist, og síðan aftur sama haust vestur ferðaðist, og dvaldist þar þennan vetur, á hverjum þessi frómi mann Jón Ólafsson var að aldri 34 ára, en 33 ára þá hann fyrst hingað aftur til lands kom

¹⁾ lögmaður sunnan og austan 1614—1630, nafnfrægur maður og ágætur. Um hann meðal annars Safn til Sögu Íslands II. bls. 131.

²⁾ Björn Magnússon þrúða varð sýslumaður í Barðastrandarsýslu 1598; hann dó 1635. Um hann sjá B. Ben. Sýslum. II. 85—87, líka athugasemd 2 við bls. 6 hjer að framan og rit Dr. Jón Þorkelssonar er þar er nefnt. Bróðir hans var Þorleifur sýslumaður í Skaftafelssýslu; hann bjó á Hlíðarenda; hann dó 1652, sama ár og Ari í Ögri bróðir hans. — Um Ara sjá áðurgr. rit J. Þork. og B. Ben. Sýsl. II, bls. 77—84; mynd af Ara og Kristínu konu hans og grein um þau eftir Jón Þorkelsson er í Sunnanfara III. 9, Khöfn. 1894.

1626, en 22 ára þá hann fyrst hjeðan af landi til Englands sigldi, sem í þeirri fyrstu bók umgetið er, og hafði hann þá alls utanlands verið í 11 ár.

Þetta sama sumar Anno 1626, sem Jón Ólafsson Óstindífar á Bessastöðum með höfuðsmanninum Holgeir 5 Rosenkranz útkom, veitti hann eftir áður umgetnu prinsins Christiáns 5. missive Jóni Ólafssyni þrjár kóngl. Majtt. jarðir: Ingveldarstaði, Daðastaði og Skarð, í forljening um sína lífstíð, með þar með fylgjandi kúgildum, hverra afgift árlega er til kónsins 14 ríkisdalir. Þessar jarðir 10 liggja á Höfðaströnd og voru í veiting Ingjalds á Reykjum í Miðfirði¹⁾, hverjar höfuðsmaðurinn það sama sumar af honum tók fyrir nokkurskonar misklið, er þeirra á milli innfjell, og veitti þær nefndum Jóni Ólafssyni, sem fyr umgetið er, hverjar jarðir hann tvö ár svo í forljening hafði. 15

II. KAP.

Og af því honum þótti sjer óhægt og kostnaðarsamt þessara jarða landskyldir og leigur árlega hjeðan að vestan sækja láta og þar til menn og hesta kaupa, þar hann var hjer í Álfafirði hjá sínu ættfólki, hvert honum vildi ei frá 20 sjer norður í land til vistarveru sleppa, hvar hann og ei heldur freklega á var við sitt ættfólk hjer að skilja, þar með og einninn hvarflaði honum í hug sig hjer vestra í ektaskap að inngefa með erlega dándisstúlku Ingibjörgu Ólafsdóttur, er var ráðsstúlka þeirra heiðurshjóna Jóns 25 Magnússonar yngri²⁾ og Ingveldar Guðmundsdóttur á Eyri við Seyðisfjörð, hver Ingibjörg var samfædd systir

¹⁾ Það var Ingjaldur hinn sterki Illhugason prests Guðmundssonar í Múla, og er hans víða getið í árbókum Espólins. Hann var lögrjettumaður og dó 1643. Jarðirnar eru ekki á Höfðaströnd heldur á Reykjaströnd.

²⁾ Jón Magnússon yngri, að viðurnefni Dan, sonur Magnúsar prúða, † 1651. Dóttir þeirra Ingveldar hjet Ólöf og giftist síðar Magnúsi Magnússyni sýslumanni í Ísafjarðarsýslu (B. Ben. Sýsl. II. bls. 48—49).

Randiðar, Sira Ólafs dóttur, er hjelt Stað í Súganda-firði¹⁾, er átti hans bróður; — og af því honum þessi norðurreisa svo árlega þunglega og kostnaðarsamlega fjell og stóðst á kostnaður og ábati, vildi hann ei þessar jarðir
 5 lengur í forljening hafa en fyrsögð 2 ár, hverjar hann aftur uppgaf Anno 1628 við áðurnefndan Ingjald á Reykjum, hver þær aftur í forljening fjekk. Og allan þennan tveggja ára tíma dvaldist Jón Ólafsson hjá sinu ættfólki í Álfta-firði, þess á milli hann með öðrum nafnfrægum höfðingjum
 10 dvaldist, hverjir honum jafnlega til sín heim buðu, sem voru meðal annara Ari Magnússon, Magnús Arason²⁾, Sira Jón Arason³⁾, Sæmundur Árnason⁴⁾ á Hóli í Buðlungavík, Gísli Hákonarson lögmann, og margir aðrir fleiri, hjá hverjum hann var jafnlega velkominn sök-
 15 um sinnar forfrömunar og langvaranlegrar kóngl. Majtt. þjenustu.

Liðu nú svo fram tímar þar til það sumar Anno 1627, um sumarið í Junii mánuði, að þau tyrknesku ræningja-skip⁵⁾ komu hingað til lands í Austfjörðu, Grindavík og
 20 Vestmannaeyjar, og ræntu í þeim plássum bæði fólki og fje, sem segir í reisubók Sira Ólafs Egilssonar prests, er þann tíð var prestur í Vestmannaeyjum, hvern þeir og einnin til fanga tóku og fram fluttu með 242 manneskjur eftir

¹⁾ Þar sem Randiður dóttir Sira Ólafs giftist árið 1600 (sbr. bls. 8 hjer að framan), er þetta sjálfsagt Sira Ólafur Sveinsson, er fjekk Stað nokkru fyrir 1569; í 2076 b og 17 er skrifað Ólafur Jónsson, en hann varð fyrst prestur þar 1650, og dó 1661 (eða 1663), 71 árs gamall, svo það er ómögulegt að hann hafi verið faðir Randiðar.

²⁾ sonur Ara í Ögri. Sjá hjer að framan bls. 54 og neðanmáls-grein.

³⁾ prestur í Vatnsfirði 1636—73 og prófastur í norðurhluta Ísa-fjarðarsýslu, sonur Ara í Ögri. Sv. Nielsson Prestatal, bls. 115, 131, 136. Um æfi hans sjá B. Ben. Sýsl. II. 77—78.

⁴⁾ Um hann sjá Jón Þorkelsson, Ísl. ártíðaskrár bls. 9 og víðar og B. Benediktsson, Sýslumannæfir III, bls. 88—95. Hann var sýslu-maður í Snæfellsnessýslu, ritaði ættartölubók, og dó 1634.

⁵⁾ Um Tyrkjaránið er mikið skrifað á íslensku einsog kunnugt er, og vísa jeg þeim, er meira vilja um það lesa í: Tyrkjaránið á Íslandi 1627. Sögufjelag gaf út. Reykjavík, 1906—1909.

skrifti Cláusar Eyjúlfs-sonar¹⁾, en dauðir og uppbrendir fundust í Vestmannaeyjum, 34 manneskjur auki þeirra, sem bæði í Austfjörðum og Grindavík af þeim drepnir voru. Þessir tyrknesku reyfarar hertóku og þrjú Íslands kaupför, sem var Djúpavogs kaupfar, Grindavíkur og Skutulsfjarðar 5 kaupför, með kaupmönnum, góssi og fólki.

Sama sumar komu og til Íslands tvö engelsk stríðs- skip, útsend af kónginum í Englandi til að taka Franska hjer við land eður hvar annarsstaðar í sjóum hvar þá hittu. Kaptugar yfir þessum engelsku stríðsskipum hjetu kapteinn 10 Húuk og kapteinn Tryl. Þessi engelsku stríðsskip sigldu vestur fyrir landið og urðu ei þessara tyrknesku ránsskipa varir fyrir sunnan landið þá þaðan sigldu. En fyrir Látrabjargi vestur hjá Breiðafirði hittu þeir eitt franskt hvalveiðarskip liggj- andi fyrir atker, og voru að bræða hval. Og eftir því að 15 þá var stríð og óvinátta milli Franskra og Engelskra höfðu þessir kapteinar Húuk og Trille²⁾ engelska kóng Jacobs³⁾ passa að taka uppá þessa Franska, hvar sem þeir þá hittu í rúmun sjó. Því lögðu þessi bæði engelsku kóngsskip til þessa franska hvalaskips, hvers kaptugi að hjet Dominigo, 20 og hafði gamlan passa af Danmerkur kóngi Christián 4. hjer við land á hans straumum hvali að veiða, hvern hann þessum engelsku kaptugum auglýsti, meinandi hann sjer til friunar og frelsis vera, sem og einnin, að hann ei í rúmun sjó undir seglum væri, hvert hans forsvar þeir að engu 25 akta vildu, heldur uppbyrjuðu strax þetta franska hval- veiðarskip með stórskotum að ásækja, hvert þó vel varðist, uppvindandi þann hvalfisk, sem við skipið fastur var, uppá skipsins síðu og ljetu hann taka við öllum skotum þeirra Englsku. En þó að tveimur dægum liðnum unnu og inn- 30

¹⁾ lögrjettumaður, † 1674.

²⁾ Englendingar hjálpuðu þá mótmælendum í La Rochelle á Frakklandi, og áttu því í ófriði við Frakkakonung. — Húuk er vafalaust Francis Hooke, kapteinn, sem 1627 var sendur til Íslands til að vernda 150 ensk fiskiskip, er honum urðu samferða. Hans er víða getið í enskum gjörningum frá þeim tímum. Sjá Calendar of State Papers. Domestic Series 1627—28. Ed. by J. Bruce. London 1858, bls. 131.

³⁾ á auðvitað að vera Karls 1.

- tóku þessi tvö engelsku skip þetta franska hvalveiðarskip. Og þar þeir sáu sig yfirunna hlupu 18 af þessum hvalveiðarmönnum í eina stærstu hvalaslúffu eður bát, hvar á meðal að var þess franska kaptuga bróðir Jóhannes Suan til
- 5 fyrirliða þessara manna. Síðan rjeru þessir menn í burt norður í sjóinn, en þeir Engelsku skutu eftir þeim í ákafa, meðan til þeirra með stykkjunum náðu, og skutu af þeim 2 menn og skamferuðu bátinn víða, en þeir Frönsku aftur á mót tróðu í götin sínum fötum og öðru, sem til höfðu
- 10 sjer til bjargar að ei sykki eður töpuðust. Hjeldu síðan norður á Ísafjarðardjúp, og inn að Arnarnesi (hvern allan sjóveg þeir komust á dægri). Og þá þeir til Arnardals komu fjeck Jóhannes Suan með nokkrum mönnum sjer flutning inn í Ögur til fundar við virðuglegan og velfor-
- 15 standugan höfðingsmann Ara Magnússon kóngl. Majtt. sýslumann yfir Ísafjarðarsýslu, að forlagi og fyrirskipan sjálfs kaptugans Dominigo, hver alt sitt málefni (um ranga tekt að hann hjelt) undir dómsályktan velnefnds valdsmanns leggja ætlaði. Og þá Jóhannes Suan hann fann og þetta undir-
- 20 visað hafði, dvaldist hann í Ögri nokkurn tíma, þar til þau engelsku kóngsskip komu hingað á Kvíarmið fyrir utan Ísafjarðardjúp, með það franska skip og kaptein Dominigo, hvert þeir strax inntekið höfðu eftir það að áður-skrifaður bátur eður slúffa hafði frá þeim farið og fyr var getið.
- 25 Og þegar þessi kóngsskip voru komin á Kvíarmið, hjelt Dominigo með bát til lands í eftirspurn og leit sinna manna. Og þá hann á land kom frjetti hann til þeirra í Arnardal og Ögri, hvar af hann stórum gladdist, og gjörði sínum bróður Jóhann Suan boð sig sem fljótast á þau
- 30 engelsku kóngsskip finna, hvað hann strax gjörði sem hann þessi boð fjeck. Og að þeirra samfundum gjörðist það milli Dominigo og kaptuganna, að ráðstefna og samfundur skyldi haldast í Arnardal á tilsettum degi um þessa skipstekt, hvar til og einnin að boðaður var fyr-
- 35 nefndur heiðursmann Ari Magnússon, til hvers og Jóhannes Suan var aftur sendur með þennan boðskap. Og þá tilsettur samfundardagur kom, ferðaðist Ari Magnússon með sínum fylgjurum til Arnardals, hverra á meðal var

og Jón Ólafsson Indíafar ei hinn síðsti. Kapteinn Húuk og kapteinn Dominigo með sínum fylgjurum komu og til þessa samfundar, og var þá þetta málefni undir álit tekið, og kom þeim ei saman um myndugleika þess kóns Christiáns 4. passa, sem Dominigo hafði til hval- 5 veidar hjer við land, sökum hans aldurdóms og að ei endurnýjaður var. Því var það sett til höfuðsmanns á Bessastöðum og skyldi Jóhann Suan uppá hans andsvars hjer um til Bessastaða riða með skrifti Ara Magnússonar, hverjum til fylgdar Ari Magnússon fjeck Jón Ólafsson Indíafar. Var svo slitið þessari Arnardals ráð- 10 stefnu. Bauð svo kaptugi Húuk Ara Magnússyni fram til síns skips til veislu, en Ari afsakaði sig að hann því ei við koma kynni sökum margra kóns erinda og brjefaskriftar til alþingis, bæði um þetta efni og annað, sem 15 gegna ætti. Og að skilnaði með góðan kærleik var Ari Magnússon fluttur heim í Ögur. En kaptugarnir Húuk og Dominigo, Jóhann Suan og Jón Ólafsson fóru til kóngsskipanna, hvar þá stór veisla stofnuð var. Þar fann Jón Ólafsson sinn gamla vin, kunningja og skip- 20 herra Ísach Brommet, með hverjum hann fyrst í sínu ungdæmi hjeðan af landi til Englands sigldi, sem í upphafi þessarar lífshistoríu Jóns Ólafssonar er umgetið; því þessi skipherra Ísach lá með lóðir til fiskirliis nálægt þessum kóngsskipum; og þar var hann til þessarar veislu sóktur. 25 Urðu þar fagnaðarfundir með Jóni og honum. Og að þessari veislu endaðri var Jóhannes Suan og Jón Ólafsson til Arnardals í land aftur fluttir. Og að skilnaði gaf kapteinn Trille Jóni Ólafssyni góðar gjafir, þar hann var til hans sendur með þakklætisbrjef Ara Magnússonar 30 fyrir veislutilboðið, hvar með og einnin fylgdi hans afsökun að ei til hans persónulega koma mætti sökum viðliggjandi síns herra kóns erinda, sem hann svo bráðlega fyrir þetta alþing eftir sinni embættisskyldu útrjetta ætti, hvar fyrir hann sendi þennan velforframaða mann, Jón Ólafsson 35 Ostindíafar til hans herradæmis með þetta brjef, hvert hann kynni fyrir honum uppá engelsku útpýða og sig framar

persónulega afsaka að hann greindra orsaka vegna gæti hann ei í þetta sinn í eigin persónu fundið, hvert Jón Ólafsson kaptuga Tril afhenti, útpýddi, og sína sendimannlega skyldu gjörði Ara að afsaka, svo sem honum til-
 5 trúað var, hvert brjef og þess innihald kapteinn Trille með mikilli æru og virðingu upptók, og sagðist þvílíkt erusemdar tilskrif af nokkrum ei fyr fengið hafa, og sagði það fyrir kónginn og herrana í Englandi koma skyldi, hvar með hann það hjá öðrum sínum brjefum í góða forvörun
 10 niðurlagði.

III. KAP.

Þá nú Jóhannes Suan og Jón Ólafsson voru af þeim engelsku kóngsskipum aftur til Arnardals á land komnir, fengu þeir sjer þaðan beinan flutning inn í Ögur og tók
 15 [Jóhann] Suan með sjer tvo af sínum landsmönnum þeim Frönsku til fylgdar á þessari reisu, sem og einnir sína sögu fyrir höfuðsmanni að sanna, hvernin alt um skipsins tekt tilgengið hefði, ásamt kóng Christiáns 4. passbrjefi Dominigo áður útgefnu á kóngsins straumum hjer við
 20 land, sem fyr sagt var. Og sem þeir í Ögur komu hafði Ari Magnússon tilbúa látið hvað þeir til þeirrar reisu með þurftu, hesta, tjald og annað. Og var Jón Ólafsson forstjóri þeirrar ferðar. Og reistu þeir svo í Herrans nafni af stað með brjef bóndans Ara til höfuðsmannsins, hver
 25 honum allar kringumstæður þessarar sendifarar og efnis undirvísuðu.

Og sem þeir komu suður í Borgarfjörð spurðu þeir fyrst þau hrygðartíðindi um þau miklu rán og mannskaða, sem skeð hafði í Austfjörðum, Vestmannaeyjum og í Grinda-
 30 vík þann 12. Junii 1627 af þeim tyrknesku reyfurum og ránsmönnum, sem fyr á vikið er, og þess meir, sem þeir suður á landið komu þá var þess meiri uggur og ótti á landsfólkinu með veini og grát.

Kom Jón Ólafsson svo til Bessastaða, með þessa sína fylgjara, og fann höfuðsmann Holgeir Rosenkranz fyrir alþing, og afhenti honum brjef bóndans Ara, af hverju hann vel merkti þessara frönsku manna erindi, og það að tvö engelsk kóns stríðsskip voru fyrir Vestfjörðum, hvaraf 5 hann varð stórlega glaður, og hugði strax Jón Ólafsson aftur um hæl vestur senda með brjef til kóngsskipanna. og biðja þá suður fyrir land að halda, á móti þessum ráns- mönnum. En um tekt á því franska skipi þóttist hann ei kunna úr að ráða þar kónsins passa áhrærði; því mundi það 10 efni til herradags [setjast verða] fyrir kónginn og ríkisins ráð, en lofaði þó þennan Jóhannes Suan í þessu efni aðstoða það gæti, takandi svo þennan Jóhannes Suan og hans fylgjara til sín til útsiglingar.

En af því höfuðsmaður Holgeir Rosenkranz hafði 15 um þennan tíma miklu að gegna í viðurbúningi í Seilunni, hvar hann ljet virki gjöra á móti þessum ránsmönnum, ef þar koma kynnu, hvar í hann [til] varnar skikkaði alla þá Íslenska, sem til Bessastaða með sinna ljena afgiftir komnir voru, með þeirra mönnum, og vildi höfuðsmaður engum 20 burtfararleyfi gefa fyr en vitnaðist hvert þessir ránsmenn hjeldu. Einnin hafði höfuðsmaður til sín í Seiluna kallað þau næstu kaupför, sem voru kaupskip úr Keflavík, annað úr Hafnarfirði, þriðja úr Hólminum. Þessi þrjú skip lágu til varnar með höfuðsmannsskipinu í Seilunni, með þeirra 25 innihafandi skipsfólki vel til búin. Svo og hafði hann tilsett um öll Suðurnes strandvakt að hafa og þessum ránsmönnum landgang að varna.

Og sem nú Jón Ólafsson hafði eina nótt á Bessa- stöðum verið og átti aftur sem fljótast vestur að ferðast með 30 brjef höfuðsmanns til þeirra engelsku kaptuga, sem fyr er sagt, kom sú fregn sunnan, að þessi tvö ræningaskip væri allareidu komin að Hafnarfirði, og ætlaði að leggja inn á Seiluna, hvar við ferð Jóns Ólafssonar hindraðist, og fjekk befalling að biða, þar til hann til sanns vissi, hvernin 35 afgengi. En höfuðsmaður skikkaði öllum vel vara á taka á sinni bestillingu til varnar; svo og var Jóni Ólafssyni

og þeim frönsku bifalað í skansinn að fara og [á] stykkjunum vara að taka og affýra nær þyrfti. En höfuðsmaður með sínum þjenurum og mörgum Íslenskum í stórum látúnssöðlum á landi riðu til umsjónar og aðgætni með löngum stöngum, svo sem hertýgjað fólk væri að sjá, þá sólin á söðulbryggjurnar skein.

Og þá þeir á landi voru svo til varnar búnir, uppbyrjuðu ránsskipin að leggja inn á höfnina. Og þá þeir af skipunum og skansinum það sáu fýruðu þeir nokkrum stykkjum um þeim á móti, og ránsmenn í sama máta af sínum skipum á land upp. En um þetta bil, af Guðs tilsettu ráði, bar annað reyfaraskipið uppá grynningar, svo það stóð, því fjörumikið orðið var; var það það skipið, sem það herstekna fólk á var og mestalt góssið. Og þá hinir það sáu settu hvorutveggju út sína báta að flytja fólk og góss af því standandi skipi á hitt, það að ljetta, svo og köstuðu þeir út miklu tunnugóssi af mjöli, öli og annari votuvöru, sem þyngst var, og þeir höfðu á dönsku skipum tekið, hvað mestalt til lands rak, hvar á var mark kaupmannsins Boga Nielssonar, kaupmanns á Skutulsfirði, hvert Jón Olafsson þekti og þar af vissi að Skutulsfjarðarhafnar skip mundi tekið vera af þessum ránsmönnum. Og sem þeir nú í þessu sjóarsvamli og flutningi skipanna á milli voru ljetu þeir Dönsku af að skjóta á þá, bæði af skipunum þeim dönsku og skansinum (því miður), en Íslenskir vildu að að þeim sem mest skotið væri meðan þeir voru í þessu svamli, hvers þeir ei ráðið fengu, og því komst þetta ránsmannaskip af grynningunum með aðfallinu, og sneru svo þessi ránsskip bæði frá Seilunni, og sigldu aftur suður fyrir landið, og sást ei til þeirra frammar, fyr en þeir komu í Vestmannaeyjar og þar ræntu í Julio mánuði. Þetta skeði skömmum tíma fyrir alþing að þessi skip fyrir Seiluna komu, og því reið höfuðsmaður og enginn þeirra, er þann tíma á Bessastöðum voru uppá alþing það sumar vegna uggs og ótta.

IV. KAP.

Og sem þetta alt afstaðið var, og Jón Ólafsson ætlaði frá Bessastöðum að ferðast aftur hingað vestur með brjef höfuðsmanns til þeirra engelsku kapteina, með hver sýslumanninum Ara Magnússyni tilskrifað og skikkað var 5 hið fljótasta til kóngsskipanna að senda, hvar sem til þeirra hjer vestra spurðist, hverjir af höfuðsmanni [beðnir] voru suður fyrir landið sigla, og þessa ránsmenn upp að leita og í hel slá ef gætu. En Jóni var bifalað af höfuðsmanni nótt og dag að riða hið fljótasta; hvað Jón og gjörði, og á 10 fjórum eða fimm dögum frá Bessastöðum komst heim í Ögur, og þessi brjef Ara Magnússyni afhenti, með hver hann síðan Jón Ólafsson til [þeirra] engelsku kap-tuga sendi, þeim þau að afhenda, hvað hann síðan trúlega gjörði, og þeim þar um undirrjettaði sem þá komið var, 15 hverju þeir vel tóku og sig til siglingar bjuggu suður fyrir landið þessa ránsmenn að hitta, hverra þeir þó ei varir urðu, og sigldu svo aftur hingað vestur fyrir landið.

En áður Jón við höfuðsmann á Bessastöðum skildi bað hann hann við velvíska Íslands reiðara í Kaupinhafn 20 tilhlutast, innbyggjaranna vegna í Ísafjarðarsýslu, nær fram kæmi, að þeir vildu annað kaupfar með almúgans nauðsyn hingað á Skutulsfjarðareyrrar höfn senda þetta sumar eður haust almúgans vegna, sem ei gætu aðrar hafnir til kaup-skapar heimsótt; hvar um höfuðsmaður Holgeir Rosen- 25 kranz lofaði í góðri tilhlutun að vera að ske skyldi ef mögulegt væri, hvert sitt loforð hann trúlega efnt hafði, því um haustið snemma kom hingað á Skutulsfjarðarhöfn kaupskip með nauðsynlega vöru af Íslands compagníi útsent á báðar þessar hafnir. Kaupmenn hjetu . . ., þeir sögðu, að höfuðsmaður 30 og öll kaupför utan Vestmannaeyja, Djúpavogs, Grindavíkur og Skutulsfjarðar skip, hefðu lukkulega [heim komist], og meintu þeir þau 4 skip af Tyrkjum tekin verið hafa. Einninn kom með

þessu danskt varnarskip, af vorum kóngi hingað sent, að leita eftir þessum ránsmönnum, en þeir urðu þeirra í sjónum hvergi varir, og þetta sögðu þeir að skeð hefði af forlagi höfuðsmanns Holgeirs Rosenkranz. Svo og sögðu 5 þeir að Jóhann Suan og hans fylgjarar þeir Frönsku, hefðu vel fram komist, og höfuðsmaður hefði þeim sjálfur uppá slotið fylgt fyrir kóngl. Majest. og herrana og þeirra mál-efni framborið, og hefði kóng Christíáni 4. stórlega illa líkað, að Dominigo og hans skip skyldi svo nærri landi og á 10 hans straumum móti hans eigin passa tekið hafa verið svo trássuglega, og lofaði hið fljótasta hjer um kóng Jacob¹⁾ í Englandi tilskrifa, að Dominigo og hans skip með tilbæri[legu] skaðagjaldi skyldi aftur laust látast, hvað og ári síðar úr Englandi spurðist að gjört verið hefði, og kóng 15 Jacob hefði og þetta illa líkað, að þeir þá svo nærri landi liggjandi tekið [hefðu], á danska kóns straumum, hvar af orsakast hefði mátt óeining kónganna á milli og þeirra undirsáta, hvar fyrir kaptugarnir Húuk og Trille mættu kóng Jacobs ógunst, og lá við að meiri skaða hrept hefði, hefði 20 ei Dominigo það sjálfur afplánað, þar hann var sáttur með, að sitt skip og góss aftur fjekk.

V. KAP.

Arið eftir, Anno 1628, kom sami höfuðsmaður, Holgeir Rosenkranz, hingað til lands í Seiluna á dönsku stríðs- 25 skipi. Sömuleiðis voru og önnur tvö dönsk varnarskip hingað undir landið send, að krissa²⁾ í sjónum, og taka þessa ránsmenn, ef þeirra varir yrðu, hvað ei skeði. Einnin sendi kóng Jacob af Englandi til Íslands 2 stríðsskip sama

¹⁾ Þá rjeði Karl 1. ríkjum á Englandi einsog kunnugt er, svo þetta er misritað.

²⁾ d. krydse, sigla til og frá.

erindis, og að þeim engelsku fiskiduggum að gæta. Þessir sögðu þær frjettir, að á Englandsstraumum hefðu á þessu forári 13 tyrknesk skip af Engelskum tekin og í sjó skotin verið, sem til Íslands hefðu fara ætlað. En hvorugt þessara ára Anno 1628 og Anno 1629 urðu varnarskipin neinna 5 ránsmanna varir, hvorki í sjónum eður undir landinu, hver þó hjer bæði þessi sumur bæði dönsk og engelsk [voru], og er hjer um að þessu sinni ei fleira að skrifa.

Liðu nú svo tímar fram, að ei neitt sjerlegt skrifverðugt viðbar, og var Jón Ólafsson hjá ættfólki sínu í Álf- 10 firði þess á milli er hann var ei hjá Ara Magnússyni eður öðrum höfðingmönnum vel látinn. Og um þennan tíma eggjaði ættfólk Jóns Ólafssonar [hann] á að staðfesta sitt ráð með ektaskaparefnum og erlegu hjónabandi; hverjum þeirra ráðum hann aðhlýddist, og í Guðs trausti 15 eftir forsettu ráði leitaði ektaskaparmála til erlegrar sæmdarstúlku, Ingibjargar Olafsdóttur, hver eð þá til vistar og veru var á Eyri við Seyðisfjörð hjá þeim heiðurshjónum Jóni Magnússyni yngra og Ingveldi Guðmundsdóttir. Þessi Ingibjörg var dóttir Sr. Olafs [Sveins- 20 sonar], er haldið hafði Stað í Súgandafirði, en systir Randíðar Ólafsdóttir, er Halldór Ólafsson bróðir Jóns átti. Og eftir góðum Guðs vilja ektaði hann tjeða Ingibjörgu, og var þeirra brauðkaup haldið á Eyri við Seyðisfjörð, og reistu þau svo bú um vorið á Tröð við Álfafjörð. 25

VI. KAP.

Nú sem Jón Ólafsson var fyrir nokkrum [tíma giftur] og sat í sínum búskap, en hafði litla eður enga undirholdningu eður uppheldi af sinni fyrri kóngl. Majtt. þjenustu, en var bágð um að vinna vegna síns handarskaða og veik- 30 leika, kom honum í hug að freista við háyfirvald og þá óstíndíanisku reiðara (í hvers þjenustu hann þennan handarskaða fengið hafði), hvort þeir vildi sjer ei í sinni nauðsyn

nokkurs til lífsuppheldis unna, af sínum góðum geðsmunum
 og sannsýnilegri guðhræðslu, hvar um hann fyrir þá
 auðmjúklega supliceraði skriflega, og bað velvisan Íslands
 compagniins kaupmann á Skutulsfjarðareyri . . . hjer
 5 um við þá sinna vegna í framkvæmd vera og þeirra
 andsvar hjer uppá sjer aftur færa, hvað tilsegðu. Og eftir
 því þann tíma svo tilhagaðist að sá constabel eður byssu-
 skytta, sem uppá stykkin og skansinn í Vestmannaeyjum
 vaktað hafði, var fráfallinn, og annan velforfarinn mann til
 10 þess embættis í hans stað þurfti þar til að setja, þá var
 Jón Ólafsson (hver lengi áður kóngsins byssuskytta verið
 hafði), þar til af yfirvaldinu og reiðurunum kjörinn og
 skikkaður constabel eður byssuskytta á skansinum í Vest-
 mannaeyjum vera, og allan stríðstilbúning þar vakta, og
 15 umsjón hafa; svo og innbyggjurunum þar stríðsorðu kenna,
 og þeim upp á munstring að halda einu sinni í hverri viku,
 svo fólkið liðugari og vanari til væri, þá til þyrfti að taka,
 hverju öllu Jón Ólafsson trúlega og kostgæflega fram-
 fylgdi, og gjörði þann tíma hann til Vestmannaeyja kom og
 20 þar dvaldist, svo sem vitnisburður umboðsmannsins Nielsar
 Clemenssonar (honum útgefinn þá þaðan burt vjek),
 útvísar og inniheldur um hans erlega höndlun og breytni
 með frómlegu og guðrækilegu dagfari í umgengni við sjer-
 hvern meðan þar dvaldist, datum Anno 1640, 17. Julii¹⁾. En
 25 fyrir þessa sína þjónustu, ómak og embættistilsjón skyldi
 hann hafa fría jörð og bústað þar í Eyjunum, án alls af-
 gjalds, item daglega mat og drykk í Dönsku húsum, hjá
 umboðsmanni, og þar til annað víst kaup, árlega 50 vættir.
 Þá nú Jón Ólafsson þennan boðskap með kóngsbrjefi
 30 fjekk bjó hann sig með kvinnu og barni strax til ferðar
 um sumarið, og ofurgaf svo sína bújörð hjer Eyrardal, hvar
 hann hafði 11 ár búið, en seldi sína búshluti hjer með öðru
 því ei gat með sjer haft fyrir hesta og annað, sem til ferð-
 arinnar þurfti, og reisti svo hjeðan með bæn og blessan og
 35 góðum viðskilnaði. Á hverri sinni suðurreisu hann marga
 góða og göfuga höfðingsmenn heimsótti, sem voru á meðal

¹⁾ Vitnisburður þessi er prentaður hjer að aftan í viðaukunum.

annara Þorleifur Magnússon á Hlíðarenda, Vigfús Gíslason á Hvoli¹⁾, Cláus Eyjúlfs-son, og aðrir fleiri, hverjir hann heiðarlega meðtóku og góðan greiða veittu. Komst svo af Eyjasandi með beinum flutningi út í Vestmannaeyjar, og var þar af umboðsmanni Niels Clemens- 5 syni vel tekinn og bújörð fengin til heimilisveru fyrir sig og sína, en hafði sjálfur mat og drykk daglega í Dönsku húsum, hvar hann var og oftast skansinum og stríðstilbúnaðnum umsjón og vöktun að veita eftir sinni tiltrúaðri embættisskyldu, en á næturnar var hann heima á 10 sínum bústað hjá sinni kvennu og öðru fólki, hverri daglega til hvernar máltíðar úr Dönsku húsum sent var ein kanna bjórs og 3 eða 4 brauðkökur. Fjell Jóni Olafssyni þar vel að vera í fyrstunni, því allir ljetu hann vel. En hans kona, Ingibjörg Ólafsdóttir, kunni ei þar 15 við landslag og undi sjer með engu móti þar að vera, hvaraf hún um síðir sturlun og langsemi með óyndi [fjekk]; hvar fyrir Jón Ólafsson varð henni að lofa þaðan að vikja og vestur aftur, hvað hann varð um sumarið eftir að framkvæma, og varð svo hennar vegna, móti sínum eigin vilja 20 og ásetningi í fyrstu, þaðan að rýma með sitt fólk. Og ljet umboðsmaður upp á sinn eigin kostnað hann svo með öllu sínu á land flytja, og skrifaði með honum mörgum góðum mönnum til, og bað þá honum styrk, aðstoð og greiðskap að veita til þessrar hans vesturferðar, hvað þeir og 25 gjörðu gefandi honum hesta og annað, sem hann til þeirrar ferðar með þurfti. Ferðaðist hann svo með sitt fólk vestur í Álftafjörð, og kom þangað um sumarið eftir alþing. Voru þá allar jarðir þar í sveit bygðar, svo Jón kunni það ár þar ei bústað að fá; því varð hann sjer vistarveru fyrir 30 sig, konu sína og barn, hjá fólki sínu að útvega, það eftir var ársins.

¹⁾ sýslumaður í Rangárvallasýslu, † 1647.

VII. KAP.

Um haustið þessa árs bar svo við, [að] Árni Jónsson, hvalaskutlari, er þá bjó í Hattardal meira, ferðaðist heiman og ætlaði til róðra í Vigur, og fór út eftir Álfafirði norð-
5 antil og kom við á Dvergasteini, þar þau voru. Kom Ingi-
björg Olafsdóttir, kvinna Jóns Ólafssonar, og bað hann um flutning yfir undir Kambnes, því hún ætlaði til Eyrar í Seyðisfirði þau hjón Jón Magnússon og Ing-
veldi Guðmundsdóttur að finna. Meintu menn hennar
10 erindi vera mundi að fá hjá þeim jörð til ábýlis eftirkom-
andi. Og eftir hennar umbeiðni veitti Árni henni far. Stje hún svo á skip til Árna, og sigldi hann svo hægan byr alt fram undan Tröð hjá Súðavík; þá kom garður í seglið og sló skipinu um koll, svo hvolfdi. En Árni og
15 hans hásetar, fyrir Guðs aðstoð, komust á kjöl, og voru úr landi sóktir og varð hjálpað af Þorkeli Svartssyni, ábúanda [á] Tröð, og lífs á land fluttir. En konan Ingi-
björg náðist látin, og hafði brennivínsflösku uppbundið á beltið innan undir humpunni, er hún ætlaði að gefa þeim
20 hjónum á Eyri, og var hún liðin svo á land flutt til Traðar, og þar hennar líkami til moldar búinn, og til Eyrar í Seyðisfirði til greftrunar flutt, hvar hún hvílir. En eftir þann garð, er skipið tapaðist, hafði hvíta logn [verið] alt til kvölds, hvað öllum þótti undarlegt. En að sögn var
25 sagt, að Ingibjörgu þessari hefði komið til við eina konu í Vestmannaeyjum veturinn fyr, svo þær deildu, og hafði þessi kona átt að segja, að hún mundi ei oftsinnis hjer eftir við sig deila, því Ingibjörg mundi aftur á Vest-
fjörðu komast, og þar í sjó drukkna, hvað og skeði með
30 þeim aðburðum, sem nú var frá sagt. En Árni og hans hásetar komust vel til sinnar heilbrigði aftur og fóru svo sem þeir sjer í fyrstu ásett höfðu. Var nú Jón Ólafsson einmana ekkjumaður eftir þessa sína fyrri konu, með

sínum laungetna syni Christofor Boga um nokkra tíma þar eftir, hver eð þann sama vetur andaðist hálfum mánuði eftir jól.

VIII. KAP.

Hjer eftir að nokkrum tíma frá liðnum hvarflaði Jóni 5 Ólafssyni aftur í hug sig að staðfesta aftur í erlegum ektaskap, og leitaði sjer til ektamaka erlegrar sæmdarstúlku Þorbjargar Einarsdóttir, er þá var ráðsstúlka hjá Jóni Þorgeirssyni, er þann tíma bjó á Uppsölum í Seyðisfirði, hvað eftir góðum Guðs vilja, stúlkunnar og giftingar- 10 manna samþykki fjeck Jón Ólafsson þessa Þorbjörgu Einarsdóttir sjer til ektakvinnu, og reisti bú með henni á Uppsölum í Seyðisfirði, hvar þau bjuggu í næstu eftirfarandi 5 ár. Síðan sig þaðan fluttu til Eyrardals við Álftafjörð, hvar þau og bjuggu í samfeld 30 ár, til sins dauða- 15 dægurs, sem skeði Anno 1679.

IX. KAP.

Um allan áðurnefndan tíma sat sá virðuglegi og viðfrægi höfðingsmann Ari Magnússon í Ögri, og hafði lögsögn yfir Ísafjarðar- og Stranda-sýslum, einnin umboð 20 yfir Stranda, Ísafjarðar og Aðalvíkur kóngl. Majtt. jörðum, er svo kallast, en síðar eftir Jón Ólafsson Færey Stapa-sýslu og -umboðs haldara fjeck Sr. Torfi Snæbjörnsson¹⁾ 5 Álftafjarðarjarðir, hverjum hann 1 ár í forljening hjelt, en Ari þær að því ári liðnu tók eftir hann í forljening. 25 Og um þann tíma eður nokkru síðar bygði hann Jóni Ólafssyni eina af þessum kónglegrar Majtts. jörðum Eyrardal við Álftafjörð með 1 hundraðs leigu og 3 kúgildum, hvar Jón Ólafsson síðan allan sinn aldur á bjó til Guð hann burtkallaði sem fyr segir. En þessum Álfta- 30

¹⁾ pr. á Kirkjubóli 1616—1668. (Sv. Níelsson Prt. bls 131).

fjarðar forljeningsjörðum með öðrum fleirum Ari hjelt alla sína lífstíð, þar til Guð hann hjeðan kallaði, hvað eð skeði um haustið á því ári Anno 1652 11. Octobris.

- 5 Fjekk Magnús Magnússon¹⁾ sama ár Álftafjarðar- og Aðalvíkurjarðir í forljening eftir hann, hverjum hann enn nú heldur. Um þennan tíma hafði Jón Ólafsson Óstindífar supplicerað til kóngl. Majtt. Fridrichs 3ja um þá kónglegrar Majtt. jörð Eyrardal²⁾, sem nú á 10 bjó, að hans kóngl. Majtt. vildi sjer hennar til uppheldis um sína lífstíð náðuglega unna fri án afgjalds, í sínum aldurdómi og örvesi, þar hann væri ei tilfær sjer atvinnu að afla á sinni handbjörg sökum þess handarskaða, sem hann í kóngl. Majtt. Christiáns fjórða þjónustu fengið 15 hafði á þeirri óstindíanisku reisu; uppá hverja suplicatiu Jón Ólafsson hafði ekkert fyllilegt svar öðlast. Og því reisti Jón Ólafsson suður til Öxarár alþingis herra ljensherrann velburðugan Heinrik Bjelke³⁾ að finna hjer um árinu eftir, Anno 1653, og bað hann í auðmjúkasta máta 20 hans excellens sig hjer um stoða hjá kóngl. Majtt. Fridrich 3ja, hverju ljensherrann honum lofaði, hvað hann og síðan árinu eftir trúlega framkvæmdi við kóngl. Majtt., hvar um ljensherrann það ár um sumarið tilskrifaði sínum fullmektugum fóveta á Bessastöðum, Thómasi Niculás-

¹⁾ Sýslumaður í vesturhl. Ísafjarðarsýslu 1652—81. Sjá formálann. Um hann hefur próf. Finnur Jónsson skrifað fyrir framan útgáfuna í annál hans í Safni til sögu Íslands IV. bls. 99—104. Sjá líka Sýslum. B. Ben. II. 220—224.

²⁾ Jón Indíafari hefur sótt um þetta líkl. 1650, því til er konungsbrjef til Hinr. Bjelke. dags. 10. Maí 1651, þar sem konungur úrskurðar að Jón skuli fá jörð í Álftafirði. Brjefið er prentað hjá Magnúsi Ketilssyni í Forordninger og aabne Breve til Island, III. bls. 41—42 (Útdráttur í Norske Rigsreg. X, bls. 210). — Einhverjar vífilengjur hafa þó orðið á málinu, því víst er það, að Jón fjekk ekki jörðina fyr en 1654, einsog hjer segir á eftir.

³⁾ Hinn alkunni höfuðsmaður og ríkisaðmiráll (1615—83). Æfi hans má lesa meðal annars í Hirðstjóraannál Jóns prófests Halldórs-sonar (Safn t. s. Ísl. II, bls. 745—752).

syni¹⁾, svohljóðandi, að til sín komið væri kónglegt missive að Jón Ólafsson Óstindifar skyldi þeirri kóngl. Majtt. jörð Eyrardal við Álftafjörð fri og frjálslega njóta sína lífstíð með þeim þremur kúgildum, þar með til leiguburðar standa, án alls eftirgjalds; því skikkar ljensherrann fóvet- 5 anum Thómasi að láta hann þessarar jarðar eftir þessu missive njótandi verða, og það inn í kóngl. Majtt. jarðabók færa, sem og einninn það skriflega undirvísa þeim Alftafjarðarjarðir í forlþening hefði, og skyldi árlega í hans afgift til Bessastaða þar fyrir kvittast þrír ríkisdalir meðan 10 Jón Ólafsson lifði, en eftir hans afgang skyldi greind jörð Eyrardalur falla aftur til umboðsins, og umboðshaldarinn megi hana þá undir sitt umboð eftir sinni festu frjálslega aftur meðtaka af erfingjum Jóns, og þar eftir árlega til Bessastaða fullri afgift svara, sem er fjórtán ríkisdali eitt 15 ort. Og þetta ljensherrans brjefs innihald tilskrifaði fóvetinn Thómas Niculásson Magnúsi Magnússyni, er þessar jarðir þá í forlþening hafði, hver honum greinda jörð í tje ljet eftir áðursögðu ljensherrans og fóvetans brjefum, hverri jörðu Jón Ólafsson síðan til alls ágóða, bæði til 20 hvalreka og annars, frjálslega hjelt til ábúðar og byggingar í tuttugu ár. Um hvern tíma ár eftir ár Jón og hans kvinna Þorbjörg Einarsdóttir gjörðust veik eftir aldurdóms hætti, svo þeirra skilgetinn sonur Ólafur Jónsson hlaut fyrir þeim að vinna með sinni hálf systir Þor- 25 björgu Þorsteinsdóttir, hverja hans móðir Þorbjörg átti við öðrum manni, áður en Jóni Ólafssyni giftist.

En þá hans elliburðir meir og meir á jukust, svo hann gat ei með höndunum þjónað, tók hann ungar stúlkur og pilta til kenslu á bók að læra að lesa og skrifa, sem og 30 áður fyrri á veturnar meðan í sínum búskap var. Því þessi maður var þar til náttúraður alt frá sínum barndómi, sem lesa má framan til í þessari bók, svo

¹⁾ Hann var miður þokkaður á Íslandi. Sjá um hann áðurgr. rit í Safni til s. Ísl. II, bls. 752—53 og Ríkisrjettindi Íslands eftir Jón Þorkelsson og Einar Arnórsson, bls. 128—140.

margur góður maður og kvennpersóna eru fyrir hans til-
 sögn [vel iðkuð] í bóklegum mentum og góðum siðum, sem
 hann sínum skólabörnum í ungdómi tilhjelt, með kristilegum
 aga og umvöndun, [og] eru nú orðnar góðar og guðhræddar
 5 persónur. Því þessi maður, Jón Ólafsson, var ráðsvinnur,
 frómur og guðhræddur, siðavandur maður í sinni umgengni,
 svo og stóð hann vel og trúlega í sínu hreppstjórnarembætti
 mestallan þann tíma, meðan í búskap var. En eftir því að
 elliburðir meir og meir á þau hjón jukust, og eftir náttúr-
 10 legan sjúkdóm kallaði Guð þessa hans kvinnu, Þorbjörgu
 Einarsdóttir til sinna náða burt af þessum auma heimi.
 Var þá Jón Ólafsson einmana ekkjumaður eftir, hana
 þreyjandi í sínum aldurdómi í tvö ár, og var síðan að og
 var þá við og við veikur, þar til hann um vorið tók sótt, úr
 15 hverri hann sætlega í Guði burtsofnaði með bæn og ákalli
 til síns Endurlausnara, Anno 1679 deginum fyrir krossmessu
 um vorið¹⁾, á síns aldurs ári áttatugasta og sjöunda.

¹⁾ 2. Maí.

ORDAMUNUR.

Einsog getið er um í formálanum er hjer einungis tekinn helsti orðamunurinn, og því nær eingöngu úr aðalhandritunum. Hjer merkja:

B = Handritas. Bókmfjel. 92, 4^o.

C = Hdr. Landsbókasafnsins 405, 4^o.

Ö = Ögursbók, Ny kgl. Saml. 2076, 4^a.

D = Hdr. Landsbókasafnsins 723, 4^o.

E = Hdr. í Árna Magnússonar safni 959, 4^o.

Þar sem annara handrita er getið eru þau nefnd með númerum þeim, er tíðkast í skrám bókasafna þeirra, er þau finnast í. Sbr. formálann. Stærri og fyrri talan merkir blaðsíðu, minni og síðari línu.

1^s sitt, bætt við í C. 1¹² óskar, beiðist C. — 3. Inngangsbrjefið finst aðeins í ÖCE og 2076 b, auk hinnar þýðingarlausu afskriftar í 617. — 3^a furðanlegar, fúðurlegar Ö. — 3⁵ velgjörðir Ö, styðst við orðalagið í C, dásemdir 2076 b. — Frá og með orðunum „Elskulegir vinir“ og til orðanna „veitt hefir“ í l. 6 er öðruvísi í C; þar stendur: Mjög furðanlegar eru þær óteljanlegar velgjörðir míns góða Guðs, hverjar hans guðdómleg gæska mjer svo furðanlega veitt og auðsýnt hefur. — 3⁷ í svefni og vöku, vantar í C. — 3¹⁰ þjóða, C 2076 b, manna Ö. — 4⁷ mörgum, áheyrendum C. — 4¹³ Guðs, ÖC, yðar 2076 b. — 4¹⁴ lífs og sálar, C hefur endirinn þannig: „sálar og lífs, í Jesú nafni. Amen. Jón Ólafsson með eigin hendi“. Mjer þykir samt líkleggra að textinn í Ögursbók sje hjer upprunalegri, og hef því fylgt honum. — Undirskriftina vantar í E. — 5¹ Hjer byrjast æfisagan B. — 6¹³ sá... Magnússona, B, vantar í Ö. — 8¹⁹ sumars og krossmessu, þessi staður í C og 617 sýnir meðal annars að C er eldra; í C er textinn svona og ber saman við eldri handritin, en í 617 stendur: „um sumarið um krossmessu“. — 8²⁴ Andrjesarmessu, Marteinsmessu B. — 9¹³ flotna B, flosna ÖC. — 9¹³ flæði og BÖ, flæði of C. — 10¹⁷ aldir alda Ö, allar aldir BC. — 10³² hægri ÖB, vinstri C. — 10³⁴ áeggjan Ö, ávísan B. — 11¹⁰ og bónda, bæta BC við, sl. í Ö. — 11¹⁶ eður... skepnu, sl. Ö. — 11¹⁹

skikkan og, bætir C við. — 11²⁹ vinnuhjón, vinnuhjón B. — 12¹ Þá, sl. E; skrifaðist datum, bætt við í C. — 12² hinn mikla, þessi orð og út kapítulann vantar í B. — 12⁸ ár 1661, bætt við í C. — Trúels, nafnið er ritað Traculus í BÖ, Trochulus C, í dönsku þýðingunni Ny kgl. Sml. 2077 a 4^o Troilus; þetta er sjálfsgagt danska nafnið „Troels“ (ísl. Þorgils). Jeg hef því sett „Trúels“ í textann, því svo rituðu Íslendingar á þeim tímum vanalega danska nafnið. — 12⁴ er síðasti, þessi orð og út kapítulann vantar í Ö, og líklega hafa þau ekki staðið í frumriti Jóns, en eru einsog fleira í C skotið inn af einhverjum fróðum manni öðrum. Konráð Íslendingur er líklega af sett Jóns Íslendings og Dýrfinnu Gísladóttur, sbr. Sýslumannaæfir Boga Benediktssonar II, bls. 14 og 496—497, og athugasemd Jóns Þjeturssonar við fyrra staðinn. — 13³³ hugleiddi ... hljóðtal BC, okkar hljóðskraf heyrði Ö. — 14²² 700, 7 C. — 15³¹ kölluðu C, kölsuðu BÖ. — 16³ efri, prentvilla í textanum fyrir „eftri“, B, aftari C, efri Ö. — 16¹¹ Hollandi BC, Skotlandi Ö. — 16²⁸ móðunni, höfninni C; hinumegin og gegnt borginni C, sl. ÖB. — 16³³ Sæmund, stundum er nafnið í B skrifað Semund. Að nafnfallsendingin ekki er skrifuð með virðist líka styrkja tilgátu mína, að hjer sje um enska nafnið Simon að ræða. — 17¹⁴ misjafnt BC, mislynt Ö. — 17²¹ og...mist, C. sl. ÖB. — 17²⁹ stálhamri BC, járnhamri Ö. — 18¹¹ Brommet, Bremet ÖB, Bromel C. — 20²¹ svo...hagaði Ö, við einn framandi sjer svo hagaði B. — 21³⁰ Vilhelm ÖC, Vilhjálms B. — 22¹² Kvinsborg, Kvinzborg B. — 22¹⁷ bljesu ÖC, bljesu fagurt B. — 22²⁵ tvær, sl. B. — 22²⁹ margslags vara, þarfleg vara margslags B. — 23⁵ kokksins, C, kokks BÖ. — 23¹⁰ sjálf Ö, er sjálf snerust C; steikunum Ö, stykkjunum B, steikinni C. — 23³⁰ til...ganga Ö, ljetst vilja sakramentis B. — 23³¹ gyllyrðum Ö, gullyrðum B. — 25¹¹ í þeim C, í þann ÖB. — 26¹⁹ 5, þeir 5 B. — 26¹⁹ 18 BD, 15 C, 80 Ö. — 27⁷ Júnimánuði C, nýmánuði BDÖ. — 27⁹ Mandaus, svo er hann víðast kallaður í hdr. á öðrum stöðum, og því hef jeg sett hjer þá mynd nafnsins; á þessum stað er nafnið í BCDÖ ritað Manda. — 27¹⁵ eyða, hjer bæta ÖD við „og eg fyr á minst hefi“, þessi orð standa ekki í BC, og auk þess er það rangt að áður sje getið um það atvik. — 28²⁴ luktri höfn, BCD Buckhöfn Ö. — 30⁷ frá C, sl. BÖD. — 30²⁰ til betalings BC, sl. ÖD. — 31¹⁴ junkursins, ÖCD, týjunkursins B. — 33¹³ þegar ... unnir, þessi orð vantar í BCD. Þau eru líkl. athugasgrein, sem hafa verið skrifuð á spássíuna, en sá sem hefur skrifað Ögursbók hefur tekið þau inn í textann. — 33^{32—33} er ..Kaupinhafn, B, sl. Ö, stytt en sömu meiningar í CD. — 35^{7—8} það .. kirkja BC, sl. ÖD. — 35²¹ M. Hr. m., þannig í B, M. Herra M., Ö, M. H. m. C, í D er eyða fyrir nafninu. — 36⁶ gáfna, tilgáta mín, gjafa B, gáfa C, barna Ö, þessi orðamunur virðist benda á að í frumr. hafi staðið „gáfna“. — 37¹⁵ járngjörð BC, gjörð ÖD. — 37²⁷ Traf, nafnið er stundum ritað Tran. — 38^{17—18} og ... erfð, sl. Ö. — 38³⁶ Marín BD, María ÖC. — 39²⁸ pungum ÖBD, reikningspeningum C. — 41²³ borið og, BC, sl. ÖD. — 43³⁰ hver, tilgáta mín fyrir „hann“ ÖC, „sem“ BD, líkl. hefur í frumritinu staðið óglögt skammstöfun af orðinu „hver“, sem ÖC hafa lesið „hann“, en BD sett „sem“ í staðinn. —

45¹⁹ Maurus, BC, Mauritz D, Marcus Ö. — 45²⁸ kompáns og BC, sl. ÖD. — 47² og um koll BC, sakaði ei en það fór um koll Ö, byltist það um koll D. — 47⁸ voru B, sl. ÖCD. — 53⁷ í voru Ö, voru C, vuxu[!] B, uxu D. — 61⁵ Korsør, Korsor C, Corzør BD, Kortz E, Kortsson Ö. — 62⁶ ofarlega ÖDCE, ovarlega B [?: óvarlega?] — 62¹⁵⁻¹⁶ nokkurt ... þýðast ÖE, nokkurt ... þiggja B, nokkurt ... þekkjast CD. — 62²⁰ í 8, getgáta mín, 18 ÖCDE, 8 B; það er harðla ólíklegt að hann hafi verið hermaður í 18 ár áður en hann varð byssuskytta og er því líkl. talan rjett í B. — 68⁴ brygði ÖED, byrgði BC. — 68²⁶ var .. Önnu BC, lá ... kvinnu Ö, svaf ... kvinnu D. — 72⁴ Bleking, tilg. fyrir Bleyren B, Beiern Ö, Alech C, Bleiren D, Beiren E. — 72¹³ Nafnið Lauritz er ritað í CD svona á þessum stað, annars á ýmsa vegu: Laurus, Larus, Laurz, Lortz osfr. — 72²⁰ inntappa ÖCE, innpakka BD. — 73² bera B, auðsjáanl. rjett, gefa ÖECD. — 74¹⁰ og ... meir, sl. B. — 74¹¹ hjer um, hjer endar bl. 38 í B, og vantar svo eitt blað í það hdr. — 74¹⁸ Samúel, Emanúel C. — 74²² leirhnyðju 2076 b C, reyrhnyðju ÖE. — 74²⁵ leirform, reyrform Ö. — 74²⁶ vel sem eg E, vel 1 Ç [!] 2076 b, sem eg CÖ. — 74³⁰ kopar eða það sem, ... ætlað 2076 b koparinn sem ... ætlaður CÖ. — 75²⁶ kóngi, hjer byrjar B aftur. — 78²⁸ Gjöglarar, tilg. fyrir geiglarar C, Bigglarar ÖBDE. Máske ætti þó heldur að lesa hjer: Gíglarar. — 79⁴ barnið, b. Jesús BD. — 79¹⁹ Ulldrich, nafnið er í hdr. ýmisl. ritað, en jeg hef valið algengasta ritháttinn í þeim. — 80¹² refelbusk, refilbusk C, sem er rjettara hjer en BÖ, sem hafa „refeltusk“. — 80²⁷ Gedling BCDE, Gilding Ö. — 81¹⁷ og .. fylgd C, öll hans herraleg fylgd Ö, og öll hans herra fylgd E, með allri sinni fylgd B, með sinni fylgd D. Leshátturinn í B og D og orðið „herraleg“ í Ö benda á, að hjer hafa ef til vill orðin í l. 15 verið tekin upp aftur í ógáti af sumum skrifurunum; líkl. er þá C nánast því rjetta og hef jeg því fylgt því hdr. hjer. — 81³³ þeim BD, þeim 6 C, þess ÖE. — 82³⁰ baldýruðum, stundum ritað hjer og annarsstaðar „bardýruðum“. — 83²³ óguðlegustu ÖCE, ógurlegustu BD. — 83²⁹ hjólbörum C, hjólkorum BÖ, sl. DE. — 86³ varnir, varnarverjur B. — 88² þar til launa, sl. B. — 88¹⁰ og, eða D, og væri B. — Kaflanum 88²⁴–89²⁸ er sleppt í E. — 89³⁵ vaktskrifarinn ÖD, vaktmeistarinn BC. — 90³ rúndel, orðið er í hdr. ýmist ritað svo eða þá „rúndeil“ og „rúndjel“. — 90²⁸ og bestu vinum, sl. ÖD. — 92²⁵⁻²⁶ þann... var DC, þar... var Ö, þar til einn mann inn, sem sendur var í mina vakt á meðan B. — 93¹⁰⁻¹¹ Eg... yfir, sl. B. — 94²³ Lynbeck BD, Linbeck ÖE, sl. C, — 94²⁶ hafni hans góðvild, tilgáta mín; hafi hans g. DÖ, hafi hans g. hafnað B, hafi hans g. reynt E. — 95²⁹⁻³⁰ minni hendi ÖCDE, manna höndum B. — 95³² inni var B, sl. Ö, að bjó C, bjó D. — 96⁶ og ... soldátar, sl. B. — 96⁸ Orðið hópmann er í hdr. sumstaðar skrifað „hofmann“. — 96²⁵ honum ÖCE, sl. BD. — 97¹⁴ Lolliks, Lalix BDE, Lach C; jeg hef síðan sannfærst um að tilgáta mín er óþörf, því að vísu er sú hugsun rjett hjá mjer, að það sje átt við danska nafnið á fólki frá Lálandi (Laalike, Lollík), en Jón Indíafari hefur vafalaust íslenskað það „Lálik“, og ætti því að rita „Lálíks“ í text-

anum. A Lálandi kvað þann dag í dag tíðkast lík nafnvenja sumstaðar. — 97²⁸ Sindingahjeraði BDE. Sníðingahjeraði Ö, Gyrðingahjeraði C. — 98³⁰⁻³¹ varð...þjendum, sl. B. — 100⁸ úr Austursjónum, „og ýmsum löndum“ bætir E við, og sleppir svo kaflanum hjeðan og til orðsins „ósekja“ 101¹⁸. — 101²⁻³ ei fyrir meir B, vafal. rjett, fyr meir ÖDC. — 101¹⁶ sú stóra flagg BDC, sú stóra flaug Ö. — 104¹⁵ öl og fæðslu DE, alfæðslu Ö, öl og fæði C, öl og mat B. — 108¹⁷ sem, hjer byrjar eyða í D. — 109⁷ Winter C, Vintur Ö, eyða í B. — 109¹⁰ á BE, af ÖC. — 110²¹ Nú, hjer byrjar D aftur. — 111¹⁵ sekk litlum B, 6 litlum pungum Ö. — 113¹⁻² Yfírskriftina vantar í Ö. — 114⁸ luxguttur, luxguffur B, lúxguffur D, laxgufur Ö, lagsbwar C, sbr. at-hugasemd við þennan stað í viðaukunum hjer að aftan. — 116²⁸ svo .i, sl. B. — 122³⁴ finn maður, tilgáta mín, fyrr maður BCD, fyrir-maður Ö. — 124³¹ loflegri ÖE, háloflegri D, ljúflegri BC. — 124²⁵ Grænlands, í hdr. sumstaðar ritað Grenlands og Grynlands. — 125¹² Rúss BD, Rúls Ö. sl. CE. — 125¹⁵ Skoster, Skostor B. — 127²⁵ falkónur C, kalkónur BÖ. — 128¹³ gullbaldýruðu D, annars er þetta orð sumstaðar í hdr. ritað „bardýruðu“. — 128³¹ vins .juku DE, öls, matar og vins stórum á juku B, öls og matar mikið við juku Ö. — 130²² sína fiólu BE, sitt fiól ÖD. — 131²³ sjálfum mjög, sl. BDC. — 135⁶ harpónajárni D, harpónujárni B, harpóni járn Ö. — 135²⁰ á, með styttesta hætti um, bætir B við. — 138²³ Noregur náðist, tilgáta mín: Noreg náðist B, Noreg náðum D, vjer náðum Noregi ÖE, til Noregs náðist C. — 138²⁵ tilviljan, tilfallandi veiki B. — 144¹² Falk B, Falke ÖDCE. — 146¹⁴ með . . á burt, sl. B; hætti eður, sl. D. — 146²⁶ bljúgu BE, bjúgu CDÖ. — 148²⁰ þá hina D, hina BE, þá Ö. — 149⁸⁰ vissi DC, segi B, sagði Ö. — 150²⁶ með þeim, sl. BD. — 152¹⁰ sanngjarnlegu ÖD, sannarlegu B. — 153²¹ og dýrum B, og svo dýrum C, sl. ÖDE. — 157²¹ að baka, tilgáta mín: að taka Ö, að sjer að taka E, að innkaupa C, að kaupa B, orðsaka D. — 159 Kaflanum um Zacharias er sleppt í E. — 165²⁴ Holstis ÖD, Holst BC. — 166⁷ sængurstað, sæmdarstað B. — 166¹³ bruggaði B, bruggað D, bruggandi Ö. — 169²⁰ báðu, hjer bætir B við: hverra bæna hann naut. — 172¹ standa . . tilbaka D, standa svo drambsamlega standa sjer tilbaka B, stóð á bak til við kóng drambsamlega Ö. — 172¹⁴ sem einn hundur, BC, sl. Ö, sem drambsamur hundur D. — 172²¹ því B, því að ÖD. — 174¹⁰ minnst BD, minnsta ÖCE. — 175¹⁰ óstutt BD, stutt Ö, öfugt C. — 176⁸ sjö, hdr. 'sex' sem hlýtur að vera misritað fyrir „sjö“. — 176¹⁰ Björgvinsborgar, í hdr. BD er nafnið víða ritað Bjargvin. — 177⁶ Boye, þannig ritað í C, BÖ hafa Bogie, Boge D. — 177¹¹ Spes tilg. fyrir Fides í hdr.; máské hefur það orð verið líka misritað í frumritinu; sum hdr. greina bæði skipin með að kalla annað Fides en hitt Fidis, en slíkt nær engri átt. — Að tvö skip í flotanum hafi heitið eins er mjög ólíklegt. — 178⁹ hjerum. Ö bætir við: að þessu sinni. — 178²⁹ ökrum, B bætir við: að sinni akurvinnu. — 179²¹ Bjelke ÖC, Bjálke BD. — 179²⁸ af honum ÖE, sl. BD. — 180²² en B, er ÖD. — 181⁶ fengið, gengið C. — 181²⁰ uppdragast ÖC, uppdagast B. — 181³¹ Bordon ÖBDE, Berben C. — 182²⁷⁻²⁸ á . . æfi, sl. B. — 183¹⁵ utan . . afhleypt, sl. B. — 185²⁴ fyrri ÖCE, fyrsta

BD, parti sl. B. — 186⁶⁻⁷ tilskikkan, og tilhlutun, bætir B við. Orðin „Hjer ... part“ einungis í Ö. — 187¹⁵ Colmucki B, Colmucke D, Colmuchi ÖC. — 188³⁴ ofbjóðs DÖ, ofboðs B. — 190¹²⁻¹³ og ... upplyki, sl. B. — 190¹⁶ og ... eg D, og hann ... eg Ö, en hann spurði hvað fyrir einn eg B. — 192¹⁸ Demant DCE, Dement B, Semat Ö. — 193³³ undir ... hendi, sl. B. — 193³⁴ örbenjar ÖD, örvar B. — 194¹⁰ Caput de Leo, Caput de Feo B. — 194¹¹ sínum BDÖ, sínum sjúku 2076 b, sínum mönnum EC. — 194³¹ eftir ... viðlá, sl. B. — 194³⁵ vissu C, 2076 b, sl. ÖDB, grunuðu E; þetta orð hefur vafalaust vantað í frumritið. — 195² en C, líkl. rjett, sl. Ö, sem BD. — 196³⁻⁴ að ... væri, sl. B. — 197¹⁹⁻²⁰ sá... Knappstop B, Ö hefur hjer aðeins orðið „Stop“. — 198²⁷ atvikaðist C, útвикаðist B, útvíkkaðist Ö. — 199¹⁵ svefnherbergis, silfurherbergis Ö. — 200³ nokkurs grass ösku D, nokkri grasösku Ö, nokkurskonar grasösku B. — 200¹⁵ kvortjel eður B, sl. ÖD. — 201¹⁷ í nokkru B, mjög ÖC, sl. D. — 201²² Siam, víða ritað Sian í hdr. einsog í bók Hans Nansens, og væri máske rjettast að halda þeim rithætti alstaðar. — 202² Ternasseri E, Tranafer B, Ternassari D, Ternaseri Ö, jeg hef hjer heldið rithætti Ehdr., sem er rjettastur. — 203²¹ Claus, ÖDE, Hans BC. — 204¹⁴ er, sl. hdr. en nauðsynlegt meiningar vegna — 205¹⁶ taxteraðir BC, tracceraðir D, tacceraðir Ö. — 206² Hvers...er, sl. B. — 206³¹ fylgd og aðstoð sl. B. — 207²⁻³ til lífs...þóknar, sl. B. — 208⁵ sem... vestan-útnyrðing, sl. B. — 208⁷ reyndum vjer til, boneruðum svo B. — 209²⁰ Lammers, ritað í hdr. á ýmsa vegu Lammers D, Bonn! B, Lemer Ö osfr. — 209³⁰ 180 D, 100 BÖ, 150 C. — 210¹¹ atkerisstrengurinn B, vafal. rjett, atkerishringurinn ÖDCE. — 211¹³ 82 BD, 18 Ö. — 211²³⁻²⁷ og ... leikinn, í stað þessa kafla hefur B aðeins: og tók til sig svo í ljós að leiða að mótlæti tæki í vöxt að fara. — 211³⁰⁻³¹ Þá ... gleði sl. B. — 213² til agna, sl. B. — 213¹⁰ Plemen C, Clemen ÖDB. — 213¹¹ Hanton Ö, Hantún B, Haton C, Hanthon DE. — 214²⁻³ Vilhjam Draco B, Vilhjalm Drack Ö, Vilhelm Draco C, Vilhjalm Draco D. — 214¹¹ suðvestan ÖD, suðaustan B. — 215¹⁰ glissandi ÖD, glossandi B. — 216² landnorðurs ÖD, útnorðurs B. — 216⁹ 3500 ÖDE, 3800 B. — 218¹⁹ útskrifa D, uppskrifa Ö, útskýra eður skrifa B. — 219²⁵ kiöldinafiski, Chieldinufishi D, Chieldinufiski Ö, keildýnufiski B. — 220¹⁰ flakkanna D, flakkanna Ö. — 221¹⁹ mánudegi ÖE, líkl. rjett, mánaðardegi BCD. — 223¹⁸ eitt...má, sl. B. — 223¹⁹ 14, 4 B. — 224¹⁸ sjóöldu Ö, sjóólgu D, sjáarólgu B. — 224²⁸ Jansson D, Jensson B, Jónsson Ö. — 225¹³ þar Ö, líkl. rjett, því BD. — 225²²⁻²³ hans ... Amen, sl. B. — 226⁷⁻¹¹ og hann ... hendur, sl. B. — 226¹⁶ tapass D, popass C, tapüss B, tapüs Ö. — 226²⁶ Bajador, Bonador B. — 228⁴⁻⁵ og sig ... gleymast, sl. B. — 229¹³ málfet, málfaðmur B. — 229²⁵ Johan de Genti Ö, Jehan de Gante D, Johum De Gnate B. — 233²⁵ crobgangs Ö, corbgangs D, crotigans B. — 233²⁶ fjórða lagi ÖD, fjörunni lá B. — 233²⁷ pihvin eður pichvin D, pihum eður puchiun (?) B, pihum eða pichvin Ö. — 233²⁹ og...æður, sl. B. — 234¹⁵ skiötte ÖC, skiutu B, sl. D. — 235⁵ simpherphei, sempherphei B. — 236²⁸ glistu BC, listu D, litu Ö. — 237³³ þrjú C, rjett, einsog sjá má á því sem á eftir fer, tvö BDÖ. — 239¹⁶

mórskur, morskur ÖD, norskur B. — 241⁸ fótafari B, fótafarg ÖDE, fótiferð C. — 242³⁴ voru, hjer hefur 2076 b á eftir orðin „að vjer vorum nærri komnir að spreng“, sem vantar í hinum hdr. — 244⁶⁻⁷ Preto... Belul D, Petro Jóhann eður Jóhann Belul B, Jóhann Presbíter C. — 244¹⁴ í vil falla D, í vil blása Ö, vilja falla B. — 245¹⁶ og...lands sl. B. — 248²⁹ treagel B (?), treazel D, treagrit Ö. — 250³³ veður B, undur D, vindur Ö. — 253³ riviere E, rofere ÖD, sl. BC. — 253¹² nær DE, sl. BÖ. — 254¹² geyma ÖD, ganga B. — 255¹² Narsinga, Nausynga B, en nafnið ritað þar í næstu línu sem nafn á borginni. — Annars eru nöfnin í þessum kafla eðlilega mjög afbökðuð, en jeg hef leiðrjett þau flest eftir bók Nansens, sem þau eru tekin úr. — 258⁵ grófgröni, groffgrön, Hans Nansen, grapgrone B, grasgrone Ö, grafgræni D. — 258²³ grófgrön, hjer er orðið í B ritað „grofgrön“. — 259⁵ Gallicia, Gallatia hjá HN. — 259⁷ Rodes, Rodyss HN. — 259¹⁷ Damascus, Damascena HN. — 260²⁹ Hess, nafnið stundum í hdr. ritað Hetz. — 263⁶ fór...kastalans, fóru vorir kaupmenn til lands og kaptuginn til kastalans B. — 264¹⁰ Herra, tilgáta mín fyrir „hjet“ í ÖDB, í frumritinu hefur líklega staðið „h“, sem ýmist má lesa „hjet“ eða „Herra“. — 270²⁹ móru B, njóru ÖDE. — 271³ sjómanna, tilg. sjómann D, sjómenn ÖB. — 271²³ carhanske, í hdr. stundum ritað carcanske, carconiske (ÖB), caroniske D (t. d. á bls. 293¹⁴). — 277¹ fantasi C, fantate BD, sl. Ö. — 281⁹⁻¹⁰ á...gaffi ÖD, á miðju gólfi B. — 287¹⁶ glampbirtu, eða: glámbirtu BD? glamp burtu Ö. — 288²⁷ Prægier, Prager BDCÖ; þetta orð hefur höf. auðsjáanlega borið fram sem Prajer, sbr. athugasemdina neðanmáls. — 290²⁵ málaferli D, misferli B. — 290³⁰ smeigt D, smikt BÖ (= d. smykkt?). — 293¹⁹ símitrer, symitren B. — 296⁷ 2½ hundrað Ö, og líkl. á líka að lesa töluna í B svo; 22 hundruð hundraða D. — 296²⁵ cadmeda, cadmada Ö. — 297¹⁰ eimyrja, ein myrja BD. — 298¹⁴ sjái þjer ekki B, sjest ekki DC, sjá menn ekki Ö. — 302⁵ Sivile, nafnið ritað oftast svo í BD en stundum Siveli, Syvile C, Such Ö, Sveli E. — 302³¹ jafnfiatur BD, jafnan flatur Ö. — 305⁸ til kastalans B, frá kastalanum ÖD. — 305³¹ 1624 E rjett, 1614 BCDÖ. — 308⁴ og í ÖD, eður B. — 315¹³ eður journal, sl. Ö eður jackanal B. — 315³⁰ glæpamann ÖD, galdramann B. — 322²² þeir, þeir allir hdr., en þar sem allir kemur rjett á eftir er það óparft á öðrum hvorum staðnum, og hef jeg því slept því hjer. — 324¹⁴ sem ei önduðust, hjer endar kaflinn í D, og er svo eyða í því hdr. aftur að orðunum á bls. 325²⁷ „eftir fóru indíanskir kaupmenn allir“. — 326³² bandaði BC, bannaði DE, bannaði mjer Ö. — 327²⁹ að venda, að vjer hlutum að venda hdr., en þar sem „urðun“ stendur á undan verða þessi orð óþörf og meiningarlaus, og hef jeg því felt þau úr. — 328³¹ sjö fólksmyndir, vafasamt hvort í B og og D stendur „sjófólks eða sjö fólks; sjófólks E. — 339¹⁴ eilendur B, eylendur D, eylenstur ÖE. — 340⁶ fenggati BE, fýrgati ÖD. — 340²⁰ viðleita vildi Ö, viðleitaði B, vildi leita D. — 341¹⁶ Sixtus, svo hjet hann, í hdr. er hann kallaður ýmist Siggus, Sigs eða Sigfús; í frumhdr. Jóns Indíafara hefur líkl. staðið Sixtus rjett, en ógreinilega skrifað. — 341²⁹ Arntz, nafnið er í hdr. ritað á marga

vegu: Arnts, Arneth, Arntz, osfr. — 342¹¹ móru, tilg. móu ÖDBE, mow C. — 344⁴ 80 BD, 30 Ö, talan er mjög ólíkleg. — 344³¹ sá D, sl. BÖ. — 347²⁸ hljóp á BE, hljóp ÖD. — 350¹ öllum óvitanlega C, sl. DÖ. — 351⁴⁻⁵ siðvenju og dansvísu ÖDE, visu og danslátum B, dansvísu C. — 352²⁴ kjöllur BÖCE, kjölltur D. — 352³⁸ mersusegl C, marsegl ÖBDE. — 353²⁷ From B, Frome ÖDE. — 354¹⁷ Herrans, sl. BD. — 355⁸ lifatkerskaðalstrengur BE, lifatkerskaðalshringur ÖD. — 356⁵ Mutten B, Muttem D, Multen ÖE. — 357²⁸ oss og BE, sl. DÖ. — 359⁹ Guð, sl. B. — 359²⁰ nokkurs slags D, nokkurs annars slags Ö, nokkur skip eður þjóðir B. — 360¹¹ sem var hjörtur, sl. B. — 360³⁰ gripanna ÖE, gripina BD. — 361²⁷ sekkjaðir, tilgáta mín fyrir „serkjaðir“ ÖDB. — 362²⁰ og...meir ÖE, sl. BD. — 363³⁻⁴ útgengið ... nefndist, þessi staður er mjög aflagaður í handritunum; C er hjer skást: „úr borginni hafði útgengið er þar lá, sá eð Johel eður Jochel nefndist“; hin hdr. sleppa öll orðunum „úr borginni, er þar lá“, og bæði C og hin hdr. nefna manninn Jóhel, en á því, sem á eftir fer, er auðsjeð að það er bæjarnafnið. Jeg hef því tekið upp viðbótina úr C, en breytt „sá“ í „sú“, og hygg jeg að svo muni hafa staðið í frumritinu. — 363¹⁰ þráskjótandi BC, þar skjótandi ÖDE. — 363¹⁴ hæringsbússu BC, bússu ÖD. — 363¹⁹ að mestu leyti C, að næsta leyti BD, sl. ÖE. — 364¹⁵ upptugði ÖD, upptögg B. — 366¹⁸ Cornelis, tilg. Cornelia B, Cornelius D. — 368⁸ efst ÖD, eins B. — 368²⁴ En DE, og B, sl. Ö. — 369¹⁹ Giæers ÖB, Græers D, Gvers C. — 369³⁵ nytum ÖE, yrðum B, værum D. — 369³⁸ Eftir orðinu „vikur“ er í Ö með nýlegri hendi skrifað út í spássíuna „31. kap.“; engin kapitulaskefti í BCDE. — 370²⁰ Írlenskum B, Írskum D, innlenskum Ö. — 370²⁸ Cork, Corch C, Cortz BD, Corts ÖE. — 370²⁹ Stúart C, St. ÖD. — 371 neðanmálsgr. 2. Jeg býst við að innskotskafi þessi sje varla úr hinu upprunalega frumriti Jóns Indíafara. Að þeir hafi farið 52 menn á stórbát skipsins til Cork frá Youghal er ótrúlegt. En hugsanlegt væri þó að jarlinn hefði boðið þeim til Lismore, herraseturs er hann átti uppi í landi í litlum bæ samnefndum við Blackwater-fjótíð, og gæti orðin „upp til Cork“ bent á það. En líklega er þetta þó heldur tilbúningur einhvers, sem hefur viljað skreyta frásögnina. — 371¹⁷ kvennmönnum Ö, kvinnum BC, kvennfólki D. — 372¹⁷ snemma sl. ÖD. — 373¹⁻⁵ og Danmörk..siðvenja er BC, sl. ÖDE, líklega er þessi kafi innsettur af Magnúsi Magnússyni. — 373⁶ undandrógust D, hin hdr. umskrifa þetta öðruvísi. — 373¹⁷ með það B, sl. D, væntu þess Ö. — 373²¹⁻²² og ... kunnugur BC, nema hvað C sleppir orðinu „maður“; sl. ÖDE. — 374⁹ helti svo úr Ö, hjelt svo upp úr B. — 375⁸ þessi vondi maður BC, sl. ÖE, sjálfur D. — 378²² taxta, hjer við bæta BC: „sem var þar til 600 ríkisdala með kistu og öllu því í henni var“, en sleppa aftur á móti setningunni „en ... í henni var“ á eftir l. 27–28. Líklega hefur í frumritinu þessi setning staðið út á spássíu, og því hafa afskrifararnir sett hana inn á ýmsum stöðum. Talan 600 hefur líklega verið yst í línu, seinasta núllið verið ómáð af þegar Magnús Magnússon afskrifaði, en verið máð af þegar Ögursbók og D voru skrifaðar. En setningin á betur við á síðari staðnum, og því held

jeg henni þar, — 378²⁷ 600 BC, líkl. rjett, 60 ÖDE. — 379¹³ 10, hjer er eyða fyrir orðinu í BDÖ; C umskrifar að vanda; í frumhdr. hefur orðið verið máð eða vantað. — 379¹⁶⁻¹⁷ svo hljóðaði...fylgir Ö, svo hljóðander [!] sem eftir fylgir í íslensku útlagt B. — 380¹ elskelige Ö, Elsku kiera B. — 380² Regeringenn Ö, Regering er B. — 380¹⁷ Framar ÖED, Þar með BC. — 381³ hverra...var. innskot í B. — 381³³ mína fullmakt. m. f. til þessa. Sagan er á enda, E; í D kemur svo stuttur útdráttur á íslensku, og þar á eftir er ritað með nýlegri hendi: „Vantar niðurlag 2. hluta, svo 1 blað“; B hefur orðin: „svo hljóðandi sem eftirfylgir úr dönsku á íslensku útlagða. — 382¹ Kiendes, Kendest B. — 382² her, sl. Ö; vitterligt, vitterlegt B. — 382³ och Ö, og B. — 382⁴ og Induoner, sl. Ö. — 382⁷ self, sl. Ö; til stede Ö, til staðer B; huis...Tilkommer, tvíritað í B. — 382⁹ paa, tilg., þa B, udi Ö. — 382¹¹ haand Ö, hand B. — 382¹¹ og¹³ paa Ö, ritað „á“ í B. — 382¹⁴ ikke Ö, ekkj B; knappe Ö, kneppe B. — 382¹⁵ brod Ö, braud B. — 382¹⁷ ydmyg B, ydmigist Ö; lader Ö, lauder B. — 382¹⁸ fulldmegtig Ö, fullmegtig B. Sofren B, Sofrin Ö. — 382¹⁹ liudelse Ö, lydelse B. — 382²⁰ Gemitt Ö, gemott B. — 383¹ andsvare Ö, andsvara B. — 383¹ Christeleg B, den christenn Ö. — 383² vriggelig Ö, tryggelegre B. — 383³ haand Ö, hand B. — 383⁴ Kiobenhaffn, tilg. Kaupinnhafnn B, Kiobenhavn Ö. — 383⁵ Islender, sl. Ö, hjer endar Ö með undirskriftinni. — 383¹⁸ greindra 2076 b, hjer eyða fyrir orði í B, og með nýlegri hendi skrifað í hana „6 þúsund dala“, í C er skrifað „6000 dala“. — 384⁸ afliðnu, tilgáta fyrir „á liðnu BC, liðnu 2076 b. — 385. Kapítulayfirskriftina vantar í B. — 385² 3 vikur C, rjett, 6 vikur B. — 386⁶ sagði þessu 668, rotið af í B. — 386²⁹ örkumsl C, örkylms B. — 387² á...fjekk C, 2076 b, rotið af í B. — 387⁹ fyr C, rotið af í B. — 387²⁵ Sixt, Sigs B. — 387²⁶⁻²⁷ ...töku...þar beggja þeirra, 2076 b, skorin af lína í B. — 388¹⁸ 4 þör sokka 2076 b, skorið af í B. — 389¹²⁻¹³ af...tók, C, rotið í B. — 390² bróður, hjer er í B ritað á eftir með annari hendi: „Halldór átti hennar systur Randíði“. — 391¹³ þessara, við þessara B. — 391²⁰ Dominigo, ritað hjer í B Domminigo; franska myndin er Dominique. — 392²⁰ nokkurn C, rotið af í B — 392²⁴ slúffa, slofua B. — 392³⁰ finna, hið fljótasta finna B, sem auðsýnilega er misritun, þar sem „fljótast“ er komið áður. — 393¹⁶ ætti, óvíst hvort hjer á að lesa „ætti“ eða „ætlaði“ í B. — 393²¹ Brommet, ritað hjer Brymul í B. — 393²⁸ í land...fluttir C, rotið af í B. — 394³⁰ árstalið 1627 úti á spássíunni í B. — 395⁹⁻¹⁰ ei kunna 668, C, rotið af í B; því 668, rotið af í B. — 395¹¹ setjast verða 2076 b, þessi orð eða eitt hvað líkt þeim eru nauðsynleg meiningarinnar vegna, en vantar í B. — 395¹⁸ til 17, sl. B. — 395³⁴ Jóns, Jón B. — 396¹ á 17, sl. B. — 396³ látúns, ritað latungs í B. — 396²¹ mundi, mundu B. — 396²⁸⁻²⁹ og...Seilunni 668, rotið af í B. — 396³⁴ á, tvíritað í B. — 397³ vestur C, vestur aftur B. — 397⁷ beðnir C, sl. B en er nauðsynlegt meiningar vegna. — 397¹³ þeirra, 668, 2076 b, sl. B. — 397³⁰ Kaupmenn hjetu, hjer er í B eyða fyrir nöfnunum. — 397³³ heim komist C, vantar í B, en eitthvað þess háttar þarf þó að vera þar. — 398⁷⁻⁸ fylgt...málefni, 668, rotið í B. — 398¹⁸ hefðu, sl. B. — 399³ af, hefðu af B, en misritun, þar sem „hefðu“ er

rjett á undan. — 399⁷ voru, sl. B, en nauðsynl. meiningar vegna; við landið voru C, eftir leituðu 668. — 399¹³ hann C, sl. B. — 399²⁰ Sveinssonar, í B hefur verið eyða fyrir nafninu, og í hana skrifað með nýlegri hendi „Jónssonar“, sem er rangt, sbr. 1. athugasemdina á bls. 390. — 399²⁵ fjörð...vorið 668, rotið í B. — 399²⁷ tíma giftur, 668, eyða í B. — 400³ velvísan, velvísa B; eyða fyrir nafninu í næstu línu. — 400⁹ velforfarinn 668, velforinn !B. — 400¹⁶ liðugari, misritað liðugar í B. — 400²⁰ Clemenssonar, nafnið ritar hann sjálfur svo í skjalinu, sem er prentað hjer að aftan, en hjer og á nokkrum stöðum í B er nafnið ritað Clemusson(ar). — 401¹⁷ fjekk, 17, sl. B. — 401²⁶ annað 668, rotið í B. — 402² að, 668, sl. B. — 402¹⁷ á, 2076 b, sl. B. — 402¹⁹⁻²⁰ á beltið...Eyri og 663, rotið í B. — 402²³ verið 668, sl. B. — 403¹⁶ -dægurs, -dægur B. — 403²³ tók, tók þær B. — 403²⁶ bygði hann, hann bygði B. — 404² [kall]aði, hvað ... Anno, skorið ofan af línu í B, og sjást aðeins neðri hlutar stafanna, en líklega á þó svo að lesa, að því er ráða má af C og 668. — 404²⁰ excellens, ritað exilen[s] í B. — 404²⁴ Thómasi, ritað Tunmase hjer og víðar í B. — 405¹ missive 668 rotið í B. — 405²⁸ elliburðir...jukust, 668, rotið í B. — 406² vel iðkuð C, hjer vantar sögnina í B, upptuktuð 2076 b. — 406⁴ og eru C, er B. — 406¹³ og var síðan að, þessi orð eru óljós, annaðhvort er þetta vestfirskt orðatiltæki, og þýðir þá „vera að“ sama sem að vera nærri því í kör, vera við rúmið, eða þá þetta er byrjun á setningu, sem höf. hefur ekki haldið lengra áfram, en gleymt að strika út. Afskrifarnir virðast hafa skilið þessi orð á fyrra veginn, þannig hefur 2076 b: „(í sínum aldurdómi) nær í kör um tvö ár mjög veikur“, C: „(í 2 ár,) og var nær því í kör (við og við veikleika vegna)“, og 668: (í sínum aldurdómi) nær í tvö ár í kör, (og var þá við og við veikur)“. — 406¹⁷ sjöunda, „ári“ bætir B við, en þar sem það er bersýnileg tvíritun, sleppi eg því hjer.

VIÐAUKAR.

I.

UM PJETUR SKYTTU OG ÆTT HANS.

Menn greinir á hver maður Pjetur Skytta hafi verið, og hvorki Espólin nje Jón Halldórsson nefna hann sem hirðstjóra með því nafni. En þó má telja vist að hann sje annaðhvort sami maðurinn og Pjetur Trúlsson, hirðstjóri á Íslandi 1493—1495 eða þá Pjetur Kláusson, hirðstjóri á Íslandi 1497—1498; þykir mjer líklegra að það sje Pjetur Kláusson, fœðurnafnsins vegna, því Trúls (Troels) er danskt nafn en ekki þýskt, en maðurinn ættaður frá Hamborg. — Í ættartölubókum er honum stundum blandað saman við Pjetur skyttu Thomasson umboðsmann á Bessastöðum 1587—1589.

Í brjefi til útgefandans dags 25. sept. 1907 kemur Dr. Jón Þorkelsson landsskjalavörður fram með skýringu á flækjum þessum. Hljóðar sá kafli brjefsins svo:

„Ættartölubækur telja svo, að Pétur skytta Thomasson, sem umboðsmaður var á Bessastöðum 1587—1589, ætti Ástriði Sigmundardóttur, systur Jóns lögmanns, sem er uppkominn maður 1476 og deyr 1520; telja þær Ástriði dána 1588, og getur þetta á eingan hátt staðizt. Börn þeirra Péturs og Ástriðar eru talin mörg, og meðal þeirra Jacob, sem umboðsmaður var í Vestmannaeyjum um 1620 og opt er getið í ferðabók Síra Ólafs Egilssonar; Jacob ljezt 1641. Systir Jacobs og dóttir Péturs og Ástriðar er svo talin Marín langamma Jóns Indíafara. En þetta er alt jafn-ómögulegt. Það er ómögula að Jacob Pétursson hafi verið langömmubróðir, og Pétur Thomasson, sem umboðsmaður var 1587—1589, og Ástriður, sem dó 1588, hafi verið langalangafi og langalangamma Jóns Indíafara, sem fæddur var 1593.

Hinsvegar held eg megi greiða úr þessu svona:

Pétur skytta var einn af fylgurum Diðriks Pinings 1484 og þá í yfirreið með honum hér á landi (Fornbrjefasafn VII, 12—14). Hafi hann staðnæmzt hér á landi, gæti hann tímans vegna hafa átt systur Jóns lögmanns Sigmundssonar, og mætti

hún vel hafa heitið Ástriður, þó að ekki finnist hennar getið í bréfum. Pétur þessi skytta gæti vel verið annaðhvort sami maður og Pétur Trúlsson, sem hér var hirðstjóri 1493—1495, ellegar Pétur Kláusson, sem hirðstjóri var 1497.

Marín Pétursdóttir ætti því að vera fædd á árunum c. 1494—1497. Hana átti síra Helgi sonur síra Jóns svenska Matthíassonar. Síra Jón dó 1567, og ber flestum saman um, að hann hafi þá verið fjörgamall maður, og gæti hann vel hafa verið fæddur um líkt leyti og Jón biskup Arason, c. 1484, eða jafnvel c. 1480. Þegar hann kom til Íslands 1530 gæti hann því hafa verið 46—50 ára gamall og Helgi sonur hans verið svo sem uppkomin, svo að miseldri hans og Marínar hefði ekki þurft að vera ýkjamikið. Ekki vita menn að svo komnu, hvar Helgi var prestur.

Hildur Helgadóttir, dóttir þeirra og amma Jóns Indíafara, gæti því verið fædd c. 1535. Hennar maður hét Þorsteinn Sveinsson.

Ólöf Þorsteinsdóttir, dóttir Hildar, kona Ólafs Jónssonar á Svarthamri og móðir Jóns Indíafara, gæti þá verið fædd c. 1560—1565—1570, og þá kæmi alt vel heim við það, að Jón Indíafari sonur hennur er fæddur 1593. —“

Þessi tilgáta Dr. Jóns er mjög líkleg og þekki jeg enga betri. Þegar frásögn Jóns Indíafara er borin saman við Hirðstjóraannál Jóns Halldórssonar (Safn t. s. Ísl. II, bls. 661—62) sjest, að ef Pjetur Skytta og Pjetur Trúlsson er sami maðurinn, hefir hann líkl. verið myrtur á föstunni 1496 eða 1497; en ef það er Pjetur Kláusson verður vígið á föstunni 1498 eða 1499; um Benedikt Hersten (Histen), eftirmann hins síðara er fyrst getið 1499 um sumarið. Marín hefur líklega verið fædd áður en faðir hennar var veginn; það litur líka út fyrir að þeir synir Pjeturs, Hannes og Melchior, hafi þá verið stálpaðir. En það sem mjer þykir þó ólíklegt, er að Síra Helgi Jónsson Matthíassonar og Marín Pjetursdóttir hafi verið gift. Skyldi það ekki vera blandað málum, og vera einhver annar Síra Helgi Jónsson? Úr því sje jeg mjer ekki fært að greiða sem stendur, en tilgáta Dr. Jóns verður að vera bæði mjer og öðrum fullnægjandi, fyrst um sinn, þangað til ef eitthvað kann að koma fram, er skýri málið betur.

II.

NIÐJATAL JONS ÓLAFSSONAR INÐÍAFARA.

Hr. Jóhann Kristjánsson ættfræðingur í Reykjavík hefur gjört mjer þann greiða að semja niðjatal Jóns Inðíafara, og eru þar taldir afkomendur hans á Íslandi og ættin rakin niður til núlifandi manna. Aðalheimildarrit hans hefur verið ættartölubók Ólafs Guðmundssonar Snókdalíns († 1842), eiginhandarrit, eign Hannesar ritstjóra Þorsteinssonar. Hann hefur og stuðst við ýmsar greinar í „Þjóðviljanum“ þar sem vestfirskra ætta er getið. Annars eru miklir erfðleikar á rannsókn ætta úr Ísafjarðarsýslu, því næstum því allar prestþjónustubækur þaðan eru annaðhvort eyðilagðar með öllu eða ókomnar til Landsskjalasafnsins; því er óviða hægt að rekja ættina niður til nútímans.

Að því er snertir ættkvísl þá, er flutst hefur til Danmerkur og þaðan til Ástralíu og víðar, hefur frú cand. mag. Ása Rohde, sem sjálf er af þeirri ætt, góðfúslega samið skrá yfir hana og gefið mjer ýmsar upplýsingar um lífsstöður og vistarverur þeirra manna, er þar er getið. Hef jeg svo skeytt saman á sínum stað íslensku og dönsku ættkvíslina.

Son Jón Ólafssonar Inðíafara, og seinni konu hans Þorbjargar Einarisdóttur¹⁾ var:

Ólafur Jónsson á Kambsnesi í Álftafirði, átti fyr Halldóru Einarisdóttur, börn þeirra:

- I. Jón Ólafsson átti Valgerði Gilbertsdóttur, þau voru barnlaus.
- II. Arnfríður Ólafsdóttir kona Halldórs Bjarnasonar; barnlaus.
- III. Magnús Ólafsson á Ósi í Bolungavík, átti Guðrúnu Aradóttur, Sigmundssonar, Jónssonar í Önundarfirði, Gunnarssonar; börn þeirra:

¹⁾ Ólafur Snókdalín telur Þorbjörgu konu Jóns Inðíafara Eyjólfsdóttur Ólafssonar Bjarnasonar og að móðir Eyjólfs hafi verið Guðný dóttir Bjarna (Björnssonar) og Guðrúnar laundóttur Jóns í Svalbarði Magnússonar í Skriðu Þorkelssonar.

A. Bjarni Magnússon á Ósi í Bolungavík, átti fyr Sesselju Björnsdóttur á Gili, Ketilssonar; börn þeirra:

a. Kolbeinn Bjarnason á Seljalandi í Skutilsfirði, átti Guðrúnu Jónsdóttur á Hafrafelli, Jónssonar í Tungu í Skutilsfirði, Sigurðssonar á Seljalandi í Skutilsfirði; börn þeirra:

aa. Jón Kolbeinsson seinni maður Sigríðar Magnúsdóttur frá Breiðabóli.

bb. Hildur Kolbeinsdóttir (fædd 2. Mars 1786) átti Jakob son „lanarunga“-Gvendar, Bjarnasonar, Hallvarðssonar úr Trjekyllisvík.

b. Bjarni Bjarnason (fæddur um 1753) á Geirastöðum, átti Ingibjörgu (f. um 1755) Ísleifsdóttur í Tungu í Skutilsfirði, Sigmundssonar, Ísleifssonar; börn þeirra:

aa. Bjarni.

bb. Sigurður.

cc. Ingibjörg.

dd. Guðrún.

Seinni kona Bjarna Magnússonar var Ragnhildur Jónsdóttir prests í Stað í Aðalvík, Einarssonar prests samaðar, Ólafssonar á Sljettu Guðmundssonar; barnlaus.

B. Ólafur Magnússon (f. um 1729, d. 9. Mars 1785) bóndi á Hafrafelli í Skutilsfirði, átti Þorgerði Bjarnadóttur; börn þeirra:

a. Jón Ólafsson á Hafrafelli, átti Helgu Sigmundsdóttur, Magnússonar (sjá síðar); son þeirra:

aa. Jóakim (fæddur 24. Ágúst 1793).

b. Sesselja Ólafsdóttir, átti fyr Sigmund í Tungu í Skutilsfirði, Loftsson á Seljalandi, Þórðarsonar; börn þeirra:

aa. Loftur.

bb. Ísak.

cc. Ólafur.

dd. Guðrún.

Síðar átti Sesselja Jón Brynjólfsson, Jónssonar;

p. b.:

ee. Ragnhildur.

c. Ólafur Ólafsson, átti Guðrúnu Egilsdóttur, Þórðarsonar í Engidal, Pálssonar á Lónseyri, Þormóðssonar í Æðey,

Tómassonar prests á Snæfjöllum, Þórðarsonar (B. Ben. Smæf. II, 323).

d. Kristín Ólafsdóttir.

C. Sigmundur Magnússon á Gili í Bolungavík, átti Guðrúnu Guðmundsdóttur; börn þeirra:

a. Jón Sigmundsson á Stakkhamri, átti Valgerði Björnsdóttur, Jónssonar.

b. Helga Sigmundsdóttir, kona Jóns Ólafssonar, Magnússonar (sjá að framan).

c. Sara Sigmundsdóttir, átti Sigfús Egilsson „drengettur“, dóttir þeirra:

aa. Sara.

d. Guðrún Sigmundsdóttir, kona Guðlaugs Jónssonar. Laundóttir Guðrúnar með Jenens Latzen [sic]:

aa. Herdís (f. 1789).

D. Ari Magnússon á Fæti í Álftafirði, átti Guðrúnu Jónsdóttur, Gízurssonar; börn þeirra:

a. Jón Arason (fæddur um 1750) í Hattardal, átti fyr Arnfriði Jónsdóttur fálkafangara á Uppsölum í Eyrarsveit, Árnasonar, Halldórssonar prests í Árnesi (d. 1734), Magnússonar prófasts á Stað í Steingrímsfirði (d. 1707) Einarssonar; dóttir þeirra:

aa. Arnfriður Jónsdóttir.

Seinni kona Jóns Arasonar var (19. Júní 1784) Geirlaug Halldórsdóttir á Seljalandi í Skutilsfirði, Páls-sonar í Kvíanesi í Súgandafirði Jónssonar í Kvíanesi, Egilssonar í Kvíanesi, Sveinssonar, Andrjessonar (B. Ben. Smæf. II, 577); börn þeirra:

bb. Arnfriður Jónsdóttir, átti (1804) Þórarinn í Þernuvík, Jónsson í Þernuvík, Þórarinssonar á Látrum, Jónssonar, Þórarinssonar, Gíslasonar prests í Vatnsfirði (d. 1660), Einarssonar prófasts í Eyðölum, Sigurðssonar.

b. Hallur Arason átti Margrjetu Jónsdóttur, systur Arnfriðar, fyrri konu Jóns bróður hans.

c. Jóhann Arason átti Ástriði Jónsdóttur, systur þeirra Arnfriðar og Margrjetar, er bræður hans áttu; s. þ.:

aa. Magnús.

d. Gísli Arason í Fremri-Hnífsdal, (fæddur um 1752), átti Margrjetu (f. um 1752) Ásgeirsdóttur prests í Álfta-

firði, Þórðarsonar í Bæ, Þorkelssonar á Kjallaksstöðum, Jónssonar samastaðar, Jónssonar í Stóradal, Magnússonar á Reykjum í Tungusveit, Björnssonar; börn þeirra:

aa. Guðrún (f. um 1783) kona Þórðar Jónssonar, Þórðarssonar í Engidal, Pálssonar á Lónseyri, Þormóðssonar í Æðey, Tómassonar (B. Ben. Smæf. II, 323); barn þeirra:

aaa. Kristján.

bb. Jóhanna Gísladóttir (f. um 1785) kona Bárðar Brynjólfssonar á Grundarhóli í Bolungavík, Tómassonar.

cc. Elizabet Gísladóttir (fædd 10. Okt. 1786).

e. Magnús Arason, átti Guðfinnu Hallgrímsdóttur, Jónssonar á Vigri í Ögursveit, Sigurðssonar, Jónssonar, Einarssonar í Stóru-Hvestu, Gíslasonar.

E. Halldóra Magnúsdóttir kona Jóns Ólafssonar í Mýrdal, þau voru barnlaus, en laundóttir hennar með Einari Jónssyni, Gíslasonar var:

a. Ásný Einarsdóttir, átti laundóttur með Jóni Sigfússyni á Gili í Bolungavík, Hákonarsonar samastaðar, Bjarnarsonar, Ketilssonar, er hjet:

aa. Jóhanna.

F. Signý Magnúsdóttir fyrri kona Jóns Sigmundssonar í Hnifsdal; son þeirra:

a. Jón Jónsson átti Vigdísí Ísleifsdóttur, barnlaus.

G. Sigurfljóð Magnúsdóttir, átti launbarn með Magnúsi „myglu“.

H. Pjetur Magnússon í Búð í Hnifsdal (fæddur um 1730, dáinn 19. Jan. 1809), átti Elizabet Tyrfingsdóttur, Bjarnarsonar, Tyrfingssonar, Jónssonar, Kálfarssonar (B. Ben. Smæf. II, 578); börn þeirra:

a. Tyrfingur Pjetursson á Seljalandi, átti (1804) Ingibjörgu Jónsdóttur Gíslasonar; barnlaus.

b. Bjarni Pjetursson á Svarthamri, átti (1792) Elínu Illugadóttur prests á Kirkjubóli (d. 1782), Jónssonar í Skinnalóni á Sljettu, Þorsteinssonar (Þjóðv. VIII, 122); börn þeirra:

aa. Þóra Bjarnadóttir (f. 14. Des. 1793) kona Jóns Jónssonar á Svarthamri; börn þeirra:

aaa. Friðgerður.

- bbb. Elizabet.
- ccc. Steinunn.
- ddd. Kristjana.
- eee. Halldóra.
- fff. Elin.
- bb. Elías Bjarnason (fæddur 30. Maí 1797), átti Margrjetí Einarasdóttur í Arnardal, Ásgrímssonar samastaðar, Bárðarsonar samastaðar, Illugasonar, Guðmundssonar, Illugasonar, Guðmundssonar, Illugasonar, Guðmundssonar úr Reykjadal.
- cc. Elin Bjarnadóttir kona Jóns Teitssonar skipara úr Flatey.
- c. Guðrún Pjetursdóttir (fædd um 1768) átti Hinrik í Fremri-Hnífsdal og Seljalandi (f. um 1761), Sigurðssonar í Fremri-Hnífsdal, Pálssonar (Smæf. II, 323); börn þeirra:
 - aa. Hildur Hinriksdóttir (f. 14. Sept. 1788) átti Guðmund Jónsson á Seljalandi; son þeirra:
 - aaa. Halldór Guðmundsson (f. um 1811) átti Margrjetí Þorbergsdóttur, Hjaltasonar prests á Kirkjubóli (d. 1840) Þorbergssonar prests á Eyri við Skutilsfjörð (d. 1784) Einarssonar (Tímar. J. P. 1, 20); börn þeirra:
 1. Guðmundur.
 2. Sigríður.
 - bb. Jón Hinriksson (f. 3. Okt. 1789).
 - cc. Pjetur Hinriksson (f. 2. Des. 1792) átti Sigríði Hallsdóttur; barn þeirra:
 - aaa. Guðrún.
 - dd. Sigurður Hinriksson á Seljalandi (f. 1794), átti Málmfriði Jónsdóttur frá Gelti; börn þeirra:
 - aaa. Hinrik Sigurðson kaupmaður á Ísafirði.
 - bbb. Guðbjörg Sigurðardóttir (fædd 18. Okt. 1826, dó 21. Sept. 1906) kona Páls útvegsbónda á Ísafirði, Guðmundssonar óðalsbónda í Arnardal, Pálssonar; börn þeirra:
 1. Kristín Pálsdóttir kona Halldórs Halldórs-sonar kaupmanns, fóru til Ameríku.
 2. Sigríður Pálsdóttir kona Samúels (d. 3. Marz 1905) á Naustum í Skutilsfirði, Hall-

dórssonar í Árbæ, Þórðarsonar, Halldórssonar (Þjóðv. XIX, 48); börn þeirra:

Rannveig kona Jóns Hróbjartssonar verslunarstjóra á Ísafirði, Halldór, Páll (d. 9. Júlí 1907), Kristján og Bjarney.

ccc. Kristín Sigurðardóttir átti Halldór í Tungu í Bolungavík, Magnússonar samastaðar, Árnasonar á Hóli í Bolungavík, Magnússonar í Meirihlíð, Sigmundssonar, Sæmundssonar (Smæf. II, 224); son þeirra:

1. Magnús Halldórsson.

ddd. Guðrún Sigurðardóttir, átti fyrir Hannes prest á Stað í Grunnavík, er druknaði 18. Des. 1851, Arnórsson prests í Vatnsfirði, Jónssonar (B. Ben. Smæf. III, 503); börn þeirra (sbr. Þjóðv. VIII, 134):

1. Jóhannes Hannesson hreppstjóri á Botni í Ségundaafirði, kvæntur Guðrúnu Ólafsdóttur frá Griðum í Önundarfirði.

2. Sigurður Hannesson stýrimaður, dó í Kaupmannahöfn okv. og bl.

3. Petrína Hannesdóttir ógift og bl.

Guðrún Sigurðardóttir átti síðar Friðrik Verner Gíslason (d. 3. Apríl 1899) bónda á Kvíanesi í Ségundaafirði áttu 7 börn á lífi 1899; þar á meðal:

4. Petrína Friðriksdóttir kona Jóns Tómassonar á Úlfhá í Skutilsfirði (Þjóðv. VIII, 147).

eee. Margrjet Sigurðardóttir kona Jens á Ísafirði, Guðmundssonar skutlara í Vigri, Guðmundssonar á Kúlu í Arnarfirði, Arasonar (B. Ben. Smæf. III, 450).

ee. Hinrik Hinriksson (f. 1796); dóttir hans:

aaa. Elíabet.

ff. Elíabet Hinriksdóttir (fædd 23. Júlí 1797) kona Jóhanns Jónssonar úr Álftafirði; börn þeirra:

aaa. Dagmey Jóhannsdóttir kona Otúels á Skarði á Snæfjallaströnd, Vagnssonar í Dynjanda,

Ebenezerssonar, Jónssonar í Tjaldanesi, Sveinsonar (B. Ben. Smæf. II, 391); barn þeirra:
1. Ebenezer.

bbb. Valgerður Jóhannsdóttir.

ccc. Hinrik.

ddd. Guðrún.

eee. Hildur.

fff. Helgi.

ggg. Jón.

gg. Tyrfingur Hinriksson (fæddur 18. Sept. 1799) átti Ástu Jónsdóttur, Bjarnasonar í Æðey, Jónssonar hrekks í Æðey, Einarssonar, Gunnlaugssonar (B. Ben. Smæf. III, 451; b. þ.:

aaa. Sigurður Tyrfingsson.

bbb. Oddur Tyrfingsson bóndi á Hafrafelli í Bolungavík (d. 1882), átti Eleónóru Kristínu Pjetursdóttur; börn þeirra:

1. Guðmundur Helgi Oddsson (f. 6. Des. 1855, d. 1. Sept. 1907) bóndi á Hafrafelli, átti (10. Sept. 1877) Ólöfu Sveinsdóttur (Þjóðv. 21, 183); börn þeirra: Oddur, Ólafur Elías, Halldór, Magnús, Sveinn, Kristín Eleónóra, Guðmundur Helgi.

2. Pjetur Oddsson kaupmaður í Bolungavík, kvæntur Guðnýju Bjarnadóttur; börn þeirra voru 5, 4 dætur og 1 sonur er hjett Ólafur Helgi (d. 6. Ágúst 1907; Þjóðv. XXI, 165).

3. Rannveig Oddsdóttir kona Rósmundar Jónssonar í Tungu í Skutilsfirði (Þjóðv. XXI, 183).

ccc. Halldór Tyrfingsson.

ddd. Sigríður Tyrfingsdóttir.

eee. Guðmundur Tyrfingsson.

fff. Hildur Tyrfingsdóttir (f. 1832, d. 22. Febr. 1899) ljósmóðir í Ögurhreppi (Þjóðv. VIII, 100 launson hennar með Einari hreppstjóra á Hvítanesi, Hálfðanarsyni prests á Eyri í Skutilsfirði (d. 1865) Einarssonar (Tímar. J. P. 4, 13) var

1. Ásgeir Einarsson (f. 7. Marz 1869, d. 7/1 1905) bóndi í Hvitanesi í Ögursveit, átti (1896) Halldóru Pjetursdóttur bónða á Kleifum í Skötufirði, Halldórssonar (Þjóðv. XIX, 67), b. þ.: Kristín Álfheiður, Þórunn, Kristján, Gunnhildur, Petrína Sigríður. Annar launson Hildar Tyrfingsdóttur:
 2. Guðjón Jónsson skipstjóri á Ísafirði (Þjóðv. VIII, 100).
- d. Sigríður Pjetursdóttir kona Jóns Jónssonar á Hrauni í Hnífsdal; b. þ.:
- aa. María Jónsdóttir átti Guðmund Bjarnason á Ósi í Bolungavík; b. þ.:
 - aaa. Pálmi.
 - bbb. Eiríkur.
 - ccc. Friðrik.
 - ddd. Guðmundur.
 - eee. Matthildur.
 - fff. Ólöf.
 - bb. Kristjana Jónsdóttir kona Jóns Guðmundssonar í Búð í Hnífsdal; börn þeirra:
 - aaa. Guðmundur.
 - bbb. Valgerður.
 - ccc. Jón.
 - ddd. Sigríður.
 - eee. Ívar.
 - cc. Sigurborg Jónsdóttir kona Pálma Ásmundssonar á Gili í Bolungavík; börn þeirra:
 - aaa. Tyrfingur.
 - bbb. Guðrún.
 - ccc. Einar.
 - ddd. Helga.
 - dd. Þórður Jónsson.
- e. Valgerður Pjetursdóttir (d. 1808) átti fyr (10. Apríl 1790) Ernst Matthías Heidemann (d. 1799), kaupmann í Ísafirði, Grundarfirði og Ólafsvík; b. þ.:
- aa. Juliana Katrín (f. 27. Des. 1789).
 - bb. Anna Katrín (f. 28. Nóv. 1790, † 1874).
 - cc. Elízabet (f. 6. Marz 1792, † 22. Júlí 1796).

Seinni maður Valgerðar var Holger Peter Clausen, kaupmaður; son þeirra:

dd. Hans Arreboe Clausen (f. 15. Júlí 1806, d. 27. Mars 1891) etatsráð, stórkaupmaður í Kaupmannahöfn, átti 1830 Ásu Óladóttur Sandholts borgara í Reykjavík, Egilssonar borgara í Reykjavík, Helgasonar í Sandhólum á Tjörnesi, Egilssonar, Helgasonar (f. 16. Okt. 1815, d. 15. Jan. 1899); b. þ.:

aaa. Holger Peter Clausen (f. 1. Ágúst 1831, d. 29. Maí 1901) síðast kaupmaður í Reykjavík, átti fyr enska konu Harriott Barbara Cook (f. 1837). Þeirra börn:

1. Hans Arreboe, blaðamaður í Melbourne í Ástralíu (f. 14. Maí 1859), giftur Esther Schytte (f. 1860) dóttur málafærslumanns Schytte og konu hans, fæddrar Höfðing.
2. Amy Taylor (f. 26. Ág. 1860), gift Hermann Christesen (f. 1850) áður verksmiðjueiganda, nú jarðeiganda nálægt Melbourne.
3. Vigand Barker (f. 1863), gullnemi í Vestur-Ástralíu.
4. Olga Emily (f. 9. Sept. 1866), ritstjóri blaðsins „Norden“ í Melbourne.

Síðari kona H. P. Clausens var Guðrún Þorkelsdóttir prests á Staðarstað (d. 1891) Eyjólfssonar; börn þeirra:

1. Ragnheiður (f. 24. Ág. 1879), átti Benedikt Jónsson verzlunarmann í Reykjavík; b. þ.: Guðrún Olga.
2. Jóhannes (f. 4. Júlí 1882).
3. Þorkell (f. 26. Nóv. 1884).
4. Óskar (f. 7. Febr. 1887).
5. Axel (f. 30. Apríl 1888).
6. Ása (f. 21. Nóv. 1889).
7. Arreboe (f. 5. Sept. 1892).
8. Herluff (f. 28. Des. 1896).
9. Hulda (f. 3. Apríl 1898).

Laundóttir Holgers Clausens með Ásdísi Lýðsdóttur í Ólafsvík, Hálfðanarsonar:

10. Geirprúður (f. 9. Sept. 1872), kona Helga Zoëga kaupmanns í Reykjavík; börn þeirra: Jósephína Antonía (f. 30. Júlí 1893), Guðrún (f. 21. Ág. 1894), Ásta (f. 27. Okt. 1895), Geir (f. 1. Nóv. 1896), Hildur (f. 3. Apríl 1898), Einar (f. 17. Ág. 1900), Kristján og Helgi (f. 25. Júlí 1904).
- bbb. Harriet (f. 9. Jan. 1842), gift Joh. Henrik Emil Zöylner cand. jur., fyrrum stórkaupmanni, nú vogarmeistara í Khöfn., syni C. F. Zöylners († 1866) prests í Alsted og Fjenneslev; þ. b.:
 1. Agnete (f. 22. Ág. 1871), gift William Bendix (f. 17. Febr. 1865) stórkaupmanni í Khöfn. Börn: Jörgen Ulrik (f. 27. Júlí 1892), Tyge Zöylner (f. 5. Marz 1894).
 2. Ása (f. 3. Júní 1874), cand. mag., gift Johan Gudmann Rohde málara (f. 1. Nóv. 1856); þeirra börn: Gabriele (f. 7. Sept. 1904), Abelone (f. 11. Apríl 1908).
 3. Carl (f. 16. Maí 1875), kaupmaður í Khöfn., giftur Jutta Birgitte Meyer (f. 15. Des. 1880); þeirra börn: Hans Christian (f. 2. Júní 1902), Ruth (f. 18. Jan. 1904), Grete (f. 24. Nóv. 1908).
 4. Maria (f. 4. Júlí 1876), á verzlunarskrifstofu í Khöfn.
 5. Inger (f. 21. Júlí 1877), gift Dr. phil. Tommy Bonnesen (f. 27. Marz 1873), skólastjóra við Borgerdydskolen í Khöfn., syni Bonnesens vinsala († 1892).
 6. Johanne (f. 3. Okt. 1879), á verzlunarskrifstofu í Khöfn.
 7. Christian, cand. phil. (f. 31. Jan. 1883), áður járnbrautarmaður í Buenos Ayres í Argentina, nú verzlunarmaður í New York.
- ccc. Vigand (f. 11. Maí 1844, d. 16. Febr. 1903), hans kona Anna Nöhr († 1901); hann var fyrst leikandi í Danmörk, síðan faktor fyrir föður sinn á Íslandi. Börn þeirra:

1. Eva (f. 1870) gift James Lee, stjórnarráðs-
skrifara í Melbourne.
2. Astrid (f. 1873), í Ameríku.
3. Poul (f. 1874), bóndi í Ástralíu.

Seinni kona Ólafs í Kambsnesi, Jónssonar Indíafara,
Ólafssonar, var Ólöf Árnadóttir; b. þ.:

IV. Jón Ólafsson yngri, átti Margrjeti Svartsdóttur á Látrum,
Þórðarsonar, Svartssonar; börn þeirra:

A. Svartur Ólafsson, átti Önnu Þormóðsdóttur í Múlakoti,
Arasonar, Þormóðssonar lögrjettumanns (B. Ben. Smæf.
I, 504), Arasonar, b. þ.:

a. Ólafur Svartsson (f. um 1755) á Bakka í Hnífsdal,
svo Sljettu í Aðalvík, átti fyr (19. Júní 1785) Elinu
(f. um 1764) Halldórsdóttur, systur Geirlaugar seinni
konu Jóns Arasonar (bls. 420); börn þeirra:

aa. Margrjet Ólafsdóttir (f. 3. Ágúst 1786) átti
Jón Jónsson í Hnífsdal, Jónssonar samastaðar,
Jónssonar samastaðar, Sveinssonar á Kirkjubóli,
Jónssonar, Jónssonar í Gjörfurðal, Jónssonar,
Guðmundssonar í Króksfirði, Einarssonar prests
á Stað á Reykjanesi, Guðmundssonar; þau voru
barnlaus.

bb. Ingibjörg Ólafsdóttir.

cc. Jón Ólafsson.

dd. Halldóra Ólafsdóttir.

Seinni kona Ólafs Svartssonar var Ingibjörg
Jónsdóttir, Þorvaldssonar; bl.

b. Margrjet Svartsdóttir átti fyr Halldór Loftsson á
Seljalandi, Þórðarsonar; son þeirra:

aa. Ísak Halldórsson.

Margrjet Svartsdóttir átti síðar Jón Jónsson,
Þorleifssonar.

c. Jón Svartsson (f. um 1761) átti Arnfriði Ólafsdóttur.

B. Ólafur Jónsson.

C. Halldóra Jónsdóttir.

V. Þorbjörg Ólafsdóttir átti Marteín Pjetursson danskan;
dóttir þeirra:

A. Guðfinna, átti launson með Olafi Bjarnasyni, Magnús-
sonar.

a. Björn á Seli, átti Sigríði.

VI. Halldór Ólafsson átti Guðrúnu Sigfúsdóttur, Sigfússonar, Sveinssonar, Andrjessonar, b. þ.:

A. Hlaðgerður.

VII. Guðný Ólafsdóttir, launson hennar:

A. Árni.

III.

ÞJÓBSÖGUR UM JÓN ÓLAFSSON INDÍAFARA.

(Ritaðar af kennara Karli Finnbogasyni eftir frásögn Jóns Jónssonar blinda frá Mýlaugsstöðum.)

Jón Indíafari var með Kristjáni 4. Danakonungi. Einhverju sinni átti konungur orustu við Svía, og fylgdust þeir Jón að. Bardaganum kom svo, að Danir ljetu undan síga. Gengu Svíar hart fram og sóttu að konungi. Einn þeirra hjó til hans og kom höggið á eyrað. Sneiddist eyrað nokkuð, en konungur fjell í ómegin. Jón var þar nær staddur og lagði Svíann þegar í gegn. Síðan þreif hann til konungs og kom honum undan á óhultari stað. Þar var hann hjá honum þangað til af honum rann ómeginið. Eftir þetta hafði konungur meiri mætur á honum en öðrum mönnum.

Einhverju sinni kom konungur að máli við Jón og mælti á þessa leið: „Eg hefi sent tvö skip til Indía hvort eftir annað, en þau hafa aldrei aftur komið. Fellur mjer það þungt, því margt mætti þaðan flytja til vor, sem ekki er auðfengið í Evrópu. Hef eg því afraðið að senda þangað hið þriðja skip, ef eg fengi þann að formanni, er fyrir því væri trúandi. Vildi eg nú biðja þig að færa skipið, því engan veit eg hentari til slíkra stórræða í ríki mínu.“ Jón tók vel máli konungs, og lofaði fyririnn. Voru þá valdir sterkustu menn og mestir fyrir sjer í Danaveldi. Það voru flest Norðmenn, og hjeldu nú af stað 11 saman. Sóttist þeim ferðin greiðlega, og drukku sjer til dægrastyttingar. Boruðu þeir gat á tunnubotnana, en hjeldu síðan á tunnunum og drukku úr gatinu. Sagði Jón að sjer hefði þótt það skömm mikil, að þeir voru allir sterkari

honum, því þeir hjeldu tunnunni milli handa sjer meðan þeir drukku án þess að hún kæmi við bringu þeim, en Jón varð að styðja henni að bringunni. Þó bar hann jafnan hærra hlut ef í glímu kom eða ryskingar. Á heimleið komu þeir við á Góðrarvonarhöfða. Skorti þá eitthvað, og fór Jón á land til kaupa. Þar kvaðst hann hafa sjeð ljótasta menn og illmannlegasta á æfi sinni. Hann gekk inn í búð eina og lauk erindum sínum. Þar var margt manna, og höfðu flestir glerskefta hnifa. Þóttist hann sjá, að þeir væru svo gjörðir, til þess að brjóta mætti fljótlega af þeim skaftið, þegar blaðinu hefði verið stungið inn, og væru þá hættulegustu morðvopn. Þegar Jón gekk út, fylgdi honum annar maður og hafði þriggjaflösku í hendi. Talaði hann til hans vinsamlega og gekk með honum á leið til skips. En er þeir nálgundust skipið hóf náungi þessi flöskuna á loft og sló henni á gagnauga Jóni. Fjell hann þegar í rot, en er hann reis úr því aftur, sá hann að maðurinn lá þar hjá honum og var hálsbrotinn. „Guð einn veit hver drap hann. Eg held helst að eg hafi gert það, því mig rankar við að eg þrifi til hans um leið og hann reiddi að mjer flöskuna“, sagði Jón síðar. Eftir þetta hjeldu þeir heim, og náðu heilu og höldnu til Danmerkur. En konungur tók þeim fegins hendi.

Þegar Jón var á áttræðisaldri, átti hann eitt sinn leið um Ölfus, og gisti þar á bæ einum. Um nóttina kviknaði í bænum, og komst alt í uppnám. Jón vaknaði við, og varð skjótt áskynja orsakanna. Hann þreif stigvjel sin og kápu og óð síðan um eldana einsog berserkur. Varð honum betur ágengt en öðrum yngri að hjarga mönnum og munum úr eldinum. Þegar alt fólkið var út komið, og bærinn að mestu brunninn, stóð Jón og húsfreyja í nánd við búið. Fjell þá niður þekjan búrsins, og sást í skyrsá mikinn — tveggja tunnunni ílát, gegnum reykjarmökkinn og rústina. Þá segir konan: „Flest fer nú að einu fyrir mjer og mínum! Þetta ílát var alveg fult af ágætu skyri og besta slátrinu sem eg átti, en það fer for-görðum einsog annað.“ Jóni reis hugur við að slíkt góðmeti skyldi að engu verða, enda fann hann að konan saknaði sárarins innilega. Hann brá sjer inn yfir vegginn, þreif sáinn báðum höndum og setti hann upp á vegginn, axlarháann.

„Takið nú við, drengir góðir, ekki miður en rjett er,“ sagði hann um leið og hann hljóp út yfir vegginn og hristi af sjer rykið.

IV.

VITNISBURÐUR NÍELS CLEMENSSONAR UMBOÐSMANNS
Í VESTMANNAEYJUM.

(Prentaður eftir B-hdr. Sbr. lýsinguna á því hdr. í formálanum.
Endir skjalsins afbakaður.)

Eptter som Jon Olafsson hafuer her vdy Vestpen Øe for-
töfuet paa ett ärs tyd og agtter sig Nu met guds hielp at
forfoye sig Nu herfra og Vester til sinne Venner og Kunninger,
Og eftter dij at hand er af mig begerendis faaein Ord huor-
leidis hand sig her vdy Vestpen Øy hafuer forholldet sig I Myd-
ler tyd hand haffuer her veret, da er dette den vidnnesburd som
eg hanem gyffuer og kand her iche I mod vere, at fornefnde
Jon Olafsson haffuer forholldid sig her fromachttig Erligenn og
vel Til Ord og Giernninger, so at Jeg haffuer Icke andet af
hanem fornummit end at hand maa vere og faare huor hand
vil Obehyndret I alle Maader aff huer Mand Og er jeg ven-
ligenn begerendis at huor forneffnde Jon Olafsson er betorttid[!]
er Jeg alle Erlige Mend hanem at befordre til det¹⁾ beste
sligt Igen at forskylde I lyge Maader eller andre²⁾ huor jeg
kand giore og forskylde.

Skreffuet I Vestpen Ø denn 17. July 1640.

Nyels Clemensson Eh.

¹⁾ tvíritað í hdr.

²⁾ hjer eyða fyrir orði í hdr.

V.

ATHUGASEMDIR OG LEIÐRJETTINGAR.

Bls. 5 neðanmálsgr. Það kann að virðast rangt í fljótu bragði að fæðingurdagur Jóns Indíafara verði 7. Nóv. 1593 ef talið er eftir nýjum stíl, þar sem það er víst að 1. sunnudagur eftir Allraheilagramessu 1593 er 4. Nóv. í gl. stíl en 10 daga mismunur á stílunum um þetta leyti, svo þá ætti fæðingardagur hans að teljast eftir nýjum stíl 14. Nóv. sem það ár er annar sunnudagur eftir Allraheilagramessu og svo verður líka að telja ef maður heldur sjer við mánaðardaginn 4. Nóv. — En haldi maður sjer við það, að fæðingardaginn beri upp á fyrsta sunnudag eftir Allraheilagramessu 1593 og reikni eftir nýja stíl verður hann 7. Nóv. einsog hjer er sagt.

7¹² til Hamborgar, þýskusletta (zu Hamburg) = í Hamborg. Líkar þýskuslettur koma oft fyrir hjá Jóni Ólafsyni, þannig t. d. bls. 23³⁵ til Lundún, o. sv. fr.

8¹⁹ Þíning, veturinn 1600—1601; Espólin kallar þennan vetur Lurk eða Þjóf.

12¹⁶ mæti, d. mat, holl. maet, e. mate, eiginlega „fjelagi“, „að-stoðarmaður“, oft notað um þann, sem gengur e-m næstur í sömu stöðu; hjer hefur líkl. „mætið“ verið stýrimaður. — „Bátmeistari“ er víst sama og d. „Baadsmand“, bátstjóri, sem líka hefur umsjón yfir skipreiða.

13²⁵ vatursegl, d. Vatersejl, „þríhyrnt segl, sem stundum er við-haft og sett neðarlega“ (Konr. Gisl.)

13²⁸ mersusegl, d. Mærsejl, „ferhyrnt segl næst fyrir ofan siglhupallinn (pallsegl)“. (Konr. Gisl.)

15²⁶ lífskip, eiginlega er þetta orð notað um skip til persónulegra afnota einhvers höfðingja („lífskip konungs“), en hjer táknar það vafalaust „varðskip“ eða tollgæsluskip.

16³ stafferað = prýtt, d. staffere, af mið-lágþýsku orði stafferen, sem aftur er komið úr fr. estoffer, étoffer.

19¹⁰ prjámur, e. prame, holl. praam, d. Pram, ísl. prammur (karlk.) og prammí.

22¹ Graftsund = Gravesend.

22¹⁷ trómet, á þátíðardönsku Tromet, Trommete, af miðháþ. orði trumet, á nútíðardönsku Trompet, lúður.

22²⁶ fartugar = farþegar.

24–25. Myndin er tekin hjer eftir mynd framan við J. R. Green, A short history of the English people; Vol. 3. London 1893; frummyndin er geymd í Magdalen College í Cambridge.

27¹² Veigat. Sbr. neðanmálsg. 1. við bls. 103.

27¹⁶ Kaptuginn. Sbr. bls. 181, neðanmálsg. 2.

28¹⁸ músskyttur, líka ritað múskveittur, músskittur, músskvettur = d. Musket, af fr. mousquet, stór handbyssa.

29³ pússmenterí = kögurvefnaður, dreglagjörð, d. Possement-arbejde, úr fr. passementerie.

29¹⁷ berideri og stalknekt, d. Berider og Staldknægt, tamningarmaður og hesthúspjónn.

30¹⁰ lossamenti, d. og fr. logement (nú sjaldg.), = leiguherbergi, húsnæði.

30¹² dravant, d. Drabant, lífvörður.

31¹ silfurpopp, d. Sølvpop, silfurkeravörður.

31⁶ regimente, þetta orð hefur tvær merkingar, sumpart „herþjónusta“ (vera undir r. = vera í herþjónustu), sumpart herdeild, (í nútíðardönsku Regiment).

32. Myndin er tekin úr hinu merkilega riti eftir Joachim Arentsehe: Ein Buch . . . wie ein Zeughausz . . . gehalten werden sol . . . Kph. 1578.

33³¹ ordíneraður = vígður (d. ordinere).

35²¹ M. Hr. m., sbr. orðamuninn. Það er óvíst hvað þessir stafir eiga að þýða. Líklega er fyrsta m-ið = meistari. Sjálfsagt er átt við einhvern háskólakennara eða prest.

35²⁹ hoffrakt, hjer = ríkilæti, skraut, einkum í klæðaburði; á eldri d. hoffart.

36³ afsettum skóm = d. Afsætsko, skór með háum hælum.

37⁸ vippu, líklega er hjer ekki átt við þesskonar vippugálga sem getið er um í neðanmálsgreininni, heldur við þá sem lýst er og mynd er af á bls. 106.

37¹³ Truncen; að því er RC segja stóð sú bygging enn 1862, en var svo rífin niður þegar Gammelholm var úthlutað til húsaðjörðar.

44¹⁶ lempe, lempni, hægð, vægð, lipurð.

44³⁵ höfrrakt, það þótti sínávarlegri dauðdagi að vera hengdur en hálshögginn.

48¹⁹ blokkhús, d. Blokhús „vigi gjört af timburstökkum“ (Konr. Gísl.)

50¹⁹ vinstaup, staup er hjer og víða annarsstaðar í bókinni notað til að tákna „stob“, mæliker, sem tók ýmist 4, 8 eða 12 merkur.

51⁶ veitur, þýðing þessa orðs er ljós, hjer er „á veitur“ = „í förur“, en uppruninn óljós; líkl. er „veita“ þó upprunalega = engi, einkum engi, sem vatni er veitt á, og í isl. alþýðumáli er orðið oft þann dag í dag brúkað um mýrlendi og jafnvel forarbleytu. — Sjá orðabækur Björns Halldórssonar, Fritzners, Eir. Jónssonar undir þessi orði. — Að eitthvað „komi á veitur“ e-s er þá einsog að það komi inn á engi eða landureign hans og hefur sjálfsgagt upprunalega verið notað um gripi.

51⁷ prófoss, á þeim tímum var prófossinn einskonar umsjónarmaður við herdeildirnar; hann gat tekið menn fasta fyrir yfirsjónir af eigin ramleik og var opinber ákærandi við hermannaþjófann. Síðar á tímum minkaði valdið og tignin. Nú þýðir orðið á dönsku oftast nær „böðull“.

51¹³ Grábeinar, Próf. B. M. Ólsen hefur bent mjer á að líkl. eigi að skilja þetta svo, að menn fyrsta árið í herþjónustu hafi verið kallaðir þannig. — Í Noregi eru úlfar kallaðir „Graaben“, á Jótlandi sauðir og lýs.

52²² strika, d. stryge, taka ofan flaggið einsog kveðju og heiðursmerki.

52²⁸ rosenobel, sjá 2. neðanmgr. við bls. 127.

53³ oratiu, ræðu, lat. oratio. — 53¹⁷ ásetning, þessi staður or nokkuð óljós, en líkl. er svo að skilja að Metta á að hafa komist á snóðir um að konungur hafi ásett sjer að refsa henni eitthvað.

55¹⁹ prófors, afdráttarlaust.

56¹⁶ uppþrekt, þetta er danska orðið „trække op“, sem er notað um þegar varðmenn ganga til varðar í fylkingu („Vagten trækker op“).

56¹⁹ liður = d. Geled, (fylkingar) röð.

57¹¹ skildvakt, Skildvagt á dönsku er bæði notað um varðmanninn sjálfan og athöfnina að vera á verði; staa S. (standa s.) = vera á verði.

60⁶ próberast, d. probere, reyna.

61² renterlið, hjer = ríkisfjárhirslan.

61⁹ fenggötin, d. Fængul, púðurgat á byssum.

61²⁰ þússeri, d. Pudseri, brellur.

63¹⁴ útafgöngu, bjóða til ú. = skora á hólmi.

67¹² grassera (sjá prentv.), d. grassere, geysa.

68³³ hann og þeirra hálærðu, meiningin er: hann [o: týhús-rjetturinn], sem átti að fjalla um mál Jóns, ef hann var ákærður, og [rjettur] þeirra hálærðu [o: háskólaráðið, sem átti að dæma Finn, sem var stúdent, og mundi hafa tekið málstað hans, þar sem hann var saklaus].

70⁶ Hann kvað sá vísari vera = hann sagðist ekki vera svo heimskur að fara að hjálpa Jóni, þó hann færi í áflog út úr þessu.

72²⁶ bringja, d. bringe, færa, hjer = koma, vestfirskt orð; sbr. vestf. bringingarbatúr = uppskipunarbatúr.

78²² kvaksalver = skottulæknir.

78²⁸ Gjöglarar = loddarar.

78³⁶ comedi, d. Komedie, vanal. = gleðileikur, hjer = sjónleikur yfir höfuð.

80²³ orðið „og“ stendur í bestu hdr. en er óþarft og ætti að falla burt.

80²⁴ rýtarakompagníð = riddaraliðssveitin (rýtari = d. Rytter, reiðmaður, riddari).

80²⁴ nýdregin, Próf. B. M. Ólsen hefur bent mjer á, að hjer eigi líklega að lesa nýdrifin (n. drift = nýfallin mjöll), og hyggjég hann hafi rjett að mæla.

81²⁰⁻²¹ gefinn fyr, gefa fyr = d. give Fyr, skjóta, hleypta af byssunum.

81²⁵ trómetarii = lúðurpeytarar.

82¹⁵ skalmeyar, d. Skalmey (þ. Schalmey, af lat. calamus, reyr), einskonar blásturshljóðfæri, „smalapípa“.

83¹⁶ popelslagari = bumbuslagi.

87¹⁵ fanticera, á nút. dönsku fantasere = tala í höfuðörum.

88²⁰ á sínum skildbekk að standa = standa á verði; skildbekkur = bekkur þar sem varðmenn sitja.

88²⁹ uppþrekkjast, sbr. ath. við 56¹⁶.

90¹¹ hópmanninn, sbr. orðamuninn; á þátíðardönsku Hopmand, = höfuðsmaður, hjer = kastalastjóri.

92²⁴ af skildbekknun = af verði sbr. ath. v. 88²⁰.

101² Grjónklukka, þegar Svíar tóku Krónborg fluttu þeir þessa klukku til Stokkhólms og þar er hún nú.

101¹⁷ máttu láta sín segl í toppi standa, ɔ: þurftu ekki að lægja toppseglið til virðingarmarkis og kveðju.

109¹⁰ eðlaknapar, ungir menn af aðalsættum, þ. Edelknaben.

112⁶ músakittum, sjá ath. við bls. 28¹⁸.

114³ felfrossskinn, sjá ath. við bls. 243; — á ísl. hefur dýrið verið kallað fjallfress.

114³ luxgufur, jeg er hjerumbil viss um að í frumriti Jóns hefur ekki staðið luxgufur. — Jeg sá síðar, eftir að þessi staður var prentaður, að allur kaflinn um Rússland er tekinn úr Compendium Cosmographiæ Hans Nansens. Í útgátunni 1646, sem hann hefur farið eftir (sbr. formálann) er þessi staður svona „Aff disse Lande færis i andre Laude. Hør. Hamp. Vox, Tallig, Elandszhuder, andre Huder, Sobel, Maard, Feldfrads, Refskind, Willfskind, Lux, Otter, Bewer . . .“ o. sv. sfr. Annaðhvort hefur nú Jón í frumritinu skrifað „otrar“ (eða oturskiun) mjög ógreinilega, eða þá tvískrifað orðið „Bewer“, sem vel gat afbakast í = Gufur, einkum hafi það á fyrra staðnum verið skrifað „Bevur“, og dregist saman við orðið „lux“ næst á undan, og þykir mjer síðari tilgátan líklegri. Af vangá hef jeg lesið skakkt í afskrift minni af þessum stað í C., og því tilfært „luxhúfur“ í ath. sem leshátt þar, en svo er eigi, og hef jeg í orðamuninum tilfært rjettan leshátt þess handrits.

119⁵ corum, guðspjónusta með söng (lat. chorus, d. Kor, sem nú er vanal. í merkingunni söngflokkur).

120¹¹ Calaman, Próf. B. M. Ólsen hefur bent mjer á að hjer muni

líkl. átt við Sölmundarfjörð, sem í daglegu tali er kallaður Sölmundi; það er bygð í Austurey við Skálafjörð austanverðan. Á kortinu í bók N. Andersens, Færerne 1600—1709 er bygðin kölluð Solmunde. Þaðan er Lambhagi í áttina „út með sjó“ (l. 11), og liggur þó ekki við sama fjörð heldur við Lambavík, en þar er aðeins mjótt eiði milli fjarðanna, og mjög eðlilegt að Jón gæti haldið að Lambhagi heyrði til Skálafjarðarbygðunum.

120¹² lögmaðurinn Michael, hann var ekki lögmaður en lögrjettumaður, sjá áðurgr. rit N. Andersens bls. 192, lögmaður í Færeyjum var þá Zakarías Þormóðsson á Eiði (s. rit, bls. 210).

122³² limhlaupa, þ: sá sem hleypur undan liminu (þ: vendinum), hræddur (Próf. B. M. Ólsen hefur bent mjer á þessa skýringu).

125⁷ respit = frest, d. Respit, af forn-fr. orði respit (lat. respectus).

126²⁶ Thómas Smíðs Bæ = Sir Thomas Smiths Bay; svo var áður nefndur fjörður sá, sem nú er vanal. kallaður Wijde Bay (Sir Wm. Martin Conway, The first Crossing of Spitsbergen, London 1897, bls. 297).

131³⁵ brimmár er vestfirskt orð = straumönd (anas histrionica), líka kölluð brimönd og brimdúfa, að því er próf. B. M. Ólsen hefur frætt mig á.

132³⁵ harpónerinn = skutlarinn, d. Harpunér.

135³³ cameratis, d. Kammerat, fjelagi.

137⁵ tran = d. Tran, lýsi.

138¹⁶ börs, hjer = sjóð, d. Börs, fr. bourse.

144²⁵ Brockenhús, RC. halda að þetta orð sje ekki notað sem staðarheiti, heldur sje svo kallað strangt fangelsi yfir höfuð. Nafnið sje svo dregið af fangavist Ejlers Brockenhuus á Dragsholm. En Jón Indíafari talar altaf um það sem sjerstakan stað, og bls. 158³⁵ segist hann hafa verið í fangelsi „í premur stöðum“, nfl. Brockenhús, Bláturni og týhúsinu, og tekur það af öll tvímæli, að mjer finnst. Hitt er annað mál að það er óvíst hvar fangelsi þetta hefur legið.

149²⁰ Boye Lauritssen. Íslenska karlmannsnafnið Bogi er ekki annað en danska nafnið Boje eða Boye umskrifað á íslensku; það á ekkert skilt við -bogi í Finnbugi, Húnbugi osfr., því þar hefur orðið 'bogi' sína vanalega merkingu, skotvopnið bógi. En Boje mun upprunalega vera komið úr lágþýsku, og er líklega, að því er menn halda, einsoð svo mörg önnur mannanöfn, úr barnamáli (bō, gælunafn fyrir bróðir, og -je deminutivendes, sbr. Kaj(e) af Karl). Hugsast getur og að það sje skylt frískeska orðinu boi, boy, á ensku boy = drengur. — Christofoer Boye (sjá hjer síðar) segir Jón að hafi verið enskur að ætt, og máske hefur þá ættarnafn hans verið 'Boy'. En af því orðið Boje hljómaði eins í íslenskum eyrum og 'bogi' var eðlilegt að það yrði skilið og ritað svo. Nafnið mun fyrst komið til Vestfjarða með dönskum kaupmönnum, og enn mun það tíðast í sjerstökum vestfirskum og breiðfirskum ættum.

155²¹ eftirlegumaður. Svo voru kallaðir verslunarmenn er voru skildir eftir á Íslandi til að annast verslanirnar, en ekki sigldu samsumars aftur, einsog síður var flestra útlendra verslunarmanna.

158¹² þar sem, vafalaust hjer dönskusetta = dersom, 3: ef.

170⁴ vindaugum = gluggum, d. Vindue.

173²⁸ forskona = hlifa, d. forskaane.

174⁷ höybátismaður = hábátismaður, d. Højbaadsmand.

175¹⁰ óstutt, líklega á hjer heldur að lesa „stutt“ einsog sum hdr.

líka hafa,

177²¹⁻²² stafferuð, sjá ath. hjer í viðbætinum við bls. 16³; bolsaner sjá 1. ath. neðanm. bls. 48.

179⁶ skutul, sjá 3. athugas. neðanmáls bls. 219.

180²¹ credentialsker, líklega er hjer aðeins átt við stórt drykkjarker, en upprunalega voru svo kölluð einskonar tildrykkjuker, sem voru notuð í heldri veislum við tildrykkjur, svo og þegar matreiðslumenn eða veislustjórar brögðuðu á drykk áður til að sýna að alt væri ósagnæmt. — Rosenobel sjá 2. ath. v. bls. 127.

181¹⁶ Lessey = Hljesey, d. Læsø.

188¹² riktugheit, 3: rjettindi.

188¹⁶ því hann hvorki í önnur lönd sinni sigling hjeldi, meiningin er að hann þessvegna hefði noga hentugleika til að reka verslun á Indlandi.

188²⁶ víða utanlandshöndlanir = höndlanir víða utanlands.

198²³ palats = höll, d. Palads.

199⁴ klenodí (hjer í flt) = dýrgripir, d. Klenodie.

199²⁰ túrkos, gimsteinn, sem er ýmist bláleitur eða grænleitur, e. turkois, turquoise, þ. turkis, d. Tyrkis.

199²¹ kattauga, e. cats eye, svo nefnist hörð og hálfagnsæ kvartstegund, sem bregður á ýmsum litum, líkt og í auga á ketti, eftir því hvernig ljós fellur á.

200² caton, d. Katun, e. cotton, bómullarvefnaður.

200²⁹ compagnii, svo nefnir Jón Ól. vanalega danska verslunarfjelagið „Det Dansk-Ostindiske Compagni“ er stofnað var 1616 til að reka verslun á Indlandi.

201¹² pagógur, síðara „g“ ið hefur líkl. ekki heyrst í frb. Jón hefur líkl. borið fram „pagóur“.

201²⁶⁻²⁷ bíkvæmni ígjen = aðstoð til endurgjalds.

207⁶ móðunni, hjer = höfninni.

208, 3. neðanmgr. l. 15 frá Ísafirði, er ekki nákvæmt. Issefjord er hjer auðvitað í merkingunni Ísafjarðardjúp, því áður á tímum var alt djúpið kallað svo, en ekki eingöngu insti fjörður þess, einsog nú. Af þessari máls- venju skilst nafn kaupstaðarins í Skutulsfirði.

213¹¹ Hanton, máske er hjer þó ekki átt við sjálfan bæinn Plymouth, heldur við Devonport, er liggur rjett á móti; þeir bæir eru nú vaxnir saman.

217¹² nátthús = d. Nathus, „leiðarsteinskompá (á hafskipi)“ (Konr. Gisl.).

220⁶ ranzon, hjer, skamtur; hjer hefur Jón blandað saman dönsku orðunum Ranson, lausnargjald, og Ration, skamtur, bæði uppr. úr frönsku.

224³⁰ Pjetur Van Bergen; hugsanlegt er at Jón hafi mismint og

að það hafi verið Pjetur Van Bergen, sem hljóp frá stýrinu en Peder Jensen frá Khöfn, sem bjargaði. Þá skilst líka betur hversvegna maðurinn fjekk að halda lífinu, því að byssuskyttur munu naumast hafa verið of margar. Próf. B. M. Ólsen hefur bent mjer á þetta atriði.

227⁹⁻¹⁰ og ath. 2. Alcorem. Það er líkl. rangt, sem jeg hef getið til að hjer sje átt við sækúna, halicore. Jeg hef síðar í bókum um elstu ferðir Portúgalsmanna í þeim höfum sjeð getið um fisk með líku nafni, og býst við hjer sje átt við hann nfl. albacores, (albachores, albicores), sem er af hundfiskakyni (d. Tunfisk), og er orðið notað um ýmsar tegundir, einkum unga fiska, en mest um þá er náttúrufræðingar nefna orcynus alalonga. Mynd af þessum fiski frá þeim tímum er prentuð í Collection des ouvrages anciens concernant Madagascar I; Paris 1904, bls. 10 bis, sjá líka sama bindi bls. 162.

228⁶ journal = dagbók, lánað í d. úr frönsku.

231²⁸ 12 eða 13 vikur — á nýársnótt eru liðnar rúmar 14 vikur frá jafndægum.

232⁹⁻¹⁰ norðan- og sunnanvindar, staðvindarnir í Indlandshafi blása í 6 mánuði (Nóvember—Mars) hjerumbil úr norðausturátt, en í aðra sex næstu mánuðina (Apríl—Október) úr suðvesturátt.

237¹⁶ substantia, lat. = efni, hjer efni til að búa til blek úr.

238²² kráka, d. Krake, stórt flutningaskip.

241¹⁹ sem trómetspípur. — Skyldi hjer vera átt við þarategund þá, er á frönsku er kölluð tromb(s) af ættinni Laminariacea (Ecklonia buccinalis, Agardh)?

248⁶ gyllinistykki, d. Gyldenstykke, úr þ. Goldstück, „eiskonar gullfjallað rósasilki“. (Konr. Gísl.)

254¹⁵ karnat, hjer = þak, himinn.

258¹⁰ sá stóri Cam; Kān, tyrkn. orð, sem upprunal. þýðir „höfðingi“; það var einkum notað sem tignarheiti fyrir afkomendur Dsjengis-khans og líka í Norðurálflu oft haft um Kínverjakeisara. Nú er það orð algengur titill í ýmsum Austurlöndum.

276. Myndin er tekin úr J. Fergusson, History of Indian and Eastern Architecture; London 1876.

284⁵ nertugum = laglegum, vestfirskt orð.

300⁷ fyrir 300 árum; Vasco da Gama fann 1498 sjóleiðina fyrir Góðrarvonarhöfða til Indlands.

305²⁸ passionem, passionis sunnudagur er 5. sunnudagur í föstunni (líka kallaður Judica).

317¹⁹ manier = d. Manér, háttur, lag.

319²⁵ caponiska hana = geldhana, d. Kapun, lat. capo.

321²³ 40,000, líklega er þessi tala nokkuð ýkt.

331³⁷ rector og, hjer á sjálfsagt að standa: með rector og.

334⁹ desmerketti, d. Desmerkat, ísl. desköttur (viverra civetta); dýr þessi hafa kirtil nálægt bakraufinni, og er í honum ilmandi efni.

340²¹ vör tekið, „vör“ er tak með ár eða eitt tak sundmanns, „taka vör“ er því o: „taka sundtök“.

352³⁶ fjórbyrgt — þríbyrgð, líklega er rjettara að rita „fjórbyrt — þríbyrd“ því orðið mun skylt „borð“ í merkingunni „lag“ (= þrefaldur, fjórfaldur). Sbr. Fritzner undir orðinu tvíbyrdur.

353^{17—19} strika = d. stryge, hjer = fella niður.

354³⁴ fixeraðist, d. fiksere, gera gis að.

363¹⁴ hæringsbússa = síldarskúta.

363¹⁸ þyrmdi báðum, meiningin er, að hann hætti kappsiglingunni, sem stofnaði báðum í voða.

365²² taxeraðir, hjer = útvaldir, teknir.

REGISTUR.

(I registur þetta eru tekin aðeins nöfnin úr sjálfri sögunni og athugasemdunum neðanmáls, en ekki úr viðaukunum fyrir aftan bókina.)

A. Mannanöfn.

- Aalborg, Niels Mikkelsen, prestur, 168.
Adam Billau, sjá Bülow, Adam.
Adolph (Grabov), sjá Grabow.
Adrian, Flæmingi, 354.
Adriansen, Jakob, stýrimaður, 212, 351, 367.
Agamemnon, þjónn Jóns Olafssonar, 312.
Ákason, sjá Niels.
Albert Skiel, sjá Skeel, A.
Albert, stýrimaður, 214—215.
Alchmar, sjá Alkmar.
Alkmar, Pjetur, byssuskytta, 209, 349, 352, 353.
Ambrósíus, danskur maður, 30.
Andersen, Bernt, byssuskytta, 208, 209, 265, 365.
Andrjes, sjómaður, 236.
Andrjes, skipstjóri, 8.
Andrjes, Stóri, sjá Knudsen, Anders.
Andrjes vefari, 67.
Andrjes Bentsvinger, sjá Bentsvinger.
Andrjes Hansson, kokkur, 209.
Andrjes Holst, sjá Holst.
Andrjes Jónsson, timburmaður, 353.
Andrjes Michelsson, assistent, 209, 367.
Andrjes Muler, sjá Muler.
Andrjes Nielsson, brytameðhjálpari, 209.
Andrjes Ólafsson, byssuskytta, 209, 231, 337, 339, 362, 370.
Andrjes Sandvik, sjá Sandvik, Andrjes.
Andrjes Söfrensson, farmaður, 164.
Andrjesson, sjá Jens, Pjetur, Randulf, Stefán, Söfren,
Anna, kona Hannesar skráddara, 45.
Anna, kona Jakobs veitingamanns, 66, 68
Anna Holst, sjá Holst.
Antonius, kapteinn, 82.
Antonius skráddari, 300, 310, 311.
Arabar, 274.
Arason, sjá Jón, Magnús.
Arendal, Pjetur, byssuskytta, 300, 313, 314, 333.
Ari Magnússon í Ögri, sýslumaður, 54, 388, 390, 392—395, 397, 397, 403, 404.
Armgoridt, sjá Svale, Ermegaard.
Árnason, sjá Daði, Halldór, Jón, Páll, Sæmundur.
Arndal, sjá Arendal, Pjetur.
Arngrímsdóttir, sjá Hildur.
Arngrímur Jónsson Vídalín hinn lærði, 7.
Árni Jónsson hvalaskutlari, 402.
Árni Narfason á Narfeyri, 191.
Arntz, bartskeri, 341, 343, 350, 351.
Arreboe, Anders Christensen, skáld og prestur, síðar biskup, 36, 179—180.

- Ástríður Sigmundardóttir 6, 7.
 Athrumbus þvottamaður 267, 283.
 Augustinus, sjá Sand, Aug.
 Baltazar sonur Pjeturs Schytt, sjá Melchior.
 Baltsar Lynbeck, sjá Lynbeck.
 Barabbas ræningi 169.
 Barthel, sjá Gundersen, Bertill.
 Bartholomeus, Henrich, bartskeri, 208, 209, 239, 303, 304.
 Baskar 124, 125, 132, 133—35, 137, 139, 357.
 Bengalianar 274.
 Bent(e) Andrjesson, sjá Andersen, Bernt.
 Bentsvinger, Andrjes, yfirsmíður, 157.
 Bernet Berns, skipstjóri, sjá Berns.
 Berns Bernet, skipstjóri, 127.
 Bernt Andrjesson, sjá Andersen, Bernt.
 Bern(e)t Berntsson, byssuskytta, 62.
 Bersabe, kona Maurusar knifsmíðs, 45.
 Bersabe Tvídd, sjá Twídd, Bersabe.
 Bhrae[!], Walther, kapteinn, 105—106.
 Billau, sjá Bülow.
 Birgitta Lauritzdóttir, húsmóðir Jóns Indíafara, 141, 149.
 Bjarnadóttir, sjá Þórunn.
 Bjelke, Henrik, höfuðsmaður, 404—405.
 Bjelke, Jens, kanslari, 48, 179.
 Björn Hannesson Eggertssonar, 34.
 Björn Magnússon, sýslumaður, 388.
 Blasius Muler, sjá Muler, Blasius.
 Bogi, sjá Boye.
 Bogi Nielsson, sjá Nielsen, Boye.
 Boshouwer, Marcellis de, sendiherra Ceylonskeisara 187—188, 190—191, 194—195.
 Bóthildur, móðir Ketils, 10.
 Bóthildur, kona Jóns farmanns, 62.
 Boye, Christofoer Hansen, kapteinn, 177, 181—183, 204, 205, 212, 218, 222, 231, 234, 238, 247, 261, 265, 302—305, 324—325, 337, 341—347, 350—352, 354, 356—360, 362, 364, 365, 370, 377, 378, 383, 387.
 Boye Lauritzson, sjá Lauritzen, Boye.
 Bra = Bhrae, Walther.
 Brahma, guðsheiti, 277.
 Brandt, Jens, systurson J. Daaes, 109, 115.
 Brems, Lauritz, lautinant, 109, 112, 115—116.
 Bríit Þórdardóttir 5.
 Bromhead, sjá Brommet.
 Brommet, Isach (= Bromhead?), 12—18, 393.
 Brynjólfur Sveinsson, biskup, 6, 34.
 Buss, Hans, fyrirliði við týhúsið, 145, 150.
 Butz, sjá Buss.
 Butzmand, Henrik, fyrirliði við týhúsið, 145, 150.
 Búskaiar, Búskaier, Búskaiskir, Búskavier = Baskar.
 Bülow, Adam, (24), 27, 28, 29.
 Böðvar Jónsson, pr. í Reykholti, 34.
 Böðvarsson, sjá Finnur.
 Børgesen, Gunder, prófoss, 208.
 Calicut¹⁾, hershöfðingi, 321—324, 326—328, 332.
 Campana (Campaine), Claes, víkingur 365—366, 368.
 Carolus Stuart, sjá Karl I.
 Caspar, sjá Kaspar.
 Cather, Jóhann, skipstjóri, 349.
 Catthei, sjá Kristján.
 Ceneradt Adassin, sjá Senerata.
 Chelinger 274.
 Christian, Christián, sjá Kristján.
 Christín, sjá Kristín.
 Christofoer, sjá Kristófer.
 Christofoer Bogi, sjá Boye.
 Christofoer Sveink, sjá Schwenke.
 Claus, Kláus, sjá Kláus.

¹⁾ orð sem ekki finnast hjer rituð með C standa undir K.

- Clausen, Franz, smiður, 223.
 Clemensson, sjá Niels.
 Cock, Simon, 16, 17.
 Compan, Compane, sjá Campan.
 Cork, Richard Boyle, jarl af, 370—371.
 Cornelis, trumslagari, 366.
 Cornelius, timburmaður, 310—311.
 Coten, Arnt van, sjá Kolden.
 Crappé, Rollant, æðsti fyrirliði Dana á Indlandi, 189, 190, 195—202, 325—335, 337—338.
 Cunningham, John, ljensmaður í Vardö, 109—110, 115.
Dá, sjá Daa.
 Daa, Jørgen, aðmírall, 45, 102—106, 108—109, 112, 114—123.
 Daae, Herluf, höfuðsmaður, 126.
 Daði Árnason Oddsonar (rangl. nefndur Daði Jónsson í sögunni) 140.
 Daði Jónsson, sjá Daði Árnason.
 Damsgaard, Niels, konstabel, 127, 128, 138.
 Daniel, Hollendingur, 22—23.
 Danir 12, 21, 27, 68, 103, 105, 106, 192—193, 195, 201, 238, 248, 255, 274, 303, 363, 370, 371, 373.
 Danskir = Danir.
 Davíð, fyrirliði Baska, 133.
 Davíð konungur 163.
 Davíð, prestur í Khöfn, 53.
 Davidsen, Mads, próviantmeistari, 71.
 Davíðsson, sjá Kristján.
 Demant, víkingur, 192.
 Diðrik smiður, 44.
 Dirichsen, Claus, stýrimaður, 208, 209.
 Djivilei, sjá Sivile.
 Dods, John, kaupmaður, 309.
 Dominigo, skipstjóri, 391—393, 398.
 Draco, sjá Drake.
 Drageyri, sjá Drager.
 Dragør, Peter, byssuskytta, 58—59, 61.
 Drake, Sir Francis, farmaður og víkingur 213, 214 (rangl. nefndur Vilhjam Draco).
 Dreyer, Niels Olsen, konstabel, 177, 208, 209, 261—263, 337.
 Egilsson, sjá Ólafur, Sigmundur.
 Egyptar 274.
 Einar, Eyfirdingur, 69—70.
 Einarsdóttir, sjá Þorbjörg.
 Einvold Styge, sjá Stygge, Enevold.
 Eiríkur Grubbe, sjá Grubbe.
 Eiríkur Lange, sjá Lange.
 Eiríkur Smiður 269.
 Elín, húsmóðir Jóns Indíaf, 29, 30.
 Elín[a], kona Marteins málara, 66.
 Elísabet, Englandsdrottning, 213, 214.
 Elísabet, vefarakona, 169—170.
 Elísabet, þjónustukona hjá M. Parsberg, 86.
 Elísabet Giæer, sjá Gayer.
 Engelskir = Englendingar.
 Englendingar 14, 21, 27, 130, 131, 132, 135, 136, 238, 242, 244, 274, 333, 370, 372, 373.
 Ernst Pricker, kapteinn, sjá Pricker.
 Eyvindsson, sjá Jón.
 Eyvindur Jónsson, bóndi undir Hlíð, 8.
Falk, Jóhann, sjómaður, 357.
 Falk, Pjetur, fyrirliði við týhúsið, 144—145, 150.
 Fawkes, Guy, 27.
 Filippus Sigmundur, biskup af Verden (rangl. nefndur (erki-) biskup af Bremen), 79—85, 156.
 Finnar 109, 110, 116, 121.
 Finnur Böðvarsson, stúdent, 34, 66—69.
 Finsensætt 34.
 Flæmingjar 224.
 Frakkar 198, 238, 251.
 Franz smiður 252.
 Frans Andrjesson, sjómaður, 223.
 Franz Mönting, sjá Mönting.
 Franzson, sjá Pjetur.
 Friderich, sjá Friðrik.

- Friðrik II. Danakonungur, 5, (32), 37, 165, 166.
- Friðrik konungsson (síðar Friðrik III. konungur), 79—81, 84, 161, 175, 404.
- Friðrik, spámaður, 185.
- Friðrik Frijs, sjá Frijs, Fr.
- Friis, Barbara Wittrup, kanslarafrú, 165.
- Friis, Chr., kanslari, 46, 107, 165.
- Friis, Friðrik, 126.
- Friis, Leon, byssuskytta, 122.
- Friis, Mette Hardenberg, 46, 53.
- Friis, Niels Petersen, byssuskytta, 208, 209, 242.
- From(me), Claus, timburmaður, 219, 235, 245, 310, 353.
- Færey, sjá Jón Ólafsson.
- Gabriel Krús, sjá Kruse, Enevold.
- Gamlason, sjá Þorkell.
- Ganesha, guðsheit, 277.
- Gayer, Elisabet, skipstjórakona 369.
- Gayer, William, skipstjóri, 369.
- Gedling, Söfren, merkismaður, 80.
- Gerdtsen, Niels, kaupmaður, 208—209, 219, 367.
- Gjedde, Ove, aðmíráll, 72, 189—204, 238.
- Gísladóttir, sjá Guðríður.
- Gíslason, sjá Hinrik, Vigfús.
- Gísli Hákonarson, lögmaður, 388, 390.
- Gísli Þórðarson, lögmaður, 34.
- Gissursson, sjá Jón.
- Giæer, sjá Gayer.
- Gottfred Mikkelsen, sjá Mikkelsen.
- Gottskálf, byssuskytta, 104.
- Gottske, byssuskytta, 122.
- Grabow, Adolph Friedrich, yfirarkelmeistari, 31, 71, 73, 87, 98, 99, 125, 140—143, 145—146, 148, 150—158, 162—173, 184, 190—191, 210.
- Gray, Thomas, skipstjóri á „kræskipi“, 14.
- Gray, Thomas, skipstjóri, 18, 19.
- Gray, William [Vilhelm], skipstjóri, 21.
- Grettir sterki Ásmundarson 172.
- Griffin, John, sjómaður, 363, 368—369.
- Grimsson, sjá Jón.
- Grubbe, Eiríkur, fyrirlíði, 189, 195—196, 254—255.
- Grubbe, Ingeborg Hansdatter Gere kona Eiríks Gr., 189—190.
- Græ, sjá Gray.
- Guðbrandsdóttir, sjá Kristín, Steinunn.
- Guðbrandur Þorláksson, biskup, 6, 7.
- Guðmundsdóttir, sjá Guðrún, Ingveldur.
- Guðmundsson, sjá Illhugi, Jón.
- Guðmundur Jónsson, stúdent, 34.
- Guðmundur Skúlason, pr. í Laugardal, 13, 14.
- Guðríður Gísladóttir, kona Sára Jóns Guðmundssonar, 34.
- Guðrún Guðmundsdóttir í Hlíð, 8.
- Guðrún Jónsdóttir Sigmundarsonar 7.
- Guðrún Oddsdóttir 7.
- Guðrún Pjetursdóttir Skyttu 7.
- Gundersen, Bertill, hermaður, 350, 351.
- Gunnlaugsson, sjá Skeggi.
- Gústaf II. Adolf hinn mikli, Svíakonungur, 98, 184—185.
- Gyldenløve, Hans Ulrik, sonur Kr. 4., 82.
- Gyldenløve, Kr. Ulrik, sonur Kr. 4., 82.
- Hákon Þorsteinsson Magnússonar 142, 144.
- Hákonarson, sjá Gísli.
- Halldór Árnason, byssuskytta, 191.
- Halldór Ólafsson, bróðir Jóns Indíafara, 7—9, 13, 30, 133, 264, 305, 390, 399.
- Halldór Ólafsson, lögmaður, 316, 318.
- Halldórsdóttir, sjá Marín.

- Halldórsson, sjá Jón.
 Hamborgarar 6, 12.
 Hannes, sjá Kort, Hans.
 Hannes konungur, sjá Cuning-
 ham, John.
 Hannes skráddari, 45.
 Hannes Pjetursson Skyttu, 6, 7, 386.
 Hans Buss, sjá Buss.
 Hans Holst, sjá Holst.
 Hans Jakobsson, kjallaramaður, 30.
 Hans Krús, sjá Kruse, Hans.
 Hans Mattsson Lund, sjá Lund, H.M.
 Hans Michelsson, vaktmeistari, 56.
 Hans Pjetursson, kokkur, 344, 346
 —347, 374—376.
 Hans Resen, sjá Resen, Hans.
 Hans Therkelsen, sjá Therkelsen.
 Hans Tobrich, sjá Tobrich.
 Hans Vestfoling, sjá Vestfoling.
 Hanssen, Iffuer (= Ívar Jónsson?),
 261—263.
 Hansson, sjá Andrjes, Jörgen,
 Kristján, Pjetur, Rasmus.
 Haraldur harðráði Sigurðsson,
 Noregskonungur, 181.
 Harbou, Söfren, aðalsmaður, 345,
 372.
 Hasenbart, Jakob, læknir, 72.
 Hasenbart, Kristín, 72.
 Hasenbart, Niels, 72—74.
 Helga Jónsdóttir 7.
 Helgi Jónsson, prestur, 6.
 Helvad, Niels, skáld, 83.
 Helvaderus, sjá Helvad.
 Hemingur Ásláksson, 181.
 Henning Henningsson, sjá Nielsen,
 Henning.
 Henrich, sjá Hinrik.
 Hermann, steikari, 86—87.
 Hermann Rýgarðsson, sjá Søder-
 ward.
 Hermansen, Joost, höfuðbátismað-
 ur, 207.
 Hess, Henrik, stjórnari („guber-
 nator“) á Dansborg, 203, 260,
 268, 303—304, 311, 315, 320—322,
 325, 331, 360, 362.
 Hieronymus bókhaldari, 192, 310,
 335.
 Hildur Arngrímsdóttir 7.
 Hildur Helgadóttir 6, 7.
 Hinrik, byssuskytta, 170—171, 325.
 Hinrik læknir 77.
 Hinrik (Bartholomeus) meistari,
 sjá Bartholomeus.
 Hinrik Butzmand, sjá Butzmand.
 Hinrik Gíslason, sýslumaður, 140,
 147, (150—153).
 Hinrik Hansson, sjá Butzmand.
 Hinrik Hess, sjá Hess.
 Hinrik Smíður, sjá Smith.
 Hinrik Vind, sjá Vind.
 Holgeir Rosenkranz, sjá Rosen-
 kranz.
 Hollendingar 131, 134, 135, 229, 237,
 239, 241, 274, 289, 311, 348, 373.
 Hollenskir, sjá Hollendingar.
 Holst, Andrjes, arkelímeistari, 152,
 153.
 Holst, Anna, kona Pjeturs Holst,
 165—170.
 Holst, Hans Ólafsson, kaupmaður,
 149, (150—151), 305.
 Holst, Martein, prófoss, 155—156,
 170, 173.
 Holst, Peter Asmussen (Vejle),
 kapteinn, 165—166, 169—170.
 Honning, Niels, skipstjóri, 127.
 Hooke, Francis, kapteinn, 391—
 393, 397—398.
 Hottentottar 240—241.
 Hundten, Vilhelm, 12, 15—18.
 Húuk, sjá Hooke.
 Illhugason, sjá Ingjaldur.
 Illhugi Guðmundsson, prestur, 389.
 Indianar = Indverjar.
 Indverjar 198, 272, 285, 286, 290,
 292, 296, 306—307, 315, 319, 337.
 Ingibjörg Ólafsdóttir, fyrri kona
 Jóns Ólafssonar, 389, 390, 399—
 402.
 Ingjaldur Illhugason sterki 389, 390.
 Ingveldur Guðmundsdóttir, kona
 Jóns Magn. yngra, 389, 399, 402.

- Írar, 370—373.
 Isach Brommet, sjá Brommet.
 Íslendingar, 69, 143, 159, 395, 396.
 Ívar Jónsson, bátsmaður, 261—263.
 Ívar Pálsson, borgmeistari = Poul-
 sen, Iver.
 Jacob, sjá Jakob.
 Jakob III. Skotakonungur, 14.
 Jakob IV. Skotakonungur, 213.
 Jakob I. Englandskonungur (= Ja-
 kob VI. Skotakonungur), 21, 26
 —28, 213, 371.
 Jakob, bartskeri, 63—64.
 Jakob, hermaður, 64.
 Jakob, ríki hermaður, 98.
 Jakob, skósmiður, 43.
 Jakob, veitingamaður, 66, 68—70.
 Jakob (Adriansson) stýrimaður,
 sjá Adrianssen, Jakob.
 Jakob Nielsson, byssuskytta, 138.
 Jakob Nýkauping, sjá Nykøbing.
 Jakob Pjetursson, snúruvefari, 29.
 Jakob Róð, sjá Roude.
 Jakobsen, Sixt[us], skipstjóri, 341
 —342, 345—346, 355, 363, 370,
 377—378, 383, 387.
 Jakobsson, sjá Hans.
 Jansen, Jan, frá Alkmar, segl-
 gjörðarmaður, 208—209.
 Járn, Jóhann, sjá Jern.
 Jaspas, kaupsveinn, 54.
 Javamenn, 274.
 Jehangír, stórmógull, 257, 309.
 Jens, borgari í Khöfn, 38—39.
 Jens, byssuskytta, 81.
 Jens, ferjumaður 44—45.
 Jens, hórðómsmaður, 204.
 Jens, prestur á Dansborgarkastala.
 269, 329—330.
 Jens, skósmiður, 42—44.
 Jens Andrjesson, hermaður, 324.
 Jens Brandt, sjá Brandt.
 Jens Korsør, sjá Korsør, Jens.
 Jens Laurzon, arkelímeistaramæti,
 109.
 Jens Munk, sjá Munk.
 Jens Piper, sjá Piper.
- Jensen, Christian, prestur, 208—
 209, 219, 226, 264, 324.
 Jensen, Thomas, sjómaður, 217, 223.
 Jensson, sjá Niels, Pjetur.
 Jern, Jóhann, byssuskytta, 138, 142.
 Jóhann Belul, sjá Jón Prestur.
 Jóhann Cather, sjá Cather.
 Jóhann Fálki, sjá Falk.
 Jóhann Jern, sjá Jern.
 Jóhann Kristjánsson, byssuskytta,
 63, 152.
 Jóhann Marteinnsson 24.
 Jóhanna ekkja í Newcastle 19.
 Jóhann[es] Suan (o: Jean Chouan ?)
 392—398.
 Jóhannesarriðdarar 223.
 Jóhannsson, sjá Kristján.
 Johansen, Simon, yfirkaupmaður,
 208, 209, 217, 219, 224, 227, 350,
 351, 373, 376, 377.
 Jón, farmaður, 61.
 Jón, Hollendingur, 360.
 Jón, læknir, 77.
 Jón Prestur (Presbyter Johannes),
 244.
 Jón túlkur 133, 134, 137, 138.
 Jón Arason, pr. í Vatnsfirði, 7, 390,
 Jón Árnason silfursmiður 191.
 Jón Eyvindsson 11.
 Jón Gissursson skólameistari 34.
 Jón Grábeinn 51.
 JónGrimsson, pr. í Ögurþingum, 11.
 Jón Guðmundsson, prófastur, 34.
 Jón Halldórsson, byssuskytta, 31,
 49, 51—52, 56, 59, 61, 69, 107,
 114—115, 119, 124, 186, 385.
 Jón Hallvarðsson 7.
 Jón Jónsson Hallvarðssonar 7.
 Jón Magnússon á Svalbarði 6.
 Jón Magnússon eldri sýslum. á
 Reykhólum, 140, 147, (149—
 151), 153.
 Jón Magnússon yngri Dan, 389,
 399, 402.
 Jón Matthíasson sænski, prestur, 6.
 Jón Ólafsson Færey(ski), sýslu-
 maður, 120, 403.

Jón Ólafsson Indíafari, fæðing 5, ætt 5—8; slys í barnæsku 9; siglir til Englandis 13; dvöl í Harwich 16 osfr.; fer til Newcastle 18; deila við Th. Twidd 20; ræðst til M. Twidd 21; fer til Lundúna 21; fer til Danmerkur 28; hjálpar til í hesthúsi konungs 29; gengur á mála sem byssuskytta 31; er við jarðarför Páls Sveinssonar 34; finnur barnslík 35; með Kristjáni 4. í siglingum 47; samtal um Ísland við Kr. 4. 49 osfr.; hittir Niels Ákason 54; missir af vörum frá Íslandi 54; settur á vörð við týhúsið 56; prettaður af Pjetri Drageyri 58—59; er við reynslu á nýjum fallbyssum 60—61; lumbrar á Pjetri 61; á í deilum við Martein munnsterka 61—64; æfintýri við herramannasveina 65; æfintýri með Finni Böðvarsyni og slagur við varðmenn 66—69; slær dóna er talar illa um Ísland 69—70; á verði við týhúsið og í slag við vintapparasveina 71—74; hjálpar til við líkneskjusteypu 74—75; er við innreið Filippusar biskups 79—82; bjargar fylgdarmanni biskups 84—85; vakir yfir Hermanní steikara 86—87; fer til Krónborgar 87; missætti við Caspar vaktmeistara 92—96; einvígi við Svein skánska 96—97; Katrín Lollíks biður hans 97; reynir til að fara til Svíþjóðar með konungi 98; samtal við Kristínu Munk 99; á verði í tollbúð í Helsingaeyri 100; fer aftur til Khafnar 101; fer til Hvíta hafnsins með Jørgen Daa 107; kemur til Varðeyjar 109; til Kildin 110; í lífsháska á Varðey 115; kemur undir Norðkap 117; heldur á leið til Íslands 118; kemur til Fær-

eyja 120; dvöl þar 120—123; kemur aftur til Hafnar 124; neitar að fara til Norðurhafa með Jens Munk 125; fer til Spitzbergen með Hinrik Vind 125; kemur í Sir Thomas Smiths Bay 126; verður fyrir reiði aðmírals 128; liðsinnir Böskum hjá aðmírál 134; sættir aðmírál og Enevold Kruse 136; trakteraður af aðmírál 136; fær Baska til að draga upp pumpu 137; kemur til Flekkefjord 138; illdeilur við Baska 139; er á verði á flotanum 140; verður fyrir óvild Grabows 140—141; tekinn fastur og ákærður fyrir afglöp á verði 142; Baltsar Lynbech varar hann við 143; settur í Brockenhús 144; dreginn fyrir týhúsarjett 145; settur í Blátúrn 146; dreymir um úrslit málsins 146; vinir hans biðja fyrir honum 148; Lauritz bóndi spáir honum 149; vinir hans heimsækja hann í fangelsið 149; aftur fyrir týhúsarjetti; 150—152; dæmdur til dauða 152; aftur í Blátúrn 154; mál hans sett fyrir konung 155; Marteininn Holst tilkynnir honum konungsúrskurð, er gefur hann lausan 156; leystur úr Blátúrn 156; settur í járn á Brimarhólmi 157; viðtal við Sten Rosenvinge 157; aðstoðar smiðinn í týhúsinu 158; hjúkrar Zacharías turnsmið 160; konungur kemur í týhúsið og náðar hann 161—163; Jón gefinn laus 164; drekkur öl við líkkistu Önnu konu Pjeturs Holst 168; fer til Ibstrup 170; vinna þar og glettur við Grabow 171—172; vanrækir varðskyldu 173; settur út á ís og pindur 173—174; býr hjá Kristínu Svölu 174; nær í lækningabók hennar 175; fer til

Noregs með konungi 175; æfintýri við Bókn 178—79; kemur til Björgynjar 179; í lífshættu á heimleiðinni 182; kemur aftur til Hafnar 183; skrifast til Indíafarar 184; Friðrik spáir örlögum hans 185; sendur til Boshouwers 190; reynir til Indíafarar, en er neitað 191; kveður Kristínu Svölu 205; fer á stað til Indlands 206; Grabov kveður hann 210; kemur til Plymouth 213; er refsað 218; í lífsháska 222; bjargar skipinu með Pjetri Van Bergen 224—225; kennir fjelögum sínum að lesa 231; á pingvinaveiðum 234; á landi við Saldanhaflóann 233—236; fer út á enskt herskip við Góðrarvonarhöfða 239; dvöl við Góðrarvonarhöfða 239—243; kemur til Madagaskar 245; á verði í bogspjótkörfunni á siglingunni yfir Indlandshaf 253; fer í land í Trincomali á Ceylon 254; kemur til Tranquebar 260; deilur við Ívar Jónsson 261—63; fer í land til Dansborgar 263; selur osta á laun 265; sjer sjóarorm 265—266; fer alfarinn í land 266; settur skutulsmeistari 267; hreinsar pipar 268; settur djákni 269; hlustar á danslæti við afgudabál 280; skoðar musteri í Tranquebar 280; aftrar meiðslum á goðamyndum 281; kemur í klæðaverksmiðjur 295; kaupir gimsteina 296; finnur skjaldböku 298; særir Indverja og er settur í fangelsi en fyrirgefið 300—305; skrifar heim til Íslands 305; veikur af blóðsótt 306; kennir Cornelius timburmanni og á viðtal við hann 311; fær Agamemnon fyrir þjón 312; vinnur orm 312—315; ber á Pjetri Jenssyni og er settur á trjehestinn

316—317; á verði við skarð í kastalamúrnum 323; heimsækir Hermann Syderward og Bernt Andrjesson 325; talar við Rollant Crappé 325; skoðar burðarstól sonar Calicuts 326; skýtur af fallbyssum fyrir Calicut 327; ríður á fil 328; fer á laun til Jens prests 329; stangaður af hirti 331; viðtal við Ljenarð 334—335; hjúkrar Páli Árnasyni 335—336; skilst við Agamemnon 337; fer út á Perluna 337; ræður úr spurningum Chr. Boyes 338; meiðist hroðalega við það að fallbyssu springur 339—344; neitar boði Crappés um að verða eftir 344; fer frá Indlandi 345; lega 346; kemur til St. Helena 347; sundurþykki við Arntz bartskera út af afteknum fingrum 350; ávítar skipverja fyrir ósiðsamlegan dans 351; dreymir fyrir óförum 351—352; viðtal við Adrián um druknun 354; biður fyrir skipverjum 357; afstýrir drápi skipskattarins 360; sjer Írland 362; fær óxarþærubein 364; kveður Chr. Boye 364; viðbrigði, er hann fyrst fær öl að drekka eftir volkið 367; fer í land í Youghal 368; fær húsnæði í Youghal 369; lendir í ónáð skipstjóra 370; heimsækir jarlinn af Cork 371; Hans kokkur ógnar honum 375; fer til Noregs og Khafnar 378; fær meðmælisbrjef frá Kristjáni prins 379; sækir um bætur fyrir örkuksl til indv. verslunarfjelagsins 380; gefur Söfren skráddara umböð 381—383; fer til Íslands og missir af eigum sínum 383—384; býðst hjónaband og atvinna í Höfn og vist í Hamborg 386; kemur til Íslands 388; á alþingi 388; dvelur í Bæ á Rauðasandi

- 388; fær jarðir á Höfðaströnd í ljen 389; fellir hug til Ingibjargar Ólafsdóttur 389; dvelur í Álftafirði 389—390; í fylgd Ara í Ögri 392; sendur af honum til Englendinga og síðan til Bessastaða til að fylgja Jóh. Suan 393—394; á Bessastöðum 395—397; giftist Ingibjörgu Ólafsdóttur 399; fer til Vestmannaeyja sem konstabel 400; fer þaðan aftur 401; missir konu sína 402; missir son sinn 403; giftist aftur Þorbjörgu Einarsdóttur og flytur til Uppsala og síðan til Eyrardals 403; sækir um uppgjöf á landskuldum og fær það 404—405; tekur börn til kennslu 405—406; elliár 405—406; missir síðari konuna 406; deyr $\frac{2}{5}$ 1679, 406.
- Jón Sigmundarson, lögmáður, 6, 7.
- Jón Sveinsson 6.
- Jón Þorgrímsson, 5, 6.
- Jón Þorkelsson Vídalín, biskup, 7.
- Jónas spámaður 235, 282.
- Jónsdóttir, sjá Guðrún.
- Jónsson, sjá Andrjes, Böðvar, Eyvindur, Guðmundur, Helgi, Ívar, Kristófer Bogi, Magnús, Olafur, Þorgrímur.
- Jóris, stýrimáður, 212, 363.
- Jóseph, St., 79.
- Jóst (Hermannson), sjá Hermannsen, Joost,
- Jost Losekyl, sjá Lossekull.
- Juel, Jens, landstjóri í Noregi, 179.
- Jurgin, fangi í Bláturni, 147.
- Jurgin, lúðurþeytari, 217.
- Jurgin Dá, sjá Daa, Jørgen.
- Jurgin Kiempe, sjá Kiempe, Jørgen.
- Jurgin Hansson, munsturskrifari, 60.
- Kaffar¹⁾ 240, 274.
- Kalden, A. von, sjá Kolden.
- Karl I., Englandskonungur, 334, 370, 391, 398 (rangl. nefndur Jacob 391, 398).
- Kárseyri, Jens, sjá Korsør, Jens.
- Kaspar, vaktmeistari, 88—89, 92—96.
- Katrin Lolliks, sjá Lolliks.
- Ketill Jónsson 10, 11, 12.
- Keye Rantzov, sjá Rantzau.
- Kiempe, Jørgen, prófoss, 59.
- Kláus, skipsmaður, 209.
- Kláus, vaktmeistari, 203.
- Kláus Dirichsen, sjá Dirichsen.
- Kláus Eyjúlfsen, lögrjettumaður, 391, 401.
- Kláus From, sjá From(me).
- Kláus Michelborg, sjá Mecklenburg, Claus.
- Knappstop, Söfren, konstabel, 197, 367.
- Knudsen, Anders (= Stóri Anddrjes?), 227, 228.
- Knútur Markússon, sjá Markvardsen, Knud.
- Koch, Ole Jensen, prestur, 36.
- Kolden, Arent von, 345, 372.
- Koning, Pjetur, byssuskytta, 209.
- Konráð Íslendingur, 12.
- Korsør, Jens, byssuskytta, 61.
- Kört, Hans, týmeistari, 31, 33.
- Krabbe, Magnús, 126.
- Kringsteds, Maren, 38.
- Kristín Björnsdóttir (Vatnsfjarðar-Kristín), 7.
- Kristín Guðbrandsdóttir biskups, 7, 388.
- Kristín Munk, sjá Munk, Christine.
- Kristín Svala, sjá Svale, Christine.
- Kristín Söfrensóttir, kona Jóns Halldórssonar, 59, 69, 385.
- Kristján IV, konungur, 5, 21, 27, 29, 30, (33), 36, 44—45, 46—53, 55, (58), 60—61, (72), 73, 74, 75, 79—84, (85), 98—99, (102), (106), 107, 109, 110, (111), 123, 124, 155,

¹⁾ Orð sem ekki standa hjer undir K má leita að undir C.

- 156, 158, 159—163, 165, 169—172, 175—181, 183, 187—191, (199—201), 205, 206, 254, (311), 316, 328, 330, 370—372, 378—380, 386, 391, 393, 394, 398, 404.
- Kristján (V.) útvalinn prins, 79—81, 161, (175), 379, 380, 386, 387, 389.
- Kristján, borgari í Khöfn, 29.
- Kristján (áður Catthei), indverskur sveinn, 312.
- Kristján matgjörðarmaður 51.
- Kristján slátrari 44—45.
- Kristján Davíðsson, tollari, 95, 100.
- Kristján Fris, sjá Friis, Chr.
- Kristján Hansson, matreiðslumaður, 209.
- Kristján Jensen, prestur, sjá Jensen.
- Kristján Jóhannsson, byssuskytta, 370.
- Kristján Ross, sjá Ross, Christian.
- Kristján Skammelson, sjá Skammelsen, Chr.
- Kristjánsson, sjá Jóhann.
- Kristófer skradari, byssuskytta, 151.
- Kristófer Bogi, sjá Boye.
- Kristófer Bogi Jónsson Indíafara 403.
- Kristófer Hansson, lautenat, 203.
- Kristófer Milner, (Malari, Møller), sjá Mohlen, Chr. van der.
- Krús, sjá Kruse.
- Kruse, Enevold, landstjóri í Nor-egi, 48.
- Kruse, Enevold (rangl. nefndur Gabríel í sögunni sbr. athugas. bls. 129), kapteinn, 129, 133, 135, 136.
- Kruse, Gabríel, aðmíráll, 129, 177, 178.
- Kruse, Hans, prestur í Helsingjaeyri, 100.
- Kúrlendingar, 121
- Köning, Hans, sjá Cunningham, John.
- Lálik, Láliks, sjá Lollik.
- Lammers, Daníel, kaupmaður, 208—209, 245, 246.
- Lange, Eiríkur, hermaður, 301, 367.
- Lauritz (sjá líka Laurus), bóndi, 149, 154.
- Lauritz, vefarasonur, 72—73.
- Lauritz Brems, sjá Brems, Lauritz.
- Laurits Magnússon, bæjarfógeti, 43.
- Laurits Magnússon, stýrimaður, 107—108.
- Lauritz Símonsson, byssuskytta, 307—308.
- Laurits Steingarð, sjá Steengaaard.
- Lauritzdóttir, sjá Birgitta.
- Lauritzsen, Boye, kaupmaður, 149, 150—151.
- Lauritzson, sjá Níels.
- Laurus (sjá líka Lauritz), skip-herra, 85.
- Laurzon (sbr. Lauritzson), sjá Jens Laurzon.
- Leon Frijs, sjá Friis.
- Libenaer, Jan, kaupmaður, 309.
- Linnertt, skipherra (= Rúbentzíus) 105—106
- Ljenarður, byssuskytta, 333—335.
- Lollik, Pjetur, byssuskytta, 280, 328, 351.
- Lolliks, Katrín, ekkja, 97.
- Losekyl, sjá Lossekull.
- Lossekull, Joost, kaupmaður, 149, (150—151).
- Lund (Lundur), Hans Matthson, munsturskrifari, 96, 98, 150.
- Lynbeck, Baltsar, byssuskytta, 94, 96, 143.
- Mads Davidsen, sjá Davidsen, Mads.
- Mads Rasmussen, sjá Rasmussen, Mads.
- Magnús, stallmeistari, 28—30.
- Magnús Arason, sýslumaður, 54, 390.
- Magnús Jónsson prúði, sýslumaður, 6, 11, 388, 389.
- Magnús Krabbe, sjá Krabbe.
- Magnús Magnússon, sýslumaður, 389, 404—405.

- Magnús Sæmundsson, sýslumaður, 54.
- Magnússon, sjá Ari, Björn, Jón, Þorleifur, Þorsteinn.
- Magnússynir (= synir Magnúsar þrúða) 6; sjá líka Ari, Jón, Þorleifur Magnússon.
- Mahómet, sjá Múhamed.
- Malabarar 274, 284, 289.
- Malcus, bartskeri, 171.
- Mandaus, sjá Mendoza.
- Mandrup Passborg, sjá Parsberg, M.
- Marcus, sjá Markús.
- Margrjet Skotadrotning, dóttir Kristjáns I, 14.
- Margrjet Tudor, Skotadrotning 213.
- María, St., móðir Krists, 79.
- María Stuart, Skotadrotning, 213.
- María, portúgölsk kona, 330.
- Marín Halldórsdóttir 7.
- Marín Kringsteds, sjá Kringsteds, M.
- Marín Pjetursdóttir Skyttu 6, 7.
- Markús undirskipherra, 341.
- Markús Wiblitz, sjá Wiblitz, M.
- Markússon, Kn., sjá Markvardsen, Knud.
- Markvardsen, Knud, borgmeistari, 55.
- Marteinn, bróðir Önnu Holst, 169.
- Marteinn, byssuskytta, 307.
- Marteinn málari 66.
- Marteinn munnsterki, byssuskytta, 61—64.
- Marteinn, þjónn J. Daaes, 104.
- Marteinn Holst, sjá Holst.
- Marteinsson, sjá Jóhann.
- Martinus, sjá Marteinn.
- Matthæus (Rasmussen), Herra, sjá Rasmussen, Mads.
- Matthæus Davíðsson, sjá David-
sen, Mads.
- Matthías (Rasmussen), Herra, sjá Rasmussen, Mads.
- Matthildur, sjá Metta.
- Matthildur, sjá Friis, Mette Har-
denberg.
- Maurus knífsmiður, 45.
- Mecklenburg, Claus, próviant-
meistari, 71.
- Melchior Pjeturson Skyttu, 6, 7,
386 (rangl. nefndur þar Baltazar).
- Mendoza, Juan, víkingur, 27, 28,
102—106, 108.
- Mendoza, Rúben, 28.
- Menelaus, sjá Næstved.
- Metta, kona Söfrens Andrjessonar,
164—166, 170.
- Mette, sjá Friis, Mette Hardenberg.
- Michael, byssuskytta, 52, 81—82,
155.
- Michael, hermaður, 182 (= M.
byssuskytta?).
- Michael, sjómaður, 217.
- Michael (Jónsson), lögrjettumaður
í Færeyjum, 120.
- Michael Norðbaggi, stúdent, 69.
- Michel, sjá Michael.
- Michell, ítalskur listamaður, 76.
- Michelsson, sjá Andrjes, Hans.
- Mikkelsen, Gottfred, týhússkrifari,
150.
- Milner, sjá Mohlen, Chrfr. van der.
- Mills, Thomas, kaupmaður, 309.
- Mogúla Soldánsson, sjá Shah Jehan.
- Mohlen, Christopher van der,
kaupstjóri („rector“) á Dansborg,
203, 260, 303—304, 315, 320—322,
327, 331, 374—375.
- Molúchar 274.
- Mórar = Serkir.
- Mórskir = Serkir.
- Mortensen, Peder, bryti, 208.
- Múhamed, spámaður, 259.
- Muler, Andrjes, ródumeistari, 89
—90.
- Muler, Blasius, bartskeri, 89.
- Munck, sjá Munk.
- Munk, Jens, kapteinn, 125, 126, 176
—177.
- Munk, Christine, kona Kristjáns IV.,
99, 125.
- Mutten, stýrimaður, 356.
- Mönting, Franz, sjómaður, 217.

- Narasimha** (Narasingha), konungur í Bisnagar, 255.
- Nibe**, Söfren, prófoss, 142—146, 150—151, 153—154.
- Nicholaus Helvaderus**, sjá Helvad.
- Nico de Regnate**, sjá Raghunatha.
- Niculás**, Niculásson, sjá Nikulás, Nikulásson.
- Niels** kjallarasveinn 59.
- Niels**, turnvaktari, 146, 153.
- Niels Ákason**, kaupmaður, 54.
- Niels Clemensson**, umboðsmaður í Vestmannaeyjum, 400—401.
- Niels Damsgarður**, sjá Damsgaard, Niels.
- Niels Dreyer**, sjá Dreyer.
- Niels Fris**, sjá Friis.
- Niels Gertzson**, sjá Gerdtzen.
- Niels Henningsen** 180.
- Niels Jensson**, assistent, 209.
- Niels Lauritzson**, prófoss, 209.
- Niels Skoster**, sjá Skoster.
- Nielsen**, Boye, kaupmaður, 396.
- Nielsen**, Henning (rangl. nefndur Henning Henningsson), 180.
- Nielsen**, Thord, sjómaður, 219.
- Nielsson**, sjá Andrjes, Jakob, Pjetur, Söfren.
- Nikulás**, prestur, sjá Aalborg, N. M.
- Nikulásson**, sjá Thómas.
- Nold**, Margrjet Gjedde, kona Th. Nolds, 96.
- Nold**, Thomas, höfuðsmaður á Krónborgarkastala, 96—97, 98.
- Norðbaggi**, sjá Michael.
- Norðmenn** 14, 116.
- Norðurálfumenn** 292.
- Norskir** = Norðmenn.
- Nýkauping**, sjá Nykøbing.
- Nykøbing**, Jakob, byssuskytta, 142.
- Næstved**, Menelaus Poulsen, prestur, 35—36.
- Odds dóttir**, sjá Guðrún.
- Oddur Jónsson** digri 7.
- Ólafsdóttir**, sjá Ingibjörg, Randiður, Þóra.
- Ólafsson**, sjá Andrjes, Jón, Halldór.
- Ólafur**, bóndi í Færeijum, 121.
- Ólafur**, hermaður, 64 - 65.
- Ólafur Egilsson**, pr. í Vestmannaeyjum, 390.
- Ólafur Jónsson**, faðir Jóns Indíafara, 5.
- Ólafur Jónsson Indíafara**, 385, 386, 405.
- Ólafur Jónsson**, pr. á Stað, sjá Ólafur Sveinsson.
- Ólaf(ur) Kock**, sjá Koch, Ole Jensen.
- Ólafur Sveinsson** 6.
- Ólafur Sveinsson**, prestur á Stað í Súgandafirði, 390, 399 (blandað saman við Sira Ólaf Jónsson ranglega í sumum hdr. 390).
- Ólafur Vismar**, sjá Wismar, Ólafur.
- Ólöf Jónsdóttir**, kona Magnúsar Magnússonar sýslum., 389.
- Ólöf Þorsteinsdóttir**, móðir J. Ind. 5, 6, 7, 133.
- Ormur Stórolfsson**, 172.
- Overbury**, Sir John, 27.
- Páll Árnason**, fyrirlíði, 331, 335—336.
- Páll Sveinsson**, bartskeri, 34.
- Páll Vídalín**, lögmáður, 7.
- Pálmatóki**, 181.
- Pálsdóttir**, sjá Þorkatla.
- Pálsson**, sjá Ívar.
- pariar** 274, 288—289.
- Parsberg**, Anna Brahe, 85—87.
- Parsberg**, Manderup, ráðherra, 85—87.
- Parsborg**, sjá Parsberg.
- Pedersen**, Lauritz, bryti, 208.
- Pedersen**, Peder, sjá Van Bergen.
- Pedersen**, Söfren, prestur, 40—42.
- Philippus**, sjá Filippus Sigmundur.
- Pilleiyar** = Ganesha.
- Piper**, Jens, hermaður, 193.
- Pjetur**, bartskeri, 171.
- Pjetur**, skipherra, 174.
- Pjetur**, stúdent, 38.
- Pjetur**, stýrimaður, 211.
- Pjetur Alchmar**, sjá Alkmar.

- Pjetur Andrjesson, skipherra, 209, 377.
- Pjetur Arndal, sjá Arendal.
- Pjetur Drageyri, sjá Drager, P.
- Pjetur Jansson, sjómaður, 224.
- Pjetur Falk (Fálki), sjá Falk.
- Pjetur Franzson, bryti, 209, 349, 355, 360, 367, 369, 370.
- Pjetur Hansson, skipherra, 177, 181—183.
- Pjetur Jensson, byssuskytta, 316.
- Pjetur Koning, sjá Koning.
- Pjetur Nielsson, byssuskytta, 182.
- Pjetur Nielsson, skipherra, 109, 111.
- Pjetur Róð, sjá Róð.
- Pjetur Skytta (Schytt) Kláússon (eða Trúlsson), hirðstjóri, 6, 7, 386.
- Pjetur Snur, sjá Snur, Pjetur.
- Pjetur Stot, sjá Stot.
- Pjetursdóttir, sjá Guðrún, Marín.
- Pjetursson, sjá Hannes, Jakob, Melchior.
- Portogalskir = Portúgalsmenn.
- Portúgalsmenn, 188, 195, 226, 227, 249, 255, 274, 303, 348.
- Poulsen, Iver, borgmeistari, 54—55.
- Presbyter Johannes, sjá Jón Prestur.
- Prest John = Jón Prestur.
- Preto Johann = Jón Prestur.
- Pricker, Ernst Gerritsen, kapteinn, 260—263, 302—304.
- Prægier = paríar.
- Pýþagoras spekingur 272.
- Raghunatha konungur í Tandsjúr, 197—202, 272—275, 320—321, 328, 332—334, 337.
- Ragnheiður Pjetursdóttir, (R. á rauðum sokkum) 6.
- Rama, guðsheiti, 277—278.
- Rambandra, konungsson, 272—273, 275.
- Randers, Thómas, byssuskytta, 92.
- Randiður Ólafsdóttir, mágkona J. Ól., 8, 390, 399.
- Randulf, Peter Andersen, borgmeistari, 54—56.
- Rantzau, Cai, slotsherra, 147, 160, 161, 165.
- Rasmus, bátsmaður, 51.
- Rasmus, könnusteypari, 31.
- Rasmus Hansson, byssuskytta, 56.
- Rasmus Rúss, sjá Rúss.
- Rasmus Söfrensson, farmaður, 164.
- Rasmus Winter, sjá Winter, R.
- Rasmussen, Mads, prestur, 194, 195, 330, 341, 343, 345, 346, 347, 351, 354, 364, 370.
- Resen, Hans, Sjálandsbiskup, 36, 235.
- Róbert, hafnsögumaður, 363—364.
- Róð, Pjetur, byssuskytta, 142, 143, 151.
- Rollant Crappe, sjá Crappé.
- Rosenkranz, Holger, kapteinn, síðar höfuðsmaður, 109, 112, 127, 341, (379—380), 387—389, 393—398.
- Rosenvinge, Sten Villumsen, aðmíráll, 157, 184—185.
- Ross, Christian, skipherra, 28.
- Roude, Jakob, byssuskytta, 217.
- Rúben, sjómaður, 15.
- Rúben Mandaus, sjá Mendoza, Rúben.
- Rúbentzius, skipherra (= Linnertt), 105—106.
- Rúss, Rasmus, konstabelsmæti, 125.
- Rússar 109, 113, 258.
- Rýskir = Rússar.
- Sál konungur, 163.
- Salómon, byssuskytta, 300, 314, 333.
- Samúel, ítalskur listamaður, 74, 75.
- Sand, Augustinus, prestur í Helsingjaeyri, 100.
- Sandvík, Anders, byssuskytta, 62.
- Schwenke, Christoffer, týmeistari, 145, 150, 152—153, 157, 161, 163, 164.
- Schytt, sjá Pjetur Skytta.
- Selingar (= Chelingar) 274.
- Senerata, Ceylonskeisari, 187—188, 194—196, 254—255.
- Serkir 274, 296, 336.

- Sesselja, mágkona Th. Nolds, 96.
 Shah Jehan (Sultan Kharram),
 stórmógúll (1627—1658), 309—
 310.
 Shíva, guðsheiti, 277.
 Sigmundur Egilsson, prestur, 7, 8.
 Símon Jóhannsson, sjá Johansen,
 Simon.
 Símonsson, sjá Lauritz, Sveinn.
 Sivile, þjónn Jóns Ólafssonar, (=
 Djivilej ?) 302—304, 312.
 Sixtus Jakobsson, sjá Jacobsen, S.
 Skammelsen, Chr., vintappari, 50.
 Skeel, Albert, ríkisaðmírall, 48—50.
 Skeggi Gunnlaugsson, bóndi, 9, 10.
 Skoster, Niels, konstabel, 125, 209.
 Skotar 14.
 Skúlason, sjá Guðmundur, Þor-
 lákur.
 Skytta, sjá Pjetur Skytta.
 Smith, Henrik, rithöfundur, 175.
 Snur, Pjetur, byssuskytta, 72—73.
 Solveig Þorleifsdóttir 7.
 Somersset lávarður 27.
 Sophía, drottning Friðriks II., 37.
 Spánverjar 119, 226, 237, 348.
 Spanskir = Spánverjar.
 Steinn Vilhjálmsen, sjá Rosen-
 vinge.
 Steinunn Guðbrandsdóttir 7.
 Stefán Andrjesson, byssuskytta,
 307—308.
 Stephanus, sjá Søfrensen, Steffen.
 Stengaard, Lauritz, undirprófoss,
 173—174.
 Stórólfsen, sjá Ormur.
 Stot, Peitter Henrichsen, kaup-
 maður, 208—209.
 Strafford, Thomas Wentworth,
 jarl af, 371.
 Stygge, Enevold, kapteinn, 104.
 Suami (= suamin), guðsheiti, 277
 —278.
 Suan, sjá Jóhannes Suan.
 Sunderborg, sjá Sønderborg.
 Svale, Christine, húsmóðir Jóns
 Indíafara, 174—175, 185, 205.
 Svale, Ermegaard, kona Steffen
 Sørensens, 174, 205.
 Svale, Verner Bertelsen, lands-
 dómari, 174.
 Svartsson, sjá Þorkell.
 Sveinn, borgari í Khöfn, 65.
 Sveinn skánski, hermaður, 96—97.
 Sveinn Símonarson, pr. í Holti,
 6, 34.
 Sveinsson, sjá Brynjólfur, Jón.
 Ólafur, Páll, Þórður.
 Svenke, sjá Schwenke.
 Sæmundsson, sjá Magnús.
 Sæmundur Árnason, sýslumaður,
 390.
 Sæmund[ur] Kock, sjá Cock, Simon.
 Søderward, Hermann Rygaardsen,
 konstabelsmæti, 208, 209, 249,
 324—325.
 Søfren Andrjesson, byssuskytta,
 164.
 Söfren Gedling, sjá Gedling, Söfren.
 Söfren Harebó, sjá Harbó.
 Söfren Knappstop, sjá Knappstop.
 Söfren Nielson, assistent, 231.
 Söfren (Nibe) prófoss, sjá Nibe.
 Söfren (Pedersen?), prestur 40—42.
 Söfren Villatsson skráddari 159,
 381, 383, 387.
 Söfren Trafñ, sjá Trafñ, S.
 Söfrendóttir, sjá Kristín.
 Söfrensen, Anders, kokkur, 208.
 Söfrensen, Steffen, kapteinn, 174,
 205.
 Sønderborg, Hans Naunesen(!),
 bartskeri, 298—209.
 Tameran (= tamburän), guðsheiti,
 277—278.
 Temperentzia, kona Hieronymusar
 bókhaldara 192, 310, 335.
 Temperenz (Twidd), sjá Twidd,
 Temperence.
 Therkelsen, Hans, kaupmaður, 149.
 Thómas Græ, sjá Gray.
 Thómas Niculásson, fógæti, 404—
 405.
 Thómas Nold, sjá Nold.

- Thómas (Jensen?), sjá Jensen, Th.
 Thómas Randers, sjá Randers.
 Thómas Tvidd, sjá Twidd, Thomas.
 Thómas Þórðarson, prestur á Stað, 11.
 Thorkelsson, sjá Therkelsen.
 Tille, sjá Tilly.
 Tilly, hershöfðingi, 381.
 Tobrich, Hans, ródumeistari, 88, 94–97.
 Torfi Snæbjörnsson, prestur, 403.
 Trafn, Söfren, vaktmeistari, 37, 67–69.
 Tril = Trille.
 Trille, kapteinn, 391–394, 397–398.
 Trüels, kaupmaður, 12.
 Tryl = Trille.
 Tvidd, sjá Twidd.
 Twidd, Bersabe, 18, 20, 21, 22.
 Twidd, Michael, 21.
 Twidd, Temperence, 18, 20, 21.
 Twidd, Thomas, gestgjafi, 17–18, 20, 21.
 Tyli = Tilly.
 Tyrkir, 223, 258, 259, 272, 359, 390, 391, 394–399.
 Uldrich, sjá Úlrik.
 Ulfeldt, Jakob, kanslari, 160–162.
 Úlrik, hertogi og biskup, bróðir Kr. IV., 79–81.
 Úlrik, prins, sonur Kr. IV., 79–81, 161, 175.
 Van Bergen, Pjetur, byssuskytta, 224, 225, 264, 305.
 Vatnsfjarðar-Kristín, sjá Kristín Björnsdóttir.
 Vestföling, Hans, smiður, 162.
 Vibe, Michel, borgmeistari, 54–55.
 Wibnitz, M. jurtagarðsmeistari, 53.
 Vidalín, sjá Arngrímur, Jón, Páll, Þorkell.
 Vigfús Gíslason, sýslumaður, 400–401.
 Vilhelm hafnsögumaður 363–364 (= John Griffin?).
 Vilhelm Giæer, sjá Gayer.
 Vilhelm Græ, sjá Gray, W.
 Vilhelm Hundten, sjá Hundten.
 Vilhjálmur bartskeri 329, 341–343, 367.
 Vilhjálmur Hundten, sjá Hundten.
 Vind, Henrich, aðmiráll, 126–127, 131, 133–139.
 Vind, Jörgen, 126.
 Vinsentzius bátmeistari, 12–15.
 Winter, Rasmus, arkelímeistari, 109.
 Viseer, sjá Wismar.
 Vishnu, guðsheiti, 277.
 Wismar, Ólafur, kapteinn, 330, 335–336.
 Zacharías, turnsmiður, 159–160.
 Þjóðverjar 288, 381.
 Þóra Ólafsdóttir, systir Jóns Indíafara, 7, 9.
 Þorbjörg Einarsdóttir, síðari kona Jóns Ólafssonar, 403, 405–406.
 Þorbjörg Þorsteinsdóttir, stjúp-dóttir J. Ól., 405.
 Þórðarson, sjá Gísli, Thómas.
 Þórður, Norðmaður, 121.
 Þórður, timburmaður, 219, 236.
 Þórður Sveinsson 6.
 Þorgrímur Jónsson 5.
 Þorkatla Pálsdóttir 8.
 Þorkell snikkari, byssuskytta, 82.
 Þorkell Arngrímsson Vídalín, prestur, 7.
 Þorkell Gamblason, ráðsmaður 33, 145.
 Þorkell Svartsson, bóndi á Tröð, 402.
 Þorkelsson, sjá Þorlákur.
 Þorlákur Skúlason, biskup, 7, 387.
 Þorlákur Þorkelsson, stúdent, síðar prestur, 33, 35, 50, 59, 145.
 Þorleifur Magnússon, sýslumaður, 388, 400.
 Þorsteinn Magnússon, sýslumaður, 140–142, 147, (149–53).
 Þorsteinn Sveinsson 6.
 Þorsteinsdóttir, sjá Ólöf, Þorbjörg.
 Þórunn Bjarna(r)dóttir 6, 34.

B. Staðanöfn.

- Abissini, sjá Abyssinia.
 Abrolhos 226.
 Abyssinia (Abissini) 244.
 Aðalvíkurjarðir 403—405.
 Admiranteseyjarnar 253.
 Afrika 192, 217, 222, 224, 226, 227,
 233, 243, 244, 249, 253, 257, 258,
 298, 347, 357.
 Akureyri 149.
 Álfafjarðarjarðir 403—405.
 Álfafjörður 5, 10, 11, 13, 120, 133,
 305, 388, 389, 390, 399, 401—405.
 Algeir 222, 258.
 Alkmaar 208.
 Amakarland, sjá Amakur.
 Amakur (Amager) 53, 54.
 Amapettah 332.
 Ambroul, sjá Abrolhos.
 Ameríka 214.
 Amsturdam (Amsterdam) 222, 349.
 Anabon, sjá Annobon.
 Anatoli 258.
 Anholt 181.
 Anjouan (Ansvan) 251.
 Annobon 192, 227.
 Antiochia 259.
 Antvorskov 85.
 Arabía 243, 258—259, 296.
 Arabía Grýtta 259.
 Arakan 257.
 Araran = Arakan.
 Archangel, sjá Archangelsk.
 Archangelsk 27, 217.
 Armenía litla 258, 259.
 Armenía stóra 258.
 Arnardalur 392—394.
 Arnarfjörður, 133.
 Arnarnes 214, 392.
 Árnes í Trjeykylisvík 11.
 Ascension 360.
 Asía 103, 113, 187, 243, 257, 258, 259.
 Ava 257.
 Ave = Ava.
 Asoris, sjá Azoreyjarnar.
 Atlas 243.
 Austfirðir 390, 391, 394.
 Austindien, sjá Indland.
 Austurey 120.
 Austursjórinn, sjá Eystrasalt.
 Azoreyjarnar 224, 226.
 Bachian 256.
 Back van Ra, sjá Bókn.
 Bacom (= Pagan?) 257.
 Banda 258.
 Bandan (= Bandaeyjarnar) 256.
 Bandora 255.
 Bantam 256.
 Barbaríð, sjá Tyrkíríð.
 Barðastrandasýsla 54, 388.
 Barlengaeyjar, sjá Berlengaeyjar.
 Barlis, sjá Berlengaeyjar.
 Baskalönd 124, 212.
 Bassein (Baçaim) 255.
 Bay van Sardanien = Saldanha-
 flóinn.
 Bazuinum = Bassein.
 Belle Isle 216.
 Bengal (Bengalaland) 256, 257, 308,
 337.
 Bengala, borg, 256.
 Bergen, sjá Björgvin.
 Bergen-op-Zoom 225.
 Berlengaeyjar (= Barlis) 216, 221.
 Bessastaðir 387, 388, 389, 393, 395
 —397, 404—405.
 Bethlehem 259.
 Betsau (= Bützow) 79, 80.
 Bhamo 257.
 Bisnagar = Vijayanagar.
 Bjarmaland 126.
 Björgvin 36, 176, 178, 179—181,
 225, Garpabryggjan 179, 181.
 Bláland 192.
 Blálandshaf 226.
 Bókn við Fanefjörð í Noregi 178
 —179.
 Bókn við Stafangur 179.
 Bordon, sjá Kullen.
 Borgarfjörður 34, 140 (Bfj.-sýsla), 394.
 Borneo (ey) 256.

- Borneo(borg) = Brunei 256.
 Brama = Bhama.
 Brasilía 222, 226.
 Breiðabólstaður í Vesturhópi 6.
 Breiðafjörður 391.
 Bremen 79.
 Bretagne 216.
 Brimar, sjá Bremen.
 Brunei 256.
 Buðlungavík 390.
 Buk van Raa, sjá Bókn við Fane-
 fjörð.
 Buk van See, sjá Bókn við Staf-
 angur.
 Bungo 256.
 Búskaia, sjá Baskalönd.
 Bützow 79.
 Bær á Rauðasandi 388.
 Cabo Verde, sjá Grænhöfði¹.
 Cadz = Jerúsalem.
 Calais 212.
 Calananfjörður, sjá Sölmundar-
 fjörður og Kaldbaksfjörður.
 Calicut 255, 257.
 Calis, sjá Calais.
 Cambaia = Cambay.
 Cambay (Khambhat) 255, 257.
 Campaia = Cambay.
 Campenel = Champanir.
 Cana 259.
 Canacor 255.
 Cananore 255.
 Canarisku Eylönd, sjá Kanarí-
 eyjarnar.
 Canton 260.
 Cap Bajador 226.
 Cap Bona Sperantia, sjá Góðrar-
 vonarhöfði.
 Cap de Ferda, sjá Grænhöfði.
 Cap Leo, sjá Cap Lopez.
 Cap Lo Consalvie, sjá Cap Lopez.
 Cap Lopez 194.
 Cap Nord (Norðcaput, Knöskanes)
 117, 118, 125.
 Capernaum 259.
 Capoverde, sjá Grænhöfði.
 Capoverdisku Eylönd, sjá Græn-
 höfðaeyjar.
 Cappadocia 258, 259.
 Caput de..., sjá Cap.
 Caramino 259.
 Carical 198, 200, 202, 297.
 Carmandel, sjá Coromandelströnd-
 in.
 Caspiska hafið, sjá Kaspiahaf.
 Cathay 259.
 Ceylon 187—189, 194—197, 254,
 255, 256, 258, 292.
 Champanir 255.
 Chandernagor 256.
 Chatigam (= Chandernagor?) 256.
 China = Kína.
 Chrim, sjá Krím.
 Cilicia 258.
 Coccin = Cochin (Kachhi).
 Cochin 255, 332.
 Coleroon = Cularun.
 Colombo 187.
 Colmucki 187, 256.
 Comorisku eyjarnar 251.
 Cork 370—371.
 Coromandelströndin 197, 198, 255,
 256, 311.
 Corvo 224, 226.
 Cost van Carmandel, sjá Coro-
 mandelströndin.
 Cotzína = Cochin.
 Covo, sjá Corvo.
 Cranganor 255.
 Culan = Kayan Kulam.
 Cularunfjötöð 338.
 Cyprus (Cypren) 259.
 Daðastaðir 389—390.
 Daman[um] 255.
 Damascus 259.
 Danmörk 5, 14, 16, 28, 29, 31, 33,
 49, 79, 84, 85, 92, 97, 102, 108,
 111, 117, 123, 124, 126, 128, 131,
 135, 188, 191, 192, 195—197, 199
 —201, 204, 206, 217, 235, 243, 260,

¹) Orð sem ekki finnast hjer undir C má leita að undir K.

- 263, 264, 265, 266, 269, 300, 309, 312, 324, 331, 337, 366, 372, 373, 379, 381, 386, 391.
- Dansborg 176, 197, 202, 255, 256, 260, 263, 268—270, 280—283, 296, 305, 360, 311, 320—327, 338—339, 342—343, 345; sjá líka Tranquebar.
- Dansken, sjá Danzig.
- Danzig 100.
- Dekan 197.
- Delhi 257.
- Delli = Delhi.
- Diu (Dium) 255.
- Djakakarta, sjá Djakatra.
- Djakatra, 315.
- Djúpavogur 391, 397.
- Dofurinn, sjá Dover.
- Don 258.
- Dover 212.
- Drageyri (Dragor) 47.
- Drake's Island 213.
- Dvergasteinn 9, 402.
- Dvergasteinshlíð 9.
- Dýrafjarðarþing 8.
- Egyptaland 243, 258, 272, 294, 296.
- Egyptska haf 258.
- Ellefu þúsund eyjar, sjá Admiranteseyjarnar.
- England 12, 13, 14, 15, 16, 21, 27, 49, 100, 102, 130, 131, 174, 192, 211, 212, 213, 214, 215, 221, 223, 264, 358, 361, 362, 368, 372, 389, 391, 394, 398, 399.
- Ermarsund (La Manche) 212.
- Evrópa 113, 188, 224, 243, 257, 269.
- Eyjafljöll 119.
- Eyjafljörður 49, 69.
- Eyjasandur 401.
- Eyrarbakki 155.
- Eyrardalur við Álftafjörð 9, 400—405.
- Eyrarkirkjusókn 5.
- Eyrarsund 47, 48, 53, 91, 98, 99, 100, 107, 110, 125, 183, 208, 210, 211, 330, 387.
- Eyri í Skutilsfirði 7, 8.
- Eyri við Seyðisfjörð 389, 399, 402.
- Eystrasalt 99.
- Faial, sjá Fayal.
- Falstur 37.
- Famagusta 259.
- Fayal 224.
- Filipseyjar 257.
- Finnmörk 109, 115, 117, 118, 126.
- Fjarðará 9.
- Fjónn 174.
- Flamsku eyhlönd, sjá Azoreyjar.
- Flekkerey 48, 50, 102, 107, 109, 204, 211.
- Flekkfjörður í Noregi 29, 138.
- Flensborg 232, 234, 237.
- Flores 224, 226.
- Floris, sjá Flores.
- Frakkland 16, 124, 211, 212, 362, 391.
- Frankaríki, sjá Frakkland.
- Frans = Frakkland.
- Frederiksborg 44, 74, 75, 155, 170, 183.
- Frideriksborg, sjá Frederiksborg.
- Færeyjar 14, 102, 119, 120, 121, 122.
- Galilea 259.
- Gallicia 259.
- Gallogrecia 259.
- Gaur (Gauro) 256.
- Gaza 259.
- Gibraltarsundið, sjá Njörðasund.
- Góðdrarvonarhöfði 233, 237, 244, 245, 347.
- Graciosa 224.
- Grafsund, sjá Gravesend.
- Gravesend 22, 26, 28, 29.
- Gregoria, sjá Graciosa.
- Grindavík 390, 391, 394, 397.
- Grýtta Arabía, sjá Arabía Grýtta.
- Grænhöfðaeyjar 226—227.
- Grænhöfði 192, 227.
- Grænland, sjá Spitzbergen.
- Guineaflóinn 192.
- Guzarath 255.
- Hafnarfjörður 119, 395.
- Halland 52, 98, 107, 181, 182, 211.
- Halmstaður 98.
- Hálogaland 115, 117, 126, 378.

Hamborg 7, 54, 117, 211, 286.
 Hammermölle 99.
 Hang-tschou 260.
 Hanton, sjá Plymouth.
 Harits = Harwich.
 Harwich 16, 21, 23.
 Hattardalur 8, meiri 402.
 Hedsjas 259.
 Hekla 243.
 Hellebæk 99.
 Helsingjaborg 53, 90, 91, 203.
 Helsingjaeyri 53, 91, 95, 97, 99,
 100, 107, 159, 183, 189, 260, 387.
 Mariukirkja 100, St. Ólafskirkja
 100, sbr. líka Krónborg.
 Hitardalur 34.
 Hjaltland 14, 138.
 Hlíðarendi 388, 400.
 Hljeseý 181.
 Hofsóðs 149.
 Hólar 33, 34, 50, 59, 121.
 Hóll í Buðlungavík 390.
 Holland 16, 100, 102, 137, 183, 188,
 203, 206, 211, 217, 225, 260, 264,
 310, 366, 373, 383.
 Hölmurinn (= Reykjavík) 395.
 Holsten, Holstein, sjá Holtseta-
 land
 Holt í Önundarfirði 6, 34.
 Holtsetaland 31, 41, 54, 69, 166,
 169, 209, 372, 373, 386.
 Horn við Hornafjörð 14.
 Húsavík 119, 316.
 Hvidovre 33.
 Hvíta hafði 27, 102, 103, 110, 113.
 Hvoll í Rangárvallasýslu 401.
 Hæðin, sjá Ermarsund.
 Höfðaströnd 389.
 Ibstrup 170—171.
 Idúmea 259.
 India extra Gangem 256, sbr. Ind-
 land.
 India intra Gangem 255, sbr. Ind-
 land.
 Indien, sjá Indland.
 Indland 27, 72, 103, 176, 177, 183
 —185, 187—188, 190, 192, 195—

197, 205, 214, 216, 227, 230, 231,
 232, 255, 256, 257, 258, 261, 265,
 277, 288, 291, 294, 296, 300, 305,
 316, 324, 325, 329, 330, 331, 337,
 347, 351, 354, 359, 367, 377, 378,
 383.
 Landaskifting 255—258; vefn-
 aður og smíðar 270; notkun
 pálmatrjáanna 271—272; 274; must-
 steri 276—277, 280, 281; átrún-
 aður 277—285; dansmeyjar
 („kirkjuhóru“) 279, 283; lík-
 brennsla 286—290; mál (tamíl)
 291; refsingar 290—292; verslun
 og afurðir 292—294, iðnaður og
 smíðar 294; skip 296; vopn 297;
 fiskiveiðar 297; hjónaband 318;
 útrekstur óhreinna anda 319—
 320.
 Indlandshaf 243, 258.
 Ingveldarstaðir 389—390.
 Ipsits, sjá Ipswich.
 Ipswich 20.
 Írland 214, 222, 315, 362—364, 366,
 367, 368, 370—373, 377, 378, 383,
 387.
 Ísafjardardjúp 12, 54, 133, 208, 214,
 388, 392.
 Ísafjardarprófastsdæmi 6.
 Ísafjardarsýsla 5, 389, 392, 397,
 403—404.
 Ísafjörður = Ísafjardardjúp.
 Íshafið, sjá Norðurishafið.
 Ísland 15, (17), (24), 27, 34, 50, 70,
 118, 120, 132, 137, 140, 214, 252,
 264, 305, 361, 379, 380—384, 386
 —388, 390—391, 398, 399, 405.
 Ítalía 74, 76, 245.
 Jackitra, sjá Djakatra.
 Jakatra, sjá Djakatra.
 Japan 256.
 Jarmód, sjá Yarmouth.
 Java 256, 258, 315.
 Jericho 259.
 Jerúsalem 55, 259.
 Jóchel, sjá Youghal.
 Jóhel, sjá Youghal.

Joppe 259.
 Jótland 29, 30, 86, 92, 97, 107, 147,
 205, 261, 373, 378, 381, 386.
 Jótlandsskagi 29, 107, 181.
 Júdea 259.
 Jutland = Jótland.
 Jægersborg 170.
 Kaldbaksfjörður¹⁾ 120 (kallaður
 Calaman; eða = Sölmundar-
 fjörður?)
 Kamb(s)nes 402.
 Kanaríeyjarnar 226.
 Kandy 187.
 Kariska hafið 103.
 Kariska sundið, sjá Vaigatsundið.
 Kaspíahaf 113, 114, 258.
 Kaupinhafn, sjá Kaupmannahöfn,
 Kaupmannahöfn 5, 27, 28, 29, 30,
 33, 34, 35, 37, 38, 40, 42, 44, 46,
 50, 53, 54, 55, 66, 75, 77, 78, 79,
 80, 84, 85, 86, 89, 99, 101, 105,
 106, 107, 108, 110, 124, 125, 126,
 140, 156, 159, 169, 170, 179, 180,
 183, 185, 204, 206, 208, 225, 242,
 314, 330, 342, 372, 373, 377, 378,
 380—385, 387, 397.
 Amagertorv 66, 77.
 Amaliegade 208.
 Amalienborg 86
 Austurport (Østerport) 26, 28, 86.
 Austurstræti (Østergade) 63, 66,
 163.
 Bláturn 71, 146—149, 153, 154, 155,
 156, 169.
 Brimarrhólmur (Bremerholm) 30,
 37, 46, 47, 69, 77, 84, 141, 142,
 148, 157, 158, 184.
 Brockenhús-fangelsi 144.
 Friðriksspítali 208.
 Frúarkirkja (Vor Frue Kirke)
 35, 42.
 Gamaltorg (Gammeltorv) 166.
 Gamla Mynt (Gammel mønt) 60.
 Garð-kík-inn (Gaard-kig-ind) 66.
 Gamli hofmeisteragarðurinn 141.

Hábrú (Højbro) 29, 44, 56, 78, 83.
 Heilagsandakirkja 34.
 Holmens Kirke 84, 168.
 Kífunes 53.
 Klæðabúðirnar 45.
 Knippelsbrú 53.
 Leirstæti (Læderstræde) 37.
 Litla Ferjustæti 38.
 Læderstræde 37.
 Lækkerbisknen (= Garð-kík-inn) 66.
 Norðurport (Nørreport) 168.
 Nýbúðir 84.
 Nýkirkjugarður 168.
 Proviantgarðurinn 71, 173.
 Ráðhústurninn 78.
 Rosenborg, Rosenborgargarður
 53.
 St. Nikulásarkirkja 35, 36, 168, 179.
 St. Nikulásarkirkjugarður 36, 39.
 St. Nikulás Kirkjustæti 42.
 St. Pjeturskirkjan 65.
 St. Önnubúi 53, 123, 208.
 Slotið 140, 143, 146, 152, 153,
 163, 169.
 Store Kirkestræde 66.
 Stærra Ferjustæti 165.
 Truncen (fangelsi) 37.
 Týhúsið 31, 33, 56, 71, 96, 150—
 151, 154, 156, 158, 159, 160—
 164, 172, 173, 190—191.
 Vagnmannsstræti (Vognnager-
 gade) 35, 174.
 Vesturport 38, 40, 44, 77.
 Vingarðsstræti (Vingaardsstræ-
 de) 44, 59, 68, 155.
 Þýska kirkjan, sjá St. Pjeturs-
 kirkjan.
 Østergade, sjá Austurstræti.
 Østerport, sjá Austurport.
 Kárseyri sjá (Korsør).
 Kayan Kulam 255.
 Keflavík 395.
 Khambhat = Cambay.
 Kielden, sjá Kildin.
 Kildin 102, 109, 110, 114, 219.

¹⁾ Orð sem ekki standa hjer undir K má leita að undir C.

- Kina 256—260, 296.
 Kioto 256, 257.
 Kirkjuhöfn (á St. Helena?) 348.
 Kiushiu 256.
 Kjósarsýsla 140.
 Knöskanes 117.
 Kola 102.
 Koldinghus 379, 380.
 Koparmylla 99.
 Korsör 38.
 Krín 113.
 Kronborg 31, 87, 88, 90, 91, 92, 99,
 100, 101, 107, 140, 150, 176, 181,
 183, 189, 210, sbr. Helsingjaeyri.
 Kullen (nefndur Bordon) 181.
 Kúrland 96, 113.
 Kvíarmið 392.
 Kvinsborg, sjá Queenborough.
 La Rochelle, 391.
 Láland 37.
 Lambhagi 120.
 Landskróna 209.
 Látrabjarg 391.
 Laugardalur 13.
 Leipzig 381.
 Lessey = Hljesey.
 Liðandisnes 137.
 Lífland 113.
 Lissabon (Lisbon) 224.
 Lithauen (Littav) 113.
 Litla-Asía 258.
 Littav, sjá Lithauen.
 Luconia = Luzon.
 Lundún = Lundúnaborg.
 Lundúnaborg 21—26, 28—29, 212,
 238, 372 Mynd af Lundúnabré
 24—25.
 Lutter am Barenberg 145, 381.
 Luzon 257.
 Lýbeck 100.
 Lybia 244.
 Machian 256.
 Macin 257.
 Madabar 255.
 Madagaskar 245, 251.
 Madras 311.
 Magellansundið 209.
 Magellianum, sjá Magellanssundið.
 Maglö 96.
 Magnopolis 259.
 Malabari (= Malabarströndin) 255,
 332.
 Malala 251.
 Malapuram 355.
 Maliapar 255.
 Malmis 102, 103, 110.
 Malta 223.
 Mandi 257.
 Mandro = Mandi
 Mandsjúrið 259.
 Marazaia 256.
 Margana 256.
 Marokkó 222.
 Masulipatam 308—309.
 Mauritusey 233.
 Mayotha = (Mayotte).
 Mayotsku eyölönd, sjá Comorisku
 eyjarnar.
 Mayotte 251.
 Meacum = Kioto.
 Medína 259.
 Melinta 257.
 Meslapoten = Masulipatam.
 Mesopotomia 258.
 Mið-Ameríka 214.
 Miðfjörður 6, 389.
 Miðjarðarhaf 223, 227, 243? 259.
 Mindanao 257.
 Mirandu 257.
 Mohilla (Mohéli) 251.
 Moluchisku eyölönd = Mólúkka-
 eyjar.
 Mólúkkaeyjar 256, 258, 329.
 Mongólið 259.
 Moritzen, sjá Mauritusey.
 Mörland 244, 294, 309.
 Mörska hafið, sjá Indlandshaf.
 Moscovia, sjá Moskva og Rússland.
 Moskva 111.
 Motir 256.
 Múli í Aðalreykjadal 34.
 Möðruvellir 316.
 Narfeyri 191.
 Narsinga, sjá Vijayanagar.

- Natolía = Anatolí.
 Nazareth 259.
 Negapatam 197, 202, 337.
 Newcastle 15, 16, 18, 19.
 Newfoundland (kallað Torney) 358.
 Newport 212.
 Nichopolin (= Nicopolis) 259.
 Nicopotan, sjá Negapatam.
 Nicosia 259.
 Nigritterland (= Nigritia), sjá Súdan.
 Njörfasund 222, 243.
 Norðcaput, sjá Cap Nord.
 Norðland 125.
 Norðurálfa, sjá Evrópa.
 Norður-Afríka, sjá Afríka.
 Norðurhaf 113.
 Norðurishafið 102, 103, 219.
 Norðurlönd 188.
 Noregur 16, 29, 31, 36, 46, 48, 50, 51, 77, 79, 92, 100, 102, 107, 108, 109, 115, 120, 125, 126, 137, 138, 147, 176, 179, 180, 192, 204, 211, 225, 266, 378, 379, 383.
 Novaja Semlja (kölluð Nova Zemla) 103, 113.
 Numidia 243.
 Nýfundnaland, sjá Newfoundland.
 Nýkastali, sjá Newcastle.
 Nýport, sjá Newport.
 Næstved 35.
 Opsló, sjá Osló.
 Orkneyjar 14.
 Óshlið 13.
 Osló 46, 107, 124.
 Osnabrück 79.
 Pagan 257.
 Palestína 259.
 Pamphilia 258, 259.
 Panay 257.
 Paphos 259.
 Paquin = Peking.
 Patreksfjörður 27.
 Pavoasa 227.
 Pegú 202, 256, 257.
 Peita 332.
 Peking 260.
 Persien = Persland.
 Persland 257–259.
 Philippinesku eyhlönd = Filippseyjar.
 Phoenicia 259.
 Pico 224.
 Pisco, sjá Pico.
 Plemen 213.
 Plymflijótið 213.
 Plymouth 213–215.
 Drakshallir 213, 214, Drakshús 213.
 Plymouth-Sound 213.
 Podolien 113.
 Pomeran, sjá Pommeren.
 Pommern 80.
 Pompejopolis 259.
 Portúgal 216, 224 (kallað Spanía), 300.
 Prestbakki í Hrutafirði 11.
 Proma = Prome.
 Prome 257.
 Pudukota 332.
 Pularom = Cularun.
 Pulicat 311, 315.
 Queenborough 22.
 Quinsay = Hang-tschou.
 Rafuseyri 13.
 Rauðahafið 243, 253, 254, 258.
 Rauðisjör, sjá Rauðahaf.
 Ravellum 255.
 Reykhólar 54, 140.
 Reykholt 34.
 Reykir í Miðfirði 389–390.
 Reykjaströnd 389.
 Rhodos 258, 259.
 Rín 340.
 Rodés = Rhodos.
 Róm, sjá Rómaborg.
 Rómaborg (á Ítalíu) 55.
 Rómaborg við Ísafjarðardjúp 12.
 Rostock 80, 100.
 Ruhr 340.
 Rússía = Rússland.
 Rússland 27, 28, 45, 102, 109, 111, 113, 114, 117, 258.
 Rýssland, sjá Rússland.

- Sakaido 256.
 Saldanhafðinn 233, 347.
 Samaria 259.
 Sanca (= Sanchi?) 257.
 Sanchi 257.
 St. Georgi, sjá São Jorge.
 St. Helena 227, 347—349, 359.
 St. Laurentz, sjá Madagascar.
 St. Michael, sjá São Miguel.
 St. Nicholas 213.
 St. Thómas Eyland 227.
 São Jorge 224.
 São Miguel 224.
 Santa Maria 224.
 Satigam = Satgaon.
 Satgaon 256.
 Sauerland 340.
 Saxen, sjá Saxland.
 Saxland 387.
 Schwerin 79.
 Scillyeyjarnar 361.
 Seila 387, 395, 396—398.
 Seljalandsós 9.
 Sem Ostrovov 103, 110.
 Senegambía 192.
 Seychelleseyjarnar 253.
 Seyðisfjörður 389, 399, 402, 403.
 Shikoku 256.
 Síam 201—202, 256, 257.
 Sían = Síam.
 Sidon 259.
 Sieg 340.
 Sinaifjall 259.
 Sindingahjærað 97.
 Sir Thomas Smith's Bay 126.
 Sjáland 38, 42, 92, 97, 99, 107, 180, 235.
 Sjö Eylönd = Sem Ostrovov.
 Sjörlis, sjá Scillyeyjar.
 Skaftafellssýsla (140). 388.
 Skagi = Jötlandsskagi.
 Skálholt í Biskupstungum 6, 34.
 Skáney 52, 91, 107, 181, 211, 330, 331, 381.
 Skarð á Reykjaströnd 389—390.
 Skelskör 208.
 Skógshöfði (Skovshoved) 208.
 Skotland 14, 100.
 Skutilsfjarðareyri 384, 397, 400.
 Skutilsfjörður 54, 305, 384, 391, 396, 397.
 Skævinge 40.
 Slesía 79.
 Snedinge 97.
 Sníðingahjærað 97.
 Smyrna 258.
 Snæfjallaströnd (kölluð Snæfjöll) 10.
 Snæfjallakirkjusókn = Staður á Snæfjallaströnd.
 Snæfjöll, sjá Snæfjallaströnd og Staður á Snæfjallaströnd.
 Sokotra 253.
 Solofci, sjá Solovetzki.
 Solovetzki 113.
 Spanía = Spánn.
 Spánu 21, 64, 65, 99, 124, 164, 211, 216, 221, 224, 235, 257, 336, 358.
 Spánski sjórinn (Spánska hafið) 192, 222, 358, 366.
 Spisberg, sjá Spitzbergen.
 Spitzbergen (kallað Grænland í sögunni) 49, 124, 126, 135, 316.
 Staður á Snæfjallaströnd 6, 11.
 Staður í Súgandafirði 390, 399.
 Stafangur 179.
 Stóra Tartaria, sjá Tartaria.
 Stralsund 100, 217.
 Strandasýsla 403.
 Stræti, sjá Miðjarðarhaf og Njörfa-sund.
 Súdan 244.
 Súðavík 7, 305, 402.
 Suður-Afrika, sjá Afrika.
 Suðureyjar 14.
 Suðurnes 395.
 Súgandafjörður 390, 399.
 Súmatra 256. 258.
 Sunda 256.
 Sunnlendingafjórðungur 34.
 Surate 255.
 Súrland = Sauerland.
 Svalbarð 6.
 Svarfhóll í Álftafirði 10.
 Svarthamar 5, 9, 133.
 Svíþjóð 38, 98, 100, 113.

Syria = Sýrland.
 Sýrland 258, 259.
 Sæland, sjá Sjáland.
 Sölmundarfjörður(?) 120 (rangn.
 Calaman; eða Kaldbaksfjörður?)
 Tálknafjörður 13.
 Tamarfjótíð 213.
 Tanais = Don 258.
 Tandair 257.
 Tandsjúr (kallað af J. Ól. Travanzour) 195—198, 200—202, 268, 273—276, 290, 320, 321, 328, 332, 333, 337.
 Tangút = Taungu.
 Tanjore, sjá Tandsjúr.
 Tarnasseri 255, sbr. Tenasserim.
 Tarsus 259.
 Tartaría (mikla) 113, 258, 259.
 Taungu 257.
 Tenasserim 202, 256, 263, 264, 302, 305, 324.
 Ternasseri, sjá Tenasserim.
 Terceira 224.
 Tercora, sjá Terceira.
 Ternate 256.
 Terre Neuve, sjá Newfoundland.
 Thómas Smíðs Bæ = Sir Thomas Smiths Bay.
 Tidor 256.
 Tirukkadhavur 285, 323.
 Tonsa = Tosa.
 Torney, sjá Newfoundland.
 Tosa 256.
 Trangobarich, sjá Tranquebar.
 Tranquebar 196, 200, 202, 203, 277, 281, 283, 299, 325—326, 332, 338 (sjá líka Dansborg).
 Travancore 197, 255.
 Travanzour, sjá Tandsjúr.
 Trichlagour = Tirukkadhavur.
 Trikkelore, sjá Tirukkadhavur.
 Trinchlumala, sjá Trinconomali.
 Trincomali, sjá Trinconomali.
 Trinconomali 195, 254.
 Tröð við Álftafjörð 399.
 Tröð við Súðavík 402.
 Túnis 222.

Tyrkjaveldi 258—259.
 Tyrkírí (= Barbarí, Víkingjaríkin á norðurströnd Afríku) 191, 192, 220, 222, 223, 224—225, 233, 243, 350, 359.
 Týrus (Tyro) 259.
 Uppsálir í Seyðisfirði 403.
 Vaigatsj (eyja) 103.
 Vaigatsundið (Veigat, Kariskaundið) 27, 103, 124, 125, 177, 214.
 Vallensbek 330.
 Varberg 48, 52, 181.
 Varðey 109, 110.
 Varðeyjarslot = Vardøhus.
 Vardøhus 109, 115.
 Vatneyri 27.
 Veigat = Vaigatsundið (Kariskaundið).
 Verden 79.
 Vestfirðir 214, 395, 402.
 Vestmannaeyjar 12, 14, 390, 391, 394, 396, 397, 400—402.
 Vesturhaf 222, 244.
 Vestur-Índíalönd 214.
 Vestursjórin 45.
 Wight 192, 212, 217.
 Vigt, sjá Wight.
 Vigur 402.
 Vijayanagar (= Bisnagar og Narsinga) 255—257, 285, 292.
 Volga 114.
 Vordingborg 180.
 Yarmouth 15, 16.
 Youghal (kölluð Jóhel) 363, 365, 366, 368.
 Zocotora, sjá Sokotra.
 Þingeyjarprófastsdæmi 34.
 Þórshöfn 120.
 Þrándheimur 121, 179, 180.
 Þykkvabæjarklaustur 140, 141.
 Þýskaland 16, 45, 211, 372, 381, 386—387.
 Æðey 5.
 Ögur 11, 54, 133, 390, 392—394, 397, 403.
 Ögurþinghá 7, 11.
 Önundarfjörður 10, 11.

PRENTVILLUR.


Bls. IV¹² endur l. endar — 4⁹ embætti l. embættis — 36³¹ slotinu, ásamt l. slotinu ásamt — 47 nmgr. 3 l. 2 — 67¹² passera l. grassera — 72⁵ áttu l. átti — 77^{28—29} farið. Bæði l. farið, bæði — 87⁴ runninu l. runninn — 90²⁷ stríðsmanering l. stríðs manering — 92, neðanmálsg. l. l. Hvert l. Hvort — 95²⁴ málstæki l. máltaeki — 101¹⁸ og l. eg — 115²⁶ stjórnsjó l. stórsjó — 118²² kveðjum l. kærum kveðjum — 121³² skó l. skóm; komman á eftir „vörpum“ ætti að falla burt. — 122³² linhlaupa l. limhlaupa — 124¹⁷ grynninginum l. grynningunum — 125, l. neðanmgr., l. l. hans l. hann — 132²⁰ komman eftir „sinn“ falli burt. — 133¹⁷ skilnaður l. skilnaðar — 135³¹ Ein l. Einn — 136³⁴ lestst l. leskst — 137³⁰ ham l. hann — 138¹⁰ sunna- l. sunnu- — 138²⁶ annara l. annari — 143¹⁷ slippa l. sleppa — 144¹ Petta l. Þetta (brotinn stafur). — 146²⁹ herða l. hegða — 153²⁵ mit l. mitt — 158²⁹ aðfinni l. aðfyndni — 168¹⁰ hvarúti l. hvarúti — 172³⁴ kallist l. kallast — 177⁶ Christofer l. Christofor — 181³⁴ om l. um — 183⁹ Hinn l. Hin — 187¹³ inni l. inni 190⁴ général l. generall — 197³ Dansborg. Þar l. Dansborg, þar — 224 nmgr. 1, 5. línu: þar l. þær — 234²³ láu l. lágu — 263¹³ kastalanum; á l. kastalanum, á — 264²⁰ neðar l. neðan — 266¹⁷ nokkra l. nokkurra — 279²⁵ brameni; gengur l. brameni, gengur — 305¹¹ farsala l. farsæla — 317¹⁰ nokkra l. nokkurra — 322³⁰ stríðsmeun l. stríðsmenn — 323¹⁵ á l. í — 324¹⁷ yfirtók óvinanna l. yfirtók, óvinanna — 325⁹ skutulbróður l. skutulbróðir — 329⁴ farlega l. fárlega — 335³⁶ Þessir l. Þessi — 342³⁶ óslitinna l. slitinna — 347, nmgr. 1, l. 1, Góðar- l. Góðrar- — 365³⁵ afboð l. ofboð — 371⁸ þágum l. þágum, — 371, nmgr. 2, l. 13, virðuglega = virðulegu — 389, nmgr. 1, l. 3, Jarðirnir l. Jarðirnar — 409² 47² l. 47³ — 409³⁴ 88²⁴ l. 88²⁶; kaflanum er sleppt frá greinaskiftunum. — 409³⁸ 94²³ l. 94²² — 410⁵ ósekja l. ósekju — 411¹⁷ heldið l. haldið.


Lesandinn er beðinn að afsaka, að við hreinprentunina hafa brotnað högg ofan af upphafsstöfum sumstaðar.

EFNISYFIRLIT.

Formáli	bls. III—XXXII
Æfisagan	1—406
Orðamunur	407—415
Viðaukar:	
1. Um Pjetur Skyttu og ætt hans	416—417
2. Niðjatal Jóns Ólafssonar Indíafara	418—429
3. Þjóðsögur um Jón Ólafsson Indíafara	429—431
4. Vitnisburður Niels Clemenssonar umboðsmanns í Vest- mannaeyjum	431
5. Athugasemdir	432—439
Registur	440—463

466





Licel.

0426a3

Author Olafsson, Jón (Indíafari)

Title Aefisaga Jóns Ólafssonar Indíafara

DATE.	NAME OF BORROWER.

University of Toronto
Library

DO NOT
REMOVE
THE
CARD
FROM
THIS
POCKET

Acme Library Card Pocket
Under Pat. "Ref. Index File"
Made by LIBRARY BUREAU

